





July 4: s.

A 1V c 66 f 20



FRANCISCI
VALLISII,

Pertinet ad D E Bibliothecam

SACRA PHILOSOPHIA;

SIVE DE IIS, QUÆ IN LIBRIS

L. Traci sacris physicè scripta sunt, *Transsyberin*

LIBER SINGVLARIS;

Cui subiunguntur duo alij, nempe

LEVINI LEMNII *de Plantis sacris;*

E T

FRANCISCI RVEI *de Gemmis;*

EDITIO SEXTA

Correctior, & iuxta Indicem expurgatorium reformat.



LVGDVNI,

**Sumpt. PHILIPPI BORDE, LAURENTII ARNAVD;
& CLAVDII RIGAVD.**

M. D C. LII.

1871

1872

1873

1874

1875



A D
PHILIPPVM II.

Hispaniarum, Indiarum Regem potentissimum, Dominum suum,

FRANCISCVS VALLESIVS
Couarrubianus.



VM tibi me meaque omnia debeam (Rex potentissime,) non possum librum quempiam in lucem emissurus, de ullo alio patrono cogitare. Nam cum me tua Maiestas deterret, ea benignitas, & benivolentia, quam in primis expertus sum, inuitat. Tanto igitur nomini dicatum volo librum de sacra Philosophia. Videbitur certè, estque munusculum tenue, tamen argumentum non indignum, est enim de iis quæ in sacris libris occurrunt, quæ ad Philosophiam pertinent: quo solo nomine quæ tua est in res omnes sacras pietas, recipere non dedignaberis. Pondus meis humeris impar esse scio, tamen conatus tales haudquaquam possunt esse inutiles. Nam si quàm maximè videbor in re

A 2

tanta

4
*tanta parum praestitisse, hac ipsa causa alios
prouocabo, ut in argumento optimo & nouo tra-
ctato tenuiter laborent faelicius. quod etiam mi-
bi debebitur quodammodo, qui quam alij per-
currerent, viam indicauerim. Ergo, Rex poten-
tissime, & bonorum studiorum vnicum prae-
sidium, faue his incaptis, atque, si res exiget,
etiam auctoritate defende.*



PROOE



PROOEMIUM

*De iis, quæ scripta sunt Physicè in libris sacris,
sive de sacra Philosophia.*

QUAM plurima occurrunt in libris sacris ad naturam pertinentia, quæ plerique sic censent accipienda, quasi sanctissimus Dei spiritus, nihil ad naturam pertinens nobis voluerit interpretari; sed omnia ad salutem animarum referens, iuxta humanas sententias Philosophorum, aut etiam vulgarium hominum, proposuerit. Verum Philosophorum plerique, ad quorum manus sacri libri perueverunt, eos legebant velut alia quævis Philosophica monumenta, atque adeò ipsa Iudæorum & Christianorum dogmata, velut singularis cuiusdam scholæ Philosophorum, examinabant, certabantque, de eorum probabilitate conferentes cum alijs dogmatibus, quæ fuerunt innumera. Ego cur seri-
diuina hæc eloquia minimè ad naturæ interpretationem scripta esse à viris Dei amicis, sancto afflatis spiritu, mihi persuado, quia, ut testatù reliquit Ecclesiastes c. i. naturæ arcana noluit Deus reuelare nobis (quod ad vitam æternam obtinendû, quam quis de natura teneat opinionem, indifferens est) *hanc occupationem pessimam, philosophâdi, dedit Deus filiis hominum, ut occuparentur in ea.* Tamen, cum quædam in ipso sermonum ductu rextantur naturalia. ea omnia verissima esse existimo, utpote quæ à summè vero Dei spiritu dictata sint, & ab ipso naturæ authore fluxerint, quæ latere nihil potuit. Velut profectò, contexta sunt in libris quamplurima pertinentia ad historias, quæ & ipsa aliorum spectant, quàm ut antiquiorum facta, & gesta prælia, homines nouerint. Nemo tamen pius, & Catholicæ Ecclesiæ filius, putauerit, vel latum vnguem à veritate deuiare, aut rem aliter ac narretur, gestam esse. Cur non ergo eodem modo censeas de historia naturali? Noluit enim nos Deus naturales rerum causas, & ortus docere, utpote quas nos certò scire, non adeò referat ad æternam salutem: atque ob id de illis ne edisserat, sed cum obiter aliquid attingit, cur nos decipiat? Certè decipi non potest, neque decipere: siquidem summè sapiens, & bonus est. Atqui naturales rerum causas scire, ut non

Sacri libri
cur seri-
pti.

Authoris
edita vo-
lumina.

est ad salutem æternam necessarium, ita neque quidquã lædit. Quapropter, vt neque nobis Deum aperire, ita neque celare fuit necessarium. Ob hæc ego mihi persuadeo, atque omnibus persuasum volo, vt omnem aliam doctrinam, quæ vera sit, ita naturalem, in his diuinis libris contineri, adco, vt disciplinas omnes quamplurimum iuari posse sperem, si doctissimi viri, aliis perlustratis, in eis præcipuè laborent, sua quique tractantes. Nam veterrimi Philosophi, horum lectione sunt plurimum adiuti proinde ego, perfectis iam in omnes Auditorios Aristotelis de Natura, & quamplurimos Hippocratis, & Galeni de re medica, libros, commentariis, quod Deus concesserit vitæ reliquum, statui in his philosophari, cum quoniã nulla alia ratione censeo certi quidpiam de naturalibus haberi posse. tum quia nescio quo modo eorum lectio, etiam historica, aut Physica, animum pietate imbuat latenter. Quare huic lectioni consecrare senectutem, æquum est putare, scripta esse mihi hæcenus Philosophica, ad opinionem, hæc autem scribi ad veritatem. Horum enim author ipse est Deus, qui quoniam totius naturæ est principium & causa, constat interpretationem naturæ non aliunde posse melius incipere, quàm ab ipso. Volo tamen hæc in Dei gloriam potius, quàm mei nominis celebritatem, scripta, atque rei tantæ difficultatem, & humanæ mentis debilitatem agnoscens, testor ante omnia, nihil me in hoc, aut vlllo alio meorum operum asserere, nisi quateus probetur à sancta Romana Ecclesia, penes quam veritas est, & sapientia, quæ, vt dicitur Proverb 9 *misi ancillas suas*, hoc est, naturales scientias, *vt vocarent in arcem*, vt me nunc naturalis Philosophia vocat in arcem, & ciuitatis mœnia, hoc est, lectionem factorum, in quibus tamen ita versabor, vt à Physicis quàm minimùm recedam; mihi enim magnopere probatur illud: *Ne sutor ultra crepidam,*

Authoris
protesta-
tio.

CAPVT PRIMVM GENESEOS.

IN principia creauit Deus cœlum & terram. Terra autem erat inanis & vacua, & tenebra erant super faciem abyssi, & spiritus Domini ferebatur super aquas. Dixitque Deus, fiat lux, & facta est lux. Et vidit Deus lucem quod esset bona, & diuisit lucem à tenebris, appellauitque lucem diem, & tenebras noctem; factumque est vespere & mane dies vnus. Dixit quoque Deus, fiat firmamentum in medio aquarum, & diuidat

diuidat aquas ab aquis. Et fecit Deus firmamentum, diuisitque aquas, qua erant sub firmamento, ab his qua erant super firmamentum. Et factum est ita, vocauitque Deus firmamentum caelum, & factum est vespere & mane dies secundus. Dixit vero Deus, congregentur aquae, quae sub caelo sunt, in locum unum, & appareat arida, & factum est ita. Et vocauit Deus aridam, terram, congregationesque aquarum appellauit maria. Et vidit Deus quod esset bonum, & ait, Germinet terra herbam virentem, & facientem semen, & lignum pomiferum faciens fructum iuxta genus suum, cuius semen in semetipso sit super terram, & factum est ita. Et protulit terra herbam virentem, & facientem semen iuxta genus suum, lignumque faciens fructum, & habens unumquodque sementem secundum speciem suam. Et vidit Deus quod esset bonum, & factum est vespere & mane dies tertius. Dixit autem Deus, fiant luminaria in firmamento caeli, & diuidant diem ac noctem, & sint in signa, & tempora, & dies & annos, ut luceant in firmamento caeli, & illuminent terram, & factum est ita. Fecitque Deus duo luminaria magna: luminare maius, ut praesset diei, & luminare minus, ut praesset nocti, & stellas, & posuit eas Deus in firmamento caeli, ut lucrent super terram & praessent diei ac nocti, & diuiderent lucem a tenebris. Et vidit Deus quod esset bonum, & factum est vespere & mane dies quartus. Dixit etiam Deus, producant aqua reptile anima viuens, & volatile super terram sub firmamento caeli, creauitque Deus cetera grandia, & omnem animam viuentem atque motabilem quam produxerant aqua in species suas, & omne volatile secundum genus suum. Et vidit Deus quod esset bonum, benedixitque eis, dicens: Crescite & multiplicamini, & replete aquas maris, auesque multiplicentur super terram, & factum est vespere & mane dies quintus. Dixit quoque Deus, Producat terra animam viuentem in genere suo, iumenta, & reptilia, & bestias terra, secundum species suas, factumque est ita. Et fecit Deus bestias terra, iuxta species suas, & iumenta, omne reptile terra in genere suo. Et vidit Deus quod esset bonum, & ait: Faciamus hominem ad imaginem, & similitudinem nostram, & prae sit piscibus maris, & volatilibus caeli, & bestia, uniuersaeque terra, omnique reptili, quod mouetur in terra. Et creauit Deus hominem ad imaginem & similitudinem suam: ad imaginem Dei creauit illum, masculum & foeminam creauit eos. Benedixitque illis Deus, & ait: Crescite & multiplicamini, & replete terram, & subiicite eam, & dominamini piscibus maris, & volatilibus caeli, & uniuersis animantibus, quae mouentur super terram. Dixitque Deus: Ecce dedi vobis omnem herbam afferentem semen super terram, & uniuersa ligna quae habent in semetipsis sementem generis sui, ut sint vobis in escam,

*Et cunctis animantibus terra, omnique volucri cali, & universis
quæ mouentur in terra, & in quibus est anima uiuens, ut ha-
beat ad uescendum, & factum est ita. Viditque Deus cuncta quæ
fecerat, & erant valde bona, & factum est uespere & mane dies
sextus.*

Philoso-
phorū de
mundi
exordii
opinio-
nes.

Nihil magis controuertitur inter veteres Philosophos,
quàm sitne corporeus & aspectabilis mundus, principio
temporis carens, fueritque semper qualis nunc esse conspicitur,
itaque semper fuerint hæc Luna, hic Sol, hæc Astra, & aliæ om-
nes mundi partes quæcunque videntur esse incorruptibiles, re-
liquarum verò species, æterna vicissitudine, seruata sint. & nunc
seruentur, an aliquando incœperit, cum aliquando omninò non
extiterit. rursus, an ab aliquo factus incœperit, an per seipsum
casu constituerit. Atqui profectò. optimum id mihi esse videtur
totius Physicæ exordium, si quis velit resolutionem tenere ordi-
nem, qui discentium naturæ magis se accommodat, & petitio-
nibus minùs indiget, quia incipit à postremis. de quibus pri-
mùm omnium naturalitèr contingit dubitare. Nihil autem est,
de quo priùs homines natura dociles, cum primùm ex puerili
ignoratione incipiunt emergere, dubitent, & per seipso dubi-
tando contendant inuestigare, Deo arbitror ita volente, quia
nulla disquisitio citiùs fert in Dei optimi maximi, mundi sci-
licet opificis, cognitionem. Plato & Pythagoras, factum esse
mundum hunc aliquando à Deo censent, atque à nullo alio,
quàm ab ipsomet Deo, à quo factus est, posse ad interitum de-
duci. interituram verò nunquam, sed Dei voluntate perseuera-
turum, ita tamen factum. ut non ex nihilo, sed ex rudi quadam
materia, in qua sine ordine, omnia mundi huius exordia lati-
tauerint, eam verò materiam factam esse nunquam, sed existi-
tisse semper, & aliquando exornatam esse. Aristoteles, ut nul-
lus est futurus interitus mundi, ita nullum fuisse temporalem
mundi ortum, sed æternam quandam à prima causa emana-
tionem, & dependentiam. Epicurus, cœpisse mundum, interi-
turumque rursus, atque verumque sæpe. fortuitò. nunc coeun-
tibus aptè, nunc discedentibus corpusculis. Anaxagoras, teme-
rario etiam congressu, sæpè dissolutis quæ ineptè coierant, ali-
quando aptè coniuncta esse corpuscula homogenea, bonasque
rerum formas non amplius dissolui, sed successiua generatione
æternùm seruari. Deus optimus maximus, in initio eorum,
quos per eos, quos elegit in Prophetas, ad homines habuit ser-
mones, nobis reuelat mundum hunc à se factum esse, neque
extitisse

De mundi
ortu Phi-
losoph.
sententia.

Mundi
perpetua
emanatio.

extitisse semper, ut piis iam hominibus dubitandi nullus reli-
 ctus locus sit. Ut verò naturalis etiam Philosophia & ipsa per
 sese humana mens, ad contemplandam Dei veritatem, suam
 exiguam conferat suppellectilem, enitendum nobis est eorum
 quæ in his libris videbuntur, ad eam, aliqua ex parte, pertinere,
 naturales inuenire rationes. Præstabo quod potero, certò scēis,
 id ipsum, quantumcumque erit, ab ipso esse Deo. Sententia Pla-
 tonis hoc solùm dissidet à veritate, quòd ponit materiam æter-
 nam, à qua sit factus mundus temporalis. Cætera enim omnia
 vera sunt, & rationi congruentia, mundum scilicet hunc factum
 esse à Deo, ac proinde à nulla alia causa dissolui posse, quàm
 ab ipso Deo: ab eo verò posse, ut factus est, corrumpi. Plato di-
 cit dissolui in ea, ex quibus est compactus; nos verò dicimus
 posse à Deo in nihilum deduci, ut ex nihilo est factus. Itaque
in principio, id est, cùm nondum vllum fuisset tempus, neque
 vlla rerum corporearum extitisset, *Deus*, hoc est, prima causa,
 æterna, & immutabilis *fecit ex nihilo cælum, & terram*, hoc est,
 totum hunc mundi aspectabilis, & corporalis orbem, qui etiam
 in nihilū redaci ab eodem Deo posset, seruabitur verò in æter-
 num, eadem bonitate, qua factus est. Verùm quandoquidem
 multas continet assertiones propositus sermo, satius est sigilla-
 tim disputentur. Mundum hunc non esse ab æterno, sed incœ-
 pisse aliquando, constare videtur posse. Nam eius sunt partes
 duplices (de solis agitur hîc corporibus, ne de insensibilibus dis-
 putatio incertas reddat demonstrationes) quædam natura incor-
 ruptibiles, quæque eodem numero persistunt, ut cœlestia cor-
 pora: quædam corruptibiles & quæ similiū successionē seruan-
 tur alioqui defecturæ, ut homines, equi, arbores, ac denique om-
 nia, quæ intra cælum oriuntur. Res corruptibiles non possunt
 ab æterno esse; sunt verò necessariae mundi partes: ergo neque
 mundus omninò potest ab æterno esse. Propositio indicatur,
 quia res corruptibiles seruantur multitudine singulariū ordine
 succedentium; multitudo verò non potest esse infinita actu, sed
 potentia, non potest ergo ea successio ab æterno venire, (possit
 verò si Deus velit in æternum abire,) nam nullum corruptibile
 potest durare, nisi tempus finitum: ex finitis verò numero, &
 magnitudine, non potest constare nisi finitum: tempus verò ab
 æterno veniens, necessariò fuisset infinitum. Ergo necesse esset,
 quodcunque corruptibile venire ab infinitis numero similibus;
 fuisset igitur infinitus numerus singularium, numerum verò
 infinitum esse actu continet contradictionem; igitur fieri non
 potest, ut corruptibilium generatio veniat ab æterno. Ut verò

Platonis
& verita-
tis de mū-
di ortu
discrimen.

Mundi
partes du-
plices.

Infini-
tum
actu im-
possibile.

Continui
diuisibi-
litas.

Infini-
to
nihil ma-
ius.

in æternum abeat, non repugnat, quia multitudo adiectione finitorum, etsi adiectio nunquam cesset, nunquam fit infinita, nisi potentia, hoc est, quod nunquam finiatur, neque cesset adiectio: ut continuum potest diuidi diuisione nunquam finienda; tamen confectione singulorum, nunquam posset esse congesta multitudo infinita. Eadem ratione monstratur, neque corpora cœlestia ab æterno esse (nisi fortè fuerant æternum quiescentia, & cœperunt aliquando moueri) nam etsi neque oriantur, neque intereant, mouentur semper successiuis circuitionibus, adiectione verò circuitionum constat earum numerus, quare esset iam numerus infinitus. Itaque constat posse dierum successiua continuatione ordinem durare in æternum, si velit Deus, tamen venite ab æterno non posse, continetque re vera contradictionem, æternum & principio carens esse, quod vniquam mutabile sit. Sed fortè quispiam monstrationem non intelliget, & proteruiens dicet, non posse esse numerum certum & infinitum, tamen posse esse multitudinem incertam & infinitam, aut rursus, non posse esse infinitam multitudinem rerum simul existentium, posse tamen esse ordine præteritarum. Ob hanc enim causam, sunt qui dicant, repugnare, mundum ab æterno esse, & hominum animas immortales, timentes scilicet ne infinitæ iam animæ æterna hominum generatione, collectæ sint. Sed hi debiliter admodum intelligant quam contradictionem contineat, numerum esse infinitum, non enim refert, res quarum est numerus, sint, an fuerint, nisi fortè censeat, ob id non posse esse eam rerum multitudinem infinitam, quod non sit locus quo capiantur, aut quibus nutrantur cibi. certè repugnantia in ipsius numeri natura est, qui si numerus est, non potest non esse numerabilis, par, aut impar, atque ob id finitus: neque potest esse numerus, qui non fiat adiectione vnitatis maior; infinito verò nihil maius, neque minus est numerus rerum præteritarum, quàm præsentium, verè enim idem est numerus dierum præsentis anni, & superioris, neque verò locus est dicendi, multitudinem esse quæ non sit numerus, multitudo enim omnis diuisibilis, & quanta; quanta verò quantitate discreta: quantitas verò discreta, & numerus, eadem res est. quapropter multitudo, etsi mihi possit esse incerta & innumerabilis, simpliciter verò & in sese nulla potest esse, nisi certa & numerabilis. Verùm propter imperitos, & proteruos, monstratur hoc idem, ducendo ad inconueniens: hæc enim ratio facilius reuincit minus perspicaces. Pone contrarium, putà, ab æterno esse hunc Solem, & circa terram volutari, necesse est diem hodiernam ab infinitis

infinitis diebus, ordine succedentibus, fluere: quapropter à superiorum dierum aliquibus, distabit hæc, tempus finitum, ab aliquibus, infinitum, nam si ab omnibus distaret finitum, totus ipse mundus habuisset initium: ab omnibus verò non distat infinitum (neque enim ab æterna,) si igitur fuerūt dies à quibus hæc distat, infinitum tempus, ab illarum quacunque incœpit dierū numerus qui additione unitatum factus fuerit infinitus: quare si ab ea die cœpisset fieri, ita ut singulis diebus pars proportionalis decederet, perfecta iam esset cōtinui diuisio: si quidem facta esset diuisio infinita, atque eadem ratione, qui ab hodierna die inciperet numerus, aliquando esset euasurus infinitus, fieretque infinitum ex finito additione finitorum: & esset infinitum inter duos fines, hanc scilicet diem, & illam à qua hæc distabat infinitum. Dices, non potest indicari dies, à qua hæc distaret, infinitum, à te certè non possit, sed rogo, an fuerit aliqua? si enim nulla fuit, neque mundus fuit ab æterno, sin autem fuit, ab illa incœpit numerus, tam quæcunque unitas, quæ non est vltima, inchoat numerum. Dices, continent contradictionem hæc, atque ob id non potest intelligi dies quidam, à quo hic distauerit infinitum. Cerrè si fuerunt plures, in multis non potuit non esse aliquis, quare si posito mundo ab æterno, sit necessariò ut plures dies fuerint, à quibus hic distet infinitum & multis existentibus sit necessariò, ut eorum quiuis fuerit aliquis, à quo hic distet infinitum. & dato aliquo tali, sequuntur absurda, & contradictionem continentia, sit necessariò, ut id quod primò ponebatur, putà mundum ab æterno existere, contineat contradictionem, & censeatur impossibile, nam ob absurdum, quod colligitur, tolli debet quod primum ponebatur, non quæ fiebant, nam si concedis id quod accipiebatur, & tollis aliquid eorum quæ fiebant, cogeris concedere duas assertiones contradicentes, quia non potes non concedere, quod sit ex eo quod admittis, quia verò hoc idem tollis, concedes oppositum, & contradicens. Mundus igitur non potuit esse ab æterno. Sed hætenus processit mōstratio ex corruptibilibus mundi partibus, aut saltem mutationes aliquas subeuntibus. Sed si quis affirmet, ortus & interitus, atque omnino omnes mutationes; aliquando incœpisse, tamen fuisse ab æterno, & ante omnem mutationem, æterna cœlorum corpora, quiescentia, aut etiam corpora elementorum, ob cœlorum quierem ab omni mutatione vacantiā, itaque, præcipuas mundi partes esse nunquam, moueri verò cœpisse aliquando atque inde cœpisse initium ortus & interitus, qui, inquam, diceret; Nunquid conuinci posset? posset certè, hac ratione. Aut corpora illa, quæ æternum quicue

Mundum
esse ab
æterno
contra-
dicit.

Operatio
procedit
à natura
& esse.

quicuerunt, fuerunt facta ab æterno, aut omnino non fuerunt facta; neutrum verò esse potest verum: ergo neque omnino potuerunt esse ab æterno. Nam si facta omnino non sunt, sit ut sint per se ab æterno, & esse proprio existentia. Quapropter nullum illorum ab alio pendeat, aut alio posterius sit, sed per se sint, & operentur ab æterno, (cùm operatio procedat à cuiusque rei natura, & proprio esse,) quare nulla illis prior causa sit, (si enim hæc effecta ab alio non sunt, nõ sit vlla eorum causa,) quapropter mundus hic vniuersus, neque vnus erit neque totus, neque perfectus, cùm non pendeat totus ab vnicà virtute & causa, neque causæ omnes in vnâ omnium primam referantur: sed sint multæ mundi partes à quibus non procedatur ad vllam aliam superiorem, & priorem, hoc verò fieri non potest: nam, aut illæ partes habent aliquam naturam siue essentiam communem, aut omnino habent nihil cõmune. Ex aded diuersis, ut nihil commune dicatur de illis, nulla ratione potest constari vnum: nam neque ordo esse potest inter omnino diuersa, ordo enim secundum aliquid commune est, dicimus enim inter Petrum & Franciscum ordinem quemdam esse iunioris & senioris, quia Doctores sunt, quia hic iunior, ille senior, tamen quia Petrus homo, & Franciscus doctor, aut quia Petrus doctor, & Franciscus Burgensis, nullus ordo est, quia hominis, & doctoris & Burgensis, non est vlla communis ratio. Si igitur dicat, illas partes à nulla causa pendentes, neque vlla posteriores nihil habere commune, tollis omnino mundum, quo sublato, nihil est: nam mundus, neque vnitæ causæ primæ. neque vnitæ essentia, neque ordinis, erit vnus, si verò nulla ratione vnus est, neque est omnino, quia ens. & vnum conuertibiliter dicantur. Si eò velis procedere stupiditatis, ut concedas mundum non esse ens, sed entia diuersa omnino, & æquiuocè dicta, mundum ponis rem omniū imperfectissimam, præterquam, quòd sensus ita dicere prohibet, tùm vnica & omnium perfectissima rotius figura, & partiū positio, esse cernatur. Si verò concedis, partes illas mundi habere aliquam essentiam communem, constat, quandoquidem non sunt omnino eadem, habere eas aliquid commune, & aliquid diuersum. Est autè quod commune vnum, quæ diuersa multa. Illud ergo cõmune, prius erit illis omnibus diuersis, siquid ex eo constant, hæc non: ergo erant illæ partes suo quæque ordine, primæ causæ, sed pendebant illæ omnes ab aliqua priori causa, à qua data erat eis communis illa essentia. Nullatenus ergo fieri potest, quin corpora omnia facta sint. Si verò facta sunt, non cerrè ab æterno tempore, sed aliquando: nam quod sit, ex non ente

ente sit, quod factum, ex non ente est factum. Ergo antequam esset ens, fuit non ens, seu non fuit ens, non ergo fuit semper, & ab æterno ens, sed aliquando ens, aliquando non ens. quod enim semper fuit, numquam est factum, quia quod sit, non est. Neque certe aliud est facere, quàm ei quod non est, esse tribuere. Verùm hoc ita habere, hoc modo meliùs intelliges. Nemo dicet Solem nunc fieri à Deo, quia nunc Sol non sit. Si verò Sol ab æterno est, numquam fiebat magis quàm nunc sit, quia numquam erat minus, quàm nunc est: nullo ergo modo potest esse ab æterno, quod factum est. Siquidem ergo satis monstratum est mundum esse factum, constat non esse ab æterno, sed in principio temporis, simul scilicet cum corporibus incipiente motu, & cum motu nascente tempore. Itaque in principio facta sunt cælum & terra. Si verò facta sunt in principio, aut facta sunt à seipsis sponte naturæ orientia, aut ab alio: à seipsis non potuerunt, quia quod facit, est actu, quod sit, non est actu. non magis ergo potest aliquid facere seipsum quàm esse simul & non esse. Superest facta esse ab alio. illud verò aliud, aut non erat factum, aut æternum. si factum, illud rursus fuerit factum ab alio, & illud ab alio; peruenietur ergo ad aliquod æternum, à quo sint facta omnia, aut ibitur in infinitum. Si permittis ire in infinitum, redibunt omnia argumenta quibus monstrabatur non potuisse infinitas rerum generationes antecedere: ergo necesse est ponere æternum aliquod, & primum, à quo facta sint omnia, quæ facta sunt: illud verò, quia æternum, sit primum, quia primum, simplex, & vnum; quod verò eiusmodi, omnes homines Deum esse dicunt. Deus igitur est, qui in principio fecit cælum & terram. Sed quo pacto fecit? Latini nolunt legere, *fecit*, sed *creavit*, significantes hoc verbo, fecisse ex nihilo. quod etiam ipsum videtur mihi monstrari posse eisdem argumētis nam si fecit ex aliquo, aut illud aliquid factum fuit, aut non: si factum fuit, rursus rogabo an ex nihilo. an ex aliquo, si ex aliquo, de illo rogabo rursus, ibitur ne iterum in infinitum, & redibunt argumenta numeri infiniti: si aliquando cœpit rerum fabrica ex nihilo, hoc est quod asseritur: si verò illud numquam est factum, redeunt argumēta eadem quæ de incorruptilibus mundi partibus proferabantur. eisdem igitur argumētis, quibus indicauimus, mundum esse factum, indicatur factum esse ex nihilo. Aded ridere lubet præstantissimos illos Philosophos, qui ante mundi ortum ponebant alij corpuscula, quæ in immenso spatio sine ordine volutarentur: alij hæc ipsa corpora, velut in conturbata miscella latrantia. quid his faciebant ludere? scilicet mundus ab æterno fuisse de-

Non ens;
entis
principium.

Cælum & terra facta sunt non à seipsis, sed ab alio.

Latini dicunt mundum fuisse creatum, non factum.

Mundus ex nihilo factus. Philosophorum ignorantia de ortu mundi.

formis

Laudatur
Aristote-
les ab au-
thore.

formis, & aliquando exornaretur. an minus est absurditatis & repugnantia, in infinita multitudine motionū inordinatarum, quàm ordine succedentium, & in æternitate corporis deformis, quàm pulchri? an nō satius erat pulchrum ab æterno ponere? nam perfectio & pulchritudo propior est ipsi esse: imperfectio & deformitas, ipsi non esse. Ego ceriè hac in re laudo Aristotelem, quod cū impossibilitatem (ut ita dixerim) æternorum motuum, & corporum, non prouiderit, maluit ab æterno esse pulchram hanc mundi faciem, quàm aliquando ex æterna deformitate emeruisse: oportuit verò ipsius æternitatem illam temporis meditari, reperisset siquidem, ut neque in corpore, neque in loco (hæc enim ille demonstrauit) ita neque in tempore infinitatem esse potuisse, siquidem est etiam tempus quantum, ut & corpus, & locus; si igitur omnia quantà finita, tempus quoque totum finitum est, & erit, quare factus est aliquando mundus ex nihilo. Porro fieri aliquid album, est fieri quale; fieri septipedale, est fieri quantum, huic loco accedere, est fieri hîc, fieri verò hominem, aut equum, est fieri hoc; fieri mundum, est simpliciter fieri, aut fieri ens: quia neque est fieri hoc aut illud, neque quantum, neque quale, sed fieri simpliciter: ut ergo quale sit ex non tali, ut album ex non albo, quantum ex non tanto, ut tripedale ex non tripedali; sic ex non hîc existente; velut Complutum venit qui erat Toleti: hoc aliquid, ex non hoc, ut homo ex non homine. ita necesse est fieri simpliciter, ex simpliciter nō ente, atque ita ex nihilo. Respondebis fortasse Platonice, factum esse mundum ex non ente simpliciter, non tamen proinde ex nihilo. Sed neque hoc dici potest, nam si ponis illud, ex quo mundus est factus, quodque ab æterno erat, qualem materiam primam fingimus, ea ne intelligi quidē sine omni forma potest, nedum esse. Si enim ea, mera potentia, omni actu vacua erat, non poterat existere actu (nulla enim existentia sine essentia est,) sed potentia, potens virtute diuina educi ex nihilo, ut ex ea corporales formæ virtute naturali educerentur: interim tamen nihil existeret, præter ipsum Deū, qui in principio fecit cælum & terrā, ex nulla materia. Sed quo pacto facit? iubēdo fieri. Hoc quoque deridebant summi illi, & admirandi Philosophi, censentes Deū, velut fabrū quendam, aut sigulum esse. neque aliter, quàm quædam cōtorquendo, quædā producēdo, quædā pinsendo, & alia quædam machinando, sua opera effecisse: & quædam eorum per se, quædam per minores Deos. Verū si, ut monstratum est, fecit Deus omnia ex nihilo, constat, Deū ipsum per se fecisse omnia, quia potentia infinita est, ex nihilo facere, & ob id nulli finitæ poterat demādari. nō potest verò esse virtus infinita nisi vnica,

Materia
mera po-
tentia.
Existentia
sine
essentia
nulla.

Deus po-
tentia in-
finitus.

eaque prima & summa, neque enim in infinitis est malus. Si igitur fecit Deus ipse per sese omnia ex nihilo, non potuit facere aliter, quàm iubendo: non enim educēdo ex materia vlla, neque aliquid machinādo circa materiā, quæ erat nulla: neque erat quod operi repugnaret, neque quæ se minùs ductilē præsta ret, materia, quā elaboraret, nihil aliud esse potuit, illud facere, quàm ex sua infinira fœcunditate, bonitate, potētia, & sapientia infinita, quæ in eo vnica & simplicissima res est, iubere, vt res fierent. esse autem primæ causæ fœcunditatē infinitā, hoc est, facultatē faciendi ex nihilo, neq; indigere, vt faciat, materia vlla, idque ponere, ob ipsius mūdi integritatē & perfectionem, necessariū esse, in Physicis quæstionibus monstrauiamus: neque pigebit nunc repetere. Certè non est perfectus & pulcher mundus, nisi omne quod sit pulchrū, sit aliqua bonitas quæ velit; & omne quod scibile, sit sapientia quæ sciat; & quod possibile, potentia quæ possit. Nam: quā aliquid possibile nō potuit, aut scibile ignorauit, aut pulchrū noluit, vel inuidit, mancū & imperfectū exierit opificiū, ipsum verò pulchrū, aut scibile, nemo definit ad bonitatē volentis, aut scientiam scientis. Sed pulchrum est quod rei cui accidit, ad propriā bonitatem obtinēdam, perfectionem adiicit; & scibile, quod in sese habet principiū, vnde sciri possit: igitur neque possibile, quod simpliciter dicitur & nō ad aliquid, definiri debet ad potētiā, sed simpliciter possibile, est illud, quo factō & posito, nulla repugnantia sit, aut contradictio, tunc enim res per sese fuerit impossibilis, cū in ipsa est (vt ita dicamus) impossibilitas, externū verò quiddam fuerit, si ob id solum dicatur impossibilis, quod non sit causa quæ possit facere. Oportet igitur sit in rebus causa aliqua, quæ possit, quidquid in sese repugnantiam nullam continet. At verò fieri ex nihilo, nō est simpliciter impossibile, sed impossibile cuidā virtuti finitæ, purā naturali, qua virtute esse aliam superiorem, & potentio rem, non est impossibile. Si igitur esse aliam virtutem maiore omni natura, quæ possit facere ex nihilo, nō est impossibile, est possibile: si verò est possibile, est etiā necessarium, quia, (vt Aristoteles acutissimè dicit) in æternis idem est quod possibile, & quod necessariū. necesse est igitur esse Deū, eumque per sese fecisse in principio temporis cælum & terram, iubendo vt ex nihilo fierent, neque est quod quēpiā perturbēt aniles dubitationes, quid faceret Deus solus, in illa æternitate otiosus? cur non faceret hæc corpora multò antea; nā qui omnia habet intra se eminenter, nulla vnquā re carēt, qui sibi est sufficientissimus, nūquam est otiosus. Iam verò mūdus, siquidem factus est in principio tēporis, cū in æternitate neque sit prius, neque posterius.

Causæ
primæ fœ-
cunditas.

Mundi
perfectio.

Possibile
quid sit.

Si ex
nihilo
nihil à
finito
potest.

Deus quid
ante mun-
dum.

posterius. fieri verò non potuit ab æterno, ob contradicti-
onem, quam aperuimus. non est ergo quod queramus non esse
factum antea. Sed relicta æternitate, accipies interrogationem
à tempore, in quo est plus & minus, prius & posterius, roga-
bisque, cur ut est nunc mundus sex mille annorum, non est
etiam decem mille, ut esset factus mundus quatuor millibus
annorum antequam factus est? ego te rursum rogo, an si ita

Mundus
cur non
prius fa-
ctus?

non esset factus prius, certè esset eadem; quid si centum mille
nunc esset annorum mundus, ut aliquando erit, nisi intercipia-
tur tempus? esset certè eadem; quid si centies millenis mille?
tunc quoque. si igitur nisi ab æterno fieret, non posset abesse
hæc dubitatio; ab æterno verò fieri non potuit ad quem po-
tius pertineret momentum creationis indefinitum definire, ad
te qui dubitas, an ad Deum qui fecit; meritò ergo fecit in prin-
cipio, idque temporis principium fuit cum ipso creationis:

Creare
quid.

Videri possit, verbum illud, *creare*, non habere eam vim, quam
diximus, sed esse utcumque facere, siquidem dicitur, *creavit
Deus hominem*, at verò non fecit eum ex nihilo, sed ex limo
terræ. sed neque alia viuentia fecit nisi ex terra aut aqua. Diuus

Homo ex
terra.
Homo ex
elementis
factus.

Augustinus censet; omnia esse creata simul eodem momen-
to, seu in eodem hunc, illam verò partitionem dierum non
significare partes temporis, sed distinctionem, & gradus quor-
dam naturæ rerum: atque factum esse hominem ex terra,
non actu præexistente, sed existente potentia in ipso, velut
quiuis dicitur nossum verè factus ex quatuor elementis, ta-
men nulla terra, aut aqua erat actu id, ex quo facti su-
mus, sed semen & sanguis. Itaque ut vnico intuitu tota fa-
cies, & eius omnes partes, in speculo exprimuntur, ita vni-
ta iussione Dei, constituisse totam hanc corpoream molem;

Creare
duplex
est.

& in ea refulsisse illum diuinitatis fulgorem, quem voca-
mus naturam: cæterum quia non omnes Sancti hoc ita in-
telligunt, alia responsione est opus. Dei verbo, *creare*, ego
ita censeo, creare duplex esse, alterum & præcipuum, ex nihi-
lo facere: alterum sine materiæ dispositione facere, nam sub-
stantia non videtur aliter fieri posse, quàm generatione, aut
creatione: generatio verò non est nisi in materia disposita;
quæ igitur sine materiæ dispositione est, creatio vocari debet.

Substan-
tia quo-
modo
fit.

Quapropter siue ex nihilo omnia, siue ex nihilo quædam,
quædam ex materia non disposita, sed iubendo fecit, omnium est
Deus effector & creator. Fecit verò Deus, omnia quæ fecit,
valde bona, id est, suis singula formis perfecta, quia ipse valde
bonus est: & bonus omnia vult bona esse, quia nulla vnquam

de

de re inuidia tangitur. voluit ergo omnia fieri valde bona, quoniam bonus; sciuit verò quæcunque voluit; & potuit quæcunque sciuit & voluit, quia ut est summè bonus, ita & summè sapiens & potens. Tria igitur sunt omnium rerum principia, potentia, sapientia & bonitas, quæ in prima causa vnicum, & idem principium est. innumera alia continet præscriptum caput, de quibus, quia scio non posse me pro dignitate dicere tacere mala, ac relinquere enarranda Theologis, quibus dedit Deus, in hoc sanctarum scripturarum paradiso liberius versari. Apponam verò quam mihi Deus dederit, sex dierum enarrationem; hinc capto initio: *Vidit* (inquit) *Deus quòd esset bonum, & ait, germinet terra herbam viventem, & facientem semen, & lignum pomiferum faciens fructum iuxta genus suum, cuius semen in semetipso sit super terram. & factum est ita & protulit terra herbam viventem, & facientem semen iuxta genus suum, lignumque faciens fructum. & habens unumquodque sementem iuxta speciem suam.*

Tria rerum principia.

Videtur his verbis significari, nullam omninò esse herbam, neque plantam, quæ semen non proferat: siquidem omnia quæ terra producit, videntur esse creata à Deo, at verò nihil videtur Deus iussisse ut germinaret terra præter ea quæ semen proferunt. omnia ergo quæ terra germinat, semen proferunt. at verò videtur, huic assertioni experimentum repugnare: siquidem in arboribus Salix, Ulmus, Populus, & Fraxinus, & huiusmodi aliarum, nullum videntur habere semen. minutularum & annuarum herbarum, quibus præter omnia conuestiuntur, spontè nascuntur sine ullo semine, & fungorum omnia genera, qui & ipsi nutrimentum & ortum ex terra capiunt, fieri etiam nullus flos, nullus fructus est, teste Dioscoride, sine quibus semen nullum esse possit. Quid ergo, an hæc non sunt creata à Deo? certè creata sunt omnia à Deo, sed, ut arbitror (nisi tamen aliter sancta censeat Ecclesia, ita enim facilè assentiar) non omnia eodem modo: nam rerum, quæ ortui & interitui sunt obnoxie, quædam non aliter generari possunt quam à suo simili: ut homo ab homine, equus ab equo; quædam verò dissimilium causarum concursu generantur per accidens, ut quæ generantur per putrescentiam, aut etiam per concoctionem, aut per alterationes quasdam, quarum rerum generationes, non tam referuntur in ullam facientem causam, quæ proxima sit, quàm in materiæ dispositionem velut aurum non gignitur ab auro, aut argentum ab argento, aut omninò metallorum ullum ab eiusdem specie alio, neque lapis ullus à lapide. his enim rebus nulla seminalis virtus est, ut neque ullis earum, quæ vegetabilem non habent naturam. Plantarum etiam & animalium multis accidit, ut per accidens,

De plantarum seminibus quæstio.

Generatio à simili & dissimili.

Generationis animalium & plantarum triplex modus.

B

neque

neque à sui similibus generentur, atque in vtrisque (plantis inquam & animalibus) est triplex differentia. quædam enim (quæ scilicet sunt perfectissima) non aliter quàm per se, & à sibi similibus generari possunt, vt homo, equus, bos, & elephas, & nux, prunus, & palma, & pomifera omnia: quædam (quæ scilicet sunt vilissima) semper generantur per accidens: vt pediculi, & vermes & fungi, & alga. quædam sunt inter hæc, perfectione etiam media, quæ cum à similibus, & seminali vi generentur, sponte etiam nasci possunt; vt mures, qui habent vtranque generationem, & vesparum, & locustarum, ac scarabaeorum genera. Herbas etiam aliquas, earum quæ semen affertur, sponte nasci, ac sine semine posse, omnes existimant, inde capto argumento, quòd quibusdam in terris visæ sicut denuò, atque vbi nullæ vnquam tales fuerint innasci. velut Theophrastus, cap. 5. lib. 1. de Causis plantarum, narrat, laserem aliquando in Apturea ortum esse ex imbre quodè crasso, cum in ea mundi parte fuisset nunquam: atque ibidem syluam quandam ingentem profuuisse aliquando, vbi nulla antea fuisset. quanquam non desunt, qui horum etiam euentuum quærent seminalem causam, velut Anaxagoras, qui censet ipsum aërem deferre ex aliis in alia loca semina, hincque fieri, vt hominibus id non sentientibus, fiant generationes quædam alicubi, quæ videbantur esse spontaneæ, cum tamen non sint. alij causantur inundationes, confluxusque aquarum, dicentes omnium digressionibus fieri, vt semina ex aliis in alias partes deferantur. Sed et si hæc non ineptè dicantur, mihi videtur multò probabilius, siquidem in animalium genere sunt nonnulla quæ vtrunque habent ortum esse in planis quamplurimas. nam ex semine solùm posse consistere, neque vllum habere accidentalem ortum, perfectioni tribuitur. at verò genus animalium perfectius multo, quàm plantarum est. plantæ ergo plures habent nascendi modos, neque tam renentur conditione nascendi ex semine, quàm animalia. quod rursus vel hoc argumento constar, quòd animalia perfecta, non aliter quàm ex semine nasci possunt, plantæ verò etià hæ, quæ maxime semen proferunt, nascuntur etiam insitione, & plantatione, & germinatione, suntque illis omnes hæ productiones per se. itaque non est quod videatur inopinabile, plantas plerasque earum, quæ ex semine nascuntur, nasci posse spontè ex terra & aquæ fecunditate solum, cum id accidere videamus animalium non paucis. quin potius existimo, quæ omni careant semine, esse perpaucas: quæ possint spontè nasci quamplurimas, nam, vt Theophrastus rectè censet laritare potius quàm non esse seminis naturam, est arbitrandum. velut in thimo est semen, quod

Quædam
herbæ
nascun-
tur sine
semine.
Laseris
ortus,

Ortus in-
gentis
syluæ,

Seminalis
vis in
plantis.

Thimi fa-
licis &
vini se-
men.

quod sensu percipi nequit, & in salice, & vlmō & eiusmodi aliis. sunt etiam quibus seminalis vis est in lacryma, vt iridi. atque generarim, vt Theophrastus inquit, ea facilius, atque ex minori principio valent generari, quæ imperfectiora sunt. quamquam ergo verisimile sit, quàm plurimas, & herbas & arbores, quæ carere videantur, habere semina vt de salice, & vlmō, dicebamus: non tamen proinde negandum, esse multas, quæ omninò non habeant, & nonnullas earum, quæ habent, sponte etiam oriri posse: cùm illa triplex nascendi differentia notetur in animalibus, quæ genere quidem sunt perfectiora. ex dictis constat res quasdam esse, quibus (nisi illas Deus in illo mundi exordio fecisset) necessariò esset semper mundus cariturus, alias verò, quæ, etsi à principio factæ non essent, possent deinceps, ex ipsis mundi elementis naturaliter oriri. Nam elementorum, si vel vnum tollas, necesse est tolli omnia, ac cum illis etiam concreta corpora. quia cùm primæ contrarietates, primo insint elementis, sintque ipsæ elementorum naturæ, sublatis elementis, tollerentur contrarietates primæ, atque his sublatis tolleretur rerum omnium generationes, cùm hæ omnes agantur per alterationes mutuas. quæ nascuntur à contrarietatibus. quòd verò sublato eorum quocunque, necesse sit tolli omnia elementa constat: quoniam si frigus omninò non est, neque calor sit. si quidem si calfactio nulla esse potest, neque calor omninò est: at verò si omninò non frigus, neque calfactio vlla est: neque refrigeratio, nisi calor: si quidem omnes contrarij motus, sunt inter eisdem terminos, contrario modo: vt calfactio à frigido in calidum, refrigeratio à calido in frigidum. Necesse est igitur, quocunque eorum sublato, alterum tolli. eadem ratio est humidum & siccum. Porro hæ duæ contrarietates, calidi & frigidi humidum & siccum, relationem quandam habent ad sese: sunt enim primæ actiue, secundæ passiuæ. quapropter utræque sine aliis, ad generationes rerum essent otiosæ & inutiles. omnes ergo necesse est in mundi exordio extiterint: quare, & prima corpora, quorū primæ illæ, seu virtutes, seu qualitates, sunt. necessariò ergo si modò futurus erat mundus, creata fuerint in initio elementa. quo autem modo postea dicemus. Iam verò cœlestia corpora multò magis, & propter sese, & propter alias mundi partes. propter sese; quando quidem nisi diuina virtute essent in initio creata, cùm nullum habeant ortum aut interitum naturalem, nunquam deinceps oriri possent: propter alia verò, quoniam cùm omnis aliarum rerum virtus ab illis gubernetur, nullæ prorsus naturalium mutationū sine illis esse posset. Necesse etiam est fecerit Deus ab initio ea omnia animalia, atque

Facta necessario in principio.

Contrariis sublatis generatio tollitur.

Frigore sublato tollitur calor.

Morus contrarij inter quos.

Corpora cœlestia quorū.

Facta necessario in principio.

omnino viuētia, quæ ex solo semine, aut germinatione generationem habent. nisi enim initio diuina virtute essent facta, nunquam deinceps oriri possent vt neque modò, si omnes homines, aut equi, aut leones morerentur, esset vnde rursus oriri possent: nimirum non habent aliam generationem quàm ex semine. Ita etiam arbitror, si nunc omnes, cum toto nucum semine perirent, mundus esset in posterum ea planta cariturus. at verò metalla, & lapides, & ea siue animantia, siue plantas; quæ putrescentia quadam generari possunt, non par necessitas est, vt Deus fecerit ab initio: possent enim ipsa postea ex rebus aliis naturaliter oriri, velut nunc gignuntur niues & vetmes, vbi nulli antea fuerint, atque metallum quodeunque, solis virtute gignitur ex terra & aqua. quapropter, ne mundus his careret, minùs videtur necessarium fuisse, vt Deus creandi vim apponeret, cum naturalis esset futura satis, atqui fortasse propositæ dubitationi iam respondimus, atque ob hanc causam, non simpliciter dixit Deus, *producat terra herbam viuētem, sed viuētem, & facientem semen, & lignum pomiferum faciens fructu iuxta genus suum*: ac repetit. *cuius semen in semetipso sit super terrā*, hoc est, quod non aliter oriri ex terra possit, quàm ex suo semine. fortasse etiam hanc ob causam, in tota mundi creatione, nulla fusilium, neque gemmarum, facta mentio est sed tantùm elementarium corporum, & ecclestium, & animalium natiuitium, & volantium, & terrestrium, & plantarum, quatum semen in semetipso sit super terram, ac postmodò hominis: quasi ex in initio creatis, reliqua essent naturaliter eruptura neque verò huic sententiæ repugnat, quod 18. cap. Ecclesiastici dicitur, *Deus qui sumper est fecit omnia simul*: verè enim fecit omnia simul in illo mundi initio, non tamen omnia eodem modo, sed alia quidem ipsa per sese, alia in suis principiis. Extiterunt à principio omnes rerum formæ, aliæ quidem actu, aliæ potentia: quoniam iam inde omnes, aut erant actu, aut poterant naturaliter oriri. neque quidem hoc durum videri cuiquam debet, quod in quibusdam exemplis videtur posse demonstrari cum enim sine quâdam animalcula, quæ non aliam, quàm ex hominis morbis, ac excrementis generationem habent, vt pediculi, lentes, & acarus, animaleulum inquam illud omnium minimum, quod scabiei est initium (aratorem vocant vulgò, & vulgares Chirurgi syronem) & lumbrici, tam lati, quàm rotundi, & ascarides vocati, & quædam alia animaleula innominata, quæ in quibusdam abscessibus, & in ossium carie reperta sunt, constat ea ab initio non extitisse: cum Adamus sine vilo morbo creatus à Deo sit, atque adeò persisteret vsque dū peccauit, quod perfecta iam

Fusilium
& gemmarum
nulla mentio in
creatione.

Facta simul omnia.

Actu aut potentia
semper formæ
sunt.

Animalia ex crementis.
Adamus sine morbo creatus.

iam mundi creatione, euenit, itaque res quasdam vilissimas, & quæ ex putrescentia tantum fiunt, cuiusmodi quæ dicta sunt animalcula, & algæ, quæ putrescente aqua in lacunis gignitur, quæque sordes potius dicuntur quam res, ut inquit Arist. non dubito post exactam mundi creationem pullulasse an verò res aliæ, quæ adeò viles non sunt, poterunt tamen naturaliter oriri, ut metalla, lapides, & viuientia, quæ utrunque ortum habent, ex semine inquam, & spontaneum, intra sex primos dies ornandi mundi gratia exriterint, an non, sed postea orta sint: haud habeo quod affirmem. Illud tamen mihi videtur probabilissimum, ea si in ipso mundi initio extiterunt, non tam creatione, quam properata generatione esse facta. nam receptissimum est illud Philosophorum axioma, naturam (multo magis Deum) nihil frustra facere. frustra verò apponeretur creatio, ubi generatio naturalis esset satis. poterat verò Deus optimus maximus, exornandi statim ac perficiendi mundi gratia, earum omnium rerum ortum, alioqui naturalem, properare adeò, ut statim erumperent cum creandis, etsi non eodem ortus genere. neque verò proinde non esset ille naturalis ortus, quia aucta celeritas non mutat speciem motus. si enim lapis descenderet, eadem celeritate qua Sol fertur, aut etiam prima sphaera, celeritas quidem illa, maior esset quam pro lapidis natura, motus verò nihilominus naturalis. ut ergo tria rerum genera esse diximus, ita nunc tria earum initia ponimus. quædam enim initio creata esse factaque ex nihilo aut sine materiae dispositione: quædam postea succreuisse; quædam inter hæc, extitisse quidem in initio: ortu tamen naturali. Moses verò ea tantum videtur narrasse, quæ primo modo extiterunt. creata seilicet per sese, ac non solum per sua principia. nam primo die fecit elementorum corpora, & lucem. secundo fecit firmamentum, hoc est, corpus illud totum cæleste, quod constat multis orbibus: tertio separauit aquam à terra, colligensque aquam in locum vnum fecit maria, terraque detecta creauit omne genus plantarum, quæ ex semine habent generationem: quarto fecit Solem, Lunam, & Stellæ, & posuit in firmamento ex eadem, arborum, firmamenti substantia, non aliter ac hominem fecit ex terra: quinto fecit animalia omnia, natatilia & volatilia: sexto terrestria, cum quibus & hominem. At verò præter hæc, constat esse in mundo res quam plurimas, quæ intra sex primos dies non extiterunt. vnum enim non esset, cum nulla antecessit vindemia: neque oleum, cum nondum tuxæ oliuæ: neque mel, cum nondum apes mellificassent. nimirum hæc, & huiusmodi alia, creata sunt in suis principiis, ex quibus deinceps orta

Natura
nihil frustra fecit

Motus
celeritas
non mutat
speciem.

Tria rerum
initia.

Creata
sex diebus.

Creata in
suis principis.

naturaliter sunt, vt etiam ex terra & aqua, fouentibus ea cœlestibus corporibus, aut intra ipsos sex dies, aut postea, orta sunt metalla, & lapides, & bitumina, & herbæ sponte nascentes, ac denique alia omnia, quæ sunt habent seminalem ortum, neque fiunt à similibus, sed concursione aliarum causarum, per acci-

Ignis an
sit & quā-
do crea-
tus.

dens, producuntur. Videtur neque ignis facta esse, in hac narratione mentio. quapropter existimare videtur quispiam posse, ne omnia quidem elementa facta esse in illo mundi exordio, sed tria tantum, ignem verò postea, concursione aliarum causarum, ortum esse. Iuuabit hanc opinionem antiquitas, quæ, vt aliarum rerum quàm plurimum, ita etiam huius, quærit inuentorem, quasi ignis non sit à principio in rebus, sed alicuius hominis industria postmodum factus: scilicet, vt & vinum. Plinius narrat, ignem è silice primum inuentum esse à Pyrode, Cilicis filio: idem autem affirmat, primum esse inuentum in Pyrpile. Si igitur inuentum hominum ignis est, non videtur à principio mundi extitisse. sed quo pacto potuit hic mundus constare, præ-

Mundi par-
tes dupli-
ces.

stantissimo & efficacissimo carens elemento? Cum sint duæ mundi partes, altera humilior ac imperfectior, corporibus constans ortui & interitui obnoxia: altera sublimior ac perfectior, constans corporibus incorruptilibus, humiliorem & ignobiliorem em, oportuit primò fieri, quasi fundamentum & mundi exordium. natura enim ita comparatum est, vt principia sint viliora, atque ad perfectiora, in cuiusvis rei opificio, procedatur. atque illam quidem oportuit primò fieri impolitam & incultam, postea exornari, ita enim & natura & ars procedit, ab obscuris quibusdam & rudibus delineamentis, ad exactiorem formam. neque

Ignobiliora
primò
creata.

verò non est hoc optimum argumentum: nam vt ars naturam imitatur, ita natura diuinitatem, à qua fluxit: vt ergo artificialia opera imitantur naturalia, ita est rationi consonum, naturalia imitari diuina opificia. Quapropter ex eo ordine, quem rerum natura tenet, rationem diuini opificij volentes inuestigare, haudquaquam errabimus: ipse enim Deus est naturæ parens. Proinde primo die, facta est tota generabilium & corruptibilium sphaera, constans elementorum corporibus, terra, inquam, aqua, aëre, & igne: illis verò, neque puris, & sincerissimas naturas retinētib. neque seorsum positis, & ordine collocatis, neque illustratis villo cœlesti lumine, sed intra obscurum aërem aqua & terra permistis, atque intra hæc omnia, igne inuisibiliter in-

Ars natura
imitatur.
Artis &
naturæ
progressus.

Elementorum
im-
puritas.
Elementorum
confusio.

cluso, qui inter cætera, fouebat aquas reddebaturque fluxiles, ne frigore concreuerent, moxque, ac Cahos hoc extitit, fecit Deus lucem, per quam reddita sunt corpora illa aspectabilia, factusque est dies primus. verum vt hæc distinctius eloqua-

mus

mur, oportet quædam, de elementorum naturis, enarremus. Elementa prima, principiis rerum naturalium, materiæ inquam & formæ adeo proxima sunt, ut per sese, & omni mixtione vacantia, nullibi munda sint, aut fuerint unquam, aut etiam esse possint. nam cum eorum naturæ definiantur per summas qualitates, & consistentia corporis, mixturam quandam desideret, & contrarij mixturam, quia mera humiditas nullam consistentiam haberet, mera siccitas nullam compactionem & continuitatem, nihil penitus syncerum existere in corporibus potest. Quapropter elementa prima intelliguntur, definitis seorsum eorum naturis, suntque potentia in rebus concretis, actu vero nullibi. quod quia intellexit Galenus in com. primi de natura humana, elementis primis nullas formas substantiales attribuit, sed pro his, qualitates primas, affirmans ea constare ex materia prima, & calore, frigore, humore, aut siccitate, aut harum binis qualitatibus. itaque terra hæc quam incolimus, & aqua qua utimur, ærque quem inspicimus, elementa mera non sunt, sed corpora simplicissima eorum, quæ extant, & proxima elementorum naturis. quo factum est, ut eorum nomina dentur ipsis elementis, quæ mente potius intelliguntur, quam re vera subsistunt. aut ceriè, si simplicium elementorum sunt illa nomina, priora hæc corpora, quæ videmus, non sunt appellanda hæc, sed, ut Plato dicit in Timæo, talia. nimirum non terra, sed terreum corpus: non aqua, sed aqueum: ita & æreum, & igneum. ridiculum enim quod quidam pueriles Philosophi affirmant, oportere, ut quodcunque elementum sit alicubi purum in propriis scilicet regionibus. Vbi enim talis sit aqua; an in mari, vbi salissima, & piscibus scatens? Elementa itaque prima, potentia sunt in corporibus, actu nusquam. neque vero expedit, ob concreta enim sunt illa necessaria: per sese nihil esset inutilius. Verum etsi elementa actu non sint, maximè viget eorum natura in his elementis, quibus utimur, terra inquam, aqua, ær, & igne, quæ ordinem eum amant naturaliter, ut sint crassa sub tenuibus. atque proinde, sicubi confusa ac conturbata sunt, mox in imum mergitur terra, ærque emérigit, & interfluit aqua. Ignis quoque, ut maximè communis Philosophorum opinio fert, effertur naturaliter in supremum locum, atque proinde proximum cælo locum tenet. aut, ut ego existimo, is solus inter omnia corpora, nullum potius locum præ alio amat, neque in ullum fertur, nisi per accidens motu materiæ, quæ occupat, aut tractus à lumine (ab hoc enim naturaliter trahitur) sed velut quædam mundani huius corporis anima, totum occupat, per meaus per omnia, ut omnia fecundet, ac quodammodo viuificet.

Qualitates elementorum formæ.

Elementa actu nullibi.

Elementorum nomina.

Ignis motus.

Ignis anima mundi.

Cōcoctio
à quo.

Aqua
principiū
frigidorū.

Aqua
genera-
tionis
mater.
Ignis pa-
ter.

Mare fœ-
cundissi-
mum.

Aqua
principiū
frigidorū.

Ignis per
omnia
fusus.
Ignis est
spiritus
ille in-
cumbens
aquis.
Aqua cur
fluxilis.

Nam cū omnes naturales ortus agantur concoctione qua-
dam, quod caloris est opus, constat sine eo omnia futura steri-
lia: aquam præcipuè, quæ ab omnibus ferè Philosophis censetur
esse primum frigidorum. ut verò ortus tribuuntur calori, ut ef-
ficienti causæ, ita tribuuntur humido crassiori, qualis aqua est,
ut materiæ. atque hac ratione efficitur, ut aqua ob humidita-
tem crassam, qua abundat, sit velut mater omnis generationis:
ignis verò pater per calorem. Rerum ergo generationes, maxi-
mè adscribi debent aquæ ab igne fœcundatæ. ita sit, ut nisi hæc
duo adhibeantur principia, omnia sterilecant. velut terra, nisi
irrigetur primum, ac deinde concalescat. Ipsum quoque mare,
quod omnium mundi partium est fœcundissimum, ut mirabi-
lis rerum, tam viuentium, quàm vita carentium, quæ in eo gi-
gnuntur, differentia indicat, si calore destitueretur, futurum
esset penitus generationis ineptum, & concretum frigore. quia
& tota mundi aqua, nisi, à quo concalescit, igne funderetur, fu-
tura esset glacies. Si enim primum frigidorum esse rectè dici-
tur, nulla frigiditas potest illi esse præter naturam. videmus
verò eam aliquando concreescere frigore: haberet ergo id se-
cundum naturam semper, nisi aliquid accederet, quod funderet.
quid verò aliud potius sit quam ignis, qui caloris omnis prin-
cipium cū sit fouet, atque fœcundat, facitque, animalium &
aliarum rerum ortui & conseruatione, idonea: atqui consenta-
neum est censere, aquam per hyemem, & absentia ignis potius
concreescere, quam præsentia frigidi aeris, ut putant. qui aerem
statuunt primum frigidorum. verum in eam ad eò dissidentem
à communi sensu opinionem incidunt quia hanc ignis, per res
omnes delationem non assequuntur. Ignis itaque per omnia
permeat, alimētum ab illis accipiens (quia sunt illi omnia sub-
strata ut materia, ut mirus dixit Aristoteles) aquæ verò ab eo
accipiunt calorem genitalem, & motum, ac fluxilitatem. Itaque
ignem fouente & incubante aquas rerum omnium aguntur ge-
nerationes. Hæc verò disertissimè docuit Hippoc. lib. 1. de die-
ta, his verbis: *Constituuntur quidē igitur tum animantia omnia
alia tum homo ipse ex duobus, differentibus quidē facultate, concor-
dibus verò & commodis usu, igne inquam & aqua. hæc autē ambo
simul sufficientia sunt, tum aliis omnibus, tum mutuo sibi ipsis, viri-
tis verò seorsum, neque sibiipsis, neque ulli alteri sufficiens est. vim igi-
tur ac facultatē utrumque ipsorum talem habet. ignis enim omnia
mouere potest, aqua verò omnia per omnia nutrire. particularim
verò utriūque superat & superatur (hoc est, pugnant mutuo inter se,
utroque eorū partim vincente, partim victo) ad summum ac mini-
mum quantū eius fieri potest (hoc est plus aut minus, ut quocunque*

eorum potest) neutrum enim superare penitus potest. hanc ob causam sanè, igni quidē, ubi ad extremitatem aqua pervenerit (hoc est, ubi penitus cōsumpta humiditas est) deficit alimentū (ita evanescit ignis cū ventum est ad cineres) evertitur igitur eo, unde nutriri potest (hoc est, serpit in alias materias quarens alimentum) aqua verò ubi ad extremitatē ignis pervenit (hoc est ubi penitus exclusit ignem) deficit motus (quia concretescit in glaciem, fitque immobilis). Vides quā diserte Hippocrates dicat, aquam accipere fluxilitatem, motum, ac fecunditatem ab igne; ignem verò ipsum ferri per omnia, atque alimentum ex omnium humiditate capere, & generationes omnes his duobus principiis attribui. hoc idē est quod hīc insinuat hīs verbis, *Et spiritus Domini ferebatur super aquas*, seu, *incubat aquis*, ambo enim hęc significat diētio Hebraica. insinuat verò vtrumque, ignem scilicet ferri per aquas, easque fouere ac incubare. meritò verò spiritus appellatur, quia ignis, corporum omnium maximè videtur ad spiritualium substantiarum naturam accedere est enim tenuissimus, & visum ac omnino sensum fugiens, nisi cū, ob materiæ quam occupat, densitatem apparet, vt in ignito carbone, & fumo ardente. In his enim ipsis, cum rarefcunt, disparet, vt cū dissipatur fumus. contrā, cum eius ignis, qui intra nubem invisibilis continebatur, circumstanti frigore densatur materia, is emicat, abiens in fulgur, aut etiam fulmen. itaque est tenuissima quædam & insensibilis substantia, vt quædam eorum anima, per alia permeans neque apparens, nisi cū densatur cum materia. hanc substantiam à principio fecit Deus. cū verò multo tempore homines igne non indigerent sensibili, vt pote neque carnibus vefcentes, neque fructus affantes aut elixantes, eo caruerunt. vsque dum inuenerunt rationem retinendi eius in materia densa, in qua appareret, fierique vtensilis. Meritò itaque inter corpora omnia hic maximè dicitur spiritus. Domini verò ob magnitudinem virtutis, & præstantiæ. est enim phrasis diuinæ scripturæ, Domini, aut Dei vocari, quæ magna, aut præstantia. hīc igitur spiritus, hoc est, hęc substantia, tenuissima, ac perfectissima, ferebatur, incubans & fecundans aquas, per hunc spiritum factæ sunt aquæ fluxiles, alioqui futuræ, vt diximus, concretæ: in quam sententiam dictum est illud Psalmi, *flabit spiritus eius, & fluent aqua*, sed quia Physici nunquam acquiescunt vllis dogmatis, sine monitione, hanc adhibeamus oportet, quoad nostra fieri possit, indicemusque, ignem non habere vllam regionem, in quam seorsum feratur, separatus ab alijs corporibus. Primum quidem illa, quam Hippocrates adhibuit, non levis est

Ignis necessitas.

Vnde ignis alimentum capiat.

Ignis natura insensibilis.

Fulgur.

Ignis vsus quando cæperit.

Aqua per ignem facta fluxilis.

Ignis
nullibi se-
peratus.

Ligna cur
superna-
tent.

Ignis mo-
tus.

Calor so-
lis quid.

procedit enim ab experimento. siquidem videmus nullibi ignē manere, nisi illi suppetat materia vnde alatur, eaque consumpta statim deficere, vt dissipato fumo & consumpto oleo, flammam; siccatis vsque ad cineres lignis, prunas. at verò in sua regione seorsum ab aliis omnibus positus, omni alimento esset destitutus, sed ex motu eius corporis. multò euidentius monstratur, quod propositum est. si enim supremū appetetet locū, in eum ferretur naturaliter. si autem ferretur, efferret etiam secū alia, quæcūque ei essent agglutinata atque vt lignū quod ob naturalem raritatem, aëris nonnihil habet inclusum, ascendit per aquam. ita etiam quod ignitū esset, ascenderet per aërem (tanto enim leuior esset ignis aëre, quāto aër aqua) at verò nō ita fit: euolarent enim ex prunariis aut foco prunæ omnes: vt scilicet magnæ etiam trabes emergunt è profundissimo flumine. tantum autē abest, vt quæ sunt imbuta igne, euolent, vt ne rantillum illis ignis ponderis detrahat. frustam enim ferri aut lapidis ignitum, non minùs deprimit lancem quam frigenſ, nisi quid substantiæ decisu illi sit, dum vreretur. non ergo ignis sursum potius fertur quàm deorsum, sed materiam sequitur atque cum densis, lapillis, ferro, aut carbonibus, descendit: cum exhalatione ignita qui fumus ardēs est, ascendit: cōparet verò dum dēsam tenet materiam, ea extenura, aut dissipata, disparet. sed & ex vsu, in quem res omnes naturales semper diriguntur. cōstare videtur posse, quod asserimus. quē enim rebus vsum præstaret ignis, supremam mundi regionem tenens, seiunctus à reliquis corporibus? non enim calorem, cum media regio frigidior quàm infima esse cognoscatur, actiones verò naturales contingant per medium: sine calore verò nihil præstare possit. at verò permeans per alia omnia, calefacit, & vt dictum est, liquat, fundit ac mouet: quædam alia densat, concoquit atque ad ortum deducit, atque in humoribus quos elaborat omnis naturalis ortus parens est. At dices, id me falso igneo calori tribuere, quò sit solaris; igneum enim potius vrere, ac per siccitatem in marcorem trahere omnia, & inreritum. Ita est sanè, solaris calor est qui hæc præstat, ipse verò solaris calor, nihil est aliud quàm calor ignis, solis fulgore, quo naturaliter trahitur, vt ita dixerim, modificatus. nam sol, cum sit corpus incorruptibile, necessariò sit expers qualitarum corruptiuarum, caloris, inquam, frigoris, humotis, ac siccitatis non possit ergo calfacere, nisi per aliud & accidente quodam. Quid verò sit illud, cuius accessu calorem inferat, potius quàm quod à Philosophis omnibus statuitur, per se, ac primò calidum. Si enim Sol per accidens calidus est, ignis vero quòd primò ac per

per se, necesse est causam caloris illius, ad hunc referri. est verò hoc ipsius etiam ignis naturæ valdè congruens. Cùm enim inter elementaria corpora, igneum solum cœlestem imitetur fulgorem: ipsum verò ita, vt plurimi veterum Philosophorum, ob eam similitudinem astra ignea esse suspicati sint, sit valde consentaneum, vt similitudinis illius causa, faciliè trahatur ignis cœlesti lumine: quod etiam vestigium quoddam, diuinitatis eius corporis, est. Maxima ergo ignis pars, cum lumine Solis circa terram voluitur, comitaturque circumeuntem diem. quod indicant illa verba cap. 1. Ecclesiastes. *Oritur Sol, & occidit, & ad locum suum reuertitur, ibique renascens, gyrat per Meridiem, & flectitur ad Aquilonem, lustrans uniuersa in circuitu, pergit spiritus, & in circulos suos reuertitur.* His verbis apertè dicitur, spiritum illum, quem indicatum est esse ignem, circuire simul cum ipso Sole: nam nomine spiritus, non est verisimile, vocari Solem ipsum: nam præterquàm quòd esset repetitio inutiles, vocari ita non potest: nam neque quòd tenuis, neque quòd inuisibilis, neque quòd animatus & viuens, cùm nihil horum sit. circuit itaque ignis, vt ipse Sol, estque eius comes. Quo fit, vt dies, atque omninò lux omnis, calida: nox, atque omninò tenebræ, frigida sint. hic ipse igitur est Solaris calor, qui cùm ad materiam accedit moderatus, coquit, ac nutrit: alioqui, si copiosus, atque destitutus humore accedit, etiam vrit: vt non rarò messes, ante tempus, ob pluuiæ inopiam, & defectum cœsiarum. Vnde rursum constat, non esse aliam diuinitatem Solari calori, sed eundem penitus esse & igneum. Itaque multis iam argumentis probabilissimum effecimus ignem esse illum spiritum domini, qui in ipso mundi exordio, generationum præstans initium, incubabat aquis. est verò ignis symbolum diuini amoris, qui Deus ipse est. vnde sublimior alius, quod ad me non spectat, nascitur sensus. His positis, ad enarrationem primæ diei, videtur iam posse accedere. *In principio*, hoc est in ipso tēporis initio, *creauit* (hoc est, fecit de nouo ex nullis præexistentibus) *cælum & terram.* cæli nomen, tum in tota scriptura diuina, tum in hoc ipso capite, significat aërem, aut incorruptibile illud & maximū corpus quod superstat. Constat verò si quidem dicitur, *dominamini piscibus maris & volatilibus cæli.* nō sunt autem volarilia, nisi in aëre. & iterum, *vocauit Deus firmamentum cælum.* Firmamentum verò non est aër, sed firmum illud, æternum, & stabile corpus, in quo posuit Deus duo luminaria, & stellas omnes. cùm autem duo hæc significare possit ea vox, in narratione diei primæ significat aërem, quia firmamentū fecit Deus in die secunda. Fecit itaque Deus in primā die aërem

Ignis 907
lem se-
quitur.

Ignis
diuini
amoris
symbo-
lum.

Cælum
quid.

Firma-
mentum
quid sit.

aërem & terram, vt verò insinuet, nou hæc duo solùm elementa facta esse in illa die, neque hæc ante alia, sed quatuor corpora simul, velut vnum Chaos: addit, *Erat autem terra inanis & vacua, & tenebra super faciem abyssi*, hoc est, aquarum: & *spiritus Domini*, hoc est, ignis, *feriebatur per aquas*, itaque cum primum fecit cœlum & terram, fecit & abyssum, & ignem, erantque ea in prima illa die aded confusa ac contrubata, vt terra commista cum aqua intra ipsum aër esset. cum verò aquæ maior quàm terræ moles sit, secundùm superficiem videbatur esse tota aqua, vt quoddam lutum, atque ita erat terra inanis, hoc est, nulla gignens ex sese animalia, & *vacua*, hoc est nullis plantis ornata: & *erant tenebra super faciem abyssi*, qui scilicet tenebat intra se totam terram: nam cum essent iam corpora, quæ lucem poterant recipere, nondum habebant tamen, constet esse tenebras. ignis verò inuisibiliter permeabat per aquas fecundare iam inde eas incipiens, ac prohibens quominus concrescerent, vt gelu. hæc cum ita se haberent, creauit Deus lucem, per quam ea corpora in conspectum venire posse cœperunt, diuisitque Deus lucem à tenebris, quia non illuminauit totam eam molem æquè, sed ab altera superficie apposito lumine, ab opposita corpus ipsum faciebat tenebras, vt & nunc. gyrante verò lumine totum id corpus, factus est vespere & mane dies vnus. In die secundo fecit Deus firmamentum, firmum inquam illud & solidum cœli corpus, neque diuisionem, neque raritatem, neque omnind alterationem vllam recipiens corruptiuam: posuitque illud firmamentum in medio aquarum, fecitque vt diuideret aquas ab aquis, eas scilicet quæ sunt sub firmamento, ab iis quæ supra firmamentum. De his aquis, quæ supra firmamentum sunt, dubitatur quàm plurimum. Sunt qui dicant aquas supra firmamentum, vocari eas, quæ pluendo decidunt in terram, illasque, ab his quæ supra terram sunt separari cœlo, hoc est, aëre. verùm falluntur, quia etsi cœli nomen de aëre, & de superno illo & incorruptibili corpore dici possit, firmamenti verò non ita. sed firmamentum illud solum est, in quo sunt luminaria & stellæ. itaque haud dubiè supra cœlum sunt aliæ aquæ. sed quo pacto; supra cœlum enim hoc, quodd conspicimus, nihil aliud esse potest, quàm sedes Beatorum, quam quidem tantò præstantiorem, & mutationis minùs participem esse oportet, quàm cœlum; quâto ipsum quam elementaria corpora. quare vt elementaria sunt motus & alterationis participia, cœlestia motus solius, ita sedem Beatorum esse oportet corpus purissimum, & mutationis, & omnis motus expers. at verò si aqua esset, aut ex aqua, recipere posset

alte

Lucis
creatio.

Aquæ su-
pra firma-
mentum.

alterationem, atque à contrariis pati, siquidem frigus & humiditatem haberet naturaliter, & contrarias illis qualitates, posset, præter naturam, recipere: certè eodem argumento, quo Aristoteles monstravit, astra non esse ignea, monstratur cælum illud supremum aqueum non esse, sed ut fatemur, cælum & astra ignea esse, igne quodam cœlesti, qui præstantioris quàm elementaris est naturæ, fulgore solùm referens illum, non etiã calore, & siccitate, ita dicemus, cælum illud, quod plurimi hanc ob causam vocant Crystallinum, aqueum esse, aqua quodam cœlesti, quæ puritate aquam referat, non ramen frigore aut humore, atqui nomen ignis & aquæ, non propriè dicuntur de vtrisque, sed analogia quadam, ut si duplex ignis (non genere sed secundum analogiam) elementaris & cœlestis, & aqua quoque duplex. Ut itaque astra vocamus æthercos ignes, ita quod supra firmamentum est, vocamus cœlestes aquas, aut aquas, quæ supra cœlos sunt, quas in Psalmo inuitat David ad laudes Domini duobus itaque diebus fecit Deus elementaria corpora, & totum cælum: duobus sequentibus exornauit: postremis duobus repleuit ea animalibus: exornauit verò priùs eam mundi partem, quam priùs fecerat (elementarem inquam) *dixit itaque Deus, congregentur aqua, qua sub cælo sunt in locum vnum, & appareat arida, & vocauit Deus aridam terram, & congregationes aquarum maria*, hæc congregatio aquarum in locum vnum, ita ut terræ facies appareret, ac nunc appareat, celebratur plurimùm in sacris eloquiis quasi argumentum maximum potentia Dei: mirum enim est, ut quod supra naturam esse videatur, terram grauiorem multò & minorem aqua, ab ea non obrui, turgentisque & elatissimos maris fluctus, intra certos fines sese continere, neque in totam terram, quæ longo interuallo subistere videtur, sese effundere. Verùm hoc æquè est argumentum sapientia & potentia, non enim violentiã continet Deus terram supra aquas, aut cohibet aquas quo minùs fluant, sed ita composui ab initio, ut naturaliter eueniat, sitque, nisi Deus disponat aliter, in æternum citra violentiam, duraturum: nimirum fecit, non quidem terræ solius globum (hic enim necessariò aut innataret, aut sub aqua totus mergeretur) sed ex terra & aqua globum vnicum, cuius centrum, mundi etiam centrum est: non ita, ut eiusdem globi medietas altera, aut pars tertia terræ sit, reliquum aquæ, (ita enim etiam mergeretur terra sub aqua) sed terra & aqua ita sese continent mutud, ut vtriusque sit idem centrum, quod & totius mundi: id verò sit terra integrum globum reddente, cum verò non solidum, sed maxima parte interiùs, & ad superficiem,

Astra
ignea.Cælum
Crystallinum.
Duplex
ignis.Aquæ &
terræ glo-
bus.

cauum:

cautum: amplissimaque illas cavitates replente aqua. quo fit ut terræ facies & maris, eiusdem globi sint superficies. ut verò non corruat in sese tota terra, & in mundi medium subsidens, exprimat aquam, cum sit cavitatibus plena, causa est, longè maior soliditas, quam habet in profundis, quàm ad superficiem quod iis qui aperiunt puteos, aut defodiunt mineralia, liquidò constat: cum multò infra speciem sentiatur lapidescere. fecit ergo Deus in terra ingètes sinus, intra quos colligi iussit aquas, ut apparet arida: atque ut id ita manere posset, fecit firmissima fundamenta terræ. Postea terram exornauit herbis virentibus, ac facientibus semen, & arborib. pomiferis, & omnibus quorum semen in semetipsis est ut antea explicuimus. Dei quarta fecit Deus duo luminaria, Solem scilicet & Lunam, & Stellas omnes, posuitque astra ea omnia in firmamento, ut diuiderent diem ac noctem, & essent in signa, & tempora, & dies, & annos. Quoniam in firmamento posita sunt astra, constat facta esse ex ipsa firmamèti substantia, alioqui necesse esset eam firmamèti partem, quæ erat ubi quodcunque astrum positum est, redactam esse in nihilum, cum cœli partes abscedere non possent aliæ ab aliis, ut denuò nascentibus astris loco cederent, & indiuisibiles sint natura, & neque densitatem, neque rarefactionem recipere possint. at verò Deus, nihil unquam eorum quæ fecit, redegit in nihilum, fecit ergo luminaria illa ex substantia firmamenti. Quoniã autè inquit, ut essent in signa & tempora, & dies & annos, qui Astrologiæ iudicariæ sunt studiosi, accipere hinc tentant argumentum certitudinis dicentes, Deum fecisse astra ut essent in signa, hoc est significationem præberent mortalibus imminentium casuum, verum, quia ea Astrologiæ pars vanitatis insimulatur, à plebisque piissimorum & sapientissimorum, satius est intelligere, dictum esse in signa & tempora, quasi in signa temporum. nimirum motus astrorum, præcipuè Solis & Lunæ, definiunt tempora. ut dies est circuitio solaris: hora vigesima quarta eius circuituonis pars, annus motus integer Solis per totum Zodiacum mensis motus Solis per vnicum Zodiaci signum, aut motus Lunæ per totum Zodiacum: tempora etiam quatuor anni definiuntur accessu & recessu Solis nimirum. tempus, ut Arist. docet, est numerus qui numeratur motu: motus verò est numerus, quo numeratur tempus ut numerantur horæ per transgressiones gnomonis à lineis ad lineas, & dies per circuituones Solis. non tamè quia fecit Deus astra in signa temporum, statuumendum est, ut vulgus Philosophorum censet, tempus ipsum esse motum cœli. nam, ut Plato inquit, tempus est imago æternitatis,

Astrorum
creatio.

Cœli &
astri dis-
cretio.

In signa
facta.

nitatis, in numero fluens. in quod idem aliis verbis dixit Aristoteles, Æternitatem esse nunc stans, tempus verò nunc fluens. ille verò fluxus, seu illa duratio, quod ipsum tempus est, non aliter numerari potest, quàm per motum. In motibus autem, nullus tam idoneus calculus est, quàm cœlestis, ac præcipuè solaris, quia maximè omnium regularis, & incommutabilis, minimè possit calculus fallere. omnibus etiam mortalibus idem conspicuus, vt nullum aliud habere possit mundus totus, commune horologium. Scimus tamen numerari etiam vtcunque horas clepsydri: quin & menses & annos horologio Ianeli. verum est, hæc omnia horologia ad primum illud referri, vrpote ad priorem motum stabiliorum, & sui similiorem: atque nisi ad illud referantur, non posse esse certam computationem temporis: cùm alij omnes motus sint irregulares, & in subiecto corruptibili. nihilominus in quocunque motu est duratio numerabilis, quod tempus est. Quapropter nullam repugnantiam continet, fuisse ante cælum diem, & ante Solem, res. Sed si hæc vocantur luminaria, quasi luminis fontes, factaque sunt vt separent diem à nocte, diuidantque in dies, quo pacto potuerit esse lux res dies ante Solem? ipsi dies quo pacto potuerunt numerari? Quod quidem id fieri potuerit, nulli videri debet dubium. quia quæcunque potest Deus facere per causam secundam, facere potest per sese. Si enim rectè monstratum est antea (vt certè mihi videtur) factum esse hunc mundum ex nihilo, constat Deum, à quo factus est, nulla, ad quippiam faciendum, indigere secunda causa: siquidem neque ad faciendum totum, indiguit vlla materia. At verò cur ita fecerit, ac non potius solem principio, per eum lucem & dies, dignum consideratione est. primum quidem, pro hac dubitatione non est satis dicere, quòd multi, isque grauissimi sacræ Scripturæ interpretes dicunt, omnes mundi partes factas esse simul in eodem instanti. Nam etsi ita esse concedatur, est necesse, hac serie narrationis, ordinem aliquem indicari naturæ. non enim temerè hæc dicuntur ante illa facta, cùm præcipuè etiam dierum numero distinguatur ille ordo. Si ergo quæ prius facta dicuntur, priora etiam esse natura oportet, nulla necessitas cogit affirmare, in eodem instanti facta esse, quin potius consentaneum magis esse videtur, mundum in tempore futurum, tempora-lem habere creationem: atque in eam, hebdomadam vnā infumi, quandoquidem omnia sæcula, multitudine hebdomadarum constant. vnitas ergo hebdomadis, meritò sit principium multitudinis hebdomadarum, hoc est, omnium sæculorum

Cœli regularitas.

Lux ante solem.

Sol cur non prius creatus.

An totus mundus in instanti.

Hebdomadarum principium.

Deus
causa li-
bera.

sæculorum. neque verò hoc ullam arguit primæ causæ debilitatem. non enim eam causam naturalem ponimus, quæque faciat semper quantum potest, sed liberam & sapientissimam, quæ facit ut maximè expedit, atque omnia pulcherrima & concinna, in numero, pondere, & mensura. Quapropter verba illa capitis 18. Ecclesiastici, *qui vivit in æternum creavit omnia simul.* ego ita interpretor, Creata esse omnia intra illam hebdomadam, perfectumque esse mundum, ita ut nulla eius pars princeps, quæque à creatione habitura esset initium, decesser. Nam ut iniriò capitis secundi dicitur, *perfecti sunt cæli, & terra, & omnia ornatus eorum, complevitque Deus die sexta opus suum,* quibus verbis facilè refelli potest sententia quorundam Astrologorum, qui stellam illam, quæ superiori anno qui erat septuagesimus tertius supra millesimum & quingentesimum, apparere cœpit in genu Cassiopeæ, duravitque per magnam præsentis anni partem, affirmarunt esse novam, creatamque denuò: non minùs quàm deceptus est Hipparchus, novam stellam suo ævo se putans deprehēdisse: quod narrat Plinius lib. 2. cap. 2. nondum enim fuisset perfectus omnis ornatus cœlorum, si illa stella in hoc vsque sæculum caruisset mundus, essetque iam mutilus nunc, ex quo desit apparere Itaque fuisset nunc, & creatio, & annihilatio, cùm scriptum sit 3. cap. Ecclesiastes, *didici quòd omnia opera Dei perseverent in perpetuum,* durasset verò illa stella minùs anno. Rem profectò fuisse admiratione dignissimam, vel ex opinionibus, in quas viri doctissimi coniecti sunt, intelliges. Cùm enim nullam stellam primæ magnitudinis, qualis ea esse videbatur, ibi vnquam extitisse scirent, videretur verò, quicquid id esset quod appareret, supra Solem esse, quod nullam haberet paralaxim: alij stellam quidem esse, eamque novam, affirmabant: alij (facilius hoc rati) esse cometam genitum intra ipsum cœlum, atque inde agnosci, cœlum non esse alterationis incapax, ut censeretur, sed, quia hoc mihi durissimum videtur, illud prorsus falsum censeo, stellam illam à mundi principio ibidem extitisse, ac nunc extare, exiguum adcò, ut videri, nisi debilitate, non possit: tuncque visam esse incrementum vsque ad primam magnitudinem, ob aliquam mediij mutationem, quæ tandiu duravit: cùm enim cœli partes non fiat æquè crassæ, ut via lactea. & Lunæ maculæ & ipsa astra indicant, fieri potuit, ut ea stella, per proprium stelliferi motum, inciderit in partem aliquam proximi cœli, densiorem reliquis: per quam densatum lumen, maioris stellæ exhiberet speciem, deinceps verò inde decedens, videretur esse minor, ut nunc quidem, aliquando videtur exigua, aliquando nulla, ut

Stella
nulla de
novo.

Stella
anni.

Via la-
ctea.

æter habet. Facta itaque sunt omnia simul intra primam hebdomadam, sed alia ante alia, ut ego existimo, non natura solum, sed etiam tempore. cur verò lux ante Solem, rursus dicere aggrediamur? Sol non illustrat totum hunc orbem, sed eam solum partem, quæ motui subiecta est. nam quandoquidem in quarto orbe situs est, substantque illi tres tantum, superstant verò plures: siquidem planerarum alij tres, insuperque stellarum & non sparsa, atque qui his superstant, tantò sunt crassiores, quanto sublimiores, constat Solis splendorem non posse sedem Beatorum attingere, aut adeò languidum, ut illa futura esset obscura. constat verò eam non posse esse lumine vacuam, quia cum corpus luminis receptivum sit, esset in tenebris, si lumine careret. quid verò magis absurdum, quam putare Beatorum sedem tenebrosam esse, aut omnino parum lucidam, idque lumine ab imperfectiori mundi parte emendicaro? cum enim sint tres mundi partes, suprema, ima, & media: media tantò imperfectior est quàm suprema, quanto perfectior quàm infima. media est cælum quod movetur, corruptioni verò non est obnoxium; suprema verò est cælum purissimum, & omni vacans motu, in quo sunt etiam beatam ducentia vitam, ut Aristoteles dicit, absurdum ergo illam aut lumine carere, aut ab imperfectiori emendicare. non est ergo ita, sed tantò est fulgentior, quàm solaris orbis, quanto sublimior: idque lumen à Sole non accipit, sed ab ipso supernæ illius civitatis rege Deo, ut scriptum est in capite penultimo Apocalypsis, ubi ita habetur: *Et civitas non eget Sole neq; Luna, ut luceant in ea. nam claritas Dei illuminavit illam & lucerna eius est agnus.* Sed neque in hoc mundi orbe, qui subiacer mutationibus, est omnis lux à Sole. nam ignis etiam effundit lucem, & animalium etiam oculi præcipue quorundam. hoc si ita est, constat lucem priorem esse natura Sole. quia non potest esse Sol sine luce, potest tamen esse lux sine Sole, ut in sede Beatorum, & ab igne. Si igitur lux prior est Sole, & alterum ante alterum fieri oportuit, consentaneum erat fieri lucem ante Solem. oportuisse verò non fieri simul, hinc rursus constabit. Consentaneum est rationi, idque ordo exigit, ut in omni structura, seu opificio, procedatur ab imperfectioribus ad perfectiora. non debuit igitur Solem præstantissimum huius corporei & mobilis mundi membrum, ante alia creari: quin potius omnem corruptibilem partem, & cælum ipsum, fieri prius, lucem verò in ipsa prima die oportuit, quia, ut dictum antea est, hæc tribuit rebus vitam, ignem generationem omnium parentum, per omnia circaducendo. Si ergo

Lux ante
Solem.

Solis lux
quousque
pertin-
gat.

An omnis
lux à So-
le.

Lux causa
vix.

melius fuit, ab ipso principio generationis, incipere aquarum fecunditatem, ipsamque rerum naturam pullulare, quam per tres dies esse omnia otiosa, tenebrosa, & Chaos, satius profectò fuit, in medio hebdomadæ fieri Solem, in medio astrorum, ut omnium regem collocandum, ut lucem tueretur, imperitæque aliis omnibus corporibus: lucem verò fieri à primo die, ut mundi vitam, dumque nondum erat Sol, ab ipso mundi parente pendere: non aliter ac in hominis cuiusque ortu (qui non hac solùm in re, sed in multis aliis, similis est ortui totius mundi) euenit, ante cor gigni vmbilicum & hepar, & in illis facultatem esse vitalem. pendentem à matre, tamen in animali iam integro, non aliunde quàm à corde ea facultas esse potest. ita inquam, lux quæ in mundo iam perfecto à Sole pender, in illo inchoato, pendebat à Parente. Usque ad diem quartam, ita actum est. Creatis iam in quatuor primis diebus omnibus quæ vita. carent (dictum enim antea est, plantas esse virentes, non viuentes) processum est ad viuentia: natantia, & volantia, die quinta: sexta, serpenria, & progredientia. quorum vltimus factus est homo, ut omnium rector, & dominus: nisi ipse paulò post, veri Domini imperium detrectando, è domino fecisset seruum. Itaque duobus primis diebus fecit duas mundi partes, spheram hanc corporum corruptibilium, & illam incorruptibilem. neutram verò exornauit, neque perfecit. duobus sequentibus exornauit eas, eodem ordine quo fecerat, corruptibilem, separando elementa, vestiendoque terram omni fruticum genere: incorruptibilem, luminaribus, velut gemmis, exornando duobus vltimis creauit viuentium omnia genera: aquatilia primùm, deinde terrena: atqui, quoniam primis duobus diebus, nihil fecit perfectum & exornatum, cum in singulis sequentium quatuor dicat Moses, & vidit Deus quòd esset bonum, primo & secundo die id non dixit: scilicet, quod factum fuerat primo & secundo die, nondum erat bonum, id est, perfectum, & plenè exornatum, sed imperfectum & inchoatum. Quonià verò primo die fecit lucem, quæ, ut dictum est, natura prior est Sole, ac proinde nulla creatura corporali posterior, sed suo genere perfecta. hanc laudare oportuit. Proinde in primi diei narratione, Moses non dixit, *vidit Deus quòd esset bonum*: sed *vidit Deus lucem quòd esset bona*, reliquum verò eius diei opificium non laudauit, neque omninò quod factum est die secundo. Occurrere possit hęc dubitatio, cur ut totius mundi fabricam ab imperfectioribus inchoauit, non ita, singulorum, & animalium & arborum primùm quidem semina creans, deinde ex illis ipsa nasci iubens. huius verò causa

Homo cur
vltimus
creatus.

causa est, quòd semen generationis est causa, ipsum verò generare animalium perfectiorum (eadem est ratio arborum) est : quapropter naturalis ordo poscebat, ut semina post perfecta fierent animalia. est enim homo hominis, causa præcipua & effectrix, semen instrumentalis & materialis. naturaliter verò prior est causa præcipua, quàm instrumentum : & effectrix quàm materia. Porro animal quodcunque, prius esse natura quàm suum semen, docet Aristoteles cap. 7. duodecimi Metaphysicorum, his verbis. *sperma namque ex aliis prioribus perfectum est, neque sperma primum est, sed quod perfectum est, veluti hominem priorem spermate esse, non illum qui ex eo generatur, sed alium ex quo ipsum sperma est.* hanc ipsam ob causam, factus est vir ante mulierem, ut capite vndecimo epistolæ primæ Pauli ad Corinthios dicitur : *Non enim vir ex muliere est, sed mulier ex viro. etenim non est creatus vir propter mulierem, sed mulier propter virum.* Videri possunt alicui, verba hæc, Physicè consideranti, improbable aliquid, & iis quæ secundum naturam eueniunt aduersum, continere. Siquidem non videtur rationi consonum, idem esse ex quo, & propter quod aliquid fiat. nam id ex quo, videtur pertinere ad materiam : propter quod, ad finem, & cuius gratia. materia verò & finis in causis, videntur plurimum dissidere. alterum enim est quid imperfectissimum, putà materia : alterum quid perfectissimum, optimum, & diuinissimum, putà finis. quomodo igitur colligit Diuus Paulus, vir ex muliere factus est, quia mulier facta est propter virum ; imò verò videtur melius fortasse dicturus, vir factus est ex muliere, quia mulier propter virum : ut scilicet ligna congerimus propter ignem, quia ignis ex lignis fit. quapropter videtur, neque hoc dici satis Physicè, neque secundum naturæ rerum conditionem effectum esse, quod cap. 2. Geneseos narratur, ut scilicet vir fieret ante feminam : sed oportuisse, ut femina velut imperfectius quiddam constaret prius, ac deinceps opificio crescente, & perfectionem consequente, ex ea fieret vir, ut scilicet, fit prius embrio, & deinde ex illo homo, hæc certè fuit sententia Pythagoricorum, & Pseusippi, qui dictis agumentis, ut narrat Aristoteles duodecimo Metaphysicorum, cap. 7. censebant semen natura prius esse animali aut planta, quæ ex illo fieret. quia, ut illis videbatur, quod optimum & pulcherrimum ; non potest esse in principio, sed potius ex tenuibus principiis inchoatæ res perfectiores euadunt. quapropter iuxta horum sententiam, neque arbores, arbuta, & herbas viuentes, oportuit fieri in principio, sed

Animalia ante semina.

Vir ante feminam quare.

Mulier propter virum.

De semine quid Pythagoras.

eorum semina, atque ex eis illa deinceps: neque virum ante
 foeminam, sed foeminam primum, & ex ea virum deinde nasci.
 si enim alterum ex altero fieri oportebat, ac non ambos simul,
 vicem viri supplere Deum fecundantem mulierem, vt nasce-
 retur vir, erat magis consentaneum, quàm foeminæ, vt ex viro
 nasceretur foemina. hoc enim passionis & imperfectionis est,
 illud efficaciz & perfectionis. Videtur huic opinioni facere,
 opificium totius mundi, quod ab inanimatis ad vtcunque
 viuientia, & ab his ad sentientia, & ab his ad rationalem pro-
 cessit creaturam, atque omnino ab imperfectioribus ad perfe-
 ctiora. Cur non igitur perinde in singulis rerum generibus fa-
 ctum sit hæc videntur pro Pythagoticis & Pseusippo dici posse,
 & præscriptis verbis D Pauli obui. Nihilominus Aristoteles
 loco citato ex Metaphysicis, contrariam statuit assertionem,
 licet, quid optimum & pulcherrimum esse rerum principium.
 quod quidem primum in vniuersitate manifestum est. quia
 non aliter quàm participatione boni, quod inest primo, facta
 esse possunt reliqua omnia. nam, aut mundus hic totus ab
 æterno extat qualis nunc est, aut aliquando factus est, cùm
 antea non extiterit. non posse esse ab æterno quidpiam, eo-
 rum, quæ commutationis, aut vtcunque motus alicuius sunt
 receptiua, monstratum antea est. superest ergo, aut omnino
 nihil ab æterno esse, aut solum principium aliquod impatibile,
 atque immobile, vt omnino nihil fuerit ab æterno, fieri non
 potest. quia nulla potentia, neque actiua neque passiuæ præ-
 existente, ne intelligi quidem potest, effectum esse aliquid.
 Quando igitur mundus hic corporalis, quem conspiciamus,
 est nunc, non est autem ab æterno, necesse est aliqua actiua,
 aut passiuæ, aut vtraque, ab æterno extiterint. passiuæ siue
 actiua necesse quidem potest, quia fieri non potest, quod
 nulla res potest facere. effectiuam igitur virtutem fuisse ab
 æterno necesse est, siquidem factus est mundus: illi autem vir-
 tuti nihil potuit esse coæternum extra ipsam, quia essent duo
 per se entia diuersa natura: ita verò neque maneret mundi
 vnitatis, neque perfectio, neque omnino mundus. nulla ergo
 erat ab æterno futuri mundi materia, alioqui esset dualitas in
 principio, quod fieri non poterat, quia non potest esse dualitas;
 quæ non sit prior aliqua vnitatis. omnium ergo primum fuit
 quod vnum, idque fuit virtus omnium effectrix, sine vlla materia.
 nulla ergo ex re fecit, sed ex seipso, constat verò quod non ex
 se vt ex materia, siquidem nihil habebat passiuæ potentiz, sed
 vt ex exemplari. vtraque ergo ratione constat illud principium
 esse quod summum bonum, & quia fecit omnia. præcipue ex
 nulla

Principiū
 rerū quid
 optimum,

Æternū
 vnum so-
 lum.

nulla materia: & quia ex seipso vt exemplari. nam si fecit, ha-
 buit in sese actu bona omnia, quæ reliqua poterant recipere,
 quod enim facit, facit qua actu habet id, quod accipit, id quod
 fit. si verò ex nulla materia, virtutis infinitæ erat. omnis enim
 finita certæ cuiusdam materiæ dispositionis necessitate tene-
 tur. Si igitur aliarum omnium rerum habuit perfectiones
 omnes, & virrute infinita est, cerrè nullam admittit imperfe-
 ctionem, quia imperfectio omnis perfectionem aliquam ex-
 cludit. vbi ergo nulla perfectio deest, nulla est imperfectio.
 illud ergo ex quo vt exemplari, & vt effectrice causa, facta est
 rerum vniuersitas, omnium est optimum. si autem omnium
 optimum, necesse est, & omnium esse finem. siquidem finis Finis om̃i
 omnium in bono est, & ipsa bonitas est ratio finis, & cuius niū Deus.
 gratia necesse est. ergo illud ipsum exemplar, ex quo facta
 sunt omnia, fecisse omnia propter seipsum, propter bonum
 scilicet, quod capite 16. Prouerbiorum apertè dicitur, his ver-
 bis: *Omnia propter seipsum operatus est Deus* Si quidem igitur ipse
 ex seipso vt ex exemplari, propter seipsum fecit, verissimè dici-
 tur cap. 21. *Apocalypsis, Ego sum u & p̃ncipium & finis.* Ita-
 que in vnineritate, constat principium esse quod optimum,
 atque inde reliqua deriuari. Sed in quocunque rerum genere Perfectū
imperfe-
ctio prius,
 perinde habent, estque, quod perfectius & melius, etiam prius:
 velut arbor & homo (eadem est ratio cuiuscumque viuentis, seu
 virentis, cuius est semen iuxta genus suum) prior est semine:
 semen verò posterius quiddam. nam illud est generationis in-
 strumentum, generatio verò est perfecti seu animalis, seu
 p̃nuindò vegetabilis, actio. Vt igitur natura prius est quod
 vtitur quàm id quo vtitur, & artifex quàm instrumentum, ita
 ipsum animal quàm semen. hoc verò, vt posterius quiddam, ex
 illo deeditur, ita etiam in sexu euenit. mas enim vt perfectior, Mas per-
fectior
fœmina.
 ira prior natura est quàm fœmina. nam cùm eiusdem sint
 naturæ, soloque discreta sexu, sicutque sexus fœmineus, vt
 Aristoteles docet 4. de generatione animalium, læsio quædam,
 & quoddam detrimentum, seu, vt quis dixerit, quædam muta-
 tio virilis sexus, constat fœminæ generationem esse velut mu-
 tilationem, & debilitationem viri. constat verò necessario,
 quid integrum & perfectum, prius esse quàm debile & mui-
 latum. quia quod mutilatum, sit integri mutilatione. vt ergo
 homo sanus natura prior est quàm mancus: quia hic fit illo
 hoc modo læsio: ita secundum naturam effectum est, vt si quod
 fuit totius generis initium, id esset à mare, illo verò per-
 cussio, fœmina fieret, vt debilius quiddam, necessarium tamen
 propter ipsum virum. nimirum vir est quod firmum, & proinde
 efficax,

Forma &
finis & ef-
ficiens
idem.

efficax , fœmina quod debile , ac proinde teceptium , & par
idoneum. finis autem est in eo quod melius. igitur fit, vt, velut
in re quacumque natura constanti, materia propter formam
est , forma verò causa efficiens & finis , ita in quocumque ge-
nere cuius est sexus, mas sit causa præcipuè effectiua & finis,
fœmina verò, qua fœmina sit, passiua dixi *qua fœmina* : quia si
quæ illi vis est & efficacia, id masculinæ perfectionis inest par-
ticipatione, vt fœminæ verò sola debilitas, patibilitas, & mu-
tilatio. nimum mas & fœmina idem animal est , facit verò
fœminam defectus, quare qua tali nihil efficaciæ , sed sola pas-
sio inest. Cum igitur causarum omnium , intentione prima sit
finis, effectiōis autem ordine, quæ efficit , constat marem na-
turæ ordine esse priorem fœmina, efficit quia & intentione,
quia fœmina propter virum. Si enim solis viris posset constare
humanum genus, neque indigeret sexu debiliore ad generatio-
nem, omnino nullæ factæ essent mulieres (nisi fortè per impo-
tentiam vt monstra quædam) illud enim nostri principium,
quod & summum bonum esse indicauius, boni gratia semper
operatur , bonæque omnia esse vult. si ergo fœmina facta est
propter virum , vt propter optimum sui generis, oportet verò
principium esse quod optimum , constat appositissimè atque
admodum Philosophicè dictum esse à Diuo Paulo , mulierem
factam ex viro, quia propter virum, maximèque congruere
hæc cum Aristotelica doctrina ex 12. Metaphysicorum. neque
verò ex dictis difficile sit respondere Pythagoricorum argu-
mentis & Pleusippi. id enim quod dicunt (principium scilicet
rerum esse quod imperfectissimum & minimum de materiali
principio solum verè dicitur, & sit panis ex frumento, & ex cæ-
mento domus. nos verò de principio effectiuo intelligimus &
exemplari, quod idem indicatum est esse finem & cuius gratia.
homo ergo factus est ex vilissimo principio vt materia , ex li-
mo inquam terræ, tamen vt effectiuo ex diuino exemplari, per
quod, & cuius gratia facta sunt omnia , fœmina verò ex viro,
propter quem etiam facta est : quia non erat bonum esse eum
solum, vtpote perituum , nisi per debilitatem mulieris, facta
conceptione similium conseruaretur. est enim, vt loco citato
Diuus Paulus dicit, mulier ex viro, vir tamen non sine muliere,
sed per mulierem. omnino enim & à principio, fœmina ex viro,
deinceps autem per singulos , viri per mulieres seruantur. ita-
que hominis ortus (ita autem & aliarum rerum omnium natu-
ra constantium) ex vilissimo principio materiali incepit, ef-
fectiuo verò optimo & sui generis præstantissimo , à quo &
propter quod factus est, ita & tota rerum vniuersitas ab imper-
fectissimis

fectissimis suis partibus vt reliquorum omnium futura materia inchoata est, effecta autem est per optimum illud æternum & diuinissimum principium, ex quo etiã vt exemplari, & propter quod facta sunt omnia. Neque verò (vt obiciebatur) si fecit Deus alterum ex altero, vt fœminam ex viro, necesse est alterius vicem supplẽuisse, neque enim ex viri perfecti semine fieri mulierem voluit, vt pote quam non oportuit esse filiam viri (ne deinde ex rurpi congressu inciperet generatio naturalis) sed ex latere decisam, vt sociam, & alteram hominis partem quasi vir & fœmina eadem caro futura esset, & alter idem, vtrumque itaque fecit ipse Deus, non tamen æquẽ primò, sed alterum ex altero, vt ex quodam principio perfectiori, & exẽplari; nimirum, vt fecit virum ad imaginem & similitudinẽ suam, ita mulierem ad imaginem & similitudinem viri, atque proinde, vt caput viri est Deus per Christum, ita caput mulieris est vir: atque quoniã vir ex Deo, & fœmina ex viro suam accepit perfectionem, merito vir gloria Dei est, & fœmina gloria viri, vt scilicet filius patris, & discipulus magistri, & optimum quodque opificium artis, & cuiusque imaginis pulchritudo, sui exemplatis. cur igitur arbores, fructus, & herbæ facta sint antequam sua semina, & vir ante mulierem, curque mulier ex viri latere decisa, dicta vtrumque est naturalis causa. non enim spero me, vel minima ex parte cõsequi posse quæ in his & aliis factæ Scripturæ locis latent, vel quæ ad solam naturã spectant arcana. de quibus solis est hæc commentario. altiora enim quæ hîc sunt sacramenta, perquirent Theologi, quorum altissimis contẽplationibus humiliores has nostras seruire volumus, vt viro fœminã. Succedit verò mox dictis dubitatio, cur siquidem mōstratum est, sexum masculinum natura priorem esse fœminino, quod hîc velut ex illo mutilato fiat, non perinde Deus in aliis animantibus efficiendis se gessit atque in homine, masculos scilicet efficiens prius & ex illis fœminas, sed nulla sexus distinctione, aquis terræque imperauit dicens, *Producant aquæ reptile anima viuens, & natatile & volatile super terrã sub firmamento cœli.* & rursum, *Producat terra animam viuẽtẽ in genere suo, iumento & reptilia & bestias terræ secundum species suas;* certè nō in vno aut altero, sed in omni genere viuentiũ, quibus est sexus differeẽtia, mas. vt perfectior, ita est natura prior quàm fœmina, nimirum vt singulorum animalium sunt duo latera, dextrũ & sinistrum, quorum dextrum & perfectius. & prius est quàm sinistrũ (definitur enim dextrum mouendi principio, sinistrum fine ita cuiusque generis talis est duplex sexus, masculinus, qui perfectior est & natura prior, neque certè exẽplũ est valde dissimile. nam

Mulier
non ex se
mine.

Vir est
gloria
Dei.

Dextri
definitio.

ut à dextro incipit animalis progressio, & sinistro finitur, ita generario à mare inchoatur, & perficitur in muliere, itaque ut dextrum sinistro, ita masculinū feminino prius est, tamen satis fuit id in vnius, eiusque præstāissimi animantis ortu indicare, in aliis multò magis præstitit materialem significari naturam, nihilque in illis esse Diuinum, & supra corporalem essentialē separabile, & immortale, ut in homine, sed omnia, secundum se tota, educi de potentia materiæ. Hoc enim significans dicit, *Producant aquæ reptile, & natatile, & volatile super terram, & terra producat iumenta, & reptilia, & bestias*, hominem verò, etsi ex terra fecit, non tamē iussit terræ ut produceret, sed ipse apud sese Deus statuit illum facere, dicens: *Faciāmus hominem*, usque adeò habent magnam energiam verba singula. Sed hīc rursus dubitatio alia subit. Cur volatilia ex aqua potius fecerit quā ex terra, cum præter quādam illorum genera, per pauca sint quæ submergantur aut natent, omnia verò terræ insideant, cum cessant à volatu, ibique nidificent, dormiant, oua incubent, pullos excutiant. si igitur inde animantia fieri oportuit ubi viuunt, ex terra potius quā ex aqua videntur debuisse fieri volatilia, aut saltem ex aëre: ex aqua verò minimè, utpote in quam eorum plurima nunquam descendunt, maximè eū plurima eorum victum ex terra capiant (per pauca enim eorum sunt ichthyophaga, ut aquilæ vnum genus) Hippocrates enim & Medici omnes vno ore affirmant, ex eisdem uos fieri, quibus nutritur. Præterea si substantiā eorum & temperiē consideres, videbuntur ex terra potius quā aqua esse facta. tamen enim magna ex parte tenuior substantia est volatiliū quā terrestrium: tamen eorū quādam duriorem & crassiorem habere videntur quā horum multa, ut vultur & accipitrū genera, quā arietes, atque adeò omnia in commune, ut sunt quā terrestria tenuiora, ita & sicciora. siccitas verò plurimum diffidet ab aquæ natura, à terra non diffidet. Sed quoniam terra ut sicca, ita & crassa est, quod tenue & siccum igneum potius videtur. Cōgruit ergo volatiliū natura cum igne maximè, cū terra aliquatenus, cum aqua minimè, facta ergo fuerint, si habitaculum spectes, ex aëre: si temperiē, ex igne: si minūs, ex terra: cum qua utraque ratione conueniunt ex parte, nimirum partim viuētia in ea, & partim illi temperiē similia secundum siccitatem scilicet: ex aqua verò nulla ratione videntur fuisse efficienda. Esse qualem diximus eorum naturam ex Hippocrate licet discere, quī lib. 6. Epidemicōn sectione sexta, inquit, *bilis ut dicebam de auiibus, quod biliosa. quo pacto ergo potuerunt biliosam naturam ex aqua recipere?* Medici quoque omnes carnes volatiliū censent

Esse ex
quibus.

Siccitas.

Aues
ignea.

sent esse tenuiores & sicciore. quin & ganeones testimonium tali naturæ præbent, quidā enim eorum non satis assis veltuntur, nulli verò nisi cū sunt pingues: vt scilicet leui assatione, & pinguedine, temperetur naturalis earum carniū siccitas. vnde ergo quis coniectet, aues esse ex aqua natas? Aristoteles cap. 4. lib. 4. Meteorum indicauit, in igne aut aëre nullum animal gigni, sed in aqua aut terra omnia, eò quod corpora omnia solida, ex sicci & humidi crassi commixtione, generentur, quæ sunt terræ & aquæ, arque ita corpora omnia concreta, aut ad aquā, aut ad terram pertinere, quod ad substantiæ modum at-
rinet. Itaque tametsi ponantur elementa quatuor, corpora verò solida, ex crassis esse: ex tenuibus, aëre inquā & igne, accedere illis temperamenta & virtutes. siquidem igitur ex quocunque quatuor elementorum animalia, fieri possent, aeri, vaga ex aëre fieri, fuisset consentaneum: cū verò id aeris substantia non ferat consentaneum mox è duobus crassis, ex quibus fiunt omnia, ex eo maximè facta esse quod aëri est proximum eius-
modi est aqua. Nolo nunc de aëris temperie differere, neque difficilem contentionē ingredi. Stoici enim affirmant esse sum-
mè frigidam. Peripaterici summè ferè calidum. Mibi semper visus est nihil esse insigniter, sed temperatum quiddam, & me-
diocre. sed hoc nunc habeat vtrunque, commutandi facilitate proxima esse dico aquam aeri, idque ob substantiæ modum. nam aqua in aerem abit extenuata, & aer in aquam densatus, nulla intercedente generatione, nisi fortè vaporis. facta itaque dicimus voluctia in aerem euolutura ex aqua vt ex ipsius aeris materia futura vt etiam ex aqua vapores, ipsius aeris proxima materia. ita enim euolant etiam ex aqua vapores, ipsius aeris materia futuris nisi rursus densati in pluuiam præueniant de-
scendere. Diuus August. lib. 2. de Genesi ad literam, addit volatilia non volare per sublimem aerem, qui serenus tranquillus-
que est: sed per hunc turbidum & crassum, terræ proximum, qui excipit vapores omnes terræ & maris, & in quo pluuiæ con-
crescunt, ita vt ea eius pars, aqua potius extenuata, quàm aer esse videatur atque ita principium ex quo sunt factæ aues, & habitaculum earum, simile ac ferè idē esse. insinuat ergo Au-
gustinus, natatilia & volatilia facta esse ex aqua: illa verò ex crassa quæ in mari fluctuat, hæc ex tenui, quæ in aëre volitat. tamen corpulentia auium crassum etiam desiderat principium: iuxta id quod ex Aristotele accepimus. neque verò quia non sunt volatilia temperie aquæ, non sunt facta ex illa, non enim ex similibus res fiunt, sed ex contrariis, & ea non fiunt ex ma-
nente tali, sed ex alterata aqua exemplo est sal, qui non solum

In aëre
nihil gi-
gnitur.

Aëris
temperies.

Aëris ma-
teria pro-
xima.

Aues in
qua parte
aëris vo-
lent.

Piscium
tempera-
mentum.

Vesica ca-
rentia.

Abentia.

eam facillè emollitus soluitur, tamen temperie est siccus & calidus. Itaque ex aqua facta sunt natatilia & volatilia: illa verò est minùs alterata, hæc est alterata magis: proinde pisces temperamento etiam sunt similes aquæ, aues contrariæ: tenuior verò substantia quàm terrestribus vtrisque est. Attestantur huic cõmuni ortui, multa, quæ piscibus & auibz communia sunt, quibus à terrestribus discrepant. vtraque enim sunt ouipara (præter pauca quædã natantium, quæ & ipsa intra sese pariunt oua) hæc viuipara. vtraque etiam vesica carent, & partim nullo, partim exiguo potu vtuntur. terrestria omnia habent vesicam, & mingunt, & vtuntur copioso potu. Porro squammæ & plumæ ad aquam videntur pertinere, præ pilis, hi verò ad terram, generationem enim his tribuunt omnes, & Physici & Medici, ex fuliginibus, quarum est terrea & exusta natura: illis verò ex pituitosis crassisque excrementis. argumẽto. sunt quidam morbi, per quos crustæ quædam squaminis similes, cuti adhærent. eas enim in crudorum & crassorum excrementorum circa cutem putrescentiam, referuntur: squammarum verò & plumarum materiam esse aquam, quæ mingenda foret, author est Aristoteles, vt multis aliis in locis, ita tercio de partibus animalium, cap. 7. quod idem de alimentò pennarum auium dixit pluries in eodem opere. Itaque non parum videtur cum rerum ipsarum naturis consonare, vt volatilia & natatilia ex aqua facta sint, velut terrestria ex terra inanimatorum, itaque & animatorum omnium ortus primus ita constitit.

C A P V T II.

Ex cap. 2. Geneseos.

Ista sunt generationes cœli & terra, quando creata sunt in die quo fecit Dominus Deus cœlum & terram, & omne virgultum agri, antequam oriretur in terra, omnemque herbam regionis, priusquam germinaret. His verbis, intelligit Philo Iudæus significari retum omnium ideas, & causas exemplares: quòd non aliorum videatur posse dicere, virgultum agri antequam oriretur in terra & herbam regionis antequam germinaret, nisi vt insinuaret, factum fuisse virgultum antequam oriretur è terra, intelligibile scilicet & incorporeum, exemplarque huius materialis, quod postea è terra ortum est. ita etiam & res alias omnes quæ corporeæ creatæ sunt, existisse antea incorporeas, at verò si virgultum antequam oriretur in terra significat virgulti

gulti ideam, videntur hæc verba significare, fecisse Deum virgulti (ita verò & aliarum rerum omnium) ideas, atque aded totum mundum intelligibilem, antequam res ipsas sensibiles, deinde has ab illis, velut ab exemplari, deduxisse. id verò falsum est. nam si exemplares causæ factæ essent, earum oporteret esse alia exemplaria, & illorum rursus alia, atque ita procedetur in infinitum, aut perueniretur ad æterna, omnique carentia, principio, exemplaria. quæ si sunt, mox ab illis, citra aliorum exemplarium generationem fieri deducique possunt res sensibiles, & omnes mundi partes Ideæ ergo, & exemplares rerum causæ, extra Deum nullæ sunt, sed in ipso Dei substantia. id quod Platonem quoque sensisse, haud dubium est, siquidē dicit. *Rursus cōsiderandum est, an mūdi faber sit imitatus exemplar: id ne quod semper idem & simile est, an id quod genitum fuerit, atqui si pulcher est hic mundus, & opifex mundi bonus, sempiternum cerid exemplū maluit imitari: sin secus, quod ne dictū quidem fas est, generatum exemplar, est, pro æterno, sequutus.* hæc Plato. ex quibus constat, exemplar rerū, quæ factæ sunt in substantia, esse ipsius opificis. nihil enim Plato æternum esse censet, præter Deum. nam minores Deos, & factos, & dissolubiles, nisi benignitate Dei Optimi Maximi seruantur, esse autumat. mundi igitur intelligibilis, nulla temporalis genesis est, sed tantum huius sensibilis. Quapropter, ponere vlla rerum exemplaria creata, absurdum est, alioqui fecisset Deus hominem, deinde Petrum & Ioannē. id verò fieri non potest, quia in definitione & essentia hominis est, vt constet corpore & anima. ac sine eis, ne intelligi quidem potest, nedum esse: vt neque simitas esse potest, vbi nō sit nasus, quia in definitione simitatis est nasus, cum sit nasi caritas. quo pacto ergo homo, quin sit animal? aut quo pacto animal, quin sit corpus; corpus autem non Mathematicum, quia non esset sensitiuum: si autem corpus Physicum, certè & hoc: siquidem vniuersalia per materiā sunt hæc. non potest igitur esse homo, qui non sit aliquis homo. sed vniuersale in rebus creatis, est ratio vniuersalis in omnibus existens, cogitatione separabilis. exemplar verò ad quod facta sunt singula, est æterna illa notitia rerum omnium, quam Deus semper apud se habuit, ab æterno conceptam, factam autem nunquam. Constat etiam ex verbis his capituli octauī Prouerbiorū, *Dominus possedit me in initio viarum suarum antequā quidquā faceret à principio.* si enim ea à Deo esset facta quomodo posset à Deo possideri, antequam quidpiam fieret? esset enim ipsa facta. non est itaque facta, est tamen eadem ab æterno concepta, siquidem addit, *ab æterno ordinata sum, & ex antiquis*

Exemplar
mundi æ-
ternum.

antequam &

Sapientia
ab æter-
no.

antequam terra fieret. Nondum erant abyssi. & ego iam concepta eram, & c. 24. Ecclesiastici dicit ipsa Sapientia, Ego ex ore altissimi prodixi, primogenita, ante omnem creaturam. Itaque Dei sapientia per quam facta sunt omnia quæ facta sunt, facta esse non potest, concepta verò ab æterno, quæ est ipsum Dei verbum, Dei sapientia, hæc verò in Deo (vt & alia omnia quæ in ipso sunt) nullatenus accidentalis, sed ipsamet diuina substantia est. hæc in Deo necesse est ponere, alioqui fecisset Deus omnia, nesciens quid faceret, velut, cæcutiens, & temere aliquid agens: factaque essent omnia casu, præter intencionem agentis: hoc verò est impossibile, quia aut hæc faciens volebat alia facere, quæ non fecit, aut nihil volebat, sed necessitate hæc fecit: si primum, Deus fuerit causa per accidens mundi. quod si ita est, non potest esse causa præcipua, quia omne quod fit per accidens, reducit ad aliam causam per se. Mundi ergo esset, præter Deum, alia causa per se, & præcipua. illa ergo potius esset Deus. quapropter Deus non potest ita fecisse mundum, si verè necessitate fecit; nulla causa est quod non fecerit ab æterno, ac verò monstratum antea est, mundum non esse ab æterno, igitur superest Deum ab æterno habere apud sese notitiam rerum omnium creandarum, atque fecisse tales quales agnoscebat, illamque notitiam esse exemplar per quod facta sunt omnia. atque cum illamet notitia sit ex substantia Dei, diuinitus enarrata est mundi creatio in Euangelio Ioannis, ducta scilicet ab exemplari causa, & æternis ideis, *In principio (hoc est Deo) erat verbum, & verbum erat apud Deum, & Deus erat verbum, omnia per ipsum facta sunt.* Præter hoc verbum nullæ sunt idæ, neque causæ exemplares mundi, neque in tota hac narratione mihi videtur Moses, exemplaris causæ rei vilius meminisse, præterquam hominis, de quo inquit, *ad imaginem Dei creauit illum.* Proprie quidem, quia ad illud exemplar, quod est verbum Dei. id verò est imago substantiæ Patris. hoc ipsum fuit exemplar aliarum omnium rerum, siquidem omnia per ipsum facta sunt. fortasse satis fuit hic exponere causam exemplarem hominis, vt eadem intelligeretur esse totius mundi. quandoquidem in substantia hominis sunt omnes mundi partes, vt nihil verius à Philosophis dictum sit, quàm hominem esse microcosmum. quod non ita intelligens Philo. cōmentatur illud esse dictum de anima hominis, illique soli fuisse Deum ipsum exemplarē causam, corpus verò atque reliqua corporalia, facta esse ad exemplaria creatā. proinde in 1. cap. creationem animæ, quæ præcipua hominis pars est. atque vt censet Plato in dialogo de natura hominis, & Auicenna in mahar, solus est homo, traditam esse, vbi dicitur,

Exemplar
hominis.

Micro-
cosmus.

An sola
sit anima
creata.

dicatur, *Ad imaginem Dei fecit illum*, in hoc 2. cap. tradi corporis creationem, ubi nulla imaginis Dei sit mentio, sed dicitur, *formauit igitur Dominus Deus hominem de limo terra, & inspirauit in faciem eius spiraculum vite*. Verba verò Philonis in libro de opificio mundi, sunt hæc. *Quod autem in anima quoque par inerat praestantia, manifestum est, nullo enim creato exemplari, in ea facienda usus videtur, sed solo, ut diximus, suo ipsius verbo, ideoque narratur, effigiem & imitamentum fuisse, hunc hominem inspiratum in faciem*. Hæc Philo: quibus aperte dicit, hominem inspiratum in faciem illius statuæ, quæ ex luto constitit, esse animam, eamque sine creato exemplari factam esse, effigiem & imitamentum Dei: corpus verò, atque adedò alia, facta esse ad exemplaria, quæ erant in vrbe intelligibili, quam primo die, de sententia illius, fecit. neque verò non ita sentit, quia paulò antea dixerat, mundum intelligibilem esse verbum Dei. nam non utcumque id dicit, sed mundum intelligibilem, esse verbum Dei iam facientis mundum; urbem verò intelligibilem (hæc sunt causæ exemplares) esse rationationem Architecti, cogitantis iam verbum mente conceptam, condere. Itaque ille ponit verbum Dei, idque æternum, illud verò, non ab æterno, sed cùm iam vellet mundum condere (ita ut solent artifices) excogitasse intra se mundum quendam seu urbem intelligibilem, ad cuius exemplar condidit hanc visibilem. audiamus verò eius verba. *Quod sicut liberat* (inquit) *apertioribus uti vocabulis, nihil aliud dixerit esse mundum intelligibilem, quam verbum Dei iam mundum condentis, neque intelligibilis vrbs est aliud quid, quam illa architecti rationatio, cogitantis iam urbem, mente conceptam, condere*. Itaque ponit mundum intelligibilem, quod dicit verbum Dei iam condentis mundum, & in eo urbem intelligibilem illam effigiem mundi tunc conceptam, cum iam conderetur, atque in ea vrbe fuisse exemplaria omnium, præterquam animæ, quæ non ad exemplaris ullius creati, sed ad Dei ipsius imitamentum, facta est. Ex dictis nascuntur duæ opinioniones, quæ malè Philosophantium Iudæorum sunt, una, esse sapientiam quandam creatam, quæ ante mundi opificium facta est, atque per eam alia omnia, illam scilicet mente conceptam urbem intelligibilem. Cui opinioni fauere videntur quæ maximè illa verba cap. 1. Ecclesiastici, *Prior omnium creata est sapientia, & fons sapientia verbum Dei, & rursus, Vnus est altissimus & creator omnium omnipotens, & rex potens, & metuentus nimis, sedens super Thronum illius, & dominans Deus ipse creauit illam*. Alia opinio est, mentem humanam, siquidem non ad exemplar creatum est facta, ex substantia esse ipsius Dei. in quam

Philonis
de mundi
creatione
somnia.

Vrbs in-
telligibi-
lis Philo-
nis.

Mundus
intelligi-
bilis.

Iudæorū
opinio de
sapientia.

Animæ
an ex Dei
substantia.

Philonis
reprobatio.

Spiritua-
lis substantia
creatio.

Dei Thronus.

Bonum.

quam Philo quoque videtur lapsus, quia ita inquit. *Omnis homo, iuxta mentem, diuino verbo est cognatus, beata illius natura sigillum, siue particula quedam, siue splendor, & quasi radius.* Verum hæc omnia plena sunt absurditate nam, vt monstratum est, exemplares mundi causæ, non possunt non esse æternæ, vt Deus ipse, ac proinde, neque aliud quam ipse Deus. quare nulla vrbs intelligibilis, nulla sapientia creata esse potest, per quam omnia facta sunt, neque omnino quidquam, quod non sit ipsum verbum. nã, præter dicta, si illa vrbs intelligibilis aut illa sapientia erat in verbo, neque ex substantia ipsius verbi, atque adeò ipsum verbum, erat profectò quiddam illi accidens, & tempore superueniens. constat verò, Deum incapacem esse alterationum. nihil ergo aliud fuit per quod omnia fierent, quam ipsum verbum Dei. Atqui illa verba Ecclesiastici, de generatione æternæ sapientiæ diuinæ intelligi, etsi abusiue accipiantur nomen creationis, constat ex adiunctis. Hæc enim sunt prima verba capitis, *Omnis sapientia à Domino Deo est, & cum illo fuit semper, & est ante auum.* de hac sapientia dicuntur alia omnia. super cuius thronum dicitur sedere Deus dominans, super thronum scilicet sapientiæ illi coæternæ, & consubstantialis, quæ est suum verbum, per quod facta sunt omnia. nam si velimus eo loco, nomine sapientiæ creatæ, intelligere intellectualem substantiam Angelorum, ne ita quidem quadrabunt reliqua. quadrarent enim fortasse illa, *Prior omnium creata est sapientia*, si quidem spiritualis substantia censeretur creata ante corporalem: sed non illa, *Ipse creauit illam. & effudit illam super omnia opera sua*, hoc est, & creauit omnia opera sua, effundens sua bona ex æterno illo sui thesauri promptuario, super omnia illa. nimirum bonum est sui ipsius diffusuum, atque ita summum bonum summè se effudit. effusione igitur illius diuinæ sapientiæ, quæ ab æterno est apud Deum, atque ipse Deus, facta sunt omnia. quapropter, vt neque animæ, ita neque corporis, neque omnino rei vllius creatæ fuit creatum exemplar, sed omnium increata. vt verò imitamenta non fiunt ex substantia exemplarium; sed ad similitudinem illorum, ita neque anima facta est ex substantia Dei, sed ad imaginem & similitudinem, vt & totus homo, & aliæ omnes res creatæ, suo quæque gradu, vt bonitas illa, quæ exemplariter erat in verbo, plus aut minus, in quamcunque se effudit. itaque anima rationalis, atque humana mens, multò plus accepit illius bonitatis, quam aliæ animæ, non tamen ex substantia Dei est magis quam illæ. atque sapientia illa, quæ prior omnium creata esse dicitur, est per quam facta sunt omnia: at verò per intellectualem

lēm, & incorpoream Angelorum substantiam, nullæ res creatæ sunt, nisi verò etiam placeat cum Platone & Philone (ambo enim huius sententiæ sũnt) illud colloquium, *Faciamus hominem ad imaginem & similitudinem nostram*, fuisse inter Deum Deorum & minores Deos, hoc est, Angelos, alloquente illos Deo, atque ad hominis opificium prouocante. Id verò est absurdum, quia cui esset communicata facultas creandi, communicata esset facultas infinita, nulli verò creaturæ infinita virtus cõmunicata est, atque an possit communicari, merito à Theologis dubitatur à probabiliori sententia negante. Nulla igitur creatura cooperta est cum Deo in creatione. quare superest, vt illud colloquium intra ipsum Deum habitum sit, apud quem erat vëibum, per quod omnia facta sunt, & infinita bonitas, seu amor, quo sese effudit per omnia opera sua. Quod igitur ad causam exemplarem attinet, ita haber, neque in tota tractatione Moses illius meminit, nisi in his verbis, quibus ad imaginem & similitudinem Dei dicitur factus esse homo. neque vlla idearum, siue exemplarium creatio, seu Genesis temporalis fuit, quidquid Philo velit. Interpretemur ergo, quid sibi velint illa verba in initio huius capituli præscripta. *Ha sunt generationes cœli & terra. quando creata sunt, in die quo fecit Dominus cœlum & terram, & omne virgultum agri, antequam oriretur in terra, omnemque herbam regionis, antequam germinaret.* Aristotelicorum omnium, & partis magnæ Platoniorum, opinio est, mundum hunc à Deo factum esse, ita tamen, vt nunquam fuerit, sed factum esse ab æterno: quod ego antea refutaui, indicans fieri non posse, vt quod factum est, aliquando infectum non fuerit. huic opinioni occurrit Moses, ac ne quis falleretur, putans, etsi Deus fecerit virgulta & herbas, ac denique omnia, nunquam tamen non fuisse virgulta ex terra orta, & herbam germinantem, inquit, *Fecit Dominus omne virgultum agri antequam oriretur ex terra, & omnem herbam regionis, antequam germinaret.* quasi diceret, fecit Deus hæc omnia in mundi initio, cum antea nunquam virgulta essent orta ex terra, neque herba germinasset. itaque cum antea nunquam extitissent, nisi in exemplari, facta sunt denuò omnia, & rerum omnium species, quæ in priori illo sæculo, hoc est, in illa æternitate, erant in mundo intelligibili, inuisibiles, visibiles in hoc tempotali sæculo fecit Deus apparere, quod disertissimè dixit Paulus cap. II. epistolæ ad Hebræos, his verbis, *Fide intelligimus ap:ata esse sæcula verbo Dei, vt ex inuisibilibus visibilia fierent.*

Virtus infinita incommuni-
cabilis
creaturæ.

Mundus æternus
& factus.

CAPVT III.

Ex cap. 2. Genescos.

Nomine
an suis
rebus cō-
gruentia.

Legimus, Omne enim quod vocauit Adam anima viuentis, ipsum est nomen eius: appellauitque Adam nominibus suis cuncta animantia. Quæ verba non videntur oscitanter prætereunda, oritur enim ex illis, magna illa & antiqua dubitatio, an sint rebus sua nomina eis naturaliter congruentia, an nulla sint talia, sed consensione hominum, atque ad colloquendum libitum consent omnia. si enim suis nominibus appellauit Adam cuncta, videntur habuisse nomina antequam appellarentur, alioqui non vocauerit illa suis nominibus, sed dederit illis nomina: quòd si antequam appellarentur ab Adamo habebant nomina, non sunt nata ex appellatione & usu, sed ex rerum naturis: naturaliter ergo congruunt rebus sua nomina, non voluntate hominum. in hanc sententiam videtur multis argumentis ferri Plato in Cratylo, siue de recta nominum ratione. Huic quæstioni videretur esse coniuncta illa alia, an nominibus insita sit vis aliquid efficiendi, siue boni siue mali, an nihil aliud, quàm significant. si enim sunt naturales rerum imagines, non sit inopinabile posse naturaliter aliquid efficere, vt & res ipsæ: si verò nihil est verbis cum rebus præter hominum placitum, nulla illis inesse vis naturalis potest, siue facultas. si igitur indicari possit, vim inesse verbis aliquid efficiendi, indicatum etiam putari oportet, esse ea naturaliter coniuncta rebus, significaretque non ex placito solum, sed naturaliter, habere autem verba vim talem, auctoritate Medicorum eorundemque Philosophorum præstantium constare videtur posse: qui, vt pharmacis, ita etiam verbis quibusdam, ad quosdam morbos vt iubent: neque verbis solum prolatis, sed & scriptis, ægroto alligatis, aut suspensis. Plinius lib. 28. Naturalis historiæ, cap. 2. quæstionem hanc disceptans, multa narrat ad hanc partem pertinentia, velut Vlyssæm (narrantem Homero) profluuium sanguinis, vulnerato femore, inhibuisse carmine, Theophrasto auctore sanari ischiadicis carminibus, auctore Catone, laxaris membris auxiliari carmen. Marco Varrone, podagricis: Aetius lib. 8. cap. 50. ita inquit, *Ad educationem eorum qua in consiliis denotata sunt, statim te ad agrum desidentem conuertere, ipsumque tibi attendere iube, ac dic, Egredere os, si tamen os, aut festuca, aut*
quid

Morborū
supersti-
tiosæ cu-
rationes.

quid tandem existit, quemadmodum IESVS CHRISTVS ex sepulchro Lazarum eduxit, & quemadmodum Ionam ex certo, atque apprehenso ægri gutture dic, *Basilius martyr CHRISTI dicit, aut ascende, aut descende.* Tralianus incantationes plurimum posse iuuare asserens, cap. 4. lib. 6. autoritate Galeni suam sententiam confirmat, ita dicens: *Præterea etiã diuinissimæ Galenus, qui ne esse quidem incantationes putauit, longo tempore multoq; usu plurimū ipsa posse deprehendis. audi igitur verba ipsius, quæ de medica Homeri tractatione reliquit. habent autē ea in hunc modum, nonnulli igitur putant incantationes anicularum fabulis esse persimiles, quemadmodum ego quoque diu existimaui, temporis autem processu ab ipsis, quæ euidenter apparent, parē persuasus sum, vim ipsis inesse, nam in percussis ab scorpio adiumentum sum expertus, nihilo autem minus in oculis gutturis infixis, quæ incantatione statim expuebantur: ac multa præclara singula habent incantationes, cū institutum consequuntur.* hæc Tralian. ex Gal. qui licet nunc non extet, extitisse tamen verē, autoritate Traliani comprobatur. Extrat quidem in Galeni scriptis libellus quidam de incantatione, is verò non est genuinus, tamen est alicuius non contemnendi authoris; apud Quintum Serenum legimus inscriptā modo quodam cerro vocē hanc Abracadabra, & charta lino inclusa, atque collo suspensa, sanare hemeriteum. multa alia huiusmodi occurrent scripta & apud Græcos, & Latinos, atque apud Arabes Medicos. Iam verò inter vulgares nihil magis vsu receptum, quàm quibusdam recitationibus (Hispani vocant *ensalmos*) morbos quosdam, aut etiam omnes, curati. videtur autem hoc ita se habere, vel hoc argumento, quòd si verba quædam sunt noxia, aut etiam mortifera, possint etiam esse alia salutaria. at verò omnes homines videntur naturaliter timere maledictiones, & imprecationes, & venefici vtuntur diris carminibus. multaque passim narrantur exempla morborum, per imprecationes, fascinationes, venefica verba, & alia eiusmodi, illatorum. possint ergo & Medici vti verbis salutaribus, ac benedictionibus; minus quàm pharmacis ad morborum curationes. si igitur verba vim habent efficiendi quidpiam, velut ignis vtendi, non sint tantum ex colloquentium placito significantia id quod quispiam cogitet, sed naturam quampiam habeant communem cum ipsis rebus, ob quam, & ipsis congruant naturaliter. his argumentis censent plurimi (in quibus Platonem etiam pono) non temere his vocibus has, illas illis significari, sed naturaliter nomina rebus apta suis. Non tamen omnia æquē, neque quæcunque, neque enim Hispana, neque Gallica, neque verò Latina, neque Græca quæcunque,

Hemeritei
curatione.

Hebrai-
carum
vocū vsus
in sacris,

Zoroas-
tres Prin-
ceps Ma-
gorum.
Cabali-
stæ,

Serpentis
altutia.

Exorcistæ
& eorum
virtus.

Angelica
salutatio.

sed vt Plato censet citato Homero, quibus loquuntur Dij : & vt alij , primæua illa quibus Adam putatur esse vsus , hoc est, Hebræa. eam ob causam dicunt , in Ecclesiasticis hymnis retineri semper verba quædā Hebræa, vt *Aleluia, Osanna, Sabaoth, Epheta*. & alia eiusmodi, quæ sanè (dicunt) verterentur etiam in Latina, vt alia omnia, nisi vis quædam & efficacia illis naturaliter inesset. hanc sequuti sunt sententiam Magi, quorum princeps putatur fuisse Zoroastres rex Bactrianorum, Nini contemporaneus, quique naturalem esse suam Magiam contendunt, & inter Hebræos vocari Cabalistæ, qui suam doctrinam, iactant à secretionibus Dei reuelationibus fuisse deriuatam, promittunt se verbis & characteribus miraculosa quædam opera edituros videtur autem his fidem etiam facere, de incantationibus, sæculis omnibus concepta opinio. Si enim (vt ex Atali sententia narrat Plinius) prolata hac voce, *duo*, visus scorpio cohibetur ne vibrare ictus possit. sique (vt ait Poëta) *frigidus in campis cātando rumpitur anguis*. quī possit negari naturalis verborū vis? aut cur non poterunt rectè apud omnes gentes adhiberi salutare incantationes aduersus morsus rabidorum canum & venenatorū omnium ictus, atque adeo aduersus ipsas feras? Neque verò vanum esse videtur, quod de incantationibus fertur, siquidem Psal. 57 ita cecinit Regius vates. *Furor illis secundum similitudinem serpentis, sicut aspidius surda & obdurantia aures suas, qua non exaudiet voces incantantium, & venesi incantantium sapienter*. Ecce vt diuino oraculo confirmari videatur vis, & facultas incantationum, & incantatoris sapientia, & calliditas serpentis obturantis sibi aures, ne audiat voces incantatoris. adeo igitur naturalis est verborum potentia, vt etiam ab irrationalibus naturaliter agnoscatur, atque aduersus eam naturaliter sese muniant; constat verò aduersus noxas, quæ naturales non essent, non fuisse naturam belluas armaturam, neque daturam instinctum, quo se ab illis tuerentur. Hieremias quoque cap. 8. ita scripsit, *Ecce ego mittam vobis serpentes regulos, quibus non est incantatio* videtur autem comminatio hæc innuere, aliis serpentibus esse incantationes. hanc sententiam videtur etiam iuuare autoritas Ecclesiæ, quæ iubet exorcistas vti conceptis verbis, quasi illis, dæmones fugandi virtus quædam præcipuè iussit quod etiam spectare dicat quis illud Euangelij, *In nomine meo demonia eiicient*. non enim iam in ieiunio, solum & oratione dicit, sed *in nomine meo*, quasi ipsa nominis Iesus prolatio, efficaciam habeat ingentem. præterea illa crebra recitatio, qua Ecclesia & fideles singuli vtuntur, illæ, nunc ter, nunc quinquies, nunc quinquagesies, nunc pluries repetitæ. salutatioque Angelicæ, aut dominicæ preces, quid aliud innuūt,

quàm in ipsa verborum Sanctorum recitatione, vim quandam esse animæ salutatem? alioqui si non ob ipsorum verborum vim, sed orandi Deum gratia recitarentur, quorsum recitarentur eadem pluries? videtur ergo his omnibus argumentis fieri, inesse verbis ipsis vim quandam naturalem, partim noxiā, partim salutarem, idque nunc corporibus, nunc animabus, nunc vtriusque, atque ita analogiā habere cum rebus, quarum sunt, quod præscripta Geneseos verba innuebant. Verum etsi tam multa congerant vani & superstitiosi, magi, & Cabalisticæ & qui se putant diuinissimos, Platonici, falsum est prorsus, & ab omni ratione alienum, vim esse per se ullam verbis, aut aliam, quàm significandi ex hominum placito. Nam, ut eidem, cui illi, viā insistamus, si verbis ipsis nihil est commune cum rebus, neque ipsa quidpiam sunt aliud, quàm ita diuerberatus aër, neque alia causa est, qua hæc has, illa illas, res significant, quàm hominum, ab eorundem voluntate profecta consuetudo, nulla vis esse potest nominibus per se. Quid autem aliud est loqui, quàm per quasdam linguæ motiunculas, res quasdam innuere, ut inter colloquentes constitutum est? nimirum: ut quidam (multi præcipue) consueverunt, suas sibi mutuò cogitationes aperire varia digitorum motitatione. hoc solum interest, quòd lingua accommodatissima est omnium nostri corporis partium, ad significandum quod mente conceptum est, ob illam mirabilem mobilitatem, & quia in ipsa via spiritus posita, eius diuerberatione, sonitus edit multiplices, auditui hominis, etiam eminus, occurrentes, itaque, est hæc particula paratissima, ac maximè idonea, cui homines demandent munus innuendi inuicem, quæ mente conceperint: quia nulla tot, tamque varias motiunculas subire potest, eaque sola voces effingit multiplices, vnde & aspectabiles, & audibiles nascuntur differentię: neque quidem casu factum est, ut lingua ad hunc usum extiterit accommodata, sed ipsa natura ita est comparata, mollis scilicet, ac substantia volubilis, multis ad radicem musculis prædita, superposita laryngi, supposita palato, circumsepta dentibus, ut expiratum per laryngem aërem excipiens, & ad palatum & dentes multifariam allidens, posset multiplices edere sonitus, quibus pro suo arbitratu, posset homo homini significare, incognoscibiles alioqui cogitationes. accommodatior ergo multò est ad innuendum lingua, quàm manus, aut pes, aut vlla alia particula, velut autem, vtcunque tu moueas digitos, nihil intelliget alter, nisi inter ambos conuenerit, ut hæc motiuncula huius, illa illius rei nota sit, ita neque vtcunque crepas ore. neque enim Hispanus Gallum, æque hic Germanum, neque ille Arabem, neque

Magorum
& Cabalisticarū
reprehensio.

Lingus
usus.

Infans si-
ne docto-
re quo
idiomate
loquutus.

Latinus Græcum, neque Græcus Hebræum, loquentem intel-
ligit. quia, scilicet, non sunt docti eundem sermonem nimirum
sermo non constat natura, sed consuetudine. alioqui ut est
omnibus gentibus una eademque natura, esset idem sermo:
sed non ita est, quin potius multiplex, & ut consuetudo. falsum
enim ac ridiculum, quod sibi quidam Philosophiæ ignari per-
suaserunt. si quis ab infantia nullum omnino doceretur sermo-
nem, futurum ut loqueretur Hebraicè, sermonem scilicet, in-
natum hominibus. Nam si sine doctore, ut alia quam plurima,
innasceretur sermo iste hominibus, innasceretur profectò,
etiam si alium sermonem discerent, essentque omnes duplicis
sermonis. Si enim sermo quem prius homo didicit, non prohi-
bet quominus discat alium denuò, sed sciunt multi bifariam,
trifariam, aut etiam quadrifariam loqui: multò minùs prohi-
beti posset qui ex ipsa natura pullularet, ab eo qui esset com-
paratus studio. quin potius, si ullus sermo hominibus esset na-
turalis, non possent esse ad alios dociles, quia quid intus ma-
neret, prohibet extraneum. ut et ego natura fecit hominem prorsus

Homo
cur natu-
ra iners.

Sermo
quomodo
naturalis.

Idiomatu
origo.

inertè, ut esset ad omnes artes habilis, necesse est, fecerit omni
sermone carentem, ut possit omnes discere. videmus verò plu-
res homines, ad alios multos sermones habiliores, quàm ad
Hebræum, quod quidem nullatenus fieri posset: nam in id quod
naturale illis est, sponte feruntur res omnes. Ex dictis igitur
constat loqui quidem naturale esse hominibus, quia natura, ut
ex ipsa linguæ formatione cognouimus, in hunc usum eam de-
stinavit. hoc autem aut illo sermone uti, studio ac doctrina
cuenit, & ipsa quidem idiomatica, usu ac tacita consensione ho-
minum, nata sunt præter septuaginta illa, quæ ad turrim Babel
in diuisione linguarum orta sunt, quorum Deus ipse voluit esse
author & doctor. non quoddam illa potius, quam quæ deinceps usu
extiterunt, cognationem ullam haberet cum natura, sed quoddam
ad breuem & expeditam distributionem gentium, expediret
esse multilingues dilexit verò Deus, quæ ipsi placuit. ita cum
hominum vitæ nihil posset esse utilius, neque iucundius quàm
suas sibi inuicem cogitationes communicare, neque quidquam
magis naturale, quàm scientiæ desiderium, & scientia compa-
retur docendo ac discendo: docere verò ac discere non conti-
gat aliter, quàm conceptionum mentis communicatione: ipso
naturæ impulsu feruntur in loquelam, quia, ut indicatum est,
nulla neque potior, neque facilius excogitari potest ratio in-
nuendi. innenerunt igitur primum loquelam, quo verbis signi-
ficarent animi conceptiones. deinde, quia sermo haberi non
poterat, nisi ad præsentem, ac statim ac emissus est, effluit, excogitata

Loquela
inuentio.

gitata

pirata scriptura est, quasi verba missilia, & permanentia quibus
& cum absentibus. atque adeò cum posteritate loqui contin-
geret. loqui, inquit, hoc est verba illis significare, ac sermonem
præsentare. quoniam enim scriptura, inuentione posterior est
loquela, sit vt loquela per se significet omnes conceptiones, &
scriptura loquelam, nimirum hæ duæ Scripturæ, homo & *ἄνθρωπος*
eandem rem significant, sed non per eandem vocem,
lectæ enim diuersum admodum sonant, per diuersas enim vo-
ces significant eandem rem, & ingerunt menti eandem noti-
tiam: velut etiã per diuersas scripturas significari potest eadem
vox, vt per has, *ἄνθρωπος* & *άνθρωπος*. eodem igitur modo se
habent scripturæ ad voces, quo voces ad cogitata Atqui, neque
hic ordo, vt sermo discatur ante scripturam, atque proinde
scriptura per vocē significet, potius quàm vox per scripturam,
necessitatem habet naturalem, ita vt nullatenus possit contrà
fieri. Sed ob facilitatem potius ita euenit, & quia citius sunt ho-
mines nullo sensu orbat, habiles ad loquendum, quàm ad scri-
bendum. posse verò omnino contrà fieri, apertè indicauit Pe-
trus Pontius, Monachus Sancti Benedicti, amicus meus, qui (res
mirabilis) natos surdos docebat loqui, non alia arte, quàm do-
cens primum scribere, res ipsas digito indicando, quæ charac-
teribus illis significarentur, deinde ad motus linguæ qui charac-
teribus responderent, prouocando; itaque vt audientibus à
loquela, ita autibus captis, rectius incipitur ab scriptura. neu-
trum igitur habet necessitatem naturalem. Sed videtur ex rei
natura esse eadem ratio sermonis & scripturæ præter maiorem
loquendi facilitatem, in iis qui omnibus sensibus vtuntur. qui
verò carent auditu habere possint scripturam loco sermonis,
acceditque illis rerum diuinarum noticia ex visu, vt aliis ex au-
ditu, cuius ego rei testis sum, in discipulis illius amici mei. Ita-
que est sermo, velut scriptura affluens, & scriptura velut sermo
manens. at verò scribendi nullâ rationem constare natura, sed
vfu & arte, manifestum est: nam neque cuiusque hominis est
scribere, neque hominum omnino fuit semper, sed post aliquot
mundi sæcula excogitatū, diuersum admodum apud diuersos,
vbique magno labore discitur. ita igitur de loquela & verbis
censere consentaneum est: nulla scilicet verba significare aliter,
quàm ad libitum eorum qui primum eis vfi sunt. quod (si nihil
aliud) ipsa idiomatum mutabilitas indicat, nullus enim est, qui
non vel in suo sæculo, videat, vbique gentium quædam verba
antiquari, quædã nouari. vt facile sit intelligere, nisi scripturæ
beneficio seruata essent, nullum omnino verborum, quibus an-
tiquissima sæcula vfa sunt, suam significationē fuisse retenturū.

Sermōnis
& scripturæ
cōparatio.Surdus scilicet
qui docet.

Conferua-
rio rerum.

non igitur eorum significationes natura constant, sed vsu. nam præter dicta, res omnes ab eisdem seruantur causis, à quibus fiunt. seruantur verò significationes verborum omnium, vsu, alioqui per obliuionem perirent, igitur & natæ sunt ex voluntate vrentium, non ex natura. neque quidem obstat, verba quædam quibusdam rebus, ob quasdam causa, tributa esse (quod maximè facit Socrates in Cratyllo) vt homo quia ex humo φῶν quasi φῶς ῥῆς. nā deriuatiua deducuntur ex primitiis, ipsa verò

Deriuatiua.

primitiua & simplicia non alia ex causa significant res quarum sunt, quàm ex placito authorum. igitur & deriuatiuorum & compositorum significationes referuntur ad voluntatem vrentium quin & illa etiam nomina, quæ ob similitudinem quandam sonitus conficta sunt (Grammatici vocant Onomatopœiam) vt clangor. tinnitus, bombus βαρβαροῦς significant ad libitum vrentium. quia si illa eadem nomina tributa essent rebus longè diuersis, aut illis eisdem rebus nomina longè diuersa, valeret colloquentium vsus, nulla neque similitudine, neque dissimilitudine obstante. itaque & voces omnes & scripturæ significant ad libitum, quapropter ex ipsa natura nullam vim habent significandi, nedum efficiendi quidpiam: sed significant solùm, quia ita conuenit inter colloquentes, plures, aut pauciores. Nulla igitur naturalis ratio est, qua verba aut characteres possint morbum inferre, aut sanitatem, aut aliud quidpiam efficere, eorum quæ Magi pollicentur, & Cat-

Vocū si-
gnifica-
tio.

Chara-
cteres ni-
hil infe-
runt mor-
bo, nec sa-
nitati.

balistæ. quòd si quædam nomina Hebræa, in Sacris hymnis retinuerunt incommutata, id quidem non fit, quòd Deus Sabaoth, verbi gratia, maius quidpiam sit, quàm Deus exercituum, sed (vt Plinij vtar verbis) externa & ineffabilia verba audientium animos magis mouent, semper quid aliud immensum expectantes, ac dignum Deo mouendo. itaque facit id Ecclesia, vt peregrinarum vocum recitatione magis animus inflammetur, quia vulgares facilè contemnuntur. quo etiam fortasse consilio sanctissimus Papa noster Gregorius decimus tertius, prohibuit horarias preces vulgari sermone recitari, ne scilicet vulgates voces vulgus contemnat, quod inauditas solet demirari. hanc verò esse causam retinendi eas voces, non quod Hebrææ sint, constat, siquidem & Græcæ rerinentur quàm plurimæ, vt Kyrie Eleyson, à Theos, Athanates, Ischyros, & alia eiusmodi. certè nihil hoc aliud est, quàm, quod sancta Ecclesia, omni ratione curat secundùm hominum conditionem, nos ad pietatem, & rerum diuinarum æstimationem prouocare, alioqui verbis ipsis nulla naturalis vis inest. Quapropter incantationes vanæ sunt, ac superstitiosæ quæque de

ihis

illis narrantur. falsa aut maligna : maligna die, quo cacoëthemonis interuentu fiunt : falsa, quæ cum non fiant, delusa, sibi persuadet vulgi credulitas. falsum est igitur, cantando rumpi an- Marfi &
 gues, falsum quoque eos sibi obturare aures, ne audiant, quod incantato-
 vel Plinius per derisum narrat dicens, *Non pauci etiam* (credunt res serpē-
scilicet serpentes ipsas incantari, & hunc vllum illis esse intellectū, tū repre-
contrahique Marforum cantu. Merito ergo illa impostura dam- hendatur.
 nator diuinis oraculis, & interdicitur fidelibus. Deuter. 18. ita
 habetur : *Quando ingressus fueris terram, quam Dominus Deus*
tuus dabit tibi, caue ne imitari velis abominationes illarum gen-
tium, neque inueniatur in te qui lustrat filium suum, aut filiam,
ducens per ignem, aut qui ariolos sciscitetur, aut obseruet somnia at-
que auguria, neque sit maleficus, neque incantator, neque qui py-
thones consulat, neque diuinos, & quærat à mortuis veritatem, om-
nia enim hac abominatur Dominus, & propter istiusmodi scelera de-
leuit eos in introitu tuo. Itaque abominatur Dominus incantationes,
 iuxta lustrationes aliorum, & pythones, usque ad id, ut ob eas dicat
 se deleuisse illas gentes. Rursus Paralip. 2. c. 33. Manassæ crimina
 ita recēsentur, maleficis artibus insequebatur, habebat secum magos
 & incantatores, multaque mala operatus est eorū Domino. Isa. 87.
Venient tibi (alloquitur Babylonē) *duo hac subitō in die vna steri-*
litas & viduitas, vniuersa venerunt super te propter multitudinem
maleficiorum tuorum, & propter duritiem incantatorum tuorum ve-
hementem. Hæc Isaias. Si verò vis talis data esset verbis à Deo,
 non esset profecto incantatorum ars abominabilis ipsi magis Incanta-
 tionibus aduersus morbos & venena, nunc ad maleficia, ita &
 medicina, nunc componit medicamenta salutaria, nunc delecte-
 ria, non tamen proinde medicina est Deo abominabilis, sed gra-
 tissima : quoniam scilicet possumus ea vtiliter vti, quandoqui-
 dem igitur incantatio est Deo abominabilis, naturalis non est,
 sed, ut dixi, vana, aut maligna. Res ergo iam exigit, ut interpre-
 temur carmina illa Psal. 57. quæ in subsidium incantationum
 citata sunt. Inter alios philosophandi modos, quibus anti-
 quitas ad notandum hominum mores, vta est, non fuit in
 postremis, qui per confictas quasdam fabellas, aliud quiddam
 allegoricè significabant. quem tenuerunt Æsopus, & Cyprius,
 & Lybicus, & alij multi Philosophi & Poætæ, inter antiquos
 inter iuniores quoque, omnes qui emblemata scripserunt.
 multa verò, quæ ab antiquissimis illis, ad innuendum figu-
 ratè aliud aliquid, conficta sunt; incautè sunt accepta à poste-
 ris, & eorum sanè nonnullis eruditissimis, quasi simpliciter, ac Fabularū
 sine vlla figura, dicerentur. velut, inquit Æsopus, castor vtilitas.

præter cæteros quadrupedes in aqua durare fertur, & eius genitalia ad artem medicam vtilia esse, hic ubi videt se à venatoribus captū iri, ipse genitalia præcidit, atque in sequentes proiiciens, hoc modo euadit incolumis. hæc conficta sunt, ad significandum hominibus, prudentes si esse velint, pro adipiscenda salute, nullam esse habendam rationem fortunarum: non defuerunt plurimi, qui affirmarent, eam esse, reuera, castori à natura inditam prudentiam. Ita etiam factum est in fabula de serpente & incantatore, cum enim antiquitus cōficta esset, ad arguendam impietatem eorum, qui à veritate auditum auerunt, nolentes, neque consiliis neque exhortationibus, ac multò minùs reprehensionibus aures præbere, non defuerunt qui opinarentur, id quoque esse verum, eamque esse serpentis naturalem versutiem, verum re, vt habet, intellecta, planèque perspecta, dicit Philosophus, hominem qui in naufragij periculo, merces vestesque, & omnem supellectilem, mittit in mare, similem esse castori præcidenti sibi testes, cum vrgetur à venatoribus, qui tamen Philosophus arguendus non est, quod affirmet, castorem sibi testes secare, non enim affirmat, sed per moralem fabulam docet homines prudentiam, tale etiam est quod in Psalmo facit Dauid, scilicet interpretatus est parabola ad arguendam pertinacem intemperantiam eorum, qui audire recusant veritatem, neque quidquam audire sustinent, nisi quod ad suam voluptatem spectat, prurientes auribus, & ad sua desideria coaceruantes sibi magistros, fabulæ itaque moralis, seu parabolæ interpretationem, continent dicti Psalmi carmina. nimirum intemperantes homines sunt similes serpentibus, quia obturant aures suas, ne audiant voces incantatoris sapienter incantantis, hoc est, concionatoris qui docet veram sapientiam, & per hanc incantationem, incantat morbos animi, neque verò in hoc solum scripturæ loco, sed in multis aliis occurrunt morales fabulæ seu apologi, seu parabolæ, seu vtrunque vocare lubet, quæ allegoricè aliud innuunt, quàm litera sonet. quinimo nullus est modus vtilis philosophandi, eorum qui ab hominibus ad componendos mores excogitati sunt, qui non reperitur exactius in sacris. Quis enim vnquam acutius aut eloquentius vsus est fabula, quàm Ioatham ad Sichemitas ex montis vertice (narratur cap. 9. Iudicum) ubi non solum inducit loquentes beluas, vt Æsopus, sed etiam arbores, dicens: *inerunt ligna ut vngerent su per se regem, dixeruntque oliua, impera nobis, qua respondit, nunquid possum deferere pinguedinem meam, qua & Dii vtuntur & homines, & venire ut inter ligna promouear; dixeruntque ligna ad arborē ficum, veni, & super nos regnā accipe, qua respondit*

respondit eis, nunquid possum deferere dulcedinem meam, fructus-
que suauissimos, & ire, ut inter cetera ligna promonear; loquuta-
que sunt ligna ad vitem, veni & impera nobis, qua respondit ei,
nunquid possum deferere vinum meum, quod latificat Deum & ho-
mines, & inter cetera ligna promoueri. dixeruntque omnia ligna ad
rhamnum, veni & impera super nos; qua respondit ei, si verè me
vobis regē constituitis, venite, & sub umbra mea requiescite: si au-
tem non vultis, egrediatur ignis de rhamno & deuoret Cedros Li-
bani. Significatur verò his verbis, iniqua promotio Abimelech
in regem. Sunt alia his similia exempla, quæ tamen præteriens
redeo ad pensum. Reprehendit itaque, ut dixi, Dauid duritiem
ac pertinaciam eorum, qui non sustinent audire exhortationes,
interpretatione allegorica moralis fabulæ, quam antiquissimi Incantatio-
Philosophi ad increpationem hominum, confinxerant. Vocari nes quid.
verò incantationes, disputationes atque exhortationes prouo-
cantes ad virtutem, etiam à Philosophis; videre possis in Charmi-
de, seu dialogo de temperantia, ubi Socrates narrans quæ au-
dierat à quodam medico Thrace, hæc scripsit: *Anima verò me-
delas esse dicebat incantationes quasdam: eas Præclaris rationibus
contineri, quibus anima temperantia tribuitur, qua incerta, atque
præsentē, facile esse sanitatem capiti, totique corpori tribuere, Ille
igitur cum medelam incantationesque doceret, iussit ut nullis
precibus motus, aliquid contra capitis dolorem remedium adhi-
beret, nisi prius animam incantationibus ipsis purgandam com-
misisset.* his verbis manifesta satis est sententia Socratis, mor-
bos corporis non curari incantationibus per se, sed morbos
animi. Sed & vocari eos homines, qui magnis animi morbis
teneantur, nominibus beluarum, consonum est dictis Philoso-
phorum. Siquidem Plato (allegoricè fortasse alludens ad illud
Psalm. 48. *Homo cum in honore esset, non intellexit, comparatus est
iumentis insipientibus, & similis factus est illis*, & ad illud Prou.
n. 18. *Leo rugiens, & ursus esuriens, princeps impius*) in calce dia-
logi de Natura (præter plura quæ decimo de Republica, siue de
Legibus habentur) ita reliquit scriptum. *Animum autem genus ex
vestro ita est aptè formatum, ut pro pilis pennas acciperet, in hoc illi
homines transeunt, qui simplices & innocentes cum sint, leues ta-
men sunt, & frustra in rebus sublimibus curiosi, quique adeo fatui
sunt, ut oculorum iudicio confisi, hac altissima quaque firmiter de-
monstrari posse non dubitent; gressilium verò ferarum genus ex his
notum hominibus, qui à Philosophia penitus alieni, ad cœlestia
nunquam penitus oculos eraxerunt, eoque volutionibus illis quæ in
capite peragi solent, nunquam usi sint, sed illas animæ partes se-
quuti, quæ in ventre & pectore dominantur, ex his utique studiis*

anteriora membra & capita, ob ipsam cognitionem humi penitus defixerunt, in longum productum, ac diuersum corporis verticem tenuerunt: quandoquidem ibi propter desidiâ singulorum collisæ sunt & fracti circuitus, & idè quòd quatuor pedum, ac etiam plurimum est instituta figura, & insipientioribus Deus, maiorem, ex pedibus malus, atque progressu, occasionem præstet, per quam magis etiam deflectantur ad terram, eos autem qui horum insipientissimi erant, corpusque in terram penitus prosternebant, quasi nihil ultra pedibus opus foret, in corpora carentia pedibus, & humi serpentina permixtauerunt. His, & aliis quæ deinceps sequuntur, verbis, Plato differit, homines per animorum vitia transire in corporum diuersa genera, quod plerique allegoricè dictum existimant. si verò id dicit allegoricè, quòd similes facti sint illis, constar belluarum nominibus apertissimè significari homines insipientes, & improbos, atque adèd serpentium omnium nequissimos, qui ne audire quidem sustinent sapientium consilia, hinc igitur haud dubiè nata est illa moralis fabula, ad quam alluditur in Psalmo, serpentem obcurare sibi aures, ne audiat verba incantatoris. Reuera autè incantationes nullam vim habent aduersus naturales feras, aut serpentes, sed aduersus homines, qui ob ferinos mores, illis nominibus appeellantur: neque aduersus corporis morbos per se, sed animi. Arqui, nullus est, ex plebe, qui audiens Orpheum, sua cithara solitam serpentium & ferarum omne genus ad se trahere, non intelligat, illum suis poematis, feros homines, & seorsum deerrantes, velut cicurasse, atque ad humanam societatem, & oppida allexisse, cum has veritates sapientes fabulis obumbrarent, insipiens vulgus non intelligens, in opinionem de morbis per incarnationem curandis, & fugandis, aut necandis feris & serpentibus, lapsus est, impostores verò & circulatores, & videntes in sua commoda indocti vulgi credulitate, multa se facere huiusmodi profiterentur. re vera tamen incantationum ad solos morbos animi vis est per se: atque ad hos curandos eis vtitur Ecclesia cautionibus scilicet, & recitationibus precum pluries repertis, velut euoluendis vocatis rosariis, & recitandis, ac canendis hymnis, & horatiis precibus: nimirum his pro more Ecclesiæ faciendis, præstatur obsequium Deo, & auocatus ab aliis rebus animus, ad illum liberius euolat, ea verò vis non est verborum materialium, neque characterum, sed quia rerum sanctarum sunt, ut neque ipsum sanctissimum nomen I E S U, quod ad omnia est efficacissimum, vim eam, habet materialiter, sed quia Deum significat Saluatorem. de exorcistatum etiam verbis perinde dicendum:

Ananiam
transmi-
gratio.

Orphei
cithara.

Iesu no-
minis effi-
cacia.

dicendum, esse scilicet vim fugandi dæmones in illis, quæ res quædam sunt, aut ita sonant, aut talibus descripta figuris, sed quia ita significant. neque ea quidem verba fugare, torquere, aut premere dæmones vi vlla naturali, sed Dei concursu, cui placuit, in bonum hominum, ad fugandam hanc pestem, ita inuocari, & vim talem initiari, impertiri. ex his autem omnibus non fit, vt vlla vis naturalis sit verbis, neque vt aliud quidpiam possint, quàm significare, atque id ex hominū placito. quapropter; si magi Pharaonis insusurrando aliquid, aut characteres aliquos describendo (vt nunc quoque qui se magos profitentur, & inter Iudæos Cabalistæ) fecerunt colubros & ranas, & dæmonum scientiam, ad arcana quædam naturæ potiùs, quàm ad verborum vim vllam, referti debet, quid quodd tot, tamque docti Medici, quin & Galenus ipse, alioqui adedò rigidus Philosophus, affirmant tot morbos verbis quibusdā, & incantationibus cedere, idque sibi esse longo experimento confirmatum, certè vt ex ignoratione veri Dei; retenta solùm incerta quoddā diuini cultus recordatione nata idololatria est, ita ex ignoratione moralium incantationum, quas fahulis obumbrauerant antiquissimi sapientes, retenta tantùm nominis memoria, natæ sunt istæ superstitiosæ incantationes, atque hoc, cum aliis multis, errore disseminato, vsi sunt homines sæpè incantationibus aduersus morbos, atque adedò confidentiùs non rarò quàm medicamentis, accedit, quodd aliquando leuissimis hominibus, & qui admittunt incantatores, vtilis quodammodo est sua credulitas, quia (vt inquit author libelli de incantatione, qui est inter Galeno adscriptos) *quando mens humana* (hæc sunt ipsius authoris verba) *rem amat aliquam, licet naturaliter non iuuat, sibi eam prodesse certificat. ex sola autem mētis intensione corpus res illa iuuat. verbi gratia, si quis incantationem sibi prodesse confidat, qualiscunque sit, eum tamē iuuat.* Hæc ille, quibus verbis iuuat, incantationes aliquando prodesse ad pellendos morbos ob confidentiam infirmi, nimirum vt timor & mœstitia, ac desperatio plurimos morbos augent, & ægrotos lædunt, ita confidentia & alacritas plurimos subleuant, & ipsa imaginatio per eos animi motus, morbos tollit, aut saltem minuit, aut cum minimè, in eis qui vehementissimè confidunt, opinionem efficit sanitatis; verùm hanc incantationum vtilitatem, constat ex accidenti esse ob affectus animi, eius qui curatur, non per naturalem verborum potentiam. nonnulli etgo ob inscitiam, verè ac per se vtilis esse putantes; nonnulli verò etiam docti, & perti Medici, ægrorum stultitiæ concedentes (velut qui insaniam) incantationibus vti permittant, etsi

Pharaonis Magi.

Galenus delusus.

De incantatione.

Imaginationis vis ad morbos tollendos.

Nomina
ab Adamo
posita.

cas per se nihil posse certè sciant. Nomina itaque nihil habent cum rebus præter significationem, quæ ex solo consensu, manifesto, aut tacito ipsorum hominum nascitur, neque sunt nomina rebus alia ratione sua. Adam verò dicitur appellasse res nominibus suis, id est, propriis & maximè congruentibus, non omnes, sed viuentes vt animalia omnia, quia, vt qui linguæ Hebrææ sunt periti optimè norunt, indidit illis nomina, quæ proprietates & naturas eorum maximè exprimerent: quæ nomina constat derivata esse ab aliis primitiuis, quæ ad placitum Adæ sunt rebus data, & posteritatis consensu recepta, atque huc vsque, vsu, & Sanctarum scripturarum beneficio, seruata. de fascinatione seorsum dicetur alio loco.

CAPVT IV.

Ex capitibus primo & secundo Genesios, & trigesimo septimo Ezechielis.

CVM natatiliū, volatiliū, reptiliū, & progredientiū, Irrationaliū tamen animalium creationem narrat Moses, his vsus est verbis: *Dixitque etiam Deus, producant aqua reptile anima viuentis, & volatile super terram sub firmamento cæli, & rursum: Dixit quoque Deus, producat terra animam viuentem in genere suo, iumenta & reptilia, bestias terra secundum species suas: cum tamen ageret de hominis creatione, inquit, Formauit igitur Dominus Deus hominem, de limo terra, & inspirans in faciem eius spiraculum vitæ, & factus est homo in animam viuentem.* Quæ verba magnum continent naturæ arcanum, indicauit enim apertè, illud quod tantopere inter Philosophos controuersum est, hominis animam non esse educatā ex materiæ potentia & fecunditate, velut animas irrationalium, sed extrinsecus accessisse, naturæ immaterialis participem: non quidem nascentem intrinsecus ex materia, sed diuina vi extrinsecus in illam immerfam, & mirabili quodāmodo ei alligatam, & substantia quædam cum sit incorporea, potens per se subsistere, factam esse corporis formam, hac de re dubitant multi, in suam perniciem plus satis Philosophi, nisi potiùs belluas dicere consentaneum magis est, eos, qui se belluis hac in te præstare, neque intelligunt, neque credunt. hinc pendet quæstio de nostræ animæ immortalitate, de qua, etsi in commentariis, quæ in libros Aristot. scripsi, dictum mihi satis est, tamen

Anima
immortalis.

tamen tentandum nunc quoque videre iuxta præsentis operis institutum, quantum possit naturalis ratio consequi, eius quod Deus Opt. Max. hoc loco reuelavit per Moſen, vt hac ſaltem ratione, ſi fieri poſſit, belluini Philoſophi è ſua impietate incipiant auocari. portò perpendere oportet hæc verba. *Inſpirauit in faciem eius ſpiraculum vitæ, & factus eſt homo in animā viuentem.* His verbis aperte indicatur, illud ſpiraculum quod extrinſecus inſpiratum eſt, non eſſe mentē ſolam, & vim intelligendi, aut omnibus hominibus eandem, vt cenſent quidam Philoſophi, aut aliam in aliis, quæ ſuperueniat homini iam ſentienti & habenti animam, ſed illud ipſum eſſe ipſam animam, qua homo ſentit, & viuit, itaque non duas, ſed eandem eſſe in homine animam, qua ſentit & intelligit. nam quæ intelligit, eſt quæ extrinſecus acceſſit inſpirata. Vocat verò eam ſpiraculum vitæ & per eam dicit factum hominem in animam viuentem. tenemur itaque aſſerere, hominis animam neque fluxiſſe ex materiæ potentia, neque ab ea eſſe inſeparabilem, ſed ſubſtantiam quandam incorpoream ſeparabilem & in poſterum æternam, eandemque eſſe corporis formam, & animam qua homo ſentit. non tamen propterea tenemus etiam dicere, eandem eſſe formam vegetabilem, non enim Moſes more Ariſtotelico vocat, eactiam, quæ tantum vegetantur, viuentia, & eorum actum animam, ſed morte Stoico, qui & communi hominum ſenſui propinquior eſt; ea ſolum viuentia vocat, quæ ſentiunt & mouentur, eorum formam animam, reliqua vocat virentia, & producentia fructum, ac ſemen ſecundum genus ſuum, non tamen viuentia. itaque Veritas Catholica non cogit nos aſſerere, ipſam animam qua ſentimus, mouemur & intelligimus, eſſe in nobis principium vegetandi, nedum & formam actumque primum ipſarum partium corporis homogenearum, vt oſſum, carnis, & neruorum, quod plurimi etiam affirmant, putantes abſurdum eſſe in eadem ſubſtantia multas formas ponere. Ego verò ſequutus quod & rationi magis conſonum, & diuinis etiam oraculis, vt ego exiſtimo, congruentius eſt, affirmo eſſe in nobis ante animam formas merè corporales homogeneorum, quibus oſſa, carnes & nerui differunt, non minus profeſſo (niſi me meis ſenſibus credere nolunt) quàm aurum, argentum & plumbum: his bene temperatis accedere actum quendam perfectiorem: corporalem eum quoque, & velut naturam quandam meliorem (ita enim placet vocare, potiùs quàm animā) qua nutriuntur: omnesque hos actus educi ex potentia materiæ his poſtremo accedere extrinſecus animam, quæ nobis vim ſentiendi & intelligendi præſtet, non enim intelligendum eſt

Anima ex quo.

Formæ plures in viuo.

Formæ animæ præcedunt.

Adami
statua lu-
tea.

Homoge-
neorum
forma in
homine.

est illud corpus hominis, in quo spirauit Deus spiraculū vitæ, fuisse statuam quandam luteam, eamque accessione illius spiritus factam esse carneam & ossilem, sed corpus quoddam ex ossibus, nervis, carne & cute non quidem aridis, sed floridis ac virentibus, immobile tamen adhuc & sensus expers & hæc accedente spiritu recepit. Iudicat id visio Ezechielis c. 37. cum enim vellet ei Deus ostendere resurrectionem mortuorum, dimisit in medio campi pleni aridis ossibus, quibus non statim accessit spiritus, qui virorem & reliqua omnia præstaret, sed primū quidem accesserunt ossa ad ossa, vnumquodque ad iuncturam suam, & super ea nervi & caro ascenderunt (virescentibus scilicet iam partibus) & extenta est eis desuper cutis, & adhuc spiritum non habebant, vsquedum ingressus est in ea spiritus, & reuixerunt, & steterunt super pedes suos. Itaque esse ossis, nervorum, & carnis, & curis & earum partium vi-
tor, non præstatur ab spiritu qui extrinsecus accedit, atque immortalis est, sed à formis corruptilibus & merè corporalibus, quæ animam quidem rationem habent dispositionum materiæ, & ob id animæ accessione non tolluntur, sed simul cum ea manent hæc in re seruientes illi, quod seruant, quam ea desiderat, in corpore temperiem, & formationem. Si autem hæc sententia diuinis eloquiis est consona, cur non putetur etiam esse consona rationi; cur vellemus miseros Philosophos à Fide Catholica deterrere, plus quàm veritas ipsa postulet imperantes cedere, nihil enim est quod eos adeò conturbet, quàm substantiam separabilem & incorpoream, esse actum corporis. nam actus rei est ipsa rei essentia seu ipsum quod quid erat esse rei. Hoc verò vix intelligi potest, quo pacto sit corporis, quod à corpore separabile. conquiescet hæc perturbatio, si his concedimus, animam non esse actum corporis quæ corpus, sed quæ sensitivum & intelligens. non anima corpori præstat esse corpus, neque verò ossi esse os, neque nutriri, quod materiale etiam est & elementorū imitatur naturam, sed hæc per corporales formas habenti, præstat sensum & intellectionem, quæ spiritalis videtur esse naturæ. neque sanè Aristoteles animā finiens actum corporis simpliciter esse dixit, sed adiecit potentiam vitam habentis. quod est, actū esse corporis, non quæ corpus, sed quæ potest vitales actiones edere. Colligimus itaque ex hoc sacræ scripturæ loco duas assertiones, primā, esse in nobis animam separabilem, & nunquam interituram; alteram, hanc ipsam esse animam qua sentimus & mouemur. Distinctioris doctrinæ gratia, vtrumque seorsum aggrediemur monstrare. Socrates, vt licet videre in Phædone,
secundam

secundam hanc non verit in dubiū neque in id vsque tempus hominibus vlla subieciar dubitatio, an esset in nobis eadem animam sentiēdi & intelligendi principiū. Aristoteles primus corpit ab anima mentem distinguere, animæ sensū mētī intellectum tribuens, vnde accepta occasione, posterī de ea re acriter disputauerunt censuerūque quā plurimi, animam & mentem res esse diuersas numero, alterāque cū homine mori, alterā manere. quapropter, vt dixi, vtraq. quæstio erit nobis seorsū examinanda. Primæ quæstionis Socrates duos articulos esse fecit, primū, an anima sit à corpore separabilis: alterū, an sit immortalis. quādo quidem Cebes dubitationē quandā ingessit, dicens, fieri posse, vt anima diuturnior viuaciōrque esset quā corpus, atq; aliquando maneret à corpore separata, fuissetque fortasse antequā in corpus mergeretur, non ramen ob id esset omnino immortalis, sed postremò aliquādo etiā cū homine moreretur, ob hanc suspiciōē Ceberis: Socrates, postquā, vt sibi videatur, mōstrauerat animā diuturniorē esse corpore, & ab eo separabilē, denuō est aggressus monstrare, esse immortalē, atq; geminam quæstionē esse fecit, quanquā ea re vera, simplex est & vnica. Si enim anima substantia, est à corpore separabilis, immortalis etiā necessariō est. nam ortus & interitus naturalis, corporum tantū rerum sunt. quæ incorporeæ sunt, non habent Physicā compositionem, ac proinde dissolui non possunt, nisi ab eo solū à quo sunt colligatæ (vt inquit Plato) purā ab ipso Deo. ab eo verò per se summè bonus cū sit nihil extingueretur, aut dissipabitur: sed eius voluntate perseverabunt in æternum, quæcumque ab eo solo facta sunt Hæc aded vera sunt, vt nemo iam sit, quem timor corripiat Ceberis: quod sibi omnes persuasent, animam, si semel possit subsistere à corpore separata, merè esse incorpoream (corpus enim nulla ratione esse potest alterius corporis actus) atque aded immortalem. quare nobis hac de re simplex quæstio erit. atqui Socrates cū geminam fecerit primam partem, puta diuturniorem esse animam corpore, insufficiēter probauit: alteram, putā esse omnino immortalem, ei qui non considerauit, procedere disputationem proposita priori assertionē videbitur probare etiā sophisticè. nam summa ratio monstrationis primæ independet, quod nostrum scire reminisci quoddam sit. quod etsi probabilitatem quandam per se fert, falsum esse monstrauit Aristoteles. Iam verò secunda est, quia corpus viuit per animam, & anima per se, necesse esse, animam semper viuere, neque posse mori. Velut quia concreta corpora calida sunt, per ignem, ignis verò primò ac per se, necesse est cū semper calere, neque posse refrigerari.

Quorum
principiū.

Ceberis
de anima
sententia.

De animæ
immortalitate.

Ignis semper
calidus.

huic

Anima
quomodo
causa vi-
tz.

huic argumentationi, qui ex aduerso assereret animam nullam substantiam separabilem esse, sed formam tantum corporis viventis, responderet negans animam viuere primo ac per se, sed ne viuere quidem, sed esse vitæ causam vt formam, viuere verò hominem per animam, non vt est calidus per ignem, sed vt ipse ignis est calidus per calorem, qui tamen calor calidus non est, qui verò semel recepit, esse animam substantiam quandam corpore antiquiorem, potentem per se existeret, vt videbatur Socrates, cum in eam agumentationē venit, indicasse, cogeretur profectò concedere, hominem viuere per animam per se primum, atque ideo eam mori. non posse, merito ergo diximus, vnicam quæstionem esse hanc, & eius decisionem ex prima assertionē pendere, puta animam hominis esse separabilem à corpore. quod quia à Socrate non satis monstratum est quòd nostrum discere reminiscētiā esse non probatur, aliis rationibus vtat, si quæ videbuntur esse firmissimæ, in iis quas produxerint inniores, aut mihi nunc dederit Deus. Cerrè probabiles rationes sunt excogitatæ quamplurimæ, monstrationi verò proximæ, si quæ ea est profectò, qua Arist. est vsus, scilicet homo actionem aliquam habet, ad quam nullo corporali organo vtatur, eius anima incorporea est, & separabilis: nam constat animam hominis esse eius formam: forma verò cuiuscunque rei est principium & causa actionum omnium eius, ergo anima est præcipua causa actionum omnium hominis, vtitur verò organis corporeis ad eas obeundas: si quam ergo habet homo, quæ sine vlllo organo corporali agatur, eā operatur anima per se: talis ergo est ea forma, vt possit aliquid agere, etiam si esset sine corpore, si verò agere & esse, ac viuere posset sine corpore. Dices fortasse, esse aliquid; quod anima existens in corpore possit facere corpore non vtens, tamen extra corpus nihil posse facere, quia ne esse quidem potest. velur ego nō vtor cerebro ad pulsū arteriarum, tamen sine capite pulsare non poterq, quia neque viuere. Itaque per accidens esse corpus necessarium ad eam actionem, quæ sine organo corporali agatur, vt viuatur scilicet anima. Verum hoc de illis tantum rebus dici posse constar, quæ aliis indigent vt seruentur, aliis vtuntur vt operentur: de anima & corpore non ita, sed si anima corpore non eget vt operetur, multò minùs vt seruetur: & argumentum ita rursus procedit, si aliquid potest agere anima nullo vtens corpore, habet in sese, ac præter corpus. naturam & principium agendi illud. omnis autem vis agendi fuit ex aliquo esse, ergo principium aliquod habet in sese existendi, id ergo remanebit etiam si separetur à corpore. separari enim etiam poterit

Anima
sine cor-
pore.

terit secundum illud. nam quod anima agit nullo vtens corpore, non agit quā forma corporis, forma enim rei non operatur quidpiam per se, sed est principium operandi ipsi rei cuius est. si ergo anima agit aliquid per se, quā id agit non est corporis actus, sed substantia aliqua à corpore separabilis, quare & incorruptibilis. erit igitur anima geminæ quodammodo naturæ, Natura
gemma. qua corporales & per corpus exercet actiones forma corporis; qua spirituales & nullo vtēs corpore, substantia incorporea separabilis & immortalis. si verò est in anima aliquid immortale, constat ipsam animam immortalem esse, atque separatione corporis tantum priuari eis actionibus, quas obit per corpus velut artifex priuatus instrumentis. Propositio ergo satis est euident. videndum verò an re vera sit aliqua actio hominis, cuius nullum sit corporale organum. tales certè sunt duæ, intellectus & voluntas. quod ita constat: euenit hominem intelligere atque cognoscere cōtrarium, ei quod sensus omnes corporales, siue externi, siue interni, dicant, & velle cōtrarium ei, quod appetunt corporales omnes potentia: ergo neque intellectus neque voluntas, ea scilicet, penes quam est liberum arbitrium, est corporalis potentia. nam nullā potentia corporalis dicat, stellam esse maiorem terra: intellectus dicat esse maiorem: ergo intellectus non est corporalis, neque vllū vnquam appetitus corporalis appetere potest dolorem, neque languorem; voluntas hominis sæpè appetit hanc (vr ieiunia & verbera) ergo voluntas hominis non est corporalis. ad intelligendum ergo aut volendum nullo corporali instrumento vtitur anima. Porro euenit aliquando disputare de re, separata omni conditione materiali, vt de homine, nulla ratione habita loci, magnitudinis, coloris aut figuræ, aut alterius cuiuspiam conditionis corporalis & sensibilis, ergo potentia quā id agitur, nullo corporali organo vtitur. nam cum cognitio agitur aliquo organo corporali, facultas nihil aliud percipit quā organi passionē. organi verò corporalis passio, non possit esse sine corporis conditionibus. quare neque facultas per eam perciperet, nisi accidentia corporalia; quæ igitur percipit sine corporeis accidentibus incorporea est. Præterea, adeò videtur cūdens esse in nobis aliquam substantiam incorpoream, separabilem, & æternam, vt vel quia in dubium vertitur, & vocatur in disputationem, necessarium sit ita esse. nam si in nobis nihil esset nisi corporeum & caducum, vnde orta esset nobis ea dubitatio, aut omnino cogitatio de æternis & incorporeis, magis quā belluis; omnis enim cogitatio, aut ab obiectis orta est, aut interius ex nobis ipsis suppullulat. Cogitatio
tionis hanc
principium. immortale & incorporeum

Angelorum
apparētia.

reum nihil nobis obici potest, dum in hac vita sumus, nam ipsæ spirituales substantiæ, si quando hominibus volunt apparere, corporales species induunt. Si ergo in nobis nihil laret tale, nullam omninò principium esset cogitandi de incorporeis & æternis: nam siinge Deum fecisse ab initio omnes homines sine oculis, quis vnquam disputasset, an color esset fulgor quidam, an superficiiei extremitas in corpore terminato; vel an calor esset visibilis per species quas effunderet, an per facultatem, quæ ab oculis emitteretur; nunc verò disputatur de incorporeis substantiis, & æternis, & de modo quo intelligunt & operantur: est ergo in nobis vis aliqua ea agnoscendi, quæ non potest esse corporea, sed incorporeum aliquid & æternum, cuius præcipuè ea facultas est, & vnde naturaliter suppullulat omnibus gentibus, diuinorum, immortalium, & incorporeorum cultus, & desiderium. igitur haud dubium est esse in nobis mentem immortalem. neque locus est dubitandi, an Arist. ita purauerit, putauit enim procul dubio. An verò ea mens, & anima, per quam sentimus & mouemur, sint diuersæ, hæc mortalis, illa immortalis, iuxta sententiam Aristotelis, ac re vera, an sint partes diuersæ eiusdem animæ immortalis, id videtur posse in dubiū vocari. In qua disputatione ita videtur procedendum. Aut illa mens (si non esset eiusdem animæ, qua sentimus, pars) esset in omnibus hominibus eadē, aut in aliis alia. eadem numero in omnibus, non videtur posse, nam etsi idem homo ponatur in multis locis esse, non tamen poterit, idem cū sit, cōtraria habere simul, velut vno loco esse albus, alio niger secundū eandem partem, & eodem tempore, tamen humana mens quædam in hoc homine scit, quæ in alio ignorat, & est huic bona, illi mala mens: non est ergo eadem numero. Si verò est vniuique sua, quandoquidem ea nullo corporeo vtitur instrumento, non sit corporis actus, neque sit in homine vt forma in materia, sed vt natura in naue, vel vt intelligimus esse in orbibus cœlestibus spirituales alias substantias. Si verò ita est, homo duos sit supposita diuersa, illud animal λόγος¹, ex corpore & anima scēstia conflatum, vt equus, & bos: aliud substantia illa per se quidē subsistens. quandoquidem si forma corporis non est, neque corpus est illi materia, sed adest, velut cacodæmon aliquādo tenet humanum corpus.

Animæ
assistētis
refutatio.

Anima
quādo in-
perfecta.

non ergo erunt eadem vtriusque, neque totius ex vtroque conflatæ eadē actiones, neque cōmunes, sed vtrique suæ. sentiet sane illud animal, intelliget illa mens, homo tamen non intelliget, magis quā sūes, in quos sunt immissi dæmones. hæc autem omnia sunt absurda non est ergo ita: sed anima illa tota qua

qua sentimus, mouemur, & intelligimus, substantia est incorporea, æterna, & separabilis, habet tamen mirabilem naturam præ aliis omnibus intelligentiis, quòd cum sit substantia potens per se subsistere, potest etiam corpori ita temperato & formato hæreere vt forma, & per corporalia organa, esse illi principium sentiendi & mouendi: atque intelligit, quà separabilis, sentit & mouet, quà forma. quare cum à corpore recedit, illud retinet, hoc amittit. atque idèd, à corpore separata, imperfecta quodammodo est, quia ex: cere non potest multas earum vitium, quas natura habet, sentiendi scilicet & mouendi: sed dices, humanum corpus habet temperiem & compositionem meliorem, quàm aliorum animantium corpora, & ad viuendum accommodatiorem, ergo dum in vtero geritur, vbi primùm talem temperiem & compositionem attri-geit, orietur necessariò ex materiæ potentia forma sensitiua, ita vt necessariò, etsi eo momento Deus nullam rationem immergeret, esset futurum quoddam animal, idque perfectius aliis irrationalibus. Si igitur sensitiua forma necessariò oritur ex illius materiæ potentia, frustra datur rationali animæ pars sensitiua. erit enim otiosa sensitiuarum altera, aut vteatur duæ eisdem organis. Certè nisi Deus immergeret in humanum corpus rationalem animam, illud verò nihilominus temperiem & compositionem acciperet talem, oriretur naturaliter forma aliqua sensitiua: nunc verò non oritur, quia eodem temporis momento, quo commodam compositionem corpus consequutum est, inspirat in illud Deus spiraculum vitæ, quod simul sensitiua & intellectiua anima est, eo verò inspirato, materia non profert aliud, vt neque vlla alia res producit, quod productum inuenit. Itaque non profert quam proferret formam sensitiuam, quia præuenit accedere illud spiraculum vitæ, quod non minùs sensitiua anima est, quàm quæ ex materiæ potentia oriretur. Monstratum itaque esse videtur animam hominis esse incorpoream, & separabilem, non ex materiæ potentia ortam, sed extrinsecus accedentem, eandemque esse in nobis sentiendi & intelligendi principium, etsi non eodem modo. Considerare autem superest, an anima antiquior sit corpore, vt Plato censet, atque creata priùs, in corpus deinde immittatur, an in ipso creetur corpore, neque vnquam antea sit, quàm teneat corpus. Nullam esse arbitror naturalem rationem & viam, qua alterutrum monstrari possit, quia, vt Aristoteles dicit, post mortem non reminiscimur, hoc est, scite non possumus, an nostræ animæ præextiterint, & sæpe ab aliis corporibus decesserint, quia etsi id factum esset, non

Anima an-
tiquior
corpore.

possemus recordari, quod omnium rerum corporalium in singulis decessibus essent deleta phantasmata: itaque Aristoteles etiam existimauit, præteritis dubitationis nullam nos posse demonstrationem comparare. Sequentibus verò nobis hac in parte, quod est probabile, videtur præter rationem ponere animam antiquiorem corpore. nam anima quæ anima forma est, formæ verò quæ forma, non est aliud esse, quàm esse formam. non est ergo consentaneum esse prius animam quàm sit forma, forma verò actu non est nisi in materia, ergo non est prius quàm sit in materia, sed in ipsa creatur. Porro secundum naturæ ordinem prius est potentia, quàm actus, quia potentia via est ad actum, materia verò est potentia, forma actus, ergo materia generatim prior est quàm forma, & antiquior: igitur & hæc materia, quàm hæc forma, corpus inquam quàm anima. quoniam verò corpus omne dissolubile, anima verò. ut monstratum est, immortalis sit, ut posterius, corpore corrupto anima maneat, usque dam, vi diuina, eidem rursus vnita, tribuat immortalitatem. hanc ob causam Moses hominis ortum narrans, dixit: *inspirauit in faciem eius spiraculum vite*, hoc est, dedit illi: spiritum, quo viveret. Ezechiel verò cum rationem Palingenesiæ, seu resurrectionis exponeret, dixit iussu Dei quatuor ventis, *Veni spiritus & insuffla super interfectos istos. & veniis eant*. lubet itaque mortuorum spiritus, quasi separatos, & adhuc manentes, redire in sua corpora, atque à quatuor ventis venientes congregari. Sunt itaque hæc eadem, quæ diuina radunt eloquia, partim naturali ratione indicata, partim confirmata probabiliter. Esse scilicet in homine vnicam animam (nam alendi principium animam non appello) eamque non oriri ex materiæ potentia, sed à Deo inspirari, non quidem seorsum factam prius, sed creatam in ipso corpore, separabilem & æternam, atque manentem post interitum: sed quoniam huic contem platiqni coniunctum est, de brutorum animis, quid sacra innuant, adiiciamus.

CAPVT V.

Capite 9. Geneseos dicitur: *Omne quod mouetur & viuit dedit vobis in cibum. quasi olera virentia tradidi vobis omnia, excepto quod carnem cum sanguine non comedetis, sanguinem enim animarum vostrarum requirã de manu cunctarum bestiarum.* Rursum 17. Leuitici, ter repetuntur hæc verba: *Anima omnis carnis in sanguine est.* Rursum 12. Deuter. *Hoc solum caue, ne sanguinem*

Potentia
prior
est.

1

sanguinem comedas, sanguis enim eorum pro anima est. & idcirco non debet animam comedere cum carnibus. His verbis Philo, libello quod deterius priori insidietur, intelligit dici, animam esse ipsum sanguinem. cuius sententiæ fuerunt inter Philosophos nonnulli, ut Critias, cuius meminit Arist. 1. de Anima. quoniam verò 2. cap. Geneseos dictum est, inspirasse Deum in faciem hominis spiraculum vitæ, atque illud esse animam quia viueret: quibus verbis aperte significatur, animam hominis esse illum spiritum inspiratum à Deo, componens hæc duo loca. dicit, esse in homine duas animas: alteram carnis, per quam homo animal sit, hanc esse ut in brutis sanguinem: alteram hominis quæ homo est, hanc esse illud spiraculum incorporeum, separabile, & æternum: ob idque dicere Moysen, inspiratum esse in faciem, quod id non sit per totum corpus, & in sensatissimas etiam partes dispersum, ut sanguis, sed sublimen corporis partem teneat, quo superna cælestiaque contempletur. Sed cum monstratum antea sit, eandem esse unicamque in homine animam, qua sit animal & homo, hoc est, qua sentiat & intelligat, non potest nunc hæc Philonis interpretatio probari. neque verò dicere possumus, brutorum animas esse sanguinem, hominum verò non. nam 1. cap. Geneseos dicitur, *Vox sanguinis fratris tui clamat ad me*, id verò dicitur de sanguine Abel, quasi anima Abel clamaret, & effusus sanguis. quid ergo dicemus? certe non videtur necesse intelligere, quia dicitur, *Anima omnis carnis in sanguine est*, essentiam ipsam animæ esse in sanguine, seu animam esse ipsum sanguinem, necesse tamen est, sanguini esse cum anima aliquid præ aliis corporis succis: aut sanguinem esse aliquid animæ quod alia quæ in nostro corpore continentur, non sint, cuius gratia dicatur, anima esse in sanguine, potius quàm in villo aliorum. id verò quid sit oportet inuestigare. Primum omnium sanguis, anima carnis non est. Anima enim est forma corporis viuentis: corpus verò non potest esse forma corporis. forma enim & materia partes sunt rei, ut principia. non ut partes quantæ, quapropter ex materia & forma constat res secundum se totam, neque qua forma & materia possunt esse separabiles aut dissitæ. Sed neque pars animantis propriè videtur esse posse sanguis (dico verò partem propriè esse, quæ est animata, non ut capilli, & extremi ungues) nam sanguis est alimentum commune partium omnium corporis, nulla autem partium videtur parte alia animantis nutriri. neque videtur consentaneum rationi, ut inter eiusdem animantis partes ea pugna sit, ut aliæ alias conficiant. porro sanguis non est continuatus cum solidis partibus,

Anima ab
languis.

Animæ
duæ Philo-
loni.

Brutorum
anima.

Sanguis
non est
pars vi-
uentis.

Succi quo
modo nu-
triant.

Sanguis
alimētum
est.

Sanguis
natura
frigidus
calorem
semper
seruat.

sed ut liquor quivis alius in vase continetur. non facit ergo cum illis unum per se, & unitate formæ. Porro nemo hominem, minorem fieri, aut mutilari putat cum sanguis emittitur: oporteret verò si is esset pars. sed si nihil horum est sanguis, quid superest ut sit aliud quàm alimentum; non enim est excrementum, sed si id rätum, quid potius est quàm pituita, bilis, melancholia, lac, medulla ossium, semen, communis ros, quæ etiam nutriunt. Certè in ratione alimenti præstat plurimū aliis succis sanguis, quia solus potest nutrire partes omnes: alij verò succi, partim non nisi cum quodam sanguine mixti, ut bilis utraque, partim non nisi quasdam partes, ut pituita pituitosos, chylus vocatus ventriculum, lac mammas, medulla ossa, semen testes est itaque antonomasticè, ac ratione quadam potiori, sanguis alimentum animalium, atque idèò cum nutritione servetur eorum vira, videtur non ineptè dici, carnis animam, hoc est, viam, in sanguine esse, hoc est, sanguine servari. Verum cum nutritio non sit animantium propria, sed communis cum his rebus qua Moses non vocat viuentes, sed virentes, ut indicatum antea est, leue esse videtur nutritionis esse materiam, ut anima in eo esse dicatur: consentaneumque est, aliud prætereà esse aliquid in eius natura, cuius gratia ita dicatur. Certè, ut Galenus dicit, sanguis non tantum præstat corpori alimentum, sed calor etiam naturalis perseverantiam in eo obtinet, quia fouet; servatque naturalem calorem sanguine præditorum, quod vel inde intelliges, quod effusione sanguinis refrigerantur. quamquam hoc contradictionem videtur posse accipere. siquidem Aristoteles censet (atque Hippocrates alicubi videtur eiusdem esse sententiæ) sanguinem esse subiecto frigidum, calere verò calore cordis & spirituū. atque adèò Galenus ipse, etsi subiecto calidum esse censeat, tamen eius fervorem calore cordis fieri concedit. si igitur sanguis aut subiecto frigidus est, aut saltem minus calidus quàm cor, non servat ipse cordis calorem, nisi fortè per accidens, ut vestes aut medicamenta, quæ recalfaciunt partes, à quibus calorem acceperunt. Atque hoc quidem, ut ego existimo, consentaneè dicitur, & res ita habet, nisi sanguinis nomine intelligamus sanguinem ut in animantibus existit, spiritu scilicet plenum, eiusque admistione calentem, & fluentem. atqui oportet ita intelligere, semper enim intra sua vasa talis est, in arteriis quidem magis, in venis minus, utrobique tamen spirituosus, quia semper cum sanguine spirituum copia effunditur, hisque evanescentibus cōcrescit ubi effusus est, nisi sit corruptus. spirituosus ergo est ex quo caloris naturalis perseverantiam obtinet,

& in quo anima, hoc est, vita, est quia, scilicet facultas vitalis, quæ viuentium propria est (neque communis cum viuentibus, vt nutritio) in naturali cordis calore consistit. hic verò sanguine & spiritibus seruat. Sed dices, nondum videri hæc esse satis, vt anima in sanguine dicatur esse, neque sanè priùs videri esse posse satis pro dignitate explicata hæc verba quàm indicetur animam ipsam aliquo modo in eo esse. Certè hoc quoque indicari potest. nam nisi anima in sanguine spiruoso est, quo pacto possint in eo esse eius actiones? at verò sunt. nam quid est, quod ferueat per iram, fugiat per timorem, per mœstiriam pigrescat, per gaudium effundatur, per pudorem in faciem occurrat, quàm sanguis & vitales spiritus? necesse igitur est animam cuius sunt hi affectus, in sanguine esse aliquo modo, quo in nulla alia re, earum quæ ad corpus nostrum pertinent: siquidem nulla alia ita mouetur per animæ affectiones. si verò, vt indicatum est, non est sanguis ipsa anima, non est in eo animæ essentia, vt humanitas in homine, atque si ne animatus quidem est sanguis, non est anima in sanguine, vt in corde, cerebro, & aliis partibus, vt inquam in subiecto proprio: subit verò sanguis motus, qui primariò ipsius animæ sunt, est igitur in eo anima vt in instrumento proprio ipsius. dico autem vt in instrumento proprio ipsius: quia cum sint duplices motus in animante quidam dicuntur esse corporis, vt ambulare, & clamare, quidam animi per se, vt irasci, gaudere, mœrere, timere, & erubescere: horum est sanguis cum spiritu fluens instrumentum proprium. atque ita anima in eo est modo quodam diuiniore, quàm in vlllo alio instrumento: non quidem per informationem, aut per præsentiam, sed per potentiam, & operationem, quia nulla alia in re manifestius quàm in eo operatur, quin potius videtur ipse sanguis, animæ proprias operationes operari, esseque velut alia quædam anima corporalis & manifesta, exprimens suis actionibus, illam primam & veram animam, quæ per se est nobis ignoscibilis. Vigebis rursus dicens, fieri non posse, vt sanguis moueatur motibus animæ per se, nisi animatus sit, aut ipsamet anima, nunc verò videtur, motus illos subire per se. neque enim sanguis ita mouetur, quòd trahatur, pellatur, aut mittatur ab aliquibus corporis organis, sed quòd per sese sequatur imaginationem, quasi percipiens animæ ipsius conceptiones. Certè hæc admitanda sympathia sanguinis cum anima est, vt hæc percipit; ille mouetur. Indicat porrò ea res, diuinitatem quandam in anima animantium perfectorum, quæ sanguine prædita sunt, & illos habent animi motus, maiorem, quàm sit in rerum

Animæ
quomodo
in sanguine.

Motus
animalium
duplex.

Sanguinis
& animæ
sympathia.

Anima
vis.

imperfectiorum formis: posse scilicet mouere, vi imaginationis, materiam deiunctam, & cuius actus ea non sit, illaque uti ut instrumentum proprio suorum motuum. hanc fortasse ob causam, Auicenna maiorem adhuc virtutem (ut par est) rationali animæ volens tribuere, putauit, posse eam hoc idem in materia extra corpus longèque consistente, circa omnem contactum Physicum, facere. Ea verò sententia non probatur. neque sanè sanguis ab anima, sine contactu mouetur, sed Mathematicè tangitur à viuentibus partibus: Physicè, hoc est, per virtutem ab anima: est enim, ut dictum est, anima in sanguine per operationem & virtutem. hanc ob causam, volens Deus Optimus Maximus, homines quàm maximè à cædibus, & iniuriis abstinere, curauit, ut à sanguinis effusione super terram, & esu, abhorrent. estque hoc quodammodo simile symbolis Pythagoricis, quibus præcipiebatur aliquid, ut aliud insinuaretur, velut iubeat ille abstinere à fabis, quò abstinere à comitiis. voluit verò Deus, ut sanguinis effusione tantum vterentur ad expiationem animarum: ut quoad fieri posset, anima pro anima redderetur. nimirum sanguis est quodammodo altera anima, ut explicatum est. Ex dictis facile constat (de quo Theologi solent dubitare) animal neque perfectum, neque integrum siue sanguine futurum. quia erit in eo anima, impositio actionum vitalium, utpote propriis orbata instrumentis, sanguine inquam & spiritu. his de anima dictis, non intempestiuè, de corporis nutritione, & vitæ tutela, differemus.

Animal
non perfectum
sine sanguine.

C A P V T VI.

De ligno
vitæ dis-
putatio.

Capite 3. Genescos ira habetur, *Nunc ergo, ne forte mittat manum suam, & sumat etiam de ligno vitæ, & comedat, & uiuat in æternum, emisit eum Dominus de paradiso voluptatis, ut operaretur terram. de qua sumptus est.* His verbis aperte significari videtur, si Adamus vesci potuisset fructu arboris vitæ, futurum ut viueret in æternum. An verò id vlla ratio Physica ferat, examinandum. Viuentia omnia nutritione seruari, nisi nutrentur, mox interitura, nutritionemque capi ex alimentis, adeò norum est experimento, ut dubitent Physici, an possit, eorum salua vita, nutritio intercipi, vel momentum temporis. Atqui, nutritio est nouæ substantiæ repositio, pro ea quæ continenter absumitur, quæ causa sit eius absorptionis, non adeò constat. Plurimi enim Philosophi, naturalem calorem causantur

causantur, eundem scilicet qui nutritionis est causa: ergo calorem igneum, qui in nobis, leuibus ex causis, frequenter accenditur, & externas causas, quæ nos perpetuò afficiunt, consumptionem nostri facere affirmo: naturalem calorem contra, seruare & augere, verum de hac quæstione alibi est mihi disputatum, modò nihil interest: siue enim naturalis calor veterem substantiam absumit, & nouam reponit: siue siccant corpora externæ causæ, & naturalis calor substantiam reponit, stat eadem dubitatio. Asserendum enim est, corpora viuientia, accessione eius substantiæ, quam accipiunt ex cibis, seruari: & cibos alios aliis esse meliores, plus ac melius nutrientes: alios deteriores, ac nutrientes minùs: & meliorum usu diutius seruari corpora, deteriorum verò, venite citius ad interitum. An verò cibi vllius bonitas sufficere possit, quò vllum viuientium, sine interitu, seruetur in æternum: an semper viuere, viuientium ex alimento naturæ repugnet: vel quò eorum mortali vitæ mori intimum, ac necessarium sit: vel quò ipsa ratio alimentum vim tantam non admittat, id est, quod vertitur in controuersiam. si enim hoc natura rerum non fert, dicemus benedictionem fuisse in ligno vitæ, vt qui eius fructu vteretur, in æternum viueret, aut illud æternum, longum potius significare, quàm nunquam finiendum tempus. sin autem fert, dicemus fuisse naturam. primum quidem, ipsi viuientium naturæ non videretur repugnans, carere interitu: non enim nisi quia genita sunt. monstrauimus verò antea, totum quoque mundum factum esse, & posse sine interitu seruari. porrò Galenus, qui in Phisicis magnæ authoritatis censeretur, genitum omne aliquando interiturum, nullam monstrationem habere posse, affirmat, sed sola inductione probari. id verò si ita est, non repugnat ipsi geniti rationi, non mori. alioqui, illa ipsa ratio, qua non mori repugnaret, posset esse medium monstrationis, qua colligeretur moriturum. Galenus meminit sophistæ cuiusdam Ægyptij, qui assererebat, homines non mori necessitate naturali, sed ignorantia faciendorum, atque de ea re scribere librum cõperat, quasi quis nunc affirmaret, fieri posse naturaliter, vt homines seruarentur in æternum si fructus ligni vitæ daretur copia, mori verò, quod is fructus ignoreretur, aut iussu Dei, à Cherubim interdiceretur. Multò minùs videtur hoc repugnare naturæ alimentum, quia alimentum nomen est materiæ, atque vt Aristoteles dicit, rei victæ non effectricis causæ, non enim cibus nutrit, quòd faciat aliquid, sed quòd mutetur in substantiam nutriti. in materia verò non desideratur virtus, neque facultas vlla, sed dispositio, & copia. velut igitur ignis, si suppedietur ligna ardere apta,

Ciborum
differen-
tia.

Genita
non ne-
cesse est
interire.

Mortis ne
cessitas.

Fortura
nunquam.

nunquā deficiet, nec elychni flamma extinguetur, si suppetat oleum, ita viuere possit animal, si abundet idoneus cibus, aut saltem mortis causa non in ipso cibo sit, ab hoc enim quid petas aliud, quā ut sit materia. Nihilominus videtur manifestum, naturaliter non posse non mori, quod viuit ex alimento, quocunque vtatur, vel hoc solo argumento, quod nullum talium vnquam extitit, quod non moreretur, nam si numquam extitit, neque erit quidem, nam circulo semper redeūt tempora, & cū circulari mutatione totus semper agatur mundus, eadem continenter abeunt & redeunt, neque est quidpiam eorū, quæ naturaliter fiunt, quod non fuerit antea: quod disertissime dixit Ecclesiastes, c. i. his verbis. *Quid est quod fuit? ipsum quod futurum est. quid est quod factum est? ipsum quod faciendū est. Nihil nouum sub sole. nec valet quisquā dicere: Ecce hoc recens est, iam enim precessit in saeculis. quæ fuerūt ante nos.* Itaque quod nunquam factum est, nec erit quidem (id intelligo de rebus cōstantibus natura, non enim perinde est de calu, aut arte factis) quod verò nunquam sit, neque potest fieri naturaliter. nulla enim est naturalis potentia, quæ nunquam ad actum deducatur. igitur Philosophi vel hac sola ratione tenentur concedere, fieri non posse, ut quod viuit ex alimento, non moriatur, quod nunquam factum est: atque eodem argumento constat, nihil eorum quæ naturaliter oriuntur, posse non perire. neque quidquam obstat quod de mundo dicebatur. mundus enim non est naturaliter ortus, sed factus à Deo, causa infinitæ virtutis, & libera, à qua extingui potest, seruari tamen eius bonitate. Natura verò, nihil eorum quæ facit, seruare potest, nisi tempus certum, quia finitæ virtutis est, neque libera causa. cæterum hoc argumento, posteriori solū, ut dicunt Dialectici, indicatur, non posse fieri id de quo quærirur: qua tamen causa id fieri non possit, non explicatur. Quapropter, ut hoc quoque, si fieri potest, explicetur, aliunde petendum principium est. Non videtur autem aptius peti posse, quā ab eo quod in obiectione quære batur. Cur scilicet ignis accessione materiæ possit in æternum seruari, atque ab eo, quantum agitur in eius natura cresceret in immensum. homo autem & planta non possit, ut cunque patiatur cibo, seruari, nisi certum quoddam & finitum tempus, neque comparare nisi certam & definitam molem. Huius si inuenta idonea ratio fuerit, simul habebitur & monstratio à priori necessarij interitus eorum quæ genita sunt. Constat verò, eius rei causam esse, indifferentia nutritionis viuientium & ignis. Ea est ignem, & alia inanima, neque augeri, neque nutriri nisi secundum partes materiales: viuientia verò secundum

Secundum formales, hoc est, illa nutrirī accessione partium magnitudinis, diuersarum & dissimilium à præexistentibus: hæc verò non ita, sed alimento ita præexistentes in assumpto & commutato, vt non afferat nouas, sed seruet veteres, aut etiam augeat. Atqui, per illam improprie vocatam nutritionem, non tam seruatur idem corpus, quàm gignitur aliud & aliud, neque aliter existens idem, quàm fluuius: per nutritionem verò propriam durat idem. quapropter in æternum seruari non potest, ignis verò potest. vt homo specie idem, seruatur successione multorum, sed cur idem existens, vt hic homo, aut hæc morus, non potest propria nutritione in æternum seruari, nondum diximus. incipiamus verò ab ipsius nutritionis ratione, ea est reparatio naturalis humidi quod intus perit. ex alimento, quod & cōmutatur, & penitissimè in partes alendas assumitur distributum, & affigitur, itaque humiditas naturalis continetur dissipatur, alioqui non indigerent corpora alimento: non ambigitur autem an indigeant, sed an id sufficiat, vt non moriantur. Itaque indigent alimēto, & siccantur, siue à suo ipsorū calore, siue ab externis causis, maximè ab aëre, qui, aut calore absumit humorem, vt in æstate, aut frigore exprimit calidū, cum quo abit & humor, vt arescunt arbores præ frigore in hyeme, & res omnes flante Borea siccantur. vtrūque de hac quæstione censeas, concedes siccari semper viuentium corpora, alimento verò fieri, ne arescant citò, velut quæ deciduntur, & radicibus abstracta, alimento priuantur ligna, ea enim videmus, humi iacētia, breui siccari, aded vt non possint germinare rursus, etsi humi figantur: quod eorū mortis indicium est; priuantur ergo decisa ligna, breui siccata, nō alia causa, quàm quod priuentur alimento, non enim iugulantur, vt truncati homines, aut aliquid aliud patiuntur quod eis moriendi causa sit (viuunt enim rami singuli, & germinant, si ante ariditatem figantur) sed arescunt quod priuentur alimento. alimentum ergo reparando humidam substantiam, facit, ne arescant corpora, alioqui breui, præ siccitate, interitura. si igitur humectatio ab alimento accedens, æqualis esse potest siccationi, quæ ab aliis causis obstat vtrique poterit, quominus corpus siccetur: si maior, facere vt etiam euadat humidius: si verò necessariò est maior motus, quem subit corpus ab externis, eo quem à cibo, necessariò siccabitur corpus semper, ac postremò morietur. alimentum verò, tantummodò obstat, ne tam citò. Atqui, maiorem motum esse quem cient externa, primū quidem, experimento constat, quia multò citiùs siccatur decisum lignum, & homo cibo priuatus, quàm reficitur rigatū & cibatus. deinde,

Nutritio
quorum
sit.

Corporis
exsiccatio.

**Akeratio
duplex.**

Thapsia.

**Morus
difficul-
tas & fa-
cilitas.**

**Ciborum
differen-
tia.**

multis etiam rationibus videtur id esse necessarium. nam cum eueniat, duobus modis alterare corpus, aut simpliciter alterando, aut gignendo substantiam alteram, constat illud facilius esse, ac citius fieri, hoc difficilius, & fieri tardius. nam facilius siccet corpus, admouens thapsiam, aut euphorbum, aut ignem, quam iubens uti cibis assis, & milio, aut eruo: & humectet citius balneo aquæ, quam esu lactis aut prisanæ: cum ergo siccantur semper corpora externis; non ob substantiæ repositionem, sed alterata, humectentur verò à cibo, non alter quam repositione substantiæ, necesse est lentiores motum fieri à cibo, quam ab externis. portò motus, qui incipit ad eodem ipso quod mouetur, non potest non esse tardior, quam qui ab ipsa mouente causa incipit. quia cum id quod mouet principium mouendi accipit, ab eo ipso quod mouendum est, operosior, & difficilior est motio. velut facilius est corpora calfacere igne, quam thapsia: quia thapsia non potest vrere, aut equam à re ipsa vrenda calfacta sit: ignis verò nihil aliunde recipiens, statim vrìt. Externæ causæ pleræque vi propria, & quâ actu tales, siccant: alimenta non humectant, nisi conficiantur prius ab ipso viuientis corpore. necesse est igitur humectationem à cibo tardiores motum esse, siccatione ab externis, atque ob id, citius aut tardius tamen postremò viuientia omnia mori. Certè hæc, quæ proposuimus, verissima sunt. putà, maiorem & celeriores motum, qui alterando agitur, & principium accipit à facultate, quæ actu inest causæ mouenti, quam qui repositione substantiæ, & initium duci ab ipsius patientis actione. si conferantur æquales mouendi causæ: si verò conferantur inæquales, aliter potest euenire, nam magis calefcet corpus afflicta thapsia, quam si moretur in tepente sole: & humectabitur magis, multo esu recentium vuarum, lactis, piscium, & lactucæ, quam modica lotione, nimirum conferuntur magnæ causæ cum exiguis. verum si conferrentur æquales, eueniret semper, quod propositum est. Vnica igitur superest dubitatio. An possit cibus vllus esse tantò potentior humectando, quam causæ omnes externæ siccando, ut eius motus illarum possit mutui præuallere, atque ita seruari animal suu cinteritu: & an talis fortasse fuerit fractus ligni vitæ. non certè. nam externæ causæ, siccando absumunt partem substantiæ humidæ. necesse est ergo ut dum absumunt tantam, reliquam alterent secundum qualitatem, reddantque sicciores & duriores: cibus ergo aut reponet solum substantiam humidam, aut reliquas etiam, & quæ supersunt, alterabit secundum qualitatem si substantiam tantum reponit, quantumuis reponat codiosè, reddentur in die

sicciores

ficciores partes animantis, atque ita quoque ibunt in interitum
 (vt certè sit) secundum molles partes, & quæ abundanter re- Causarum
 ficiuntur, aliquando factæ humidiores: secundum solidas verò, externa-
 quæ ob siccitatem & soliditatem naturalem, siccantur multum rum vis,
 & reficiuntur exiguum, semper siccescentes. sin autem cibus
 non reficit solum, sed qualitati etiam obstitit, non nutrit so-
 lum, sed etiam alterat, neque alimentum solum est, sed etiam
 medicamentum; si verò est medicamentum, corpori sano mor-
 bum faciet, morbum verò faciens, mortem attulerit citiorem:
 sin autem corpus morbosum fuerit, ita quoque morietur. nulla
 igitur ratio est naturalis. qua possit corpus cibus quispiam in
 æternum à morte liberare. Quid ergo dicemus de homine Immorta-
 semper victuro, nisi peccasset: & de fructu arboris vitæ, quo litis ar-
 qui vesceretur, in æternum viueret. Certè homo nisi peccas- gumentū.
 set, nunquam fuisset moriturus, siquidem per peccatum intra-
 se mortem sacra canunt eloquia. tamen, etsi non peccasset, fuisset
 mortalis: non enim idem est: neque per peccatum factus est
 mortalis qui mortalis nō esset, sed moriturus, qui mortalis iam
 esset. Sed quo pacto non esset moriturus, qui esset mortalis: cer-
 tē volūtatē Dei, sicut de toto orbe etiam ex sententiā Platonis
 dicebatur, extingui posse, & redigi in nihilum ex quo est fa-
 ctus, tamen volūtatē Dei semper perseveraturum. ita quoque
 homo, qui mortalis erat, & redigi naturaliter poterat in suum
 cinerem, & volūtatē Dei viueret semper, nisi peccatum obsti-
 tisset. non est itaque per peccatum factus mortalis, sed qui cum
 erat innocens volūtatē Dei seruabitur, ob peccatum tradi-
 tus est suæ mortalitati. quo modo mortalis cum esset à mor-
 te præseruabatur, Deus scit, non possum apertè dicere; magnam
 verò partem eius præseruationis fuisse in fructu ligni vitæ, ipse
 dicit. duorum igitur alterum videtur consentaneum, aut fru-
 ctum illum fuisse ciborum omnium, qui vnquam exriterint
 præstantissimum atque vim habuisse naturalem seruandi ho- A Eternū
 mines diutissimè, diutiusque quam post peccatum, voluerit pro lōgo.
 eos Deus viuere (significauit verò ita illud, *in æternum*, tempus
 longum, vt in multis aliis locis) Deūque antequam id exple-
 retur tempus, fuisse eos in vitam æternam translaturum: aut
 habuisse vim tribuendi vitam æternam. habuisse verò eam non
 natura, sed benedictione: nam cum antea monstratum sit,
 Deū habere vim infinitam, & nulli naturæ legibus teneri,
 atque adeò ipsam naturam nihil aliud esse, quam exiguum
 quandam diuinitatis fulgorem, quid obstat, quominus possit, si
 velit, ipsis corporibus, quibus dedit naturam, facultatem aliam
 tribuere superiorem? utrumuis igitur facere potuerit Deus,
 vtrum

utrum videatur magis consentaneum, disputent Theologi, excedit enim id meum institutum. Haftenus mihi de mundi opificio, animæ immortalitate, & hominis, aliorumque omnium viuentium interitu dictum est: quod ad naturales vitæ fines spectat, adiciamus.

CAPVT VII.

Explican-
tur verba
supradi-
cta.

Capite 6. Geneseos: *Non permanebit spiritus meus in homine in aeternum, quia caro est, eruntque dies illius centum viginti annorum.* His verbis videtur significari, à temporibus Noë hominum vitam, Dei præcepto, quod oportet esse inuiolabile, ad centum viginti annos esse contractam. reclamat verò vita Abraham, qui vixit centum septuaginta quinque, & uxoris eius Saræ, quæ vixit centum viginti septem, & eorum filij Isaac, qui vixit centum octoginta, & nepotis Iacob, qui vixit centum quadraginta septem, ac multò magis eorum qui inter Noë & Abraham, vixerunt ferè 400. annos omnes. hanc ob causam quidam verba illa cap. 6. Geneseos interpretantur dicta, non de singulorum hominum vita, sed de totius mundi duratione vsque ad diluuium: itaque verba illa dicta esse ad Noë, centum viginti annos ante diluuium, prædictique, non quantum posset vita cuiusque hominis produci, sed quantum superesset, vsque ad totius carnis internecionē, hoc est, vsque ad diluuium. Mihi verò non probatur ea interpretatio, sed dixerim potius, vsque ad diluuium, hominum vitas, Dei voluntate, fuisse multò longiores, in posterum, eiusdē præcepto, fuisse contractas ad centum viginti annos. neque verò hoc debet Philosophos deterrere, neque censendum, aut hanc breuitatē esse naturæ morbum, aut illam vitæ longitudinē, fuisse supra naturā. si enim, ut ipsi multis argumentis, neque inevidentibus confirmant, Deus est actionū omnium naturalium causa prima, necesse est naturā rerū plus aut minus posse, ut ei Deus aspirat. Cur autē illa verba non possint ad diluuium pertinere, dicamus, primū quidē quia non est reuelatum Noë tanto prius. Iam enim habebat Noë filios, qui cum eo sunt ingressi in arcam, putà, Sem, Cham, & Iaphet, cū ei est reuelatio facta: siquidem hæc sunt Dei ad illum verba: *Ecce ego adducam aquas diluuij super terrā, ut interficiam omnem carnem, in qua spiritum vita est subter cælum, & vniuersa, quæ in terra sunt, consummentur, ponamque fœdus meum tecū. & ingredieris arcā tu & filij tui, uxor tua, & uxores filiorū tuorū tecum.* Itaque: cum

cum reuelatio est facta, habebat iam filios, qui etiam duxerant vxores. at verò erant quingentorum annorum Noë, cum genuit Sem, Cham, & Iaphet, cœpit verò fieri diluuium ruptis fontibus & apertis cœli catacœstis, anno sexcentesimo vitæ Noë. non ergo est prænuuciatum diluuium centum viginti annis antequam fieret. quapropter non est illa legitima interpretatio. sed eum finem statuit hominum vitæ. Confirmatur hoc verbis Moïsis, capite trigésimo primo Deuteronomij, qui causam reddens qua illum inori oporteret, neque posset amplius viuere, dicit, *centum viginti annorum sum hodie, non possum ultra egredi & ingredi.* Est itaque Dei iussu centesimus vigésimus annus vltimus clymaëticorum, & quo longissima vita hominis concluditur. ante hunc est centesimus, clymaëticus etiam ipse. nam decimo octauo capite Ecclesiastici dicitur, *Numerus dierum vitæ hominū. ut multum, centum anni.* neque immerito dixi longissima, est enim alia vitæ productio, vt plurimis communis, ita longè breuior, cuius clymaëticus vltimus est octogésimus primus, qui numerus constar nouies nouem. Breuiorem & pluribus communem vitæ periodum exposuit Dauid, dicens, *Vita hominis septuaginta anni, in potentatibus octoginta amplius labor & dolor* quos eodem vitæ fines, septuagésimum scilicet, & octogésimum statuisset Solon, Diogenes Laërtius narrat. longissimam itaque periodum vitæ describit, quod modò enarramus, diuinum oraculum. Annos clymaëticos, id est, scälares, vocauit antiquitas, quosdam, quibus obseruatum est, plurimorum vitas finiri, quòd sint illi anni, velut gradus quidam scälæ humanæ vitæ. hi sunt quasi fatales moriendi fines, non absimiles diebus decretorijs morborum. nimirum vt Plato in dialogo de Natura docet (quod ab eo accepit etiam Galenus) habent morbi suas ætates, similes ætatibus hominum, atque suos etiam naturales fines. vt ergo sunt duplices morbi: alij acuti, alij chronici, quorum vtriq; habent suos decretorios, non tamè eosdem, sed acutorum decretorij sunt dies impares, præcipuè septennarij: chronicorū vigésimi, vt sexagésimi, octogésimi, centésimi: ita sunt duplices vitæ productiones, quædam plurimis cômunes, quædam paucis, illique viuacissimis, contingentes. vtræque habent suos clymaëticos, seu maui dicere decretorios annos, prioribus quidem sunt, qui per septennia numerantur, & per nouennia, quorum præcipui sunt, quadragesimus nonus, qui constat septem septennis, & sexagesimus tertius, qui constat nouem septenniis: post hunc septuagesimus, quia decem septenniis: postremus octogésimus primus, quia constat nouem nouenniis. posterioribus sunt decre-

Anni clymaëtici,

Morborū ætas.

Dies decretorij.

Duplex vitæ productio.

decretorii, qui numerantur per decennia, vt centesimus, quorum postremus est vigesimus supra centesimum. neque cerre huic numero exigua vis inest, neque vanum est in naturalibus rebus (etsi quibuldam videtur) numerorum habere rationem: siquidem fecit Deus omnia, in numero, pondere, & mensura. dignitas vero dicti numeri inde est, quod constat tribus quadragenariis: quadragenarij vero quaterque decenniis: ternarius vero est primus numerus perfectus qui rationem habet formæ, & maris, & generationis, ac perfectionis, & indiuisibilitatis. quaternarius continet denarium, qui continet ternarium, binarium & vnitatem; vno vero & duobus & tribus & quatuor fiunt decem, decem autem sunt omnia. nulli enim hominum sunt, qui vltra decem numerent. itaque & quatuor sunt omnia. quare quaternus denariorum, hoc est, quadragenarius fit totum cum toto coalescente. totum vero est quod perfectum. hoc ergo ter redeunte, completur perfectissimum tempus, tribus perfectissimis numeris constat ternario, & quaternario, & denario, neque vero non indicat satis aperte diuina historia, hanc esse præcipuam perfectionem huius numeri, quod constet tribus quadragenariis, in vita Moysi. Ea enim hos habuit tres articulos. Nam quadraginta annos moratus est in Ægypto, totidem fuit in Madian, totidem duxit populum per desertum. postremus itaque finis viuacissimorum est vigesimus supra centesimum: minus viuacium, octogesimus perfectus, qui finitur octogesimo primo. Non ita tamen sunt hi humanæ vitæ fines, vt necessitate naturali moriantur, in illis omnes, neque possint villo modo vltcrius vivere, sed quod plerique intra eos moriantur, atque pauci quidam vltcrius viuentes nullis iam rebus, gerendis sint idonei. hoc vero ita esse intelligendum constat ex ipsis diuinis eloquijs. Psalmo enim dicitur: *Vita hominis septuaginta anni, in potentatibus octoginta, amplius labor & dolor.* Moyses quoque loco cit. haud dixit, *centum viginti annorum sumi hodie. nō possum amplius viuere, sed non possum vltra ingredi & egredi* hoc est, laborare, & militiam exercere. itaque Deus dicens, erunt dies illius anni centum & viginti. haudquaquam inuitabile moriendi tempus sanxit, sed viuendi fines, quasi qui iam gerendis rebus idoneus non sit, non amplius viuat. sed cum labore & dolore moriatur. neque vero quia non est statim à diluio contracta ad eam vita, sed qui inter Noë & Abraham vixerunt fere omnes quatercentum, negandum est eam legem de vita non vltra 120. annos producenda, latam esse tunc. lata enim est reuera, obseruaturque, atque obseruabitur semper, quandiu homines nascentur & interibunt.

Ternarij perfectio.

Quaternarij vis.

Pauci extra 80. annum sunt rebus gerendis idonei.

interibunt. non tamen statim lata obseruari cœpit, sed ob mundi necessitatem, vsque dum in eam multitudinem, quæ replere posset terram, creuerunt, dispensatione diuina vixerunt diutius, vbi mundi necessitati factum est satis, lapsa est natura in constitutos à Deo fines. Itaque verba illa, *Erunt dies illius centum viginti annorum*, naturalem viuendi legem continent: illa verò, *Crescite & multiplicamini & replete terram*, benedictionem, & legis illius dispensationem, quâ, mundo iam hominibus pleno, cessante, manet, persistitque natura, in illa viuendi lege, neque ea in re ab antiquis illis seculis mutatio sit, vt sine vlla dubitatione constare potest, legenti Hebræorum, & Romanorum, & nostrorum monumenta. eadem enim omnino ætates, & iidem vitæ fines, antiquum verò est homines suum interitum deplorantes, censere cum suo seculo deterius agi, & superioribus inuidere, est verò hoc vt antiquum, ita & vulgare: nam eorum qui nullus manifesti morbi vi intereunt, per pauci non attingunt 70 annum: plerique talium attingunt octogesimum, rari quidam, nunc quoque superant centesimum.

CAPUT VIII.

Capite 6. Genesios: *Cumque cœpissent homines multiplicari super terram, & filias procreassent, videntes filij Dei filias hominum quod essent pulchrae. acceperunt sibi uxores ex omnibus quas elegerant, & paulo post, Gigantes ante erant super terram in diebus illis, postquàm enim ingressi sunt filij Dei ad filias hominum, illaque genuerunt, isti sunt potentes, à seculo viri famosi.* Aliæ sunt loci huius enarrationes non ineptæ, mihi verò multò magis arridet, vocari hic dæmones filios Dei nam hæc est phrasis sacrarum literarum; siquidem c. 1. libri Iob ita habetur: *Quadam die, cum venissent filij Dei, vt assisterent coram Domino, affuit inter eos etiam Sathan.* Itaque haud dubiè vocantur in sacris filij Dei, qui apud Platonē, Dij minores, aut dæmones: ita enim inducit Plato alloquentem Deum in Timæo, *Dij Deorum, quorum opifex & pater ego sum*, itaque dæmonum patrem se vocat apud illum Deus, & illos consequens est, vocare filios Dei, quid ergo? confirmamus ea quæ in sacris habentur libris verbis Platoniceis ceu antiquioribus & potioribus? absit, sed suspicamur, Platonem multos sacrorum libros legisse, indèque transtulisse multa in suam Philosophiam, eorum plerâque non bene intelligens (neque enim poterat) illam ergo filiorum Dei appellationem, arbitror eum ex his locis accepisse: vt verò in-

Dæmones
cur dicantur
filij
Dei.

duceret Deum alloquētem filios suos de rerum opificio eom-
mēdantēque illis animalium, & hominis maximē formatio-
nem, deceptum esse illis verbis capitis primi Genesios. *Facia-
mus hominem ad imaginem & similitudinem nostram.* Videtur
enim illic Deus alios alloqui, horraſque ad hominis fabricam,
quæ tamen verba divinissimum continent sacramentum, quod
ille non est assequutus, intellexit tamen, ut mihi videtur bene
dæmones vocari filios Dei, sed si ita est, non exiguam dubi-
tandi occasionem præbet hic locus. nam quī poterant dæmo-
nes admare mulierum pulchritudinem, & cum illis congredi?
An est illis ea natura ut tanquam homines possint mulieribus
potiri, & formosis delectari, magis quam deformibus; quid
verò & homines possunt talibus congressibus generari, aliena
quidem videtur esse hæc omnia ab spiritali & incorporea sub-
stantia & natura adeò dissidente, videntur verò affirmare elo-
quia diuina non solum natos esse homines ex illis congressi-
bus, sed eos quidem potentes Gigantes, & à sæculo viros famo-
sos, quasi Diis genitos. Omnis etiam Gentilitas celebrauit
Heroes, hoc est semideos, natos scilicet ex formis & Diis aut
viris & Deabus. atqui quoniam durabat adhuc in memoria
hominum illorum, qui non longè aberant à diluvio Gigan-
tum fama, viros omnes egregios censebant esse ab aliquo
Deo, aut Dea genitos, ut Herulem à Ioue: Achillem à Te-
thyde, à Venere Æneam, deinceps & Alexandrum ab Homone,
hinc tam multæ fabulæ hinc tam multa adulteria ad Deos re-
ferebantur, quæ, quandoquidem dæmones illi colebant pro
Dii, eoque vocabant Tethydem, Porcim, Saturnum, Rheam,
Ieuem, Iunonem, Cupidinem, & Venerem, ut apud Platonem
legimus in Timæo, siquidem congregi cum mulieribus, & ge-
nerare possunt, fortasse non erant prorsus fabulosa, & men-
titæ: sed ex certis rerum eventibus orta. Multis etiam publicis
testimoniis constat certissimè, hoc etiam sæculo deprehensas
esse mulieres quæ dæmonibus sub hominum specie familiaris-
simè utbantur, qui cum illis rem habebant, congredebantur
que frequentè, ut cum propriis vxoribus & viros quoque
quibus fœminea specie succumbebant dæmones: vocanturque
hanc ob causam tales dæmones alij quidem incubi, alij suc-
cubi, quos quidem ego (ut dixi) suspicor tam multis fabulis
inter gētes dedisse principium, & incubos quidē Deorum, suc-
cubos Dearum peperisse opinionem sed quo pacto fieri possint
hæc, considerandū Platonici cēsebant, dæmones animalia quæ-
dam rationalia & immortalia esse, corporū tenuium, & aereo-
rum, morum verò humanis similibus, irasci enim & placari,
atque

An dæmo-
nes mulie-
res ament
& congre-
diantur.

Gigantum
ortus.
Heroes.

Dij gen-
tium.

De dæmo-
nibus in-
cubis &
succubis.

atque amicitias inire, & odia cum hominibus exercere. esse enim cenfet Apuleius (in quem Augustinus inuehitur 8. de ciuitate Dei) dæmones quorundam hominum oſores, quorundam amatores, animo paſſio, hoc eſt, non tranquillo iudicio, ſed ea animi affectione, quam vocamus amorem. vnde fit vt iuxta illa Philoſophorum placita, ſint laſciui, & delectentur ludis ſcenicis, & exoptent muliebres amplexus, & cantilenas amatorias, quibus ſua ipſorum crimina decantentur. horum ſi vera eſſet opinio, ſublata eſſet è medio prima dubitatio, diceremus enim, tales cum eſſent, captos eſſe amore pulchrarum mulierum, atque hominum more, potitos earum amplexibus, & voluptate quam inde caperent. ſuper eſſet ſolùm altera dubitationis pars, qui potuerint generare homines, homines cum non ſint. Cæterum Apuleij ſententiam verum non eſſe, neque Philoſophiæ conſonam, vel ex primis eius rudimentis facile intelligi poteſt. nam infra cœleſtes orbes, nulla corpora eſſe poſſunt, ſecundùm ſe tota incorruptilia. dicunt vero illi, degere dæmones in aëre. præterea, ſi dæmones, vt illi affirmant, habent corpora ex puriſſimo aëris, & ſereño elemento cõalita, nihil terrenæ ſoliditatis habentia, non poſſunt ſui voluptatibus Venereis, quia voluptas Venerea ad tactum pertinet, tactum verò Plato æquè ac Ariſtoteles & Empedocles, & Galenus, & alij omnes Philoſophi, attribunt terræ, vt auditum aëri guſtatum aquæ, viſum igni, iuxta illud citatiſſimum Empedoclis carmen, *Sentimus terram tollere, liquore liquorum, aëre aëream ſubſtantiam, ignem quoque cernimus igne.* quod igitur corpus nihil habet terrenæ ſoliditatis, neque tactu ſentire poteſt, neque capere Venereas voluptates. ſi qua voluptate, ea maximè videntur potiri poſſe, quæ ex muſico accedit concentu, quod is ſenſus ad aërem pertineat quapropter videri poſſit alicui conſenſaneum, ob id Sæulem, vt narratur 1. lib Regum, cum à dæmone diſcerperetur, pulſante Dauide citharam, inuari, quod dæmon ſuauiſſime concentus placatus miſeſceret. cæterùm neque hoc eſt Philoſophiæ conſonum, neque dæmones ſui poſſe vlla alia voluptate corporali: nam fieri non poteſt auditio, quin verberatio aëris externi, in partem aliquam ſubſtantix ſentientis tranſmitat. (quid enim reſert innumeros colores eſſe oppoſitos, niſi cryſtallino humore recipiantur? aut quid intereſt illo humore recipi, an calceo, an vngibus extremis, aut pilis, niſi illa pars noſtri eſſet, haberetque in ſeſe ſentiendi principium) quod ſi quæ pars ſubſtantix dæmonis verberationem ab aëre reciperet, diſtrahi vtique ea, diſcerpique poſſet, quare & corrumpi. non

An dæmones generare poſſint.

Voluptas Venerea.

Dæmones
nulla cor-
porali vo-
luptate
fruantur.

Intempe-
rantes.

Platonici
à dæmo-
nibus de-
lusi.

Lamiarū
cū dæmo-
nib. fami-
liaritas.

ergo secundum se totos essent incorruptibiles dæmones, quin potius essent iam olim eorum plurimi surdi, ob patiendi assiduitatem, & excellentiam multorum sensibilibus: atque cum tandiu vixerint, fortasse iam essent surdi omnes: quare neque ita potiri iam possent ea voluptate. Dæmones itaque nulla corporali voluptate frui possunt, neque omnino sentire. corporum enim corruptibilium est omnis sensus: maxime tractus, cuius obiecta sunt qualitates commutatrices rerum omnium nata constantium, calor inquam & frigus, quidquid enim tactum habet, vim habet discretivæ calidi & frigidi. non potest autem calorem sentire, quod non calefeat, neque frigus, quod non frigescat. calefcere autem aut frigescere nihil potest, quod corruptibile non sit, quia mutatio temperamenti via est ad interitum, & ea solum pati possunt intemperiem, quæ ex talibus sunt concreta: concreta verò ex contrariis actiuis, dissolubilia sunt. Animalium ergo immortalium natura (si quæ essent talia) longissime abesset à voluptatibus corporalibus, maxime à Veneris; non possent ergo dæmones talibus tangi, ne si corporales quidem essent, ut Platonici putaverunt: maxime cum omnino sint sine corporibus, ut alio loco huius operis, concedente Deo, indicabimus. quid ergo superest ex hac disputatione? Certè, nullos magis, quàm Platonicos, à dæmonibus esse delusos: qui non intelligentes eorum vasticiem, quod in requitiam oportebat referri, in eorum naturam, præter omnes Philosophiæ leges, referebant, & putantes vera esse, quæ dæmones mentiuntur, in falsas de eorum natura opiniones incidebant. nimirum, dæmones neque his neque illis figuris videri unquam possunt, neque ullois mortalium amant, neque vlla corporalis pulchritudinis specie capiuntur, neque musicis concentibus delectantur, neque congregi possunt cum mulieribus multoque minùs generare. tamen hæc omnia simulant, multisque modis ementiuntur, ut nobis sese inferant, & ita à veri Dei cultu, & legum, tum divinæ tum etiam naturalis observatione, homines auerrant qua arte, ante diluvium, totum ferè hominum genus reddiderunt belluis immanius, & absurdius. mulieres enim dæmonum factæ sunt concubinae, *ex omni caro corrumperat viam nā.* oblique, ut suspicor, homines naturalis legis, præpostera congregiebantur. Sed & nunc, omnes malefici, necromantici & maleficæ illæ, quæ stryges, seu lamia vocantur (Hispanè *brujas*) tenentur hoc infami crimine convictus cum dæmone. incunt enim cum dæmonibus amicitias (proh dolor!) renuntiantes gratiæ Dei, & ignorantissimi hominum, figmentis delectantur, & sordidissimæ mulierum ex diabolicis illu

illusionibus quærent carnales voluptates. sed quo pacto hæc mentiantur dæmones, nondum aperimus. præbent se conspiciendos his aut illis formis, pulchris quidem aut turpibus, ut ex usu illis est, ad eas quibus tunc temporis parant rethnas, corporibus hinc inde conquisitis ex circumfluo aëre, aut, quæ in illo voluntur, corpusculis: aut nonnunquam etiam ne id quidem faciunt, sed corporis speciem, in solis hominis intuentis oculis confingunt, ut re vera homo nullum corpus videat, sed sibi videatur videre. ut autem congregiatur ac coeat, perinde facit, fictitia constat corpora, aut velut oculos, ita tangendi organum deludit, passionem illi inferens talem, qualem à veris obiectis solet subire. ita verò constat mulieris corpus easdem voluptates capturum, ac si verissimus esset corporum congressus, res enim ipsæ non sentiuntur, neque animam attriungunt, nisi per passiones propriorum instrumentorum sensuum has passiones si mentiri sciat dæmon, nihil refert ad sensus, voluptatem verarum an falsarum rerum obiectum id fiat. sed quo pacto generant; certè non generant, neque id dicitur in sacris eloquiis, sed *ingressi sunt filij Dei ad filias hominum, & illæ genuerunt*. Itaque illis ad eas ingressis, ipsæ genuerunt, & ex proprio semine, & ex seminibus hominum, quæ cum petulantè in illa totius carnis corruptione effunderentur, receptabantur à succubis, & in uteros earum, quæ sese illis subdebant, immittebantur, ea celeritate, ut genitivus spiritus non dissiparetur. iam verò, ut homines potentes, famosi pariter ac superbi, & nequissimi, ex turpibus illis congressibus nascerentur, naturali etiam causa arbitror evenisse. Ea verò est, quod cum dæmones mendacissimi, hanc de sese opinionem studerent ingerere, quod generarent, curabant omni arte, ut grandes, robustissimi, ferocissimi, superbissimi, ac nequissimi nascerentur, ut parentum similitudini imputaretur. præterquam quod tales illi vellent esse omnes homines, qua verò id arte efficere possent, dicam: immittebant in uteros, neque qualemcumque, neque quantumcumque semen. sed plurimum, crassissimum, calidissimum; spiritibus affluens & feri expertus. id verò erat eis facile conquerere, diligendo homines calidos robustos & abundantes multo semine quibus succumberent: deinde & mulieres tales quibus incumberent: atque utrisque, & viris inquam & feminis. voluptatem solito maiorem affereudo. tantò enim abundantius emittitur semen, quantò cum maiori voluptate excernitur. poterant verò illi voluptatem augere, & titillando plurimum, & imaginationi plurima ad rem facientia repræsentando. maxima enim pars Venerorum motuum

De congressu
dæmonum cum
mulieribus.

Quale semen
dæmonum;

Venerci
motus
vnde.

Gigantes
cur pessi-
mi.

ab imaginatione fluit. quo fit vt religiosi viri, & Deo adeò de-
diti, vt imaginationem etiam compescant, eiusmodi motus nō
præsentiscant. robusti ergo & grandes, vt nascerentur, ita pote-
runt dæmones procurare. vt verò essent pessimi, poterant ma-
gica arte corrumpere semen, atque ad eam temperiem trans-
ferre, vt cum robore corporis, in omne vitiorum genus pareter
propositionem, nimirum receptissimum ab omnibus illud Ga-
leni, *Animi mores corporis sequi temperaturam*, his addiderint nu-
gaces Astrologi potuisse dæmones ad illos congressus observa-
re quosdam astroium concus. sus & aspectus, qui tales homines
nati essent gignere.

C A P V T I X.

Capite 9. Geneseos: *Arcam meam ponam in nubibus, &*
erit signum fœderis inter me & terram: cumque obduxero
nubibus cœlum, apparebit arcus meus in nubibus cœli, & recor-
dabor fœderis mei quod pepigi vobiscum, & cum omni anima vi-
uente, qua carnem vegetat, & non erunt ultra aqua diluuij ad
delendam uniuersam carnem.

De Iride
multa.

Videri possit alicui hæc legenti, ante diluuiam, & inirum
fœdus cum Noë, nunquam fuisse eum cœli arcum, quem Iri-
dem appellant, sed tunc primùm, in signum fœderis, positum
esse Dei iussu in nubibus; atque eo magis, quòd cap. 43. Ec-
clesiastici dicitur, *Vide arcum, & benedic ei qui fecit illum, val-*
de speciosus est in decore suo, gyraui cœlum in circuitu gloria sua,
manu excelsi aperuerunt illum. Quibus verbis videtur signifi-
cari ipsius Dei esse opificium, potius quam naturæ. Ego verò
non ita censeo, sed apparuisse etiam sæpe ante diluuium (ne-
que enim deerat vlla naturalium causarum eius, cùm essent so-
lares radij, oppositæ nubes) Deum verò, cum iniret fœdus cum
Noë, & eius posteris, ac pacisceretur, non futurum iterum vn-
quam diluuium, quo inundaretur tota terra, iussisse Iridem
signum esse: designasse veid eam potius, quam aliud quidpiam,
eorum quæ in nubium regione apparent, vocanturque meteo-
ra, quia ea naturaliter mitescentium imbrinum nota est, neque
veid quia ipsa per sese, ac sua matura talis erat, nō erat apta vt
signum talis fœderis statueretur à Deo, quinimò hac ratione
potius fuit statuenda. Cùm enim Deus author ipsius naturæ
sit, atque adeò ea tota fluxerit ab eius voluntate, atque ea vir-
tus, quam vocamus naturam (vt alibi diximus) sit in rebus
corpo

An Iris
ante di-
luuium
fuerit.

corporealis quoddam velut vestigium diuinitatis, nihil magis consentaneum, quam vt vtatur Deus ad faciendum, aut significandum aliquid in naturalibus, atque hæc cum eius voluntate & præceptis consonent. ipse enim à principio futurâ omnia præuidens, suo verbo totâ condidit naturam. quid ergo mirum, si naturalia eo semper ductu decurrentia, quo ab illo principio dirigebantur, in illius præcepta & iussiones semper incidant? atqui, hic est plerunque suauissimus & ordinatissimus diuinarum iussionum concentus. tamen aliquando (ratio quidem) vt euidentiùs hominibus suam diuinitatē ostendat, præter earum naturam, aliquid imperet rebus. nunc verò iuxta illius naturam iussisse, vt Iris signum esset mundi nunquam amplius imbris delendi, ex eius naturalibus causis erit apertissimum. De cuius generatione, vt licet videre apud Galenum libello de historia Philosophica (hic liber Galeni est) non admodum discrepant Philosophorum sententiæ. Nam etsi quodammodo euarient, omnes tamen postremò in hanc veniunt, esse colores quosdam apparentes, mixture splendoris Solis & opacitatis obiectæ nubis: apparere verò circulari figura, ob figuram Solis ipsius. semper enim apparet Iris ex aduersus Solis; repercussis scilicet eius radiis ab opposita nube: apparere verò tres illos colores, puniceum, viridem, & rubrum, quod ex splendido cum maiori opaco fiat rubrum. cum minori viride, cum minori adhuc puniceum. Igitur in exteriori ac superiori parte Itidis, quæ ad extremitatem, ac peripheriam nubis spectat, puniceum apparere: quòd ea parte tenuior ac minùs opaca nobes, radios minùs repellat, & meliùs penetraret, in interiori & inferiori contrarias ob causas apparere rubrum: inter hæc, ob mediocres causas, viridē: absolui verò hinc merito totâ hanc colorum differentiam triade, vt alia quæuis maioris & minoris differentia, principio, medio, ac fine. Metrodorus cum Solis radij nubē intrarint, nubem viridem, radios purpureos apparere dicit. Sed hoc dicat vt lubet, illud inter omnes conuenit, fieri radiis solaribus nubem aliquatenus penetrantibus, aliquatenus repercussis. necesse est ergo apparere, vbi apparatus quidam est pluuiæ (alioqui aut nullæ sint nubes, aut ex adedò tenues, vt more aeris penetrare radios non repellant) is verò non adedò magnus, neq; pluuiæ ingentis. Si enim totum cælum esset nubibus obductum, neq; vlla parte pateret Sol, nulli radij in oppositâ cœli partē abirent: neq; si nubes obiecta, esset densa admodum, penetraretur à radiis aliquatenus, sed tota appareret atra ob opacitatem. sit ergo Iris ab aduerso Sole mittente radios in nubē non desam, significat ergo naturaliter, quod & iussu Dei imbrēm

Quomodo
Iris generetur

Tres Iris
dis color
res quan
do sunt.

imbrem nequaquam obrutum mundum, quæ enim possit, cum neque celum totum obductum nubibus sit, neque quæ adsunt, sunt valde densæ? verba Ecclesiastici suo loco enarrabuntur.

CAPVT X.

Saræ sterilitas.

Mulieres quando concipere desinant.

Menstrua quid.

Duplex causa cur sanguis plus in mulieribus redundet quam in viris.

Capite 18. Genescos, *Erant autem ambo senes prouecta que atatus, & desiderant Sara fieri muliebria.* De Abrahamo & Sara cum genuerunt Isaac, dicuntur hæc verba, quibus significatur, eius conceptionem fuisse portentosam, ratio verò quæ hoc ita habet, naturalis est: nam ita est natura comparatum, ut neque senes generationi sint idonei, neque mulier, cui menstrua fluere deherint. Rectè autem dicitur, *erant autem ambo senes produetaque atatus, & desiderant Sara fieri muliebria.* Si enim alter senex esset, vir scilicet, mulieri verò non desissent fieri muliebria, aut etsi desissent, non esset vetula, sed iuuenula adhuc desissent præter naturam, & ob morbum, non esset mirabile gignere. nam senes ex iuuenulis gignere, quotidie euenit, etsi vetulas ex iunioribus, non ita mulieres enim quibus per ætatem defecerunt menstrua, concipere, neque ex senibus, neque ex iuuenibus possunt: quibus verò defecerunt per morbos, euenit non raro senescentes concipere, antequam appareant. ergo senex centenarius ex muliere nonagenaria, non poterat naturaliter generare; eius verò causa non erat in viro (ille enim plures postea filios genuit ex Cethura) sed in femina, cui ob senium defecerant menstrua. hæc ergo omnia physice dicuntur, eorum verò ratio pender ex menstruorum natura, & eorum causis. Menstrua vocantur euacuationes sanguinis, quæ singulis mensibus fluunt ex vulua. dicuntur hæc ipsa muliebria, quia solis mulieribus inter omnigenas feminas fluunt: aut quia (ut inquit Aristoteles) nullis æquè æque his, huius causam esse constat, quia nullum animal æquè sanguineum est, atque homo: nam & inter ipsas mulieres, quæ maximè sunt sanguineæ illis maximè abundant, quod vero homo sanguine magis abundet, merito euenit, quandoquidem optimam præ cæteris habet temperiem, & ideo optimo succo generando maximè idoneam. causa itaque talis euacuationis sanguinis redundantia est, ut autem sanguis in feminis, plus etiam quam in viris redundet, duplex est causa. altera necessaria, altera quæ posita est in fine. necessaria est, temperies frigida & humida, cutis densitas, & vita otiosa. temperies frigida, non quidem quod ea plus eius succi generet quam calida, sed quod minus dissipet, humida cum humoris redundantia semper

semper coniuncta est, merito ergo humida, & frigida (quæ tamen non admodum frigida sit) habet redundantiam quæ non dissipetur, ac proinde euacuatione indigeat manifesta. densa autem curis, & otiosa vita, tollunt dissipationem succorum, & corpora replent. Causa quæ posita est in fine, est bonum prolis. nimirum oportuit talem esse mulieris naturam, ut redundaret sanguine, qui satis esset gignendo foetui, & nutriendo infanti, ea enim est materia generationis foetus, quæque sola, ut cæset Aristoteles, eius materia est, viro vim tantum & efficaciam præstante per semen: ut verò censent Medici, quorum sententia hac in parte videtur probabilior, non sola, maxima tamen ac præcipua: quia ea & ortum primum præbet partium carnosarum, & nutritionem deinceps omnium. atque ut vir præstat efficaciam plurimum, ita materiam minimum. femina contra, ut minimum efficaciam, ita materiam plurimum; præstat verò ea minimum, præter sanguinem. sanguis igitur mulieribus totam ferè præstat generationis materiam, & ob hanc præcipue sunt illa foecundæ. hoc ita esse aperte constat, quia neque gerentibus utero, neque lactantibus fluunt euacuationes menstruæ, his, quia sanguis qui alioqui redundaret, abit in lacrimas. quia infunditur in foetus generationem. neque enim causari possumus ingerebantibus utero, viarum defectum. sunt enim, præter eas, quæ alimentum foetui deferunt, aliæ quædam venæ, in os uteri subeuntes, per quas citra foetuum læsionem, raris quibusdam fluunt, etiam utero gerentibus, vel quod ipsæ redundant plurimo sanguine, vel quod foetus sint debiles. itaque fluunt menstrua euacuatione, quibus sanguis redundat, & ea ipsa redundantia facit ut sint generationi aptæ, hinc fit necessarîo, ut eo vitæ tempore solùm fluant, quo sunt aptæ concipere; atque ut concipere aptæ non sint, quibus fluere desierunt. nimirum incipiunt fluere mulieribus in initio pubertatis, quatuordecimo, quindecimo, aut usque ad decimum septimum annum, quibusdam etiam citius aut tardius. Ita etiam desinunt non omnibus eodem tempore, sed ferè inter quadagesimum & quinquagesimum annum. Concipiunt itaque, cum incipiunt sanguine redundare: desinunt, cum ob senium incipiunt laborare sanguinis penuria. ut ergo antequam fluere incipiant, concipere non possunt, quod materiam copiam nondum habeant: ita neque postquam cessauerunt, quod iam careant, eandem ob causam videmus, viragines quasdam, mulieres scilicet temperamento viris similes, quibus ob id menses, aut paucissimi aut nulli fluunt, steriles esse, quamquam profectò ne hæc quidem adeò absunt à concipiendi potentia, quam senes, quibus naturaliter fluere

Materia generationis.

Generationis efficiens.

Menstrua quibus sistuntur.

Tempus menstruorum.

Viragines mulieres.

desierunt: quia iuuenes in humidius transferri posse temperamentum quodammodo, monstrant Medici: senes verò non posse reiuulescere, plus satis constat, neque certe alia ratione, cui cessauerunt iam naturaliter menstrua, concipere possent, quàm reiuuescens nam præter causas infœcunditatis puellarum, & senum, quas in materiæ penuria posuimus, sunt aliæ nihilo minores, in ipsorum veterum affectione, nimirum quibus nondum fluxerunt, nondum uterus dilatatus & satis capax est; quibus cessauerunt, siccus iam contractus & durior, est verò pars nervosa, quæ naturaliter nescit reiulescere. igitur haud dubiè fieri non potest, ut cui naturaliter desierunt muliebria, naturaliter concipiat. dico autem naturaliter desisse cui fluebant antea (quibusdam enim viraginitibus, ut dixi, nūquam fluxerunt) neque ob morbum ullum, sed ob senilem siccitatē desierūt fluere. talem porò fuisse Saram, cum singulariter Dei beneficio concepit Isaac, constat cū annorum esset nonaginta.

CAPV T XI.

TRigesimo capite Geneseos: Tollens ergo Iacob virgas populeas virides, & amygdalinas, & ex platano, ex parte corticauit eas, detractisque corticibus, in iis qua spoliata fuerant, candor apparuit. illa verò qua integra fuerant, viridia permanserunt, atque in hunc modum color effectus est varius. Posuitque eas in canalibus ubi effundebatur aqua, ut cum venissent greges ad bibendum, ante oculos haberent virgas, & in aspectu earum conciperent, factumque est, ut in ipso calore coitus, oves intuerentur virgas. & parerent maculosa & varia & diuerso colore respersa. Diuisitque gregem Iacob, & posuit virgas in canalibus ante oculos arietum & ouium, ut in earum contemplatione conciperent. quando verò serotina admissura erat, & conceptus extremus non ponebat eas. Et hæc sunt ea qua erant serotina, Laban, & qua primi temporis, Iacob. Mirabilem quendam euentum continent verba hæc, quæ duarum nobis dubitationem occasionem præbent. prima est, quam ob causam contemplatio virgarum variegatarum in ipso calore coitus factus variegatos esse fecerit: secunda cur Iacob virgas eas gregi opposuerit, in matutino potius congressu quàm vespertino. An quòd in matutino congressu, quàm in vespertino contemplatio rerum oculis obiectarum plus valeat ad similitum factuum ortum: an quòd is congressus fecundior sit, an ob vtrumque. Nullus Philosophorum vnquam, huius euentus causam, in ipsum intuitum reiecit, sed in imaginationē, neque quòd id factum esse quisquam putat, quòd in virgas oculorum

horū acies intenta esset : sed quòd visio internos moueret sensus, atque gregis coeuntis imaginatio circa illa variegata versaretur. Itaque censent omnes, vel hoc vnico exemplo (quam multa alia narrantur his similia) imaginationem rei cuiuspiam in ipso congressus tempore vim magnam habere , vt factus ei similes fiant , eius verò causa non est dictu facile. Si enim eiusdē facultatis esset de re aliqua cogitare, & generare, aut ad eandem corporis partem pertinerent, fortasse tolleretur aliquid admirationis : nunc verò facultas cogitandi ad animam pertinet sentientem, generandi verò, aut ad aliam animam, aut ad aliam animæ partem, aut vt Stoici dicebant, ne ad animam quidem, sed ad naturam porrò, facultas cognoscendi à Medicis omnibus collocatur in cerebro, gignendi in testibus, partibus adeò dissitis. itaque quod cognoscitur, concipitur sensibili animæ parte, cuius sedes cerebrum est, quod gignitur, vtero. quid habent hæc commune, vt iuxta mentis, aut sensuum internorum cogitationem, generatio variet ? Imprimis constat imaginationem & generationem eiusdem esse animantis actiones, siue ab eadem anima fluant, siue à diuersis : atqui, quia facultates à quibus fluunt, eiusdem sunt suppositi, ad quod actiones omnes referuntur primo, tāta sympathia eorum est (vt & aliarum omnium facultatum, quibus gubernatur animal) vt mutuo sese ad actiones permoucant, & passionēs. hinc fit, vt cūm genitales partes semine redundant, imaginatio libidinosis scateat phantasmatis, ob corporis vitium, rursus etiam, vt cūm ob morbum animi imaginatio in rebus libidinosis volutatur, genitales partes, etsi alioqui non redundarent, turgeant, & iritentur, tantus est imaginationis & genitricis facultatis consensus. Porrò anima, quæ nihil aliud est, quàm essentia corporis animati, vt Aristoteles dicit secūdo de generatione animalium, quæ inquam tantūm est actus corporis, ab eo inseparabilis, huiusmodi est quæ sensitiua vt nihil potest agere sine corporali instrumento, ita neque pati. Si enim ipsa per sese aliquam haberet siue actionem, siue passionem, secundū eam separari posset. nunc verò non potest : sed vt formæ ligni, aut lapidis, nihil euenit agere, aut pati, sed ligno ipsi: ita neque formæ equi, aut bouis, sed equo, aut boui. tamen ergo dicimus, animam equi cogitare, imaginari, aut omnino sentire: abusiue quodammodo id dicimus, quia ex anima id potius quam ex materia fuit propriè tamen dicitur, equum cogitare, imaginari, atque sentire & mouere sese sentire, atque vtcunque cognoscere, iuxta eam Philosophorum sententiam, quæ maximè probatur, quoddā pati est. id verò peti, nihil est aliud, quam animā ipsam quodam

Imaginationis vis ad formandum fœtum.

Facultatū sedes.

Facultatum sympathia.

Anima immortalis quid.

Brutorum opera.

Anima
quodam-
modo
omnia.

Cognos-
centis &
cogniti si-
militudo,
Fœtus si-
militudo.

Semen
quodam-
modo a-
nima.

quodammodo fieri illud ipsum quod agnoscitur: quapropter anima quodammodo omnia est, quia cum omnia possit agnosce-
re, omniū quodammodo speciem potest recipere. non quidem recipit ipsa per sese, sed cum corpore: ut neque sentiat per se, sed cum corpore, siquidem monstrauimus. nullam eam habere per se, neque actionem neque passionem. igitur ipsum animal quod agnoscit, fit quodammodo, secundum partes etiam corporales, simile ei quod agnoscitur: non quidem secundum partes corporales, quæ corporales, materialesque sunt, sed quæ sunt formaliter (ut dicunt) instrumenta sensuum. non enim oues ipsæ cum contemplarentur variegatas virgas, fiebant variegatæ corporaliter, ut cernentibus tales viderentur: fiebant tamen quodammodo (quæ scilicet secundum sensum organa, actu cognoscebant) variegatæ. itaque animal actu cognoscens, secundum organa corporalia, fit spiritualiter simile rei quæ agnoscitur, quod autem gignit, facit sibi simile: nam hoc ipsum est gignere. si ergo quod actu agnoscit aliquid, est ei actu simile & quod gignit simile sibi facit, quod simul cõtemplatur aliquid, & gignit, gignet aliquid simile ei, quod cõtemplatur, quia tale est ipsummet. hoc autem ut eueniat, necesse est ut contempletur in ipso calore coitus, ut simul & generet & contempletur. non enim animal generat simile sibi, secundum id quod fuit aut erit, sed quod est tunc actu. Sed dices, corporales species, quæ in animali cernuntur, ut magnitudinem, figuram, & colorē, merito deferri cum semine, ut potè materiali principio. istas verò, siue species, siue similitudines spirituales, etsi in corporibus sint, non videri posse ita deferri. certè istæ species, siquidē in organis corporalibus recipiuntur, ut indicatū est, non possunt esse omninò spirituales, ad spiritualium verò naturam magis accedunt, quàm quæ cernuntur, quia sunt sensibilibus quædam insensibiles effigies, atque cum spiritualiter quodammodo in generante sint, in eo quod gignitur, ob diuinam vim seminis, corporaliter imprimuntur. Ea vis est, ut Arist. dicit accedendi ad omnia quod nihil aliud est, quàm semen esse, quod vim habet efficiendi membra omnia, animantis cuius est, veluti in semine humano, potentia sunt partes omnes hominis, quia omnes natum est facere, aut ex sanguine fœmineo, aut ex seipso: in equino eadem ratione sunt omnes partes equinæ. neque solum est differentia seminum, secundum differentiam generis, ut ex equino equina, ex humano humana fiant, sed & singulorum, ut semen Petri ad partes Petri natum sit accedere, potius quàm alterius. eam vim accepit ab anima generantis, potius quàm à corpore. faciūz enim omnes facultates à forma fluunt, passiuæ à materia.

ria. quod ergo effectiuum in semine, est ab anima, & quod generat, secundum animam potius generat, siquidem id facere est. generari verò à corpore formando primùm incipit, siquidem id pati est, & accipere. transfert ergo vim effectiuam generantis, quæ animæ præcipuè est, in corpus rei generandæ. Consentaneum est ergo vt ea potius deferat ex generante, quæ illi secundum animam insunt, quàm quæ secundum corpus, eaque in corpus potius rei generandæ transferat, quàm in animam. Igitur consentaneum etiam, vt in corpore geniti corporaliter fiat, quod in generante erat spiritualiter, quapropter fiet, vt ab albo animali nigrum cogitante, nigrum generetur, potius quàm à nigro, cogitante album. Ex dictis faciliè constat, vim hanc & efficaciam cogitationis, in brutis potius esse quàm in hominibus. hominum enim mens diuina cum sit, & soparabilis, multa meditatur sine instrumento corporali, atque cum corporali instrumento vtitur, vt illi minus hærens, minores illi infigit affectiones. itaque hanc imaginationis vim in prole permutanda, multò magis licet experiri in animantibus mutis, quàm in nobis, quo fit, vt quod de ouibus, animalibus insensatissimis, narratur, sit naturæ rerum maximè conforme. Animaduertendum verò, eam vim, non maribus solùm aut fœminis, sed vtrisque inesse, & tunc maximè tale aliquid euenturum, cum contigerit vtrumque, marem dico & fœminam, in ipso calore coitus, de eadem re efficaciter cogitare, vt tunc contigit. Ita enim dicitur, *Et posuit virgas in canalibus ante oculos arietum, & ouium, vt in earum contemplatione conciperent.* Est verò hoc valde consonum illi Philosophorum sententiæ, quæ maximè probatur, & statuit, vtrumque parentem efficientem vim & materiam conferre ad generationem, vterque ergo cum vim faciendi præstet, & amborum congressu vna quædam potentior causa fiat, vis permutandi inaginatione fixum, vtrique inerit aliquatenus, euidenter tamen ea permutatio non fiet fortasse, nisi cum contigerit ambos in eo congressus momento. eandem rem imaginari. Vt ergo exempla euentuum huic similia, multa non sint, duplex videtur esse causa. Altera quòd vtrumque in eadem inaginatione fortiter hære, non nisi fortuito & raro accidit. Altera, quòd hoc in animalibus mutis, potius quàm hominibus, natum esse fieri: quæ non possunt nobis suas inaginationes narrare. sunt nihilominus nonnulla exempla. D. Aug. 18. de ciuitate Dei, c. 5. in hanc ipsam causam refert, quòd apud Ægyptios nunquam deficeret bos quidam, maculis quibusdam candidis insignitus, quem Apim vocabant, & pro Deo colebant. Censet enim

Genera-
tionis ef-
ficiens.

Exēplar.

dæmo

Dolores
cur die
tertio
grauissi-
mi.

fracturis sunt, agens ad omnia vlcera, quin etiam ad omnes morbos sermonem transtulit: significans, vlcera omnia magna & notatu digna (exigua enim vlcera nullas solent offerre exacerbationes) solere diebus, tertio & quarto, fieri grauiora. Causam verò huius rei proximam ipse insinuauit, dicens, *Et qua in inflammatione & sordes incendantur & quacunque in febres tendunt.* nimirum, quia inflammationes & fluxiones, & febres, diebus tertio & quarto solent vulneratis partibus superuenire. prima enim die, qua quis vulneratus est, dolor tantum esse solet ex ipsa carnis diuisione, dum vulneratur, aut particula tractatur Chirurgi manibus, à curatione verò citò conquiescit, cessante scilicet dolendi causa, quia dolor non fit cum secta iam est pars, sed cum secatur. Cum enim dolor sit sensus rei corruptentis, moueat verò sensum non facta iam, sed quæ sit passio, mox ac cessat externa causa, manet pars sine dolore; atque (nisi in paucis quibusdam, quos contingit esse paratissimos) siue febre, vsque dum noua alia causa dolendi aut febricitandi accedat, vsque dum scilicet, conuocata ad partem malè affectā fluxione, succrescat inflammatio, aut sordes multa, atque ob hæc nonnunquam etiam febris. proxima itaque dicti euentus causa hæc est. cur autem non ante tertium superueniat fluxio, aut non diutius protrahatur (quæ prima propositæ dubitationis pars est) nondum diximus: neque verò Hippocrates dixit, neque Galenus in cōmentatione apposuit nisi fortè eam Hippocrates insinuauit dicens: *Non enim pertinet ad vlcera solum, sed alios quoque morbos complures.* Nimirum eadem esse videtur causa in vlceribus, & in aliis omnibus morbis pendentibus ex materia, & habentibus exacerbationes (cum vlcera non ob ipsam propriam essentiam, sed ob fluxiones exacerbentur) ea est natura humorum, qui commoti, & exagitati, morbos faciunt, & augment sunt enim morborum circuitus, siue quotidiani, siue tertiani, siue quartani, cum sunt in corpore partes quædam paratæ recipere, quædam mittere, apparatus recipientium est, dolor, aut debilitas: mittentium, multitudo succorum, aut vitiosa qualitas, vlcerata ergo particula parata esse recipere, debilis enim est necessario, neque sine dolore; nisi ergo corpus reliquum vacuatissimum & purissimum esse contigerit (ita enim fortasse nunquam redibunt magni dolores) nihil deest ad humorum influxum, ipsi verò seruantibus suas naturas, influet die secundo pituita. succus mitis, moderatus, minimèque imitans; tertia die bilis flaua. succus acer, mordax, & impensè calidus, cum quo ob dolorem, necessario accurrit sanguis, paritque phlegmones & febres, quæ cum mitescere intra diem non possint

Vlcerum
exacer-
bationis
causa &
tempus.

Morborū
circuitus.

possint, sed cum citissime intra viginri quatuor horas, ut quæ à causis externis ortum habent, necessariò incidunt in diem sequentem, qui est quartus ab accepto vulnere. hæc itaque est causa qua vulnerum dolores solent die terria exacerbari. atque eadem causa Chirurgi, ut Hippocrates monet, post primam seu admotionem labiorum, seu confusionem (ut res exigit) non debent vsque ad diem quartum vlcera irritare, neque aliter tangere, quàm leuiter, quæ inflammationem arcent, ad-mouendo.

CAPVT XIII.

CAp. 46. Geneleos: *Cunctaque anima qua ingressa sunt cum Iacob in Ægyptum, & egressa sunt de femore illius, absque uxoribus filiorum eius sexaginta sex.* Hæc eadem verba repetuntur in initio Exodi. Egredios esse ex femore Iacob dicit filios & nepotes, qui ab eo geniti sunt. Causam habet ea phrasis naturalem, in hominum & genitalium partium compositione. nimirum vasa seminalia, quæ meliorem ac puriorem deferunt sanguinem in testes, ut in ipsis semen fiat, sunt venæ quædam, quæ ortæ ex venis, quæ in lambis discisæ in crura iam descendunt, antequam in tres ramos, qui per crura decurrunt, distribuuntur, recurrunt per femora in testes in viris, & in mulieribus in uterum. nā venæ quæ ex caua eo ferè loco quo siti sunt renes mittuntur in testes, sinistra quidem venit ex emulgente vocata, quæ serosum sanguinem in renem deferret, atque ob id ipsa quoque serosam materiam in testem transfert: dextra vero non multò post exortum emulgentis quare ne ipsa quidem satis expurgatum deferret sanguinem, saltem non adeò ac venæ, quæ multò post ortæ, ex ipsis femoribus recurrunt, quas ob id est verisimile, etsi non adeò multam materiam atque superiores, quia minores multò sunt, tamen præstare vtiliorem ad generationem fecundi seminis, meritò ergo in sacris eloquiis generatio ad femora refertur. ut & Iacob in Iudæ benedictione dixit. *Non auferetur sceptrum de Iuda, neque dux de femore eius,* & hanc ipsam ob causam 5. cap. Numerorum, inter adulteræ maledictiones, illud præcipue præcipiebatur sacerdos dicere, *Ingrediantur aqua multa in ventrem inum, & utero putrescente putrescat femur.* ut scilicet, per qua quis peccat, per eandem puniatur. ut dicitur 11. cap. Sapientiz.

Generatio
ad femora
refertur.

Seminis
differenti-
z.

Adultera
maledic-
tio

Veneret
motus
vnde.

Gigantes
cur pessimi.

ab imaginatione fluit. quo fit vt religiosi viri, & Deo adeò dediti, vt imaginationem etiam compellant, eiusmodi motus nō præsentialiant robusti ergo & grandes, vt nascerentur, ita poterant dæmones procurare. vt verò essent pessimi, poterant magica arte corrumpere semen, atque ad eam temperiem transferre, vt cum robore corporis, in omne vitiorum genus pareretur propositionem, nimirum receptissimum ab omnibus illud Galeni, *Animi mores corporis sequi temperaturam*, his addiderint nugæes Astrologi potuisse dæmones ad illos congressus obseruare quosdam astrorum concus. sus & aspectus, qui tales homines nati essent gignere.

C A P V T I X.

Capite 9. Genesios: *Arcum meum ponam in nubibus, & erit signum fœderis inter me & terram: cumque obduxero nubibus cœlum, apparebit arcus meus in nubibus cœli, & recordabor fœderis mei quod pepigi vobiscum, & cum omni anima viuente, qua carnem vegetat, & non erunt vltra aqua diluuij ad delendam vniuersam carnem.*

De Iride
multa.

Videri possit alicui hæc legenti, ante diluuiam, & initum fœdus cum Noë, nunquam fuisse eum cœli arcum, quem Iridem appellant, sed tunc primùm, in signum fœderis, positum esse Dei iussu in nubibus; atque eo magis, quòd cap 43 Ecclesiastici dicitur, *Vide arcum, & benedic ei qui fecit illum, valde speciosus est in decore suo, gyrans cœlum in circuitu gloria sua, manus excelsi aperuerunt illum.* Quibus verbis videtur significari ipsius Dei esse opificium, potius quam naturæ. Ego verò non ita censeo, sed apparuisse etiam sæpe ante diluuium (neque enim deerat vlla naturalium causarum eius, cum essent solares radij, oppositæ nubes) Deum verò, cum iniret fœdus cum Noë, & eius posteris, ac pacisceretur, non futurum iterum vniquam diluuium, quo inundaretur tota terra, iussisse Iridem signum esse: designasse verò eam potius, quam aliud quidpiam, eorum quæ in nubium regione apparent, vocanturque meteo- ra, quia ea naturaliter mitescunt imbrum nota est, neque verò quia ipsa per sese, ac sua matura talis erat, nō erat apta vt signum talis fœderis statueretur à Deo, quinimò hæc ratione potius fuit statuenda. Cùm enim Deus author ipsius naturæ sit, atque adeò ea tota fluxerit ab eius voluntate, atque ea virtus, quam vocamus naturam (vt alibi diximus) sit in rebus corpo

An Iris
ante di-
luuium
fuerit.

torporalibus quoddam velut vestigium diuinitatis, nihil magis consentaneum, quam vt vtatur Deus ad faciendum, aut significandum aliquid in naturalibus, atque hæc cum eius voluntate & præceptis consonent. ipse enim à principio futura omnia præuidens, suo verbo totâ condidit naturam. quid ergo mirum, si naturalia eo semper ductu decurrentia, quo ab illo principio dirigebantur, in illius præcepta & iussiones semper incidant? atqui, hic est plerunque suauissimus & ordinatissimus diuinarum iussionum contentus. tamen aliquando (raro quidem) vt euidentius hominibus suam diuinitatē ostendat, præter earum naturam, aliquid imperet rebus. nunc verò iuxta illius naturam iussisse, vt Iris signum esset mundi nunquam amplius imbutis delendi, ex eius naturalibus causis erit apertissimum. De cuius generatione, vt licet videre apud Galenum libello de historia Philosophica (hic liber Galeni est) non admodum discrepant Philosophorum sententiæ. Nam etsi quodammodo euarient, omnes tamen postremò in hanc veniunt, esse colores quosdam apparentes, mixture splendoris Solis & opacitatis obiectæ nubis : apparere verò circulari figura, ob figuram Solis ipsius. semper enim apparet Iris ex aduersus Solis; percussis scilicet eius radiis ab opposita nube : apparere verò tres illos colores, puniceum, viridem, & rubrum, quod ex splendido cum maiori opaco fiat rubrum, cum minori viride, cum minori adhuc puniceum. Igitur in exteriori ac superiori parte Iridis, quæ ad extremitatem, ac peripheriam nubis spectat, puniceum apparere: quod ea parte tenuior ac minus opaca nubes, radios minus repellat, & melius penetretur, in interiori & inferiori contrarias ob causas apparere rubrum: inter hæc, ob mediocres causas, viridē: absolui verò hęc merito totâ hanc colorum differentiam triade, vt alia quæuis maioris & minoris differentia, principio, medio, ac fine. Metrodorus cum Solis radij nubem intrarint, nubem viridem, radios purpureos apparere dicit. Sed hoc dicat vt lubet, illud inter omnes conuenit, fieri radiis solaribus nubem aliquatenus penetrantibus, aliquatenus percussis. necesse est ergo apparere, vbi apparatus quidam est pluuiæ (alioqui aut nullæ sint nubes, aut ex admodum tenues, vt more aeris penetratæ radios non repellant) is verò non admodum magnus, neq; pluuiæ ingentis. Si enim totum cælum esset nubibus obductum, neq; vlla parte pateret Sol, nulli radij in oppositâ cæli partē abirent: neq; si nubes obiecta, esset densa admodum, penetraretur à radiis aliquatenus, sed tota appareret atra ob opacitatem. fir ergo Iris ab aduerso Sole mittente radios in nubem non desam, significat ergo naturaliter, quod & iussu Dei

Quomodo
Iris generetur

Tres Iridis colores quomodo fiunt.

imbrem nequaquam obruturum mundum, quæ enim possit, cum neque cælum totum obductum nubibus sit, neque quæ adsunt, sunt valde densæ? verba Ecclesiastici suo loco enarrabuntur.

CAPVT X.

Saræ steriles.

Mulieres quando concipere desinant.

Menstrua quid.

Duplex causa cur sanguis plus in mulieribus redundet quam in viris.

Capite 18. Genesios, *Erant autem ambo senes prouectaue ætate, & desiderant Sara fieri muliebria.* De Abrahamo & Sara cum genuerunt isaac, dicuntur hæc verba, quibus significatur, eius conceptionem fuisse portentosam, ratio verò qua hoc ita habet, naturalis est: nam ita est natura compatatum, ut neque senes generationi sint idonei, neque mulier, cui menstrua fluere debeant. Rectè autem dicitur, *erant autem ambo senes prouectaue ætate, & desiderant Sara fieri muliebria.* Si enim alter senex esset, vir scilicet, mulieri verò non desissent fieri muliebria, aut etsi desissent, non esset vetula, sed iuenculæ adhuc desissent præter naturam, & ob morbum, non esset mirabile gignere. nam senes ex iuenculis gignere, quotidie euenit, etsi vetulas ex iunioribus, non ita mulieres enim quibus per ætatem defecerunt menstrua, concipere, neque ex senibus, neque ex iuuenibus possunt: quibus verò defecerunt per morbos, euenit non ratio senescentes concipere, antequam appareant. ergo senex centenarius ex muliere nonagenaria, non poterat naturaliter generare; eius verò causa non erat in viro (ille enim plures postea filios genuit ex Cethura) sed in fœmina, cui ob senium defecerant menstrua. hæc ergo omnia physice dicuntur, eorum verò ratio pender ex menstruorum natura, & eorum causis. Menstrua vocantur euacuationes sanguinis, quæ singulis mensibus fluunt ex vulua. dicuntur hæc ipsa muliebria, quia solis mulieribus inter omnigenas fœminas fluunt: aut quia (ut inquit Aristoteles) nullis æquè atque his, huius causam esse constat, quia nullum animal æquè sanguineum est, atque homo: nam & inret ipsas mulieres, quæ maximè sunt sanguineæ illis maximè abundant. quòd veto homo sanguine magis abundet, merito euenit, quandoquidem optimam præ cæteris habet temperiem, & idè optimo succo generando maximè idoneam. causa itaque talis euacuationis sanguinis redundantia est, ut autem sanguis in fœminis, plus etiam quam in viris redundet, duplex est causa. altera necessaria, altera quæ posita est in fine. necessaria est, temperies frigida & humida, cutis densitas, & vita otiosa. temperies frigida, non quidem quòd ea plus eius succi generet quam calida, sed quòd minus dissipet, humida cum humoris redundantia

semper

semper coniuncta est, merito ergo humida, & frigida (quæ tamen non admodum frigida sit) habet redundantiam quæ non dissipetur, ac proinde euacuatione indigeat manifesta. densa autem curis, & otiosa vita, tollunt dissipationem succorum, & corpora replent. Causa quæ posita est in fine, est bonum prolis. nimirum oportuit talem esse mulieris naturam, ut redundaret sanguine, qui satis esset gignendo fœtui, & nutriendo infanti, ea enim est materia generationis fœtus, quæque sola, ut cœset Aristoteles, eius materia est, viro vini tantum & efficaciam præstante per semen: ut verò censent Medici, quorum sententia hæc in parte videtur probabilior, non sola, maxima tamen ac præcipua: quia ea & ortum primum præbet partium carnosarum, & nutritionem deinceps omnium. atque ut vir præstat efficaciam plurimum, ita materię minimum. femina contrà, ut minimum efficaciam, ita materię plurimum; præstat verò ea minimum, præter sanguinem. sanguis igitur mulieribus totam ferè præstat generationis materiam, & ob hanc præcipue sunt illa fœcundæ. hoc ita esse aperitè constat, quia neque gerentibus utero, neque lactantibus fluunt euacuationes menstruæ, his, quia sanguis qui alioqui redundaret, abit in lacillis. quia insumitur in fœtus generationem. neque enim causari possumus ingredientibus utero, viarum defectum. sunt enim, præter eas, quæ alimentum fœtui deferunt, aliæ quædam venæ, in os uteri subeuntes, per quas citra fœtum læsionem, raris quibusdam fluunt, etiam utero gerentibus, vel quoddam ipsæ redundent plurimo sanguine, vel quoddam fœtus sint debiles. itaque fluunt menstruæ euacuatione, quibus sanguis redundat, & ea ipsa redundantia facit ut sint generationi aptæ, hinc fit necessarium, ut eo vitæ tempore solum fluant, quo sunt aptæ concipere; atque ut concipere aptæ non sint, quibus fluere desierunt. nimirum incipiunt fluere mulieribus in initio pubertatis, quatuordecimo, quindecimo, aut vsque ad decimum septimum annum, quibusdam etiam citius aut tardius. Ita etiam desinunt non omnibus eodem tempore, sed ferè inter quadragesimum & quinquagesimum annum. Concipiunt itaque, cum incipiunt sanguine redundare: desinunt, cum ob senium incipiunt laborare sanguinis penuria. ut ergo antequam fluere incipiant, concipere non possunt, quoddam materię copiam nondum habeant: ita neque postquam cessauerunt, quoddam iam careant, eandem ob causam videmus, viragines quasdam, mulieres scilicet temperamento viris similes, quibus ob id menses, aut paucissimi aut nulli fluunt, steriles esse, quamquam profectò ne hæc quidem adeò absunt à concipiendi potentia, quam senes, quibus naturaliter fluere

Materia
genera-
tionis.

Genera-
tionis ef-
ficiens.

Menstrua
quibus si-
llentur.

Tempus
menstruo-
rum.

Viragines
mulieres.

desierunt: quia iuvenes in humidius transferri posse temperamentum quodammodo, monstrant Medici: senes verò non posse reiuuescere, plus satis constat. neque ceterè alia ratione, cui cessauerunt iam naturaliter menstrua, concipere possent, quàm reiuuescens nam præter causas infertilitatis puellarum, & senum, quas in materiæ penuria posuimus, sunt aliæ nihilo minores, in ipsorum veterum affectione, nimirum quibus nondum fluxerunt, nondum uterus dilatatus & satis capax est; quibus cessauerunt, siccus iam contractus & durior, est verò pars nervosa, quæ naturaliter nescit reuirescere. igitur haud dubiè fieri non potest, ut cui naturaliter desierunt muliebria, naturaliter concipiat. dico autem naturaliter desisse cui fluébant antea (quibusdam enim viraginitibus, ut dixi, nūquam fluxerunt) neque ob morbum vllum, sed ob senilem siccitatē desierūt fluere. talem porò fuisse Sarā, cū singulariter Dei beneficio concepit Isaac, constat cū annorum esset nonaginta.

CAPV T XI.

TRigesimo capite Geneseos: Tollens ergo Iacob virgas populiæ virides, & amygdalinas, & ex platani, ex parte corticauit eas, deiratisque corticibus, in iis quæ spoliata fuerant, candor apparuit. illa verò quæ integra fuerant, viridia permanserunt, atque in hunc modum color effectus est varius. Posuitque eas in canalibus ubi effundebatur aqua, ut cū venissent græges ad bibendum, ante oculos haberent virgas, & in aspectu earum conciperent, factumque est, ut in ipso calore coitus, oves intuerentur virgas. & parerent maculosa & varia & diuerso colore respersa. Diuisitque gregem Iacob, & posuit virgas in canalibus ante oculos arietum & ouium, ut in earum contemplatione conciperent. quando verò serotina admissura erat, & conceptus extremus non ponebat eas. Factæque sunt ea quæ erant serotina, Laban, & quæ primi temporis, Iacob. Mirabilem quendam euentum continent verba hæc, quæ duarum nobis dubitationem occasionem præbent. prima est, quam ob causam contemplatio virgarum variegatarum in ipso calore coitus factus variegatos esse fecerit: secunda cur Iacob virgas eas gregi opposuerit, in matutino potius congressu quàm vespertino. An quòd in matutino congressu, quàm in vespertino contemplatio rerum oculis obiectarum plus valeat ad similitum factuum ortum: an quòd is congressus fecundior sit, an ob vtrumque. Nullus Philosophorum vnquam, huius euentus causam, in ipsum intuitum reiecit, sed in imaginationē, neque ob id factum esse quisquam putat, quòd in virgas oculorum

horū acies intenta esset : sed quòd visio internos moueret sensus, atque gregis cocuntis imaginatio circa illa variegata versaretur. Itaque censent omnes, vel hoc vnico exemplo (quamquam multa alia narrantur his similia) imaginationem rei cuiuspiam in ipso congestius tempore vim magnam habere , vt factus ei similes fiant , eius verò causa non est dictu facile. Si enim eiusdē facultatis esset de re aliqua cogitare, & generare, aut ad eandem corporis partem pertinerent, fortasse tolleretur aliquid admirationis : nunc verò facultas cogitādi ad animam pertinet sentientem, generandi verò, aut ad aliam animam, aut ad aliam animæ partem, aut vt Stoici dicebant, ne ad animam quidem, sed ad naturam porrò, facultas cognoscendi à Medicis omnibus collocatur in cerebro, gignendi in testibus, partibus adeò diffitis. itaque quod cognoscitur, concipitur sensibili animæ parte, cuius sedes cerebrum est, quod gignitur, vtero. quid habent hæc commune, vt iuxta mentis, aut sensuum internorum cogitationem, generatio variet ? Imprimis constat imaginationem & generationem eiusdem esse animantis actiones, siue ab eadem anima fluant, siue à diuersis : atqui, quia facultates à quibus fluunt, eiusdem sunt suppositi, ad quod actiones omnes referuntur primo, tāta sympathia eorum est (vt & aliarum omniū facultatum, quibus gubernatur animal) vt mutuo sese ad actiones permoucant, & passionēs. hinc fit , vt cum genitales partes semine redundant, imaginatio libidinosis scateat phantasmatis, ob corporis vitium , rursus etiam , vt cum ob morbum animi imaginatio in rebus libidinosis volutatur, genitales partes, etsi alioqui non redundarent, turgeant , & irriterentur , tantus est imaginationis & genitricis facultatis consensus. Porrò anima, quæ nihil aliud est, quàm essentia corporis animati, vt Aristoteles dicit secūdo de generatione animalium, quæ inquam tantum est actus corporis, ab eo inseparabilis, huiusmodi est quæ sensitiua vt nihil potest agere sine corporali instrumento, ita neque pati. Si enim ipsa per sese aliquam haberet siue actionem , siue passionem , secundum eam separari posset. nunc verò non potest : sed vt formæ ligni , aut lapidis, nihil euenit agere, aut pati, sed ligno ipsi: ita neque formæ equi, aut bouis, sed equo, aut boui. tamen ergo dicimus , animam equi cogitare, imaginari, aut omnino sentire: abusuē quodammodo id dicimus , quia ex anima id potius quam ex materia fuit propriè tamen dicitur, equum cogitare, imaginari, atque sentire & mouere sese sentire, atque vtcunque cognoscere, iuxta eam Philosophorum sententiam , quæ maximè probatur, quoddā pati est. id verò peti, nihil est aliud, quam animā ipsam quodam

Imaginationis vis ad formandum factum.

Facultatū sedes.

Facultatum sympathia.

Anima immortalis quid.

Brutorum opera.

Anima
quodam-
modo
omnia.

Cogno-
centis &
cogniti si-
militudo,
Fœtus si-
militudo.

Semen
quodam-
modo a-
nima.

quodammodo fieri illud ipsum quod agnoscitur: quapropter anima quodammodo omnia est, quia cum omnia possit agnosce-
re, omnium quodammodo speciem potest recipere. non quidem
recipit ipsa per se, sed cum corpore: ut neque sentiat per se, sed
cum corpore, siquidem monstrauimus, nullam eam habere per
se, neque actionem neque passionem. igitur ipsum animal quod
agnoscit, fit quodammodo, secundum partes etiam corporales,
simile ei quod agnoscitur: non quidem secundum partes cor-
porales, quia corporales, materialesque sunt, sed quia sunt for-
maliter (ut dicunt) instrumenta sensuum. non enim oues ipsæ
cum contemplerentur variegatas virgas, fiebant variegatæ cor-
poraliter, ut cernentibus tales viderentur: fiebant tamen quo-
dammodo (quia scilicet secundum sensuum organa, actu co-
gnoscebant) variegatæ, itaque animal actu cognoscens, secun-
dum organa corporalia, fit spiritaliter simile rei quæ agnosci-
tur, quod autem gignit, facit sibi simile: nam hoc ipsum est gi-
gnere. si ergo quod actu agnoscit aliquid, est ei actu simile &
quod gignit simile sibi facit, quod simul cõtemplatur aliquid, &
gignit, gignet aliquid simile ei, quod cõtemplatur, quia tale est
ipsummet. hoc autem ut eueniat, necesse est ut contempleretur in
ipso calore coitus, ut simul & generet & contempletur. non enim
animal generat simile sibi, secundum id quod fuit aut erit, sed
quod est tunc actu. Sed dices, corporales species, quæ in animali
cernuntur, ut magnitudinem, figuram, & colorẽ, meritò deferri
cum semine, utpotè materiali principio. istas verò, siue species,
siue similitudines spiritalis, etsi in corporibus sint, non videri
posse ita deferri. certè istæ species, siquidẽ in organis corporali-
bus recipiuntur, ut indicatũ est, non possunt esse omnino spiri-
tales, ad spiritalium verò naturam magis accedunt, quàm quæ
cernuntur, quia sunt sensibilibus quædam insensibiles effigies,
atque cum spiritaliter quodammodo in generante sint, in eo
quod gignitur, ob diuinam vim seminis, corporaliter impri-
muntur. Ea vis est, ut Arist. dicit accedendi ad omnia quod ni-
hil aliud est, quàm semen esse, quod vim habet efficiendi mem-
bra omnia, animantis cuius est, veluti in semine humano, po-
tentia sunt partes omnes hominis, quia omnes natum est face-
re, aut ex sanguine scemineo, aut ex seipso: in equino eadem
ratione sunt omnes partes equinæ. neque solum est differen-
tia seminum, secundum differentiam generis, ut ex equino
equina; ex humano humana fiant, sed & singulorum, ut semen
Petri ad partes Petri natum sit accedere, potius quàm alterius.
eam vim accepit ab anima generantis, potius quàm à corpore.
factiuz enim omnes facultates à forma fluunt, passiuæ à mate-
ria.

ria. quod ergo effectuum in semine, est ab anima, & quod generat, secundum animam potius generat, siquidem id facere est. generati verò à corpore formando primum incipit, siquidem id pati est, & accipere. transfert ergo vim effectiuam generantis, quæ animæ præcipue est, in corpus rei generandæ. Consentaneum est ergo ut ea potius deferat ex generante, quæ illi secundum animam insunt, quàm quæ secundum corpus, eaque in corpus potius rei generandæ transferat, quàm in animam. Igitur consentaneum etiam, ut in corpore geniti corporaliter fiat, quod in generante erat spiritualiter, quapropter fiet, ut ab albo animali nigrum cogitante, nigrum generetur, potius quàm à nigro, cogitante album. Ex dictis facile constat, vim hanc & efficaciam cogitationis, in brutis potius esse quàm in hominibus. hominum enim mens diuina cum sit, & soparabilis, multa meditatur sine instrumento corporali, atque cum corporali instrumento utitur, ut illi minus hærens, minores illi insigit affectiones. itaque hanc imaginationis vim in prole permutanda, multò magis licet experiri in animantibus mutis, quàm in nobis, quo fit, ut quod de ouibus, animalibus insensatissimis, narratur, sit naturæ rerum maximè conforme. Animaduertendum verò, eam vim, non maribus solum aut foeminis, sed utrisque inesse, & tunc maximè tale aliquid euenturum, cum contigerit utrumque, marem dico & foeminam, in ipso calore coitus, de eadem re efficaciter cogitare, ut tunc contigit. Ita enim dicitur, *Et posuit virgas in canalibus ante oculos arietum, & ouium, ut in earum contemplatione conciperent.* Est verò hoc valde consonum illi Philosophorum sententiæ, quæ maximè probatur, & statuit, utrumque parentem efficientem vim & materiam conferre ad generationem, uterque ergo cum vim faciendi præstet, & amborum congressu una quædam potentior causa fiat, vis permutandi imaginatione factum, utrique inest aliquatenus, euidenter tamen ea permutatio non fiet fortasse, nisi cum contigerit ambos in eo congressus momento. eandem rem imaginari. Ut ergo exempla euentuum huic similibus, multa non sint, duplex videtur esse causa. Altera quòd utrumque in eadem imaginatione fortiter hærete, non nisi fortuito & raro accidit. Altera, quòd hoc in animalibus mutis, potius quàm hominibus, natum est fieri: quæ non possunt nobis suas imaginationes narrare. sunt nihilominus nonnulla exempla. D. Aug. 18. de ciuitate Dei, c. 5. in hanc ipsam causam refert, quòd apud Ægyptios nunquam deficeret bos quidam, maculis quibusdam candidis insignitus, quem Apim vocabant, & pro Deo colebant. Censet enim

Genera-
tionis ef-
ficiens.

Exemplar.

Apis tau-
rus.

Congres-
sus matu-
tinius.

Somnij
vtilitates.

dæmones id fecisse, ad decipiendos Ægyptios phantasiā ta-
lis tauri, quam solam cerneret, vaccæ concipienti ostentantes:
Ve libido (inquit) *eius attraheret, quod in eius fœtu iam corporaliter*
appareret. quibus verbis nihil aliud potest Augustinus innuere,
quàm quod ego explicui. nam libidinem vaccæ attrahere, quod
in eius fœtu deinceps corporaliter appareret, quid aliud sit,
quàm vaccam in ipso seruire coitus spiritaliter concipere for-
mam, & speciem, quæ deinceps in fœtu corporaliter exprime-
retur? Galenus quoque libello de thetiaca ad Pisonem, narrat,
mulierem quandam intuitu pulcherrimæ picturæ, pulchrum
infantem ex deformi parente concepisse: *visu* (inquit) *opinor,*
natura imaginem transmittente, quæ verba obscura admodum
sunt: non enim explicar, quomodo usus imaginem trāsmittat
naturæ, sed mihi dictum iam est. Quod ad alteram dubitatio-
nis partem attinet, his dictis, facilius sit explicare, videntur haud
dubiè Jacob, vtraque causa, virgas in congressu matutino
potius quàm vespertino, gregi obieciſſe: quod scilicet eo con-
gressu copiosior conceptio fiat, & quod imaginatio in eo sit
efficacior, nascuntur ambo hæc, & ex animalium victu, & ex
natura temporis. Ex animalium victu, quia natura compara-
tum est, ut animalia omnia (præter pauca quædam in quibus,
quia contrà faciunt, contrà etiam eueniunt, quod nunc dicimus)
noctu dormiant, interdiu vescantur, & laborent. Coitus ergo
matutinus est à somno, ante cibum, vespertinus à cibo ante
somnum. quapropter manè semen concoctius est, & cerebrum
in quo imaginatio præcipuè viget, expeditius, liberius, & ma-
gis fulgens. Somnus enim concoctionem ciborum maximè
iuuat, & cerebri vapores absomit, vigorémque præstat anima-
li vncatæ à Medicis facultati, cuius opera sunt, sentire & mo-
uere. igitur & semen ob concoctionem meliorem, erit fœcun-
dus, & inaginandi vis, ob recentem refectionem spirituum (re-
ficiuntur enim somno) & deeneratione cerebri, erit efficacior.
vesperi contra semen (ut neque alius succus) concoctionem
tantam non acceperit, caput vaporibus ex ventre multis &
crassis grauaturn, & velut obtenebratum sit, & facultas longa
iam vigilia defatigata euenient ergo contraria. Ex natura etiā
temporis nascitur hoc idem. Nam ut veterrimis etiam Philo-
sophis, & qui ante Hippocratem fuerunt est celebratissimum,
& rationi maximè consonum, temporum differentia pluri-
mum valet ad mouendum animalium corpora, atque adco res
omnes alterationi subiectas. atque cū astrorum motus, ac-
cessusque & recessus, tempora varient, Sol præcipuè id facit.
vnde euenit, ut dici cuiusque partis quatuor, manè, meridies,
vesperum,

vesperum, & nox media, quatuor anni partibus respondeant, veri, æstati, autumnio, & hyemi. quia ut motum, quem Astro-
 logi vocant proprium, toto anno complet Sol, ita quem vo-
 cant motum repletus, complet singulis diebus: atque ut motu il-
 lo accedit & recedit secundum cœli amplitudinem, ita hoc se-
 cundum longitudinem, & ut hyeme plurimum à nobis abest,
 ita nocte media, & ut æstate proximus, ita in meridie, & ut au-
 tumno abit. ita vesperi, & ut vere venit, ita mane. est ergo ma-
 tutinum tempus verno, & vespertinum autumnali simile. ut
 ergo corpora degunt vere saluberrimè, & maximè valent, au-
 tumno insaluberrimè degunt, & languent maximè, ita etiam
 summo mane, optimè, vesperi, pessimè habebunt, ad omnia qui-
 dem, maximè verò ad generationem: nam vere omnia oriun-
 tur, autumnio tabescunt, & intereunt. anima itaque & corpus
 sunt mane vegetiora quare & imaginatio erit fortior, & semen
 fecundius vesperi contrà.

Anni par-
 tes.

Anni par-
 tium cum
 diei parti-
 bus com-
 paratio.

CAPUT XII.

Capit. 34. Genesios: Et ecce, die tertio, quando gravissimus
 vulnerum dolor est, arreptus, duo filij Iacob; Simeon & Levi
 fratres Dina, gladius, ingressi sunt urbem confidenter. Cur vulne-
 rum dolores solcant esse tertio die gravissimi, ad Medicum
 pertinet considerare. Dubitet verò hoc loco quispiam, an
 vulnerum ita habeat, sicque omnis vulneris dolor die tertio
 gravissimus, an illorum tantum vulnerum, de quibus eo loco
 agebatur, præcisi inquam præputij: atque alterutrum horum
 sit, cur potius tertio quàm secundo, aut primo, aut sequen-
 tium aliquo. Hippocrates libello de fracturis, iuxta Galeni
 divisionem commentario tertio, ita reliquit scriptum: Ter-
 tio & quarto die vulnera omnia minimè sunt exagitanda, & ut
 in summa dicam specilli quoque omnes admonitiones vitandæ his
 diebus sunt. omniaque alia quibus vulnera irritantur, in totum
 enim tertius & quartus dies in plerisque vulneribus exacerbatio-
 nes parit, & quæ in inflammationes & sordes incitantur, & que-
 cunque in febres tendunt. unde magni admodum momenti si
 quod aliud. documentum hoc est, nam quæ sunt in medendi
 arte gravissima, quibus id non sit commune? non enim perti-
 net ad ulcera tantum, sed ad alios quoque morbos complu-
 res. His verbis Hippocrates satis apertè docet, non in his
 aut illis, sed in omnibus etiam ulceribus solere dolores ter-
 tia & quarta die fieri graviore, nam de ulceribus, quæ cum
 fracturis

Vulnerum
 dolores
 tertio die
 gravissi-
 mi.

Specilli
 quædo vi-
 tandi.

possint, sed cum citissime intra viginri quatuor horas, ut quæ à causis externis ortum habent, necessarid incidunt in diem sequentem, qui est quartus ab accepto vulnere. hæc itaque est causa qua vulnere dolores solent die tertia exacerbari. atque eadem causa Chirurghi, ut Hippocrates monet, post primam seu admotionem labiorum, seu consutionem (ut res exigit) non debent usque ad diem quartum vlcera irritare, neque aliter tangere, quam leuiter, quæ inflammationem arcent, ad-mouendo.

CAPVT XIII.

CAp. 46. Geneseos: *Cunctaque anima qua ingressa sunt cum Iacob in Ægyptum, & egressa sunt de femore illius, absque vxoribus filiorum eius sexaginta sex.* Hæc eadem verba repetuntur in initio Exodi. Egressos esse ex femore Iacob dicir filios & nepotes, qui ab eo geniti sunt. Causam habet ea phrasis naturallem, in hominum & genitalium partium compositione. nimirum vasa seminalia, quæ meliorem ac puriorem deferunt sanguinem in testes, ut in ipsis semen fiat, sunt venæ quædam, quæ ortæ ex venis, quæ in lumbis discissæ in crura iam descendunt, antequam in tres ramos, qui per crura decurrunt, distribuuntur, recurrunt per femora in testes in viris, & in mulieribus in uterum. nā venæ quæ ex caua eo scilicet loco quo siti sunt renes mittuntur in testes, sinistra quidem venit ex emulgente vocata, quæ serosum sanguinem in renem deferret, atque ob id ipsa quoque serosam materiam in testem transfert: dextra vero non multo post exortum emulgentis quare ne ipsa quidem satis expurgatum deferat sanguinem, saltem non adeo ac venæ, quæ multo post ortæ, ex ipsis femoribus recurrunt, quas ob id est verisimile, etsi non adeo multam materiam atque superiores, quia minores multo sunt, tamen præstare vtiliorem ad generationem fecundi seminis, merito ergo in sacris eloquiis generatio ad femora refertur. ut & Iacob in Iudæ benedictione dixit. *Non auferetur sceptrum de Iuda, neque dux de femore eius,* & hanc ipsam ob causam 5. cap. Numerorum, inter adulteræ maledictiones, illud præcipue præcipiebatur sacerdos dicere, *Ingrediantur aqua multa in ventrem tuum, & utero putrescente putrescat femur.* ut scilicet, per qua quis peccat, per eandem puniatur. ut dicitur 11. cap. Sapientie.

Generatio
ad femora
refertur.

Seminis
differen-
tiz.

Adultera
maledic-
tio

CAPVT XIV.

Dei nomi-
na.

Est, dupli-
citer dici-
tur.
Deus in-
definibi-
lis.

CAp. 3. Exodi: Ait Moses ad Deum, Ecce ego vadam ad filios
Israel, & dicam eis: Deum Patrum vestrorum misit me ad vos,
Siderunt mihi, quod est nomen eius? quid dicam eis? dixit Domi-
nus ad Moysen, Ego sum qui sum; & sic dices filiis Israël. Qui est,
misit me ad vos. Itaque rogatus Deus quod sit nomen suum, re-
spondit, qui est, David quoque secundum eundem spiritum
Deum alloquutus inquit Psal 92. à seculo tu es atque adeò
I E S U S seruator noster, diuina autoritate, qua & deturbauit
eos, respondit (querentibus se, ego sum; sed cur potius dicitur
Deus esse, qui est, quàm qui bonus, siquidem vt ipsemet dicit
in Euangelio, solus Deus bonus est; aut quàm qui sapiens, aut
quàm qui fortis, si quidem hæc omnia est æquè infinitè, & æquè
primò? Certè huius rei causam à nullo melius accipies, quàm
à D. Dionysio, c. 5. de Diuinis nominibus, quod inscribitur de
ente. illi ergo volo accepta referri, quæ à me dicentur in hac
quæstione. Cùm dicitur, qui est, duo licet nobis intelligere. aut
simpliciter qui est, aut qui semper est vt vtrius modo intelligas,
est maximè consentaneum, vocari Deum. qui est, potius quàm
aliud quiduis. primò quidem modo, quia cùm Deus definiri, aut
nominari non possit secundum substantiam & essentiam pro-
priam, quia ea à nullo viuientium agnosci potest, necesse est
nominetur ex bonis, quæ creaturis communicat: quæ quidem
omnia, quandoquidem creaturis non sunt simpliciter, sed quo-
dammodo, necesse est esse in Deo modo quodam eminentiori;
quoniam autem, etsi sint in Deo omnia æquè perfectè, & primò,
non tamen omnia æquè communi cantur omnibus, sed quædam
pluribus, quædam paucioribus, æquum est nomen tribui Deo,
ab eo quod communicat omnibus; illud verò tantum est, esse.
nam intelligere tribuit paucis, sentire aliquantò pluribus nu-
triri & crescere pluribus adhuc: esse verò omnibus. secundo au-
tem modo dicitur Deus, qui est, hoc est, qui semper est, quia
cùm alia omnia creatis rebus tribuat habere aliquatenus, omnia
enim & sunt, & bona quodammodo sunt, tamen æternum esse
nulli accidit, nisi soli Deo, vt monstratum mihi est in initio huius
operis. Coniunctis ergo vtrisque, dicitur Deus, qui est, quia esse
omnibus rebus tribuit, & esse semper, sibi soli habet, nam aliud
quiduis est aliquando ens, aliquando non ens, solus verò Deus
simpliciter ac semper ens. hoc etiam assequuti videntur Philo-
sophorum optimi. nam Arist. cap 4. lib. 3. de Physica doctrina,
Diuinum & Deum, asserit dixisse plurimos Philosophos, quod
æternum,

æternum,immortale,& nulli incertui obnoxium.Plato quoque in dialogo de Natura, ita differit de Diuina essentia. *Dicimus de illa,est,erat, & erit, sed illi re vera solum esse competit.* Quapropter ^{Ente quæ priora.} garrulitatem esse puto Platoniorum quorundam, affirmare, ex sententia Platonis, vnum & bonum esse priora ente, atque aded Deum non dici ens, quia scilicet Plato in Parmenide, in suppositione prima dicit, *Nulla igitur modo est ipsum vnum, & rursum. Non itaque ita est vt sit vnum,esset enim iam ens & essentia participet.* verum quandoquidem ipsemet Plato loco citato ex Timæo dicit, *illi re vera solum esse competit,* constat illum censere Deum esse re vera, non autem esse vt reliqua, quæ non re vera, sed quodammodo sunt, in tempore scilicet, & cõposita. Deus verò modo quodam eminentiori, & per se est extra omne tempus, & citra vllius essentia participationem, sed vnum & simplicissimum. quod nihil aliud est, quàm quod nostri Theologi dicunt aperi- ^{Entis analogia.} tius, ens dici analogice de Deo & creaturis. ita verò dicuntur & alia omnia eius nomina, Vnum, verum, & sapiens: quia secundum nullum illorum habet vllam communem essentiam cum re alia extra se, neque continetur in vlla entis Cathegoria. Omnia enim illa dicuntur de Deo æquè primo, & eminenter, quin potius sunt in eo ea omnia vnum. verum dictis de causis, quas ex Dionysio acceperimus, satius est Deum nominari per ipsum esse, quod ipsius Dei testimonio hoc loco constat. Esse verò legitimam Platonis enattationem, eam quam diximus, cuius legenti dialogum illum patebit, non enim ille aliam causam adhibet, qua vnum non dicatur esse, quàm quoddam tempus præsens contineat, & quoddam ens participatione alicuius essentia fiat, illa verò duo non congruunt Enti vt vnum est, sed vt multa, quæ creata sunt. itaque Deus non est, vt sunt hæc: atque ipsum esse, vt de his & illo dicitur, non est vniuocum, vt verò Deus est, non accidit illi prius vnum & bonum quàm ens, alioqui nulla ratione minus esset vnum, quàm habens quædam alia aliis priora. sed in Deo aded non est prius & posterius, aded omnia illa nomina significant vnum, vt ne ratione quidem differant, nedum possint prioris & posterioris ratione differre. ita mihi videntur multi Platoniorum facere, ne intelligendo, vt nihil intelligant, qui parum abest quin dicant cum insipiente, *Non est Deus.*

CAPVT XV.

De ligno
in aquas
à Mose
misso.

EXodi 15. *At ille clamauit ad Dominum, qui ostendit ei lignum, quod cum misisset in aquas, in dulcedinem versa sunt.*

Cum hoc legimus magna subit dubitatio, an lignum in aquas missum, naturali quapiam facultate dulcedinem intulerit, an id voluntate Dei, & miraculo effectum sit, in figura maioris cuiuspiam sacramenti. atque plerisque hoc videtur probabilius, primum quidem, quia nemo, neque Medicorum, neque qui naturalem historiam scripserunt, talem facultatem vquam videtur agnouisse. neque facile videtur dici posse, aut excogitari, quam passionem inferret id lignum aquæ, vt amaritudinem eleuaret, cum præcipue in Historia scholastica, ex sententia Hebræorum, dicatur id lignum fuisse amarissimum, & mortiferum; deinde, neque si talem vim habere potest lignum, potest ea in magnum flumen, aut ingentem locum vri. habet enim modum quemdam facultas omnis naturalis, cumque secundum magnitudinem eius quod facit, & accipientis, non enim si magnes trahere potest ferrum, continuo possit trahere mentem ferreum, neque ferri exiguum quantuluscunque lapis, sed tantus tantum, omnes autem naturæ fines videtur excedere tantam aquæ molem, à ligno non maiori, quam vt à Mose posset apprehendi, & in aquas miri, tantam recipere alterationem nihilominus videretur necessarium fateri, secundum naturalem aliquam facultatem, illud esse effectum, quandoquidem cap. 39. Ecclesiastici in confirmationem operum medicinalium, & virtutum medicamentorum, & commendationem artis dicitur, *Nonne à ligno indulcata est aqua amara.* Nisi autem naturali aliqua ligni facultate id factum esset, quale obsecro esset argumentum; certè tale, ac si diceret: magna vis medicinae est, quia infusio aquæ benedictæ, & ad mortio Crucis, & reliquiarum Sanctorum, ad omnes morbus prodest: immò verò ob hoc ipsum dicent multi, opus non esse medicina: quod scilicet vita & mors, sanitas & morbus, penes Dei voluntatem esse videatur, non penes artem vllam Respondent à contraria sententia Ecclesiasticum proferre illud exemplum, vt ex eo quod miraculose Deus fecit per lignum, indicaret omnia etiam illa quæ naturaliter efficiuntur per creaturas, ad Deum esse referenda. Mihi verò videtur id exemplum indicaturum, non solum à Deo esse tributas rebus virtutes, sed suspicionem etiam illarum, nullas omnino esse naturales ipsarum rerum, sed à Deo ipso effici quiduis, vt immisso ligno

De medicina.

ligno in aquas factæ sunt dulces. quapropter censendum potius videtur, naturali aliqua ligni virtute effectum esse illud. iuvat plurimum hanc sententiam, quod Hebraicæ linguæ periti dicunt, iuxta suum idioma legendum potius fuisse, *Clamavit ad Dominum. qui docuit illum lignum*, quod quid aliud est, quam docuisse illum ligni facultatem, & virtutem? Certè cum Deus ostenderit Mosis lignum, quo aquas dulces efficeret, necesse est indicasse illi lignum tali prædicitum facultate, aut simul indicasse lignum, & illi tamen facultatem indidisse, cum eam nullatenus haberet antea, aut nulla facultate data ligno, ipsummet Deum, cum iniectum à Mose est, aquas reddidisse dulces. hoc ultimum nihil penitus haberet cum medicina, neque ullum argumentum in artis laudem, aut fidem, capi posset. nam mera Dei voluntate res esset acta. supersunt igitur priora duo. Rursum si lignum tali prædicitum erat facultate, aut tali tantaque erat prædicitum, ut naturaliter, nihilque denuò apponente Deo, posset tantam, aded amaram aquam, reddere potui aptam, aut eam Deus, naturalem alioqui ligni vim, nouo quodam intuitu auxit, atque fortisorem fecit. Quod horum fecerit Deus, non possum vlla monstratione indicare. nam his omnibus modis solet in homines beneficia conferre atque qui dicit, Deum tribuisse ligno facultatem, qua antea caruerit argumentum fidei artis medicæ, ita concludet. quandoquidem Deus tribuere potuit ligno facultatem aded mirabilem, alterandi scilicet magna flumina, non est diffidendum quin herbis, lapidibus, ac metalis, alterandi nostra corpora dederit vires, ut scilicet, argumentum sit à maiori, multo autem firmitus argumentum, & ad rem ipsam propius accedens sit, ab exemplo, ita scilicet, non est contemnenda medicina, quasi magnam vim non habeat transferendi ægrotantium corpora in pristinam sanitatem, maximas enim vires habent res quamplurimæ, multis modis afficiendi res alias. Exemplo est lignum, quod aquas amaras reddidit dulces. ob hæc mihi videtur magis consentaneum, lignum illud naturali vi aquas fecisse dulces. atque de ea facultate dixerim ego duorum alterum, aut esse secretricem aquæ, & exustæ terræ, similem ei qua acetum findens lac, serum fecerit (nulla enim ratione melius possit aqua ex salsa dulcescere, quam secreto sale, atque ita neque ex amara quam feceris terræ valde exustæ partibus, raliū quippe admixtione sit amarus sapor) aut esse tractricem partium amararum, gratia similitudinis (si modò credimus dicentibus fuisse amarissimum lignum) atque alliciendo ad sese, imbibendoque amaras quas partes illam dulcem & potui aptam reddidisse. Crediderim

sanè eam facultatem, quæcunque in ligno fuerit, plus solito tunc, annuente Deo, valuisse: velut medicamenta existimo nonnunquam, plus quàm aliàs, valere, ob gratiam Numinis, nimirum Deus prima causarum est, quare aliarum quæcunque ita mouere poterit, vt ipse exordiatur motum. ita enim euenit, in causis omnibus, quæ ordine positæ sunt.

CAPVT XVI.

Salis vsus
in sacris.

Secundo capite Leuitici: *Omnis oblatio, quæ offertur Domino, absque fermento fiet, neque quidquam fermenti ac mellis adolebitur in sacrificio.* Paulò infrà, *Quidquid obtuleris sacrificij sale condies, & rursum, In omni oblatione offeres salem.* Mirum est, solenne fuisse, non solùm in veri Dei, sed etiam falsorum Deorum sacrificiis, sale vti, quod quidem intelliges ex Plinio lib. 3. l. c. 7. vbi de salis laudibus agens, inquit, *Maximè autem in sacris intelligitur eius autoritas, quando nulla conficiuntur sine mola salsa.* Quapropter suspicor eam consuetudinem fluxisse à primis illis nalcantis mundi sacrificiis, quæ Deo Optimo Maximo offerebant, & inde in omnium gentium sacros ritus deriuatam esse, cõsentaneum enim est censere, falsos illos sacrorum ministros, à veris sacerdotibus accepisse eam consuetudinem, Dæmonibus id poscentibus, quòque maximè fieri posset, diuina sibi offerrentur sacrificia: potiùs quàm veri Dei cultores, falsorum ritus esse imitatos. Verum itaque esse fateamur, quod Plato in dialogo de Natura dicit: *Sal Deo amicum corpus.* quòd cum præfenti loco maxime congruit. poscit enim Deus in omni oblatione offerri sibi salem, quasi sibi gratum & amicum corpus. sed quo pacto potest salis corpus esse gratum, & amicum Deo potiùs quàm fermenti & mellis (quæ tamen duo respuit Deus) aut alterius cuiuspiam rei? videri possit alicui, esse vllam causam naturalem, velut fortè aliquam sympathiam, aut antipathiam diuinæ naturæ cum his, aut illis corporibus, ob quam his delectetur, ab illis abhorreat. quia & dæmones, qui sunt etiam incorporei, quibusdam corporibus allici, quibusdam fugari quâsi experimento confirmatum affirmat omnis antiquitas. quin & vocati exorcistæ, suffitu rerum fœtidarum, vt caprini stercoris, & admotione rutæ, & hypericonis, quæ ob hanc causam fuga dæmonum appellata est, vtuntur. Tobias quoque suffitu exusti iecoris fugauit dæmonem, idque præcepto Raphaëlis, eò vsque procedunt nonnulli eorum, qui de dæmonibus sunt philosophati, vt eorum quosdam affirmant rebus qui

Exorcistarum vis.

quibusdam delectari, quas alij habeant exosas, itaque multo-
rum sententia est, esse rebus incorporeis cum corporeis fami-
liaritatē, aut dissidium. unde fieri videtur posse, vt Deus
quibusdam corporibus, plus quā aliis, delectetur, cū præ-
cipuē quādam alia loca sacrarum scripturarum; hoc idem vi-
deantur innuere. nam in libro Iudicum capite nono ita est
scriptum. *Nunquid possum deferere vinum meum, quod latificat*
Deum & homines? itaque innuūt sacra eloquia delectari Deum
sale & vno, offendi verò fermento, & melle. quid sibi volunt
hæc; aut quæ est causa? Dæmones quidem, ob hæc, & his simi-
lia censebant omnes Platonici, corporeos esse, & alios terreo-
s, alios aqueos, alios igneos, aëreos alios: quod illi huic, alij illi
corpori habeant naturam propinquorum, & eò maximè de-
lectentur. fiet sanè necessariò ex horum sententia, vt quia cum
elementis his aut illis habent naturalem familiaritatem, cum
concretis etiam quibusdam habeant sympathiam, aut antipa-
thiam quandoquidem concretum quodcunque corpus, ad hoc
aut illud elementum pertinet, vt multis in locis, præcipuē
quarto libro meteorum indicatum est. Aristotelis quoque pla-
citis mihi videtur consonum, nihil esse in rebus quod per se
subsistere possit omninò incorporeum, præter primam cau-
sam. quia ille asserit omne, quod mouet moueri, vsque ad pri-
mam causam, quæ sola mouet & non mouetur; & nihil mo-
ueri quod non sit diuisibile & corporeum. Ex quibus assertio-
nibus fit, vt prima solū causa sit incorporea. Nam si omnis
causa præter primam mouetur, & omne quod mouetur est cor-
poreum, omnis causa præter primam corporea est. Omnium
ergo Philosophorū placitis videtur consonum, Dæmones esse
corporeos: quāquam id profectò verū nōn est. Nam aut habe-
rent corpora elementaria, hoc est, naturæ corporaliū elemen-
torum (terræ dico, aquæ, aëris, & ignis) participia, aut celestia,
velut Aristoteles innuit secundo de Generatione animalium
cap. 3. de animabus, quas velut substantias quasdā, separabiles
eo loco imaginatur, differens his verbis: *Sed enim omnū anima*
sem virtus siue potentia, corpus aliud participare videtur, idque ma-
gis diuinum, quam ea qua elementa appellantur. Verum propt̃ nobi-
litate aut ignobilitate anima inter se differunt; ita & natura eius
corporis differt. Inest enim in semine omnium, quod facit vt secun-
da sint semina, videlicet, quod calor vocatur, idque non ignis, non
talis facultas aliqua est, sed spiritus, qui in semine spirituosusque cor-
pore continetur, & natura qua in eo spiritus est proportionē respo-
ndens elemento stellarum. Hæc Aristoteles. Sed, si dæmones
elementaria haberent corpora, pati quidem possent ab his

Deus quia
bus dele-
ctari dice-
tur.

An dæ-
mones ha-
beant cor-
pora.

Sententia
Apuleij
de dæmo-
nibus.

corporibus quæ penes nos sunt, & voluptate ac dolore ab illis affici: si verò hæc, & corrumpi, essentque natura sua mortales, quod cuius videatur esse absurdum; sin autem haberent corpora cœlestia, aut cœlestibus hæc in re similia, quod immortalia essent, essent ita quoque inalterabilia, & voluptatis & doloris incapacia, quia dolor & voluptas sensus quidam est, ille tristis, hæc iucundus: sensus verò actus, sine sensorij alteratione non est. igitur ponere corporales dæmones, nisi etiam ponas mortales, quod delectentur aut doleant obiectu rerum corporearum, superuacaneum est, & insufficiens, quapropter Apuleius libello de Deo Socratis, cuius meminit Diuus Augustinus octauo de ciuitate Dei, contradictionem inuoluit in dæmonum definitione, dicens, eos esse genere animalia, animo passiuia, mente rationalia, corpore aërea, tempore æterna. genere enim animalia esse dicit, quod corporibus consent & animis, animos verò eorum passiuos, quod irascantur iniuriis irritati, & donis placentur, & gaudeant honoribus, ac denique eisdem, quibus hominum animi, perturbationibus agitentur. si verò animalia sunt, atque ita timore, mœsticia, & gaudio afficiuntur, non possunt non habere etiam corporis patibilia. nam motus huiusmodi corporales sunt, feruētque cor per iram, contrahitur per timorem & mœsticiam, effunditur gaudio. quod si dicas iam homine esse has passiones corporales, in dæmonibus verò pertinere ad solum animum, esseque aliud genus, iræ, timoris, mœsticiæ, & gaudij, sit vt illorum animi nullas actiones per corpora exerceat (quas enim potius quàm has?) quare non magis erunt illorum corporum actus, neque animalia efficient, quàm animæ intra restaceas ollas conclusæ: neque ex illis corporibus & animabus constarent supposita, cum actiones non essent totius compositi: sed animæ ipsæ per se, essent supposita, corpora verò ferrentur ab animabus, vt vasa fictilia quæ ab inclusis animalculis transferuntur. præterea, si sunt corpore aërea, non possunt non habere contrarietatem cum terreis, & cum omnia elementis, ac conerctis corporibus communem materiam, quare & corruptilia necesse est sint. quod si hic quoque singas aliud aeris genus, à corruptibili hoc quo suffundimur, diuersam, primùm quidem non est iuxta ipsius Apuleij mentem, siquidem quia aerei sunt dæmones, affirmat in aere & infra cœlum ipsos viuere. huius igitur aeris, quem incolunt, habebunt naturam, non alterius, quem non incolunt, hic verò corruptibilis est, & quæcunque eo constant, necesse est esse corruptibilia. Portò, si alio aere impatibili cōstant, nullum habent sensum: quia sensus nullus ag-

potest

potest quin proprium sentiendi instrumētum patiantur à sensibilibus : insensibilia verò corpora non sint animalia, neque problematum, quæ proponebantur, qui scilicet fiat vt quibusdam rebus delentur, alias habeāt exolas, reddita est vlla causa. satius ergo est existimare, incorporeos illos esse, vt sunt natura indissolubiles, quare Diuus Augustinus (vt hoc quoque dicam obiter) octauo de Ciuitate Dei, capite 15. vbi ita scripsit : *Ab sit ut ista considerans animus veraciter religiosus, & vero Deo subditus, ideo arbitretur daemones seipso esse meliores, quòd habeant corpora meliora.* vbi, inquam, hæc dicit Augustinus, ne putetur concedere daemones habere corpora meliora, sed negare hanc consequutionem, habent corpora meliora, ergo sunt meliores. porro in verbis illis Psalmi ceterum tertij, *Qui facis Angelos tuos spiritus, & ministros tuos ignem vrentem*, nomina illa spiritus, seu aer, & ignis significant metaphoricè substantias corporeas magnæ virtutis, ac potentix, non tamen quòd verè acrei aut ignei sint, nam præter dicta quantum, non est in ratione substantix, sed accidens quoddam illius, vt igitur est in rerum vniuersitate substantia quanta, sic etiam aliqua non quanta, ea autem non sit solùm quæ incorporea & infinita; nam inter corporeum finitum & incorporeum infinitum, medium est incorporeum finitum, aut incorporeum infinitum. Corporeum infinitum esse omninò non posse, multis euidentibus argumentis indicauit Aristoteles. superest igitur vt sit incorporeum finitum. Esse verò Deum virtute infinitum, indicatum mihi est in hoc ipso opere: superest ergo præter ipsum, esse substantias aliquas incorporeas, easque finitas. Itaque censendum non est Angelos esse corporeos, neque suffitu torqueri, aut bonis odoribus allici, aut rei cuiuspiam naturalis contactu doletè, aut delectari, nihil enim horum sine contactu fert natura: contactus verò corporum tantum est, sed vanum esse ac superstitiosum quidquid eiusmodi moliuntur exorcistæ, mendacissimòsque daemones hominibus illudentes, ea omnia mentiri. Multò minùs quispiam possit censere, Deum Optimum Maximum vlla voluptate sensus affici, aut vllò colore: siquidem omnium Philosophorum consensu est incorporeus, & omninò immobilis, nullamque mutationem subiens: quà autem opera sua sunt, omnia amat, & nihil eorum, quæ fecit, odio habet; quia omnia sunt valde bona, vt primo capite Geneseos & 38. Ecclesiastici scriptum est. Quid ergo dicemus de sale, corpore aded Deo amico, & de vino quo lætatur, & de fermento & melle quæ interdicit in sacrificiis, & de multis aliis corporibus, quæ in libris sacris dicuntur, alia gratum,

Daemones
quibus al-
liciuntur.

Grata &
ingrata
Deo.

Sal cuius
rei sym-
bolum.

Mellis
vſus.

Fermen-
tum.

Pactum
ſalis.

Mel cuius
rei sym-
bolum.

alia ingratum Deo odorem expiare? Certè nihil aliud, quàm substantias has corporales, res alias quasdam nobis indicare, quas prima adesse, partim abesse, oportet in sacrificiis. Nimirum sal symbolum esse viderur integritatis, & incorruptionis, ac proinde innocentiae, contrà fermentum, corruptionis & impuritatis: vinum, charitatis: mel, voluptatis & deliciarum, quia sal, vt experimento constat, atque Aristoteles 2. 6. sectione problematum docet, siccat, ac proinde incorrupta seruat quaecunque eo condita reponimus. fermentum verò nihil est aliud, quàm massa facta acidior: constar verò eum saporem ex rebus antea integris, debilitatione naturalis caloris, & accessione caloris alterius præter naturam fieri, quæ alteratio corruptio est. Fit itaque ex massa fermentum, vt ex vino acetum, atque ita fermentat massam, augeri & rareſcere faciens, vt acetum fermentat terram: quod opus refertur ad partes illas, quæ calorem præter naturam contraxerunt in illa corruptione. Adiciit præterea fermentum pani saporis gratiam, quod aciditatis illius moderatæ mixtione facit, velut idoneo quodam condimento. Rectè hæc explicuit Plinius lib. 8. cap. 11. dicens, *Fermentum fit ex ipsa farina qua subigitur, priusquam addatur sal ad pulvis modum decocta, & relicta donec acescat. vulgè verò (hic est hodie vſus) neque subferueſciunt, sed tantum pridie asseruata materia vtuntur.* Hæc Plinius, quibus docet fermentum acore & corruptione massæ, seu pulvis fieri: salis verò admixtione, prohiberi eam corruptionem, vt certè aliam omnem putrescentiam. Merito ergo id, cuius natura & essentia constat corruptione, symbolum peccati est: quia corruptio & putrescentia via est ad naturalem cuiusvis corporis interitum, vt peccatum animi, & quod natura aptum est cohibere omnem putrescentiam, symbolum est iustitiæ, quæ tollit peccata: oportetque hoc adesse sacrificiis, illud abesse. Huc spectat quod Deus dixit ad Aaronem cap. 18. Numerorum, *Pactum ſalis est sempiternum eorum Domino tibi, ac filiis tuis.* Vocat enim pactum salis pactum sacrificiorum, quo pepigerat scilicet Deus, in æternum se daturum ius offerendi sacrificia Leuitis. vocat verò id pactum salis, id est, sacerdotij, quia à nulla oblatione aberat sal: aut, vt alij interpretantur, pactum salis, id est, pactum perpetuum, quia sal tollit corruptionem. porro mel symbolum deliciarum esse, ob dulcedinem, constat; delicias verò ingratas esse Deo, & deliciosos homines non præstare Deo grata sacrificia, constat etiam, quia, vt Aristoteles inquit secundo Ethicorum capite tertio. ob voluptatem res improbas agimus, & ob dolorem res posthabemus honestas. vnde fit, vt, vt qui Dei sit futurus

amicus,

amicus, voluptatis contemptor, & doloris patiens esse debeat, aut contemptor vtriusque, ad amplexandum dolorem, & dimittendam voluptatem. amant ergo sacrificia salis incorruptionem & mordacitatem: respuunt verò fermenti corruptionem, & suauitatem mellis. hæc itaque Deus verus, has ob causas, circa sacrificia ita disponebat. Cacodæmones autem, ut diuinitatem simularent, Dei æmulatores in rebus quibusdam efficiebantur: non tamen in omnibus: quia non ferebat eorum nequitia, quin atrocia quædam à suis miserrimis mancipiis postularent, velut hominum cruorem, & viscera. Sed neque quod Tobias fecit, ut iecoris odore dæmon fugaretur, censeo esse naturale, sed eam benedictionem datam à Deo iecori, ut nunc datur aquæ. Contigisse verò illud etiam in figura, ut significaretur, exuendam esse concupiscentiam in sanctis conubiis. Iecur enim symbolum concupiscentiæ est. huiusmodi sunt omnia legis antiquæ præcepta: significant enim in sensu allegorico, aliud quàm in literali, quem modum docendi imitari sunt multi veterum Philosophorum, præcipuè Pythagoras, cuius adhuc extant symbola multa, quale est illud quod ad præsentem disputationem facit, *Salem apponito*. nimirum in rebus gerendis semper apponi iubebat salem, hoc est, prudentiam, & integritatem. Hieroglyphica etiam ratio scribendi, quam Ægyptij sacerdotes tenuerunt in sacris, similem continebat sapientiam. quam etiam in veri Dei cultu quadamtenus retineri videmus. nam est in templis Dei multus vsus ignis & aquæ; quia, arbitror, hæc hieroglyphicè munditiam indicant, causa verò qua indicent est, quòd hæc duo sint, quæ corpora omnia à sordibus mundenr. quia verò emundandi corpora habent vim naturalem, benedictiones quoque emundatorias animorum, his præcipuè Deus tribuit, igni dico & aquæ. corporeis verò & incorporeis substantiis nulla naturalis est sympathia: sedum aliis rebus cum Deo: cui nihil cum illis est commune in essentia.

Dæmones
quibus fugantur.

Iecur
cuius rei
symbolū.
Pythagorica
symbola.

Ignis &
aquæ vsus
in sacris.

CAPITULUM XVII.

L Euitici cap. i. ita scriptum est, *Et sus cum ungulam non diuidat, non ruminat.* quatuordecimo autem Deuteronomij, *Sus quoque quoniam diuidit ungulam, & non ruminat, immunda erit.* Quod quidem multum diuque me torset, non intelligentem, qui fieri posset, ut sus diuidere & non diuidere ungulam diceretur, vsque dum apud Aristotelem repeti

aper

Suum dif-
ferentia.

apertissimam huiusmodi dissolutionem. Ille siquidem c. 1. l. 2. de Historia animalium, hanc animalium differentiam statuens ita inquit: *Quadrupedum autem quæ sanguine constant, eademque animal generant, alia multifida sunt, quales hominû manus pedesque habentur, sunt enim, quæ multiplici pedum fissura digitentur, ut Canis, Leo, Panthera; alia biscula sunt, quia forcipem pro ungula habent, ut oves, capra, cervi, equi fluminatiles: alia infisso sunt pede, ut quæ solipedes nominantur, ut equus, mulus, genus sanè suillum ambiguum est. Nam & in terra Illyricorum, & in Paonia, & nonnullis aliis locis, sues solipedes gignuntur.* Hæc Aristoteles. Ex quibus apertè constat, sues partim quidem findere, partim non findere ungulam, utrosque tamen, & qui findunt, inquam, & qui secus, esse immundos, quia neutri ruminant. Alij igitur utraque ratione immundi sunt, & quia neque ruminant, neque findunt ungulam, de quibus 11. Levitici agitur, suntque Illyrici sues, alij altera tantùm, quia scilicet etiam findant ungulam, non ruminant. de quibus agitur 14. Deuter. suntque nonstrates sues.

C A P V T X V I I I.

Circunci-
sio.
Horus
Apollo.

Levitici c. 12. *Mulier, si suscepto semine peperit masculum, immunda erit septem diebus, iuxta dies separationis menstrua. Et die octavo circumcidetur infantulus; ipsa verò triginta diebus manebit in sanguine purificationis suæ. Omne sanctum non tanget, neque ingredietur in sanctuarium, donec impleantur dies suæ purificationis. Sin autem fœminam pepererit, immunda erit duobus hebdomadibus iuxta ritum fluxus menstrui, & sexaginta sex diebus manebit in sanguine purificationis suæ. Cumque expleti fuerint dies purificationis suæ, pro filio, siue pro filia, deferat agnum, &c. cap. 15. Levitici, Mulier, quæ redeunte mense patitur fluxum sanguinis, septem diebus separabitur. Mos circumcidendi Iudæis solùm erat antiquitus, nisi etiam fortasse sacerdotibus Ægyptiorum, ut Horus Apollo Niliacus in hieroglyphicis insinuat, dicens, Cynocephalum fuisse notam sacrificii, quia nascitur circumcissus. Circumcisionem verò sacerdotes (inquit) magno studio peragebant. quod quidem si ita erat, haud dubiè Ægyptij acceperunt ab Hebræis. Non enim Hebræi ab Ægyptiis, sed à pacto quod fecit Deus cum Abrahamo capite decimosexto Geneseos. Nisi etiam fortasse naturalis legis sacerdotes, ut signo quodam pietatis, circumcisione utebantur, atqui Abrahami circumcisio nova non fuit, sed à Deo denuò probata, & sancta*

sanctificata. Vtunque hoc habeat, consuetudo imponendi nomina die octauo plurimis aliis gentibus fuit. Causam naturalem reddit Aristoteles, capite ultimo libri septimi de Historia animalium, his verbis, Plurimi, antequam exactus sit dies septimus, intereunt, & hanc ob causam tunc nomina imponuntur, tanquam saluti iam pueri magis credamus. Itaque imponuntur nomina die octauo, quia antequam exactus sit septimus, parum constat an fœtus sit perfectus & vitalis, an imperfectus, abortiuus, neque vitalis, exemplo fuit filius primus David ex Bersabee, qui die septima mortuus est, ut secundo Regnum narratur. Magnam vim esse hebdomadæ, in iis quæ ad fœtum intra vterum formationem, & in lucem iam editorum vitam pertinet, Hippocrates probat multis in locis, maxime aurem libello de carnibus; multis argumentis, statuens hanc assertionem, vitam hominis septem dierum esse primum quidem quod septima dies certam firmamque iam perfectæ conceptionis notam præster, quia, ut Aristoteles capite tertio libri nuper citati dicit, si in septimum diem intus (hoc est intra vterum) permanferit genitura, conceptum iam esse certum est. Atque ut Hippocrates loco citato affirmat, quod conceptum est, si intra septem excedit dies, nullam præ se fert delineationem, si verò post septem, in aquam immisus, oculorum, oris, & pudendorum quandam non inevidentem delineationem ostendit. Hanc ob causam dicit Aristoteles, qui intra septem dies sunt, non vocantur abortus, sed effluxiones. Nam ante septimum ne fœtus quidem, neque embrio putatur esse, sed semen. Itaque conceptio certa septem dierum est, & quod immisum in vterum, in certam firmamque conceptionem non peruenit, intra septem dies effluit & perit. Ita etiam recens natos dies septima probat, nam plurimi eorum qui vitales non sunt, intra hebdomadam pereunt. Adultis etiam hominibus est vita septem dierum, quia ut dicit Hippocrates libello de carnibus. Si quis septem diebus nihil edere, aut bibere velit, plerique quidem in ipsis moriuntur, sunt tamen qui illos transmittunt, & tamen moriuntur. Ieiunum enim intestinum in his diebus concreuit, moriunturque etiam illi. Hanc ob causam ego indico, misisse Deum die sexta cibum Danieli in lacu Leonum existenti, ne scilicet, si septimam attingeret, periret fame. Nam etiam in his quæ miraculosè agit, habet Deus rationem aliquam naturæ, ne plura quàm opus sit eueniant miracula. Itaque & conceptio, & argumentum vitalis ortus, & duratio vitæ hominum sine refectione septem dierum est, ut certè mundi totius fabrica septimo die est conclusa.

Nominis
octauo
die im-
ponendi ra-
tio.

Septena-
rij ratio
in vita.

Sine cibo
quousque
vita du-
ret.

Hominis
ortus
quid imi-
tetur.

In quàm plurimis enim rebus, hominis ortus mundi creationem imitatur, nimirum est microcosmos. Meritò ergo, atque iuxta hominum naturam, iussit Deus pueros die octavo circumcidi, quasi iam victuros. Interim iubet mulierem quæ peperit masculum, immundam esse septem diebus iuxta dies separationis menstruæ, hoc est, continere sese secundum legem eius cui menstrua fluunt, quæ capite decimoquinto huius eiusdem libri scripta est his verbis, *Mulier, quæ redeunte mense, patitur fluxum sanguinis, septem diebus separabitur*. Hoc quoque secundum rei ipsius naturam præcipitur, quia hic etiam est finis fluxionis menstruæ naturaliter euenientis. Quæ enim ultra hebdomadam prorogatur, symptomatice est, & morbi soboles. Quamquam enim, ut libello de superfoetatione dicit Hippocrates, multis tempus eius purgationis tres sunt dies, plerisque tamen, ut ipsemet dicit, multò plures, duplum scilicet, hoc est, usque ad septimum, quo ea cessat, velut morbi etiam acutissimi. Neque sanè ultra tres vel quatuor dies prorogari præter naturam est, nisi etiam ultra septem prorogetur, tamen multò salubriores & fecundiores sint, quibus non ultra tres durat, esse verò potest etiam naturale, usque ad septem, etsi minùs utile. sed est etiam in naturalibus plus aut minus bonum. Hoc verò ita habere, Hippocrates lib. 1. de morbis mulieribus docet, dicens: *Quibus verò in natura est, ut plures quàm quatuor dies purgantur, & menses valde multi prodeunt, hæc tenues sunt, & foetus earum tenues, & emarcescunt*. Itaque optimus menstruorum finis, duorum, aut trium, aut ad summum quatuor dierum est: naturalium verò ultimus, septem. Meritò igitur mulier, quæ redeunte mense, patiebatur fluxum sanguinis, septem diebus separabatur, & ob hanc ipsam causam quæ pepererat masculum, septem diebus quasi immunda esse iuebatur. Circuncidebatur verò puer die octavo, quasi exactum iam esse septimum, magnam vim haberet ad vitæ securitatem: post septenarium verò maximam vim habent in affectionibus foetuum qui geruntur utero, & infantium recens in lucem editorum, quadragenarij: atque ut intra septem dies fieri diximus effluxiones seminis, cum conceptio non perficitur: ita intra quadraginta plurimi fiunt abortus, ac corruptiones. Quod Aristoteles capite tertio, septimi de Historia animalium, his verbis dicit *Effluxiones vocantur, quæ intra septimam diem corruptiones fiunt, abortiones autem quæ intra quadragesimum*. Et quidè plurimi foetus intra tot numero dies deprauantur. Hippocrates quoque libello de partu septimestri ita scriptum reliquit: *Dicunt autem & abortus plurimos in primis quadraginta diebus fieri,*

Quadra-
genarij
numeri in
foetu.

fieri,

Abortus
quando
fiant.

fieri, sed & reliqua conscripta his accidere in quadraginariis. Rur-
sus paulò infra eodem libello: At verò quadragenarij primùm in
scetibus iudicant; quisquis enim primos quadraginta dies transierit,
abortus effugit ex omni causa contingentes. plures autem sunt in
primo quadragenario abortus, quàm in aliis omnibus. Itaque ex sen-
tètia Hippocratis & Aristotelis, quos hac in re sequutus etiam
est Galenus, ut intra septem dies sunt seminis effluxus. ita
intra quadraginta abortus: atque ut recens nati solent intra
septem dies petire, ita qui hos effugiunt, alium, eumque pro-
ximum periculi finem habent, quadraginta dies: atque ut su-
pra septem dies contentum intra uterum semen esse, certa est
conceptionis nota, cum verò transit prægnationis quadrage-
sima dies, abortus periculum maximum recessit: ita cum recens
natus (respondent enim vitæ principia principiis generationis)
attigit octauum diem, homo iam vitalis est: cum quadagesi-
mum, robustior, viuacior, & sapientiæ iam particeps est. In-
dicio est, quòd eorum qui euaserunt, septimum multi moriun-
tur intra quadagesimum, à quadagesimo vero incipiunt iam
pueri ridere, quasi firmiores iam facti, & sapientiæ quæ-
dam exordia ostentantes. Docet hoc Hippocrates in calce
libelli de partu septimestri. Merito ergo, atque ut natura
ipsa poscebat institutum est, ut puer die octauo circuncide-
retur, mater verò ingrederetur in Sanctuarium, illum Deo
oblatura quadagesimo. Nimitum circuncidebatur die
octauo, ut qui iam non imperfectus, scetus, sed homo vitalis
esse cognosceretur. deferrebat in templum quadagesimo,
ut qui magnum recens natorum periculum euassisset, & ro-
boratus iam esset, & sapientiæ indicia per se fertet: interim,
ut mater ante diem circuncisionis immunda esset, iuxta dies
separationis menstruæ, dies septem iuebantur, quia id tempus
est naturale menstruæ purgationis, ita inter diem circuncisio-
nis & delationis in templum iuebatur manere in sanguine pu-
rificationis suæ dies triginta, quia tot dies solet durare expur-
gatio iis quæ mares peperunt. Quod facillè intelliges ex his
Hippocratis verbis, quæ libello de natura pueri scripta sunt,
Atque hac mihi de hoc dicta sint, & factus iam est puer, & ad hoc
peruenit, scemella quidem quadraginta & duobus diebus ut lon-
gissima, primam coagulationem ac coarticulationem accipiens:
masculus verò ut longissimè in triginta diebus: ut plurimū enim hoc
tempore, aut paulò breuiori, aut paulò longiori articulatio ipsis cōtin-
git. Nam & purgatio fit à partu ut plurimū, in scemellu quidem die-
bus quadraginta & duobus, atque hac tardissima est, & perfecta:
vacauerit autē periculo etiam si in viginti quinque diebus purgetur:

Fœtus
formatio-
nis tem-
pus.

Expurga-
tio à par-
tu.

in masculo verò purgatio fit diebus triginta, atque hac tardissima, & perfecta, circa tamen periculum fuerit mulier, etiam si in viginti diebus purgeret. Hæc Hippocrates, quibus docet tēpus formatio- nis pueris respondere tempori purgationis matri, atque quia mares in vtero citiùs formantur quàm femellæ, proinde & eas quæ mares pepererūt, purgari citius, esseque tempus formatio- nis pueri, & purgationis eius quæ marem peperit triginta dies. Quod attinet ad purgationem eius quæ marem peperit, verissi- mum est, & iis quæ in lege Domini dicuntur maximè conso- num. Quod verò attinet ad tēpus formationis maris & femel- læ, & ad æqualitatem temporis formationis fœtus & purgatio- nis matris, neque admodum firmum, neque certum est, sed contingit ita, & aliter. Neque hoc latuit Aristotelem aut Hippocratem. Nam Arist. cap. 1. libri citati, ita inquit: *Purga- tiones autem accidunt plurimū cum conceperint ad tempus quod- dam scilicet triginta dierum, maximè si concepta fœmina est, qua- draginta si mas. A partu etiam purgationes eodem numero dierum consequi volunt, quamquam non quæ ita diligenter eua- niunt.* Hæc Aristoteles. Locus haud dubiè corruptus est, le- gendum enim *triginta dierum, maximè si conceptus mas est: qua- draginta si fœmina.* Nam dicit tempus expurgationis à partu, æquale esse temporì expurgationis, quæ fit initio concep- tionis, constat verò iuxta omnium sententias longiorem expur- gationem esse à partu fœmellæ, quàm masculi. At verò Aristo- teles non admodum certam esse eam expurgationis cū expur- gatione æqualitatem, dicit: *Quare neque formationis fœtus cum expurgatione à partu, aded exacta erit æqualitas.* Videtur enim tempus expurgationis, quæ initio conceptionis fit, respondere tempori formationis, quamquam neque hic erit aded certa æqualitas, ut neque in tempore toto prægnationis mulieribus, neque in vllis eius partibus firmum quidquam ac certum est.

Expurga-
tionis à
partu ma-
ris & fœ-
mellæ dif-
ferentia.

Quo tem-
pore fœ-
tus in vte-
ro moue-
tur.

Quapropter Aristoteles paulò infra inquit: *Mares magna ex parte circa quadragesimum diem, dextro potius latere mouetur: fœ- mine sinistro, circiter nonagesimum. Nihil tamen certi in his affir- mare licet. Sed enim hac, & reliqua huiusmodi, ut differunt ad quoddam magna ex parte, & ad quoddam magis ac minùs accidunt, sic ac- cepimus.* Hæc Aristoteles. Hippocrates quoque libello de ali- mento, cū recensuisset multa variaque partus tempora, & formationis, motus, & editus tempora, & eorum proportio- nes, adiecit, *Non est, & est*: insinuans nihil eorum esse perpetuum, sed quodcunque fieri posse, ita aut aliter. Verba verò Hip- pocratis sunt hæc: *Ad figurationem soles triginta & quinque, ad mo- tum septuaginta, ad perfectionem ducenti & decem. Alij tradunt formam*

formā quadraginta quinque, ad motum septuaginta sex, ad exitum ducenti & decem Alij sic ad formam quinquaginta, ad primum saltē centum, ad perfectionem trecenti. Alij sic, ad discriminationem quadraginta, ad transitum octoginta, ad elapsū ducenti quadraginta, non est, & est. His verbis Hippocrates, ut in commentatione eius loci explicuimus, narrat multas Medicorum sententias de tempore partus naturalis, & de temporibus quibus fœtus formationem acciperet, inciperet moueri, & exiret in lucem, ac de proportionē temporum, quibus illæ mutationes insignes contingerent, eisque narratis, dicit, nihil in illis esse p̄petuum, sed posse fieri quodcunque illorum, & non fieri. Hoc idem docuit libro secundo de morbis popularibus sectione tertia, easdem sententias narrans. Nimirum, ut Aristoteles dicit capite quarto citati iam sæpe libri; cū cætera animalia omnia, singulari ac simplici modo partum suum perficiant. certum enim pariendi tempus statutum est singulis generibus, homini vni datum multiplex. Nam & septimo mense, & octauo, & nono parere potest, & quod plurimum decimo, nonnullæ etiam & vndecimum tangunt. Itaque consensu probatissimorum auctorum constat neque partus muliebris, neque mutationum insignium quæ fœtui accidunt, formationis dico, & motus, esse simplex & statutum tempus, sed varium & multiplex. Neque solum homini non est certum tempus horum, sed neque sexui vlli. Nulla enim est sexui nascendi differentia siue inquam mas sit, siue fœmella. Nam tamen si Aristoteles dicit, fœminam sæpius in vndecimum mensem incidere quàm marem, huncque sæpius fieri septimestrem, tamen experimentum repugnat: adeoque minus certi quidquam est in rebus quàm veteres putarunt, ut nostro sæculo nata sit fœmella haud dubiè quinquemestris, quæ adhuc viuit, plusquam duodecim iam annos nata, cuius gracilitas ac renuitas maior quàm mulieribus esse consueuerit, indicat, certam esse de eius ortu fidem, præter quam quod multis domesticis, neque inuidentibus argumentis constitit: vsque ad id in Physicis alterationibus vix quidquam est omnino aut impossibile, aut necessarium. Quid ergo, an nihil est in rebus quæ ad fœtus & puerperas spectant certum, ac firmum? sanè nullum est tempus certum, quo mas aut fœmina figuram accipiat in vtero, neque quo moueri incipiat, neque quo in lucem exeat, neque quo mulier vtero gerens, statim à conceptionis initio expurgetur, neque quo expurgetur quæ peperit, siue marem siue fœminā: sed hæc omnia tempora, multiplicia & varia sunt. Illud tamen certum est, mares citius figuram recipiendi

Vario tē-
pore mu-
lier pare-
re potest.

Puella
quinque-
mestris.

& mouendi vim quàm fœminas, & eas quæ mares conceperunt breviores habere expurgationes, & eas quæ prægnationis initio fiunt (quamquam has non omnes mulieres habent) & eas quæ à partu. Horum omnium eadem est causa, humidior scilicet, frigidior, & excrementosior natura fœminæ. Quoniam enim talis est: ex frigidioribus, & humidioribus principiis gignitur. Humidiora verò principia, ineptiora sunt ad recipiendam figuram propriam, quàm sicciora: frigidiora verò quàm calidiora ineptiora sunt ad morum. Necessesse est ergo fœminæ quàm mares tardiùs accipiant figuram, & moueantur: non tamen proinde & tardiùs edantur in lucem, sed eisdem temporibus quibus mares: quia quantò tardiùs accipiunt figuram & mouentur, tanto, postquam formata sunt, citiùs veniunt ad incrementum. Quod Hippocrates docuit secundo Epidemicòn, & rursus sexto. Sunt verò eius verba in calce sectionis tertie lib. 2. *Quod citiùs discretum & motum est, augetur rursus segniùs, & in longius tempus.* In calce sectionis secundæ libri sexti dicit, *Concretum est, constitit citiùs, postquam motum est, desinit & tardiùs augetur, & pluri tẽpore.* Aristoteles hoc interpretatur de eo incremento, quod mares & fœminæ recipiunt editi iam in lucem vsque ad cõsistendi ætatem. Monstratum verò à me est in eius operis commentariis, de eo etiam incremento intelligi quod intra vterum accipiunt, postquam moneri cœperunt, vsque dum vterò exeunt. Quod vel ipsa authoris verba aperte sonant. Itaque etsi mares æquale tempus gerantur vterò, fœminæ verò tardiùs accipiunt figuram & mouentur dictam ob causam. Arque ob eandem, quæ fœminas pepererunt diutiùs sunt immundæ, & longiores habent purgationes. Nam cum mulieres humidiores & excrementosiores sint quàm viri, & earum principia quàm ex quibus viri sũt, cõstat ab iis etiam mulieribus cõcipi. quæ aut natura sint, aut tunc fortè cõtigerit esse excrementosiores. Indigebunt igitur tales expurgatione diuturniori. Cum verò non sit idem statutumque tempus expurgationis omnibus, neque quæ mares, neque quæ fœmellas pepererint, sit verò periculosum minùs durare expurgationem quàm natura poscebat, & morbosum durare plus, necesse est tempus aliquod esse vltra, & citra quod naturalis non censeatur expurgatio. Id rectè dicit Aristoteles esse in ea quæ matrem peperit, à viginti vsque ad triginta dies. Nam & experimentum subscribit eius sententiæ. Scire tamen expedit, iis quæ pepererunt duplicem ex vterò vacationem succedere, primam sanguinis copiosè fluentis, vt singulis mensibus mulieribus solet, secundam aliorum excrementorum cum exiguo sanguine

Cur mulieres quæ fœmellâ pepererunt diutiùs sunt immundæ.

Puerperarum vacatio.

Buen

fluentium paulatim. vtraque est ei quæ marem peperit, breuior. Est verò secunda cùm longissima triginta dierum, prima septem. Hanc ob causam iussit Deus eam quæ peperit marem, esse immundam diebus septem, & octauo circumcidere puerum, vt iam viralem mox triginta diebus expurgari: iis exactis ingredi in Sanctuarium, & offerre Deo puerum. Sed euenit hic dubitare, si septem solum diebus erat furura in separatione quæ marem peperisset, deinde triginta in purificatione, mox itura in templum, & puerum oblatura, qui fieri poterat, vt oblatio pueri non ante quadragesimum à partu diem ageretur. Viderur enim furura die trigesimo & seprimo. At verò consueuisse esse quadragesimo, communis omnium sententia est, & Ecclesia Sancta id testatur, festum purificationis Mariæ celebrans secundo Februarij, qui est quadragesimus à natali Domini. Quidam respondent rationem computandi esse, vt dies primus derur partui, septem sequentes separationi, mox alius circumcisioni, deinde triginta expurgationi, his exactis aliud oblationi pueri, atque ita fieri quadragesima. Verùm hoc non est consentaneum. Primùm quia circumcisio incideret in diem nonum, atque circumcisionis festum secundo Ianuarij celebraretur, potius quàm primo: deinde quia pueri circumcisio non prohibet matrem eadem die expurgari. In Græcis codicibus iuxta versionem sepruaginta interpretum, quàm sequutus est D. Augustinus, legitur: *Ipsa verò manebis triginta tribus diebus in sanguine mundo suo. Quæ lectio eleuat dictam dubitationem: nam septem & triginta tribus sunt quadraginta. Arqui quoniam Philosophi, vt ex dictis constat, triginta dierum censent esse maximè legitimum tempus expurgationis ei quæ peperit marem, dicemus præcipisse Deum vt mulier antequam in templum domo abiret, & puerum deferret, maneret domi septem dies ob expurgationem primam, triginta, ob secundam, tres insuper propter infantem: ne scilicet ante quadraginta exiret domo puer. Iuxta versionem aurem D. Hieronymi dicemus, mulieres quidem manere solitas domi dies triginta tres post septem primos, quo compleretur ante pueri oblationem primus quadragenarius, Mosem verò præcepisse manere diebus triginta, insinuantem illos esse purificationis, reliquos tribui pueri incolumitari. Nimirum quadragenarius primus dierum celebratissimus est ab omnibus Medicis, censeturque habere vim magnam ad retinendos in vita pueros. Eam quæ peperit feminam, explere voluit Deus duos quadragenarios antequam in sanctuarium ingrederetur, vt pote duplo longiori*

Festum
Purifica-
tionis.

Unitatis
perfectio.
Binarij
imperfe-
ctio.

indigentem expurgatione. Ob idque dedit expurgationi primæ duas hebdomadas, secundæ dies sexaginta sex. ut coniunctis utrisque fierent octoginta, qui duobus constant quadragenariis: qui numerus imperfecto & fœmineo sexui maximè congruit, ut unitas virili. Quia unitas perfectio & forma est, binarius principium diuisionis, & materia. Ego itaque diuinam sequutus auctoritatem, eam quæ marem pepererit, profluuium muliebri vocato, aut vllò alio morbo teneri hanc ob causam non censeo, nisi diem quadregesimum euacuatio superauerit, neque eam quæ fœminam, nisi octogessimam. Etiam si Hippocrates loco citato libelli de genitura, & rursus lib. 1. de morbis muliebribus dicat, longissimam expurgationem eius quæ pepererit marem, esse dierum triginta, & eius quæ fœminam, quadraginta duorum.

C A P V T XIX.

De Lepra.

CAp. 13. Leuit. Loquutusque est Dominus ad Moysen & Aaron, dicens, Homo in cuius cute & carne ortus fuerit diuersus color sue pustula, aut quasi lucens quidpiam, id est, plaga lepra, adducatur ad Aaron, sacerdotem, vel ad unum quemlibet filiorum eius, aut cum viderit lepram in cute, & pilos in album mutatos colorè, ipsumque speciem lepra humiliorẽ cute, & carne reliqua, plaga lepra est & ad arbitrium eius separabitur. Et paulò post: Si obscurior fuerit lepra, & non creuerit in cute, mundabit eum, quia scabies est. Lauabitque homo vestimenta sua, & mundus erit.

Immundi-
tici vitæ
dæ præ-
cepta.

Quandoquidem præceperat Deus tantopere immunditiam omnem vitare, corporalem quidem & externam, quo significaret multo magis immunditiam omnem vitandam esse, & amandam conscientie puritatem, cibos omnes immundos interdixit, permisit verò mundis uti, & quod ad corporum affectiones pertinebat, eorum qui morbis renerentur permittens conuictu uti, eos qui non tam morbis, quàm immunditiis, ut leprosos homines, & gonorrhœa, siue profluuium seminis laborantes, & mulieres quibus fluerent menstrua, iussit separare eos quidem qui essent suspecti recludere, apertè immundos ab aliorum cœtu separare, & extra castra reicere. Quæ omnia plena sunt magnis mysteriis. Significant enim omnia hæc quæ vitare Deus iubet, prauas animorum affectiones, quas oportet veri Dei cultores cauere. Et ille quidem populus quibus lex in scriptis tradita est, corporalia illa & externa obseruabat:

uabat : nos verò quibus non soluta, sed adimpleta traditur, sequentes potius spiritum quàm literam, intelligimus omnem animi immunditiam vitandam, & conuictum cum immundis. Summa verò rei est; vitari debere omnem turpitudinem, & immunditiam. Arque cum sint duplices corporum passionēs, quædam quæ actiones lædunt, ac proinde morbi propriè sunt, atque ita affecti, ægrotantes, vt febris, pleuritis, & phenitis, & lethargus : quædam quæ non tam morbi, quàm turpitudines quædam sunt, quia non tam lædunt actiones, quàm pariunt fæditatem quandam, vt lepra, & gonorthœa, & profluuium menstruum, morbos non iussit Deus deuitare, sed deformitates & turpitudines. fortasse quia vbi pura conscientia est, infirmitates & morbi nihil lædunt. Hippocrates libello de affectionibus ita inquit: *Lepra & vitiligo, & scabies & impetigines, & vitiligo, & alopecia à pituita fiunt : sunt autem talia turpitudine magis quam morbi.* Itaque hanc ob causam lex hæc lepræ lata est. Vitia cutis quæ fæditatem afferunt, sunt in triplici genere : maculæ enim sunt, aut vlcera, aut asperitates, aut duo horum, aut omnia simul Vitia coloris seu maculæ, vocantur Græcis leucæ, & alphi, Latinis vitilignes seu morpheæ, Arabibus guada seu alguada. Hæc cum summam tenent cutem, nihil adiiciunt aliud, sed sunt solùm maculæ, alba, aut nigra : vocaturque vitiligo alba, aut nigra: cum altius partem tenent, mox adiiciunt asperitates exiguas fursuri similes, & Græcis vocatur psora. Latinis scabies: aut maiores ac velut squamas & vocatur Græcis lepra. Arabibus barràs, seu albarràs, & hæc quoque est alba aut nigra, vt sit à pituita falsa, aut à melancholia. & propriè quæ nigra est vocatur lepra, quæ alba lichen seu impetigo. quæ eadem vocatur aliis lepra volatilis, quia serpit, videturque volare per partes. Si non solùm teneretur cutis altiusculè, sed etiam venæ & caro, fit morbus qui vocatur Græcis elephas. Arabes verò, & vulgus vocant hunc lepram, albarràs nigrum, dicunt lepram antecedere. Elephantem verò vocant Arabes hunc eundem morbum cum tenet crura, vt sæpe solet. Itaque leucæ seu alphi, seu vitiligo, seu morpheæ, seu guada, & scabies, seu psora, & lychenes, seu impetigines, seu volatilis lepra. seu barràs album, & lepra, seu barràs nigrum, & elephas, seu lepra vulgò vocata, & Arabibus, vitia & turpitudines externi corporis habitus sunt. fiuntque alia ex aliis, intentione & remissione diuersa, nascunturque ex redundantia pituitæ, aut melancholiæ. Hæc omnia vitia communi appellatione, vbi ingrauescentia recedunt à simplici scabie, vocantur lepræ genera, & iudicium ferre quàm grauis sit aut secus ea

Passiones
corporum
duplices

Vitiligo

Scabies

Tria signa
maligni
vitiij.

Indicia
vitiij.

infectio est discernere inter lepram & lepram, quod ad sacerdotem pertinebat, ac nunc quoque spiritualiter pertinet. Describuntur ergo hîc quædam notæ, quibus discerni possint qui grauitè, & qui leuiter infecti sunt: & qui faciliè curentur, aut curationem non admittant: vt qui simplici tantùm scabie deprehenderentur laborare, mundi iudicati dimitterentur: quos spes esset fore vt mundarentur, recluderentur, aut ad arbitrium Sacerdotis (hoc est, quantum sacerdoti videretur esse satis, separarentur: qui iam esse viderentur desperatæ emundationis, omninò separarentur & reicerentur extra castra Tria signa scribuntur hîc maligni vitiij, & ob quod oportere ita affectos homines ab aliorum consortio separari, quæ eadem apud Medicos scripta reperias, & causas habent naturales. Duo eorum sunt lichenum, seu lepræ volatilis. seu albarràs albæ, seu alphi, quem maligniorem esse quàm leucem dicunt: pilos qui ex leprosa cute nascuntur in album mutari colorem, & ipsam lepram humiliorem reliqua cute. Tertium est vitiliginis albæ, seu alguadà, seu leucæ, quæ plerunque leuius malum est, aliquando verò etiam est grauius. & sit alphis. Illud est maculum dilatari ac crescere, ac transire in cute priores terminos, hoc est, amplificari, ac extendi vitium illud. Apud Auicennam quoque reperias hæc eadem scripta cap. 9. tractatus secundi, sen. septimæ. lib. 5. his verbis, *Ambigua verò est differentia inter alguadà qua est morphea arba, & albarràs malam, & differentia quidem inter utrasque est, quæd pili oriuntur super alguadà, & sunt pili nigri & flauis. & nascuntur super albarràs, albi non alij: & est cutis magis depressa, & vehementius defossa quàm cutis reliquæ corporis. paucis interpositis in eodem capite dicit, Quoniam de morphea (hæc est vitiligo, seu guadà) quada n est vehemens elongationis à colore corporis, & de ea est qua est propinquis ei, & est magis salua. Et in ea qua est submersa & non rubet, neque sanguinè emittit (hæc sunt signa pessima vitiliginis, & lepra iam malitia aqualis) & est vehemens dilatactionis capiens locum magnum non est spes, & similiter illa quæ a omni hora incipit in additione. Ecce vt Auicenna describebat his eisdem signis pessimum albarràs album, hoc est malignos lichenes, seu album, seu lepræ quoddam genus, & malignam morpheam, aut leucem, quæ in malignitatem lepræ iam abiit. Porro lucidum candorem notam esse lepræ, constat ex verbis vltimis capitis quinti libri quarti Regum, vbi dicitur, *Egressus est ab eo leprosus quasi nix.* Causas horum non est difficile inuenire. Cùm enim lichenes illi maligni à falsa pituita nascantur, sola vel cum atra bile mista, necesse est vbi partis temperies admodum labefactata est, & in ipsius*

Ipsi excrementi naturā velut mutata, salitam admodum esse cutem, & proinde siccam & contractam, ac reliqua cute quæ sana est humiliorem. Porro, cum orra attestentur iis ex quibus oriuntur, ubi cutis ob pituitam ita erit facta candida, ut ipsum substantiæ modum mutauerit in candidiorem, pilos quoque ex sese nascentes candidos reddet. Quod morphea, seu vitiligo maligna crescat, eadem causa est quam Auicenna quoque post nuper citata verba apposuit, ita dicens: *Et similiter illa qua omni hora incipit in additione, quoniam complexio eius est fortis, conuertens illud quod ad eam vadit ad suam similitudinē, & propter illud est mala valde.* Ex dictis faciliè intelligentur præscripta verba, poteruntque explicari physicè. Affeiri iubet ad sacerdotem quemcunque cui mutatus sit cutis color, aut innatæ pustulæ aut quasi lucens quidpiam, quasi scilicet fulgentes furfures, aut squamæ. Nam hæc omnia possunt esse initia vitij abeuntis in malignum, & in aliquod lepræ genus. Iubet etiam cum viderit sacerdos in cute lepram talem, ut pili qui inde nascantur, in album mutari sint colorem, & ipsa lepræ species sit humilior cute & carne reliqua, separari hominem, quia plaga lepræ est: nimirum maligni lychenes. Sin autē fuerit tantum lucens quidam candor in cute, neque tamen cutis fuerit humilior carne reliqua, & pili adhuc retineant colorem pristinum, nondum constat malignum esse vitium. Verum quia sæpe ab iis initiis proceditur in malignum, non vult eum mox dimitti ut mundum hominem, sed recludi per hebdomadam, eaque exacta sacerdotem cōsiderare, an ultra creuerint, & maculæ dilatatæ sint: sique non creuerint, rursus recludi aliam hebdomadam, qua rursus exacta, si obscurior fuerit lepra, neque creuerit in cute, hoc est, non se dilatauerint maculæ, & signa lepræ facta sint obscuriora, scire iubet lepram veram non esse, sed psozam, seu scabiem, ac proinde dimitti hominē locis vestimentis. Mundus enim est, hoc est, non est leprosus, sed scabiosus solum, quod leue est, & solo vestium mundissimarum, linearum, vsu, & probo victu liberabitur. præmissa, si opus sit, aliqua corporis euacuatione additur dictis:

Scabiei
remedia,

Quod si postquam à sacerdote visus est, & redditus munditia, iterum lepra creuerit, adducetur ad eum, & immunditia condemnabitur.

Pessimum est cum morbi alicuius exordia sese insinuauerint antea, quæ postea destitisse visa fuerint, hominem in eum ipsum morbum incidere. Nam iteratus morbus, magnum corporis apparatus, & in eum propensionem significat, subesseque in vitiosa corporis natura morbi velut radicē. Morbus verò in

Recidivæ
malum.

quem corpus valde propensum est, facile abit in habitum. Merito ergo immundus & leprosus censetur, cui mandato iam semel lepra redit. Quia verisimile est, id non ex prauo victu, quo paulò ante usus fuerit homo, aut leui aliqua occasione, sed ex fitmata in corpore Cacoehymia nasci. Itaque ut incrementum macularum, ita & repetitio, suspectum & malum signum est, censetur: quæ merito, quæ semel repetiit, sæpè repetitura lepra, neque vnquam futurus homo tutus ab immunditia, quare immunditiæ condemnabitur.

Plaga lepra si fuerit in homine, adducetur ad sacerdotem, & videbit eum, cumque color albus in cute fuerit, & capillorum mutauerit aspectum, ipsa quoque caro viua apparuerit, lepra vetustissima iudicabitur, atque inolita cuti. Contaminabit ergo eum sacerdos, & non recludet, quia perspicua immunditia est. Si autè effloruerit discurrens lepra in cute, & operuerit omnem carnem à capite usque ad pedes, quidquid sub aspectum oculorum cadit, considerabit eum sacerdos, & teneri lepra mundissima indicabit, eò quod omnis in candorem versa sit, & idcirco homo mundus erit. Quando verò caro viua in eo apparuerit, tunc sacerdotis iudicio polluetur, & inter immundos reputabitur. Caro enim viua si lepra aspergitur, immunda est. Quod si rursum versa fuerit in alborem, & totum hominem operuerit, considerabit eum sacerdos, & mundum esse decernet.

Duo alia
signa le-
præ.

Duo alia præter dicta describuntur hîc lepræ signa: alterum vetustissimæ & incutabilis, ac proinde perspicuæ immunditiæ: alteram mundissimæ ac facillimæ solutum pessimum in lepra esse, dicit, si caro viua sit aspersa lepra, hoc est, si non solum in cute sit macula alba, aut luens cum squammis, & ea sit humilior reliqua cute, sed etiam ipsa caro viua sub cute sit similiter infecta, sit scilicet alba & modum substantiæ carniæ amiserit. Id verò lepræ vetustissimæ & cutis inolitæ esse constat, quia non solum sit pituita salsa excreta ab expultrice vi in cutem, sed subiecta etiam carne in vitiosi succi naturam mutata. Grauius ergo est hoc quam cutem humiliorem reliqua cute fieri, & capillos candidos. Quia ea infectione solius cutis fieri possunt, grauius verò est infectam etiam esse subiectam & viuam carnem. Hoc an ita habeat, an inquam ipsa subiecti caro sit leprosa, iubet Auicenna citato capite explorare puncta acu carnē: Si enim (inquit) punctura acu extrahit sanguinem, est guarida (ea est, ut diximus, leuior affectio) si non sanguinem, sed humiditatem aquosam, est borras, & hoc (inquit) non sanatur. Rursum explorare iubet fricatione, dicens, Et iterum quærobat post fricationem, est ad spem declinans, & ad hoc ut sit morpheæ: & qua non rubet per eam, est mala. Nimirum ubi subiecta

caro

Exploratio
lepræ.

caro est munda, acu sanguis extrahitur, & fricatione allicitur in cutem: vbi verò ipsa viua caro est secundum suæ substantiæ modum mutata, velut etiam in iis qui vocantur Leucophlegmatici, extrahitur Ichor quidam; seu sanies aquosa, & cutis fricata non rubet. Talem dicit Auicenna non sanari, qui hoc loco dicitur esse non recludendus, quasi qui sanescere facillè posset, sed contaminandus, hoc est, separandus, quasi contaminatus, quia apertæ immunditiæ est. Hoc idem docuit Paulus Ægineta libro quarto capite quinto, docens distinguere leucem medicabilem ab immedicabili. qui locus mihi videtur esse corruptus, & ex dictis facillè posse restitui. Ita enim legitur: *Huius nota & significationes sunt huiusmodi: Acu puncto in superficie cutis leucem non ultra cutem, quod si non nisi sanguis exeat, incurabilis non est morbus: si lacteus quidam humor profuit, curatione non admittit. Vel lanceo pñiculo aspero ipsam perfica: quod si rubicundior fiat, curari potest: si in eodem colore manet, incurabilis esse censenda est* Vide ut Paulus eadem dicat de Leuce, quæ Auicenna de guada & morphea. legendum verò est haud dubè, vbi, quod si non sanguis exeat, quod si sanguis exeat. Nam curationem admittentis lepræ est exire sanguinem: non admittentis, exire lacteam, aut aquosam humiditatem. Est autem in Græco facillimus lapsus, & emendatio etiam, nam pro *ei pñ* legendum *ei pñp*. Hæc eadem signa curabilis & incurabilis alopeciæ scripsit Galenus primo de compositione secundum locos Rectè autem monet Paulus, ne multum figatur acus ultra cutem: ita enim nulli non exierit sanguis, sed satis magnū signum erit firmatæ iam lepræ, transfixa cute sanguinem nullam exire. Auicenna itaque hac in parte sequutus est Paulum. Vterque hac in te mihi videtur errare, quod velut lenius quiddam & minus malum commemorent, sanguinem puncta acu à cure non exire, quàm pilos fieri albos: cum tamen hic Propheta Moses grauius esse ostendat, dicens, *Cumque color cutis mutatus fuerit, & capillorum mutaueris aspectum, ipsa quoque caro viua apparuerit*. Commemorat enim hoc postremò velut omnium grauissimum atque in initio capitis, eos quibus cutis alba, & humilior cute reliqua, & dealbari essent capilli, separari iussit ad arbitriū sacerdotis: nunc verò adiiciens, *Et caro viua apparuerit*, dicit, *Contaminabit eum, quia aperta est immunditia*: tanquam grauius quiddam dicens Paulum verò & Auic. contrarium insinuassee constat, quia infixæ acu sanguinem non exire tribuit Paulus leuce, Auicenna guada & morpheæ: capillos albos fieri Paulus tribuit alphi & Auicenna barræ. constat verò leucem quam alphi apud

Excremē-
ta quando
debeant
esse co-
pioſa.

Paulum, & quadā quam barrās apud Auicennam: leuioretm esse morbum, atque leucem Pauli esse quadā Auicennæ. & al-
phum barrās. Nos verò ſequuti veritatem dicimus, in his om-
nibus vitiis cutis, quæ hoc loco lepræ nomine intelliguntur,
minus eſſe graue mutari colorem ſolius cutis, quàm capillo-
rum etiam. grauius verò quàm vtrumque, iſamiam viuam
carnem lepra reſpectam eſſe, ita vt tranſfixa cute ſanguis non
exeat, & ſiccata cute non appareat rubor. Muſdiſſimæ lepræ
ſignum eſſe dicitur, cū lepra diſcurrens per totum corpus,
operit totam carnem à capite vſque ad pedes, quidquid ſub
aſpectum oculorum cadit. Quod ſanè, vt eſt veriſſimum, ita na-
turalis quoque rationi eſſe conſentaneum facilè intelliget,
quicumque medicinæ tantillum deguſtauerit. Nam quantò
excrementa abundantius extrorſum per cutem emittuntur,
tantò internas partes minùs poſſunt lædere, & tantò maiot
naturalis facultatis potentia ſignificatur. In vitiſis ergo cor-
porum diſpoſitionibus & cacochyimiis, exigua quædam in cute
effloſcere, ſignum malum eſt, quia impotentia expultricis
ſignificatur, & vt cauſa, parum confert, parum enim eſt quod
corpore exit. Quare meritò timetur malū partibus altioribus.
Vbi verò contrà, pluriſimum eſt quod extra cutem traditur vndi-
que à capite ad pedes totum intetius corpus manere purum eſt
conſentaneum, perinde accidit in vocariſ variolis, & morbillis,
ſcabiè, & aliis quibuſuis exanthematis. Nihil enim potius cen-
ſent Medici, quàm vt pro multitudinis ratione aut cacochy-
miæ, abundanter erumpant. In hanc ſententiam ſcripta ſunt
quàmplurima ab Hippocrate multis in locis, apertiſſimè verò,
& quod ad locum præſentem maximè facit, ſcriptum eſt lib. 2.
Epidemicū ſect. 2. his verbis, *Sed & qua ſub cutem abſcedunt
foras tubercula, velut putreſcentia, & qua ſeparantur, aut vlcus,
aut eiufmodi puſtula, aut ſquamma, aut deſtium capillorum, vi-
tiligines lepra aut eiufmodi, qua abſceſſus ſunt acernati ſtuentes,
& non ſemirepētes.* His verbis Hippocrates docet, has omnes ex-
cretiones excrementorum in cutem eſſe debere copioſas, non
ſemifientes, quia per copioſas excretiones manet mundum in-
terius corpus. Vides vt hæc omnia præterquàm quòd morbo-
rum animi curationi rectè accommodantur, ſunt phyſicè ſcri-
pta, vt etiam quæ ſequuntur.

*Caro autem & cuſus in qua vlcus natum eſt, & ſanatum, & in
loco vlcus cicatrix alba apparuerit ſine ſubruſ, adducetur homo ad
ſacerdotē. qui cū viderit locum lepra humiliorem carne reliqua, &
pilos verſos in candorē, contaminabit eum: plaga enim lepra orta eſt
in vlcere. Quod ſi pilus coloris eſt priſtini, & cicatrix ſubobſcura,*

& vicina carne non est humilior, recludet eum septem diebus, & si quidem creuerit, adindicabit eum lepra: sin autem steterit in loco suo, ulceru est cicatrix. & homo mundu erit. Caro autem & cutis quam igni exusserit, & sanata albam sine rufam habuerit cicatricem, considerabit eam sacerdos, & ecce si versa est in alborem, & locus eius reliqua cute est humilior, contaminabit eum, quia plaga lepræ orta est in cicatrice. Quod si pilorum color non fuerit immutatus, neque humilior plaga carne reliqua, & ipsa lepra species fuerit subobscura, recludet eum septem diebus, & die septimo contemplantur. si creuerit in cute lepra, contaminabit eum: sin autem in loco suo candor steterit non satius clare, plaga combustionis est, & idcirco mundabitur, quia cicatrix est combustura.

Nihil hîc aliud dicitur noui, quàm solere in iis qui parati sunt ad lepram, occasione præstare gignendæ illius vlceræ, siue quæ sponte sint nata, siue quæ iniusta, eò quòd soleat cicatricibus innasci. Neque mirum, quia sponte nascuntur vlceræ in partibus debilibus, ob prauos succos in eas motos, & quæ semel vlceratæ sunt, et si cicatrice obducantur, manent debiliores. Quapropter & ipsa vlceræ solent sæpe in ipsis partibus nouari, & materia lepræ in eadem parte emergere. Orta verò lepræ cas-
 Nota 10.
 serpens, & profundior reliqua cute, & pili mutati in candidum, veræ, ac malignæ lepræ notæ sunt contrariæ, mundæ scabiei. Quanquam enim in magnis profundorum vlcerum cicatricibus nullus pilus oriri soleat, eò quòd non cutis, sed velut crusta & callus innascatur: tamen in sponte nascentem vlcerum cicatricibus tenues cutes fieri solent, talesque, vr, nisi corpora sint cacochema, nullæ maneant maculæ, & omnia vlcerum vestigia euanescent. Quare talibus cicatricibus innascitur vil-
 Cicatrix
 de pilis.
 lus, vt cuti reliquæ. Considerandum verò hætenus, cum notas
 Cicatrix
 rubet.
 lepræ scriberet, non nisi candidæ maculæ meminisse, nunc verò dicere, *Et in loco vlceris cicatrix alba appaauerit, siue subrufa.* Illud nomen, *subrufa*, omnes interpretantur quasi dicatur subrubra: atqui macula lepræ in reliqua cute candida fit, in cicatrice verò relicta ex vlceribus sponte ortis fit aliquando subrubra, eò quòd sanguis quo pars nutritur, malè ob eius debilitatem mutetur, quæ causa macularum est.

Vir siue mulier in cuius capite vel barba germinauerit lepra, videbit eos sacerdos, & siquidem humilior fuerit locus carne reliqua, & capillus flauus solidoque subtilior, contaminabit eos, quia lepra capitis ac barba est. Sin autem viderit locum macula æqualem vicina carni, & capillum nigrum, recludet eos septem diebus & die 7. insuebitur. Si enim creuerit macula, capillus sui coloris est, &
 locus

locus plaga carni reliqua equalis, raderetur homo absque loco macula & recluderetur aliis septem diebus. Si die septimo visa fuerit steterisse plaga in loco suo, nec humilior carni reliqua mundabit eum, lotisque vultibus suis mundus erit. Sin autē post emundationem rursus creuerit macula in cute, non quaret amplius utrum capillum in colorem flauum sit commutatus, quia aperte immundus est. Porro si steterit macula, & capilli nigri fuerint, nouerit hominem sanatum esse, & confidenter eum pronunciet mundum.

Indicium
malignæ
lepræ.

Eadem ratio est dignoscendi malignā lepram ab scabie munda in capite & barba, & in aliis corporis partibus: nimirum quæ humilior est reliqua cute, & capillorum mutat aspectum, & sese effundit ac serpit maligna est, aut etiam quæ cum videretur esse munda, rursus emergit, redit, & serpit. Quæ contraria prorsus habet, nullatenus est maligna, ut certē de alia etiam lepra dictum est. Illud solum interest, quod in reliquis partibus, lepra affectæ cum sunt, pili mutantur in albos, in capite & barba in flauos & tenues. Huius causa est, quod capitis lepræ innasce solent achores, & ceria vocata, Medicis vulgō, ac quibusdam etiam Arabum Medicorum vocatur tinea. sunt verō vlcusculā quædam manantia succum quandam liquidiori melli similem: quod aperte indicat tali etiam sanie imbutam esse illis capitis cutem. Merito ergo tales inde capilli nascuntur, tenues inquam & flauī, ut certē ē reliquis partibus quæ salsa pituita imbutæ sunt, nascuntur albi. Causa illius est bilis flauæ tenuis cum salsa pituita permixtio, aut etiam cum portione aliqua atræ bilis. Res est certē experimento cognita, iis mulieribus præcipuē quæ tinea laborauerint, auro similes capillos oriri.

Achores.

Vir siue mulier in cuius cute candor apparuerit, intuebitur eos sacerdos, si deprehenderit subobscurum alborem lucere in cute, scias non esse lepram, sed maculam coloris candidi, & hominem mundum.

Vitiliginū
à lepra
differen-
tia.

Hic statuitur differentia inter maculā simplicem coloris candidi, eam scilicet quam vitiliginem albam vocant Latini, & Arabes gaudā, & inter lepram, aut deteriorem corporis infectionē, hoc est, præ uos lycheuas, lepram particulariter vocatam, & elephantem, qui lepra est deterior, & achora: nimirum ubi nihil aliud est quam candor quidam subobscurus, lucens in cute, neque scilicet humilior est plaga reliqua cute, neque pili nascuntur albi, neque tenues & flauī, neque serpendo crescit, hæc est vitiligo & non lepra, & homo mundus est.

Vir de cuiusvis capite capilli fluunt, caluus & mundus est, & si à fronte ceciderint pili, recaluastr & mundus est. Sin autem in caluitio,

caluitio, siue in recalcinatione, albus vel rufus color fuerit exortus, & hoc sacerdos videris, haud dubie eum lepra condemnabit, qua orta est in caluitio.

Caluities quædam naturalis dispositio est, quædam præter naturam & ex morbo orta. Quæ naturalis est, fit ob siccitatem curis regentis synciput. Velut enim ex arida terra, & duris lapidibus nullæ herbæ nascuntur, ita neque ex dura crusta simili facta cute nascuntur vlli pili. Et ij ipsi qui inerant deficiente humore arescunt, extenuantur secundum radices, & excidunt. Eam verò esse causam naturalis caluitiei constat, siquidem contraria causa nunquam caluescunt neque pæri, neque mulieres, neque eunuchi, quibus scilicet humiditatis, temperamentum redundat. Causam qua quibusdam ea cutis pars successit, Hippocrates sexto Epidemicon sectione tertia, reicit in cerebrum, quodd scilicet quibusdam extenuetur eo loco consistens substantia cerebri, fiatque minor quàm vt tangere possit ossa, & id accidere posse iuxta frontem, vbi angustior cerebri pars est: in aliis capitis partibus non ita. Atque ob id secundum synciput fieri caluitiem. Certè probabile est, quibus exterior anterioris capitis pars siccior est, esse etiam & interiorem sicciorē, ac proinde contractiorem, & ossa minùs attingere, atque ea rursus causa fieri ossa, & per ea cutem aridiorem, non tamen necessarium est. Mille enim inæqualitates temperamenti, secundum exiguas etiam & proximas particularas fieri euenit. Est tamen semper naturalis caluitiei causa naturalis siccitas, & durities curis syncipitis. Ob id, quibus ea pars siccior est, senescentibus fit caluitium, nimirum senescentibus naturaliter subrepat partium ariditas. Quæ verò fit præter naturam, & ex morbo, aliquando quidem vocatur à Medicis caluities, velut in aphorismo trigésimo quarto libri sexti, vbi dicitur *Quibus caluis varices sunt magna, ij rursus capillati sunt.* Ibi enim de præter naturam caluis sermonem haberi constat, vt Galenus docet in commentario, quia caluitium naturalis curationem nō admittit. Rarò verò vocantur id caluitium, sed alopecia, aut ophyasis. Alopecia quidem, si secundum ampla loca, ophyasis, si circularim excidat pili. Fiunt hæc ob vitiosos succos corrumpentes radices capillorum. Atqui in malignitate, aut abundantia eorum succorum magna differentia est secundum magis aut minus. Est aliquando tanta, tamque maligna ibi cacochymia, vt inter lepræ species annumeretur alopecia, ea verò cacochymia, nulla potius nota significatur, quàm maculis in debili parte obortis albis vel rufis. Ea enim significant cutis infectionem à falsa pituita, aut à bile

Caluities.

Caluitiei non obnoxij.

Alopecia.
Ophyasis.

Duobus
modis
homo fit
caluus.

bile ea quæ solet facere achoras, quas in lepris etiam esse diximus. Has ipsas notas cacochymia & alopecia recenset Galenus primo de compositione pharmacorum secundum locos cap. 1. quod est de alopecia, caluitie & ophyasi, his verbis: *Quales autem sint corrupti humores, ex colore cuius capitis cognoscet: aliquibus mutata albius apparet, aliquibus nigrior, aut pallidior.* Duobus ergo modis fieri potest ut homo caluus sit, & immundus, aut quod ipsemet succus prauus qui lepram parit, capillos corruerit, quod in malignis alopeciis euenit, ut videmus nonnullos ex achoribus factos caluos; aut quod in caluitio, alioqui naturali orra sit lepra. Vtrumuis fiat, significabitur, maculis cutis. Quod itaque hoc loco dicitur, est, cum cui à capite excident capilli, nullo alio accedente vitio, caluus esse hominem, atque si solum excident à fronte, vocari recaluastrum, non tamen ob id immundum esse: si verò in caluitie, aut recaluatione albus vel rufus color sit exortus, lepræ esse signum, quæ orta sit in caluitio.

Quicumque ergo maculatus fueris lepra, & separatus est ad arbitrium sacerdos, habebis vestimenta dissuta, caput nudum, os nesciente coniectum, condatinatum ac sordidum se clamabit. Omni tempore quo leprosus est ac immundus, solui habitabit extra castra.

Hoc idem reperies præceptum apud Paulum lib. 4. cap. 1. ubi de victu agit laborantium elephante, quæ quidem est pessimæ lepræ species, cuius hæc sunt verba: *Quoniam autem in contagiosis est hac passio non minus quam pestis. habitandum ii: est longissime ab urbibus, in mediterraneis, & frigidis, & parum habitatis locis. Atqui si fieri possit, etiam inde transeundem in loca proxima, & ob seipso, & ob alios, qui, ut par est, ibi erunt cum minori malo. Nam & ipsi convenientiori fruuntur aëre, & non communicabunt aliis malum.* Hæc Paulus. Quibus præcipit, ut qui immandi sunt ab urbibus in vicos. seu villas, quæ loca sunt minus frequentia habitatoribus, recedant. Atque ad id si fieri possit, etiam inde abeant in proximos agros, idque faciant, sui & eorum, quos eis est necessarium adesse, gratiâ. Nimirum morbus est contagiosus non minus quam pestis. In locis verò hominibus vacuis, & frigidioribus, ubi limpidiores perflant venti, ipsi fruuntur meliori aëre, & malum iis, qui illis necessario adsunt (non enim possunt ab omnibus destituti vivere) minus communicant. Hoc eodem consilio in pestilenti tempestate, homines primum recedunt à frequentissimis urbibus,

Vestendi
& viuendi
ratio.

deinde etiam per apertos campos vagantur, seorsum alij ab aliis. Huc etiam spectant quæ Moses hoc loco præcipit. Nimirum, quædam horum oportet leprosos agere sui gratiâ, quædam

dam aliorum, quædam utrorunque. Sui quidem gratiâ habere vestes dissutas, nuda rasâque capita, ut expirarent puridi vapores: gratiâ verò aliorum, habere os contactum veste, & clamare se contaminatum, & sordidum: quia nullo modo magis potest hominem inficere homo imundus, quàm expiratione quæ per os agitur. Admoniti ergo clamoribus, alij non accedent, si qui verò accedunt, recto ore minus inficientur: utrorunque verò gratiâ, habitare extra castra.

Vestis lanea siue lineæ, qua lepram habuerit in flamine atque sub tegmine, aut cersè pellis, vel quidquid ex pelle confectum est, si alba vel rufa macula fuerit infecta, lepra reputabitur, ostendeturque sacerdoti. Qui consideratam recludet septem diebus & die septimo rursus aspiciens, si deprehenderit crenisse, lepra perseverans est pollutum iudicabitur vestimentum, & omne in quo fuerit inuenta & idcirco comburetur flammis. Quod si eam viderit non crenisse, præcipiet, & lavabunt id in quo lepra est, recludetque illud septem diebus alius, & cum viderit faciem quidem pristinam non reuersam. nec tamen crenisse lepram, immundum iudicabit, & igne comburet, id quod infusa sit insuperficie vestimenti, vel per totum lepra. Sin autem obscurior fuerit locus lepra postquam vestis est lota, abrumpet eum & à solido diuidet. quod si ultra apparuerit in his locis, quæ prius immaculata erant lepra volatilis & vaga, debet igne comburi. si cessauerit, lavabit aqua ea quæ pura sunt secundo, & munda erunt.

Si verè dictum est à Paulo, lepram, in morbis contagiosis esse non minus quàm pestem, siquidem videmus pestis seminaria, vestibus, domibus & cubilibus, & etiam supellectilibus quibuscunque hætere consuevisse (per hæc enim omnia accidit fieri infectionē) constat & lepram posse, & vesti hætere, & domui, esseque posse, & domum, & vestem, ut pestilentē, ita & leprosam. Verum domum aliquā duobus modis euenit esse pestilentem. Aut enim ipsa ex se separata est ad gignendum eum morbum læditque incolas, velut domus malè perstabiles, & quæ similes sunt suffocatis tuguriis: aut ipsa quidē domus, ab aliquo, aut aliquibus incolarum qui laborauerint peste vitata est, & postea ipsa alios qui in ipsam succedāt, lædit. Itaque aut domus per sese est salubris, aut quod inquinamenta, seu seminaria contagionis receperit. An & leprosam vestem & domum fieri euenit duobus his modis, an altero, & quod eorum oportet inuestigare. Non enim aliunde rectius videmur posse ad præscriptæ orationis enarrationem procedere. Eius verò disquisitionis hoc est principium. Morbi contagiosi sunt, quos qui habent aliis communicant: constat verò eam morbi communicationem non posse fieri

Contagia.

Morbi
contagio
contactu
aliis com-
municatur.

fieri sine contactu, ut neque ullam omnino naturalem passionem, contactus verò esse potest sine medio, aut medium aliqua alteratione transmittente. Contactus sine medio, partium solum externarum, & quæ ad cutem pertinet esse potest. Alteratio non potest transmittere per medium, quæ vim generandi similem morbum habeat, quin ex corpore malè affecto substantia aliqua in corpus inficiendum deferatur. Nam si medium tantum aut caleseat, aut refrigeretur, siccetur, aut humectetur, aut aliam quampiam qualitatem nudam, ac sine substantia suscipiat, alterabitur similiter proximum corpus, non tamen proinde suscipiet morbum corporis longè positi. Hanc ob causam Galenus, non solum cum homo ab homine læditur, sed & cum p[ro]vincia à p[ro]vincia, dicit id fieri delatis pestilentia[rum] seminibus per aërem, hoc est, malignè putrescentibus vaporibus, seu corpusculis. Itaque cum contagione inficitur corpus quodpiam non proximum, necesse est à corpore in corpus putidum aliquid deferri, id verò potest transmittere, aut per respirationem, altero inspirante quod expiraverit alter, aut per insensilem illam evaporationem, quæ ex roto corporis habitu plus minusve semper fit. Hinc sequitur morbos omnes qui ad cutem pertinent, aut ad respirationis instrumenta, si cum aliqua maligna succorum qualitate & putrescentia sint, esse contagiosos, quia cutis contactu proximo, & insensibili evaporatione instrumenta respirationis, respiratione facillè inficiunt. Ob hæc cōtagiosa esse oportet omnia scabiei & lepræ genera, & exanthemata omnia malignitatis aliquid habentia, ut morbillos, & variolas, atque phthisim, sed & peripneumoniam, & pleuritidem, ac grauedinem quoque nonnunquam: cum scilicet, cum maligna aliqua materia[rum] qualitate consistunt. Sont etiam contagiosi alij, qui etsi neque ad cutem, neque ad instrumenta respirationis spectent, tamen ob malignam succorum intra corpus putrescentiam qualitatem, faciunt malignos vapores & expirari, & exhalari per corpus. Huiusmodi est febris pestilens, & morbus vocatus Gallicus, per quem aliquando nullum in cute vitium est. Itaque contagio omnis respiratione aut exhalatione fit. Id verò nonnunquam evenit, vaporibus qui expirantur aut exhalant, mox occurrentibus homini alteri, aut rei alteri, in qua asseruantur. Atque ita quidam homines inficiuntur ab hominibus, quidam à rebus aliis quæ ab hominibus inquinatæ sunt, velut à veste, à cubili, à dōmo, à sede, à poculo, poculum quidem, & domus, & sedes, non adeò solent lædere atque vestis, quapropter eis uti non est adeò periculosum, veste verò periculosissimum, cum

Morbi
contagiosi.

Vestium
infectio.

cum

cum in aliis, tum vel maximè in vitiiis cutis Nam vestis excipit sudorem, & inuisibilem expirationem ferè totam, ac per eam effunditur in ambientem aërem, per quem & cubili occurrit, & sedì, & partibus domus; vestis verò non solùm recipit hæc, sed etiam aliquando in cutis viriis, inquinatur sanie & sordibus. Fieri ergo hoc pacto vestem lepra infectam facile est, nimirum si putridam sanie eluerit à leproso, quam alteri afflicando similem infectionem generet. Hoc idem videtur posse accidere domui, quamquam tenuius, quam vestì. Atqui vestis inquinata, non solùm seruabit inquinamenta, sed etiam putrescet, eodem modo quo leprosi hominis cutis, nimirum putrescere potest vt & cutis, & putrescentia non dissimili. Quapropter præter rationem non est, maculas in vestibus similes fieri & crescere putredine serpente, vt crescit etiam in eis rinea, vbi situ obsitæ sunt, & non ventilantur. si verò indicatum est, posse vestem ita putrescere murato putrescendi principio ab hominis cute; itaque vestem & cutem posse putrescere eodem modo, quid prohibet quominus & ab eadem causa possint affectionis principium recipere, si modò est aliqua causa quæ utrique possit admoueri; ceterè esus leguminum, aut aliatum rerum prauì succi, parere potest elephantem aut lepram in cute, non tamen in veste nisi per cutem. in Epidemialibus verò constitutionibus per quas morbi aliqui tales populariter grassantur, & efficiens morbum causa est aëris intemperies. cur non possit vestis putrescentiam accipere ab aëre ipso, quam accipere posse diximus à cute? Tamen si enim, res adeò diuersas, differre naturis ac temperamentis opus sit, atque ita passionibus earum ab eadem causa non sint omninò similes: tamen ob communem naturam, qua sunt omnia, & animata, & inanimata putredini obnoxia, possint accipere putrescentias non omninò dissimiles, sed analogas. Neque verò nouum est in tempestatibus insalubribus, & magnis aëris intemperiebus, inanima etiam, corpora multifariam putrescere, & ex multiplici rerum putrescentia imminens pestis accipi significationem, ex aquarum fœtore, vestium tinea, vinorum acescentia & animalculorum quæ putredine generantur magno prouentu: vestes verò & ligna, atque adeò parietes, aëris alterationes sentire res est notissima Nam flante Austro hæc omnia putrescunt, Aquilone à putredine liberantur: adeò hæc est res manifesta vt mulieres ad flantem Aquilonem soleant vestes suspensas distendere, vt seruentur incorruptæ, Itaque haud est rationi aduersum in vestibus, domus lignis, aut lapideis putrescentiam aliquam analogam hominum

Legumi-
nū noxa.

Auster.
Aquilo.

Morbi
patrij.

Munditiei
vis.

Vestium
putredo.

Pediculo-
rum gene-
ratio.

lepræ generari: præcipuè per magnas abiectionis aëris intemperies, & morbosas constitutiones. Atque ita affecta seu vestis, seu domus, noxia erit hominibus, & passionem eam afferet ventibus, quæ eius infectioni est analoga. Atque ita possit esse vestis aliqua leprosa, etsi ea nullus antea leprosa, usus sit, atque sit domus aliqua non solum insalubris, sed & hunc aut illum morbum nata patere, ut leprosa domus, quæ incolas afficiat lepra, suntque ut morbi quidam proprii quibusdam oppidis, quos vocent Medici patrios, ita & proprii quibusdam domibus, quos licet appellare domesticos. Quare ubi in domo quapiam morbi frequentes sunt, seu idem morbi genus repetit, aut apprehendit plures, consultum sit domum mutare, ut urbibus etiam exeunt, qui in eis degunt insalubriter. Quod verò ad vestes attinet, nihil certè melius neque potius ad omnia cutis vitia, quàm uti mundissimis, novis, aut lotis crebrò: usque adeò ut sola mundities soleat esse satis ad curationem: ut contrà qui sordidis, & putrescentibus iam vestibus utuntur, raro sunt liberi ab scabie, & pediculis, & immunditiis eiusmodi, etiam si nullus unquam scabiosus eisdem vestibus usus sit. Nimirum potest ut vestis à cute, ita & cutis à veste infectionem recipere, & utrunque seorsum putrescere, & ambo sordida cum sunt, computresciant sese mutuò. Vitare ergo oportet vestes putrescentes, sordidas atque maculatas. Possunt enim vestes putrescere, & variis quidem putrescendi modis, ut varia vitia, nostræ cutis viriis analoga in eis oriri possint. Hinc sit ut rationi etiam consonum sit, fieri in veste siue lanea, siue linea, siue pellicea lepram, & habere easdem notas, quas in homines cute, maculam scilicet albâ, vel rufam, non ortas scilicet, ob liquores aliquos qui infusi sint, velut lac, aut ius aut oleum, sed sponte & sine causa manifesta, & crescere eodem modo, ac cætera habere, ut cutem, & similem esse rationem dignoscendi. Nam præter dictas, est in laneis aut pelliceis quædam peculiaris causa ob morbos animalium, ex quibus lana, aut pelles detractæ sunt. Nam scitum est illud, vestes ex lana morticinorum pediculos facere, ita verò & morbosorum alias infectiones. Qui verò alias felicitates aut infelicitates in domibus aut vestibus ponunt, & aspectus astrorum causantur, quibus sunt factæ, nugantur haud dubiè: dictæ verò sunt naturales causæ.

CAPVT XX.

L Euitici 14. capite : Locutusque est Dominus ad Moſem & Aaron, dicens. Cùm ingreſſi fueritis terram Chanaan, quam ego dabo vobis in poſſeſſionem, ſi fuerit plaga lepra in ædibus, ibit cuius eſt domus nuncians ſacerdoti, & dicet, Quasi plaga lepra videtur mihi eſſe in domo mea. At ille precipiet vt efferantur vniuerſa de domo, priuſquam ingreditur eam, & videat utrùm leproſa ſine immunda ſiant omnia qua in domo ſunt; intrabitque poſtea, vt conſideret lepram domus, & cùm viderit in parietibus ipſius quaſi valliculas pallore ſine rubore deformes, & humiliores ſuperficie reliqua, egredietur oſtium domus, & ſtatim claudet illam ſeptem diebus, reuerſusque die ſeptimo conſiderabit eam: ſi inuenerit creniſſe lepram, iubebit erui lapides in quibus lepra eſt, & proiici eos extra ciuitatem in locum immundum: domum autem ipſam radiinſecus per circuitum, & ſpargi puluerem raſura extra urbem in locum immundum, lapidesque alios apponi pro his qui ablati fuerint, & luto alio liniri domum. Sin auſem poſtquam eruti ſunt lapides, & puluis elatus, & alia terra liſa, ingreſſus ſacerdos viderit reuerſam lepram, & parietes reſperſos maculis, lepra eſt perſeuerans, & immunda domus: quam ſtatim deſtruent, & lapides eius ac ligna, atque vniuerſum puluerem proicient extra oppidum in locum immundum, quòd ſi introiens ſacerdos viderit lepram non creniſſe in domo, poſtquam denuò liſa fuerit, purificabit eam reddita ſanitate.

Diſputatum paulò anteà eſt de lepra quæ veſti, & domui, & rebus aliis inanimatis accideſe poteſt, indicatumque non eſſe id à Phyſica ratione alienum: ſed nunc quoque aliquid, vt res intelligatur meliùs; addetur. Conſtat res omnes corruptioni obnoxias, communem habere naturam cum animatis (atque adedò cum hominibus) & communem rationē pariendi. Nimirum conſtant eiſdem elementis, iisque contrariis: quamquam præter communem, habeat vnumquodque ſuam naturam, & præter elementa prima, habent animalia ſanguine prædita alia elementa minùs multis communia; & poſteriora, putà quatuor ſuccos: ſanguinem dico, pituitam, bilem, & melâcholiam; & ſingulæ animalium partes, præter naturam communem, quæ communicant inter ſe, & cum rebus omnibus corruptibilibus, habent ſuâ quæuis, qua & ab aliis partibus differūt, & à rebus inanimis, hæc natura eſt in proprio cuiuſque temperamento, & cōpoſitione. Atque, vt agere poteſt res animata & quæcunque eius pars, quædam quâ viuens: vt ſentit, & mouetur libere

Succi qua-
tuor.

Aktionen
& passio-
nes mo-
tus.

animal, cor pulsatur, ventriculus coquit, qua animalis pars quædam, qua res quædam est, ut alia quævis, velut cedit ab alto præcipitatur homo, non minus quam lapis, aut lignum, & manus aut pes hominis refrigerat, aut calefacit rem aliam cui admoetur, non certè qua hominis pars, sed ut fomentum: ita pati etiam euenit animal, aut quamcunque eius partem, quædam quæ animal est, aut animantis pars, quædam quæ res quædam, ut alia quæcunque corruptibilis. Nam delirat homo quæ rationalis, conuellitur aut resoluitur quæ motiuus: fastidit cibos quæ sensitium quoddam animal: utitur verò igne, madescit aqua, duratur frigore, ut & lignum, & corium, & lutum seu testa. Cum igitur passionibus quædam accidunt animantibus non quæ animantia sunt, constat eas omnes pati posse etiam res alias quæ animantes non sunt. Febrem ergo non patitur domus, neque vestis, neque cubile, neque mensa, neque sedes, quia cordis passio est, ea verò cor non habent. quare neque linquentur animo, neque patientur syncopè, neque sanè laborabunt phrenitide, neque lethargo, quia neque mentem habent, neque dormire possunt: neque tenebuntur fame aut fastidio cum sensum non habeant alimentis. neque pleuritide aut nephritide tentabuntur, cum neque latus habeant, neque

Febres.

Phlegmō.

renes: neque omninò laborabunt phlegmone quæ sanguine carent, quia phlegmon à sanguine fit, ac verò seindi, perforari, vri, ac putrescere, non minus potest pellis, pannus, linteus, lignum, lapis, & res quævis eiusmodi, quàm hominis os, caro, & cutis. Cum ergo scabies, & lepræ, & macularum genera omnia, quæ (ut nuper ex Medicorum veterum sententia diximus) non tam sunt morbi quàm deformitates, seu putrescentiæ quædam cutis, seu putrescendi modi, non est quòd non possint in rebus etiam inanimatis apparere, præcipue ubi à causa aliqua communi gignuntur, & populariter grassantur, aëre enim, qui solus communis popularium morborum potest esse causa, ut in initio commentationum primi Epidemicon Hippocratis indicant, tangit vndique atque circumstat inanima æquè atque animata. Non sanè erit omninò eadem affectio ab aëre, animatorum & inanimatorum, quia non erit idem vitiorumque apparatus: sed neque ipsa animata patiuntur eodè modo: differentia enim nonnulla erit lepræ, hominis, bouis,ouis, & suis: nimirum hæc omnia facit euariare (etiam cum efficiens causa eadem est) diuersus rerum apparatus. Præterea tamen ex earum omnium rerum affectiones, analogæ & propinquæ, adèd ut animatorum diuersæ naturæ & inanimatorum cum animatis possint esse contagium. Merito ergo passionum propinquarum
similes

similes sint dignotiones, & curationes, quod respiciens Moses eandem adhibere curam, & rationem dignoscendi iussit, siue lepra sit humanæ cutis, siue veltis, siue parietum domus: nimirum id vitium non viuendum solum est, quia non tam moribus quam putrescentia quædam est. Et ægrotare quidem sola Ignis imputribilis, vincenaria possunt, putrescere verò omnia præter ignem, ut docuit Arist. Hactenus de lepra.

CAPVT XXI.

L Euitici 25. cap. *Numerabis quoque tibi septem hebdomadas annorum, id est, septies septem, qua simul faciunt annos quadraginta nouem, & clanges buccina mense septimo, decima die mensis, propitiationis tempore, in vniuersa terra vestra. Sanctificabisque annum quinquagesimum, & vocabis remissionem cunctis habitatoribus terra tua, ipse est enim iubilæus.*

Cum vellet Deus sæculorum ordine decurrentium fines quosdam statuere, ut diuenditæ possessiones ad priores dominos deuoluerentur, redirentque alia post alia sæcula, per quinquagenos annos computationem eorum fieri voluit, quia quinquagesimus continet, & finit septem septennarios annorum, qui sunt quadraginta nouem, qua in lege magna naturæ ratio habita esse videtur. Nam cum mundus totus nullas naturales habeat ætates, siquidem neque interitum habet naturalem: habent tamen res omnes in mundo quasdam vilitudines & mutationes, secundum quas mundus ipse ætates habere dicitur. Hæ ætates partim sunt fatales, partim legales: fatales sunt, mutationes quædam contingentes articulis, & momentis à Deo destinatis, completo scilicet eo annorum numero quem Deus Optimus Maximus apud se habebat, velut regna, & imperia diuersarum gentium, & vicissitudines imperandi & seruiendi, incœperunt ac desierunt certis quibusdam annis, quorum numerus ab æterno erat apud Deum, dispensante omnia eius providentia. Legales velut hæ repetitiones rerum omnium diuendarum quas per quinquagenarios annos fieri semper, lege sancitum erat. Mirum verò quod & in numerandis fatalibus mutationibus, & in condendis legibus ad annorum curricula pertinentibus, videtur in sacris literis (in quibus nihil non est perfectum & concinnum) semper habita ratio septennarij numeri. Nimirum septimanis dierum redeuntibus tota vita, & sæcula omnia, ac totus mundi decursus constat, & hebdomadibus annorum redire voluit Deus & terræ sabbata.

Iubilei
considera-
tio.

Mundi
ætates.

Septenna-
rij ratio
in vita.

Hebdomadarum
principiis.

Clymaterici
dies.

& hebdomadatum hebdomadibus, annos Iubilei. hæc verò omnia sunt legalia. Sed & fatale tempus aduentus Domini nostri **ISSV CRISTI**, à tempore quo Cyrus edicto iussit reedificari templum, aut quo Isaias reedificandum prophetavit, numeratum est per hebdomadas annorum, Daniel. 9. Atqui hæc fatalia & legalia, respondent etiam naturalibus. Nam ut mundus totus septem diebus consistit, ita homo septem diebus formatur, & vsque ad septem dies sine refectione durat, & ætates hominum per septennia recipiunt mutationes, & tota hominum vita septenniis numeratur. Vnde solenne fuit antiquissimis Philosophis clymatericos, seu scalares annos vocare quosdam, quibus frequentius quàm aliis mori homines soleant: ij verò sunt qui septenniis clauduntur: in quibus præcipue quadragesimus nonus, & sexagesimus tertius: quod primus constet septem septenniis, secundus nouem septenniis. Vocabant veteres (tetigit hoc Plinius lib. 7. cap. 49. atque nos quoque antea super cap. 6. Geneseos diximus,) hos annos scalares, quod vita hominis, velut per scalæ cuiusdam gradus ascenderet: gradus verò essent ipsa septennia, & singulis gradibus, in ipsis insignibus vitæ mutationibus, contingeret multos decedere, velut in mortem præcipitatos; nouis illis articulis vitæ occurrentibus morbis, præcipue verò ex septimo & nono gradibus. Ac proinde celeberrimi clymatericorum esse dicuntur quadragesimus nonus, & sexagesimus tertius, & experimento dicitur cognitum, his temporibus plurimorum hominum vitas concludi. Quare consonum naturæ etiam fuit, hunc eundem finem sæculi vnus statui, & numeratis quadraginta nouem quasi iam finito vno sæculo, res nouas rediri, & diuendita restitui suis familiis. Clymaterici etiam numeri videtur obseruata lex in Danielis Prophetia; ita enim dicitur: *Post hebdomadas sexaginta duas* (putà sexagesima tertia hebdomada) *occidetur CHRISTVS*. Magna profectò pulchritudo & perfectio est in numeris, atque Deus vt fecit omnia in pondere & mensura, ita & gubernat, quod cap. 11. Sapientiæ dicitur, quo in loco (si Deus concesserit) plura de hac re, & de Philosophia Pythagoricorum disputabuntur.

CAPVT XXII.

CAp. 17. Num. *Provideat Dominus Deus spiritum omnis carnis, hominem qui sit super multitudinem hanc.*

Philosophi omnes qui palingenesiam afferebant, censentes animantium omnium esse communes animas (in quibus fuere Pythagorici, atque ut ego censeo, Platonici, & ut ex Avicenna libello qui Arabicè inscribitur *Almahat*, accepimus, nunc quoque sunt omnes Mahometani) locum hunc in suam sectam traherent, affirmantes esse spiritus communes omnis carnis, hoc est, animalium omnium, atque omnibus esse spiritus, hoc est, spirituales quasdam animas, separabiles, & valentes inde migrare, siquidem Deus esse dicitur spiritum omnis carnis, carnem enim vocari in sacris eloquiis non humanam solum, sed belluinam etiam constat: siquidem cap. 9. Geneseos dicitur, *Omne quod movetur & vivit, erit vobis in cibum, quasi olera viventia tradidit vobis omnia, excepto quod carnem cum sanguine non comedetis.* Ibi carnis nomine caro animalium, quæ homini in cibos data sunt, intelligitur. videtur ergo hæc quoque affirmari, omnium carne præditorum animantium esse communes spiritus, aut saltem si non communes, singulis generibus eorum suos. omnibus tamen spiritus aliquos, seu spirituales animas quibus vivant. verùm hæc omnia falsa sunt, & absurda. Animas enim quæ simul & actus corporis: & spiritus quidam separabiles sunt, soli habent homines: reliquorum animæ nihil sunt aliud, quàm actus corporum sanguine viventium. Hoc autem loco, *Omnis carnis* nihil aliud est, quàm si diceretur, *omnium hominum*, ut apud Isaiam, *Et sciet omnis caro, quia ego Dominus salvans te.* & rursum, *Videbit omnis caro salutare Dei nostri*, & in Psalmo, *Ad te omnis caro veniet.* Neque alicubi videtur omnis caro, significare aliud, quàm omnes homines. Nomen verò spiritus in sacris literis sæpissimè significat spiritalia animæ dona, velut capite 11. libri Numerorum dicebatur, *Descenditque Dominus per nubem, & locutus est ad eum, auferens de spiritu qui erat in Mose, & dans septuaginta viris.* non enim abstulit à Mose partem animæ, sed transfudit ad eos spiritum Prophetiæ. Hoc etiam significato, dicitur spiritus sapientiæ, intellectus, & timori Domini. Hoc etiam modo petebat Eliseus dari sibi spiritum Eliæ, non enim animam. Dicitur ergo, ut ego existimo, *Deus spiritum omnis carnis*, quia distribuit omnibus hominibus spiritalia dona, ut vult nugacissima verò palingenesia, nullum hinc accipere potest administraculum.

Spiritus
liu confi-
deratio.

Differen-
tia animæ
hominis à
brutorū.

Spiritus
pro dono.

CAPVT XXIII.

DEuter. cap. 4. Ne foris decepti faciatis vobis sculptam similitudinem, aut imaginem masculi vel femina, similitudinem omnium iumentorum quæ sunt super terram, vel avium sub cælo volatiliū, atque reptiliū quæ moventur in terra, siue piscium qui sub terra morantur in aqua.

Pisces an
sub terra.

Terræ
globus.

Eadem verba scripta sunt c. 20. Exodi. Euenit dubitare, cur pisces dicantur esse sub terra, si sunt in aquis, cum aqua, iuxta Philosophorum sententiam, ut est tenuior ac lenior, ita & superior quam terra. Certè si aqua super terram sita esset, inundaret totam terram, effluens & quærens partium suarum æqualitatem: sin autem terra supra aquam locata esset, rueret, & ita sub aqua sese mergeret (nam quo pacto terræ pondus supra aquam sustentaretur?) atque terra non posset aqua irrigari, quod ad generationes rerum est apprimè necessarium. Nulla ergo alia ratione potuerunt terra & aqua ad sese mutuò aptari, ut generationi subseruirent, quam ex ambabus sese mutuò secundum magna spatia penetrantibus, vnicò conflatò globo, & eadem vtriusque existente torunda superficie, ita ut neutra subsistat neque supersteret, & vtraque contineat & contineatur. Ita enim neque terram in aquam ruere, neque aquam terram euenit inundare, sed irrigare solum, & fecundare, partimque patet Soli aqua, ut copiosus inde eleuetur vapor, densatus postea in aquam descendens: partim terra, generationi spirantium animalium & vitæ idonea, si verò hoc ita haberet, vnicusque globus constaret terra & aqua, ut vel umbra indicat in eclipsibus lunæ, & eadem est terræ & aquæ superficies, constat, quæcunque intra aquam degunt, esse sub terra, quæ repentinè adhærent terræ, esse in terra, quæ vero cruribus hærentia per terram gradiuntur esse super terram, pisces igitur morantur super terra, cum præcipue sub ipsa aqua, intra terræ cauernas se recondant.

CAPVT XXIV.

Cap. 21. Deut. Non intrabit eunuchus attritis vel amputatis testiculis, & abscisso veretro in Ecclesiam Domini.

Eunuchi.

Antiquitus utebantur Principes eunuchis ad custodiam mulierum, unde & nomen illis datum, est, *ἰουδαῖοι* enim Græcis est idem, quod Latinis cubilium custodia, seu custos. Hanc ob causam multi proprios filios tenellos adhuc, eunuchos faciiebant, quod scilicet seruirent principibus. Paulus lib. 6. docet modum

modum faciendi, quem Græci vocabant *ιουχιον*. Erant verò faciendi multi modi. Quidam enim fiebant excisione testium, quidam veretris etiam cum testibus qui mingeabant fistula aenea, ut nunc quoque quibus ob morbum ea pars est secta, quidam fiebant testiculorum attritione. ea verò erat, Puello in balneo demisso, paulatim testiculos atterere, usque dum velut dissipati evanescerent, atque contorquere, ut vena qua alimentum illi defert, velut nodo interciperetur, atque ita illi tabescerent. Itaque erant eunuchi testibus excisis, solus, aut etiam cum veretro. Et contritis, qui propterea vocabantur Thlibæ. Thlibæ. Hoc dicit Paulus: præstare exsectos contritis, quod hi appetere venerem non desinant. Hos omnes prohibebat Moses Ecclesiam ingredi, quasi mutilatos, & imperfectos homines. Alij ab Spado. his sunt, qui vocantur spadones, hi enim nullius partis patiuntur mutilationem, sed naturale quoddam vitium: quod qui habent, congregari possunt, & erigunt, instigantur ad Venerem: ob flexuram verò, aut conniuentiam vitæ, non possunt emittere, atque idcirco neque generare.

CAPUT XXV.

Vigesimo secundo Deuter. Si duxerit vir uxorem, postea odio habuerit eam, quæsieritque occasiones quibus dimittat eam, obiciens ei nomen pessimum, & dixerit, uxorem hanc accepi, & ingressus ad eam non inveni virginem: tollent eam pater & mater eius, & ferent secum signa virginis eius ad seniores urbis quæ in porta sunt, & dicet pater, filiam meam dedi huic uxorem, quam quia odit, imponit ei nomen pessimum, ut dicat, non inveni filiam tuam virginem, & ecce hæc sunt signa virginis filia mea, expandent vestimentum coram senioribus civitatis.

Ex his verbis constat, apud Hebræos fuisse in more positum, ut mulieres viris desponsatæ, abstinerent ab eorum congressu, usque dum ab eis ducerentur, tuncque substrato linteo coirent, quo virginis signum, hoc est, virginis corruptione profluens sanguis, in illo colligeretur: atque id linteum daretur puellæ patentibus, quod illi acceptam (non arbitror sine multis testibus) assestarent, ut virginis filia, usque in nuptialem diem assestaret, testimonium. Sed evenit hoc loco dubitare, quid intersit inter virginem & corruptam: quæ sint illa claustra virginis, quorum dilaceratione sanguis effluat. si enim nulla sunt, haudquaquam videretur necessarium, ut corruptenda virgine sanguis effluat: sin autem necessarium non est, fallax & periculosa erat ea ratio diiudicandi, qua explicato vestimento,

De virginitate multa.

Virginis exploranda ratio.

Virginis
aperiendæ
ratio.

Nympha
virginæ.
Sarcosis
vteri.

vestimento, seu linteo, in quo primùm coierant, vti iubebant senes. Cerrè vt cuius dissectionis perito constare potest (quamquam sunt quidam dissectiones, qui esse in ore vteri virginibus membranam quandam annuli forma affirmant) nulla pars est in vteri ore, aut ceruice, quæ virginitatis custodia sit & in corruptione pereat, sed angustia tanta, & symphysis, seu coalescentia labiorum tanta, vt sine dilaceratione partium quæ symphysis coierant, admittere virile membrum non possit: quare necesse est sanguis effluat. Atqui tanta coalescentia earum partium, vt sine dilaceratione id non admittat, naturalis est. Multis verò per morbos, aut vitiosam naturam tanta est obturatio, vt corrumpi faciliè non possint, aut si corrumpantur quatenus possint concipere, non tamen deinde dehiscant adedò eis vteri, vt possint parere, nisi aperiantur ab obstetrice. Nonnullæ adedò magnam adstrictionem eius partis habent, vt vel menstruæ expurgationi impedimento sit. Obturantur verò seu clauduntur vteri ora, vel symphysis (vt dictum est) magna, vel oborta ibi re aliqua præternaturam, vt caruncula, aut membrana. Adnasci enim solèt multa ori vteri, quæ excisione indigent, vt vocata Nympha, & vocata Sarcosis, caro scilicet inde prominens, in modum caudæ, & thimi, & condylomata. Horum excisiones, & clausuras aperiendi rationem, docet Paulus libro sexto: horum verò nunc meminimus, vt diceremus, conclusiones has omnes, quæ re aliqua ibi orta, siue carne, siue membrana, quæ adedò dura quibusdam mulieribus ibi est, vt sit quasi quædam cartilago, siue tubercula, vitia esse naturæ, siue morbos: virginitatem verò in natura liquadam, & satis superabili partium adstrictione, & symphysis, seu coalescentia esse, ob eamque corrumpenda virgine, sanguinem necessariò effluere. Hinc fit, vt esse possint, sintque re vera medicamenta ad emendandam virginitatem, quæ adstringunt scilicet, & corrugant partem nouæ nuptæ. Ergo vbi primùm cum viro coisset, non erat præter naturam linteæ contemplari, atque vbi sanguine essent infecta, velut virginitatis indicia asseruare. Vt enim nihil haberent sanguinis, duorum alterum esse in causa poterat, vel quòd mulier corrupta ad thalamum accessisset, vel quòd ob vteri nimiam clausuram, aut etiam ob viri frigiditatem corrumpi non potuerit, tuncque huius rei periculum esset faciendum, ostentata muliere obstetricibus & Chirurgis, vt constaret, an tunc quidem, an antea fuisset corrupta. Hæc ita habere faciliè intelliges, si perlegeris libellum Galeni de dissectione vuluæ, ac multò magis dissectionem vaginalis vteri faciens.

CAPVT XXVI.

DEuter. cap. 30. *Si ad cardines cœli fueris dissipatus, inde te retrahet Dominus Deus tuus, & assumet.*

His verbis nihil aliud significatur quàm si diceret, si ad extremas terræ regiones, quæ sub polis Arctico, & Antarcticis sitæ sunt, relegeris, inde te in tuam patriam reuocabo. Sunt enim duo mundi poli, puncta cœli quiescentia, in quibus, & circa quæ, velut cardinibus quibuscuna voluitur cœlum rotum. Constat homines dissipatos, non mitti in cœlum, neque in ipsos polos cœli, sed cardinum cœli, seu polotum nomine, significari regiones sub illis sitas. Hæc verba antiquitas omnis puraret dicta per hyperbolem: quandoquidem tota sibi persuaserat è quinque orbis regionibus, quarum duæ extremæ sub polis essent, circulis arctico, & antarktico, finitæ, alia media inter tropicum Cancræ & Capricorni, aliæ duæ mediiores, hæc scilicet quam incolimus inter tropicum Cancræ & circulum arcticum, & alia ei respondens inter tropicum Capricorni & circulum antarcticum: duas tantum has mediocres, esse hominum habitationi idoneas: tres alias inhabitabiles mediam æstu, extremas frigore. His addebant Christiani, ne eam quidam quæ nostræ regioni responderet, ultra Capricornum, sitam habitari. cum enim ab vno Adamo omnes homines fluxerint, si per mediam illam regionem, quæ sub Zodiaco est, inter tropicos penetrare nullo modo possent, fieri non posset vt ultra & citra illam homines essent, sed ea tantum mundi in parte in qua Adamus creatus esset. Hanc ob causam Diuus Augustinus putauit, omnino nullos esse Antipodas. si igitur quinque mundi partiū aut vnica, aut duæ tantum hominibus essent habitabiles, nulli possent habitare sub polis, quare neque ad cardines cœli relegari, neque reuocari inde. Quapropter antiquitas verba hæc, *Si ad cardines cœli fueris dissipatus inde reducat te*, non aliter acciperet dicta ac illa, *Si ascēdero in cœlum, illic es, si descēdero in infernū, ades*. non scilicet quod possint homines traicere ad cœli cardines, magis quàm in ipsum cœlū ascendere, sed per hyporthesim impossibilem, vt ita significaretur, quàm esset Deus paratus populum suum reuocare: quod scilicet vel ex mundi cardinibus esset reuocaturus, si eò posset dissipatus mirri. Tempus verò rerum omnium magistræ, euidenter indicauit illum antiquitatis errorem, neque vllam mundi partem cœli causa inhabitabile esse, sed omnia coli, ultra, citra, & inter

De mundi
polis.

Quinque
orbis re-
giones.

Antipo-
das.

inter tropicos, ac citra circulos arcticum & antarcticum: neque hominum dispersionem intra tam angustos fines sterile, sed in vniuersum terræ orbem, esse factam: atque quamquam alij aliorum ob magna locorum dissidia sint obliti, tamen Dei prouidentiam, eos, more eius qui seminat, hæc & illac, quoquò versus diffudisse, ita vt nulla pars hominibus alendis idonea, sine Adami semine relinqueretur. Hanc disseminationem, nulla neque memoria hominum, neque historia cognitam, nobis in hoc sæculo, velut digito indicauit, secundi Adami, hoc est, I E S V Domini nostri seminis, hoc est verbi Dei disseminatio. Iam enim Chritisticolæ, Dei prouidentia omnia machinante, perlustrarunt Orientem & Occidentem: transilierunt vtrunque tropicum, viderunt antarcticum polum: ac penetrauerunt versus arcticum nauigantes, arcticum circulum; quo pertingunt, vt nobis referunt, in extremo Nouergix, Frinirachia, & Iub ipsomet polo, Simachia (author est Olaus Archiepiscopus) videruntque hæc omnia ab hominibus habitari: quibus & Euangelium plurimas iam in locis prædicauerunt. Itaque iam fieri incipit (quod verbis præscriptis insinuaatur) vt qui dissipati, ac segregati à conuictu populi Dei sub cæli cardinibus habitabant, nunc ad veram fidem, & Ecclesiæ vnitatem reuertantur: speramusque breui futurum vt cum magna I E S V C H R I S T I gloria, sanctissimum eius nomen vbique colatur, & vt videant omnes gentes salutare Dei nostri. Neque certe omnes antiquos latuit habitari posse totum orbem. Nam Anicenna, vt erat philosophus eximius, intellexit fen. secunda primi, doctrina secunda, capite octauo, locum sub linea æquinoctiali, habitationi hominum longè opportuniorem esse, quàm qui sub tropicis: duobus argumentis. Primo, quòd Sol citius recedat à capitibus ibi habitantium, bisque in anno, nunc in hoc, nunc in illud latus: à capitibus verò habitantium tropicos tardiùs multò, ac in anno semel. causa verò celeris recessus ab æquinoctiali, est ascensus obliquus Zodiaci; tardi verò à tropicis, ascensus rectus. Hinc fit, vt minori tempore fiant maiores dierum in longiores, & breuiores mutationes, circa æquinoctia quàm circa solstitia. Atque aded hinc nomen solstitiis datum est, quòd in illis stare videatur Sol, vt declinat lentè. Secundo, quod in eo loco nunquam est dies nocte maior, sed æqualis semper; quare cum sit dies splendoris & caloris, nox tenebræ & frigoris mater, in causarum æqualitate erit omnium mediocritas & temperies. Cum igitur sint tres caloris causæ, vicinia, reëtitudo, & mora Solis, reëtitudo & mora multò plus possunt, quàm vicinia. Omnes enim

Orbis totus habitabilis,

Tres causæ caloris.

Astrologi

Aſtologi norunt, in æſtate longiùs abeſſe à nobis Solem. quia eſt in auxe, quàm in hyeme, quia eſt in oppoſito auxis : tamen quia reſtitudo radiorum, & dies maior eſt, calent tantò magis omnia per æſtatem. Cùm ergo ſub æquinoctiali citiùs ac pluries declinet Sol, & dies nunquam ſint longiores noctibus, commodior multò ſit ibi habitatio quàm ſub tropicis, atque adeò omnium commodiſſima : quod noſtri iam habent perſpectiſſimum. ſimili etiam argumento ſuaderi poteſt, etſi id nondum ſit adeò perfectum ſub ipſiſſimis polis poſſe homines habitare. eſt enim in eo loco totus annus dies vnica, quandoquidem æquinoctialis linea, eorum horizon eſt. habent ergo conſpicuum Solem menſes ſex, & totidem latentem. itaque & in mundi medio, & in extremis, æternum æquinoctium eſt, tamen hoc intereſt, quòd ſub polis nunquam recedit Sol ab horizonte vltra viginti gradus, ac proinde nox tota crepuſculi ſunt (nam & apud nos vſque dum triginta gradus mergitur ſub horizonte Sol, crepuſculum eſt) ac licet dicere ibi nullam eſſe noctem, ſed tempus totum Solis, aut crepuſcula. cùm ergo ea regio vincat proximas, ac reliqua Septentrionales, plus dierum longitudine, quàm reſtitutione radiorum vincatur, & vicina multò minùs frigida, & habitationi opportuniore ſit, quàm ille. Qua cauſa mihi perſuadeo, vt quæ eſt ſub æquinoctio, commodior eſt quàm quæ ſub tropicis, ita eas quæ ſub polis, commodiores eſſe iis quæ ſub circulis artico & antarctico. Quòd ſi mediam & extremas regiones habitationi idoneas eſſe indicatum eſt, conſtat totum terrarum orbem habitabilem eſſe. duas enim reliquas, & mediocres conſtat habitabiles eſſe, ſiquidem earum altera eſt hæc quam incolimus, cui reliqua, & quinta ſimilis prorsus eſt. niſi igitur pars quæpiam ob ſoli incommoditatem eſt inhabitabilis, ob cæli tamen & Solis poſitum, nulla eſt in toto orbe. Labet hoc loco admirari Dei. Opt. Max. ſapientiam, ex Solis corporis omnium quæ vita carent præſtantiſſimi poſitu & curſu. Eo enim illum loco apparuit, & cum curſum inceſſanter tenere iuſſit, quo ſolo poterat omnes mundi partes habitationi facere idoneas, & vtrique mundi lateri virtutem ſuam iuſtè ac æqualiter impertiri. Ferrur enim Sol per mundi medium inter duos cardines, non ita tamen, vt per eandem lineam ſemper latus, æqualiter ab vtroque ſemper diſtet; ſed latus obliquè, nunc in hoc, nunc in illud inclinet : ita tamen vt inæqualis illius diſtantiæ æqualitas, temporum æqualitatem quandam faciat. Ita ſit vt omnibus virtutes largiatur, per viciffitudines rerum generationi neceſſarias. Si enim Sol citra, aut vltra æquinoctialem lineam ſemper

Æſtini
caloris
cauſa.

De ſole
multa.

semper confisteret, oppositi poli partibus nunquā illucesceret. Quapropter, sub æternis tenebris, haudquaquam esse possent hominibus alendis & seruandis aptæ, & poli alterius partibus nunquam occultaretur, quare alterum mundi latus nesciret noctem, alterum diem. Neutrum verò amat hominum vitæ, neque terræ natura; quæ luminis & vmbriæ, caloris & frigoris vicissitudine fœcundatur. Præter hæc, ea mediætas mundi, intra quam Sol se semper contineret, irgeretur calore, multò plus, ac secundum partes longè maiores quam opposita altera frigore: neque partes mundi æquè distantes à polis & à mundi medio, æqualibus gauderent diebus & noctibus. Quapropter haudquaquam Sol mundi partibus omnibus virtutes suas impertiretur, secundum æquabilitatem, & iustitiam, ut nunc facit: quam tamen iustitiam distribuendi virtutes æqualiter secundum latera, si, ut Galenus animaduertit, adèd natura seruauit in formandis, regendisque humani corporis partibus, multò magis seruari in maioris mundi formatione oportuit. Si verò Sol per ipsam lineam æquinoctialem semper ferretur, ita ut neque in hoc, neque in illud latus inclinaret, nulla ratione deterius posset mundo & hominum vitæ seruire, quia partes sub polis sitæ, neque diem neque noctem haberēt vllam, sed in horizonte Solem semper, cuius dimidium spectarent, quod parum omninò abest ab æterna nocte. Neque Sol in horizonte semper volutatus, posset satis calefacere, ac fœcundare terras, quas nunc cum viginti tres gradus supra horizontem eleuetur, tamen calefacit tenuiter. Iam verò terra mundimedia, rectum semper supra se Solē sustinere non posset, sed vreretur: arque hæc & aliæ omnes mundi partes, cum nullis potirēt vicissitudinibus, sed eodem modo semper afficerentur, nequaquam possent generationibus esse aptæ. Non enim potest idem, & eodem modo habens tempus, sementi & messi, neque vindemiæ, & putationi esse aptum. Nimirum ut omnis generatio est ex contrariis in contrarium, ita inter contrarias versari causas debet, quia contrariorū contrarias esse causas necesse est. Nisi igitur Sol per mundi mediū ferretur obliquè, nunc in hoc, nunc in illud latus nutas, nequaquam esset mundus hic idoneus generationibus. Quid ergo superest, an ut obliquitas Solis minor esset, aut maior quam nunc est: sed ponamus primum esse minorem, velut v. g. recessus Solis ab æquinoctiali, quàm nunc sunt viginti trium graduum, esse si placet tantum decem, quid fieret? Primum quidem oportet Zodiaci ipsius amplitudinē, quæ nunc duodecim graduum est, ad proportionem contrahi: in tanta autem Zodiaci angustia, duplo plures congregerentur Planetæ in ecliptica, ac

duplo

Genera-
tio in
quo.

daplo plures fierent eclipses, & virtutū cælestium subtractiones, quod non videretur citra noxam accidere. Præterea, quanto minor esset Zodiaci obliquitas, tãtò essent minores temporum vicissitudines, & tantò minus tempora à temporibus dissiderēt. quapropter sub æquinoctiali, vbi parum nunc tempora dissidēt, haudquaquam esset sufficiens ad generationes vicissitudo, ac ferè perinde esset atque si per æquinoctialem semper volueretur: si verò obliquitas esset maior quàm nunc est, vt si v.g. recessus Solis ab æquinoctiali qui nunc est viginti trium graduū, esset quadraginta, illæ solum mundi partes quæ sub Zodiaco essent, coli possent: reliquæ sustineri non possent, partim tantam temporum diuersitatem, partim tantum Solis recessum. Natura enim animantium cùm nihil quod sit nimium sustinere possit, omnium minimè sustinet causarum contrarietatem. quare si extrema Moscouiæ pars multò fieret frigidior quàm est, haud esset habitationi idonea. maius enim esset id frigus, quàm vt viuere quidpiam in eo posset. Sed neque Africa, si vt nunc æstate æstuans, hyemes haberet quales Germania, habitari posset, quia tantam mutationem aëris haudquaquam possent homines sustinere. si verò Sol recederet gradus quadraginta ab æquinoctiali, nunc in hanc, nunc in illam partem, gentes quæ sub Cancri tropico degerent, aut viginti gradus distarent à tropico, æstuant vt nunc Africæ intima, ac nihilominus hyemes haberent quales Germania: recederet enim ab eis Sol centum gradibus, ipsi verò Cermani, ac multò magis qui sub circulo essent arctico, haudquaquā possent hyemis frigus sustinere, quia recederet ab eis Sol multò magis, nunc verò malè sustinent. Cùm igitur quæ habitationi sunt futuræ idoneæ mundi partes indigeant mutationibus, non quibusuis, sed quibusdā si Sol per angustiores versaretur circulum, minores essent vicissitudines temporum, quàm vt generationi rerum essent satis: si per ampliore, maiores quam vt sustineri possent. Deus verò hæc exactissimè computauit, vnde argumentū accepit gloriæ Dei Dapid Psal. 9. dicens: *Cæli enarrant gloriam Dei, & rursus, In Sole posuit tabernaculum suum & ipse (Sol scilicet) tanquam sponsus* (hoc est, pulcher & ornatus) *procedit de thalamo suo à vertice cæli exultauit ut gigas ad currendum viam* hoc est, fertur citra defatigationem mirabili celeritate, *à summo cælo*, hoc est, ab Oriente, *egressio eius, & occursum eius usque ad summum eius*, hoc est, vsque ad Occidentem, *neque est qui se abscondat à calore eius*, hoc est, eum tenet cursum, & eo semper circulo voluitur, vt nulla mundi regio sit quam non illustret, calefaciat, & fecundet, facietque plus aut minus, satis tamen habitationi idoneam.

CAPVT XXVII.

CAp.9 Iudicum : Nunquid possum deferere vinum meum quod
classificat Deum & homines ; rursum Psal.1.c.3. Vt educas pa-
nem de terra , & vinum latificet cor hominu , & panis cor hominis
confermet. & c.35. Prou. Date siceram mœrentibus , & vinum iis
qui amaro sunt animo , bibant & obliuiscantur egestatis suæ , &
doloris sui non recordentur amplius.

De vino
multa.

Potionum
genera.

Panis.

Mayz.

Vinum, quod est Noë inuentum, est succus vix maturati-
one perfectus. Ita dico, quia recens expressus, neque per eant
ebullitionem quam ciet naturalis ipsius calor perductus ad
perfectionem , mustum potius est & potui minime aptum , ac
si quis poterit,noxium. Multæ aliæ potiones sunt illi nōnihil si-
miles quibus in penuria homines pro illo vtuntur, vt quæ no-
stris Cantabris vocatur *Sidria*, quæ *Cernisso* Belgis , quæ Ger-
mani *Medo*, quæ omnes potiones vno nomine Hebræo vocari
possunt *Sicera*. Id enim nomen tribuebatur potioni omni , quæ
potest inebriare vini more. Atque ob id datur mœrentibus &
in magno aliquo labore constitutis vinum , aut sicera ad obli-
uionem egestatis & doloris. Quatenus hoc faciendum aut ca-
uendum sit , Theologis mitto dicendum , ad me tantum spe-
ctat, quod pertinet ad naturam. Itaque potiones sunt multæ ex
multarum rerum succis paratæ . & simplices & compositæ,
sola tamen ea quæ ex succo fit vix , vocatur vinum. Ita etiam
antonomasticè, ac propriè vocatur panis, qui paratur ex farina
triticea subacta cum aqua : qui verò paratur ex aliorum fru-
mentorum, aut leguminum (nam ex his omnibus parari solent
in caritate annonæ) farinis, aut cum alio succo . dicitur panis
cū adiecto vt panis hordeaceus, typhaceus, fabaceus, aut apud
Indos ex mayz (ita illi vocant quoddam genus frumenti , ex
quo parabant sibi panes) aut panis dulciarius , aut lacticinuss
panis verò simpliciter , est qui ex triticea fit farina cum aqua.
Inter ea omnia quibus vescuntur homines , panis & vinum te-
nent primas, quia alij omnes cibi dati sunt hominibus ad deli-
cias, & ad abundantiam : hi verò ad necessitatem & sufficien-
tiam, & his maximè vtuntur homines. Nullis cum maiori malo
carere potest , & nullis magis contenta est natura : quia sunt
omnium optimè parabiles, mortalibus omnibus maximè com-
munes, optimè omnium nutrientes: non tamen panis & vinum
eodem modo, neque eisdem de causis, sed panis, quia substan-
tiam

tiam habet bene crassam, boni succi, & cum substantia nostra bene agglutinatur, habetque tantò plus alimenti, quantò medicamenti minus, cum sit moderatum quiddam, neque calidum, neque frigidum, neque humidum, neque siccum, neque faculrate vlla medicamentosa, vt expurgandi, aut sistendi, aut laxandi, aut aliud eiusmodi faciendi, sed si quid tantillum inclinatur in calidum, quo natura gaudet & fruitur. Itaque est panis pro omnibus cibis, quia mediocritatem tenet omnium, & tenuium, & crassorum, & faculratum medicamentosarum maxime expers, vt sit mere alimentum. Has ob causas symbolum est omnis escæ, ac totius nutritionis, petentesque huic corpori necessaria alimenta, solum panem iubemur petere, quem quotidianum vocamus, quia corpora indigent quotidiana refectioe. Neque satis est, si quantum corpulentissimus athleta sanguinis habeas; & succorum intra venas repositum nisi recenti refectioe quotidie vtaris, quæ quidem necessitas, ex spirituum facili dissipatione nascitur. Has ob causas Eliæ fame pereunti, panem quidem solum cumque quotidie mittebat Deus per coruum. Vinum non nutrit tam firmiter quàm panis, tamen multò citiùs, quia non est tam aptum in densam, solidam, firmamque substantiam abire, tamen abit citissimè in vitales spiritus, ac satis citò in sanguinem tenuem & calidum. Hinc fit, vt optimè maximeque secundum eorum naturas, dicatur panis confirmare cor hominis, & vinum lætificare. quia euenit his quod & aliis cibis, vt scilicet quò citiùs nutriunt, eò citiùs dissipetur quàm præstiterint substantia contra quò tardior, eò firmior refectio sit, & diutiùs duret; in eam enim sententiam scriptum ab Hippocrate est, *Eorū quæ celeriter nutriunt, celeres quoque sunt excretiones.* Quæ ergo tardiùs nutriunt, solidius præstant robur, potestque qui eis vsus sit, diutiùs sine alia refectioe persistere, pugnare, arare, aut aliud quiduis laboris sustinere: quæ verò nutriunt citò, præstant alacritatem, refectioe illa facili spirituum, reuocant ab exolutione, & deliquio, si quod est: itaque exhilarant, robur verò & ad sustinendos labores vim, non præstant, etsi quis impleatur, quia dissipantur facilè. Igitur quod maximè firmat, roboratque si modò vnicus cibus capiendus sit, est panis (quò spectat illud capituli 28. primi Regum, *Et robur non erat in eo qui non comederat panem tota die illa:* nimirum, vt dictum est, ad robur indigemus pane, eoque quotidiano) quod maximè exhilarat, vinum: exhilarat verò cum ebrietatem affert, quia obliuisci facit paupertatis, & doloris, denique omnes molestias, curasque facit deponere. Nam vt

Panis bene moderatus.

Vini natura.

Hippocrates libello de flatibus inquit, *Ebrii sunt presentium malorum obliuioſi, ac futurorum bonorū ſæcunda ſpe beantur.* Vnde conſtat hilaritatem maximā ex vino, initium quoddam ebrietatis eſſe. Tameſi etiam citra vllam ebrietatis, ſeu dementiae partem, lætitiā afferre poteſt mediocrem. Nam c. 31. Eccleſiaſtici dicitur, *Vinum ad iucunditatem creatum eſt, & non ad ebrietatem*

Melācho-
lici cur
triſtes.

initio. Eſt igitur iucunditas ex vino citra omnem ebrietatem, cauſæ verò illius ſunt, dicta ſpirituum vitalium reſectio, quorum penuria quia laborant melancholici, triſtes eſſe conſueuerunt, & quòd calefacit, laxat, funditque cor: quem eundem motum illud per lætitiā ſubit. Vt enim per triſtitiā contrahitur, & torpeſcit, ita per lætitiā laxatur & titillat, cuius motus, calor ſuauiſſima accommodatiſſima cauſa eſt. Quòd ergo vinum lætificet, has habet cauſas maniſeſtas, præter indicibilem quāpiam ſympathiā, quā fortasſe habet cum corde, quæ in eius ſubſtantiæ modo conſiſtet, cum ad iucunditatem creatum ſit ab initio. Quòd lætificare Deum quoque dicitur, maius aliquod ſuſpicor habere ſacramentum, enarrandum Theologis: mihi illud occurrit, quandoquidem dicitur Deus in initio Geneſeos, vidiffe cuncta quæ fecerat, delectatusque quòd eſſent valde bonā conſonum eſt, vt tantò intuitu rei cuiusque magis delectetur, quantò ea eſt melior: aut (vt meliùs dicam) tantò res quæcunque ſit potior, quantò Deo magis placuerit. quapropter perinde ſit dicere, rem aliquā lætificare Deum, & eſſe optimā: eſt verò vinum optimum, niſi quis eo vtatur ad ebrietatem, facit enim ad iucunditatem, & ad ſanitatē animæ & corporis, & ad vitæ æquitatem, & bonos mores. Ita enim dicitur capite nuper citato Eccleſiaſtici. *Exultatio animæ & corporis vinum moderatè potatum, ſanitas eſt animæ & corporis ſobrius potus*, & ruruſum: *Æqua vita eſt hominibus, vinum in ſobrietate*, nimirum vt cap. 30. eiufdem libri dicitur, *Multos occidit triſtitia.* His cauſis Seneca libro de tranquillitate vitæ, ad eam obtinendam, ebrietatem laudat, exemplo Catonis Solonis, & Archefilai, qui illi indulſerunt Sunt verò illius hæc verba, *Nonnunquam & uſque ad ebrietatem veniendum, non ut mergat nos, ſed ut deprimat curas: eluit enim curas, & animo animum mouet, ut morbis quibuſdam, ita triſtitia medetur.* Hæc ille. Nobis tamen neque ſanitatis, neque hilaritatis cauſa procedendum uſque ad ebrietatem vnquam eſt, neque quæ ad mores ſpectant, petenda à Medicis, neque Philoſophis; niſi quatenus cum diuina conſonan ſapientia, quæ tantum permittit vinum in ſobrietate.

Ebrietatis
ex anti-
quis com-
mendatio.

CAPUT XXVIII.

CAp. 16. lib. 1. Regum ita est scriptum. *Ecce spiritus Dei malus exagitat te. Iubeat dominus noster rex, & serui tui, qui coram te sunt, quarent hominem scientem psallere cithara, ut quam arripuerit te spiritus Domini malus, psallat manu sua, & leuius feras.*

Duplex hic occurrit naturalis dubitatio. prima, An Dæmones possint morborum, qui alioqui in succorum & téperamentorum, aut etiam compositionis viria referantur, esse causæ. Deinde, An eadem auxilia desiderent illi morbi, ac cum sine Dæmonis opera orti sunt. Nam si Saül melancholiæ morbo teneret, haud dubiè consultum esset, iuxta medicinæ præcepta tibicines quærere & Citharædos, qui musica instrumenta pulsando animum illi demulcerent. nam cum metus & tristitia ita sint huius pessimi morbi accidentia, ut etiam fiant illius augendi causa, nulla ratione meliùs succurritur, quàm omnî genere delectamenti; abigendo mœstitiam; & euocando mentem à rerum terribilium consideratione: vsque adeò ut cum morbus nondum est admodum innereratus, neque succus plurimum redundat: sola iucunda viuendi ratio soleat esse satis ad recuperandam salutem: præstare verò musicam magnam animæ hilaritatem, Ecclesiasticus dicit ter aut quater, cuius in c. 40. sunt hæc verba, *Vinum & musica letificant cor.* meritò igitur musica mœstis, quales maximè sunt melancholici, naturaliter succurrit. si verò Saül non humore agitabatur melancholico, sed Dæmone, quæ causa esse possit, ut citharæ pulsatione iunaretur, & leuius eam exagitationem fertet? An Dæmon mitescit musica? Hanc ob dubitationem, plurimi nihil hîc censent fuisse naturale, sed diuina vi effectum, ut pulsante Dauide citharam abigeretur Dæmon, non tam ob soni numeros, quàm ob diuinos hymnos quos ille cantando recitabat. Itaque diuinis Psalmis, ut exorcismis abigit Dæmonem. Ego quidem hoc non nego, neque dubito illa ratione, vim verbi Dei, & Davidicæ Prophetiæ significatam esse: nihilominus censeo, naturalem quoque causam cum diuina illa coniunctam esse, atque admirandum illum effectum. in utramque referendum fuisse. Hoc indicabo faciliè, productis in medium quibusdam Auicennæ verbis, ex cap. 18. fen. 1. tract. 4. quod est de melancholia. ea verò sunt hæc: *Et quibusdam Medicorum visum est, quod melancholia contingat à Dæmonio, sed nos non curamus, cum Physicam docemus, si illud contingat à Dæmonio, aut non contingat, postquam dicimus, quod si contingat à Dæmonio, tunc contingit ita*

Morbi à Dæmonibus quomodo curandi.

Melancholiz remedia.

Musices vis.

ut conuertat complexionem ad choleram nigram, & sit causa eius propinqua cholera nigra, deinde sit causa alius Dæmonium, aut non Dæmonium. His verbis Auicenna inquit, nihil referre ad curationem, siue Dæmon sit qui melancholica inferat accidentia, siue non: eò quòd non possit ea inferre, aliter quam per ipsos melancholicos succos. Itaque causam proximam semper ad ipsos succos deuolui, atque cum ablatione causæ proximæ, necesse sit tolli morbum, utentibus nobis naturalibus auxiliis, & causam tollentibus, necesse erit tolli morbum, etiam si Dæmon eum excitauertit. Ratio sanè hæc, partim quidem rectè procedit, partim tamen deficit quandoquidem, ut morbus qui pendet ex causa, nisi sublatione causæ proximæ non tollitur: ita neque ipsa causa proxima, nisi sublatione prioris: etiam si sit externa, modò non recesserit. Velut si Sol bilem excussit, atque ita febrem fecit, tolli non possit febris nisi bile euacuata, aut consumpta: sed neque hæc penitus euacuati aut consumi, nisi ægrotus à Sole recedat, & in frigidiorum locum se transferat. si verò iam recessit, solum superest ut euacuetur bilis. Igitur eodem modo, si quis Dæmon, melancholicum succum agitando & augendo, melancholica intulit symptomata, iam recessit, solum superest, ut naturalibus agatur auxiliis, aduersus morbum & causam humoralem: si verò adhuc inmanet, necesse sit simul uti remediis quæ Dæmonem abigant, & quæ melancholicum succum euacuent, & compeſcant. Effectum itaque hac ratione est, non ut omninò sit indifferens, siue sit morbi causa Dæmon, siue secus, ut volebat Auicenna; tamen, ut quæcunque auxilia naturalia curare possunt morbum, cum is à Dæmone non pendet, possint etiam aliquatenus subuenire eum pendet. Si ergo cantilenæ, & musicorum instrumentorum concinnus sonitus, placare naturaliter possunt melancholicorum sæua symptomata cum eo morbo quis laborat, possunt certè eodem modo, & eadem prorsus causa, cum eius morbi author Dæmon est. Verùm hoc ipsum quod aliquatenus videtur iam esse demonstratum, euadet longè euidentius, si hæc dubitationes prius explicatæ sint. Prima an malus Dæmon possit morborum causa esse; secunda, quomodo? tertia, an sint aliqua naturalia remedia, quæ per se, ipsos abigant Dæmones, an non, sed spiritalibus solum agendum aduersus eos sit, ut Ieiunio, & Oratione? His enim decisis, facilè eò quòd volumus perueniet disputatio. Antiquissimas esse has dubitationes, neque Christianis solum aut Iudæis, sed & Mahometanis & Idololatriæ agitari solitas constat. Primùm quidem ex eo Auicennæ loco quem produximus, deinde & ex libro de morbo sacro, qui nomine Hippo

Hippocrates circumfertur, toto enim eo libro disputatur aduersus affirmantes, Epilepsiam ad Dæmonem referri, & eos, qui eo malo teneantur, tolerare in domum fugere, aut aliter à multorum conspectu se subtrahere, persentientes inuadi sese à Dæmone, atque adeo contententes eiusmodi, non medicinalibus auxiliis, sed expiationibus esse curandos. censet verò is author, eam opinionem non aliunde, quàm ex ignoratione naturalis epilepsiæ, causæ nasci: plausibilem verò esse vulgo, eò quòd morbus videatur esse mirabilis, & ab aliis diuersus: atque quòd expiatio minùs molesta curatio esse videatur quàm quæcunque medicinalis, aut chirurgica. Atqui profecto, ut qui Philosophiæ sunt ignari, ob multarum rerum naturalium ignoracionem fieri solent creduli, & superstitiosi: ita qui Physicæ plus satis sunt dediti, rebus omnibus quæ corpora non sunt, aut eorum motus, periclitantur diffidere. Nunc verò cùm de Dæmonibus tam multa à Philosophis disputata sint, non video cur quispiam, quantumuis rigidus Philosophus esse velit, tollat è medio Dæmones; nullamque causæ rationem in morbis excitandis & torquendis corporibus eos habere censeat. Nam hæc cōsecutio nihil valet, potest melancholia & epilepsia ut quiuis alius morbus, citra Dæmonem fieri, ob succos ita aut aliter motos aut vitiatos: ergo non potest fieri per Dæmonem. At verò neque hæc. Quiuis morbus talis sit ab humore & causa naturali, ergo nullus sit à Dæmone, quia is ipse morbus qui sit à Dæmone, sit per causam naturalem, si Dæmon non aliter quàm per ipsos humores, infert tales morbos, habetq; Dæmon vicem causæ externæ, ut dictum est. nisi verò negetur, Dæmonem posse mouere succos: at verò moueri corpora ab spiritalibus substantiis, neque Arist. quidem, qui minimè de Dæmonibus est philosophatus, negauit. Ille enim causas omnes corporum motrices reducit vsque ad indiuisibilem & incorpoream. Itaque posse fieri, ut Dæmonis præsentia morbos exciter, neque quidpiam in hac assertionè Philosophorum placitis esse repugnans indicatum est. At verò esse re vera ita, superest indicemus. Primùm quidem: literarum sacrarum testimonio, deinde & argumento ab ipsis rebus accepto. D. Lucæ cap. 8. ita scriptum est: *Occurrit illi vir quidam, qui habebat Dæmonium iam temporibus multis, & vestimento non induebatur, neque in domo manebat, sed in monumentis. & paucis interpositis, multis enim temporibus arripiebat illum, & vinciebatur catenis, & compedibus custoditus, & ruptis vinculis agebatur à Dæmonio in deserta. Ex hac narratione facillè constabit cuius, qui vel summis labiis degustauerit medicinam, hunc hominem laborasse ea mania*

An morbi
per dæ-
mones
exciten-
tur.

Lycanthropia.

specie, quæ vocatur à Medicis Lycanthropia, seu lupina insania. His enim præcipuè accidentibus definitur is morbus quod ita affecti domi contineri non possunt, sed circa sepulchra frequenter vagantur. Iam verò eum, cuius mentio fit 9. cap. Marci, constat fuisse epilepticum, ira enim dicitur: *Et attulerunt eum, & cum vidisset eum, statim spiritus conturbavit illum, & elusus in terram volutabatur spumans.* constat verò elidi interram, ac volutari, & neri spumam circa os, certissimas notas

Epilepsia signa.

esse Epilepsia. Quin etiam (quod aliquantò videtur rarius) constat 13. cap. D. Lucæ, puellam quandam convulsionem spinæ accepisse à Dæmone: qua laboravit decem & octo annos. Manifestum ergo est, quanto in errore sint, qui quod indicauerint, cum qui desertur ad exorcistas, teneri epilepsia, aut

Cathocus.

cathoco, aut melancholia (iis enim morbis frequenter tenentur) aut alio quouis morbo, putant se iam indicasse, non esse id à Dæmone: cum his exemplis constet, eos morbos quandoque fieri à Dæmone. Neque verò cum Dominus noster inter mortales ageret, vexabant hominum corpora Dæmones, ac non etiam nunc vexant. Non enim sancta Ecclesia quæ diuino regitur spiritu, videretur exorcismis, ac crearet quotidie exorcistas, nisi vexarentur nunc quoque hominum corpora à Dæmonibus. sed & ex his quæ homines fide digni, & verbis, & scriptis testantur, facile indicatur, esse etiam hoc tempore talium malorum causas immundos spiritus. Nam sicut, horum multos respondere, appositissimè loqui, linguis aliqui ignotissimis, vt rusticum & ignorantissimum Latine, Græcè,

Exorcistarum vis.

aut Chaldaicè: præterea iussos ac coactos ab exorcistis, significationes de se euidentes præbere immundos spiritus, & homines ab eis detentos multa diuinare, & narrare, quæ in remotissimis mundi partibus agantur. quæ sanè constat nullatenus habere posse Physicam causam. Verissimè enim dictum est illud ab Aristotele, siquid aliud, intellectum hominis non posse aliter intelligere, quàm phantasmata intuentem: atque aded nihil

Intelligendi modus.

in eo esse posse, quod prius non fuerit in sensu. Cum igitur anima rustici nullum, ne minimum vnquam conceperit Græci sermonis phantasma, vnde possit eius intellectus nunc abstrusissimas phrasas eius idiomatis haurire? Est certè intellectio, animæ rationalis actio propria quamque citra organa corpora potest exercere, vnde & separabilis esse cognoscitur: ea verò, etsi per ipsissimam mentem citra organa agatur corporalia, non tamen dum anima in hoc corpore est, citra corporalia phantasmata. Illud enim intelligere, est de vniuersalibus, & à materia seiunctis cogitare: seiunguntur verò à corporalibus phan

phantasmatis, vi intellectus agentis. Quorum ergo nulla unquam concepra sint phantasmata, nulla potest esse intellectio. Iam verò ut intellectio esse non potest eorum, quorum nulla fuerunt phantasmata, ita neque recordatio, quorum non fuerit imaginatio, neque imaginatio, quorum non fuerit sensus. Ergo quæ alibi agantur ceriò cognoscere nullus potest: per nullam enim internarum potentiarum, cum talem nullus antecesserit sensus. Dixi verò ceriò cognoscere, quia temerè, casu quodam aliquid prædicere, aut præcogitare, garrulis euenit, & iis qui variis imaginationibus æstuant, ut mare. Scio quosdam Philosophos minùs exactos, & qui admirationi magis student quàm veritati, censuisse admirandas has vires esse humoris melancholici, fierique posse, atque adedò solere, ut quidam (in quibus scilicet is succus abundat) loquantur linguis ignotis, diuinent, quin etiam citra contactum moneant aliena corpora, cogant pluias, excirent procellas, atque adedò eò usque procedunt quidam, ut in nescio qua naturali quarundam animarum præstantia, vim mirabiliora opera efficiendi constituant. Verùm ex dictis constat, horum assertiones deuolui ad assertiones illas Platonicas, Intelligentem animam non esse corporis actum, & ut Aristoteles loquitur, enelechiam, sed assistere ut intelligentiam cælo: nostrosque animos sciuisse quidem antea omnia, discere verò nihil aliud esse quàm recordari. Ira enim, quandoquidem intelligens anima neque corpus naturale sit, neque naturalis corporis actus, non teneatur legibus causæ naturalis, sed possit mouere sine contactu, & quia priùs omnia nouerat, possit extra materiam diuagata, aut quietem agens per somnum, subtrahensque sese à sensuum perturbationibus, ut illi philosophantur, per sese scire, quæ à nullo sensuum acceperit. Verùm dictas assertiones constat sapientium omnium consensu censi iam absurdas, & esse dogmatibus ecclesiasticis dissonas. Igitur qui varicinantur, siue per ea insomnia, quæ vocantur diuina, siue vigilantes, qui ignoris antea loquuntur linguis, ope spiritus cuiuspiam id faciunt siue boni, siue mali. Cum verò torquere hominum corpora ad immundos potiùs spiritus spectet, constat eos qui torquentur simul tale quidpià faciunt, teneri à spiritibus immundis, atque spiritus imundorum talium morborum causas esse. Sed quo pacto esse possint dicamus. Dæmon causa est externa morborum. Non enim intra corpus ipsū latet nascitur, sed extrinsecus accedit morbos illaturus, eos igitur qui pendent ex materia, non aliter infert, quàm aliæ causæ, procatacticæ, putà mouendo internas, ut melancholicum morbum, augendo melancholicum succum, & eum qui inerat

Phantasmata.

Melancholiz vis.

Vaticinia vnde.

commouendo, deferendoque in cerebrum, & internorum sensuum sedes vapores nigros. Augere verò potest melancholiam eam quæ naturaliter generatur, detinendo ne expurgetur; aut quascunque exurentes causas admouendo, Epilepsiam, verò, Apoplexiam, Paralysem, aut Catochum, deferendo crassos succos, ac per eos cerebri ventres, aut ipsas neruorum radices obstruendo. Cæcitatem, aut surditatem eodem modo, excrementa ad oculos, aut aures aceruando: quâquam hæc duo mala sine interna causa facere per sese possit, neruos visorios aut auditorios comprimendo, quominus pereos facultas sentiendi transmittatur; aut cæcitatem quidem humorem aquæ qui crystallino oppositus est agitando: surditatem, detinendo aërem congenitum (hunc enim existimo proprium esse audiendi instrumentum, vt & Aristoteles) quominus moueantur. Vt enim nisi humor crystallinus colorum fulgoribus intinguatur, agi non potest visio: ita neque nisi internus aer externi excipiat motitationem, auditio. Itaque aqueum humorem tranquillum esse expedit, vt rectè agatur visio, & aeternum agitari, vt auditio. Multa alia mala sunt huiusmodi, quæ aut per seipsum possit Dæmon facere, per internas causas. quapropter ad tollendum ea mala, quæ per sese faciet, solis exorcismis sit satis vt: ad ea verò quæ per internas causas, medicinalibus pariter auxiliis vtendum erit. Non ergo erit semper satis fugasse Dæmonem, nisi morbum etiam cures (vt neque satis semper sit ad tollendam febrem, quam peperit ira aut labor, mitescere, aut quietem agere) neque vnquam satis sit naturalibus instare remediis, nisi Dæmonem fuges quò fortasse respiciens Hippocrates in prognostico dixit: *Siquid etiam est in morbis diuinum, illius quoque oportet discere prouidentiam.* Nimirum refert ad curationem, & ne hoc ignoras & solum naturalem causam suspicatus, ineptè prædicat. Sed an sint aliqua naturalia remedia, quæ per sese in ipsos dæmones ferantur, & illis naturaliter aduersentur, dignum est consideratione. Videtur enim consentaneum, in ipsis naturalibus rebus esse quasdam Dæmonibus gratas, quasdam ingratas, & quibusdam allici quibusdam fugari naturaliter, vt capite septimo, & quintodecimo huius libri disputare cœpimus) siquidem inter omnes gentes, quia expiationibus curare morbos huiusmodi tentauerunt, res quasdam cauere iusserunt, & quibusdam vsi sunt, idque diuinitatis ipsius morbi causa dicentes se facere. Nam Hippocrates in illo libello de morbo sacro (nimirum erant etiam inter idololatrias qui expiamentis tentarent curare) ita scripsit aduersus expiatores: *Ceterum qui primi (loquitur de Epilepsia) hunc morbum sacrum*

Humoris
Crystallini
agitatio
visum
impedit.

Expiationis
inueniuntur.

promittit

pronunciarent, tales mihi hi fuisse videntur, quales etiam nunc sunt Magi, & Expiatores, & Circulatores, qui se vehemēter pios esse simulant, & amplius quid scies. Hi itaque consilij ac mentis inopes praterentes diuinitatē, cū nihil haberent quod exhibitum prodesset, ut ne manifesta fieret eorum ignorantia, sacrā hanc esse affectationem pronuntiarent, & rationibus idoneis collectis curationem constituerunt sibiipsis securam, expiamenta offerentes, & incantamēta, & à balneo abstinere iubentes, & à cibis multū, velut ex marinis quiddā à mulo & melanuro, mugilique, ac anguilla: ex carnibus verò à caprina, ceruina, suilla, ac canina: ex volucribus autē, à Gallo, turture, ac otide: ex oleribus à menta, allio, & capra. pallium praterea nigrum habendum non esse, neque in caprina pelle decumbendū, neque eandem gestare oportere, neque pedē supra pedem habendum esse, neque manum supra manum. Hæc illo in loco. Ex quibus intelligimus, Magos illos siue expiatores, qui inter gentes versabantur, cū morbum diuinum, hoc est, à Dæmone esse censerent, res quasdam interdixisse, ut naturaliter noxias iis, qui ita laborarent. Quin etiam hoc tempore scimus, multos exorcistas solere suffitu quārundam rerum uti, ut ipsi dicunt ad torquendum fugandumque Dæmonem ipsum. Nimirum dicunt, cum molestissimē ferre suffitum cornu caprini, & cuiusuis stercoreis, præcipuē humani, & ruta, ac hypericone (quem ob id fugam Dæmonum appellant) fugati. Sed quod maioris nomen-
Quas res
dzmō fu-
giat.
ti esse videtur, & eius quod propositum est maiorem fidem facere, Tobias iunior suffitu iccoris cuiusdam piscis, iussu sancti Raphaëlis, fugauit Dæmonem, qui septem viros illo priores inierfecerat. Videtur itaque his testimoniis effectum, pro ipsomet Dæmone fugando, esse naturalem quandam curationem. Nihilominus ut nuper citatis capitibus indicauimus, si Dæmones penitus sunt incorporei, ut certē sunt, nullam à corporibus naturaliter passionem possunt accipere: sed neque si corporei essent (nisi etiam essent corruptibiles.) voluptate aut dolore affici possent: quia neutrum horum potest esse sine sensu, neque sensus esse potest, nisi cum organis, habentibus communem naturam cum ipsis sensibilibus. Quapropter corruptibilitium rerum sensitiua, corruptibilia esse corpora necesse est. Nisi igitur Dæmones corporei & corruptibiles sint (quales certē non sunt) neque voluptate neque dolore affici possunt naturaliter ab vlla qualitate corporali. dixi naturaliter, quia prima causa, quam nullis naturæ legibus teneri in Physicis fusiùs demonstraui, potest corporibus præstare vim attingendi etiam incorporea. ea verò vis non fuerit naturalis, sed superior, ut igni torquendi diabolum & angelos eius, & benedictæ

aquæ eisdem fugandi & abluendi mentes. Huiusmodi quandâ virtutem tributam esse hepati illius piscis, quo Tobias usus est, crediderim. Aliorum verò quæ proposita sunt, aliæ sunt causæ.

Balnea
quibus in-
terdicta.

A balneis suspicor circulatores illos arcere solitos ægrotantes, quo sublata maxima ac notissima talium morborum curatione, maior expiationibus autoritas accederet. Nimirum melancholici morbi, quales sunt plerunque quos Dæmon ciet, nullo auxilio magis quàm balneo curari solet, atque eo magis quàm vlllo alio Medici vtuntur. Tollebant ergo hoc, vt viderentur tollere totam curationem naturalem. Cibus illos omnes inter-
dici ægtotis idoneum erat ob ipsos morbos, quandoquidem ob
crassitiem, aut melancholicum substantiæ modum, aut acrimo-
niam erant noxij. Imponebant verò illi hac in re vulgò, id
quod erat naturale ad diuinam causam referentes. Nigro indui

Pallij ni-
gri vsus
interdi-
ctus.

pallio, ad melancholicas passiones non est vtile: manum habe-
re supra manum, aut pedem supra pedem, otiosi & cogitabundi
est, quod etiam melancholicis obest, indui pelle caprina, aut in
ea decumbere, proprietate quadam esse noxium epilepticis Tra-
lianus capite proprio tradidit. At verò quòd suffitu cornu ca-
prini, & stercoris torqueatur Dæmon, dicunt causam esse, quòd
contemni se non ferat, cùm sit superbissimus. Ego verò existi-
stimo, ventum esse illis in eam opinionem, quia vt Medici om-
nes testantur, illarum rerum suffitu epilepsia manifestatur. Sta-
tim ergo ac epilepticus illis suffitur, corripitur patoxismo, aut si

Hypericò.

paroxismo tenetur, ingrauescit. illi verò putant irritati Dæmo-
monem. Rutam & Hypericonem salutare herbas esse ad dictos
morbos, res est apertissima: cuius præcipua causa est, quòd fla-
tus absumunt, atque ita humores sedant, qui magna ex parte
flatuum agitatione perturbantur, vt libello de flatibus probat
Hippoc. si modò ipse est ille liber. Itaque vtuntur quibusdam
rebus, quas (cùm ad morbos illos curandos conferant) censent
conferre ad fugandos Dæmones. & aliis quibusdâ quæ nocent,
hac ratione putantes se torquere Dæmonē, cùm torqueant po-
tius miseros ægrotantes. Hæc cùm ita se habeant, cōstat ex his
omnibus quæ dicta sunt, verisimile esse, plurimos eorū, qui Dæ-
monis opinione ad exorcistas deferuntur, Dæmonē non habere,
sed morbis aliquibus eorum qui dicti sunt, teneri & præ inopia
consilij, cùm tentatæ sint aliæ curationes antea, neque sufficiāt,
deferri ad illos id quod metidē ab Hippoc. lib. de morbo facto
reprehenditur: esse tamen etiam aliquos, quibus talium mor-
borum causa est Dæmon, illisque curationē naturalem non esse
satis, conferre tamen, non ipsos Dæmones per se, sed ob morbos
aut eorum symptomata, aut internas causas, quas Dæmon ciet.

Dæmones
quos in-
vadant,

Exemplo

Exemplo est Saul, qui cū à Dæmone torqueretur, suauitate Dauidicæ cirharæ delinitus mitius ferebat: nimirum, vt melancholico occupatus morbo. Neque enim est quodd quispiam sibi persuadeat, Dæmonem esse qui musicæ suauitate captus mitesceret, atque aded illum torquere sineret. Hoc enim refutatum iam antea est, disputarumque de ea re aduersus quosdam Platonicos c. 16. huius operis, in explicatione c. 2. Leuitici, quod bis iam citauimus. Solum fortasse superest, quodd hoc loco quispiam dubitet, qua ratione fiat, si Dæmones nihil habent commune cū ullo corpore, vt melancholicos homines magna ex parte inuadant, aut melancholicos ipsi morbos inferant. Mihi quidem videtur ad eorum nequitiam referendum, non ad naturam: nimirum melancholicus succus, maximè omoium paratus est in insaniam & desperationem adigere, quæ illi nequam maximè exoptant.

Saul
morbis.

CAPVT XXIX.

L Ib. 3. Regum cap. 1. ita habetur: *Et rex Dauid senuerat, habebatque atatis plurimos dies, cū operiretur vestibus, non calefiebat, dixerunt ergo ei serui sui, quæramus domino nostro regi adolescentulam virginem, & stet coram rege, & foueat eum, dormiatque in sinu suo, & calefaciat dominum nostrum regem. Quæsierunt igitur adolescentulam speciosam in omnibus finibus Israël, & inuenerunt Abisag Sunamitidem, & adduxerunt eam ad regem, erat autem puella pulchra nimis, dormiebatque cū rege, & ministrabat ei, rex verò cognouit eam.*

Cū quis satis vestibus operiatur non calefieri, naturalis caloris defectum significat, quia vestes non calefaciunt calore proprio quo actu sint, vt ignis, neque quo potentia. vt medicamenta, sed solū retentione, ac quodam percussu caloris nostri: nimirum nostri caloris vi, expirat semper vaporosum quiddā ac calidum ex nostris corporibus, quod vocat Galenus calidum effluuium. illud vestes detinent, ac circa nostram cutem geminatum, faciunt sistere, atque ita calefaciunt, præterquam quodd externum frigus arcent, vt & domus parietes, & tecta. Cū igitur corpus non calefcit vestibus, nō potest alia esse causa, quā quodd non est calidū effluuium, atque eō magis, quodd externum frigus sēper arcent, vtcūque habeat corpus. Igitur si ne sic quidd calefcit, constat corpus esse valde frigidū, ac nihil, aut quā minimum calidi spirare. Vt autē hoc eueniat duplex potest esse causa

Vestium
vlus.

Calidum
effluuiū.

Caloris
frigus.

Senes ca-
lesfaciendi
ratio.

causa. aut enim ipsum innatum calidum affectum est, vt per magnum rigorem euenit, etiam valde calido iuueni, aut per sese est tenue & exiguum, in senē verò, neque rigore, neque horrore occupato, neque alia vlla passione præter naturam, constat ab exiguitate & tenuitate caloris naturalis, quæ ipsius extremæ senectutis omnes naturaliter est, nasci, cum verò David tanta caloris naturalis penuria laboraret, nullum salubrius consiliū excogitari potuit. quàm quod serui eius ceperunt quærentes virgunculam formosam, quæ in sinu eius dormiret, videbanturque legisse Galenum lib. 7. Methodi. vbi imbecillitatem frigidi cum siccitate ventris curans, inquit. *Ex iis verò qua extrinsecus applicantur, boni habitus puellus vna sit accubans, vt semper abdomen eius contingat.* Multò itaque meliùs illi consuluerunt, quàm si eum magna vestium mole onerassent, aut multo igne lectum concalefecissent, aut involuissent senem totum linteis igne concalefactis, aut oleis calidis inunxissent, aut etiam sinapismis aut rubrificantibus; ac multò magis quàm si vino meraciori ingurgitauissent: quia nullus calor naturali nostro magis conformis, aut esse, aut excogitari potest, quàm qui feruet in pueruli aut adolefcentulæ corpore: nimirum humanus ille est, & ob ætatem vigens. Itaque perinde est ac si senili corpore puerilem calorem manu admoveas, cuius solùm defectu illud laborabar. nulla ratione potiùs videaris tribuere illi quod deest. Verum hoc vt apertiùs indicemus, quid intersit calorem simpliciter dicas, an naturalem calorem, oportet explicare.

Ignis duplex.
Caloris
vis

An sit calor
cælestis.

Nam Sroici (vt apud Ciceronem libr. 2. de Natura Deorum, videre est) censuerunt (quorum etiam sententiam hac in parte multi secuti sunt) vt duplex à Platoniciis ignis statuitur, cælestis & elementaris, ita etiam esse in rebus duplicem calorem, alium quidem cælestem vt solarem, qui omnia generet, foueat, & ducat incrementum: alium igneum, qui omnia dissipet atque absumat. Atque in primo quidem genere esse calorem naturalem rerum omnium viuentium, in altero calorem ignis quo vtimur. Solis enim calore foueri terram, & fruges omnes tum nasci, tum ducit ad incrementum, igne verò admoto consumi omnia: ita calore nostro ac naturali coctiones omnes agi generarique ac nutriri omnes in nobis partes, alieno verò & præter naturam, vt febrili, ad tabem deduci, esseque hos calores (quadoquidem aded efficiant contraria) longè diuersos, alterum quidem natura cælestem, alterum elementarem. Ego verò cælestem calorem nullum esse existimo; nisi est etiam frigus aliquod cæleste, quod nullus

nullus ponit. Omni enim calori frigus contrarium est: neque minus admota niue refrigerantur, quæ à Sole quàm quæ ab igne sunt concallescunt. Quodd si non minus solari quàm igneo contrarium frigus est, nisi illi idem est calor frigus duo habet contraria: sin autem alterum frigus etiam est, idque cœleste, cettè cœlum non minus sit corruptibile quàm aër, cùm contrariorum sit capax, & utrumvis secundùm naturam habeat, alterum præter naturam pati possit. Non igitur est calor ullus cœlestis, sed ut omne frigus ex elementis est, ita & calor omnis. quin potius hæc est ratio cœlestis ignis, quodd lucidus sine calore est. Itaque cùm ignis statuatur duplex, lux communis utrique est, differentia veid in calore & eius vacuitate. Atqui profectò calor quem Sol infert, ad elementarem ignem refertur (ut aliis locis diximus) qui splendoris analogia allectus, cum Sole circumfertur. Nam præter dicta, si calor naturalis non est igneus, sed à cœlo tributus omnis calor naturalis talis etiam sit, neque solùm humanus, sed & qui omnium animalium; neque horum solùm, sed & omnium stirpium, & eque certè harum solùm, sed & omnium quæ suo calore servantur, & admoto igne corrumpi possunt; cuiusmodi esse videmus succos omnes, ut lac, vinum, mel, oleum florum omnium ac herbarum succos siue destillatione, siue compressione extractos. Quod enim horum non corrumpitur, cùm proprius calor tabescit? aut non potest admoto igne penitus absumi? Igitur his quoque est calor cœlestis, quandoquidem ab eo servantur, cùm corrumpi possint ab externo, atque aledò tantò citius, quantò habent propriis minus. Vinum enim natura robustum & calidum sustinet magnum aëris calorem sine corruptione: frigidum veid & languidum vel à repente aëre vertitur in acrum. Quodd si inanima & fluentia habent cœlestem calorem, cur non & solida, ut metalla, & gemmæ, ac denique quacunque vi frigoris & caloris possunt deduci ad interitum? si enim vi frigoris interire possunt, proprii caloris retentione servantur: si autem servantur proprio, & corrumpuntur alieno calore, proprium habent à cœlo: hæc enim erat causa, qua naturalis cœlestis statuebatur. At veid ut vi frigoris & caloris intereant, necesse est accidat omnibus quæ concreta sunt ex vocatis elementis. Nam quod calidi & frigidi contemperatione constat, utriusque excessu necesse est interire, quia mediocritatem uterque excessus corrumpit. Fit igitur ex dictis, ut rerum omnium concretarum naturalis calor sit cœlestis. Vnde rursus fit, ut ignis elementum non sit, siquidem in mistis non servatur virtus eius, quæ enim nisi calor; quodd si ignem

Vini ro-
bur.

An ignis
sit elemē-
tum.

Caloris
differētia.

Caloris
auxilia.

è numero elementorum tollis, necesse est tollas & aquam, alioqui mistio non fiet, sed corruptio, quia erunt duo frigida; aqua scilicet & terra contra vnum calorem aeris, & duo humida, aqua scilicet & aer, contra vnam siccitatem terræ: non ergo erit mediocritas, neque attemperatio. Quòd si aquam tollis quoque, necesse est tollas omnia, quia terra & aer non sunt bene miscibilia sine crassa aquæ humiditate. Necesse est igitur calorem proprium rerum omnium igneum esse, aut elementa, & mitionem è rebus penitus tolli, ac longè aliter de natura rerum statuere, atque hætenus ab omnibus Philosophis qui in pretio fuerunt. Quæ igitur est differentia caloris naturalis, & præter naturam, si uterque est elementaris? certè quæ frigoris naturalis & præter naturam: ita etiam & humiditatis & siccitatis, quòd scilicet proprius est aut alienus, estque cuiusque rei proprius calor, qui secundum naturalem eius mitionem moderatur, & qui mediocritatem excessit, iam est alienus. Atqui calor internus rei, ab exteriori accedente quopiam aliquando corrumpitur, aliquando iuuatur. Atque ut iuuetur, facit similitudo duplex: altera quæ in eius intensione est, ut scilicet non valde excedat, altera quæ in subiecto, ut scilicet similis sit substantia corporis quod admouetur. Si enim aridioris, aut humidioris admodum substantiæ est, & si non superest intensione, alter vret, alter putrefaciet, utraque ergo ratione fit, ut nihil utilius possit admoueri quibus calor naturalis extinctus penè est, quam corpusculum pueruli aut iuenculæ calidioris. Nam is calor in substantia est simillima, & nisi eueniat febricitate, humani caloris gradum non superat. Neque quidem præter rem erat speciosum quæri, quandoquidem iucundiores fierent ita amplexus, abessetque omne tædium, atque ita foueretur magis senem, non aliter ac elinguntur suauiores cibi, ac medicamenta minimè insuaui, ne venter respuat. Quòd si frigidum iam semen multis vestibus obruas, onerabis quidem plus, calefacies verò nihilo magis: quia vestes parum calefaciunt, nisi sit internus calor quem cohibeant. Si verò linteis calidis inuoluas, aut lectum ipsum admoto calefacias igne: primum quidem is calor cum siccior sit, siccitatem auget senilem, & calorè alioqui exiguum dissipat: deinde cum is calor præter naturam insit ipsis linteis, citò deficit, simulque cum illis refrigeratur rursum corpus: si verò oleis calidioribus, aut aliis medicaminibus ademptis velis calefacere, nec sic quidem proficies multum, quia medicamenta profunt quatenus ab ipso naturali ac proprio nobis calore deducuntur ad actum: id verò nisi calor possit, medicamenta nihil efficiunt, aut etiam

etiam refrigerant. Quod sit multa affricatione, aut igne fiant acta calida, eadem ac maiora afferent incommoda, quæ & calefacti ad ignem lintei. Iam vero nihil arbitror stultius, quam senibus caloris augendi gratia, vinum abundanter, merum præcipuè indulgere. Quantò enim vinum calidius est per sese, tantò maiori ventris ac viscerum omnium calore opus est ut superetur: alioqui à minori acescit, crudumque succum augeat, unde & calorem naturalem suffocat, & morbos innumeros parit, ac mortem properat. Quare vinum esse lac senum, non valde probo; censeo potius senibus sensim esse dandum dilutius, usque dum in extremo senio constitutis toto vino detracto, detur pro eo mulla aut decocta aqua, satius enim est permittere calori naturali sensim venire ad naturalem interitum quàm vino obruere & senectam facere miserabiliorem, & breviorē. Rectè itaque procuratus calor est Dauidi seni: quod præcipuè ea in ætate effectum est, qua non potuerit virginem agnoscere: alioquin multò magis læsisset congressus, quàm contulisset ad mortem.

Vinum senibus interdicitur.

CAPVT XXX.

Lib. 4. Reg. c. 3. dicit Eliseus Propheta: *Nunc autem adducito mihi psalter: cumque caneret psalter, facta est super eum manus Domini.* & ait: *Hæc dicit Dominus, facite alueum torrentis, &c.*

Itaque facta super eum manus Domini, hoc est, correptus seu affatus diuino spiritu, vaticinatus est. Id vero ut fieret, postulauit adduci sibi psalterem, ad cuius cantum facta est super eum manus Domini. Quæ sanè verba magnam habent cõtempationem. Si enim cantus & musicus concentus vim quãpiam habent ad vaticinandum, ipsa vaticinatio naturalis est, hoc est, ex naturalibus procedens causis. Nam concentus, naturalis quædam est causa. Videntur itaque spiritus vaticinij naturaliter allici concentu, aut anima per cãtum naturaliter ad vaticinandum disponi. Quod sanè ita esse, Quintus frater in 1. lib. de Diuinatione Ciceronis, ex sententia grauissimorū Philosophorum, quam eo loco tutabatur, iis verbis asseruit: *Ergo & quorū animi spreis corporibus inuolant, atque excurrunt foras ardore aliquo inflammati, atque incitati, cernunt illa profecto qua vaticinantes pronunciant, multisque rebus inflammantur tales animi, qui corporibus inhaerent, ut ij qui sono quodam vocum; & Phrygijs cantibus incitantur.* Maximi ergo momenti fuit, rigidissimè

De vaticiniis multa.

Carmina Phrygia.

Prophe

De diuinatione multa.

De diuinatione opiniones.

Diuinationum genera.

Stoici vaticinia habuerunt.

Prophetia constat. quod maximum est fidei nostræ firmitamentum, iuxta illud 2. Petr. 1. *Habemus firmiorem propheticum sermonem, cui benefacitis attendentes.* Si verò vaticinandi vis naturaliter hominibus accideret, quæ ratione fidei, quæ de supernaturalibus habetur, argumentum esse posset? Vniuersim de diuinatione plurimum disputatum est à vteribus Philosophis Stoicis asserentibus esse re vera omnia ea diuinationum genera, quibus gentes omnes utebantur, adedò vt neque auspicia, auguria, neque sortes, neque iudiciariam Astrologiam, quam scientiam Chaldæorum vocabant, repellerent. Epicurei ea omnia deridebant, putabantque esse imposturas quasdam, per credulitatem, & timiditatem hominum inuenias. Diogenes à quo fluxerunt Cynici, cum intueretur vitæ gubernatores, Medicos, atque Philosophos, dicebat animalium omnium sapientissimum hominem esse: cum autem inspiceret somniorum interpretes, coniectores, & vates, huiusmodi, dicebat nihil se stultius existimare homine. Itaque & Cynici deridebant hæc omnia. Peripatetici quædam asserebant. Quod vt apertiùs exponamus, ab ea parritione incipiemus, qua Cicero utitur in libris de Diuinatione. Omnia diuinationum genera, quibus homines vt tentauerunt, ad duo rediguntur: vnum quod ad artem quampiam videtur pertinere, alterum quod arte caret, viderurque porius constare natura. In primo genere sunt auguria, & auspicia, & obseruationes portentorum, & astrologia iudiciaria, & missiones sorrium, & prognostica medicinæ, & physionomia, cuius chiromantia pars est. In secundo genere sunt insomnia, vatium furores, & oracula, & Pythonum ex ventre responsa, & omnis necromantia. Rursus horum quæ in secundo genere continentur, quædam extrinsecus petuntur, vt oracula, & Pythonum, & mortuorum responsa. quædam in ipsa nostra anima esse videntur, vt insomnia, & furores vatium. Porro ipsi somniantes aut furentes, vocantur Platonici Vates; qui verò interpretantur, vocantur Prophetæ, iraque vates non intelligere quæ dicunt: Prophetas verò exponere quæ dicunt vates; quamquam in sacris libris hic omniū vsus non ita obseruatur, siquidem Cayphas dicitur propherasse, cum nesciret quid diceret. Ergo nos quoque nunc indistinctè vocamus, siue vaticinari, siue prophetare, præsentire, aut prædicere quæ futura sunt. Stoici vt dicere corpi, nihil horum repellebant, sed omnium gentium hac in parte credulitati fauentes, censebant & auspicia, & auguria, & portenta, & scientiam magnorum, & sortes, aliquid continere in sese certi & firmi, atque adedò vanum non esse eis vt,

&

& auspiciatò quiduis aggredi, quod in vita esset magni momenti, aut inire prælum, vxorem ducere, aut aliud quiduis facere. Itaque non nisi præter rationem dimitti posse, contemplationem dextri & sinistri volatus auium. lugubris, aut hilaris cantus, & extorum in sacrificiis. Præter hæc etiam, esse vim quandam quibusdam hominibus, & in quibusdam locis vaticinandi nunc dormientibus, nunc furore percitis: esse quoque Deorum de futuris rebus responsa. Primum quidem argumentum, & quod vniuersum de omnibus concludebatur, accipiebant ex communi omnium gentium consensu, qui (vt alibi dicit Cicero) lex est naturæ. Vix autem reperiri poterat gens vlla, ad quam Romanorum nomen peruenisset, quæ non haberet eas omnes prædicendi artes, & apud quam non narrarentur fuisse vlla vaticinia. De singulis verò ita argumentabantur (eligam quæ videntur firmissima) primum quidem auspices, augures, & portentorum, & astrorum obseruatores, & sacerdotes qui considerabant exta, non temerè proferebant quidquam; neque nisi consideratis quibusdam signis, vtentesque quibusdam artibus, non aliter ac Medici, consideratis in facie, & spiritu, & decubitu noctis, prædicunt hunc moriturum, victurum illum: atque agricolæ consideratis volatu auicularum, & ranarum cantu, & grunnicu suum, præsentunt plueret, & nauæ, piscium consideratis saltibus, & maris colore, instantem procellam. Vt ergo nemo est qui hæc præsentium genera vt naturalia non recipiat, ita nemo esse debet qui illa repellat. Nihil enim videtur interesse, præterquam quod eorum causæ videntur ignorari. Si verò (inquiunt) experimento res constat, vt omnium gentium videtur vsu probati, etsi ignoretur causa, non est detrahenda fides, sed censendum omnino esse aliquam, quia nihil sine causa fit. Iam verò diuinationem illam aliam, quæ veriùs diuinatio dicitur, quæque sine vlla arte intra nos esse videtur: dormientes, aut furentes, asseritur exemplis multis, quia præter vetera quæ narrarantur quamplurima, vix vllus incidet in hanc lectionem quia non audiuerit multa ad hanc rem pertinentia. Post exempla verò addebat Cratippus hoc argumentum, quod sibi persuadebat esse firmissimum. *Quodcumque animal vel semel in tota vita vidit cælum, aut omnino colorem, fulgoremve aliquem, etiamsi centies millies videre nequiuert, aut videndo deerrauerit, necesse esse habere vim facultatemque cernendi: nam quod ea omnino orbatum est nunquam videre poterit.* Ergo & quicumque homo, vel semel præsenferit diuinaueritque futura, etiamsi errauerit ea in re pluries, habet in sese facultatem diuinandi. At vero nemo neget

De diuinatione per somnia.

L

plurimos

plurimos somniasse aliquando, aut etiam vigilantes dixisse res futuras, quæ verè consequutæ sunt. Porro (dicunt) vt naturaliter tributa est animæ vis quædam sentiendi præsentia, quæ dicitur sensus, & alia sentiendi præterita, quæ est memoria. ita oportet tributam esse aliam futurorum, putà vim diuinandi. Collocant itaque sensum, & imaginationem, quæ sine sensu temporis est, inter memoriam & diuinationem. His argumentis, & aliis multis (quæ vt minùs naturalia sciens prætermitto) affirmabant esse in humanis mentibus vim quandam diuinandi, quæ plerumque langueret, nonnunquam verò excitaretur vehementer, aut calore quadam intrinsecus excitato, vel vehementi motu, vel lino, vel flatu aliquo diuino talè habente naturam, eumque vel ex terræ quibusdam locis non continenter, sed ex temporibus quibusdam exhalare, ac sese, non in omnes, sed in natura magis paratas mentes intrudere, illisque diuinationis, velut quædam, citra eum calorem vel flatum, obtrata foramina referare, ab eius quoque facultatis vsu mentem præsentia rerum externarum, inter quas versamur semper inærturbari. proinde tunc maximè posse, cum externis relictis rebus per se mouetur, vt in somnis, aut cum eleuata est, vt cum musico concentu detinetur. Licet tibi hæc legere. vt multis aliis in locis, ita apud Plurarchum libello de defectu oraculorum. Quibus plurimum videtur adstipulari factum Eliæ, siquidem petiit adduci sibi psalter, vt vaticinaretur. Epicurei omnia diuinandi genera deridebant, censentes nihil eorum quæ omninò non sint, sciri posse, futurorum verò nullum esse adhuc. sed quoniam neque præterita iam sunt, melius videtur ratio hæc ita concludi posse. Quæ neque sunt, neque fuerunt vnquam, nullo modo sciri possunt; nam neque per se vt quæ actu sunt, neque per sui species, ac velut vestigia quæ reliquerint, vt quæ præterierunt: nulla est igitur diuinandi ratio. Censebant ergo, eorum quæ præcognita prædictæue per quoduis diuinationis genus esse narrantur, plurimas esse vulgi ineprias, aut sacerdotum imposturas: imperitiæ verò multitudini, prætextu pietatis & religionis facillè persuaderi, nō nulla casu euenire, vt scilicet euenire potuit aliud quiduis. Neque enim necessariò non euenit quod prædictum est, sed & cum non euenit, potuit euenire. Peripatetici, vt Cicero refert, omne id genus diuinationum, quod artis alicuius erat particeps, tollebant, vt Epicurei; id verò quod arte caret, vt diuinationem dormientium, & furentium, & eorum qui morti proximi sunt, concedebant, vt & Stoici. Plato vtrunque mihi videtur recepisse, alterius verò causam reiecis-
se in Dæmones, alterius in natu-
ram

Epicurei
diuinationes
derident.

Peripatetici
quid
de diuina-
tione.

Opinio
Platonis.

ram. Nam in consilio siue de Amore, differens de natura Dæmonum, quos inter homines & Deos censet intercedere, inquit: *Per hanc vaticinium omne sacerdotumque diligentia circa sacrificia, expiationesque, & incantationes, & diuinitas omnis, atque magica.* idem in dialogo de Natura, vaticinium statuit in iecore, censens scilicet diuinandi vim tributam esse hominibus à natura, & ea vi tunc maximè eos vti, cum minimè vti possunt prudentia: sunt verò eius hæc verba: *Quòd autem dementia humana Deus diuinandi vim dederit, illud argumento esse potest, quòd nemo dum sana mentis est, diuinum & verum vaticinium ullum assequitur, sed cum vel somno prudentis vis præpedita est, vel oppressa morbo, vel diuina aliquo raptu à sua sede dimota fieri diuinitas solet.* In Apologia idem Plato Socratis nomine, dicit eos qui proximi sunt morti solere diuinare. Pythagoram narrat Laërtius diuinatione per auguria esse vsum, & inter symbola scripsisse, *diuinationem omnem honora.* Aristoteles quoque sect. 30. problematum, causas quibus Sibyllæ & bacchantes, & vates fiunt, reiiicit in calorem quem in mentis sede ciet atra bilis, eius verò sunt hæc verba: *Multi etiam propterea quòd ille calor sedi mentis in vicinio est, morbis vesania implicatur, & lymphatici fiunt; unde Sibylla, & bacchantes, & diuino spiritu afflasi fiunt, cum non morbo, sed temperie naturali fiunt.* Ex his verbis constat, Aristotelem censere, vel saltem eo loco affirmare (nam vt hoc obiter dicam, eius viri sententia propria malè petitur ex problematis, quia in eorum dissolutione sæpe vtitur alienis placitis) esse in hominum mentibus naturalem facultatem futura præsentendi; eam verò incitari calore, in quibusdam quidem morbofo, eosque dici maniacos, phreneticos, aut lymphaticos: in aliis verò naturali, quòd scilicet atra bile, eaque calida, naturaliter iuxta mentis sedem, hoc est, in cerebro abundant, eaque causa fieri Sibyllas & vates, atque adedò prophetas, sed & in libro de mundo ad Alexandrum, extant hæc Aristotelis verba, quæ plurimum dictis de naturali diuinatione videntur fauere. *Atque etiam per multa spirituum genera plerisque in locis terra essio patefacta sunt, quorum quidam spirituum alij aduentantes infligant, alij in diem tolerare faciunt, & alij vaticinari, vt in Delphis & in Lebædia.* Itaque constat Philosophos omnes, præter Epicureos, qui non adedò sunt à multis existimati sapientes, censuisse esse aliquam diuinandi facultatem, hominum mentibus insitam naturaliter, etiam si ea facultas non nisi in raris quibusdam esset conspicua. Nam etsi de artibus illis diuinatoriis, aruspicum scilicet, & augurum, sortilegorum, Chaldæorum, &

Aristotelis opinio.

Lymphatici & Sibyllæ.

Diuinationem esse censent Philosophi.

Magorum, & sacerdotum, & similibus dissentirent, aliis has quoque habere aliquid naturale putantibus, aliis esse vanas prorsus, & nihil habere cerri, retineri verò propter mores patrios, ne tollantur simul leges, Platone asserente ea quoque diuinandi genera, non tamen naturales habere causas, sed fieri Dæmonum interuentu; tamen de ea diuinatione, quæ citra omnem artem in nobis ipsis sita esse videtur, quales Sibyllarum, Prophetarum & somniantium, omnes præter dictos, consentiebant, naturaliter esse in ipsis nostrum mentibus. Ex sacris eloquiis dubitare merito posset, quam sententiam colligas. Nam cap. 23. Numer. Balaam afflatus diuino spiritu, & laudes populi Israëlitiçi commemorans, inquit, *Non est augurium in Iacob, nec diuinatione in Israël*, itaque quasi augurium & diuinatione omnis sint vana, aut malorum Dæmonum interuentu fiant, dicit, non esse horum quidpiam inter fideles. Hanc ob causam Saül, dum bonum ageret coram Deo, erasit è terra Israël magos, & ariolos, & habentes Pythones in ventre interfecit. Itaque omnes qui utebantur artibus diuinatoriis, aut magos & ariolos è terra relegauit: admittentes verò malos Dæmones intra sese, interfecit. Hæc itaque omnia partim sunt censenda vana, partim praua, quòd partim sunt imposturæ, partim agantur, interuentu malorum Dæmonum, quod idem vel ex nostris legibus constare potest, quibus impostores omnes, qui vtcunque diuinationem profiterentur, relegari iubentur, videntes autem diaboli opera, vel comburi, iuxta id arbitror quod Saül initio sui regni fecisse narratur, cap. 28. primi Regum, itaque videtur omnis diuinatione populo Dei esse interdicta. Alia tamen ex parte videri possunt non minùs, sed plus etiam quàm gentes vsi omni genere diuinationis. Nam in secundo genere (vt ab hoc nunc incipiam) esse videntur visiones omnes Prophetarum & prædictiones, quæ non semper & vtcunque, sed efflatis numine quibusdam occasionibus fiebant, velut eùm Saüli obuius fieret cuneus Prophetarum, insluit super eum spiritus Domini, & prophetauit in medio eorum: itaque velut furens repente se coniecit medium inter Prophetas, prophetauitque cum illis; cuius rei nouitas prouerbiu pepetit, *Saül inter Prophetas*, vt narratur cap. 10. primi Regum Elisæus loco citato ad cantum psaltis prophetare cœpit. In hoc genere etiam erant somnia, & somniorum interpretationes, Ioseph, & Danielis. In primo genere esse videbantur missiones sortium, quæ quàm maximè videntur probari in sacris, siquidem 16. Prouerborum dicitur, *sortes mittuntur in sinum, sed à Deo temperantur*. Iosue cap. 7. sue historie habetur, mittens sortes primam per

Diuinatione
populi
Dei interdicitur,

Augurij
vsus in sa-
cris.

per tribus, deinde per domos, postremò per singulos, reperit Acham filium Chaim, esse anathema. Diuus quoque Matthias electus est in Apostolatam missis sortibus inter eum & Ioseph: ut narratur capite primo Actuum Apostolorum. Augurio videtur etiam vsus Eliseus, qui lethaliter iam ægrotans, prophetauit Ioë regi Israel, fore ut vinceret Syriam ter, eò quòd terram sæculo ter percussisset: si autem pluries percussisset, fuisse deuicturam eam vsque ad consummationem. Itaque ex numero iaculationum videtur præsensisse numerum victoriarum: non aliter ac Calchas Agamemnoni narratur, ex numero passerum prædixisse numerum annorum belli Troiani. Sed & 40. cap. Geneseos scriptum est, Iosephum solitum esse augurari in scypho, in quo bibebat: atque idè ipsemet dixit, *An ignoratis, quòd non sit similis mei augurandi scientia?* Necromantiæ etiam exemplum esse videtur in sacris. Nam Saül cum consulrus Deus ei non responderet neque per somnia, neque per sacerdotes, neque per Prophetas, curauit ut Pythonissa sibi fuscitaret Samuelem, quem consuleret. Observationis etiã auium & inspectionis extorum; formam videtur præ se ferre illud, quod Deo imperante fecit Abrahamus, quòd narratur cap. 15. Geneseos his verbis: *Et respondens Dominus, Sume, inquit, mibi vaccam triennem, & capram trimam, & arietem annorum trium, turturem quoque & columbam. qui tollens uniuersa hæc, diuisit ea per medium, & utrasque partes contra se altitrus fecit posuit, aues autem non diuisit: descenderuntque volucres super cadauera, & abigebat eas Abraham, cumque Sol occumberet, sopor irruit super Abraham, & horror magnus & tenebrosus inuasit eum, dictumque est ad eum, scito prænoscens, quòd peregrinum futurum sit semen tuum in terra non sua, &c.* Videtur sanè in hoc oraculo, & inspectionem extorum fuisse, siquidem diuisit per medium tria illa animalia, & eorum partes contra se altitrus fecit posuit auium quoque habitam rationem, siquidem descenderunt super cadauera: porrò accessisse diuinationem ex insomnio, siquidem post soporem dictum est ei quòd semini eius erat euenturum. Arti quoque Chaldæorum, hoc est, Astrologiæ iudiciariæ, fauere videtur illud, quòd capite quinto libri Iudicum scriptum est, *De cælo dimicatum est contra eos, stella manentes in ordine, & cursu suo aduersus Sisaram pugnaverunt.* Si enim ob infelicem stellarum in cælo mantentium ordinem Sisara deuicta est, potuit certè præuiso eo stellarum ordine suam calamitatem præsentire. Sed & chiromantici habent in sacris, quo se tueantur: siquidem capite 37. libri Job ita habetur: *Qui in manu omnium hominum signat, ut noverint singula*

Necromantiæ exemplum in sacris.

De Astrologia iudiciaria.

singuli opera sua Iam verò oraculis nulli homines videntur magis vti quàm Israëlitarum. Nam Dauid consuluit Deum c. 5. lib. 2. Samuelis : *Si ascendam contra Philisthæos & tradas eos in manus meas ? qui respondit, non. Ascendas contra eos, sed gyra tergum eorum, & venies ad eos ex aduerso pirorum.* Consulebant etiam per Prophetas : nam cap. 16. secundi Paralipomenon, dixit Iosaphat ad regem Israel : *Consule obsecro in preseniarum sermonem Domini. Congregauit ergo rex Israel Prophetarum quadringenta viros, & dixit ad eos : In Rhamoth Galaat, ad bellandum ire debemus, an quiescere ? postea horum responso non contentus, accersiri iussit Michæam. Quæ igitur diuination non erat in Israel ?* Certè primæ de diuinatione questioni, An scilicet sit vlla diuination, nullus locus relictus est. Est enim vera diuination aliqua, vsque ea sunt non tantùm populus Dei, sed & aliæ gentes : nam vt fuerunt Prophetæ inter Hebræos, fuerunt & inter Græcos, & Latinos Sibyllæ, & Balaam prophetauit inter gentes, & responsa accipiebant Idolatræ à suis Diis. nam præterquàm quòd nimis esset proteruum, negare omnia quæ de Ammone Ioue, & Delphico Apolline celebrauit antiquitas, Rex Ochozias misit nuncios ad Belzeub Deum Acharon consulendum de sua salute, quasi scilicet ad respondere solitum. Quapropter facesser stulta Epicureorum derisio, qui omnia siue de sacrificiorum inspectione, siue de diuinatione ex insomniis, siue de Prophetiis, siue de oraculis, ac prorsus de quouis diuinationis genere, vbi terrarum esse dicebantur, censebant esse meras nugas, ac non solùm non esse vllam diuinationem naturalem, sed ne esse quidem posse : qui hac vna causa mihi videntur laudandi, quòd scirent, quid ex suis placitis esset consequens. Nam illi nullam vim naturalem diuinandi esse censentes, cum & nullos Deos qui rebus humanis prospicerent, esse putarent, sed (vt rectè Cicero intelligit) per derisum dicerent, eos esse imagines quasdam per aerem vagantes, non poterant vllam diuinationem recipere. Nos ergo quibus ex tam multis testimoniis doctissimorum ac grauissimorum auctorum, ac quod firmissimam fidem facit, scripturæ sacræ, constat esse re vera, fuisseque semper inter mortales futurarum rerum præsentiones, disputandum est, quæ diuination sit (posita enim sunt plurima illius genera) atque quæcunque esse probetur quàm habeat causam, an naturalem, an diuinam. Disputeretur primum quidem vniuersim, perinde per singula genera, hinc sumpto initio. Quicunque futura tentant prædicere, aut ex consideratione causarum, signorumve procedunt, aut non, sed sine vllis signis aut argumentis, quasi res ipsas per se videant,

Epicureorum
derisio
arguitur.

Videant, id faciunt: illud pertinet ad coniecturam, hoc ad diuinationem. Rursum, coniecturarum quædam sunt coniunctæ cum vera prudentia, quædam sunt vanæ, ut scilicet ipsæ, siue causæ, siue notæ, ex quibus ratiocinatur. sunt ut coniecturæ quibus Imperator in bellis, & ciuilis utitur in administranda Republica, & Medicus in curandis morbis, & nauta in soluenda à portu, aut retinenda naui, & agricola in mittendis seminibus, coniunctæ sunt cum prudentia, quia cum naturali ratione, aut diuturna experientia rerum secundum naturam contingentium. Quibus verò vtuntur Auspices, aut Augures, aut extorum inspectores, aut pullarij, aut observatores portentorum, ut videtur plerisque, vanæ sunt. Neque in volatum auium, neque in extis hostiarum, neque in pastu pullorum, neque in casu contingentibus portentis, videtur posse esse vlla naturalis significatio exitus bellorum, aut mortis ut principium, aut eiusmodi aliarum rerum, quatum gratia hæc obseruabantur. Diuinitio propriè vocata, aut vaticinatio, aut prophetia, nulla esse potest (quidquid grauissimi illi Philosophi dicant) merè naturalis; cur dicam merè, explicabo postea. Nam qui diuinat, aut tunc primum illud didicit, aut antea quoque sciebat non animaduertat tamen tunc quidem discere non potuit, quia cum non dedicerit colligens ex præexistenti aliqua cognitione causarum, aut signorum, aut cuiuspiam corporalis passionis quam acceperit, neque omnino collegerit ratiocinando ex aliis assertionibus (id enim non diuinare, sed, ut diximus, coniectare esse oportet ex ipsius obiecti præsentia scientiam comparauerit: at verò quod neque omnino est neque fuit, non potest esse præsens obiecti, igitur superest, ut qui diuinat eius quod diuinat notitiam semper apud se habuerit; id verò nulli finitæ facultatis menti contingere potest. Neque igitur vlla potest esse naturalis diuinitio. Nam facultas diuinandi si quæ est, non est quorundam, ita ut aliorum non sit; neque futurorum quædam diuinati possunt, quædam non possunt: sed ea facultas erit per se omnium futurorum, ut memoria est per se omnium præteritorum, & quantum in ea agitur, quidquid futurum est diuinati possit. Necessè est ergo, si quæ diuinandi facultas naturaliter inest humanæ menti, in ea esse rerum omnium futurarum species, & notitiam.

Vanæ diuinationes.

Diuinitio non est merè naturalis.

Quoniam verò præsentia omnia & præterita aliquando fuerunt futura, tuncque pertinuerunt ad diuinandi facultatem, necessè est ea quoque sint in anima quæ eam habeat potentia; ergo necessè est habeat humana mens in se species & notitiam rerum omnium, præsentium, præteritarum, & futurarum:

id verò fieri non potest, neque per infusas rerum species, neque per participationem idearum, neque aliter, cum sit finitæ ac certæ virtutis. Nam ut qui non est potentia infinitæ, non potest omnia facere, ita neque qui non est infinitæ sapientiæ, potest omnia scire: sit ergo, ut non possit esse in homine vlla naturalis facultas diuinandi. Ponere enim calorem quendam, siue bilis atræ, siue flatus cuiuspiam, auræve talis, quæ incitando mentem intelligit ad diuinationem, nisi prius explices, quæ ratione possit mens ipsa diuinare; an euoluendo quas in se habet notitias, an recipiendo quæ accedant extrinsecus, inutile est. Si enim ipsa diuinatio esse non potest, neque vlla sit in mente diuinandi vis; ea verò si non est, calorem vel afflatum ponere, ut diuinetur, perinde est ac si quis putet hominem natura cæcum, cuiusdam splendoris accessione posse videre. Quidam neoterici hoc argumentum sibi videntur effugere, ponentes humanam mentem per se, ac nisi corporeis impedimentis teneretur, omnisfariam esse, ac proinde cum aliquando dimissis rebus corporeis, quasi vinculis soluta euagatur, per sese etiam sine vllis obiectis res alioqui occultas, aut futuras, agnoscere. Sed hi conditionem animæ alligatæ corpori non norunt, quæ nisi per sensus receperit, agnoscere nullo modo potest: & ipsam humanæ cognitionis rationem tollunt, quæ nihil est aliud quàm quodammodo ab obiectis pati. Præterquàm verò quòd tam multa receptissima à Philosophis placita perdunt, non vident se finitæ formæ perfectionem adscribere infinitam. Scire enim præcipua mentis perfectio est, & quòd plurimum est scientia, eò maior; quæ ergo omnium, infinita ea, cum non nisi in prima causa (quam infinitæ potentia, sapientiæ, & bonitatis esse alibi prius, & in hoc ipso opere monstrauisse possit, constat neque scientiam futurorum posse esse, nisi penes primam, & infinitæ sapientiæ intelligentiam, penes quam, ut inquit Plato, *neque est, erat, & erit, sed est*. Igitur neque certa, neque ambigua prædictio rerum futurarum, taliumque, ut earum non potuerit esse vlla certa coniectura ex rebus sensibilibus, neque eas possint secundum aliquam corporalem passionem significari, euidenter attestantur primæ veritati, quæ penes primam intelligentiam est, neque minùs quàm miracula confirmare eam possunt apud homines: imò plus etiam, quia multò melius possent Cacodæmones sensibus nostris illudendo miracula ementiri, quàm certò & sine fraude, futura prædicere. Sine fraude dico, quia hæc etiam in parte tentauerunt imperitissimæ rerum diuinatum gentilitati imponere, & veri Dei opera vtunque imitari: nimirum, ut ille respondebat ex propitiatorio, vera, certa,

&

Futuro-
rum co-
gnitor so-
lus Deus.

Dæmones
Dei similes.

& omni fraude vacantis verba, & veris Prophetis vera suggerebat; ita illi aut ex idolis, aut per pseudopphetas respondebāt. nunc ambigua, & quæ in utramvis partem flecti possent, nunc nuga, nunc mendacia. Ambigua, ut quidquid eveniret illi prædixisse putarentur; quale est illud, *Aio te Æcaciā Romanos vincere posse*: nugacia, ut quæ ipsis manifesta esse possunt, & hominibus occulta respondentes, ipsos in admirationem rapiebant; putantes quoddam scirent occulta, posse etiam scire futura. quod tamen longè differt. huiusmodi est illud. Cùm quidam ad oraculum missus esset, tenens manu placiram syngrapham, in qua scripta erat hæc interrogatio, *Utrum manus tibi bouem immolari, album, an nigrum*, ipsi neque interroganti quidquam, neque verò scienti quid manu gereret, bis ad autem responsum est, *album*: quæ res magnam Amoni autoritatē conciliauit, quasi potenti de quacunque re consuleretur, respondere. ea verò res nihilò maiorem admirationem afferre debuit, quàm si aperta voce interroganti, qualem vellent immolari bouem, responsum esset, *album*. Cur enim Dæmonum natura ad agnoscendas voces, quàm literas censeatur esse aptior. cùm non magis auribus, quàm oculis prædicti sint? mendacia suggerebant pseudopphetis ad decipiendum. Exemplo est id quod evenit Achab regi Israël, cui quadringenti ferè Prophetæ, spiritu mendaciij instigati responderunt, fore ut debellaret & bello caperet Remoth Galaad, cùm tamen ille bello illo esset casurus, & eius exercitus dissipandus. Itaque vera & certa futurorum prædictio, ac prophetia, inspirationis à summo Deo, per se, aut per bonos Angelos facta, euidens argumentum est, falsa verò, aut incerta, aut pertinens ad res præteritas, occultas tamen, ut furtorum, aliorum facinorum detectio (hanc enim etiam vocant diuinationem, quin & prophetiam, ut constat ex cap. 13. Lucæ ubi dicitur, *vetaverunt eum quod percutiebat faciem eius*, & interrogabant eum dicentes, *prophetiza qui est qui te percussit?*) hæc inquam inspiratione fieri potest pravorum Dæmonum, cuius inspirationis, nonnunquam ipsi diuinatores sunt conscij, ut cùm consulto, & præ impietate cum illis pepigerunt: nonnunquam ipsi etiam ignorant. Atque ignorantium nonnulli purant se à Deo Optimo Maximo instigari, velut quadringenti illi Prophetæ, qui deceperunt Achab: nonnulli neque an extrinsecus veniat vlla inspiratio, an intrinsecus in ipsis orta sit ea præsensio, norunt. atque bene hi præcipuè sunt, per quos sibi multi Philosophorum persuasere, esse hominibus secundum naturam vim aliquam & facultatem occulta & futura diuinandi. Cùm enim diuinationē videant & inspirationem non

An facultas diuinandi sit naturalis in hominibus.

agnoscant, causantur naturam. Certè longè facilius, ac suavis-
 lius est, Dæmonem tacitè rem quampiam phantasie represen-
 tare, quàm esse vim naturalem agnoscendi futura, quæque
 nondum sint, & occulta, quorum formæ per organa sensuum
 non subierint, cùm hoc aded naturæ ipsius animæ, & condi-
 tioni humanæ cognitionis indicatum sit repugnare; illud verò
 sit per facile: agitatione enim specierum rerum præteritarum,
 quæ in memoria sunt repositæ, possunt fieri futurarum rerum,
 aut occultarum spectacula: id verò nisi rarò & casu quodam
 fiat (in plerisque enim eorum quæ narrantur, casus & cre-
 dulus pepererunt diuinationis opinionem) à Dæmone fit.
 Itaque omnis propriè vocata diuinitio, quæque nullam habet
 adiunctam coniecturam, fit à Dæmone bono aut malo, neque
 est in hominibus vlla naturalis facultas diuinandi, neque vllus
 sensus futurorum. Argumentum verò, cui Cratippus maximè
 fidebar, nullius momenti est. Si enim nemo, neque dormiens
 neque vigilans quidpiam fururorum præsentit, neque prædi-
 cit (præter afflatus Dæmonum) nisi casu, non certè quia præ-
 dicit, prædicendi facultatem cognoscerut habere. quod enim
 fit casu, fit per accidens, quod à facultate, fit per se: non ergo à
 facultate quod casu. Casu verò fieri raras illas quæ narrantur
 diuinationes, constat, quia quod per se & à facultate fit, sem-
 per aut plerunque: quod casu, fit rarò, aut semel: malè ergo
 ille colligit, si vel semel prædictum sit quod postea eueniat, esse
 facultatem nobis diuinandi. Neque illud aliud quod de memo-
 ria, cui facultatem diuinandi volunt opponi, rectè concluditur.
 Neque enim quia præsentium & præteritorum est sensus, opor-
 tet ut & futurorum sit, cùm præsentium, & præteritorum sit
 vnde accipiantur certæ species, futurorum non sit, nisi per acci-
 dens. ex ipsis præsentibus, & præteritis. Non est itaque vera
 diuinitio naturalis: nihilominus habet etià in diuinatione par-
 tem aliquam natura, idque duobus modis: vno quidem, quòd
 quædã vocatæ diuinationes sunt meræ naturales: altero, quòd
 ipsa etiam propriè vocata diuinitio, & prophetia, ob naturales
 quasdam causas, accidit potiùs huic quam illi, hoc aut illo tem-
 pore, hoc aut illud agenti, hoc aut illo modo disposito. primus
 ergo modus primùm explicetur, deinde alius. De Astrologia &
 Physiognomia, cuius Chiromantiæ prædictio pars est, quando-
 quidem artium quarundã esse videntur, certum est seorsum dis-
 putare, an fide aliqua sint dignæ, an prorsus sint vanæ, ut etiam
 de Necromantia, ne tam multa vno cap. inuoluamus. Superfunt
 auguria, seu auspicia, & extorum inspectio nes, portentorum in-
 terpretationes, sortes, & insônia. Augurij & auspicij nomē pro-
 priè

prædicitur de diuinatione, quæ ex cantu, aut volatu, aut pastu
 auinum, procedit: latius verò patente nomine, etiam de ea quæ
 ex aliis quibusvis rebus casu incidentibus, vt quòd hoc aut il-
 lud nomen auditum est, quòd talis aut talis homo occurrit,
 agentiter, quòd biuiuit equus, aut cespitans cecidit, quòd in
 mensa sal excidit aut vinum effusum est, quòd tactus baculus
 bene in terram cecidit aut malè, & innumera alia, quæ neque
 vlla constant ratione, neque eadè apud omnes sunt, sed quæ sibi
 quisque fingit. Extorum inspectionibus utebantur sacerdotes
 in sacrificiis idolorum, vtque animalium quæ immolabantur,
 erant viscera integra aut vitiosa, ita bene aut malè ominabantur
 iis quorum gratia sacrificia fiebant. Vtraque horum erat prorsus
 vana, ac ex superstitione hominum profecta; si quid verò
 maius in his eueniebat, quàm vt casu fieri cèseri posset, id omne
 (vt Plato etià author est loco quem circūuimus) Dæmonum
 interuentu fiebat ideòque meritò datum laudi est Sàuli, quòd
 eraserit à terrà Israël omnes Ariolos, simul cum Magis, & Py-
 thonem habentibus. Nihil occurrit in sacris quod augurij ali-
 quam speciem præ se ferat, nisi fortè illud quod Eliseus respon-
 dit Ioè regi, victurum scilicet ter, quòd terram ter percussisset
 iaculo: id verò non ita oportet interpretari, quasi triplex iacu-
 latio triplicis victoriæ augurium præstiterit, sed quòd Eliseus
 eam recepiisset reuelationem à Deo, fore vt Ioè toties vinceret
 Syriam, quot ab eo iussus mitteret iacula: hæc verò diuinatione
 non ex augurio, sed ex diuina reuelatione processit. Iam verò
 quòd Abraham vaccam, capram, & arjetem per medium se-
 cuit, sacrificium fuit, non extorum inspectio. abigebat verò vo-
 lucres non auguriū captans, sed sacrificij reuerentia. Iam verò
 Ioseph putabatur ab Ægyptiis augurari in scypho, cum tamen
 ille re vera nihil tale faceret, sed esset & prudentissimus conie-
 ctator, & propheta iisse vt se magis dissimularet apud fratres,
 ad opinionem Ægyptiorum interrogauit, *An ignoratu quòd non
 sit similis mei in augurandi scientia?* nihil sanè affirmans, sed illos
 terrens, ac fingens esse alium. Portentorū interpretationes vanas
 omninò non esse constat: siquidem Deus Optimus Maxi-
 mus, gubernationem rerum humanarum penes se esse, vbi ma-
 gnæ aliquæ earum mutationes instant, portenta quædam fa-
 ciens iudicare solet. Velut cum placeret Domino transferre
 imperium Assyriorum in Medos, facta est portentosa illa visio
 manus scribentis in pariete, *Mane, Thecel, Phares*, quod interpre-
 tatus est Daniel, non certè aliter quàm per propheticum què-
 m habebat spiritum. Porro cum mundi ageretur redemptio, &
 reconciliatio hominum cum Deo, & mutatio sæculorum,

Scyphus
 augura-
 tionis.

Portenta.

Interpre-
tatio eclip-
sis Apol-
lophanis.

ac filius Dei moreretur, tenebrae sunt factae super vniuersam terram horis tribus, & velum templi scissum, & lapides collidebantur muro, & surrexerunt plurimi à monumentis: quorum interpretatio per sanctum Spiritum facta est Ecclesiae. Porro interpretatio illa portendens illius eclipsidis Apollophanis Philosophi in Heliopoli agentis (ut narrat Diuus Dionysius in epistola ad eundem Apollophanem) minimè fuit vana, qui interrogatus quid de ea iudicaret, respondit: *Diuiinarum rerum vicissitudines*. qui mihi videtur maius quiddam, quàm humana sapientia consequi posset dixisse, ac fortasse prophetauit hic quoque, nesciens quod diceret: dixit verò rem verissimam. Nunquam enim tanta rerum diuiinarum vicissitudo facta est, quàm tunc, cum cessare cepit scripta lex, & idolorum cultus cadere, atque omnia cedere legi gratiae, initiumque accipere regnum Dei. Quoniam verò Deus non Christianarum rerum solum, sed humanarum omnium providentiam habet, & gubernationem, ut ex eo quod contingit Balthasari palam fit, non est quòd fidem abrogemus iis, quae de Romanorum, & aliarum gentium portentis narrantur, ut neque iis quae Iosephus accidisse narrat paulò ante excidium Ierusalem, cum praecipue libro secundo Machabaeorum capite quinto, ante illud templi & Ierusalem excidium, quod fecit Antiochus, dicantur quadraginta diebus apparuisse per aeternam tam multa portenta. Verùm in hoc quoque praesensionis genere, sunt innumera vana, & falsa. Vana quidem, quoniam ea quae ut portenta narrantur, leuia sunt, vel casu facta, & quae non tunc primum, aut solum accidunt, sed tunc considerantur, quòd nouae aliquae res consequutae sint, velut narrant Boetios Thebaidae vidisse ex magno ac denso cantu gallinaceorum victoriam esse Thebanorum: fuisse verò, ut scitè dicit Cicero, portentum, si cecinissent pisces: falsa verò plurima sunt eorum, quae in Principum obitu narrantur accidisse: ea enim, ut & diuinos titulos & honores, largita est illis adulatio. Itaque portenta, & eorum interpretationes, etsi magna ex parte, non tamen omninò vana sunt. quandoquidem, ut indicatum est, nonnulla sunt portenta diuina voco, quae voluntate Dei, aut interuentu Daemonum fiunt. sunt enim etiam multa huiusmodi, ut quae faciebant Magi Pharaonis concertantes cum Mose, quos tamen confudit Deus in Ciniphibus re omnium vilissima, ut inde palam fiat hominibus, Daemones ne minutula quidem possent, nisi Dei permissione facere. Quoniam verò Deus in suae providentiae, & gubernationis argumentum facit aliquando portenta illi superbissimi, Dei quo ad possunt æmuli, nonnunquam in aëre tumultus

Victoria
cantu gal-
linaceo-
rum.

Dæmones
Dei amu-
li.

rus clement, voces emittunt, aut phantasmata fingunt, cum vident aliquid noui instare: præsentiri enim verò id per coniecturas, ut sunt quàm nos perspicaciores. Huiusmodi esse puto, quòd auis dicitur clamasse ad Romanos, ut à Gallis caue rent. sunt itaque et eorum quæ de portentis dicuntur, quædam vana (coniungo nunc cum vanis falsa) quædam diuina. Sed & naturalia etiam sunt portenta, quorum est etiam naturalis aliquando interpretatio. vocantur enim portentia ea etiam, quæ etsi naturaliter fiant, ob raritatem admirationem aliquam faciunt, velut malæ partus & fœtus monstruosi. Hæc omnia censer vulgus hominum significare res nouas, velut dicunt Zoroastrem dentatum exisse in lucem, ac mox risisse, qui magicæ inuentor dicitur fuisse. Verùm hoc quod de Zoroastre ferunt, nescio, ut habuerit: monstruosos verò & portentosos partus siquidem causas habent naturales, constat, ob necessarias potius causas circa materiam contingentes fieri, quàm ut quidpiam futurorum significant. naturales verò interpretationes sunt naturalium portentorum, velut Pherecydes magister Pythagoræ prædixit fore terræ motus, eò quòd defecisset aqua in iugi puteo, & similibus his portentis admonitus Anaximander, dicitur Lacedæmoniis prædixisse instare magnos terræ motus, quòd ita re ipsa consequutum est, ut vrbs corruerit tota. Ita etiam insolitus ranarum, murium & reptilium prouentus, præmonstrant pestem. Tamen re verà hæc & eiusmodi alie præseuisiones, non magis diuinationes sunt, quàm quibus Medici, agricolæ, & naturæ uti solent. Sortes nihil possunt habere naturale, quia ipsa ratio bene mittendi sortes, in eo maximè consistit, ut tollatur omnis causa siue naturalis, siue voluntaria, ita aut aliter cadendi, sed res tota, aut casui, aut occulto motori, eique diuino committatur. Si enim quis in vas mittens pilulas, aliquam facit aliis maiorem, aut parum versat, ut possit extrahere, quam velit; aut si qui sponderit enius calculus prius tadar, faciat suum grauiorem, hæc non sortes, sed imposturæ sunt: si verò omnis naturalis motus, & deliberationis causa absit, verè sorts est. Igitur per sortes nihil futurorum potest præsentiri, neque occultorum agnosci naturaliter: potest verò Deus per has, ut multis aliis modis sensibilibus, quarum velit rerum significationem præstare, ut præstitit Iosue, & Petro cum consulentibus: tuncque verissimum est quod in Prouerbiis dicitur, *sortes à Deo temperari*. Hoc quoque sunt imitati mali Dæmones, respondentes iis qui eos consulunt per sortes. Ex dictis constat sortes mittendas non esse, nisi cum Deus se ita respondere velle reuelauerit, quod sanctissimis illis

Roma
aui clamore ser-
uata.

Terræ-
motus
prædi-
ctus.

Pestis
prænun-
tiationes.
Sortium
confide-
ratio.

Infomnia.

Præsen-
sionis ra-
tio.

Duplex
præsen-
sionis ratio.

viris accidisse credo; aut cum nullum humana prudentia locum habet. Nam tunc quoque verisimile est, si res sint magni momenti. Deum qui humanas res non negligit, nisi peccata obstant, sortes temperare: alioqui vanæ aut superstitiosæ sunt, quia imprudentissimæ fortunæ, aut nequissimis Dæmonibus committuntur. Dormientibus fieri possunt futurorum, & eorum quæ occulta sunt reuelationes, ac fortasse etiam magis quam vigilantibus, ut postea dicemus. Sed & citra has, est quædam naturalis dinatio ex insomniis, de qua ab omnibus ferè Philosophis disputatum est, atque à me nunc iuxta illorum placita, est agendum. Res quarum per somnum potest præsentio fieri, quædam à nobis sunt agendæ, aut sustinendæ, quædam omnino extra nos futuræ sunt, neque in nobis vllum sui principium habituræ. Nostræ quidem actiones aut passionες sunt, velut si ego iturus sum Romam, Rex futurus, febricitaturus, aut moriturus: extra nos sunt, ut si futurum est nauale bellum, occupanda quæ nunc obsidetur Goleta, aut fugandi Turcæ, aut futura ingens procella, aut largus imber. Porro eorū quæ extra nos sunt, quædam talia sunt, ut cum eorum causis nullā habere possimus compassionē, aut talia, ut possimus. Atqui ut non possimus cum eorum causis cōpassionem habere, aut ex natura rerum nascitur, aut ex tanta distantia, ut nullus contactus esse possit (scimus enim actiones nullas naturales sine contactu fieri) ut à causis futuræ cras hinc pluuiæ, possum ego pati humectatus, emollitus, atque vexatus fluxionibus quod palā faciunt podagrici, & qui hernia laborant: tamen à causis futuri belli, aut interitus Pontificis, aut fugæ Turcarum, ob ipsarum rerum naturam, nullam ego possim accipere passionem corporalem. Neque certè Madriti agens à causis futuræ Romæ pluuiæ, aut futuræ hinc anno sequenti, distantiam loci, aut temporis, rerum huiusmodi à quarum causis nullum accipere possumus passionem, nulla neque dormientibus, neque vigilantibus esse potest naturalis præsentio, nisi per coniecturas. Sed cum euenit quempiam vigilantem cogitare, aut dicere, vel dormientem somniare, aliquid quod postea re vera fiat duorum alterum necesse est; aut id fortuito fieri, non aliter ac cum nobis de aliquo homine loquētibus ille superuenit, aut à Deo cui omnia futura conspicua sunt, aut à sagacissimo coniectore Dæmone factam esse reuelationem. Aliarum verò rerū, quarum principiū intra nos est, aut à quarum causis pati possumus præsentio multò melius ac facilius accidit dormientibus, quam vigilantibus. Nam duplex ratio est qua res tales præsentimus, quid facturi simus, consultādo quid facere nos postea expediat

expediat: quid passuri, sentiendo in nobis exigua imminentium passionum initia. Primo modo admonemur sæpè per insomnia quid simus facturi. Nam sæpè de rebus agendus cœpta interdiu cogitatio, per somnum continuatur, inveniunturque tunc temporis accommodatissima ad finem media, quæ cum expergefactis placent, opere exequimur, putantes nos a Deo admonitos quid facto opus sit, causa verò talis euentus est naturalis, Nam utrunque dictorum, consultatio scilicet & sensus minutularum passionum, melius multò accidit dormientibus quàm vigilantibus, si modò somnus placidus sit, neque multis crassisque vaporibus conturbetur: tunc enim velut in agitata contubaraque aqua multæ variæque redduntur rerum imagines, nulla verò certa ac conspicua. Cum verò somnus est moderatus, neque perturbatus multis animi moribus, aut morboso apparatus, aut crapula, dicta illa accidunt meliùs, quia anima intro se colligens, & nullis externis sensibilibus motionibus distracta, meliùs ac perspicaciùs consultat. Argumento est, quòd qui de rebus maximis cogitare volunt, in silentio, obscuris, conclusisque cubilibus, & sæpe etiam oculis id faciunt. Nimirum subtrahunt sese ab externorum sensu, ut cogitationi vacent. Constat verò nulla ratione magis animam vacare ab externis sensibus, quàm dormiendo, non verò ita vacat ab internis, siquidem somniat. quod Hippocrates libello de insomniis significauit: his verbis: *Cum corpus dormit, anima vigilat.* Eandem ferè ob causam fit, ut minutulæ passionum, quæque vigilantes latent à dormientibus sentiantur, videanturque illis esse multò quàm sint maiores. nimirum somnus habet ad vigiliam rationem, quàm nox ad diem, tenebræ ad lucem, silentiù ad clamores: at verò constat noctu & silentibus cunctis, strepitus vel exiguos videri magnos interdiu, & vbi est magnus strepitus, magnos etià latere, adeò ut qui iuxta Niliorum sunt, dicantur esse surdi. Horum verò causa est duplex. In ipsa anima, quòd sensus coniunctus semper est cum imaginatione, quæ cum animaduersione operatur, distrahitur verò ob aliorum sensibilibus magnitudinem aut potentiam. In ipso organo, quòd vbi multæ recipiuntur figuræ aliæ alias obscurant, velut in aqua inditatum est. Itaque anima per somnum attentius cogitat quàm per vigiliam, & minutulas passionum maiores esse indicat. Sunt verò hæ passionum, & à causis internis, ut ab humoribus, & flatibus, & ab externis, ut ab aëris intemperie. Hinc fit, ut ex insomniis possimus multa de imminentibus morbis, aut latentibus morborum causis, præscire: nonnulla etià de externis, ut de procellis, imbris, & eiusmodi. Porro scire oportet, velut cum vigilantes loquimur,

Ratio
somnia ad
vigiliam.

aut

Somniorū
interpre-
tatio.

Pluuiam
quæ præ-
nuntiant.

Sympto-
mata
morborū.

aut cogitamus, aliquando id facimus per proprias appellatio-
nes aut notiones, aliquando per figuras, velut per similitudi-
nes, & allegorias; ita etiam somnare, atque ita aliquando opus
non est interprete somniorum, sed illud ipsum quod somnia-
tur significatur, ut si quis somniat se febricitare, est quod ti-
meat febrem, & qui esurit somniat se comedere, & qui sitit
bibere; ut dicitur Isaia 23. Aliquando opus est interprete, qui
calleet similitudines, & translationes, velut si quis somniat
terram vri, aut præ vstione findi, est quod timeat febrem. si quis
somniaat se esse languidissimum, est quod timeat paralytim; si
somniaat sibi fieri crus lapideum, curis paralytim timebit. Per-
inde etiam accidit in externis: si quis somniat largum imbrem,
neque in sese catharrum, aut illius agnoscat exordia, imbrem
præfagiet. Hoc idē præfagiet, si somniat se videre multos qui
latē terram irrigent. Neque mirum videri debet pluuiam som-
niare signum esse pluuiæ; si enim videmus imminētem plu-
uiam, cornicem, delphinos, sues, araneos, & innumera alia ani-
malcula ita afficere, ut ex eorum cantu, saltu frequēti, grunni-
tu, & errabundis motib; faciliē eam prænoscamus; quid mirum
est nostra corpora aliquatenus etiam affici, affecta verō ita, ut
humectata, quid mirum de pluuiā somnare; ut scilicet redun-
dāte semine somniant de Veneris, redundante bile de præliis,
& quibus plena vesica est, de lacubus, & fluminibus cogitante
anima quæ appetit aut fugit; si verō mirum non est somnare
de pluuiā, cū ea imminet, neque impossibile sit, vigilantem
imaginari (tamen si rarius hoc sit, quia, ut dictum est, minutulas
passiones dormientes sentimus magis; quā vigilantes) unde
factum esse arbitror, ut Auicenna, & si qui alij eius sententiæ
sunt, quod vim habet signi, vim causæ habere putantes, asse-
ruerint animam hominis vim habere mouendi externa, & quæ
longē posita sunt: nonnullos enim cogitantes de pluuiā, eam
fecisse: cū tamen iuxta dicta verisimilius sit, illos quod insta-
ret pluuiā, de ea cogitasse. Ecce modos & causas diuinationis
naturalis ex insomniis, quæ ut in reliqua vita alicuius, ita in
medicina maximi momenti est. Plerunque enim internæ illæ
passiones, ex quibus nascuntur insomnia, morborum aut sym-
ptomatum initia sunt. Insomnia etiam diuina, quæ esse dixi-
mus rerum quæ in nobis principium nullum habere possunt,
neque nobiscum ullam sympathiam, sunt plerunque allegori-
ca: atque ita ratio ea interpretandi, eadem est quæ & natura-
lium allegotarum: nimirum per enodationem allegoriæ, velut
explicari solent ænigmata. Atque ut in his explicandis sunt
alij aliis prudentiores, ita & in interpretandis insomniis Quo
fit,

ut sit sæpè somnium diuinum , interpretatio vero naturalis : nonnunquam interpretatio quoque diuina: eùm scilicet eadem diuinatione opus est ad interpretationem, atque ad insomniũ. Velut insomnia Ioseph videntis manipulum suum confurgere, & fratrum manipulos coram illo cadere, & iterum Solem & Lunam & vndecim stellas adorare illum, diuina fuerunt haud dubiè; interpretatio verò facilis, & quæ mox succurrit. primi quidem fore ut fratribus imperaret: secundi, ut ab illis, & patre & matre adoraretur, quod multò post euenit. Diuina etiam fuerunt insomnia præpositi pincernarum, & principis pistorum Pharaonis (cap. 40. Geneseos) & insomnia ipsius Pharaonis: interpretationes verò non est necesse per reuelationem, sed per prudentem coniecturam esse factas, tamen prudentiam illam Ioseph dono Dei habuit, ut & Salomon sapientiam gubernandi: atque illo loco Geneseos coniectur vocatur Ioseph, non Propheta, Daniel vero non potuit Nabuchodonosor respondere (cap. 2. Danielis) nisi per diuinam inspirationem, quandoquidem reuelauit ei somnium quod exciderat, & apposuit interpretationem, quod euidentissimum fuit argumentum reuelationis diuinæ, vel ipsis Magis Nabuchodonosor asserentibus, qui ita responderunt: *Sermo quem tu quæris, rex, grauis est, neque reperietur quispiam qui indicet illum in conspectu regis, exceptu Diis, quorum non est cum hominibus conuersatio*, hoc est, nemo potest cogitationes hominis, & somnia scire nisi Deus Opt. Max. ac per illum boni spiritus, qui non conuersantur cum hominibus huiusmodi, cum Magis scilicet, & Ariolis, itaque ista responsio esse non potest nisi Prophetæ summi Dei; atque ita Daniel oratione impetrauit à Deo reuelationem, quam nocte accepit per visionem, Somnij etiam ipsius Danielis, quod cap. 7. narratur, interpretatio diuina fuit, ut ex ipsa constat narratione. Itaque duplex ratio est diuinandi ex insomniis, quædam naturalis, quæ duas habet causas, estque re vera quædam coniectura procedens ex naturalibus signis, quæ præstantur in somnis: quædam diuina, quæ ex reuelatione procedit, atque cum ea reuelatio Dei est per se, aut per bonos Dæmones, est verè prophetica. Multi etiam sunt, qui præter hæc putantur ex somniis diuinare, eò quòd aliquando consequuturi sit, id quod futurum esse somniauerint, nonnunquam ita, ut euentus maximam afferat admirationem: tamen re vera illud casu sit: euenitque hominibus somniabundis, cuiusmodi sunt multi atrabiliarij. nimirum illi cum plurima eaque varia somnient, sit casu, ut aliquando in res, quæ futuræ verè sunt incidant, ut (inquit Aristoteles) qui

Duplex
diuinandi
ratio.

M

diem

Animæ &
corporis
sympa-
thia.

diem totum iaculatur, aliquando collimat, etiam si iaculandi peritus non sit. Neque sanè adeò mirum est, cùm tam multi homines semper sompient, aliquem aliquando incidere in rem futuram. Neque minus haberet admirationis, si nulla vnquam incidisset. Neque minori disquisitione indigeret, cur non posset fieri id quòd ab aliquo somnium esset. Cur igitur nunc miramur, si aliquando fiat itaque verè diuinandi, hoc est, præ-noscendi futura citra coniecturam, & quæ nullam in nobis habere possit passionem sui indicatricem, nulla facultas naturalis in nobis esse potest: tamen diuinandi quodammodo, per insomnia quidem magis, sed & per vigiliam aliquatenus est in nobis quædam facultas: ea verò malè à Platone collocatur in iecore. Nam cùm diuinare quodammodo sit contrarium ipsi memorari, ad eandem animæ partem pertinet necesse est, puta ad sentientem, quam Plato (vt & omnes Medici) in cerebro ponit: in hepate verò, aut nullius principium est, aut appetentis solum: itaque etsi appetitiua plurimum in somniorum principium, & causa sit, velut cùm quis cibi laboras penuria, somniat se comedere affatim multa, & semine redundans, congregi cum mulieribus, inde tamen non fit, vt eiusdem sit facultatis aut partis, appetere & somniare, sed vt facultatum & partium animæ ac corporis tanta sit sympathia, quæ, vt hoc ita multis aliis argumentis asseritur. Sed redeamus ad p̄sum. Cùm ergo per omnia genera inditatum sit, diuinationes quasdam esse vanas, quasdam naturales, quasdam diuinas, vanis quidem non utebatur Israël, vt Balaam prophetado dixit, naturalibus utebatur vt alix gentes. diuinis meliùs multò quam alij omnes: etiam si aliis quoque populis dedit Deus veros Prophetas, qui aduentum suum illis, & alia quàm plurima demonstrabant; vt Græcis & Romanis Sibyllas: Orientalibus populis Balaam. Verùm hoc intererat, quòd Israel (nisi cùm adulterabur) non utebatur Pythonibus, neque oraculis cæcodæmonum, neque eorum prophetiis, sed solum Dei Optimi Maximi responsis, & inspirationibus per viros sanctos. Proinde auguriis non utebantur nisi peccates (quod acriter reprehendebant Prophetæ, vt certè Osee c. 4. dicens: *Populus meus in ligno suo interrogauit, & baculus eius annuntiavit ei*) neque extorum consideratione, quia hæc vana semper sunt, aut praua, multò minùs Pythonibus, aut omninò Necromantia, quia hæc praua semper sunt. Utebantur verò responsis Dei, & prophetiis Sanctorum, atque eorundem insomniis, & interpretationibus, nonnunquam sortibus; his verò non leuiter, & vtcumque (ita enim essent vanæ) sed accedente semper diuina inspiratione, in re iusta, & magni momenti. De primo itaque

itaque modo, quo potest diuinatione quædam esse naturalis, hætenus dictum sit. Superest secundus, quo scilicet in ipsa vera, ac prophetica diuinatione partem aliquam habet natura. Certè quòd diuinetur propriè, ac verè, nulla naturalis causa est satis, quandoquidem indicatum est, nullam esse in nobis facultatem naturalem diuinandi, sed effectuum principium externum esse ac spiritale: tamen potest esse in ipso qui talem accipit inspirationem naturalis quæpiam dispositio, magis aut minus accommodata ad accipiendum. Non ita quidem ut ea dispositio causa sit inspirationis necessaria, neque qua præsentè necessariò fiat, neque sine qua fieri non possit. Si enim Deus Optimus Maximus est principium efficiens veræ prophetiæ, ut monstratum est his, cum ne ad creationem quidem adstrictus sit causæ ulli necessariæ, multò minus sit in largiendis his donis: sed cum is (quæ sua est bonitas) soleat disponere omnia suauiter, in his quoque quæ supra naturam facit, quoad fieri potest, rationem seruat naturæ, velut & miraculorum exemplis pluries iam indicatum est. Quandoquidem diuinatione non nascitur in nobis ut reliquæ sensationes ab obiectis (hæc enim nondum sunt) sed à diuinitus factis repræsentationibus, constat eam fore accommodatissimam dispositionem, per quam maximè vacat à motibus, quos cient sensibilia. Nam, ut nuper diximus, ut in aqua quieta facilè redditur quæcunque figura, in agitata verò non potest reddi, ita & in quiescente à sensibilibus animo, repræsentatio quæcunque: ab eo verò qui plurimum volutatur circa sensibilia, excluditur omnis inspiratio. Hanc ob causam, qui orationi volunt vacare, eligunt silentium, quierè, & tenebras, ut scilicet audiant quid loquatur in illis Deus. Itaque qui minimè utitur sensibus, is maximè valebit diuinatione. qua de causa Plato & Aristoteles, diuinationem in fatuis ac stupidis esse dixerunt, in quibus scilicet minimè est prudètia (quòd mihi videretur fabula, ut multa alia, adumbrassem antiquitas, dicens Tyresiam cum donaretur facultate diuinandi factum esse cæcum) & in furentibus magis quàm sanæ mentis hominibus, & dormientibus magis quàm vigilantibus. Eadem quodque ratio esse videtur, quòd moribundis magis quàm per reliquam vitam Verum ne hæc rumultuariè prætereamus, sed expédamus singula, quòd fatui diuinationem habeant pro prudentia: contra prudentes hanc pro diuinatione, videtur consentaneum, quia ut se habent bruta ad hominum genus, ita inter ipsos homines fatui ad prudentes: at verò ut homines prudentia, ita bruta videntur valere diuinatione. Nam pisces multi solent incautis præmòstrare nautis tempestatem, ut auiculæ agricolis,

Diuinationis dispositiones.

Fatuorum diuinationes.

Brutorum præsentiones.

armenta bubulcis: & minores greges aliis pastoribus, & mures in proximam confertim abeuntes, dicuntur præmonstrare incolis ruinam domus. Multa etiam alia his admirabilia narrantur de brutorum præsentione, quàm illis velut instinctum quendam videtur dedisse natura, pro prudentia. Ita igitur & inter ipsos homines, imprudentibus datam esse diuinationem, est consentaneum. Sed ut hæc quatenus verum sit constare magis possit, operæ pretium fuerit dicere, quæ causa sit magnæ illius præsentionis, quæ in brutis conspicitur. Ea certè est, maior brutorum compassio cum causis corporalibus. Cum enim

Bruta cur
præsen-
tiant.

hæ sensus afficiant, brutorum animæ (ut quæ mente carent) sensibilibus magis afficiuntur: quapropter exordia futurorum motuum sensus brutorum magis afficiunt. Itaque ut qui carent oculis audiunt exactiùs, ita quæ mente carent animalia exactiùs sentiunt. Adeò conspicuum est, quòd rationalis contemplatio detrahit sensui, ut qui intentiùs disputant, meditantur, aut orant, soleant plurima quæ coram sunt, aut dicuntur, neque videre neque audire, ac nonnunquam sensuum munere priuari, quàm vocant ecstasim, ut Socrates, qui (ut narrat

Ecstasis.

Alcibiades in Conuiuio) in medio exercitu aliquando, vno gradu diem & noctem stetit, vsque ad Solis exortum cogitabundus. eadem ratione euenit plerumque, ut qui exactissimos habent sensus, sint ad factorias artes aptissimi, ad contemplationem non adeò: contra, qui in hac valet plurimum, sint ad res tractandas parum idonei. Constat ex dictis eam diuinationem, quæ in brutis & hominibus rudioribus præcipue est, in eo esse genere diuinationis, quod naturaliter inest per compassionem cum causis, aut per exordia rerum futurarum. Illa igitur nullatenus est vera diuinatio, quæ & prophetia dicitur. Sunt alij homines, imprudentes illi quoque, non tamen fatui aut stupidi, sed dementes, insani, & furentes, aut naturali vitio aut morbo, hos dicunt plus aliis omnibus futura prædicere, quod nonnulli in atræ bilis, quæ furoris est causa, naturam referunt per se, quasi scilicet ea sit eius succi vis naturalis, quia talis substantia, aut quia calida & sicca. verum hoc falsum esse constat. Nam nullum omnino esse posse naturalem vim diuinandi, generatim iam monstratum est: si autem nulla esse potest, certè neque in hoc, neque in illo temperamento, neque in hoc neque in illo succo: non igitur atræ bilis est ea vis per se, sed per accidens, quia scilicet atrabiliarij somniabundi sunt & loquaces, fit ut nonnunquam incidant somniando aut loquendo in id quod futurum est, velut qui sæpe iaculando aliquando collimat, ut nuper quoque diximus. Fit verò ut loquantur quiduis

Somniabundi.

quiduis, & quia imaginationibus densis, & calore instigantur, & quia cum sint insani, non habent (inquit Cicero) quam prudentia solet afferre rimiditatem, hoc est, nihil dissimulat, sed omnia effutiunt. quid ergo mirum si aliquid exit quale futurum est? hæc verò longissimè abest à vera diuinatione. Aliam quoque causam habent melancholici diuinationis, atque eam etiam per accidens, nimirum Dæmones faciliùs apprehendunt hos quàm alios homines, quia plus habent imaginationum, & minus prudentiæ. Cacodæmon verò ubi adest, quandam ostentat diuinationis speciem: nimirum affecta, semper opinionem diuinitatis, ad quam solam scit pertinere veram futurorum, per se, & non per præsentis causas ac notas præsentionem. Parati etiam hi videntur ad inspirationes, quia cum sint alienati mente, minùs intenti sunt corporalibus passionibus. Adeo enim verum est eos qui mente laborant, sensibus non esse intentos, vt dicar Hippocrates eos ne dolores quidem sentire: argumento verò est, quòd videmus rales, & plagas, & vulnera, & nuditatem, & famem, & passiones alias quascunque sensibiles faciliùs tolerare: tales ergo paratiores sint ad inspirationes recipiendas. At verò rectè videtur censere Aristoteles libro de insomniis indignum esse, putare Deum cum hominibus dementibus colloqui, præteritis bonis & sapientibus. Plato quoque diuinam reuelationem amicis Dei fieri putat: nam *maiora iis qua humana mens consequi potest, scit* (inquit) *Deus, & qui Dei sunt amici*: amicos verò Dei, quis dixerit alios, quàm probos & sapientes? Hoc argumento videtur Aristoteles velle tollere omnem diuinam prophetiam: illi verò solum concedimus, quod & ipse dicit diuinationem illam melancholicorum diuinam non esse, sed naturalem, aut dæmoniæcam. Diuinas verò inspirationes, quas prophetias vocamus, fieri per viros prudentes, atque magna ex parte optimos, dico, magna ex parte, quia aliquando etiam locutus est Deus per improbos, vt constat exemplo Balaam, qui etsi astutus, ac suo modo prudens erat nequam, indignum certè loqui Deum per stultos & imprudentes homines: dignissimum loqui per prudentissimos, & optimos. Ne verò meritis potiùs quàm dono Dei prophetiæ spiritus contingere cuiquam putaretur, datus etiam aliquando est impio, vt & alia dona, vt certè sanitatis. Igitur arrabiliarij, & mente moti præ multitudine imaginationum & insomniorum, & loquacitate, videntur aliquando diuinare: atque eosdem nonnunquam occupant Dæmones. Nec ad veræ prophetiæ spiritum recipiendum obicit eius succi aliquid, cum neque tantus, neque talis est, vt aliquam pariat insa-

Melan-
cholicorū
diuinatione

Faror di-
uinus.

Prophe-
tarum ad
vaticinā-
dum præ-
paratio-
nes.

Musices
vſus in
ſacris.

Moribun-
di pro-
phetant.

niā. Nam dictas ob cauſas, quod inſanientibus accidit, dæmo-
niacum potiùs eſt quàm diuinū: irruit verò etiam diuinus ſpi-
ritus in quosdam, qui præ mentis ecſtaſi, quæ ex contempla-
tione rerum diuinarum fit, videntur inſanire, vt Saul cum ſe
coniecit in medios Prophetas. Hic vocari poteſt furor diuinus,
eſtque re vera coniunctus cum maxima ſapientia, etiam ſi in-
terim tollit prudentiam huius ſæculi. niſi enim hæc abſtulſſet,
non impulſiſſet Dauidem, depoſita regia ſeueritate ſaltare co-
ram populo. Itaque mentis eleuatio ab humanis curis & ſolici-
tudinibus, maxima diſpoſitio eſt ad propheticam captandam
inſpirationem, eaque naturalis, quia rerum humanatum cu-
ræ, plurimum auocant ab omni rerum ſuperiorum contem-
platione. Quæcumque ergo naturaliter reddunt animum va-
cuum à talibus curis, naturaliter etiam diſponunt, & ad diui-
norum contemplationem, & ad prophetiam, etiam ſi ipſa pro-
phetia ſupernaturale donum eſt, & veritatis diuinæ euidentis ar-
gumentum. Hanc ob cauſam Prophetæ variis modis ſe præpa-
rabāt ad recipiendum ſpiritum: nunc ſe conuertebant ad ſom-
nos, vt Ioſephus & Daniel, vt in illa requie mentis & trāquilli-
tate, ſine ſtepitū externorum ſenſibilium, viderēt viſiones (quī
prophetandi modū inſinuatus eſt illis verbis Ioëlis, cap. 2.
Senes veſtri ſomnabunt, & iuuenes veſtri viſiones videbunt,
quod impletum eſt, vt in aliis multis, ita vel maximè in Ioſe-
pho viro ſanctiſſimæ Mariæ, & in Magis) nunc quoque
ſe præparabant oratione, vt in mentis ad Deum eleuatione,
melius reciperentur eius inſpirationes: præparabant etiam ſeſe
muſico concentu, quia hic quoque mentem erigit, & à ſenſibus
abſtrahit. Hæc cauſa fuit, vt Eliſeus rogatus diuinū reſponſum,
petetet accerſiri ſibi pſaltem. Hac eadem, ſancta Eccleſia, quæ
diuino regitur ſpiritu, in celebrandis ſacris vtitur muſicis can-
tibus & ſuauiſſimis ſonis, iuxta exhortationem Davidicam: *Lau-
date eum in tympano & choro: Laudate eum in chordis & organo:
Laudate eū in cymbalis bene ſonantibus, omnis ſpiritus laudet Do-
minum.* Itaque muſica facit plurimum ad demulcendum ani-
mum, ac deponendas humanas ſollicitudines: his itē diſpoſitis
multò faciliùs is transfertur ad diuina. Qui proximi ſunt mor-
ti, ſolēt prophetare, velut Iacob, qui iamaiam moriturus voca-
uit filios ſuos, dicens, *Congregamini vt annunciem quæ ventura
ſunt vobis in nouiſſimis diebus,* hoc idē fecit Moſes, cum eius in-
ſtaret obitus, tribubus Iſrael: nimirum nunquam veriùs à
ſollicitudinibus ſæculi auocatur animus. Sed & illud eſt opti-
mè ſic natura comparatum, vt illa hora extinctis ſenſuum mo-
tibus, & depoſito omni animi circa res ſenſibiles affectū, mens
ad

ad eorum, quæ verè sunt in contemplationem conuersa, veritatem eò clariùs intueatur, quo neglectis caducæ huius vitæ voluptatibus, ad futuram eamque æternam aspiret auidius, & quæ superiori vita, dum adhuc sensus vigerent, vel sola mortis recordatione terrebatur, tunc nihil nisi peccata pertimescat.

CAPUT XXXI.

Cap. 5. libri Iudicum scriptum est: *De cælo dimicatum est contra eos, stellæ manentes in ordine & cursu suo aduersus Sisaram pugnaverunt.*

Quamquam alia nonnulla Scripturæ sacræ loca, soleant in suum vocare subsidium, qui iudiciariæ Astrologiæ sunt addicti, nullo tamen mihi videntur meliùs, quàm hoc vti posse. Nam quod ex 1. Genes. adducunt, facta esse astra in signa, atque proinde significare posse futura, interpretatum mihi illic est, ita vt nihil ad Astrologiam, nimirum esse astra signa temporum, velut guomon in horologio signum est horarum: itaque Cælum totum esse chronologium, astra verò signa temporum. Quod adducunt ex Psal. 19. *Firmamentum annunciat opera manuum eius,* hoc est (vt illi interpretantur) quæ Deus facturus est firmamentum annunciat, longè potiore enarratione accipit: pulchritudinem scilicet cæli, & firmamenti quod conspicietur, quodammodo nobis indicare posse pulchritudinem operû Dei, quæ cõspici non possunt, tamen quod dicit, de cælo dimicatum esse cõtra eos, & stellæ manentes in ordine & cursu suo aduersus Sisaram pugnassee, plurimû videtur Astrologiæ fauere. Nam quo alio potius modo, victoriæ causam in astra reiiceret, diceretque cursum & ordinem, quem eo die tenuerunt stellæ, fuisse Sisaræ infautum, & exitiosum? si igitur quia stellæ eum ad sese tenuerunt ordinem Sisara periit, potuisset is per Astrologiam periculum præuidere, atque aded (nisi vel inuitos fata trahunt) deuitare, quod si ita est, possunt quidam astrorum cursus, & ordines esse fausti & infauti: atque aded iidem quibusdã fausti, & quibusdã infauti, is enim astrorum siue ordo, siue aspectus fuerit Sisaræ infautus, Hebræis faustissimus, si verò ita habet, prudenter sanè eo die Sisara timuisset cælum, ac deuitasset prælium. Cur ergo Dominus Ierem. c. 10. præcipit, dicens, *A signis cæli nolite metuere, qui timent gentes?* Neque verò illa (quod aliquis fortè interpretetur) vocat signa cæli, tonitrua, fulgura, aut fulmina, aut cometarum omne genus, & quæcumque

Astrologiæ iudiciariæ reprehensio.

Signa cælestia.

homines vocant portenta: sed idem est quod hic prohibet, & apud Isaiam c. 47. derisit: dicens *Babyloni, Defecisti in multitudine consiliorum tuorum: stent & saluent te augures cæli, qui contemplantur sydera, & supputabant menses, ut ex eis annuntiarent tibi ventura.* Itaque vocant Astrologos augures: horum ergo diuinationes vt & alias omnes, pars est, intelligas prohiberi fidelibus, c. 19. Leuitici, vbi dicitur, *Non augurabimini, & Numer. 23. Deut. 18. & Isaiæ 47.* Constat Dei populum ab hac diuinationis specie qua Chaldæi maximè omnium vsi sunt, vt & ab omni alia præter veram prophetiam, abstinuissè, siquidem Num. 23. dicitur: *Non est augurium in Iacob, neque diuination in Israël.* quid est ergo quod nunc Debora stellarum cursui, & ordini putat victoriam populi Dei? Mihi non est hæc quæstio, vt neque alia vlla in hoc opere, tam disputanda Theologicè, quàm iuxta conditionem argumenti, Physicè. Quapropter videndum est, an ea Astrologia diuinatrix, quam veteres vocabant, vt videre est apud Ciceronem, scientiam Chaldæorum, sit ars quæpiam naturalis, an potius impostura quædam, quod examinauit diligentissimè, atque vt mihi videtur magna ex parte verissimè, Picius Mirandulæ comes. Ego verò mihi hanc quæstionem suscipio, non quidem tam diffusè, quàm ille, sed pressius, meo more tractandâ. Duas partes habebit disputatio: altera versabitur circa ipsam naturam cæli & astrorum, altera circa ipsos Astrologos; & videtur quidem hæc ex illa pendere: si enim astrorum, pro mira quam habent varietate, ac pro sua innumerabili multitudine, sunt etiam plurimæ eæque mirabiles virtutes, quibus inferna hæc moueant, videntur Astrologi laudandi, qui non patiantur eas latere mortales: sin autem non sunt plures quàm apparent cuius è plebe, damnandi sunt, quod tam leuiter illis tribuât multa quibus carent. Hanc ob causam Picius, acerrimus Astrologorum impugnator, affirmat astris nihil esse præter motum & lumen, & motu mouere, & lumine calefacere, calore, vt ille putat, quodam viuifico, à calore elementari & igneo, natura diuerso. Astra itaque hæc solū facere, atque omnia idè, plus aut minus: multiplices verò illas rerum mutationes, & affectionum differentias imputari materiæ. Disputat multa hinc inde, vt detractis cælo omnibus virtutibus, præter motum, & lumen, effecta tueatur. In duas vetò præcipue, pro illis omnibus fertur responsiones, scilicet, aut alias omnes passiones, præter motum & calefactionem fieri per accidens à calore astrorum, aut calorem illum esse causam vniuersalè, ac proinde effectiuam per se multorum, atque adedò contrariorum, cōcurrento cum multis, & contrariis naturis particularibus. Hæc arbitror summa est totius

Astrologia diuinatrix.

De Astrologia disputatio.

Astrorum vis.

totius libri tertij Pici, qui solus est Physicus, alij enim partim sunt Teologici, partim Astrologici. Mea verò hac in parte, plurimū dissidet ab illius sententia, nam motus cœlorum, qui circularis est, haudquaquam potest motuum, qui in aëre cōtingunt, esse causa. Concepit Picus Aristoteli, si cœlum quiesceret, futurum ut nihil moueretur: cœlum igitur circumeundo mouet hæc inferna: aut ergo motu suo per se id facit, aut per accidens, per se dico, si cœlum id facit tantum quia mouetur: per accidens si quia mouendo communicat facultatem mouendi reliquis: velut si quis manu admouet stupæ candelam, nianus motu suo mouet candelam, & comburit stupam, illud per se, quia non aliter mouet candelam quàm mouendo manum, hoc per accidens, quia mouendo manū ac candelam, admouet ignem, qui vrit per se. Si igitur cœlū suo motu facultatem aliquam immittit rebus, qua adiutæ mouentur, habet iam vim aliam mouendi præter suum motum, sin autem nullam mittit, sed mouet solum quia mouetur, perinde eueniret, si cœlum ligneū, aut æneum, aut lapideū esset, atque ita ut nunc circumferretur: non eueniret autem. Cur enim si lignea sphaera superiori loco ferretur circulo, hic apud vos ferretur recta lapis & fumus, ille deorsum, hic sursum; nam quidquid mouendo mouet aliud, id quidem facit impellendo, aut trahendo, volutando, aut vehendo: at verò lapis cadens, neque trahitur, neque pellitur, neque portatur à cœlo, neque verò volutatur, cū feratur recta: concurrit ergo cœlum cum iis quæ feruntur, virtute aliqua motiua quam immittit, quæ motus non est, sed neque lumen (quanquam id ille concedit, satius verò sit indicari,) nam lumen illuminat: illuminando verò nō potest per se mouere, sed per aliud, hoc est, per illuminationem immitrens vim mouendi. quod si ita est, habet cœlū, quā communicet vim aliam à motu & lumine, sed quod accepimus ita patet. Si lumine moueret, nō esset latio primus omniū motuum, sed altero: nam cœli lumen non pendet à motu, luceret enim Sol quiescens, non minùs quàm latus (constare id potuit pugnante Gedeone) penderent verò latione saliarū omniū rerū ab illustratione, quæ alteratio quædam est: non esset ergo latio primus motuū quod Aristoteli cōcedit Picus. Neque verò est quod tā apertè subuertat eius sententiam, quàm id quo maximè se tueri vult, ut (inquit) *cor suo motu mouet alias omnes corporis partes, ita cœlū alias mundi.* constat verò cor non solū alias partes, quæ ad illud non spectant, sed neque arterias mouere suo motu, sed facultate pulsandi quam illis mittit, quā & vitalem Medici vocant. Nisi quidē moueretur non moueret, id verò est per accidēs, quia ipsū extingueretur, neque posset aliis

Cœli motus.

Lumen cœlestis causæ.

Localis locus primus.

virtutem demandare ; est itaque Cœlo virtus , qua mouet hæc inferiora, præter motum. concessum sanè, quòd nisi mouendo, eam mouendi vim non communicaret: nihilominùs virtus illa mouendi , aliud est quàm motus : vel hoc solùm argumento, quòd facultas seu virtus nomen est immanentis qualitaris; motus, passionis cuiusdam. Iam verò neque quòd lumine calefacere dicit , probare possum , neque quòd calorem quem cœlum gignit specie differre dicit ab eo què ignis. Nam quæ maximè cœlestem fulgorem videntur participare , vt spiritus in nobis, qui sensibus seruiunt, neque calidi sunt neque calorifici, sed sine calore fulgidi, vt hoc modo differat, authore Galeno ex sententia Platonis, quem maximè sequitur Picus, ignis cœlestis ab elementari , quod ille sit sine calore lucidus , hic calidus & lucidus. Exemplo constat id oculi , qui ad ignem refertur ob fulgorem spirituum , ad illum è cerebro venientium confer- tim, alioqui verò est subiecto frigidus , & plenus aqua : quod ferre natura non posset, si is fulgor esset caloris effectiuus: non igitur illud lumen calorem rebus affert per se , sed per aliquod accideus. Atque eum calorem quem Sol vtrunque facit, specie non differre ab igneo constat , cum incidentes in eandem substantiam , vnicam reddant intensionem. quid enim ? Si quis à Sole simul & igne calefit, duos concipit calores, ac non potiùs vnum intensiorem duabus causis in idem opus incumbenti- bus? Si vnicum, non different specie, qui sese argentes constant vnum numero: porrò si duo , vterque excludit frigus. vtrique ergo erit frigus contrarium quod, si vtrique æquè, non sunt illi diuersi , sed idem, quia vnum vni contrarium , est. Non igitur solaris calor vrit minùs quàm igneus alia ratione, quàm quòd moderatior, neque certè coquit & vegetat magis, nisi ob eam moderationem, & coniunctissimas quasdam benignissimas in- fluentias, quas , quia se putat Picus facere contra Astrologos, referens omnes in motum & lumen ? certè facit nihil etiam si concedantur omnia. dicit enim , stellis esse nihil aliud quàm motum & lumen. Quid, quòd calefaciant, quid aliud est quàm illuminare ? Respondet, vt cœlum est causa vniuersalis , ita & eius virtutes esse vniuersales & eminentes, ac proinde posse fa- cere multa , ac varia , atque adeò contraria etiam: Quid ergo interest ad Astrologiam, siue per plures , siue per pauciores fa- cultates possit cœlum facere multa eaque varia , si modò po- test ? concedet tibi Astrologus , vt viter rixas , cœlo nihil esse præter motum & lumen , id verò lumen cœleste , quia causa vniuersalis est, eminenter continere virtutes omnes rerum

muta

Calor
cœlestis.

Oculi na-
tura.

De Sole
multa.

mutabilium, atque ita posse hæc & illa, quantacumque scilicet, volet confingere. Vsq̃ue adeò falsum est, omnia quæ facit cœlum, facere motu & lumine, & ad propositam disputationem nihil interest Neque verò ego (vt hoc obiter dicam) propter calorem solùm, dico cœlũ vires habere alias quàm mouendi sese & illumandi. Nam, vt alibi indicaui, cœlo non est vis calefaciendi, sed lumine gignit calorẽ, id verò non per se, sed ob analogiam, & similitudinẽ naturæ, allieiendo ad illuminatũ aerem cum igne, qui per hanc corruptibiliũ spheram permeat. Itaque calor non cogit nos affirmare, esse in celestibus corporibus alias virtutes à motu & lumine: sed lationes potiùs horũ inferiorum, quas à motu cœli pendere cū omnibus Philosophis fateamur: non tamen ob ipsum motũ per se, sed ob aliquas virtutes, & influentias motrices, quas motu immittere, hĩc, & alibi antea probauimus. neque solum eas virtutes in cœlo, eiusque partibus esse existimo, sed innumeras alias indicibiles, quibus omnium mutationũ, quæ hĩc penes non aguntur, in efficientis genere causæ sunt priores quidẽ iis, quæ ipsi materiæ sunt proximæ, posteriores verò quàm aliæ quæ superiores sunt, & ordine quodam positæ, vsque ad primã: quæ omniũ, quæ vbi mundi, siue inferioris, siue superioris aguntur, causa est. Neque verò puto. omnibus cœli partibus omnes eas virtutes inesse eodem modo: sed vt lumen quod conspiciamus, videmus alias aliis partibus conferre, vt Solem Lunæ (ne de quibus dubitatur affirmemus quidquã) ita alias quoque virtutes, quas neque nominare possumus, neque sentire, esse alias in aliis astris, aut solis, aut præcipuẽ, & aliis ab aliis demandari, ita vt ne minima quidem stella sit, quæ non conferat peculiare aliquam commoditatem, *Influentia celestes.* & toti mundo, & reliquis partibus. Quorsum enĩ Deus tot in firmamento stellas, neque plures, neque pauciores, & hoc ordine, & his interuallis, vt hæ Coronæ, illæ Canis, aliæ Buccinæ, aliæ Curtus redderent figuram? cur omnes & fixas & errantes, has hac, illas illac, tanto has tẽpore, tanto illas facit circuire, ita cerra lege vt nulla per innumera secula, vel latũ vnguẽ possit declinare? An casu horũ quidpiã, vel frustra, ita vt aliter fieri, vel quod minutulum in eis esse videtur, posset citra mundi læsionem? minimẽ. Si enim in formatione hominis tanta est opẽtis perfectio, & elucet formatoris sapientia, vt ne minimæ quidem particulæ addi detrahẽve possit quidpiam, magnitudini, numero, figuræ, aut positioni, vt Galenus toto opere de partium vsu sapientissimẽ indicauit, sed neque in mare aut formica, sed sunt vnique iuxta suam naturam accommodata omnia organa, vt nulli vllum aliter melius, quantò magis id censere

censere æquum est, de perfectissimis & pulcherrimis illis corporibus? profectò qui in numero, pondere & mensura fecit omnia sapientissimè, non fecit illum ornatum cælorum casu, velut lapillos multos sparsim proiciens, ut quius fortè ceciderit: sed pro numero virtutum fecit astra, & singulorum à singulis distantiam iuxta certam proportionem dimensus est: atque ex ea proportionē natæ sunt multiplices illæ figuræ. Ea vero proportio intervallorum non fuerit, quæ maximè spectantium oculis placere posset, sed quæ communi mundi vsui maximè accommodaretur, ut scilicet distarent singula à singulis, ut maximè possent virtutes sibi communicare mutuò in utilitatem totius. Hæc est enim veræ pulchritudinis lex, partium nempe omnium ad utilitatem totius accommodatissima compositio. Utilitati verò huic accedit harmonia secundum perfectiores Arithmeticas, & visui grata pulchritudo. Nimirum illa, ut & alia omnia quæ facta sunt, fluxerunt à perfectissimo & pulcherrimo exemplari. Ut verò hæc quæ commemoravi, pulchritudinem operis, & attem opificis indicant; ita, si vnus aut duarum virtutum facta esset tanta corporum multitudo, nullam neque ob distantias, neque mutuos aspectus, neque varios motus afficiendi habens differentiam, esset sanè & opus minimè pulchrum, & opifex inerrissimus. Non est igitur ita: sed fateri oportet, esse in cælestibus corporibus multas mirabilesque virtutes. Nam quod dicunt, multiplicis mutationis causam referendam esse ad materiam, nihil obstat: siquidem mutationum & alterationum in materia tantum est passuum principium: effectuum verò est in formis rerum proximarum, ac multò prius in superioribus causis: per quas ordine quodam priorum & posteriorum, deriuatur virtus primæ vsque ad res singulas. Si igitur (quod ad secundam disputationis partem attinere iam incipit) ita habet, cur Astrologia iudiciaria, à viris doctis deridetur ut inanis, à cordatis exploditur ut inutilis: à diuinis legislatoribus & varibus interdicitur, ac secundum idololatriam vituperatur, ut impia atque adeò multis Pœrificum decretis, & Imperatorum etiam, quorum extant adhuc multa edicta, de Astrologis vrbe pellendis? Sub Claudio (auctore Cornelio Tacito) de Mathematicis Italia pellendis, factum est Senatusconsultum atrox & irritum.

Nam nescio quo magno malo, aut quo Dæmonum astu sit, ut cum vbique gentium decretis expellantur, nunquam tamen exstingui possint, imò neque deterreri, quod sanè nouum non est. nam idem Tacitus in libro decimoseptimo de Mathematicis dicit, *Genus hominū petentibus insidum, sperantibus fallax, quod*

Harmo-
nia cœle-
stis.

Mutatio-
nis multi-
plicis cau-
sa.

Astrolo-
gia iudi-
ciaria re-
prehendi-
tur.

Mathe-
matici
Italia pul-
si.

quod in ciuitate nostra, & vetabitur semper, & retinebitur. Sed videamus quod sit eius imposturæ principium? hoc certè. Esse multiplices virtutes astris, quibus omnia quæ hîc geruntur, gubernantur, atque pro differentia aspectuum ad sese & ad res infernas, varias nasci affectiones, quod videmus recepisse, atque confirmasse: itaque quia videntur habere virtutes multas, & habere has & illas, colligunt temerè. quæ temeritas est certè, & inanis, & noxia, & parû pia. quæ distinctioris doctrinæ gratiâ, seorsum indicabuntur. Ac primùm esse inanem, hoc est, vanam, nullius veritatis participem, atque omninò scientiam non esse neque artem, sed imposturam, & figmentum, idque eò maius aliis figmentis quod illis solent impostores àlios homines decipere, ipsi nequaquâ decepti: hoc verò ipsi & etiam impostoribus imponitur. non enim arbitror, omnes qui hanc fictitiam artem professi sunt (nam tamen ea fluxit ab idololatriis, qui adorabant cœlestia corpora, & à ludæis, & Mahometanis magna ex parte aucta est, inciderunt tamen in eam nonnulli ex nostris non parum docti & probi quæ vafritie & malignitate voluisse vulgaribus imponere, sed eorum non paucos præcuriositate qui non exiguus animi morbus est, in eam credulitatem incidisse, & (quæ hominum est fragilitas) cum multis esse deceptos: satis arbitror constat, me non vituperare eam Astrologiam, quæ in cognoscendi cœli motibus versatur, cum ea nihil esse certius in humanis possit, neque iis quæ circa propriam illius materiam fiunt præfensionibus: non enim minùs certum est futurum post biennium eclipsim Lunæ, quam futuras in mense Iunio breuissimas noctes. nam nisi quis supputando decipiatur, eadem vtriusque scientia est. Illam vitupero diuinationem, quam quondam vocauerunt scientiam Chaldæorum, nunc vocant Astrologiam iudiciariam, quam qui profitentur annuatim nobis prænunciant futuras aëris temperies, & temporum constitutiones, salubritatem aut insalubritatem, abundantiam frugum aut penuriam, otium aut bella, & eorum exitus tristes aut fortunatos, Principum incolumitatem aut mortem. hi ipsi electiones faciunt horarum fœlicium, aut infœlicium, pro quibuscvis negotiis suscipiendis: per interrogationes, quas illi vocant respondent de re quacumque interrogati: velut quis furatus fuerit quod domi deest, quò fur abiit. Iam verò per natales horas diuinant futuros hominis cuiusque mores, eiusque fortunam, viuendi & moriendi sortem. Hæc omnia vana sunt, etsi non omnia æquè. nam cum mutationes omnes corruptibilium corporum ad calidum, frigidum, humidum, & siccum referantur, & hæc in

Chaldæo-
rū repre-
hensio.

in cœlis habere causas priores & superiores quæ per influentias communicantur concesserimus, pluias quoque ac serenitates, flatus & tranquillitatem aeris causas illic habere consequens est. Si autem hæc, & fructuum prouentus boni aut mali, & morbi, & salubritas; horum enim causæ maximè sunt in temporum constitutionibus, quæ in calida vel frigida temperie aeris, pluuiis aut serenitate, flatuum abundantia aut vacuitate spectantur, vt apud Hippocratem videre est alibi sæpe, & maximè in Epidemicis; in his ergo bonam causæ partem videntur habere posse astra, post hæc secundo etiam loco nonnullam & in formandis moribus hominum, si enim ad temperiem alterabilium omnium faciunt, & temperies ad mores, vt libello proprio indicauit Galenus, possint etiam nonnihil astra ad mores. Ad fortunam verò quid possunt astra; nam hoc ipsum casu, aut fortuna aliquid fieri, est nihil aliud quàm sine causa cerra & per se fieri, si Aristoteli credimus; cōtradictionem ergo inuoluit, causas esse in astris eorum quæ casu contingant, aut fortuna, vt, quòd illo prætereunte lapis deciderit, & quòd fodienti illi vineam thesaurus inuentus sit: nihil enim minus fortuna aut casu fieret, quàm illud quod causam haberet certā in incorruptibilibus & æternis. Quæ fortuita ergo sunt, vt quòd ille sit à latronibus occidendus, quòd alius ruina, alius fulmine moriturus, quòd alius domi, alius in agro, quòd exeunti ab vrbe furi versus Orientē prætor longè visus sit, ac proinde ad Occidentem deflexerit, nullam causam habere possunt in astris, sed neque in vniuersa rerum natura per se, sed ex accidenti quodam: vt pote quæ casu aut fortuna fiunt: sunt verò hæc in quibus maximè gloriantur. Hoc ergo genus præfensionum, quod spectat ad fortunam, & casum, Physica ratione penitus excludetur illud quod secundo loco memorauimus, pertinetque ad mores hominum: siquidem pro moribus, de faciendis etiam feratur iudicium, penitus erit vanum: vt si cū esset dicendum, mulier hæc erit libidinosa aut ne ita quidem, sed calida dicas erit meretrix, aut infidelis viro: aut cū dicendum, erit avarus aut ne ita quidem, sed natura propensus, dicas furabitur: alterius enim causa partim in educatione est, partim in natura, alterius verò in arbitrio, quæ plurimum dissident. si qui verò astra necessitatem putant arbitrio ponere, hi humanam tollunt libertatē, & rationem omnem boni aut mali, meriti aut demeriti. Superest ergo solū primum genus, quod ad aeris pertinet alterationes, & in hoc secundo exigua quædam particula. Sed & in his ipsis incertitudo summa, ob causarū implicationes, ea verò apertius conspicietur in eo quod pertinet ad

Astris nihil cum fortuna.

Astra non necessitat.

Mercurius facere fures creditur.

ad mores. nam sit, ita, faciat Mercurius fures, an cū hīc nasceretur, erat solus Mercurius in cœlo? habes aliorum omnium perspectas naturas, omniūque subduxisti rationem quantum scilicet singula annuerent? non (dicunt) sed quorundam. quid ergo? omnia reliqua scis esse neutra? sed sint, aut habueris omnium rationem, atque iam non Mercurius solus, sed cœlum totum illa hora faciat fures? An non per tēperamentum principiorum & materiæ generationis, id fieri dicebamus? ad eam ergo temperiem, parentum temperies non minū facit quā cœlum, non sunt verō parentes omnes qui eadem hora coeunt eiusdem tēperamenti. oportebit ergo te iam videre, non solum natalem horam huius, sed & suorum parentum, & auorum, ac denique omniū à quibus in hunc potest aliquis naturalis motus deriuari: scimus verō aliquando similitudines etiam ab atavis. Sed noueris maiorum omnium secundū vtramque partem temperies, scis etiam victus rationes, atque quid congressuri esrauerint, pisces, an allia? nam ad seminis temperiem plus facient hæc, quā Mercurius aut Venus. interrogasti quibus cibus vsa si præghans? ô quā exigua manet iam causæ portio in istis schematis astrorum, quæ pro natali hora faciunt. Sed sit hæc quatuoracunque, an non erit maior in hora conceptionis? dicunt se vtriusque horæ rationem habere, atque ex hora ortus horam conceptionis agnosci. omnes igitur eadem hora nati, eadem etiam concepti sunt, non ergo possunt nasci septimestres, & nouimestres, & decimestres simul: at verō quacumque hora potest nasci septimestris, ergo nunquam potest nasci vllus nouimestris. quodd si non quacumque hora potest nasci eorum quilibet, sint quædam horæ septimestrium, quædam nouimestrium, quædam decimestrium: at verō nullæ tales definitæ sunt ab eis. non possunt ergo ex hora ortus scite horam conceptionis? neque igitur ex naturalibus figuris possunt quidpiam præsentire. Quid ergo superest? vt prædicant nobis pluuias, aut serenitatem, flatus aut tranquillitatem, frigora, aut æstus, ac per hæc de morbis & eorum curationibus etiam quædā itaque superest solum Astrologia agricolarum, nautarum, & Medicorum, quæ per exigua est. nam agricolæ & nautæ meteorologis signis magis vtuntur, quā æthereis: Medici paucorum admodum astrorum considerant ortus & occasus, Pleiadam scilicet & Arcturiam aspectus verō Lunæ & Solis: atq; hæc quoque multi doctissimorū cēsent esse superstitiosa. Sed huic præsentioni non admodum repugno, quamquam ei quoque obstant duo magni momenti

Astrologia agricolarū, nautarum & Medicorum.

momenti. Primum quidem multiplicium causarum concursio, quarum neque perspecta esse potest natura, neque haberi ratio. Alterum quod in Physicis indicauimus, quodque omnem ex causis naturalibus diuinandi rationem eleuaret, etiamsi omnium virtutes essent perspectissimæ, atque ob oculos positæ, videlicet, primum motorem non solum mouere primum mobile, ac per illud alia ordine quodā vsque ad vltima, sed præter commune hoc mouendi principium, quod simul æquè præbet omnibus, cooperari immediatè (quid vetat ita dicere ?) cum singulis esseque causam liberam, quæ singula deflectit, non quò cælum trahit, sed quò ipse vult. neque verò solum miraculosè, sed naturaliter, & cum magna suauitate. cur enim miraculum hoc sit, magis quàm si mea me mens trahit aliò, quàm cælum aut natura impellunt? præterea necesse est scientiam omnem resolui in principia, quæ per se nota sint, aut instrata, aut alia scientia denuo cognita experimento, aut à prima veritate reuelata; Astrologiæ verò iudiciariæ principiis nihil horum accidit. ea ergo non est scientia, sed inanis impostura (exceptis minutulis illis) nihilominus quàm sortilega. Primum quidem ea non esse per se cognita, neque in alia scientia demonstrata, ipsi dabunt: reuelatam esse dicunt eorū quidam, alij ab angelo Adæ, alij Enoch, alij à Raphaële Tobix, ipsis verò Astrologis quis reuelauit factas esse antiquis istas reuelationes? Certe ipsi sibi. Nam quæ Ecclesia, quæ sacra scriptura, dicunt, Traditio est; per quos Apostolos? Non igitur est maior fides illarum reuelationum, quàm ipsorum Astrologorum autoritas. hæc verò est quæ in dubium tunc vocatur, non est ergo suorum principiorum fides. Superest vt sint experimento cognita: hoc vt persuaderent Chaldæi, Græcis, & Romanis dicebant (vt primo libro de Diuinatione licet apud Ciceronem legere) se obseruationes horum fecisse per quatercentum septuaginta millia annorum, ac rectè quidem dicebant. nam tot ac multò pluribus erat opus, vt singularum figurarum tenerentur perpaucæ obseruationes. Nam si toto anno magno, quem quadraginta nouem millibus annorum esse dicunt, cælum totum nunquam ad eandem penitus redit figuram, totis quatercentum septuaginta millibus, rediisset minùs quàm debet, teneri debent multæ obseruationes: paucae enim casui possunt imputari, & cap. 1. Metaphysicorum dicitur, multæ eiusdem rei memoriæ vnius experientiæ vim habent. Illi igitur mentiebantur consentaneè: multò impudentiùs nostri, qui cum credant, mundi totius nondum esse exactos septem

Disputatio de
Astrologia iudiciaria.

septem mille annos, & multis iam myriadibus iactari istas imposturas, dicunt nihilominus experimentis cognita esse tot, quot vel fingendis miror mundum fuisse satis. Quod verò Thaletem Milesium primo Politicorum, capite septimo, dicit Aristoteles per Astrologiam prospexisse vbertatem oliuarum futuram, non admodum curo; præuidere enim ille per incipientis iam anni constitutionem, vt agricolæ, aut Medici, at præuidisse per Astrologiam, fuerit inanis fama; est enim, vt indicatum est, inanis hæc Astrologia. Quod verò si inanis sit, etiam noxia, facile constare potest, quandoquidem multis credulis, & pusillanimis, quæ prænuntiata fuerunt dira, præ timore totius vitæ suauitatem abstulerunt, ingerentia melancholiam, atque aded veram insaniam; & quod grauius quidem est, nonnullis, nimium cautis, ipse timor facit certa esse perieula, velut si timeret à muliere, ipsa zelotypia, si ab hostibus, assidua armorum gestatio: si ab aqua, paucior pontes angustos prætereundo: denique à quibus quisque timet, in ea videmus facilius incidere; vel permittente ita Deo, ita enim legimus capite vltimo Isaia: *Vnde & ego eligam illusiones eorum, & qui timebant adducam eis*; & capite decimo Prouerbiorum: *Quod timet impius, veniet super eum*. Atqui hæc sanè fuerit vna causa, qua quæ ominantur, aliquando eueniant. Si igitur prænunciant mala, hoc modo nocent: si verò bona, quod inani spe seducunt, multa impellunt frustra tentare, atque interim magnis se exponere periculis, aut certis aliis sese priuare bonis, tamen enim fieri possit, vt quispiam spe inariter concepta, tandem compos fiat leuiter sperati boni, multò tamen plures fuerint, qui spe cadentes, magna sint experti pericula, vt qui Imperij concepta spe, factus prædo, perit in furca: aut certa bona amiserint, velut qui thesauri inueniendi, aut chymica arte faciendi aurum spe allekti, laborauerunt, quorum vix quispiam est, qui non rem totam perdiderit, quidam verò qui non quærebant, inuenerunt thesaurum. Satiùs ergo multò sit vt inuenias, vineam tuam fodere; quàm de thesauro cogitare, ita vtilius multò sit hominibus, vitam prudenter institutam agere, quam diuinatione agi. Sed neque satis piam esse, præter sacræ scripturæ loca quæ produximus, hæc indicant, quod facit periclitari fidem de Dei prouidentia, & de libero arbitrio, tamen enim præfari semper soleant, se illa imprimis salua esse velle: sunt verò aded nimij narrando tam multa & stupenda, vt latenter de necessario fato, sacrilegam audientium animis ingerant opinionem. Huc accedit multos, huius prætextu, Necromantiam exercere. Dæ-

Oliuarum
vbertas
prædicta.

Necro-
mantia.

monesque (vt quæ commemorauimus mala accidunt mortali-
bus, & hac via nonnulli à fide decerent) exequi quo ad possunt
illorum prænunciata, quæ alia causa est, vt eueniat, opere-
que comprobentur nonnulla. Præter dictas verò duas causas
alteram ab effectibus eorum quibus prænuncientur, alteram
à Dæmone, eueniunt quædam casu, non sunt autem tam mul-
ta quæ non mentiuntur, vt dictæ tres causæ (si modò casus
in causis est,) non possint esse satis. Eorum mendacitatem fa-
cet admodum notauit Seneca, in ludo de morte Claudij Cæ-
saris, inducens Clothum ita loquentem: *Patiar aliquando Ma-
thematicos verum dicere, qui illum postquam princeps factus est,
omnibus annis, omnibus mensibus efferunt.* Accedit etiam, eam
credulitatem coniunctam ad eum esse cum Idololatria, vt Baby-
loniorum religio nihil fuerit aliud, quam ipsa scientia Chaldæ-
orum. nam eadem Deorum & astrorum nomina, & eadem can-
ebant de Diis in sacrificiis sacerdotes quæ prædicant de astris
Astrologi. nimirum illis furatum esse boues Mercurium, hi sub
Mercurio natos esse fures; & alia omnia eodem modo, & meri-
tò quidem; nam persuasi bona malaque omnia ab astris venire,
neque quod amarent, neque quod timerent habebant aliud,
quàm astra. Proinde simul cū idololatria dānatur hæc Astrolo-
gia loco citato ex Ieremia, his verbis: *iuxta vias gentium no-
lite discedere, & à signis cœli nolite metueri, quæ timeant gentes, quia
leges populorum vanae sunt.* Vide vt leges gentiū coniungit cum
timore astrorū. Peccant etiam Astrologi in ipsa astra imputan-
tes illis tam multa: nam cum facta sint omnia à summo bono,
boni gratia, vt scilicet gignant, foueant, & augeant, in mortes
in crimina, in bella, nullum factum est, neque quidpiam inde
malignum venit, nisi ex accidenti quodam. Quo pacto ergo
stellæ pugnaverunt contra Sisaram? nullo certè, quis enim
congreredientium simul hominum, posset illis esse delectus, vt
Hebræos tuerentur, & debellarent Chananæos; sed stellarum
nomine haud dubiè illi vocantur Angeli, qui iuuarunt popu-
lum Dei aduersus impios. Dicuntur verò manere in ordine suo,
quod suo quisque est ordine cœlestis illius hierarchiæ: quia ni-
hil est in rebus creatis pulchrius, aut ordinatius. Cursus verò
Angelorum, dicitur assidua illa & continens cooperatio, qua
homines custodiunt, & gubernant. Angeli igitur custodes He-
bræorum, quorum princeps Michaël, suo quisque ordine persi-
stentes in defendendi munere, pugnaverunt contra Iabin re-
gem, & ducem exercitus Sisaram. atque hic est sensus literalis
huius loci, non aliter ac 12. cap. Apoc. dicitur, *cauda draconis
illius trahebat tertiam partem stellarum, & misit eas in terram,*
quo

Stellarum
nomine
Angeli.

Angelorū
cursus.

quo loco significatur literaliter tertia pars Angelorum. unde nihil hic habere Astrologiam iudiciariam quo se tueatur : sed oportere , vt contemptis his vanitatibus , bene semper speremus , & actiones nostras prudenter instituiamus , dantes gloriam Deo.

CAPUT XXXII.

CAp. 37. libri Iob ita habetur : *Qui in manu omnium hominum signat , ut noverint singuli opera sua.*

His verbis solent sese , qui Chiromantiam profitentur, Chiromantiz examina diuinantes ex lineis manuum , neque minora neque pauciora , quam Astrologi ex schematis stellarum. itaque intelligunt verbis his Iob significari Deum , cuiuscumque depinxisse in manu signa eorum quæ facturus esset : illi verò prædicunt , & quæ perpeffutus , siue ab internis causis , siue ab externis , siue propriè , siue longè positis , siue naturalibus , siue fortuitis , qui cum hæc sibi per suaserint , possunt etiam in subsidium trahere locum alium ex 13. Exodi , quo ita dicitur , *Erit igitur quasi signum in manu tua.* Aristoteles quoque author nunquam contemnendus , cap. 15. primi de Historia animalium , ita dicit : *Pars interior manus , qua vola dicitur , carnosæ est , & scissuris vitæ indicibus distincta longioris , scilicet vitæ singulis , aut binis ductis per totam , breuioris binis qua non longitudinem totam designent.* Operæ pretium ergo erit hoc loco considerare , an sit aliqua ex forma manus naturalis significatio , an omne id studium vanum sit. Eatenus verò , vt mihi quidem videtur , naturalis ars , & certitudinis aliquid habens censeri debet quatenus referri possit in naturales aliquas causas , habeatque principia , aut per se nota , aut alibi demonstrata , aut procedat ex certis experimentis : quatenus verò nihil habet horum , vana. Qui igitur palmas , fistis quibusdam lineis in partes quasdam diuidunt , singulasque tribuunt singulis planetis , & naturaliter innatas lineas , secundum conceptam vulgo opinionem de naturis planetarum interpretantur , nihilominus vani sunt quàm ipsi Astrologi iudicarij : imò eò plus , quo plures positiones accipiunt gratis , & sine vlla monstratione , illi enim gratis accipiunt , hoc astrum hæc facere sub illo natus , illud illa : hi addunt , manum hanc arcem esse Iouis ,

Chiromantiz
Astrologis
vatis
niores.

illam Veneris : & rursus hæc illa significare, quæ autem horum monstratio ? quæ naturales causæ ? experimenta verò iactare possint, ut ipsi Astrologi, casu quodam, rarissimè verarum pronunciationum. vani igitur sunt, qui ita procedunt, multò verò magis, cum non solum procedunt ad interpretandos motus hominis, sed & fortunas, & quæ non in eo cuius contemplatur manus, sed in lege positis, causas habent, velut dicunt, hæc nubet ter, hic percutietur capite. Id verò mihi videbatur coniectandum ex manibus matitorum & eius qui percussurus est, nam quo pacto connubia possint habere causas in nubentium altero, cum ad ambo pertineant ? ac percussio in percusso solo, ac non potius in percutiente ? Quid si primus maritus habet lineam vitæ longiorem quàm mulier ? quo pacto poterit nubere illa pluries ? percuti verò non potest hic, nisi qui percutiat, aut lapis regulæ cadat, causa enim percussione percussus est, aut ruina : igitur eadem causa est lineatum manus Petri & iræ Ioannis, aut casus regulæ, nisi enim referantur ad eandem causam, non possit alterius esse signum, neque alterum causa eius quod alterum significat. At verò causa lineatum manus, intra ipsum hominem esse videtur, & ex illius natura fluere, intra Petrum itaque est causa casus regulæ recto : at hoc absurdum. Dicunt, in eodem astro causam esse harum linearum, & casus. redeunt eadem argumenta, quæ aduersus Astrologos, & illud maxime, quod si naturalia, ut lineæ manuum, & fortuita, & casus & ruina eandem habent causas, nihil est fortuitum, cum omnia habeant causas per se, hoc longè absurdus. nam ut cadat regula, causa est qui tollit fulcrum, ut verò cadat in Petrum, nulla est per se, sed eadem causæ, quæ per se faciunt lapidem cadere, & Petrum transire, faciunt ex accidenti quodam & fortuito lapidem incidere in Petrum. Hactenus igitur vana est Chiromantia : neque video quæ possit non esse talis, nisi forte ea, quæ subalternata Astrologiæ non sit, sed pars quædam Physiognomiæ. Nimirum Physiognomus non solum considerat faciem (quamquam eam maxime ut quæ sensuum organum constat, & mentem maxime prodit) sed aliarum etiam partium constitutione : nam capitis totius & pectoris, & dorsus, & vocalium, & genitalium, & pedum ; ita verò & manus contemplatur : arque adeò post faciem, magis quam alia omnia : nam manus humana organum organorum est, auctoribus Aristotele & Galeno, atque ut facies intellectivas virtutes, ita manus factivas maxime potest indicare, habetque se manus ad

rationem

Physiognomiz
confide-
ratio.

rationem, ut instrumentum ad artem, quia ut ratio est ars ante omnes artes, ita manus organum ante omnia organa. Nihil igitur in homine, ea quæ spectant ad rationem præcipue factiuam, æquè poterit indicare ac manus. Igitur ea manuum contemplatio, quæ Physiognomix fines non transgreditur, Physiognomix pars est, & parem cum ea habet auctoritatem: quam ergo habere debeat Physiognomia, hoc loco videndum est. Non esse profectò omnino vanam, vel illud vnum argumento esse potest, quod Aristoteles, author minime vanus, librum proprium dedit ei doctrinæ, & sparsim scripsit de ea multa in libris de Historia animalium; sed & Hippocrates, qui iudicio omnium est seuerissimus, sparsim scripsit multa spectantia ad Physiognomiam, quale est illud lib. 2. de morbis popularibus: *Quicumque rufi naso acuti, oculis parvis mali. Quicumque rufi, simi; oculis magnis boni.* Et iterum, *magni, calvi, balbi gracili voce pradi boni rursus. Caput magnum, oculi parvi, balbi iracundi sunt.* Et rursus, *Oculi non nictantes iracundi.* Et rursus: *Magnum caput oculi nigri & magni, nasum crassum & simum habentes, boni.* Sed & legibus etiam civilibus, in quibus iniquum sit censere esse aliquid futile, aut vanum, cautum est, ut si duo homines inciderunt in criminis suspicionem, is primum torqueatur qui sit aspectu deformior. Cuius legis ratio est in Physiognomia, Ecclesiasticus etiam capite 13. bonam faciem vocat vestigium boni cordis. sed & experimento probat Aristoteles esse artem Physiognomicam: quia quicumque plurimum inter animalia cuiuspiam generis versati sunt, sciunt ex forma dignoscere bona & mala, velut equites equos, venatores canes, neque in hac dignotione falluntur, sed semper aut magna ex parte euenit, ut illi iudicant. Est igitur aliqua Physiognomia. Verum est, multò certior fore eam quæ versetur in dignotione brutorum, quàm quæ hominum, quia illa nihil habent præter ipsam naturam, in hominibus verò plurimum ad formandos mores educatio, & disciplina, & quod his omnibus maius est, Dei gratia. Sed neque hæc penitus eleuant Physiognomix facultatem; ut neque natura. Notæ quas Physiognomi obseruant accipiuntur primum à similitudine cū aliis animalibus: ut qui parvis sunt oculis timidi, ut scilicet & simiæ, qui magnis stupidi, ut & boves & asini. Deinde & cū diuersarum nationum aut sexus hominibus, ut qui valde nigri sunt timidi, ut Aegyptij & Æthiopes; qui valde candidi, timidi etiam ut mulieres, deinde ab ipsis passionibus, quare erat illud Hippocratis, *Qui oculis non nictant iracundi*: quia & qui irati sunt solent immo-

Physiognomica
ars.

ris oculis & palpebris intueri. Post hæc loca argumentorum habent etiam præcepta conferendi signa cum signis, & colligendi quædam ex quibusdam: velut (dicunt) si quis est iracundus & tristis & prauus, necesse est sit inuidus. Sed nunc non est animus hanc artem persequi. sed hæc summa eius capita attingere, vt videamus quas in naturales causas referri possunt. Inter omnes Philosophos conuenit omnibus animantibus data esse instrumenta, suis moribus accommodatissima, velut leoni, tauro & apro, vtpote ferocibus, ungues & dentes validos, aut cornua, aut exertos dentes: equo, vtpote veloci, & generoso, superbo & calcitranti, ungulas fortes, longa crura, & ornamentum iubar: timidis verò & fugacibus, vt lepore & ceruo, pro armis dedit artus ad celeritatem comparatos, ita & alia omnia circa animalium singulorum partes fabricata est natura: quod mihi nunc satis sit, pro re præsentī attigisse, tractat diffuse Aristoteles in libris de partibus animalium. Dubitarum est à veteribus an animalia talia sint, quia talia habent instrumenta, an talia habeant instrumenta, quia talia sunt. velut, an taurus, quia cornua habet, sit ferox: an quia sit ferox, habeat cornua: lepus quoque an quia est inermis sit timidus; an quia timidus, sit inermis. Anaxagoras, vt dicit Gal. primo de vsu partium, affirmabat animalia talia esse, quia talia habent instrumenta, quasi animæ ipsæ omnes sint eadem aut similes, sed pro differentia instrumentorum varios induant mores: Galenus contra censet, animas ipsas per se differre moribus, & unicuique data esse instrumenta accommodata. Mihi verò vtrumque videtur verum, & animalibus data esse talia organa, quia sunt talia; & esse talia, quia habeant talia organa. Nam & homo, quia audax est, arripit ensē: & quia ensē habet, sit audacior: ita vitulus, antea etiam quàm ei exorta sint cornua, ipso naturæ imperu inuadit, quasi velit cornu ferire: idem verò taurus iam factus, si ferrentur cornua, ferocitatem deponit: scilicet ipsa organorum vacuitas facit diffidentiam. Sed etsi instrumentorum commoditas mores illos augeat, siquidem non vnica est causa eorum, neque à principio facit, necesse est vt sit alia causa differentie morum, prior ipsis organis: hæc verò, vbi fuerit nisi in animabus quæ diuersæ sint, aliæ audaces, aliæ timidae, aliæ agrestes, aliæ cicutes, aliæ solitariae, aliæ gregales.

Organorum
considera-
tio.

Morum
differentia
vide.

Quid ergo, ipsæ animæ per se ante talia corpora sunt tales? non certè. nam brutorum animæ ante corpora ne sunt quidem, cum educantur de potentia materiæ, & sint nihil aliud quàm

quàm ipsi corporum actus. Quid ergo sit? Certè ut in ipsis corporibus ante organa sit aliquid, quod & morum, & organorum causa sit, hoc verò est temperies, seu natura; quæ facit esse substantiam hoc aliquid; id verò in brutis est ipsa anima, atque aded in hominibus secundum partem sentientem, perinde eueniunt omnia, ac si anima ipsa corporis temperies sit: non enim ob hanc partem agnoscitur anima nostra esse separabilis, sed ob mentem. Cum ergo morum differentia non ex mente sit, sed ex irascibili, & concupiscibili, & internis sensibus, quæ consistunt in organis corporalibus, quod ad hoc attinet, perinde de nobis ac de brutis censere oportet. Igitur si temperies parit hos aut illos mores, & his talia aut alia succedunt organa, profectò temperies prior est organizatione, & causa illius: quod si temperies causa est morum, & compositionis, certè compositio significatiua sit motum, quia referuntur ambo ab eadem causam, atque aded, ut Sextus Philosophus inquit, *etiam corpus sit quadam animi imago*. Ratio verò agnoscendi, quæ figura quos indicet mores, nulla prior sit, quam ex obseruatione figurarum quæ tales mores solent comitari, translata ratione ab aliis in alia: siquidem indicatum est, hac in re esse omnium eandem rationem. Cur igitur notæ morum à figura rectè capiantur, & tales rectè transferantur ab aliis animalibus ad alia, hæc est causa. Quòd verò & ab ipsis passionibus rectè accipiantur (quem tertium argumentorum locum esse diximus) ex dictis etiam constare facile potest. indicatum enim est, animalia quædam ad quasdam passionibus esse propensa naturaliter, ut hæc ad iram, illa ad rimorem, ad mœsticiam alia, alia ad gaudium. Porro per has passionibus, non viscera solum, & in eis inhabitationes spiritus, & succi, sed & externæ partes modo quodam permouentur. Non enim difficile est, ex facie cognoscere iratum, timentem, hilarem, & tristem. cum igitur omnia sponte ferantur, etiam sine vllò externo motore in quæ propensa naturaliter sunt, incidet per sese quoruncunque hominum vultus, etiam cum de nulla re cogitant, in eas dispositiones, in quas vergunt naturaliter, ut vultus iracundi in torum aspectum, etiam cum non erit iratus: tristis in demissionem quandam, etiam cum non mœrebit. Huc spectat Physiognomicum illud 12. cap. Paralip. *Sed & de Gaddi transfugerunt ad Dauid, cum lateret in deserto, viri robustissimi, pugnatōres optimi, tenentes clypeum & hastiam, facies eorum quasi facies leonis.*

Temperies
quid, &
quorum
causa.

Exempla
Physio-
gnomice.

Est igitur agnoscere animi robur ex facie, per similitudinem aliorum animalium: ex passionibus verò seu ex passionum vacuitate est physiognomicum illud Ecclesiasticis capite octauo: *Sapientia hominis luget in vultu eius*. Et illud Prouerbiorum, *Cor gaudens exhilarans faciē*. Et illud. *In facie prudentis luget sapientia, oculi stultorum in finibus terræ*. Nimirum, ut à facie quàm à reliquo corpore, ita ob oculis plura quàm à reliqua facie capiuntur argumenta: quia velut fenestræ animæ sunt, atque inter cætera à modo intuendi. Nam recta despicere, oculis parum demissis, verecundi, immotis neque nictantibus, impudentis & iracundi: plurimum nictare, timidi aut insanire parati: obliquè intueri, ut cum sit è regione, habeat oculos in finibus terræ, est subdoli & derisoris, quem stultum vocant diuina proueria. Post faciem, in manibus potius quàm in vlla alia parte, dictis de causis locum habent signa, huiusmodi. Manus ergo bene magna multis lineis descripta, neque omninò glabra, neque pilosa, & longi digiti, ad naturalem proportionem inæquales, qui facilè & adducantur, sapientiam indicant, & bonos mores, maximè enim humana est talis manus. Curtam verò, rotundam, breuibus digitis, & æqualibus, glabram nimis, aut valde pilosam, qualis erat Esau, aut ungues habentes incuruos & longos, & nullis aut paucissimis lineis esse distinctam: hæc omnia belluina sunt, & ad aliqua brutorum gênera referuntur. Quare pilosa manus significabit hominem agrestem, & ferum more vrsi, ungues incurui, rapacem more accipitris, rotunda ac breuis ac sine lineis, stupidum, qualia quadrupedum plurima. Ita etiam & à passionibus: qui contractas semper gerunt manus, timidi & auari esse dignoscuntur; contra qui extensas, audaces & liberales; qui pendentes aut demissas, aut aliam super aliam, desides: qui elatas aut mobiles, solliciti, & negotiosi: qui ad faciem aut os adducunt, cogitabundi. Ex his constat Chiromantiam, nisi vltra Physiognomix fines se effundat, vanam non esse, nisi verò intra illos se contineat vanissimam, velut, & ipsa Physiognomia suos egressa fines, vana sit: ut cum Physiognomi, non solùm naturales cuiusque mores, & ingenium volunt dignoscere, sed & fortunam prænunciare, dicentes alios esse Iouiales & fortunatos, alios Saturninos & infelices. Nimirum si rectè antea monstratum est, Astrologiam iudiciariam cum præcipuè de fortuitis agit, vanam esse, necesse est omnes eas artes quæ ad illam referuntur vanas esse, ut Physiognomiam, quæ Martes, Ioues, aut Saturnos nominat; &

Geomag

Manus
confide-
ratio.

Geomantiam, quæ loca planetarum describit in terra: multo autem magis & Hydromantiam, & Pyromantiam, & innumera alia figmenta futilissima: quæ omnia sunt merè ludrica, aut adiunctam habent operam Dæmonum. Cùm ergo Chiromantiam bona ex parte receperimus, licebit verba alia Iob, *Qui in manu omnium hominum signat, ut nouerint singula opera sua*, Chiromanticè interpretari. Verùm occurrit mihi alia interpretatio, quæ multo magis arridet, nimirum vt Galenus loco citato edisserit, data manus est homini vt rationali ac sapientissimo animali. Nam æquum erat, habenti artem ante omnes artes, hoc est, rationem, dari organum ante omnia organa, hoc est manum: vt igitur fabrum dolabra & ferra; agricolam ligo & falx, sui muneris faciunt recordari: ita manus hominum, humani officij. Ergo vel suas ipsius manus intuens homo, agnoscat se esse natum ad omnes artes exercendas, ad adorandum Deum, ad errigendas Deo aras, ad sacra faciendæ, ab scribendum, docendumque omnem sapientiam etiam posteris, dicent Pythagorici ad numerandum; quandoquidem calculi numeri, qui omnes continent numeros, in ipsis digitis positi ante oculos sunt. Signauit igitur Deus in manu omnium, vt nouerint singula opera sua, hoc est, quæ eos facere oporteat, & ad quæ nati sunt: nimirum admonent nos aures, natos nos esse audire, nares odorari, lingua gustare, oculi videre. Hæc verò omnia, opera nostra non sunt, sed sunt plerisque communia: manus verò sapientiæ & diuini cultus, & rationis numerandi, exercendarum omnium artium nos admovent; quæ sua hominis opera sunt. Quod decimosertio Exodi dicitur, *Erit igitur quasi signum in manu tua*, nullatenus pertinet ad Chiromantiam, sed alludit ad consuetudinem hominum, qui cùm rem quampiam volunt memoriæ commendare, signum aliquod alligant digitis, quodd scilicet manus ob oculos versentur semper. Eum verò esse legitimum sensum verborum sequentia indicant *Erit igitur (inquit) quasi signum in manu tua, & quasi appensum quid ob recordationem ante oculos tuos*. Quod Aristoteles primo de historia animalium dicit scissuras manus longioris aut breuioris vitæ notas continere, non tam est à ratione alienum, quàm fortuitorum euentuum significationes inde peti, quodd scissuræ illæ ad formationem spectant, & formatio ad temperiem rationem habet, bonusque aut malus corpori habitus naturalis, qui compositione constat & temperie, longioris aut breuioris vitæ & eius interitus qui ab intrinsecis causis cietur, præcipua causa est. Tamen neque hoc mihi, vt verum fateat, ad-

Geomantia.
Hydromantia, & pyromantia quid.

Vitæ longitudo.

modum ardet: multis enim experimentis confirmanda foret eius assertionis fides. Neque me sanè plurimum moueat Aristotelis eò loci verba, ibi enim non Philosophum, sed Historicum agit: longè autem minor Historicorum, quàm Philosophorum autoritas est.

CAPUT XXXIII.

De Necromantia.

De Necromantia multa.

Pytho-
nissa.

NEcromantia, ut ipsam præ se fert nomen, est diuinitas quæ procedit ex consultatione mortuorum, cum scilicet Necromantici, incantationibus, & characteribus, aut certis quibusdam peractis, velut expiationibus, aut caeremoniis, mortuos accerferunt, quos de occultis aut futuris rebus consulant: cui rei magnam videtur auctoritatem conciliare, quod euenisse Sauli narratur cap. 18. primi Regum, cui opera cuiusdam mulieris pythonissæ, hoc est, familiaritate Dæmonis utentis, inuocatus suscitatusque Samuel, finem suum imminuentemque illi ac filiis suis à Philistæis, indicant. Si enim in sacris legimus, per mulierculam Necromantiam suis magicis artibus utentem Prophetam ad eò Deo charum suscitatum esse, & Regi verissimum futurorum reddidisse responsum, cur non putemus magicis incantationibus, characteribus, ac reliquis signis, facultatem aliquam inesse, aut naturalem, quæ vim etiam possit ipsis spiritalibus substantiis inferre, aut diuinam Dæmoniacis illusionibus longè superiorem? Non enim videtur dici posse non fuisse verè Samuelem, aut eius animum, cum qui respondit Sauli; siquidem in c. 46. Ecclesiastici, de Samuele, post alia eius acta ita scriptum legimus: *Et post hoc dormiuit, & notum fecit Regi, & ostendit illi finem vitæ suæ, & exaltauit vocem eius de terra in prophetia, delevit impietatem gentis.* Quid enim aliud indicant hæc verba, quàm quod illo loco narratum est Samuelem postquam dormiuerat, rursus exaltasse vocem de terra, & notum fecisse Regi finem vitæ suæ in prophetia? quod certè non aliàs fecit, quàm cum à Pythonissa est excitatus. Scio de hac re diuersas esse Theologorum opiniones, aliis dicentibus fuisse verè Samuelem

Samuel
an verè
suscitatus.

Item qui indicavit Regi finem suum, aliis eius imaginem, quas nolo ego aliter examinare, quàm dicens quod mihi videtur probatissimum: quandoquidem Ecclesiasticus narrans Samuelis gesta dicit postquam dormiuit notum fecisse Regi finem suum, & excitasse vocem de terra in prophetia, non dubito quin fuerit ipse Samuel; non dico ipse Samuel fuscatus, sed illius anima apparens in corpore aëreo, ut solent Angeli. Neque enim mihi pro asserenda Ecclesiastici veritate (tamen id dicat vir sanctissimus & què ac doctissimus Augustinus) videtur esse satis dicere, vocare Samuelem, Samuelis imaginem, videndum enim quorsum hæc narret Ecclesiasticus: non certè aliorum, quàm ut narret gesta Samuelis, & illius laudem. quam autem laudem meretur Samuel, quod Dæmon eius imaginem induens, pro illo responderet; aut quomodo quispiam hoc inter illius rectè gesta iure commemoret; accedit quòd ex Ecclesiastici verbis constat; illum non simpliciter pronunciasse Regi finem suum (hoc enim malus etiam Dæmon posset fortasse facere, aut coniectura, aut à Deo per bonos Angelos accipiens,) sed concionatum etiam esse aduersus idololatriam, quod malus Dæmon non fecisset. ita verò inquit Ecclesiasticus, *Et exaltravit vocem eius de terra in prophetia delere impietatem gentis.* Existimo itaque verè fuisse Samuelem. Monstratum verò mihi alibi est, nullam vim naturalem esse verbis, neque characteribus. Porro monstratum etiam est, nullam Dæmonibus esse cum corporalibus sympathiam, neque antipathiam: unde fit, nihil penitus posse Necromantiam nisi ex pacto: siquidem vim naturalem inferte spiritualibus substantiis nullam potest: neque quidem ex pacto sine Dei permissione, siquidem non annuente prima causa, ne esse quidem quispiam potest, necdum operari. Quid igitur superest? certè Necromantiam nihil esse aliud, quàm Dæmonis illusionem, hominum verò infidelitatem, qui cacodæmoni se deuouent. Quoniam autem neque Dæmon potest ex pacto respondere sine Dei permissione, fit nonnunquam ut Deus Dæmones coërceat, ipse verò aliquid in illorum qui se deuouent perniciem fieri permittat, atque ut dicitur capite ultimo Isaïæ, *Eligat illusiones eorum & qua timebunt adducat eis.* Velut nunc in perniciem Saulis, qui volens ac sciens defecit à Deo, atque ad Dæmonem se contulit, permisit ut Pythoniæ Dæmoniacas artes exercente appareret Samuel, & illi finem suum indicaret, maiorem fraudi finem adhibens induraretur, & adductus in desperationem periret in peccato suo. Censere verò aliquid præter

Necromantia quid.

præter æquitiā esse in Necromantia, hominū est indō-
ctissimorum pariter ac leuissimorum. Non desunt, qui asse-
rentes non fuisse phantasma dæmoniacum, sed ipsum Sa-
muēlem, existiment assumpsisse Dæmonem Samuelis corpus,
atque ex illo respondisse, atque vocari Samuelem, ut cuiusque
hominis cadauer ipsius nomine dicimus: hoc verò sine omni
probabilitate, neque sine Prophetæ iniuria, videtur dici, nam
longè facilius erat Dæmoni aëreum corpus effingere, aut vi-
dentium oculis illudere, quàm dissolorum iam in sepulchro
corpus, in formam pristinam, vel apparentem restituere.
Quod autem maius opprobrium fieri poterat Prophetæ cor-
pori, quàm à Dæmone assumi. hoc igitur minimè est proba-
bile: quare superest, id solū quo dictum est permissu Dei
venisse animam Samuelis, atque assumpro corpore aëreo Saūli
respondisse. Neque verò vellem hinc augeri credibilitatem in-
docti & superstiriosi vulgi, de reditu animarum hominum vita
iam defunctorum. Verū quia redeant an non, nihil habet
cum naturali Philosophia, atque ad huius operis spectat argu-
mentum. De his hætenus.

C A P V T X X X I V .

Quarto Regū, cap. 2. *Dixerunt quoque viri civitatis*
(Hierichontis scilicet) *ad Eliseum, Ecce habitatio huius*
civitatis optima est, sicut tu ipse Domine perspicis, sed aqua
possima sunt, & terra sterilis. At ille ait, Afferte mihi vas
novum, & mittite in illud sal, quod cum attulissent, egressus
ad fontem aquarum, misit in illum sal, & ait: Hac dicit Dominus,
Sanavi aquas has, & non erit ultra in eis mors, neque steri-
litas: sanati sunt ergo aqua usque in diem hunc iuxta verbum
Elisei, quod locutus est.

Non dubium est hoc quoque, ut alia pleraque contigisse
populo illi in figura, ut testatur Divus Paulus, & aliquam
aliā aquarū emendationem significasse, factumque esse
ob aliquod sacramentum: an verò hic quoque aliqua natu-
ræ ratio habita sit, præsentis operis est existimare. Dictum
enim non semel est, atque indicatum, etiam in efficiendis
miraculis, plerumque uti Deum aliqua naturali causa, idque
multis atque optimis rationibus, quas, ut pore alibi dictas,
non est nunc animus repetere, sed id præstare solū quod pro-
posui

positum est. Quandoquidem terræ sterilitas curatur in aquis, constat nihil aliud insinuari, quam aquas fuisse tales, ut earum vitio irrigata terra sterile sceret id verò vitium videtur rationi consentaneum fuisse saluginem, & quia id solet esse frequens in aquis, & quo quamplurimæ sunt ad potandum inutiles, & quia id solet omnium maximè sterilitatem afferre. Quo factum est, ut ab antiquissimis seculis venerit in consuetudinem, ut solo, quod ob patrata ibi facinora, & proditioes deuouetur, sal inspergatur: quod fecisse legimus Abimelech deleta vrbe Sichimorum, capite libri ludicum: quin & Psalmo 106. ita dicitur, *Posuit terram fructiferam in saluginem, à malitia inhabitantium in ea.* Itaque salugo maxima causa est sterilitatis terræ, & inspersus sal sterilitatem inducit & maledictionem. Si autem salæ erant aquæ Hierichontis, atque idèò hominibus erant ad potum inutiles, & terræ afferentes sterilitatem, quæ vis naturalis esse poterat in sale ad sanandum eas? cùm præcipuè Diuus Iacobus in sua epistola, capite 3. dicat, *Nunquid potest fratres mei ficus vnas facere, aut vitu fimo?* sic neque sala dulcem potest facere aquam. Neque dubium, cùm sint contraria contrariorum remedia, quin similibus augeantur rerum vitia. Alterum igitur duorum dicendum est, aut in illo Elisei miraculo nullam esse habitam naturæ rationem, sed adhibitam esse rem prorsus aduersam & noxiam, maioris portentis causa (nam hoc quoque nonnunquam legimus factum) aut vitium illud aquæ, non fuisse saluginem, sed corruptionem putridam, & olidam, hæc enim ut aliis omnibus in rebus, ita etiam in aqua, salis admistione corrigitur. Nam sal calidæ & siccæ naturæ cùm sit, & faciliè cùm aqua dissolutus commisceatur, putres in ea siue vapores, siue partes absument, & putredinem emendat atque integritatem facit diutius tetinere, restantur enim naturæ, aquas nonnihil salas, aptas verò adhuc potui vtiliores esse nauigantibus, quòd diutius incorruptæ seruari possint, ac proinde suas ex puteis mari vicinis solere haurire. Quin etiam qui naturas rerum diligenter scrutantur, affirmant putres malè olentes, & prauo aliquo sale infectos nulla ratione meliùs expurgari, quam sale in eos injecto: iniici verò solitam, quartam partem modiolii in singulos, quamquam non potest hoc esse in omnibus ratum, sed plus aut minus debet iniici, ut in ipsius puteis inest aquæ. hoc igitur videtur maximè consentaneū, quia præter dicta, ob putrescentiam, & grauolentiam euenit aquas esse mortiferas, magis quàm ob saluginem: sed & steriles, quia salugo nisi omnino

Aquæ sal-
sæ mou-
numenta.

Sal cur-
terris a-
spargatur.

Aquæ sa-
le infecto
curata.

Salsugo. omninò sit maxima, ut in mari Sodomæ (quod quia nihil viuum generat, ac siquid in ipsum incidat necat, mortuum appellatur) neque lethalis est neque fecunditati officit: quia potius cum sine putrescentia est, & intra quamdam mediocritatem, ut in mari, ipsas aquas fecit fecundissimas: nullibi enim mundi adeò luxuriatur generandi facultas, neque est tam multiplex generatio. Atqui profectò, ut ego existimo, ille ipse Dei Spiritus, qui aquas incubauit initio (quem ego ignem esse cèleo) tales reddidit, crassas, inquam, & salvas; atque ita multiplici rerum generationi, aptiores multò quàm dulces. Iam verò irrigata aqua, non utcumque salsa officit plantis, neque æquè omnibus: sed sunt quædam plantæ, quæ gaudent etiam quadam salsugine, & pureales quæ salsugine aliqua plerumque participant, desinunt prius esse aptæ potui, quàm irrigationi, nimirum in potu insuauissima est salsugo, quia fitis humidi & frigidi appetitus est, irrigari verò alimentum magis rationem quàm potus habet, nutrit enim plantas, atque ita non statim officit, neque enim nisi cum multa est, ut si muria, aut murina rigentur plantæ, aut inspergatur ipse sal. facit verò, si qua vlla in re, in sale maximam, ipsum plus, aut minus differentiam. multa enim salis irrigatio aut inspersio, siccet omnes plantas, & solum ipsum vrit ac facit sterile: moderata, quibusdam plantis est amica, nullis plurimum nocet. Animantia omnia à maxima salsugine, qualis maris mortui est, necantur (utuntur enim) moderatiori, qualis reliqui maris, generantur quamplurima, & in molem ingentem augentur, ac maximè fruuntur salubritate, & mortua etiam asseruari possunt diutius: tamen nonnulla ne tantam quidem salsuginem sustinent, neque consistere possunt, neque vivere, nisi in dulcibus aquis, & alia etiam quædam utranque vitam sustinent: tanta naturarum varietas est. Iam verò hominibus multi salis usus est morbidus, quia sanguinem salsum facit, & sterilitatem infert siccando vehementer, & acrius efficiendo semen: moderati verò, facit salacitatem, & irritationem, & pruritum augens, ac proinde ad generationem confert. Quare indistinctè mihi videntur altercari nonnulli, partim dicentes salem sterilitatem inferre ac mortem, ac proinde solitum inspergi in solum quod deuouetur: partim fecunditatem & incorruptionem, ac proinde fabulatos esse Poëtas, Venerem natam esse in mari, decidentibus in illud Cæli verendis, atque ab spuma vocatam, *aphroditim*. Nam re vera non sunt hæc tam propria salis, quàm consistunt in vrendi modo, estque verum, salis nomine hieroglyphicè significari plurimas

plurima : nam & sterilitatem , & salacitatem , & sapientiam ,
 & incorruptionem , & suauitatem , & mordacitatem ; quibus
 verò causis singula , oportet Philosophos distinguere , vera
 salis natura perspecta , ac neque laudando neque vituperan-
 do esse nimios. Cùm enim , vt Hippocrates mirè dixit , sint
 omnia ad aliquid bona & mala , de sale videtur id multò me-
 liùs posse dici ; est enim sæpè ac plurimis rebus noxius ac
 sterilis , plurimis etiani aliis non rarò utilis est , & fœcun-
 dus ; putrida verò corruptio semper est mortifera & sterilis ,
 cùm contraria sit omni naturali ortui , veniantque res om-
 nes , teste Aristotele , per putredinem ad interitum. Cùm igitur
 hæc mortem & sterilitatem afferre nata sit rebus omnibus ,
 & salis admistione naturaliter emendetur , consentaneum est
 id fuisse vitium aquarum Hiericontis , & Elisæum in earum
 curatione naturalem ordinem tenuisse , Deo interim adicien-
 te plurimum facultati , quam sali ab initio indiderat. alio-
 qui enim , neque tam multæ aquæ expurgandæ fuisset satis
 tam modicus sal , neque ea sanitas durasset in hunc vsque
 diem.

Sal Hie-
 roglyphi-
 cè quid.

Plantis
 quæ aquæ
 noccant.

CAPUT XXXV.

Lib.4. Regum cap.4. ita habetur : *Ingressus est ergo Elisæus* Puer resu-
domum , & ecce puer mortuus iacebat in lectulo eius : in- scitatus ab
gressusque clausit ostium super se , & super puerum , & orauit Elisæo.
ad Dominum . & ascendit , & incubuit super puerum , posuitque
os suum super os eius , & oculos suos super oculos eius , & manus
suas super manus eius , & inuolauit se super eum , & calefacta
est caro pueri , at ille reuersus deambulabat domi , semel huc atque
illuc , & ascendit , & incubuit super eum , & oscitauit puer septies ,
aperuitque oculos.

Puerum verè mortuum atque ab Elisæo suscitatum esse ,
 dicendum (quæ magis communis & verior erit sententia)
 miraculose peractam esse rem hanc , ita tamen , vt & in hoc
 miraculo habitus sit naturæ honor , adhibita mortuo ea cu-
 ratione , quæ ad syncopem , quæ integra fere extinctio na-
 turalis caloris est , ac velut mortis initium , solet adhiberi ,
 vt his causis , naturalis caloris velut igniculum adhibenti-
 bus , ac Deo peragente id , quò ipsæ non possunt pertingere ,
 ageretur .

ageretur suscitatio, velut quædam reuocatio à deliquio aut syncope. Quibus autem rationibus velit Deus causas naturales, etiam in peragendis miraculis, adhiberi, alibi dictum est. Esse autem ut dicimus, atque adedò in miraculis etiam maximis edendis, uti solere Deus naturalibus causis, non adedò magnis, innumeris constat exemplis, nam ad siccandum vna nocte mare usus est vento vehementi, & vrente, ut narratur cap. 14. Exodi. Quem autem ventum, aut quàm vrentem putes fuisse satis ad siccandum vna nocte mare nisi Deus, naturalem alioqui eius potentiam, vehementer & supra naturam auxisset?

CAP V T XXXVI.

Lib. 4. Regum cap. 4. ita habetur: *Et egressus est unus in agrum, ut colligeret herbas agrestes, inuenitque quasi vitem sylvestrem, & collegit ex ea Colochyntidas agri, & impleuit pallium suum, & reuersus conscidit in ollam pulmenti, nesciebat enim quid esset. infuderunt ergo sociis, ut comederent, cumque gustassent de coctione, clamauerunt dicentes, Mors in olla, vir Dei, & non potuerunt comedere, at ille, Afferte, inquit, farinam: cumque tulissent, misit in ollam, & ait, Infunde turba, ut comedant, & non fuit amplius quidquam amaritudinis in olla.*

Colo-
chyntidis
natura.

Nonnulli suspicantur alias colochyntidas fuisse has, quas Eliseus immissa farina adedò emendauit, ut dulces & esui apras reddiderit à medicamentosis illis, quibus ad vehemens ex-
purgandum vtuntur Medici. Sed meo quidem iudicio falsò: nam præterquam quodd nomen id præ se fert, descriptio quoque, & notæ indicant, nam re vera colochyntidis herba samenta profert & folia viti sylvestri non dissimilia, dicit præterea Mesue colochyntidam vocare solitos Persas cucurbitam deserti: quid autem aliud est dicere colochyntidas agri, quam cucurbitam deserti? est verò adedò amara, ut fel terræ ab eisdem vocaretur, & Dioscorides dicat fructum eius esse vehementer amarum, quo gustato, exclamauerunt dicentes, *Mors in olla*, non potentes comedere. Nam ob amaritudinem id contigisse, sequentia illa verba declarant. *Et non fuit amplius quidquam amaritudinis in olla.* Sed quo pacto (dices) fieri potuit, ut vera colochyntidis, quæ non amara solum est, sed adedò perniciofa, ut

Cucurbita
deserti.
Fel terræ.

si supra quatuor obolos, etiam emendata sumatur; possit super purgationes, & exulcerationes ventris, & mortem afferre, atque adeo admota exterius euectet fœtus, solius farinæ siue triticæ, siue hordeacæ immisione emendari adeo, ut mox daretur turbæ abundanter pro cibo? Non certè id naturaliter & citra miraculum effectum est, cum præcipuè inter agrestes herbas collectæ illæ colocynthides sint. culturæ enim hortenses effectæ, non parum fortasse miscescerent, agrestes verò, præcipuè quæ non inter alias, sed seorsum nascuntur, perniciosissimæ sunt itaque miraculo effectum est, ut dulcescerent, & noxam deponerent; ita ramen, ut hîc quoque, velut in aliis plerisque, modus quidam naturalis operationis retentus sit. Nam Medici omnes inter emendantia colocynthidem, recensent ea quæ lenta sunt & glutinantia, cuiusmodi esse constat amyllum, quod ex tritico conficitur, atque post hoc, etiam farinam triticam, hæc enim suæ substantiæ modo lento & glutinoso, & sapore grato, atque ut ita dixerim, cibali, præsentem iam dysenteriam sanant, & imminuentem anteuertunt, eiusque causis & efficientibus, & iam paratis obsistunt, mordacitatem & amaritudinem, aut acrimoniam hebetantia, & membranas internas ventris oblinentia. Haud dubiè igitur amyllum & farina triticea, in emendantibus colocynthidem non instrebuæ sunt. non ita ramen, ut tantum tam ciròque valerent, nisi plus solito illis aspiciasset prima causa, quæ, ut rerum naturam à principio fecit, ita vititur ea ut vult.

Culturæ
vis.Amyll
utilitas, &
farinæ tri-
ticæ vis.

CAPUT XXXVII.

CAp. 6. lib. 4. Regum: *Accidit autē, ut cūm quidam materiam succidisset, cadere ferrum securis in aquam, exclamauitque ille, & ait, Heu heu heu domine mi, & hoc ipsum vitium acceperā. dixit autem homo Dei, ubi cecidit, ait ille monstrauit ei locum. Præcidit ergo lignum, & misit illuc, natauitque ferrum, & ait, tolle, qui extendit manum, & tulit illud.*

Res est experimento compertissima, multa quæ in aqua Ferri na-
quieta subsident, cūm conturbatur, agitata aut ligno aliquo, ratio.
aut re aliqua eiusmodi in eam iniecta, emergere, efferrique in sublime, & innatare: non quidem id accidere solet ferro, aut grandioribus lapidibus, aut denique rebus grauioribus quàm ut agitatae aquæ impetu moueri possint, ea præcipuè agitatione, quæ immissum in eam lignum possit eiere. nam per maiores ac violentiores aquæ perturbationes, ut fluminibus

O

violentiæ

violenter decurrentibus, & volutari in aqua videntur magni lapides & euelli grandes ponres. hinc verò non potuit immisione ligni commota aqua, securis ferrum vsque ad summum eleuare. Neque sanè suspicor id fuisse cerrum aliquod lignum, quod extrahendi ferri virtute valeret (quod enim esset?) sed quodcumque occurrit: neque denique aliud quidpiam esse appositum ad eleuationem ferri, quàm aquæ commotionem; ea verò cum satis non esset pro tanto pondere, superest rem non esse sine miraculo transactam, ita tamen vt commotio aquæ apposita sit, & Deus ferto pondus detraxerit, aded vt agitata aqua valuerit subleuari, arenularum more. Cur autem putemus Deum velle aded leues causas, naturales tamen adhiberi, cum ipse nullis indigeat adiumentis? certè, vt ego existimo (dictæ verò alibi aliæ etiam causæ sunt) quò intelligamus, quantopere deerrant, qui nullam in rebus suis adhibentes operam cum possint, tantum orant Deum, quem vident ne miracula quidem perficere, nisi rarissimè, citra vllam naturalium causarum admotionem; nedum ea, quæ naturalem habent prouidentiam.

CAPVT XXXVIII.

CAp. 5. lib. 4. Regum narratur, Naaman Principem militiæ Syriæ mundatum esse à lepra, quòd iussu Elisei septies in Iordane se lauerit: contemuebat verò, vt ibidem legitur, hanc curationem vt leuem, neque pro tanto morbo futuram satis; atque ob hanc diffidentiam, nisi à seruis suis persuasus esset, penitus dimisisset: *descendit verò septies in Iordanem & mundata est eius caro, factaque vt pueri paruuli*, haud dubiè in septena illa lotionè, eaque per Iordanis aquam facta, magnum aliquod latebat arcanum & diuinorum sacramentorum significatio, eoque diuina virtute factum est, vt quæ (si res soli naturæ committeretur) leuissima fuisset curatio, pro tanto & tam inueterato morbo, fuerit sufficientissima ac perfectissima: non tamen ita fuit diuina ac miraculosa curatio, vt non etiam velut initium quoddam habuerit naturalis. Nam descendere in fluuiales aquas crebrò, innataréque, præcipuè ad rapidos aquarum vortices, plurimùm facit ad eluendam omnem cutis immunditiam, atque sanandum omne genus scabiei: neque quidem solùm scabiei simplicioris, sed etiam lepræ, & lichenum. nam cum hæc sint cutis quædam sordities, nascanturque à falsa pituita,

Fluuialis
aquarum
vis.

aut

aut vsta melancholia, lotio eluendo fortiter expurgat, atque aded epidermidem ipsam seu cuticulam euellit sæpè: aqua verò ipsa humiditate & frigore, & naturali illa dulcedine, temperat & saluginem pituitæ, aut aciditatem atræ bilis diluit & dissoluit. Atqui profectò si lepra illa fuisset recentior, nec subiectæ carnis temperies esset iam mutata, & recens expurgatum esset corpus Naaman, ne intra illud subessent prauis succi, fortasse pura natatio pluries repetita suffecisset: quoniam verò res non ita habebat, sed multo tempore, multa lepra perspersus fuerat, neque vlla tunc temporis præmissa est corporis expurgatio, miraculosa fuit curatio lepræ, qua se tunc temporis Deus gentibus dedit agnoscendum, atque in posterum venturæ Ecclesiæ, suæ immensæ misericordiæ præstitit significationem.

CAPVT XXXIX.

Quarto lib. Reg. c. 20. Cùm Ezechias ægrotaret vsque ad mortem, Deo ita iubente, sanatus est ab Isaia, admota massa fisorum. Verba verò sunt hæc:

Dixitque Isaia, Afferte massam fisorum: quam cùm attulissent, & posuissent super vlcus eius, curatus est hæc eadem verba scripta sunt cap. 38. Isaia. Morbi qui miraculosè sunt curati, vel ab ipso Deo, cùm inter mortales ageret, vel diuina virtute à viris Dei amicis, partim curati sunt citra rei vilius admotionem, solo verbo, vt Dominus sanauit leprosum, solùm dicens, *volo mundare*, & cæcum, imperans vt respiceret, vel oratione, vt orante Abrahamo sanauit Deus Abimelech, & vxorem eius: aut tactu, velut per manuum impositionem: quin & per tactum vestimenti, atque etiam vmbra: nam cap. 6. Luca dicitur, *Et omnia turba quærebat eum tangere, quia virtus de illo exibat, & sanabat omnes*. exemplo est mulier, quæ cùm fluxu sanguinis laboraret decem annis, tangens simbriam vestimenti eius sanata est. Porro 5. Actuum Apostolorum narratur, solitos deferri ægrotos ad vmbra Petri, vt sanarentur, partim, verò curati etiam sunt multi hominum, admotione quarundam rerum, quasi medicamentis quibusdam, velut hîc Ezechias ab Isaia admoto cataplasmate ex massa caricatum, & Tobias à cæcitate, infusa in oculos bile, & Naaman à lepra, lotus septies in Iordane. Sed an hæc quæ Dei iussu sanandis corporibus admouentur, se vera sint medicamenta, & quæ natura prædita, vt per sese nata sint eos morbo curare,

Miraculose curationes.

an non, sed ea in re præcipua sit ratio miraculi, quod earum rerum admotione, quæ nullatenus id sint natæ facere curentur morbi, dignum est consideratione, & spectat eius rei examen ad Physicum. Quod ad Tobiam spectat & si quæ alia eiusmodi sunt, suo quoque loco declarabitur: de curatione quoque Naaman dictum est antea: nunc quod proposuimus est enarrare.

Caricæ
sunt vires.

Caricæ, ut videre est apud Dioscoridem & Galenum, atque adeo ut inter omnes Medicos constat, vim habent extergendi, & calefaciendi ordine primo, aut etiam initio secundi, idque cum partium tenuitate: quapropter discutere possunt tumores paratos discuti, & emollire schizos & ad suppurationem perducere, si quæ sunt ad suppurationem paratæ: maximè verò efficient hoc aut illud, ut hoc aut illo modo parantur: nam decoctæ & cum triticea farina contusæ, moventur, cum hordeacea discutunt. Neque verò quia loco citato tantum dicitur Isaias admouisse massam siccorum, necesse est

Caricarum
cataplasma.

solis ficibus factum esse cataplasma. nam, & si acciperet caricarum, & farinæ (sive hordei, sive tritici, ut res posceret) æquales partes contusas & committas cum decocto caricarum, vocaretur meritis massa siccorum. Galenus secundo de arte curatiua ad Glauconem capite septimo, ad eos tumores, qui neque facile ad suppurationem perueniunt, neque facile discuti possunt, iubet, uti cataplasmate ex caricis, docetque ibidem eius compositionem. Sed ob hæc omnia non videretur ea massa potuisse sanitati restituere Ezechiam. nam ille laborabat vlceribus: vlcerum exstersionem & desiccationem postulant, haudquaquam discussionem, emolliationem, aut suppurationem. hæc enim tumorum curationes sunt, non vlcerum. Certè vlcerum, quæ vlcerum, & per se, nihil aliud desiderant, quàm agglutinationem. Cum enim vlcus sit partium decisio & separatio, quæ alia eius curatio sit, quàm coactio & agglutinatio? atque ita vlcerum simplicia sola agglutinatione curantur, etiam si ossium fracturæ, nedum scissuræ carnis. Cum verò simplicia non sunt, sed alias habent adiunctas affectiones, ut si cum scissura est etiam excavatio, & carnis defectus, aut si vlceris labia sunt inflammata, aut dura, callo aut schitro oblecta, aut subiectæ partes corruptæ, aut vehementer intemperatæ sint, frustra quis utetur agglutinantibus, antequam adiunctis affectionibus accurrat. Cum verò cum ea affectione, cuius curationi insistimus, aliæ aut aliæ affectiones copulantur, cum multa variaque sint auxilia quæ expectantur, ordine quidem opus est, ut illis quis rectè utatur. Eius autem ordinis triplex ratio est, ut Galenus docet. Prima quidem, & quæ aliis omnibus præfertur, est, ut si quid est quod ita

Vlcera
quid desiderant.

Vlcerum
curatio.

Triplex
ratio vlceris
curandi,

virget

vrgeat, vt curationem legitimam non expectet, ei ante omnia occurratur: velut si cum vlcere tantus etiam dolor sit vt penè exanimet, ac per se in mortis adigat breue periculum, admo- uenda sunt statim anodyna, hoc est, dolorem sedentia, aut etiam stupefacientia, etiam si ipsi vlceri ea obsit. Secunda, vt vbi sublata fuerint vrgentia, si quid sit quod rationem habeat causæ sine qua non, hoc est, quo non sublato morbus qui cura- tur tolli non potest, ei occurratur statim: velut si in vlcere est labiorum tumor, aut callus, detrahi debet antequam cuietur vlcus; quia callus & tumor labiorum prohibet partium vni- tionem eadem ratione, si est in vlcere cauitas, & subiectæ par- tis intemperies, repleri debet priusquam vnatur. quia qui possint vniri, quæ propter defectum carnis dissident; sed & temperari antequam repleantur; quia sine partis attemperatio- ne, non possit generari caro quæ repleat. Tertia, vt vbi nul- lum adsit impedimentum, videatur tamen an sit aliqua causa quæ faciat, & ea: tollaturea sublata tunc demùm rectè acce- ditur ad ipsius præcipui morbi curationem: velut cum pars exulceratur à fluxione biliosa aut salsa, ea fluxio tollenda est, & eluendum id sordium quod influxit. Hanc ob causam vlcera pleraque amant extersionem, omnia verò siccationem, vt rectè carentur, & agglutinationem humiditas non prohibeat. Quâdoquidem Ezechias proximus erat morti consentaneū est eius vlcus, siue internū siue externum esset, neq; benignū fuisse, neque simplex, sed malignum & complicatum: malignum quidem, ob pessimum succum quo imbutum esset; complicatum verò cum inflammatione. fieri ergo potest, vt à coniuncta in- flammatione magis, quam ab ipso vlcere periclitaretur. ita enim euenit, vt ob coniunctam inflammationem trahantur partes principes in compassionem, maximè cerebrum; & ob vlcus partium anteriorum, cum delirio; posteriorum, cum conuulsione homo moriatur. Si igitur dicto modo Ezechias periclitabatur, nulla ratione melius illi subueniri poterat, quàm admoto caraplasmate ex carne caricatum cum farina hordei, si resolutionem admittebant inflammatio; sin minùs, cum farina tritici, vt facta supputatione mitescerent febres, & reliqua accidentia. Sed si hoc ita est, quid habuit hæc curatio miraculi? habuit certè aliquid. nam etsi est indicatum, ficus, vim medicamentosam habere ad illius morbi curationem ac- commodatam; tantam verò non habent, vt qui ægrotabat vs- que ad mortem, die tertia posset sanus in templum ascendere, vt Ezechia euenit, nisi Dens peculiari auxilio, & solito maiori medicaminis vim auxisset. Vnde facilè constat non

Vlcus
& inflam-
mationis
maligni-
tas.

De medi-
cina.

tam esse fidendum medicamentorum facultatibus, quàm gratiæ Dei, qui his ipsis aspiet: neque mirum. Cùm enim Deus rerum omnium quæ sunt, quæque fiunt, prima causa sit, nihil aliorum mouere possit, nisi quatenus ab eo moueatur. Quod itaque medicamenta etiam mediocritia fauente Numine plurimum possint, argumento est Ezechias: quod verò illo non fauente tota medendi ars nihil possit, argumento est Asa Rex, qui ex podagra mortuus est intra triennium: neque excessit 41 ætatis annum, quia, vt dicitur cap. 16. secundi Paralip. *Neque in infirmitate sua quæsiuit Deum, sed magis in Medicorū arte confidit.* Ita ergo fidendum arti est, vt Deum potius quæras: ita verò otandus Deus, vt artem non contempnas, quandoquidem & sancti Dei viri medicamenti utebantur, scilicet, vt commendaretur apud homines medicina vt sanctum Dei donum.

CAPVT XL.

Secundo lib. Paralip. c. 21. mors Regis Ioram ita describitur: *Et super hac omnia, percussit eum Dominus alui languore insanabili, cumque diei succederet dies, & temporum spacia voluerentur, dñorum annorum expleus est circulus, & sic longa consumptus tabe, ita vt egeret etiam viscera sua, languore pariter & vita carnis.* Hoc exemplo, vt ex aliis multis, cōstat morbos diuinos, hoc est, à voluntate Dei pendentes, habere etiam causas naturales, & eandem essentiam cum aliis affectionibus: velut hīc Ioram, non tam profectò quod prauis cibis est vsus, quàm aueritè populum à lege Dei, & occidit fratres suos, correptus est alui languore insanabili: tamen si nihil obstat, quin & ex vitioso victu is morbus sit natus, sed si ipse populum non auertisset à Deo, neque occidisset fratres, aut minùs errasset victu dirigente eum Domino, aut ab eodem victu minùs læsus esset, Deo ita volente. nimirum Dei voluntas prior est aliis omnibus causis, naturales verò non tollit. Morbus hic haud dubie fuit diarrhœa, seu alui profluuium, aded diuturnum & malignum, vt ad tabem hominem deduxerit, & mortem: non quidem ad eam quæ peculiariter à Medicis vocatur Phthisis, seu tabes, quæ scilicet est cōsumptio ex pulmonis putrescentia ortum habens, sed quæ communi appellatione, ad colliquefactionem scilicet, & consumptionem totius corporis. Euenit verò hoc non rarò per malignam diarrhœam: nimirum tabes nasci solet ex maligna putredine succorum, ob quam retineri non possunt, sed egeruntur assidue, serpente verò ea malignitate,

Morbi di-
uini.Diarrhœa
maligna.

Phthisis.

tate, & aliis ab aliis succis infectis, euenit nonnunquam nihil manere integrum, sed ipsum etiam partium rorem malignè putrescere, & cum aliis egeri succis, & fieri deiectiones colliquatiuas, ipsasque partes, primùm destitutas ab alimento tabescere, deinde & computrescere cum ipsis succis, & in sanguinem solutas egeri, eas præcipuè, quæ velut ex concreto sanguine substantiam habent, vti lienem & hepar: quod euenit misero huic Regi, & in multis eorum, qui ex diarrhœa mortui sunt vidimus. Esse enim ipsum hepar aut lienem dissolutum, ac putre quod egeritur, modus ipse substantiæ qui conspicitur in deiectione ostendit: vt & renis etiam substantia aliquando dissoluta mingitur. diurnus verò est hic morbus, nisi cum coniungitur cum febre continua, atque ita durauit huic integrum biennium.

Renes mingunt interdum.

CAPUT XLI.

TObiæ cap. 8. ita scriptum est: *Tunc Raphaël Angelus apprehendit damonem, & reliquit illud in deserto superioris Ægypti.* Cùm disputatum alibi, atque indicatum in hoc ipso opere sit, Angelos nullatenus esse corporeos, sed sine omni magnitudine merè incorporeas substantias, magnam dubitationem ingerunt hæc Tobîæ verba. Nam quâ fieri possit, vt alter alterum apprehendar, religat, & certe quodam loco ligatum manere cogat? nam ne esse quidem in loco potest quod corporeum non est, cùm enim locus æqualis sit locato quarto Physicorum, æquale verò & inæquale tantum dicitur de magnitudine, constat quòd nulla est magnitudine, non posse esse in loco: si autem in loco esse non potest, neque moueri loco possit, ferri enim est fieri in loco: non potest autem fieri quod esse non potest: quantò ergo minus possit apprehendi, & religari? Innumera loca sunt in sacris, tam veteris quàm noui Testamenti, in quibus dicuntur Angeli alicubi esse, & moueri, mitti, accurrere, stare, obistere, & multa alia eiusmodi facere & pati, quorum omnium causa, dicendum est, quid secundùm naturales contemplationes videatur consentaneum. Angeli sunt substantiæ sine corpore, non tamen ita, vt vniuersalia separata, intelligimus, quorum nulla neque actio, neque passio est per se; sed vt supposita quædam, & singularia. omnis enim Angelus est Angelus

An Angeli sint corporeæ substantiæ.

Angeli
quid sint.

quidam, & hic, vt & quiuus homo. Neque proinde non sunt eiusdem speciei multi Angeli, quod non sint singuli supposita quædam indiuidua, sed quod singulorum species multiplicari non possint, sed seruentur in singulis indiuiduis, vt species Lunæ & Solis. Hoc verò ita habet in omnibus rebus incorruptilibus, siue corporeæ siue incorporeæ sint. quia non seruantur in multis, nisi quod non potest & seruari in singulis ob corruptionem, quæ proinde defectum suum similiam compensat generatione, quorum verò interitus non est, neque generatio esse potest, neque multiplicatio, sed species seruantur in singulis. Itaque Angelus est suppositum quoddam substantiæ incorporeæ, non igitur vt vniuersales naturæ dicuntur esse, quia essentiæ quædam sunt, non tamen existere alicubi, aut aliquando, sed omnes assertiones, quæ de illis dicuntur, sunt absolutæ à tempore & loco, vt diximus, humanitas est natura, ratio, seu quod quid est hominis. nemo tamen interrogat, vbi existit, aut quando nisi per accidens, vt est in singulis: quia humanitas nullibi est separata, neque vllò potius tempore est quod est. esse enim dicuntur talia, non existere: non inquam, ita Angeli, sed cùm sint substantiæ quædam singulares, & supposita, accidet eis quædam agere, & pati. Atqui, quoniam virtutis finitæ sunt, non possunt agere vbique & semper, vt Deus, sed alicubi, & aliquando. & quoniam sine corpore sunt, non possunt esse in loco, vt corpora, sed quoniam alicubi operantur, necesse est sint alicubi, modo aliquo nobis ob inexperientiam passionum insensibilium, non satis intelligibili. Itaque intelligimus Angelos esse alicubi; quia alicubi operantur: an verò ipsum alicubi esse, aliud sit quàm alicubi operari, magna est dubitatio. Mihi quidem videtur fieri necessatiò, vt ratione sint diuersa, quia in his orationibus, Raphaël est in deserto superioris Ægypti, & Raphaël ligat Dæmonium, prædicata pertinent ad diuersas categorias, alterum enim ad vbi, alterum ad agere: quapropter ratione saltem non potest esse idem. Verùm Angelus non potest esse in loco propriè, nam siue locus sit extremitas immobilis corporis continentis, vt fert plurimorum opinio: siue id spatium quod locati corporis dimensionibus occupatur, vt ego existimo, quod corpore caret, in loco esse non potest, quia neque extremitate circumscribitur, neque dimensiones habet; sed est vbi operatur per præsentiam virtutis. vnde fit, vt Angelus in maiori aut minori loco per se non sit, quia per se nullam extensionem habet, sed per accidens, per magnitudinem scilicet corporis in quod operatur. Quia enim non potest operari in quantuncunque corpus non potest

Angelus
propriè
non est in
loco.

potest quantuncunque locum tenere ; ea verò limitatio non nascitur ex corporis magnitudine , sed ex operis difficultate . non enim quia Angelus non potest tantopere extendi , cum nullatenus extendatur ; sed quia non potest tanti operis difficultati sufficere , cum finitæ virtutis sit , atque alius alio maioris aut minoris . Quæretur verò an sit minimus locus quem possit quivis Angelus tenere , ita ut non possit esse in minori , & an possit esse in puncto indivisibili , debilis dubitatio esse videtur : quid enim obstat potest incorporeo , quominus sit in loco minori ? an quod non potest ad eò sese contrahere , aut alas adducere ? Dicere verò venire posse Angelum ad ad eò exiguum locum , ut operari in minori , sit maioris difficultatis , inane etiam est . Nam aut illa difficultas nascitur ex operis magnitudine , aut ex applicatione virtutis ad corpus : ex opere minime , quia poni potest , imò verò pletunque erit , minus opus in loco minori : si verò ex applicatione , non potest esse alia difficultas , quàm quòd amplior , latiorve sit ea virtus , quàm ut possit ad tantas angustias contrahi . Hoc verò absurdum est censere , ubi nulla magnitudo est ; non tamen proinde potest esse Angelus in puncto indivisibili , quia ut in contrariis Physicis ad tyrones indicavimus , punctus re vera nihil est , ut neque linea , neque superficies , sed hyporheses quædam viles ad doctrinam . Est igitur Angelus in loco , sed quia modo alio quàm corpora , maior an minor sit locus ad eum , nihil facit nisi per accidens , quia maius aut minus sit corpus circa quod operatur , aut quòd non possit mouere tantum , quantum capit tantus locus : exiguus loci in quo esse potest , neque per se neque per accidens est ullus finis . Hinc etiam fit , ut præter rationem negetur posse esse duos , aut etiam plures in eodem loco , cur enim ita ? An quia quæ sunt in loco ut corpora non possunt in eodem loco esse , neque quæ sunt ut substantiæ incorporeæ possint . Quid illis obstat ? corporibus enim obstant dimensiones , & repletio ; ac Angeli non excludunt corpora , cur excludunt incorporeæ ? quia (dicunt) duæ causæ completæ non possunt esse immediatæ vnius , & eiusdem rei : non vidéo tamen cur Angelus sit necessariò causa completa eius actionis quam obit , ac non potiùs possint duo , tres , ac etiam plures , in eandem actionem conspirare , velut eundem mouere lapidem , non secundùm diuersas partes lapidis , sed secundùm easdem & totas . Dicunt , ut fieri non posse ut duæ lucernæ in eodem exactè loco existentes vna non fierent , ita neque duos Angelos , utpote duas virtutes posse in eodem exactè loco existere . Mihi tamen videtur res longè diuersa : nam Angelus facultatem

Quomodo Angelus est in loco.

An duo possint esse in eodem loco.

tem habet mouendi lapidem ; non tamen est ipsa mouendi facultas, sed substantia quædam & essentia, secundum quam non numero solum differunt, vt lucernæ, sed etiam specie ; præterea, neque duos Angelos, qui eodem exactè sint loco, est necesse eiusdem actionis esse causas: possent etiam contrarias actiones obire, & in eodem esse loco: velut si Angelus statuam Apollinis euertere, & Cacodæmon hanc ipsam sustentare contendat. Itaque neque hæc consequutio valer, Sunt in loco, ergo sunt causæ completæ; neque hæc, Sunt in eodem loco, ergo sunt eiusdem rei causæ, neque si hæc valeret, euenirer quidpiam absurdum, aut impossibile. Censeo itaque multos Angelos posse esse in eodem loco, vel hoc argumento, quod corpora nostra post resurrectionem poterunt in eodem loco esse multa, quia exuta impedimenta corporalia conditionem induunt spirituum. Quantò ergo magis id possint ipsi spiritus; nimirum verò si multitudo illa ingens Dæmonum, quam vnico ex corpore expulit Dominus (narratur Marci quinto) per diuersas particulas oberrabat, vt alius in pupilla, alius in palpebra, sub vngue alius se contineret; dicendum quoque esse maximam dæmonum multitudinem, quam vnumquodque corpus possit capere; arque adeò positionem non capere tot dæmones, quot procerum hominem. Hæc verò quæ necessitas cogit dicere; quid verò impediens mox dicere, esse Angelos palmares, & cubitales & vlnares. Ob hæc omnia mihi viderur, quod & antea dictum est, Angelos esse in locis per se, quia alicubi operantur, in tantis autem, aut tantis per accidens, ob magnitudinem corporum in quæ operantur. Locorum verò magnitudinem quam tenere possunt, non diffiniri magnitudine corporum, sed operis quod exercent difficultate vt explicatū est: vnde multò magis euenit, vt si corporis & loci magnitudo ad eos nihil facir nisi operis augeatur difficultas, multò minus faciat laci figura, siue in longum porrectus sit, siue quadratus, siue alia quacunque figura, non tamē quia dictū est posse esse multos Angelos in eodē loco, censendum etiam posse eundem esse in multis locis, nam longè alia ratio est, quia tamen si Angelorum non est magnitudo, est tamen numerus, estque eorum quiuis vnus, prius etiam quàm quodcunque corpus, ac proinde non nisi in vno loco esse potest; eius verò nullam magnitudinem occupat per se, sed solum per accidens: vt explicatum est. De modo igitur quo sunt Angeli in loco hæc videntur probabilia. De modo quo mouentur, succedit statim dubitatio. constat enim, quādoquidem neque sunt vbique neque nullibi, neque eodem semper in loco, non esse omninò immobiles, quoniam verò

sunt sine magnitudine, non possunt moueri propriè, ita enim moueri passio corporum est: superest ergo eos non moueri per se, fieri tamen in alio & in alio loco, aliquo alio modo quàm corpora. Qui sit is modus, difficile sanè possit à nobis intelligi, cum non possimus cogitatione à corporalibus phantasmatis semouere; at verò possumus ita diuinando procedere. Quoniam non mouentur per se ut corpora, superest, ut moueantur per accidens, aut aliter mutantur: moueri per accidens dico, quæ mouentur motu alterius rei, velut quæ nauì vehitur, mutari verò, quæ in alio & in alio loco fiunt: non tamen per successiuam illam, & continuatâ loci commutationem quam motum vocamus. Primo modo mouentur Angeli, cum volunt humanas actiones imitari, ac cum hominibus conuersari, ut Raphaël cum Tobia, aut cum Abrahamo, qui ad delendam Sodomam properabant, & Gabriel cum missus est in Nazareth alloquutus Deiparam virginem, & Hierosolymam, Zachariam; nimirum assumunt tunc temporis tenuia corpora, ex aëre aut igne, mouentque illa ut volunt, atque cum illis utpote quibus hæserunt mouentur per accidens, sine corporibus verò possunt fieri in alio ex alio loco, neque insumētes in eam mutationē tempus, neque dimetiētes spatium, sed mutatione non quanta ut ipsorum substantia est. At verò necesse, quo in alio fiant loco, ut in priori esse desinant: siquidem non possunt esse in duobus locis simul, ut dictum est: incipiunt verò esse in loco per primum esse, & desinunt per primum non esse, iuxta conditionem formarum omnium, quæ comparantur instantaneè, ac sine successione. Itaque primum instans quo Angelus est Romæ, verbi gratiâ, est primum quo non est Marditi. Fieri verò etiam potest, ut hæc Angeli mutatio successiua sit, & continuata, at tempus insumat, non quidem per se, & ob ipsius mutationis modum, sed ob continuitatem spatij, cum scilicet Angelus partes omnes mediij commouere vult, velut si hinc Romam abiens, partes omnes aeris in via positas commoueat: fiet enim tunc temporis continuata, & neque momentanea, neque intercisâ mutatio: ut generatio etiam substantiæ nonnunquàm sit successiua ob materiam, ut cum admota vni extremitari scintilla, decurrit flamma per totam stupam. Aliter vero non videtur mihi, temporalem & continuatam mutationē efficere posse Angelus. Si enim rectè Aristoteles dicit quodecunq; corpus ferretur per vacuū, latū iri in instanti, quia omnis tarditatis, seu moræ causâ est in resistētia, cur non etiam incorporeum per plenum. Nam cur magis possit plenum

Quo modo mouentur.

Angelus non potest esse in duobus locis simul.

incorporeum, quàm vacuum corpori resistere? si cui verò ob rei difficultatem videtur inopinabile esse, à re quapiam quæ virtutis finitæ sit, fieri mutationem instantaneam, is tenebitur meo iudicio dicere, Angelos nunquam moueri posse nisi assumptis corporibus, aut commotis omnibus spatij partibus. Quæ hæitationes magnæ illæ quidem, tam multos, atque adedò insignes Philosophos impulerunt dicere; Dæmones omnes esse corporeos. Verùm quandoquidem multis aliis argumentis indicatum antea est, eos corporeos non esse, solùm superest opinemur, Angelos dictas habere mutationes, instantaneas per se, & successivas per accidens, aut nullatenus moueri posse nisi per accidens, & assumptis corporibus, aut agitatibus omnibus medijs partibus, quæ in via positæ sunt. vtrum horum potius sit Deus nouit. Ego enim vel de rebus sensibilibus vix quidquam affirmo, nedum de his quæ tam longè à sensibus positæ sunt: vtcunque verò hoc habeat, quandoquidem possunt vno esse in loco, atque eò relicto in alium transilire, cohiberi etiam possunt imperio Dei quominus loco exeant, quod quidem est firmissimo vinculo religari. Nam tametsi diabolus imperiũ Dei quo ad potest detrectet, tamen neque loco exire, neque aliud quidpiam facere, neque omninò esse potest nisi Deus eius actionis, aut vitæ velit causam primam se exhibere. Nolle igitur Deum illum inde exire, insuperabile vinculum penitus est. Tale igitur imperium Domini exequutus Raphaël,

Dæmones
includun-
tur.

apprehendit demonium, & reliquit illum in deserto superiori Ægypti. Possunt etiam ipsi dæmones sese continere in palla annuli, & vitreo vase, & vbi alibi: atqui peracto mundi iudicio, omnes detinebuntur in horrendis illis caernis à quibus exire virtute Dei in æternum prohibebuntur. Huiusmodi sunt omnia quæ de Angelorum, siue motu, siue visibilibus ministeriis, legimus in sacris eloquiis: Honor & gloria sit Angelorum opifici Amen.

C A P V T XLII.

TOBIAE c. 2. ita scriptum est: *Contigit autem ut, quadam die fatigatus à sepultura veniens in domum suã, iacisset se iuxta parietem, & obdormisset, & ex nido hirundinũ dormiente illi calida stercorea inciderent super oculos eius, fieretque cæcus.* Rursum c. 10. ita habetur: *Tunc sumens Tobias de felle piscis, linxit oculos patris sui, & sustinuit quasi diuini ferè horã, & cepit albugo ex oculis*

seine

eluit, quasi membrana oni, egredi quam apprehendens Tobias traxit ab oculis eius, statimque visum recipit.

His verbis narratur causa externa seu occasio cæciritatis Tobiae, & ipsius affectionis species, & curatio: constare verò facile potest, etsi hæc Deo ita permittente, maioris curiositatem utilitatis causa acciderint, facta esse secundum naturam. Primum quidem iuxta naturam eius auiculæ contrigit is euenus: nam semper nidificat hirundo super domorum parietibus, & ut naturalesarrant, cægat semper extra nidum averso podice, atque perinde facere docet suos pullos. Itaque meritò euenit, ut iacenti supino iuxta parietem, sterco hirundinis inciderit in oculos: sed & ut excæcaretur. Nam videmus oculos partem esse ad eò delicatam, atque tam leuibus de causis nonnunquam hos morbos contrahere, ut admirationis nihil æstet, sterco hirundinum calens actu, in ambos simul oculos incidens, albuginem fecisse; non quidem (ut arbitrer) quòd vlla proprietas illi stercore sit, eo modo oculis aduersa, sed ob qualitatē manifestam.

De hirundinis stercore.

Sunt qui proprietatem obcæcandi tribuant excrementi eius auiculæ: idque duobus argumentis. & quia is morbus familiaris illi est, à quo illa censetur suos pullos liberare vsu chelidonix herbæ, quæ ab illa nomē traxit, & quia cinis capitum eiusdem commendatur ad extergendum oculorum albugines & cicatrices, & vocata prerygia. Non videntur autem hæc duo argumenta omnino leuia. Nam morbi contingunt animantibus secundum naturam succorum quibus aluntur: alimenta verò symbolum habent cum excrementis. Porro nihil magis cognitum experimento, quàm animalium partes viles esse ad eos morbos curandos, quos sua excrementa efficiunt, siquidem curamus carnibus viperæ, quos ea momordit, & sua salua infecit, & demorsis à cane rabido censetur auxiliari, iecur canis qui momordit, & istos ab scorpione sanat ipse scorpio superpositus. Verum ego vbi manifesta est causa, non libenter confugio ad istas occultiores. Nimirum sterco earum auicularum calidum satis est & siccum, accederetque calore actuali, vim habet rubrificandi, atque nonnihil exurendi, ut & sterco columbinum. Incidens ergo in oculos, partem sensus ad eò acris, exussit nonnihil extremam membranæ superficiem, & conuocata præ dolore fluxio est & genita albugo. Est enim albugo, quædam Albugo cicatrix in ipsa oculi externa membrana orta. fit verò cicatrix, quid. aut curanda ruptura, aut per vstionem (relinquuntur enim etiam cicatrices ex inustionibus) ita igitur facta in oculis albugo est, quæ hominem excæcauit.

Hanc

Hanc sententiam iuuant illa sacri contextus verba, *cum calida stercorea inciderunt in oculos eius.* innuunt enim id fecisse stercorea potius quia calida, quàm quia talia. Ego certè non solum non crediderim excrementa hirundinis proprietate excæcare, sed putauerim, ad extergenda quæ pupillæ innascuntur esse vtilia in collyriis. siquidem & columbinum stercus commendatur, & lacertinium, quia vim habent valde extergentem, & nonnihil exedentem: quæ etiam inest simo hirundinis, & turturis, & similibus auicularum. Putauerim ergo stercorea hirundinis, quæ calida incidentia in oculos hominem excæcarunt, potuisse adiuumento esse, si tenuissimè tripta in dote, & diluta aqua essent oculis admota, vt colubæ stercora solent: vt etiam hæc si calida in oculos inciderent sine vlla lotionis atque omnino sine correctione, excæcarent. Sanatus verò est illito felle cuiusdam piscis. Qui piscis fortasse fuerit, qui vocatur Græcis Callionymos, id est, pulchri nominis, qui idem, vt Plinius auctor est, vocatur Vranoscopus, quòd habeat oculum insignem in capite quo cælum spectat; aut Hyena, quia cum ad extergendas albugines inueteratas nihil magis à Medicis omnibus celebratum sit, quàm fel, inter omnia eius genera omnium maximè commendatur, datur fel Callionymi piscis, & mox Hyenæ. Galen. 10. de simplicium medicamentorum facultatibus cap. 12. ita inquit: *Porro quorundam animalium singulariter et bilis à Medicis extollitur, tanquam aciem exacuat oculorum & suffusionum initia digerat, velut piscis quem vocant Callionymum, Hyena, & scorpij marini, tum galli & perdici.* Itaque primas deferret Gal. hac in re bili Callionymi piscis, secundas Hyenæ. Plin. quoque cap. 7. lib. 32. ita scripsit: *Callionymi fel cicatrices sanat, & carnes oculorum superuacuas consumit. nulli hoc piscium copiosius, vt existimauit Menander in comædijs.* Itaque dicit Plin. & ex sua, & Menandri autoritate huic pisci fel esse copiosius, quàm vlli aliorum, idque albugines sanare.

Idem dicit Ælianus, idem & Odoardus Oxoniensis, qui diligentissimè scripsit nuper de animalium differentiis. Ælianus libro decimotertio, capite quarto, ex Aristotelis sententia dicit Callionymo pisci in iecore magnum fel situm esse. quod etiam confirmat ex sententia Menandri, & anaxippi. Verisimile itaque est hunc esse quem Tobias è Tigride flumine traxit, & exenterauit: quandoquidem, vt iidem authores narrant, est voracissimus, & carniuorus, aspectu immanis, nam est serratis dentibus, oculos habens in summo vertice, & os inter oculos situm. Quapropter non mirum si puer rerum inexpertus, terribus est ignotæ formæ intuitu piscis irruentis quasi ad

Oculis
medentia.

Calliony-
mi piscis
natura.

Hyena &
ex ea re-
media.

Felis vi-
res.

Calliony-
mi forma.

deuorandum : nam impetebat vt voracissimus & carniuorus. Huc accedit, quòd, vt Aristoteli placet, est littoralis & *ἐμπεδωμένος*, hoc est, die dormiens, nocte exiens & oberrans. Cùm ergo totam diem egissent iter, prima mansione ad noctē mansit iuxta Tigrim, & cum tunc vellet defatigatus ex itinere pedes lauare in litore, exiens irruit immanis & littoralis piscis vt voraret. Neque obstat quod Opianus Pelagium vocat, neque quòd Plinius in marinis ponit, quominus esse posset in præmagna fluuio, quia id non aded cōuenit inter authores, & quia etsi marinus sit, potuerit refluere ex mari, cùm præcipuè Plinius dicat, Euphratem & Tigrim mirum in modum stagnare : per stagnantem verò flunium facilius retroceditur. Controuertitur etiam an sit esculentus, aliis dicentibus, aliis negantibus : verum si hic est quem apprehendit Tobias, esculentum esse magna autoritate probatur, siquidem assarunt, & salietunt, vt eo vescerentur in via. Sed siue hic fuerit, siue alius (hoc enim certò scire non possum) non dubium multorum piscium ac fortasse omnium, fel vtile esse plus aut minus (non enim omnium æquè) ad extergendas albugines. Nam vt dicit Galenus loco citato, à cnius sententia nullus Medicorum hac in parte discrepat, succus hic vim habet valenter extergendi, qua facultate & albugines, & vocata pterygia, seu vngues, exedit. Plinius lib. 13. c. 11. de ocularium morborum curatione agens inquit : *Ad omnia autem inueterata fel efficacius putant.* Itaque omnia hæc per naturales causas euenerunt Tobiz, permissu tamen Dei, qui primum quidem virum sanctissimum morbo tanto probati voluit, deinde medicamen idoneum, cùm sibi placitum est, reuelauit, & in maiorem sui gloriam auxit vires medicamenti : vt hinc euidenter constet, eam etiam sanitatem, quam Medicorum industria recipimus, esse in Dei benignitatem referendam, qui illis pro te præsentī idonea indicat medicamina.

CAPVT XLIII.

Cap. 8. lib. Iudith, mors Manassis mariti Iudith, ita narratur : *Vir eius fuit Manasses, qui mortuus est in diebus messis hordeacea. instabat enim super alligante manipulos in campo, & venit astus super caput eius, & mortuus est.*

Tametsi neque causa externa, neque omninò causa vlla potest interficere per se, neque lædere quidè aſtiones, vt maxima

De Manassis morte.

Asclepiadis & Anacreontis mors.

Aëstus noxa.

ac præcipua pars Medicorum censet, sed morbum inferendo, à quo actionum læsiones primùm, deinde & mors proueniat, cum tamen ea maxima est, & nimis diligens sermo intemperstius, dicere solemus ab ea mortuum esse hominem, ut Asclepiadem scalarum lapsu, Anaercontem multo vino: ira hunc Manissem multo Solis æstu. Veram & scalarum lapsus, & vini potus, & longa mora in Sole, lethales illis hominibus morbos intulerunt: primùm quidem mora in Sole fecit calidam capitis intemperiem, id enim significat illa verba. *Venit æstus super caput eius.* Consentaneum verò est censere, eam non fuisse quam Medici vocant nudam intemperiem, ac sine succo, non enim fuisset adeò lethalis, sed cum succo, natûsque fuerit ex calore morbus alius ut Phrenitis nisi fortè mortuus est repente (ut diximus nonnullos afferri ex mellebus) fueritque facta Apoplexia, obstructis meningibus & toto cerebro à conuocato in caput confertim sanguine. Quantum verò possit qui in corporibus præerat apparatus, ut externæ causæ plurimum obesse possint, aut minimum hinc discas, quòd cum eorum qui alligandis manipulis insudabant læsus fortasse fuerit nullus, hic qui illis tantùm præerat mortuus est.

C A P V T XLIV.

IOb cap. 7. Dominum ita alloquitur: *Quare posuisti contrarium tibi, & factus sum mihi metipsi grauis?*

Hominis & Dei contrarietas.

Quæ verba hominis naturam quam post corruptionem primi peccati habet, optimè declarant: siquidem conqueritur esse se positum contrarium Deo, hoc est sentire se (ut inquit Paulus) aliam legem in membris suis, repugnantem legi Dei, ob hanc ipsam causam, esse sibi met grauem, ac molestum. Igitur est homo naturaliter contrarius Deo, & sibi ipsi, quod si ita est, constat esse hominem Deo similem, & contrarium: non possunt autem contraria inesse eidem secundum idem; insunt ergo secundum diuersa. Sunt ergo in homine duæ partes, altera secundum quam in bonum fertur naturaliter, atque secundum legem Dei operari expetit, altera quæ naturaliter etiam fertur in malum, & Dei legi repugnat, videturque quicuius homo hanc repugnantiam in seipso experiri. Nam optimus quisque habet stimulum carnis, quo colaphizatur; malus verò neque ipse est spontè malus, sed, ut dicitur Proverbiorum 12. *Unus & non vult piger.*

piger. Vterque autem, & bonus inquam, & malus, vult, & non vult, bonus quidem bonum vult, quodammodo autem non vult: malus vult malum, quodammodo autem neque ipse vult. Quo pacto autem potest velle, & non velle, nisi habeat duplicem voluntatem; habet ergo homo voluntatem duplicem, alteram naturaliter propensam in bonum, & honestum, alteram in delectabile, etsi sit inhonestum. expetit verò voluptates, omnem dolorem refugit. Nam ipsa voluptas in doloris exolutione habet essentiam: refugit verò naturaliter dolorem totum corpus, atque omnis agnitio corporalis. Omnis ergo corporalis agnitio capitur voluptate. igitur honestatis & iustitiæ, atque diuini cultus cura, est in alia parte præstantiori & minimè corporali, quare & incorruptibili, quia generatio & corruptio passiones corporum sunt, sicut & morus. Porro, quandoquidem sunt in homine duæ partes, & voluntates duæ, necesse est alteram esse altera præstantiorem, alioqui nihil potius sequeretur homo, sed discerneretur semper, essetque non vnum verè, sed quasi hominem bicipitem intelligas: atque contineretur semper in perplexitate, neque consultaret, sed vtraque ferretur in suum obiectum, neutra alteri cedens: nunc autem est verè vnum, & consultat, estque alius bonus, alius malus. Necesse est ergo vt vtraque aut altera potentia libera sit, vt possit si velit alteri cedere, aut non cedere, alioqui neque bonus neque malus esset quispiam, siue hæc vinceret, siue illa, si neutra libenter cederet. Nam ob ea quæ insunt nobis natura, neque laudamur, neque vituperamur: nunc autem & laude, & vituperio, & pœna, & præmio inveniuntur omnium hominum consensione, qui digni sint: igitur est altera aut vtraque voluntas libera. Vtraque quidem esse non potest, quia eueniret sæpe, vt neutra vellet alteri cedere, aut vtraque alteri. Vtrumvis horum fieret, non esset penes hominem libertas, neque posset sequi hoc, neque illud, essentque multæ actiones earum, circa quas vitium & virtutem esse omnes homines fatentur, in quibus neque laudari, neque vituperari homo merirò posset: at verò non ita est, sed talia omnia liberè gerit, & de omnibus eiusmodi actionibus laude & vituperio dignus esse iudicatur, dum sanus est, & mente constans: igitur & naturaliter & per sese (siquidem in bene naturaliter disposito) altera dictarum voluntatum libera est. Necesse est autem eandem esse liberam & dominam, alteram verò seruam, siquidem hoc ipsum, non posse aliter facere ac facias, dominationi repugnat. Igitur necesse est dictarum voluntatum præstantiorem esse liberam, & natura dominam, deterio-

Palyngene-
scia.

manò vsa est corpore , in palyngenesia (quam ille vt Pythagoræ-
ricus pofitetur) induat equinum , leoninum , suillum , aur pi-
sceum , quodcunque accommodatum fir moribus , quibus sese
in superiori vita imbuir : non aliter ac si cerdo , ac futoria arte
per negligentiā vacans , in fabili se exerceret , deponeret po-
stremitate acum & incisoriū , acciperetque ferram & malleum .
nimirum constat quibuscumque moribus assuescat , fieri ani-
mi ad eos propensione , vtque adeò , vt quantò diutius assue-
uerit , tantò difficilius possit se quispiam ad alios transferre , &
illa libertas qua hominem natum esse diximus , videtur per-
ire . Qua causa Stoici homines , atque adeò & omnes Philoso-
phi (etsi non omnes æquè) affirmauerunt , stultos esse seruos , &
sapientes liberos . atque Dominus noster dicit , hos seruire
mammonæ . Idemque octauo Ioannis , *Qui facit peccatum , seruus
est peccati* . sunt innumera alia oracula in sacris , quæ hoc ipsum
innuunt . cùm ergo videatur anima consuetudine mutare na-
turales appetitus & propensiones atque vnicuique videatur
animantium tributa corpora secundum suos mores (rapacibus
enim ungues acutos , firmos & curuos ; voracibus , dentes &
capacem ventrem , & intestina minimè flexuosa ; ferocibus cor-
nua dura ; fugacibus longiora crura) consentaneum censet
Plato , & mutatis animabus , quas solas homines esse censet ,
commutari corpora , atque hanc censet esse brutorum genera-
tionem in Timæo : & decimo de Republica , siue de Iusto , cen-
set hanc esse impiorum pœnam , quò quidem videtur spectare
illa comminatio Psalmi trigefimi primi , *Nolite fieri sicut equus
& mulus , quibus non est intellectus* . & illa imprecario . *In chamo &
frano maxillas eorum constringe , qui non appropinquant ad te* . Verum
hæc omnia Platonis dogmata plausibilia magis sunt quàm
vera , & Poeticè magis quàm Physicè colliguntur . nam habi-
tus longè alia res est quàm natura : facitque habitus pro-
pensiones contrarias , natura manente . Neque quidpiam tam
dissentaneum , quàm hominum brutorumque eadem esse ani-
mas , aut animarum ipsarum , in alias animas fieri mutationes .
non est ergo ita , sed quantumuis habitus difficultatem inge-
rat efficiendi contrarium , vt avaritia erogandi , luxuria conti-
nenter agendi , tamen quia natura non muratur , quia natura
liber , & suarum actionum dominus effectus est homo , liber
necessariò manet , potestque sese in alios transferre mores , si
velit ; tamen si difficilius multò eo , quam nisi deterioribus as-
sueuisset . Atque peccati vocatur seruus , non quòd non possit illi
imperare , sed quia obedit voluptate deuictus , quia (vt dicitur
in secunda epistola Petri) *à quo quis deuictus est , eius est seruus* .
appel

Stulci)
serui.

Habitus
& natu-
re diffe-
rentia.

Serui pec-
cati.

apellationes verò belluarū accipit, non ob naturæ vllam mutationem, sed quia ob belluinos mores comparatus est iumentis, & similis factus est illis. Psalm. 48. Neque sanè homo ipsa anima est, siquidem est animal, quapropter & corpus tale, animalium scilicet. neque quidquam habet absurditatis idem imperare sibiipſi, & vt ſeipſo, & eundem à ſe ipſo domari, vinci, & coerceri, eundemque ſibiipſi repugnare. nam & lapides quorūque & metalla, & inanima omnia corpora, per ſe ſe mouentur, quo illa ſua fert natura, grauiadeorſum, leuia ſurſum, vt alibi monſtrauiſmus: neque ſunt hæc abſurda, quia etſi inſunt hæc eidem, non ſecundū idem, ſed ſecundū animum alia, alia ſecundū corpus, ex corpore verò & animo conſtatum animal homo eſt, qui ſe pro ſuo arbitratu gerit. nam tametſi anima imperat corpori, & ratio appetitui, propriū autem dicitur homo imperare, quia actiones ſuppoſitorum ſunt; vt tametſi oculos videre dicitur, propriū autem ac priū, homo videt. Itaque & mens imperat corpori, & homo: mens tamen homo non eſt, ſed pars hominis, per quam ille imperat. Vt homo videt & oculos videt, non tamen oculus homo eſt, ſed pars hominis, per quam videt: ita etiam corpus repugnat rationi, ſed & homo eſſe repugnat rationi ſecundū corporalem appetitum, quapropter multò meliū, ac exactiū quā Plato dixit Iob, factum ſe eſſe ſibiipſi grauem Nimirum homo ſecundū duplicem, qua eſt, naturam, pugnat ſecum & reſiſtit ſibiipſi. Pulcherrima eſt illa comparatio, quam Ariſtoteles innuit capite vltimo primi Ethicorum. Nimirum duo animæ appetitus, ſunt vt duo corporis latera, atque vt cū quis remiſſe vnum mouet in alterum fertur, ita qui remiſſe vtitur ratione, incontinenter fertur in appetitiones, & qui remiſſe appetit, ſit continens: eſt verò ratio vt latus dextrum firmiū, fortiūſque, & quod ſi velit contendere, poteſt alterum trahere. Adhuc etiam videri poſſit alicui appetitus peccati, neque ſub mente, neque ſub homine eſſe, neque hominem poſſe illi dominari, cū eſt malus; ſed neceſſitate quadam, vbi qui malus ſit, in deteriora ferri. Eam (dicunt) vt febris phrenitis, & hydrodrops morbi ſunt corporis, ita luxuria, iracundia & auaritia, morbi ſunt animi, vt ergo non poteſt qui ægrotat corpore morboſos appetitus cohibere, vt ſit febricitans aut hydropticus, & furorem phreneticus: ita neque qui ægrotat animo, poſſit cohibere appetitus irracionales, qui peccatorum appetitus ſunt, alioqui (dicunt) non ægrotet. neque igitur (dicunt) pœna quiſpiam dignus ſit ob peccata, ſed perinde ſit furem verberare quòd furetur; ac ſi febricitantem verberes quòd febricitet,

Dextræ
perfectio;

Morbi a-
nimi &
corporis.

Concupif-
centia nō
est pecca-
tum.

febricitet, vtrumque enim inuito inest, & per morbum, illud ani-
mi, hoc corporis. Hæc videri possint leuiter consideranti pro-
babilia? sunt tamen sophistica & inepta. recipio enim, luxuriā,
auaritiā, & iracundiam, morbos esse animi, non minùs quàm
febrē, hydropisim, phrenitidem corporis, atque adeò vt ex his
sitim & amentiam, ita ex illis libidinem, iram & aliarum rerum
cupiditatem nasci, atque adeò non magis posse luxuriosum non
prurire libidine, & iracundum ira intumescere, & auarum appe-
tere aliena, quàm febricitantem, & hydropicum non sitire, &
phreneticum non insanire. Quid tunc postea? an proinde non
est dominus suarum actionum vterque? absit. Nam & febrici-
tans & sitiens potest non potare, avarus & concupiscens res
alienas, potest non furari. quapropter meritò fur verberatur,
non quia avarus, sed quia furatur, vt febricitans reprehenditur,
non quia sitit, sed quia intempestiue potat. Peccatum verò non
est in concupiscentia, sed in facinore, aut certa voluntate com-
mittendi. non enim laude dignus minùs est, qui cum sit natura
libidinosus, non agit quidpiam petulanter. quàm qui talis non
est: imò magis etiam fortasse aliquando, quia *virtus in infir-
mitate perficitur*, vt inquit D. Paulus, 2. ad Corinth. & virtus
versatur circa difficilia, vt inquit Aristot. 2. Ethic. Est igitur in
nostra potestate, non ille irrationalis appetitus, qui naturaliter
exurgit ex nostræ naturæ corruptione, quam sæpe ipsa elemen-
torum & humorum temperies auget, sed qui verè est appetitus
peccati, hoc est, vera & certa deliberatâque voluntas aliquid
contra Dei Opt. Max. legem committendi. quapropter vbi in
decalogo dicitur, *Non concupisces res alienas*, non ita est acci-
piendum, quasi qui concupiscentiam habet rerum alienarum
in peccato sit, etiam si nolit, quamquam possit, furari, sed is
solus qui vult furari si possit: hæc enim voluntas est appetitus
peccati. ille prior appetitus sine culpa esse potest, quia ex mor-
bo nascitur, vt sitis ex febre. Vt igitur febricitanti nullus Me-
dicus imperet, noli sitire, sed noli potare etsi sitias: peccat verò
in Medicum non qui sitit, sed qui potat, aut vult potare, quid-
quid Medicus iubeat; ita in Deum, non qui vtrumque concu-
piscat aliena (nam qui possit non concupiscere aurum inops,
aut avarus;) sed qui velit furari si possit, quidquid Deus im-
peret. vnde constat, nos natura dominos esse appetitus peccati,
etiam cum mali sumus, etiam si vitio & culpa simus serui pec-
cati. constat quoque totam bene viuendi normam eò redigi, vt
Deum timeamus: quandoquidem tota boni iustique regula, in
Dei, vt pote rerum omnium Domini, voluntate consistit, pec-
catum verò in accusatione, sed (vt hæc appetitus eloquar) po-

test quispiam esse libidinosus, aut iracundus naturâ, aut habitu, atque utcumque sit talis, propensus erit ad Venerem, aut iram. Interest verò multum, nam quorum natura tantum est talis, neque poena, neque reprehensione dignus est, quia neque vituperari neque laudari quispiam debet, ob id quod naturâ illi inest quin potius si rectè agit, talis cum sit maiori est dignus præmio: qui verò talis est secundum habitum, reprehensione & vituperio dignus est, quia in sua potestate fuit eius habitus principiū. sed si ne tunc quidem exerceat Venerea, aut irascatur, non est dignus poena, quia peccatum in actione est, in habitu vitium solum. potest verò iniustus non iniuste agere, etiam si non statim ac vult potest habitum commutare, sed longa aut magna exercitatione opus est. Culpa itaque iniusti, quod talis sit, solum est in principio, quod iniuste agat in ipsa voluntate, quæ actiones nostras semper comitatur. Quod disertè docuit Aristoteles cap. 5. tertij Ethic. dicens: *Verum non similiter nostra sponte actus ac habitus sunt: actuum enim à principio ad finem domini sumus ipsa singula cognoscentes, habituum verò principium.* Igitur punitur fur non quia fur est (quanquam hoc quoque si habitu constat est vituperabile) sed quia furatur: ut neque reprehenditur febricitans quia febricitat, neque quia sit (tamen si vituperatur, etiam si ob prauum victum in eum affectum incidit) reprehenditur verò, quod poterit cum non expedit, atque adedò iure posset puniri, si sit seruus. Itaque peccata ex animi nasci morbis, nisi obstat quominus sponte committantur, sitque penes nos liberum arbitrium, & mens appetitus sit natura domina.

CAPUT XLV.

CAp. 10. ita Iob Deum alloquitur: *Memento quaso, quod sicut lutum feceris me, & in puluerem reduces me. Nonne sicut lac mulisti me, & sicut caseum me coagulasti?*

Quæ verba non sunt oscitanter prætereunda Physico, neque quasi non explicent naturalem hominis ortum exactissimè; prima enim verba continent primam hominis formationem ex primis elementis, secunda generationem singulorum hominum ex semine. Quæ ut apertiora euadant, præfari oportet, quàm plurimas fuisse Philosophorum sententias de rerum corporearum elementis, antequam in illam vnâ peruentum omnibus est, de calido & frigido, humido & secco, seu terra, De electis.

aqua, aere & igne, plurimi enim censuerunt, elementa corporum esse corpuscula indiuisibilia, nonnulli substantias homogeneas, atque horum vtrique nihil errabant in notione elementi. alij enim principij & elementi rationem non distinguentes, dicebant elementa rerum omnium esse litem, & amicitiam, alij raritatem & densitatem, alij crassitiem & tenuitatem, alij alia. Ceterum, si quæ rerum naturalium elementa ponenda sunt, nulla æquè probabilis atque illa ab omnibus rectè Philosophantibus (nam & ab Stoicis & Academicis, & Peripateticis) recepta opinio, quæ ab Hippocrate fluxit, esse rerum omnium corporearum elementa, terram, aquam, aerem, & ignem, quia horum præcipuè corporum esse videmus qualitates, quarum mutua pugna sunt ortus & interitus, quædam enim sunt ex quibusdam crescente calore, quo aliquando extincto, hæc eadem abeunt in alia: ita etiam, siccata quædam intereunt, & alia humectata nimis: nihil autem interit, quin aliquid aliud ex illo fiat. itaque sunt omnia dictarum qualitatum actione, quare & mixtione illorum corporum, quorum illæ qualitates sunt primò, videntur generari, atque aded (si quæ) illa esse corporum aliorum elementa. Cæterum neque hoc videtur mihi (quando non iam cum tyronibus agitur) leuiter prætereundum, sed examinandum, an verè Philosophi corporum naturalium elementa prima ponant. at sit hæc hypothesis, vt multæ aliæ in scientiis. si enim, vt Aristoteles secundo de ortu & interitu multis contendit, rerum omnium generatio agitur circulo, non generantur omnia ex quibusdam, sed ex quocunque quodcumque. Quare nulla re vera sint aliorum elementa. Porro monstratum alibi est nulla esse simplicia elementa in rebus: atque adeo digito monstrari potest. quæ enim terra? an hæc, quæ nitro, sulphure, argento viuo, & metallicis omnibus concretionibus est intermixta, & alicubi est gypsus, alibi calx, creta alibi? Quæ aqua? an marina, quæ hic intolerabiliter salsa, alibi etiam est amara? Quis aer? an hic turbidus, qui vapor aut nebula, aut nubes, aut ignea exhalatio, aut horum quædam confusio esse videtur? Quis ignis? an carbo, qui terræ multis generibus est crassior? an flamma, quæ nihil est nisi fumus ardens? quod si nullibi vnquam elementa simplicia sunt, nec esse quidem possunt, vel hoc argumento (tametsi alijs etiam non inevidentibus est à me monstratum alibi) quod in æternis idem est quod est & quod potest, quod si nulla sunt elementa simplicia quorum mixtione generentur reliqua, ne mixtio quædam est vlla. Quorū enim est mixtio, nisi miscibiliū. quod si mixtio non est re vera, sed conficta, neque resolutio sit in simplicia.

nihil

Elemen-
torū im-
puritas.

Resolu-
tio.

nihil igitur fit ex elementis, neque finitur in elementa, quare neque elementa sunt omnino in rebus; nisi enim orationes in dictiones & dictiones in syllabas, & syllabæ in literas resolverentur, à quibus coagmentatis extiterunt, haudquaquam diceremus literas esse verborum elementa. non igitur sunt alia aliorum elementa, sed sunt alia ex aliis mutuo, & circulo quodam, ut ex pruno prunum, ex hoc nucleus, ex hoc prunus: & ex semine ouum, ex ouo pullus, ex pullo semen. his argumentis fieri videtur, nulla esse rerum elementa. Nihilominus est quod respondeamus, veram simul de elementis sententiam statuantes. tamen enim verè dicatur rerum generatio esse circularis, non tolluntur elementa. Non enim sunt omnia ex omnibus eodem modo: sed quædam ex quibusdam compositione; alia ex aliis resolutione. quis enim non videt lignum ex miscella terræ & aquæ, quam radicibus hausit, esse nutritum, atque ita ex illis effectum, resolui verò ignis vi in aquam, quæ inuisibiliter abit in vaporem, & cinerem terreum qui superest? fit haud dubiè ex ligno cinis resoluendo, quia deponendo quædam; ex terra lignum componendo, quia assumendo aquam. Sed quàm sint res omnes multarum compositione factæ, ipsa resolutio indicat. quoræ enim quæque res sunt, ex quibus non separet ratio distillandi terreas fæces, & partem aqueam, & oleosum quiddam, abeunte interim fumo? haud dubiè igitur sunt rerum ex rebus compositiones, & rerum in res resolutiones. Quapropter cum ex aliis procedatur resoluendo, necesse est esse rerum elementa prima. quia cum posteriorum natura nascatur ex prioribus, si nulla statuerentur prima, sed abiretur resoluendo in infinitum, ut in diuisione continui, non esset vnde inciperet compositio, neque vnde fluere rerum natura, quare neque esset illarum vlla natura. Necesse est igitur ponere aliqua corpora, quorum natura per se insit illis, neque ab aliis emendicata corporibus, illa verò sunt elementa prima: quæ quidem, pura & inalterata, necesse quidem, neque si essent, videri possent: quando quidem sensibiles omnes qualitates præter primas, à temperamentis fluunt, temperamenta verò mixture constant. Superest igitur ut sint in hac vniuersitate alterata elementa: ea verò sunt, si grandes hæ mundi partes, terra, mare, & circumstantes aer, & qui per alia omnia penetrat ignis, Hæ enim minimam omnium quæ in mundo sunt mixturem habent, & omnium maximè accedunt ad quatuor illas naturas corporeas & simplices, quas actu quidē nullibi, potentia verò in omnibus esse dicimus, neque proinde falsum est, aut tantum hypothesis, esse hæc elementa. Sunt

Distillandi
ratio.

Elementa
prima.

Hanc sententiam iuuant illa sacri contextus verba, *cùm ead-
 lida stercora inciderunt in oculos eius.* innuunt enim id fecisse ster-
 cota potius quia calida, quàm quia talia. Ego certè non solum
 non crediderim excrementa hirundinis proprietate excæcare,
 sed putauerim, ad extergenda quæ pupillæ innascuntur esse
 vtilia in collyriis. siquidem & columbinum stercus commen-
 datur, & lacertinium, quia vim habent valde extergenem, &
 nonnihil exedentem: quæ etiam inest fimo hirundinis, & tur-
 turis, & similium auicularum. Putauerim ergo stercora hiru-
 dinis, quæ calida incidentia in oculos hominem excæcarunt,
 potuisse adiumento esse, si tenuissimè trita in dote, & diluta
 aqua essent oculis admota, vt colubæ stercora solent: vt etiam
 hæc si calida in oculos inciderent sine vlla lotionē atque omni-
 nò sine correctione, excæcarent. Sanatus verò est illito felle
 cuiusdam piscis. Qui piscis fortasse fuerit, qui vocatur Græcis
 Callionymos, id est, pulchri nominis, qui idem, vt Plinius au-
 thor est, vocatur Vranoscopus, quòd habeat oculum insignem
 in capite quo cælum spectat; aut Hyena, quia cùm ad exter-
 gendas albugines inueteratas nihil magis à Medicis omnibus
 celebratum sit, quàm fel, inter omnia eius genera omnium
 maximè commendatur, datur fel Callionymi piscis, & mox
 Hyenæ. Galen. 10. de simplicium medicamentorum facultati-
 bus cap. 12. ita inquit: Porro quorundam animalium singulariter
 bilis à Medicis extollitur, tanquam aciem exacuat oculorum & sus-
 fusionum initia digerat, velut piscis quem vocant Callionymum,
 Hyena, & scorpij marini, tum galli & perdicis. Itaque primas de-
 fert Gal. hac in re bili Callionymi piscis, secundas Hyenæ. Plin.
 quoque cap 7. lib. 32. ita scripsit: Callionymi fel cicatrices sanat,
 & carnes oculorum superuacuas consumit. nulli hoc piscium copio-
 sissim, ut existimauit Menander in comædijs. Itaque dicit Plin. & ex
 sua, & Menandri autoritate huic pisci fel esse copiosius, quàm
 vlli aliorum, idque albugines sanare.

Oculis
medentia.

Calliony-
mi piscis
natura.

Hyena &
ex ea re-
media.

Felis vi-
res.

Calliony-
mi forma.

Idem dicit Ælianus, idem & Odoardus Oxoniensis, qui dili-
 gentissimè scripsit nuper de animalium differentiis. Ælianus
 libro decimotertio, capite quarto, ex Aristotelis sententia di-
 cit Callionymo pisci in iecore magnum fel situm esse. quod
 etiam confirmat ex sententia Menandri, & anaxippi. Verisimi-
 le itaque est hunc esse quem Tobias è Tigride flumine traxit,
 & exenterauit: quandoquidem, vt iidem authores narrant, est
 voracissimus, & carniuorus, aspectu immanis, nam est serratis
 dentibus, oculos habens in summo vertice, & os inter oculos
 situm. Quapropter non mirum si puer rerum inexpertus, ter-
 ritus est ignotæ formæ intuitu piscis irruentis quasi ad
 de

deuorandum : nam impetebat vt voracissimus & carniuorus. Huc accedit, quòd, vt Aristoteli placet, est litteralis & *impudens*, hoc est, die dormiens, nocte exiens & oberrans. Cùm ergo totam diem egissent iter, prima mansione ad noctē mansit iuxta Tigrim, & cum tunc vellet defatigatus ex itinere pedes lauare in liqore, exiens irruit immanis & littoralis piscis vt voraret. Neque obstat quod Opianus Pelagium vocat, neque quòd Plinius in marinis ponit, quominus esse posset in præmagno fluuio, quia id non aded cōcūnit inter authores, & quia etsi marinus sit, potuerit refluere ex mari, cùm præcipuè Plinius dicat, Euphratem & Tigrim mirum in modum stagnare : per stagnantem verò fluuium facilius retroceditur, Controuertitur etiam an sit esculentus, aliis dicentibus, aliis negantibus : verum si hic est quem apprehendit Tobias, esculentum esse magna autoritate probatur, siquidem assarunt, & salierunt, vt eo vescerentur in via. Sed siue hic fuerit, siue alius (hoc enim certo scire non possum) non dubium multorum piscium ac fortasse omnium, fel vtile esse plus aut minus (non enim omnium æquè) ad extergendas albugines. Nam vt dicit Galenus loco citato, à cuius sententia nullus Medicorum hac in parte discrepat, succus hic vim habet valenter extergendi, qua facultate & albugines, & vocata pterygia, seu vngues, exedit. Plinius lib. 23. c. 11. de ocularium morborum curatione agens inquit : *Ad omnia autem inueterata fel efficacius putant.* Itaque omnia hæc per naturales causas euenerunt Tobie, permissu tamen Dei, qui primum quidem virum sanctissimum morbo tanto probari voluit, deinde medicamen idoneum, cùm sibi placitum est, reuelauit, & in maiorem sui gloriam auxit vires medicamenti : vt hinc euidenter constet, eam etiam sanitatem, quam Medicorum industria recipimus, esse in Dei benignitatem referendam, qui illis pro re præsentī idonea indicat medicamina.

CAPVT XLIII.

CAp. 8. lib. Iudith, mors Manassis mariti Iudith, ita narratur : *Vir eius fuit Manasses, qui mortuus est in diebus messis hordaceæ. instabat enim super alligante manipulos in campo, & venit astutus super caput eius, & mortuum est.*

Tametsi neque causa externa, neque omninò causa vlla potest interficere per se, neque lædere quidē actiones, vt maxima

De Manassis morte.

Asclepiadis & Anacreontis mura.

Aëstus
noxæ.

ac præcipua pars Medicorum censet, sed morbum inferendo, à quo actionum læsiones primùm, deinde & mors proueniat, cum tamen ea maxima est, & nimis diligens sermo intemperstius, dicere solemus ab ea mortuum esse hominem, ut Asclepiadem scalarum lapsu, Anaercontem multo vino: ita hunc Manaïem multo Solis æstu. Veram & scalarum lapsus, & vini potus, & longa mora in Sole, lethales illis hominibus morbos intulerunt: primùm quidem mora in Sole fecit calidam capitis intemperiem, id enim significat illa verba. *Venit æstus super caput eius.* Consentaneum verò est censere, eam non fuisse quam Medici vocant nudam intemperiem, ac sine succo, non enim fuisset adeò lethalis, sed cum succo, natûsque fuerit ex calore morbus alius ut Phrenitis nisi fortè mortuus est repente (ut diximus nonnullos afferri ex messibus) fueritque facta Apoplexia, obstructis meningibus & toto cerebro à conuocato in caput confertim sanguine. Quantum verò possit qui in corporibus præerat apparatus, ut externæ causæ plurimum obesse possint, aut minimum hinc discas, quòd cum eorum qui alligandis manipulis insudabant læsus fortasse fuerit nullus, hic qui illis tantùm præerat mortuus est.

C A P V T XLIV.

IOb cap. 7. Dominum ita alloquitur: *Quare posuisti contrarium tibi, & factus sum mihi metipsum gravis?*

Hominis
& Dei
contrarietas.

Quæ verba hominis naturam quam post corruptionem primi peccati habet, optimè declarant: siquidem conqueritur esse se positum contrarium Deo, hoc est sentire se (ut inquit Paulus) aliam legem in membris suis, repugnantem legi Dei, ob hanc ipsam causam, esse sibi met gravem, ac molestum. Igitur est homo naturaliter contrarius Deo, & sibi ipsi, quod si ita est, constat esse hominem Deo similem, & contrarium: non possunt autem contraria inesse eidem secundum idem; insunt ergo secundum diuersa. Sunt ergo in homine duæ partes, altera secundum quam in bonum fertur naturaliter, atque secundum legem Dei operari expetit, altera quæ naturaliter etiam fertur in malum, & Dei legi repugnat, videnturque quicuius homo hanc repugnantiam in seipso experiri. Nam optimus quisque habet stimulum carnis, quo colaphizatur; malus verò neque ipse est spontè malus, sed, ut dicitur Proverbiorum 12. *Unus & non unus pigen.*

piger. Vterque autem, & bonus inquam, & malus, vult, & non vult, bonus quidem bonum vult, quodammodo autem non vult: malus vult malum, quodammodo autem neque ipse vult. Quo pacto autem potest velle, & non velle, nisi habeat duplicem voluntatem; habet ergo homo voluntatem duplicem, alteram naturaliter propensam in bonum, & honestum, alteram in delectabile, etsi sit inhonestum. expetit verò voluptates, omnem dolorem refugit. Nam ipsa voluptas in doloris exolutione habet essentiam: refugit verò naturaliter dolorem totum corpus, atque omnis agnitio corporalis. Omnis ergo corporalis agnitio capitur voluptate. igitur honestatis & iustitiæ, atque diuini cultus cura, est in alia parte præstantiori & minimè corporali, quare & incorruptibili, quia generatio & corruptio passiones corporum sunt, sicut & motus. Porro, quandoquidem sunt in homine duæ partes, & voluntates duæ, necesse est alteram esse altera præstantiorem, alioqui nihil potius sequeretur homo, sed discerperetur semper, essetque non vnum verè, sed quasi hominem bicipitem intelligas: atque contineretur semper in perplexitate, neque consultaret, sed vtrique ferretur in suum obiectum, neutra alteri cedens: nunc autem est verè vnum, & consultat, estque alius bonus, alius malus. Necesse est ergo vt vtrique aut altera potentia libera sit, vt possit si velit alteri cedere, aut non cedere, alioqui neque bonus neque malus esset quispiam, siue hæc vinceret, siue illa, si neutra libenter cederet. Nam ob ea quæ insunt nobis natura, neque laudamur, neque vituperamur: nunc autem & laude, & vituperio, & pœna, & præmio inveniuntur omnium hominum consensione, qui digni sint: igitur est altera aut vtrique voluntas libera. Vtrique quidem esse non potest, quia eueniret sæpe, vt neutra vellet alteri cedere, aut vtrique alteri. Vtrumvis horum fieret, non esset penes hominem libertas, neque posset sequi hoc, neque illud, essentque multæ actiones earum, circa quas vitium & virtutem esse omnes homines fatentur, in quibus neque laudari, neque vituperari homo meritò posset: at verò non ita est, sed talia omnia liberè gerit, & de omnibus eiusmodi actionibus laude & vituperio dignus esse iudicatur, dum sanus est, & mente constat: igitur & naturaliter & per sese (siquidem in bene naturaliter disposito) altera dictarum voluntatum libera est. Necesse est autem eandem esse liberam & dominam, alteram verò seruam, siquidem hoc ipsum, non posse aliter facere ac facias, dominationi repugnat. Igitur necesse est dictarum voluntatum præstantiorem esse liberam, & natura dominam, deterio-

Voluntas
duplex.

**Libera
arbitriū.**

rem verò esse natura seruam : atque si homo velit , trahi posse.
Hac causa , & quia homo hac libertate ab itioque differt ab
aliis animantibus , Plato in dialogo de hominis natura , parti
illi præstantissimæ & penitus incorporeæ , quæque dominatur
corpori , & illo vitur , potestque il bene aut malè exequi pro
suo arbitratu (quam nos mentem vocamus) nomen hominis
tribuit : corpus verò , & corporea omnia , non hominem , sed
hominis quædam esse dicit. Nos verò mentem esse dicimus
præstantissimam hominis partem , per quam à brutis separa-
tur , fitque liber , & suarum actionum dominus , virtutis & vitij
capax , & diuinarum rerum contemplator. Hanc humanæ na-
turæ dignitatem indicauit Deus ipse Cain (cap. 4. Geneseos) his
verbis : *Nonne si bene egeris , recipies , sint autem malè , statim in fo-*

**Appetitus
peccati.**

*ribus peccatum tuum aderit ; sed sub te erit appetitus eius , & tu
dominaberis illi.* Appetitum peccati vocat eam hominis par-
tem secundum quam conqueritur Iob , esse se positum con-
trarium Deo , & sibi ipsi grauem ; & quam Paulus dicit sentire
se in membris suis , legem repugnantem legi Christi : nimirum
lex Christi vocat nos in amorem contemptus , & vilitatis , &
inopiæ , & laborum : appetitus peccati in superbiam , fastus ,
abundantiam , & voluptates. Hunc appetitum peccati , edicit
Dominus Cain sub sua esse potestate , esseque eum illius do-
minum. Secundum alium igitur appetitum præstantiorem ,
rationalem scilicet , quæ ipsa mens est incorporea , separabilis ,
& æterna. Constat ex dictis , penes bruta nullam libertatem
esse posse , sed moueri semper pro ratione obiecti quod sese
offert. quòd si quando videntur quod præsens est despicere , &
quasi præstantius aliquid cogitantia ad aliud conuerti id qui-
dem ex deliberatione & arbitrio non nascitur (etsi nonnun-
quam ita videtur intuenti) sed euenit , quia obiecit sese terri-
culum aliquod in memoria , vt fortasse verberum , aut iucun-
dus irritamentum in imaginatione ; vt prædæ : neque enim
hæc priuauit Deus internis sensibus , per quos & memoria
præteritorum , & spe futurorum commouetur ; sed sapientia ,
quæ diuinarum & humanarum rerum est scientia , cum virtu-
te necessariò coniuncta : quare & cum libertate. Cum igitur
Medici animales motus appellant actiones voluntarias , non
quasi liberas intelligendum est , sed quasi ex appetitu cum sen-
su profectas. Dico cum sensu , quia in rebus inanimis appeti-
tum quendam ponunt Physici , quem vocant naturalem , quem
naturalem impetum videntur mihi meliùs appellaturi. Itaque
differencia propria hominis , est sapientiæ esse capacem : arqui
quoniam sapientia cum vera virtute coniuncta necessariò
est.

**Bruta li-
bertate
carent.**

**Hominis
differencia
propria.**

est, & hæc cum Dei timore, omnium optimè definiuit hominem Ecclesiastes in verbis ultimis suæ concionis, dicens: *Deum time & mandata eius serua. hoc est enim omnis homo*: quod nihil aliud est dictu, quàm homo; homo enim est animal capax sapientiæ veræ, quæ in timore Dei & legis eius meditatione cõfistit, quantò autem propius accedat ad hominis essentiam differentia hæc quàm rationale, inde intelliges, quod vt alibi indicauimus bruta omnia, rationabilia etiam quodammodo & circa quædam sunt, & intelligentiam quandam habent; sapientiæ verò nullatenus sunt capacia: itaque hominem esse animal sapientiæ capax multò cum minori ambiguitate dicitur, quàm animal rationale. Quare propriam hominis naturam definitio hæc continet. Vita verò eius qua homo est (qui est secundus eius actus, & qui ex propria natura fluit) est militia super terram. Nam secundum sapientiam operari, seu sapienter agere, est irrationalibus affectibus repugnare, atque appetitum peccati, ob quem conqueritur Iob factu se esse sibi ipsi grauem, coërcere, vt rebellem seruum: qui enim contra facit, ac libertate suas abutens illi obedit, sit similis iumentis insipientibus, ac comparatur illis, quia viuunt vt illa. Neque tamen ob hæc cogunt argumenta Platonis fateri, hominem nihil esse aliud quàm animam, corpus verò non hominem, sed hominis aliquid: ille enim in Alcibiade primo, siue de natura hominis, ita argumentatur: *Necesse est aliud sit id quod utitur, & aliud quo utitur, & aliud quod imperat, & cui imperatur, vt aliud est cerdo qui in sorio utitur, & aliud incisorium quo utitur; aliud quoque dominus, aliud seruus. ut verò cerdo, & incisorio dicitur incidere & manibus: ut manus autem, ita & pes, & oculus, atque corpus totum, est res qua homo utitur: homo igitur, & est aliud à corpore, siquidem corpore utitur, & est res illa qua corpore utitur: at verò anima utitur corpore, homo igitur ipsa anima est. Nam (inquit) homo est anima, aut corpus, aut ambo simul. corpus non est, quia corpore utitur, homo verò est qui utitur: sed neque ambo, quia si duorum alterum non utitur, neque ambo utuntur: superest vt homo anima sit.* Eodem modo concluditur hoc argumentum, siue dicas utitur, siue imperat, siue dominatur: nam ipsum vti impetio agit ut, imperat enim cerdo manui, & incisorio, hæc verò obsequuntur tracta. Itaque Platon ob hæc censet, hominem animam solam esse re vera, & in dialogo dicto, & 12. de Legibus, dicens re vera vnumquemque nostrum animam immortalem esse, corpus verò aliquid illius, vt vestem, aut lorica, cui consonum etiam est posse commutare corpora, fierique vt quæ anima hu-

Bruta
quomodo
rationabilia,

Homo an
sola anima.

Palyngenesia.

Stulti
serui.

Habitus
& natura
differentia.

Serui peccati.

mano vsa est corpore , in palyngenesia (quam ille vt Pythagoricus profiteretur) induat equinum , leoninum , suillum , aut piscium , quodcumque accommodatum sit moribus , quibus sese in superiori vita imbuat : non aliter ac si cetero , ac tutoria arte per negligentiam vacans , in fabrilis se exerceret , deponeret postremo acum & incisorium , acciperetque ferram & malleum . nimirum constat quibuscumque moribus assuescat , fieri animi ad eos propensionem , usque adeo , vt quanto diutius assueuerit , tanto difficilius possit se quispiam ad alios transferre , & illa libertas qua hominem natum esse diximus , videtur perire . Qua causa Stoici homines , atque adeo & omnes Philosophi (etsi non omnes æque) affirmauerunt , stultos esse seruos , & sapientes liberos . atque Dominus noster dicit , hos seruire mammonæ . Idemque octauo Ioannis , *Qui facit peccatum , seruus est peccati* . sunt innumera alia oracula in sacris , quæ hoc ipsum innuunt . cum ergo videatur anima consuetudine mutare naturales appetitus & propensiones atque unicuique videatur animantium tributa corpora secundum suos mores (rapacibus enim ungues acutos , firmos & cutuos ; voracibus , dentes & capacem ventrem , & intestina minimè flexuosa ferocibus cornua dura ; fugacibus longiora cæura) consentaneum censet Plato , & mutatis animabus , quas solas homines esse censet , commutari corpora , atque hanc censet esse brutorum generationem in Timæo : & decimo de Republica , siue de iusto , censet hanc esse impiorum pœnam , quod quidem videtur spectare illa comminatio Psalmi trigesimi primi , *Nolite fieri sicut equus & mulus , quibus non est intellectus* . & illa imprecatio . *In chamo & frano maxillas eorum constringo , qui non approximent ad te* . Verum hæc omnia Platonis dogmata plausibilia magis sunt quam vera , & Poeticè magis quam Physicè colliguntur . nam habitus longè alia res est quam natura : facitque habitus propensiones contrarias , natura manente . Neque quidpiam tam dissentaneum , quam hominum brutorumque eadem esse animas , aut animarum ipsarum , in alias animas fieri mutationes . non est ergo ita , sed quantumuis habitus difficultatem ingerat efficiendi contrarium , vt auititia erogandi , luxuria continenter agendi , tamen quia natura non mutatur , quia natura liber , & suarum actionum dominus effectus est homo , liber necessariò manet , potestque sese in alios transferre mores , si velit ; tamen si difficilius multò eo , quam nisi deterioribus assueuisset . Atque peccati vocatur seruus , non quod non possit illi imperare , sed quia obedit voluptate deuictus , quia (vt dicitur in secunda epistola Petri) *à quo quis deuictus est , eius est seruus* .

appel

appellationes verò belluarū accipit, non ob naturæ vllam mutationem, sed quia ob belluinos mores comparatus est iumentis, & similis factus est illis. Psalm. 48. Neque sanè homo ipsa anima est, siquidem est animal, quapropter & corpus tale, animalium scilicet. neque quidquam habet absurditatis idem imperare sibiipſi, & vti ſeipſo, & eundem à ſe ipſo domari, vinci, & coerceri, eundemque ſibiipſi repugnare. nam & lapides quoque & metalla, & inanima omnia corpora, per ſe ſe mouentur, quo illa ſua fert natura, grauiadeorſum, leuiā ſurſum, vt alibi monſtrauiamus: neque ſunt hæc abſurda, quia etſi inſunt hæc eidem, non ſecundū idem, ſed ſecundū animum alia, alia ſecundū corpus, ex corpore verò & animo conſtatū animal homo eſt, qui ſe pro ſuo arbitratu gerit. nam tametſi anima imperat corpori, & ratio appetitui, propriū autem dicitur homo imperare, quia actiones ſuppoſitorum ſunt; vt tametſi oculos videre dicitur, propriū autem ac priū, homo videt. Itaque & mens imperat corpori, & homo: mens tamen homo non eſt, ſed pars hominis, per quam ille imperat. Vt homo videt & oculos videt, non tamen oculus homo eſt, ſed pars hominis, per quam videt: ita etiam corpus repugnat rationi, ſed & homo eſſe repugnat rationi ſecundū corporalem appetitum, quapropter multò meliùs, ac exactiùs quàm Plato dixit Iob, factum ſe eſſe ſibiipſi grauē Nimirum homo ſecundū duplicem, qua eſt, naturam, pugnat ſecum & reſiſtit ſibiipſi. Pulcherrima eſt illa comparatio, quam Ariſtoteles innuit capite vltimo primi Ethicorum. Nimirum duo animæ appetitus, ſunt vt duo corporis latera, atque vt cū quis remiſſe vnum mouet in alterum fertur, ita qui remiſſe vtitur ratione, incontinenter fertur in appetitiones, & qui remiſſe appetit, fit continens: eſt verò ratio vt latus dextrum firmiùs, fortiùſque, & quod ſi velit contendere, poteſt alterum trahere. Adhuc etiam videri poſſit alicui appetitus peccati, neque ſub mente, neque ſub homine eſſe, neque hominem poſſe illi dominari, cū eſt malus; ſed neceſſitate quadam, vbi qui malus fit, in deteriora ferri. Eam (dicunt) vt febris phreſitis, & hydrodrops morbi ſunt corporis, ita luxuria, iracundia & avaritia, morbi ſunt animi, vt ergo non poteſt qui ægrotat corpore morboſos appetitus cohibere, vt ſit febricitans aut hydropticus, & furorē phreneticus: ita neque qui ægrotat animo, poſſit cohibere appetitus irracionales, qui peccatorum appetitus ſunt, alioqui (dicunt) non ægrotet. neque igitur (dicunt) pœna quiſpiam dignus ſit ob peccata, ſed perinde ſit furem verberare quodd fureretur; ac ſi febricitantem verberes quodd febricitet,

Dexter
perfectio

Morbi a-
nimi &
corporis

febricitet, vtrumque enim inuito inest, & per morbum, illud animi, hoc corporis. Hæc videri possint leuiter consideranti probabilia? sunt tamen sophistica & inepta. recipio enim, luxuriâ, auaritiâ, & iracundiâ, morbos esse animi, non minùs quàm febrē, hydropisim, phrenitidem corporis, atque adedò vt ex his sitim & amentiam, ita ex illis libidinem, iram & aliarum rerum cupiditatem nasci, atque adedò non magis posse luxuriosum non prurire libidine, & iracundum ira intumescere, & avarum appetere aliena, quàm febricitantem, & hydropicum non sitire, & phreneticum non insanire. Quid tunc postea? an proinde non est dominus suarum actionum vterque? absit. Nam & febricitans & sitiens potest non potare, avarus & concupiscens res alienas, potest non furari. quapropter meritò fur verberatur, non quia avarus, sed quia furatur, vt febricitans reprehenditur, non quia sitit, sed quia intempestiuè potat. Peccatum verò non est in concupiscentia, sed in facinore, aut certa voluntate committendi. non enim laude dignus minùs est, qui cùm sit natura libidinosus, non agit quidpiam petulauter. quàm qui talis non est: imò magis etiam fortasse aliquando, quia *virtus in infirmitate perficitur*, vt inquit D. Paulus, 2. ad Corinth. & virtus versatur circa difficilia, vt inquit Aristot. 2. Ethic. Est igitur in nostra potestate, non ille irrationalis appetitus, qui naturaliter exurgit ex nostræ naturæ corruptione, quam sæpe ipsa elementorum & humorum temperies auget, sed qui verè est appetitus peccati, hoc est, vera & certa deliberatâque voluntas aliquid contra Dei Opt. Max. legem committendi. quapropter vbi in decalogo dicitur, *Non concupisces res alienas*, non ita est accipiendum, quasi qui concupiscentiam habet rerum alienarum in peccato sit, etiam si nolit, quamquam possit, furari, sed is solus qui vult furari si possit: hæc enim voluntas est appetitus peccati. ille prior appetitus sine culpa esse potest, quia ex morbo nascitur, vt sitis ex febre. Vt igitur febricitanti nullus Medicus imperet, noli sitire, sed noli potare etsi sitias: peccat verò in Medicum non qui sitit, sed qui potat, aut vult potare, quidquid Medicus iubeat; ita in Deum, non qui vtrumque concupiscat aliena (nam qui possit non concupiscere aurum inops, aut avarus;) sed qui velit furari si possit, quidquid Deus imperet. vnde constat, nos natura dominos esse appetitus peccati, etiam cùm mali sumus, etiam si vitio & culpa sumus serui peccati. constat quoque totam bene viuendi normam edò redigi, vt Deum timeamus: quandoquidem tota boni iustique regula, in Dei, vt pote rerum omnium Domini, voluntate consistit, peccatum verò in accusatione, sed (vt hæc apertius eloquar) po-

Concupiscentia nō est peccatum.

test quispiam esse libidinosus, aut iracundus naturā, aut habitum, atque utcumque sit talis, propensus erit ad Venerem, aut iram. Interest verò multum, nam quorum natura tantum est talis, neque poena, neque reprehensione dignus est, quia neque vituperari neque laudari quispiam debet, ob id quod naturā illi inest quin potius si recte agit, talis cum sit maiori est dignus præmio: qui verò talis est secundum habitum, reprehensione & vituperio dignus est, quia in sua potestate fuit eius habitus principium. sed si ne tunc quidem exerceat Venerea, aut irascatur, non est dignus poena, quia peccatum in actione est, in habitu vitium solum. potest verò iniustus non iniuste agere, etiam si non statim ac vult potest habitum commutare, sed longa aut magna exercitatione opus est. Culpa itaque iniusti, quod talis sit, solum est in principio, quod iniuste agat in ipsa voluntate, quæ actiones nostras semper comitatur. Quod disertè docuit Aristoteles cap. 5. tertij Ethic. dicens: *Verum non similiter nostra sponte actus ac habitus sunt: actuum enim à principio ad finem domini sumus ipsa singula cognoscentes, habituum verò principium.* Igitur punitur fur non quia fur est (quanquam hoc quoque si habitu constat est vituperabile) sed quia furatur: ut neque reprehenditur febricitans quia febricitat, neque quia sit (tamen si vituperatur, etiam si ob prauum victum in eum affectum incidit) reprehenditur verò, quod poterit cum non expedit, atque aded iure posset puniri, si sit seruus. Itaque peccata ex animi nasci morbis, nisi obstat quominus sponte committantur, sitque penes nos liberum arbitrium, & mens appetitus sit natura domina.

CAPUT XLV.

CAp. 10. ita Iob Deum alloquitur: *Memento quaso, quod sicut lutum feceris me, & in puluerem reduces me. Nonne sicut lac mulsisti me, & sicut caseum me coagulasti?*

Quæ verba non sunt oscitanter prætereunda Physico, neque quasi non explicent naturalem hominis ortum exactissimè; prima enim verba continent primam hominis formationem ex primis elementis, secunda generationem singulorum hominum ex semine. Quæ ut apertiora euadant, præfari oportet, quàm plurimas fuisse Philosophorum sententias de rerum corporum elementis, antequam in illam unam peruenirent omnibus est, de calido & frigido, humido & sicco, seu terra, De elementis.

Elemen-
torū im-
puritas.

Resolu-
tio.

aqua, aere & igne, plurimi enim censuerunt, elementa corporum esse corpuscula indiuisibilia, nonnulli substantias homogeneas, atque horum utrique nihil errabant in notione elementi, alij enim principij & elementi rationem non distinguentes, dicebant elementa rerum omnium esse litem, & amicitiam, alij raritatem & densitatem, alij crassitiem & tenuitatem, alij alia. Ceterum, si quæ rerum naturalium elementa ponenda sunt, nulla æquè probabilis atque illa ab omnibus rectè Philosophantibus (nam & ab Stoicis & Academicis, & Peripateticis) recepta opinio, quæ ab Hippocrate fluxit, esse rerum omnium corporearum elementa, tetram, aquam, aerem, & ignem, quia horum præcipuè corporum esse videmus qualitates, quarum mutua pugna sunt ortus & interitus, quædam enim sunt ex quibusdam crescente calore, quo aliquando extincto, hæc eadem abeunt in alia: ita etiam, siccata quædam intereunt, & alia humectata nimis: nihil autem interit, quin aliquid aliud ex illo fiat. itaque sunt omnia dictarum qualitatum actione, quare & mixtione illorum corporum, quorum illæ qualitates sunt primò, videntur generari, atque aded (si quæ) illa esse corporum aliorum elementa. Cæterum neque hoc videtur mihi (quando non iam cum tyronibus agitur) leuiter prætereundum, sed examinandum, an verè Philosophi corporum naturalium elementa prima ponant. at sit hæc hypothesis, ut multæ aliæ in scientiis. si enim, ut Aristoteles secundo de ortu & interitu multis contendit, rerum omnium generatio agitur circulo, non generantur omnia ex quibusdam, sed ex quocunque quodcumque. Quare nulla re vera sint aliorum elementa. Porro monstratum alibi est nulla esse simplicia elementa in rebus: atque adeo digito monstrari potest. quæ enim terra? an hæc, quæ nitro, sulphure, argento viuo, & metallicis omnibus concretionibus est intersita, & alicubi est gypsus, alibi calx, creta alibi? Quæ aqua? an marina, quæ hîc intolerabiliter salsa, alibi etiam est amara? Quis aer? an hic turbidus, qui vapor aut nebula, aut nubes, aut ignea exhalatio, aut horum quædam confusio esse videtur? Quis ignis? an carbo, qui tetra multis generibus est crassior? an flamma, quæ nihil est nisi fumus ardens? quod si nullibi vnquam elementa simplicia sunt, nec esse quidem possunt, vel hoc argumento (tametsi aliis etiam non inevidentibus est à me monstratum alibi) quod in æternis idem est quod est & quod potest, quod si nulla sunt elementa simplicia quorum mixtione generentur reliqua, ne mixtio quædam est vlla. Quorū enim est mixtio, nisi miscibiliū. quod si mixtio non est re vera, sed conficta, neque resolutio sit in simplicia.

nihil

nihil igitur fit ex elementis, neque finitur in elementa, quare neque elementa sunt omnino in rebus; nisi enim orationes in dictiones & dictiones in syllabas, & syllabæ in literas resolverentur, à quibus coagmentatis extiterunt, haudquaquam diceremus literas esse verborum elementa. non igitur sunt alia aliorum elementa, sed fiunt alia ex aliis mutuo, & circulo quodam, vt ex pruno prunum, ex hoc nucleus, ex hoc prunus: & ex semine ouum, ex ouo pullus, ex pullo semen. his argumentis fieri videtur, nulla esse rerum elementa. Nihilominus est quod respondeamus, veram simul de elementis sententiam statuantes. ramerli enim verè dicatur rerum generatio esse circularis, non tolluntur elementa. Non enim fiunt omnia ex omnibus eodem modo: sed quædam ex quibusdam compositione; alia ex aliis resolutione. quis enim non videt lignum ex miscella terræ & aquæ, quam radicibus hausit, esse nutritum, atque ita ex illis effectum, resolui verò ignis vi in aquam, quæ inuisibiliter abit in vaporem, & cinerem terreum qui superest? fit haud dubiè ex ligno cinis resoluendo, quia deponendo quædam; ex terra lignum componendo, quia assumendo aquam. Sed quàm sint res omnes multarum compositione factæ, ipsa resolutio indicat. quoræ enim quæque res sunt, ex quibus non separet ratio distillandi terreas fæces, & partem aqueam, & oleolum quiddam, abeunte interim fumo? haud dubiè igitur sunt rerum ex rebus compositiones, & rerum in res resolutiones. Quapropter cum ex aliis procedatur resoluendo, necesse est esse rerum elementa prima. quia cum posteriorum natura nascatur ex prioribus, si nulla statuerentur prima, sed abiretur resoluendo in infinitum, vt in diuisione continui, non esset vnde inciperet compositio, neque vnde fluere rerum natura, quare neque esset illarum vlla natura. Necesse est igitur ponere aliqua corpora, quorum natura per se insit illis, neque ab aliis emendicata corporibus, illa verò sunt elementa prima: quæ quidem, pura & inalterata, necesse quidem, neque si essent, videri possent: quandoquidem sensibiles omnes qualitates præter primas, à temperamentis fluunt, temperamenta verò mixture constant. Superest igitur vt sint in hac vniuersitate alterata elementa: ea verò sunt, si grandes hæ mundi partes, terra, mare, & circumstans aer, & qui per alia omnia penetrat ignis, Hæ enim minimam omnium quæ in mundo sunt mixturem habent, & omnium maximè accedunt ad quatuor illas naturas corporeas & simplices, quas actu quidè nullibi, potentia verò in omnibus esse dicimus, neque proinde falsum est, aut tantum hypothesis, esse hæc elementa. Sunt

Distillandi
ratio.

Elementa
prima.

Elementorum diversitas.

Homo ex quo primum.

enim reuera, vt dicimus, potētia scilicet, velut re vera est in theriaca opium, & calia. Neque minus hæc in theriaca essent, etiā si totum mundi opium effer in eam insumptū, neque alicubi maneret actu: vt nunc in mundum insupra sunt rora, aqua, terra, ær, ignis, vt nihil illorū iam superfit, sed aquea, terrea, ærea, & ignea corpora. Sunt itaque quatuor elementa, quorum naturæ in his aspectabilibus mundi partibus, terra, inquam, aqua, ære, & igne præcipuè se exerunt: atque hæc quidem alterata elementa, sunt re vera actūque in mundo, & conspiciuntur: illa, inalterata & simplicia, sunt re vera, non tamē actu: arque vt sunt, ita mitione generant. Nimirū alterata hæc, præexistentia actu commiscuntur, & generant: inalterata illa, nunquam præexistunt actu, sed potentia semper sunt, & in ipsa mitione & in mistis. Horum quatuor elementorum, duo præcipuè (aqua inquam & terra) præstant corporibus crassis, & solidis, vt lapidibus merallis, & arborum atque animalium partibus corporaturam: duo reliqua admiscuntur propter remperiem, & facultates, & primò quidem omnia necesse est constiterint horū concretionē, posterius verò quædam, vt quæ præstantiora cū sint reliquis, præstantiorem etiam habent ortam, sunt virtute seminali, & mutatione, elementorū mitione latitante, & in ipso semine, & in eo quod oritur. Nam ipsa maruratio nihil aliud facit, quā perfectiorem, ex imperfectiori, elementorum mitionem, itaque imperfectiora corpora, & quæ neque viuunt, neque vegetantur, eodem penitus modo necesse est à principio mundi constiterint quo nunc, concretionē quadam elementorum, quadam proportionē coëuantium, quod in lapidibus apertè conspiciamus: qui aqua & terra desuper commistis, & durescentibus, augentur. His verò quæ seminali virtute generantur, necesse est duplicem tribuere ortum, alium quo constiterint ab initio: alium, quo nunc oriantur: oriuntur nunc ex semine, ex quo quidem à principio fieri non potuerunt, cū semina posteriora sint natura, & tempore rebus ipsis: siquidem fructus ipsarum rerum sunt, vt antea super c. 1. Geneseos indicatum est. Igitur cū à principio facta sunt simul omnia, in illa communi omnium genesi facta sunt ex communibus principiis, hoc est, ex elementis: posterius verò singula ex propriis principiis. & suo quodque modo. Igitur homo à principio factus est secundum corporeā molem ex terra & aqua commistis vt scilicet sit lutū, atque adeo ex limo terræ, hoc est, ex terræ, & aquæ mistura atque inde fluimus omnes, illamque naturā nobiscum deferimus. hanc primam rerum omnium genesim obumbraverunt Poetæ connubio Pelei & Tetibidis, id est, luti (πῦλός enim lutum est)

&

& aquæ, quibus nuptiis dicebant Deos omnes interfuisse, præter discordiam. Quia scilicet, virtutibus cœlestibus & diuinis coniungentibus, & in concordiam trahentibus elementa, orta sunt omnia. nunc verò nostrum quilibet à parentum genitalibus emulgetur in semine sicut lac, & in vtero coagulatur, sicut caseus. Est verò appositissima & maximè naturalis comparatio. nam conuenit semini cum lacte materia & conditionibus, & generationis modo, & officinis quibus sunt, & vsu. Vtrumque enim fit ex sanguine, maturatione quadam, alterum in testibus, alterum in vberibus, partibus substantiæ modo valde similibus, suntque ambo succi albi & crassi. vritur verò natura, altero ad generationem, altero ad recentem genitorum nutritionem. vt alimento scilicet parum euariante ab ipso generationis principio. Ipsum igitur semen verissimè dicitur esse, vt quoddam lac: ipsa verò prima embrionis generatio, coagulatio est, vt casei ex lacte. nam Arist. cap. 21. de generatione animalium ita inquit, *Velut in lactis coagulatione corpus quidem ipsum lac est, succus autem coagulatum quod principium habet coagulandi ita quod à viro in muliere secernitur.* Constat ex dictis quanta proprietate sanctus Iob vtrumque hominum ortum recensuerit, & cum qui primò fuit omnium, & cum qui deinceps est singulorum.

Lac eo
quo &
quomodo
generatur,

CAPUT XLVI.

Cap. 14. Iob ita inquit: *Lignum habet spem, si præcisum fuerit, rursus virescit & rami eius pullulant, si senuerit in terra radix eius, & in puluere emortuus fuerit truncus illius, ad odorem aquæ germinabit, & faciet comam, quasi cum primùm plantatum est: homo verò, cum mortuus fuerit, & nudatus atque consumptus, ubi quæso est?*

Hic deplorans Iob humanæ vitæ conditionē, quæ tam facile pereat, atque cum semel perierit, adeo sit irrecuperabilis, confert hominem cum ligno, dicens, miserabiliorem esse hominis conditionem; quia lignum etiam si præcisum sit potest rursus reuirescere, arque adeo germinare, & infixū in terra in arborem integram abire, arque adeo in arborem etiam diuersi generis inseri, insitionēque procedere copiosos ramos, & multum fructum, quin etiam si senuerit in terra radix, & truncus eius emarcuerit, mortuusque sit, si summa eius pars, & rami mucro insignatur in terram ad odorem aquæ (hoc metaphoricè dicitur,

Arbor
ortus

hoc

hoc est, si absit aqua, ut ex aqua cum terra mista, alimentum capiat, germinabit, & mucro ille radices proferet in terram, & sursum faciet comam, itaque & nouam integramque arborē. His modis agricolæ & vineas renouant, nimirum insitione, plantatione, & germinatione, ut quius rei rusticæ vel exiguum peritus scit, & Theophrastus docet primo de historia plantarum. Homo verò nihil tale habet, sed quæcumque pars illi abscissa sit, emoritur statim, nullam neque plantationem neque insitionem recipiens, neque omnino ullam habet rationem reuiuiscendi. Iam verò si homo mortuus sit, nulla eius pars viua manere potest, ex qua re vireseat ut arbor. In primis hoc explicemus ut habeat, mox naturalem causam apponamus: Homini quidem emori potest pars vna aliqua ante alias, ut digitus, auricula, pudendum, aut etiam pes, manus, crus, aut brachium, ut per gangrænâ emoriuntur nonnunquam, aut Esthiomenum; tamen mortuo homine, hoc est corde, quod vitæ radix est, nulla ne minima quidem, neque extrema pars manere potest viua, ut arbori, cui excisa, & exusta penitus radice, manere possunt virentes ramuli, atque mucrones. quibus in terram infixis, arbor renascatur. Verum neque arboris semel siccata & emortua pars, potest amplius vlla ratione reuiuiscere, magis quam mortuus homo, hæc enim in parte eadem ratio est, marcor enim & confirmata siccitas, in omnibus vegetabilibus est irremediabilis: neque solum non potest semel emortuum lignum secundum eandem partem qua emortuum est, reuiuiscere, sed neque qua parte consenuit, potest (ut ita dicatur) reiuuenescere. habent enim etiam suas ætates, ut animalia quas (mortalia cum sint) necessario percurrunt, neque datur à posterioribus ad priores retrocedere. Euenit verò aliis partibus senio confectis alias recentiores esse, & aliis emortuis, alias adhuc viuere & germinare, & euulsa arbor potest rursus terra condi & renutriris nisi verò condatur, sed maneat euulsa, sine spe vlla moriatur, ut & homo si omni alimento destituatur, quia arbor ex terra capit alimentum per radices. Nam & ipse Iob cap. 7. dixerat. *Quasi euulsa arbori abstulit spem meam.* Quæ verba videri alicui possint præscriptæ orationi repugnantia, non sunt tamen quia hîc in præciso ligno & radice senescente in terra, spem esse dicit, si ad odorem aquæ rursus plantetur: illic spem negat esse in euulsa arbore, si auulsa persistat, neque rursus terra condatur. nihil euenit tale homini: sed partes omnes consenesunt & comoriuntur cum præcipuis, neque est ratio semel à vita euulsum transplantandi. Quod, etsi miseræ esse videtur, non est tamen imperfectionis, quia

Cor vitæ
radix.

Marcor
irremediabilis.

vitæ

Vnitas & indiuisibilitas in rebus omnibus comes est perfectionis, multitudo & diuisibilitas imperfectionis. Proinde cum multi sint viuentium gradus, qui perfectione & imperfectione distinguuntur, quod quidque est perfectius, eò partes eius maiorem habent vnitatem, minúsque viuere possunt nisi in toto: quare separatæ moriuntur. nimirum gubernantur, non singulæ seorsum ac per se, sed omnes ab vno principio: quod quidque imperfectius, eò minus vnum, sed vt vnita coagulataque multitudo, ac proinde partes eò magis separari possunt, ac separatæ viuere, & germinare: quod per gradus viuentium sic manifestum. Plantarum enim partes dissectæ viuunt, & quæcunque seorsum in terram insigantur, siue in hanc siue in illam partem viuunt, & germinant, atque hoc inter ipsas plantas, vilioribus inest plusquam præstantioribus: aded vt quarundam rami, in longum defossi, secundum multas partes germinantes, multas producant plantas. nulli hoc constringere potest, eorum quæ alimentum, non radicibus, sed ore capiant, tamen eorum vilissima dissecta in multas partes viuunt (vt in reptilibus videre est) quantum possunt durare sine alimento, quasi partes non accipiant vitam à partibus, sed singulæ uiuant per se, aliæ aliis agglutinatæ, qua causa & insecta vocantur. Alia sunt his præstantiora, quæ non tantam pariuntur partium sectionem suspecte vira, tamen præciso capite, & extracto corde volutantur, & subsistant aliquandiu, vt gallinæ: grandiora verò animalia (atque minimè omnium homo) cum à principibus membris accipiant vitam & motum; omnemque gubernationem, illis præcisis, ne momento quidem temporis viuunt, sed secundum se tota moriuntur, vt ad vnitatem, & perfectionem naturæ magis accedentia.

CAPVT XLVII.

CAp. 26. libri Iob: *Qui extendit Aquilonem super vacuum, & appendit terram super nihilum. Qui ligat aquas in nubibus suis, vt non erumpant pariter deorsum. Qui tenet vultum solij sui, & extendit super illud nebulam suam. Terminum circumdedit aquis, vsque dum finiantur lux & tenebra. Columna cœli contremiscunt, & pauent ad nutum eius. Infortitudine illius repente maria congregata sunt, & prudentia eius percussit superbum. Spiritus eius ornauit cœlos, & obstricante manu eius, eductus est coluber tortuosus.*

Propo

Proposuerat in initio capitis Iob, Dei summam potentiam & sapientiam, exprobrans amico suo Baldad, quòd videretur illi patrocinari, quasi imbecilli & imprudenti, his verbis: *Cuius adiutor est? nunquid imbecillus? & sustentas brachium eius qui non est fortis? Cui dedisti consilium? forsitan illi qui non habet sapientiam.* Quasi dicat, Deus tuo patrocinio aut consilio non eget, fortissimus enim est, & sapientissimus. Hanc igitur nunc potentiam & sapientiam Dei celebrat, producens mirabilia eius opera in cœlo & in terra. Quæ, tametsi naturaliter effecta sint, nibilominus diuinæ virtutis & sapientiæ maxima sunt argumenta, quæ ita mundi partes omnes aptauit, easque illis naturas tribuit, ut mirabiliter constiterint. Miratur primùm quòd extenderit Aquilonem super vacuum, hoc est, eam cœli partem quæ spectat ad polum, ac nobis imminet super aerem. Nam nomina ventorum illis etiam mundi plagis tribuuntur, & cœli partibus à quibus flant, velut apud Ezechielem cap. 10. dicitur, *comburetur in ea omnis facies ab Austro usque ad Aquilonem.* hoc est, à Meridionali parte usque ad Septentrionalem. non enim probo (tametsi id doctissimis videtur interpretibus) Aquilonem vocari hemispherium quod nobis imminet, Austrum alterum quod subistere videtur, ac nos latet, eò quòd polus hic noster sit Aquilonaxis, alterque illis oppositus Austrinus. Nam etsi per ignorancem alterius hemispherij, & putantes nihil illius esse habitabile, ita loquebantur antiqui, & Philosophi & Poetæ, tamen re vera non ita est, sed à polo versus meridiem stat Aquilo, meridiem versus polum Auster. Quare in altero etiam hemispherio perinde fieri censendum est, esse, scilicet ventum nostro Aquiloni respondentem qui à suo polo feratur ad meridiem, suumque Austrum, qui à meridiem ad polum, quapropter Aquilonis nomine non totum hemispherium in sacris, sed Septentrionalis cœli pars significabitur. Quod vel ex Ezechiele constat: cum enim somminaretur terræ Israel, quæ haud dubiè utrumque hemispheriū non attingebat, dixit, *Comburetur in ea omnis facies ab Austro usque ad Aquilonem.* non certè intelligens à polo ad polum, sed à Meridionali eius parte ad Septentrionalem usque, igitur si hoc loco Aquilo cœli partem vllam significat, non aliā certè quàm Septentrionalem, ac per synecdochen totum cœlum. Significat etiam nomen Aquilo cœli partē cap. 1. Ecclesiastici, ubi de Sole dicitur, *gyrat per meridiem, & flebitur ad Aquilonem.* miratur itaque cœlum extentum esse super aerem. Vocari enim vulgò, quod solo aere plenum est vacuum, eò quòd solidiori corpore plenum non sit, Aristot. etiam annotauit c. 6. de Physica doctrina.

Aquilo.

Auster.

Vacuum
vulgo
quid.

Mira

Miratur quoque appensam esse terram super nihilum, hoc est, ira locatam, ut cum nulli alteri corpori innitatur, sed in medio sit aëris quasi pendens, neque in hanc neque in illam partem inclinet. Itaque miratur, quod duæ hæ mundi partes, quæ solidissimæ sunt, terra inquam & cælum (cælū enim solidissimæ esse, quasi ex aëre constet posterius dicitur) firmæ in suis locis maneant non cohærentes, sed dissitæ interstire aëre tenuissimæ. Hæ autem admirationes naturaliter subrepunt omnibus qui Philosophiæ student, atque ad eam hæ & huiusmodi aliæ dubitationes initiū dedere Philosophiæ, quia potius earū dilatio ipsa naturalis Philosophia est. Arist. cap. 13. secundi de Cælo inquit irrationalis esse & amentis non mirati cur tota terræ moles in medio aëris quiescat, cum vel exigua eius particula, si eleuata dimittatur, ruat, neque verò dubitatio ad eam est leuis, quin fuerint de ea re multæ variæque sententiæ veterū, ut Xenophanis, & Empedoclis, Thaletis, Anaximenis, Anaxagoræ & Democriti, quas illie ipse narrat & refutat. De cælo quoque cur non ruat, cum nullo sustentetur corpore solido, sed extentū sit super vacuum, multæ veterum narrantur opiniones c. 1. secundi de Cælo, quas omnes ego, utpote illis locis satis vocatas in examē, & ab Aristotele ipso, & à me in cōmentariis nunc præteribo, breui dicens, causam dictarum dubitationum esse, quod terra non est aliter nata moueri quam ad mediū, neque cælum quam citenlo, Mundi
firmitas. quapropter neque terra, vndeunque in illud ferretur, posset mūdi centrū præterire. neque in illo semel firmata, potest inde exire (ita firmavit Deus orbē terræ, *qui non commouebitur*, ut dicitur in Psalmo) neque cælū vllam aliam in partem vititur, sed suo tantū loco volutatur. Vulgus verò imaginatur, illud, ut soliditare est plusquam adamantinum, ita esse & natura quasi argenteum, aut lapideum. Re vera autem illud est omnis & leuissimis & ponderis expers, circulo solū natū ferri. cuius circulationis finalis causa est in mūdi totius indigentia, effectrix verò, in ipsius natura. Mirabilis verò Dei sapientia & virtus, eas singulis mundi partibus naturas tribuens, quibus maximè totius vñbus seruire possint. Addit, *Qui ligat aquas in nubibus suis, ut non erumpant pariter deorsum*. Admiratione etiam videtur dignum, aquā, cum pluit, in gurgulas dispersā, ad eam æqualiter decidere, & latè parentem terræ faciē irrigare, ac non potius totā conferatim cadentē obtuere, aut inæqualiter aliā pattē aridā relinquere, in aliā cotriuare. Mirū itaque est, quā apertè quamque ex ipsarū resū vsu pluuiæ fiant, ut videtur Deus ligatas habere aquas nubibus, neque dimittere eas nisi ut expedit, nimitū guttatim, quasi per cribrum, aut irrigatorium vas percolatas. hoc celebrat sanctus

Pluviarū
confide-
tatie.

sanctus Iob, dicens, *Qui ligat aquas in nubibus suis, ut non erumpant pariter deorsum.* Quæ autem sit naturalis, ac necessaria eius euentus causa, dicendum est. Nam, ut sæpe iam diximus, Deus quæ fieri expedit facit per naturales causas, atque cum in sacris eloquiis dicitur iubere aliquid, aut legem ponere, aut nunc alligare aquas nubibus, atque alibi concludere mare aut arena cingere, aut huiusmodi alia, quæ voluntatem Dei significant, significatur certè Deum talia voluisse boni gratia, ac fecisse quide m: id verò non prohibet, quominus per naturales ac necessarias causas fecerit, quin potiùs, illud velle, iubere, ac legem ponere, atque aquas alligare & mare coercere, nihil aliud est quàm eas rebus naturas tribuere, ut quæ fieri expedit, fiant, atque hoc quidem ita habet semper, præterquàm ubi agitur de mundi creatione. Ea enim cum nondum esset natura, solius diuinæ virtutis opus fuit. Neque sanè quod dicimus, Dei laudibus quidpiam detrahit. Si enim non aliter quàm sua voluntate faceret, ut aqua guttatim descenderet, & mare sese intra suos carceres contineret, laudaretur eius potentia, nunc verò laudatur & sapientia; sitque hinc, ut quæ circa Deum habetur pietas, nullatenus eleuet studium Philosophiæ; quin potiùs, ut ego existimo, augeat quamplurimum, & promoueat.

Quomodo
pluuiæ di-
stillent.

Quæ igitur stillarum pluuiæ causa sit, dicamus, ut dicitur c. 1. Prouerbiotorum, *nubes rore concrescunt.* Quod quidem nihil aliud est, quàm eandem esse materiam roris & pluuiæ, putà vaporem, atque rorem fieri concretionem vaporum circa tetram manentium, ut pluuiæ concretionem nubium, quæ quidem sunt vapores qui altius efferuntur. Itaque pluuiæ sit vaporibus concrecentibus atque concretionem abeuntibus in aquam, ubi semel facta aqua sit, ferri super aere non potest, cum illo adeò trassior sit: necesse est igitur ut mox ac concrescit, cadat. Non potest autem nobis simul concrescere tota, sed necesse est à minimis partibus incipientem concretionem, ad maiores & ad totius commutationem procedere: neque igitur spectare potest donec cadat rota, sed necesse est, coneretis à nondum coneretis particulis decidi, ac seorsum cadere. Quod verò non possit secundum se totam simul & æqualiter concrescere nubis, euidentis causa est. Nam siue alterationem eam censeas fieri ab aere, ut Stoici, qui ponebant aerem esse primum frigidorum, siue ex accidenti per antiperistasis, ut Aristoteles, fieri non potest, ut vel exigua eius quod patitur pars æqualiter admoda sit agentis: constat verò ex admotione agentis ad id quod patitur nasci citiorem aut tardiozem commutationem, dicens, nunc fieri, ut guttulæ momentaneæ magnitudinis esse non possint.

possint, sed quibuscunque debeant esse minores, quia quantu-
 laseunque indices, concretæ fuerint earum medietates ante
 totas, quare & deciderint: cum ergo nullæ sint moles indiuifi-
 biles, fiet ut ne pluere quidem possit omnino, propter infinitam
 continui diuisionem. Concedimus nullam in nubis commuta-
 tione, quæ concretionem agitur, esse primam aquæ partem, an-
 tequam scilicet non fuerit pars alia minor, velut, & cum ad
 extremitatem admota flamma ignis serpit per stupam. Verum
 non decidunt decissæ à nube, nisi cuiusdam magnitudinis
 guttæ: quia antequam illis minores decendantur, anticipant
 aliæ particulæ generari, accideretque prioribus, conflant cum
 illis guttas, Nimirum & decissio, & ipsa per partes generatio
 tempore quodam aguntur. quantum ergo aquæ generari po-
 test, antequam genita portiuncula decissa cadat, tantum acce-
 dit guttularum magnitudini. Hinc fit meritò, ut quantò cese-
 riùs agitur nubis in aquam commutatio, tantò cadant maiores
 guttæ. Quapropter aliquando cadunt minutulæ guttæ, ali-
 quando copiosi imbres. Itaque naturalis causa distributionis
 pluuiæ in guttas, æqualisque illius, atque fecunditati tetrae
 accommodatissimæ irrigationi, est nubis paulatim procedens
 concretio. Considerans hunc motum & huiusmodi alios, qui
 scilicet aguntur, eò quòd res aliquæ mutationem propriæ sub-
 stantiæ recipientes, factæ sint crassiores, aut etiam tenuiores
 solito (crassatæ enim descendunt ut pluvia, extenuatæ ascen-
 dunt ut vapores) dixit Arist. 8. de Physica doctrina grauiæ &
 leuiæ moueri à generante, aut à remouente prohibens, à gene-
 rante, ut pluvia, ab eo quod densat vapores, à remouente pro-
 hibens, ut cadit regula detractò fulcro. Nimirum, quia quod
 inanime est, non potest motum suum inchoare per sese, ac sine
 opera externi alicuius, externa illa dicit esse quæ mouent, quia
 sunt à quibus incipit motus. Moueri verò possunt inanima, aut
 ut grauiæ aut leuiæ, aut ut corpora quædam moueri possunt ab
 impellente, ut à neruo balistæ, aut à trahente, ut ab hamo, aut à
 vehente, ut à iumento, aut à volente, ut à vento, aut tota, ut
 grauiæ vetò, aut leuiæ, non possunt in motum agi antea quæ-
 scentia; aliter quàm à remouente prohibens, ut regula à de-
 trahente fulcrum, aut à generante, ut pluvia à frigido quod
 densat. Quod non intelligentes multi, alioqui doctissimi Arist.
 interpretes, venerunt in ridiculam sententiam, omnia grauiæ
 & leuiæ moueri semper ab eo à quo genita sunt. Itaque vim &
 efficaciam mouendi ea corpora, esse in illo quod plerunque
 nusquam est. Sed quoniam ea mihi alibi refutata satis est, ne-
 que nunc nisi obiter, ob pluuiæ casum eius contigit memi-
 nisse,

Inanima-
 torum mo-
 tus.

nisse, procedamus : *Qui tenet* (inquit) *vultum solij sui, & extendit super illud nebulam suam*, hoc est, qui cœlum opetit nebula, quominus videri possit. David quoque in Psalmis laudi Deo dat, quod extendit nebulam per aerem mirabili quodam modo. Nam Psalmo 147. ita cecinit : *Qui dat nivem sicut lanā, nebulam sicut cinerem spargit*. Spargens nimirum nebulam sicut cinerem,

Nubis &
nebulæ
differen-
tia.

opetit vultum solij sui, tenerque quominus videatur. Nubes & nebula, eadem res esse videtur, hoc solum differens, quod nubes effertur in mediam aeris regionem, quæ quia neque vicina Soli est, ut suprema, neque reflexis à terra radiis potitur, ut ima, frigidior illis est, & ad aquæ generum, hoc est pluviæ, nivis & grandinis generationem accommodatior, nebula circa terram constitit. Quapropter ut quidam fumus, cœli aspectum prohibet in aquas verò non concrefcit, quin potius serenitas, magis quàm pluviæ nota est, quia est, ut Arist. inquit, velut nubes sterilis. Sterilitatis causam esse dicit Arist. quia est velut excrementum concretionis nubis. Quare ut excrementum sanguinis nutrire non potest, ut ille, ita neque nebula aquam gignere ut nubes. Verùm hoc expositione indiget. Excrementum

Excremē-
tum quid
sit.

propriè est, quod secernitur per concoctionem, ut inutile; nubis verò non est concoctio, sed concretio. At verò analogia dicitur excrementum nubis quod secernitur ex nubibus, quasi concrefcere non potens, & mutari in aquam. Itaque ex Arist. sententia, nebula ex ea nubis parte, quæ quia mutari in aquam idonea non erat, excreta est, constat. Non explicat autem Arist. (quamquàm id profectò expediebat quamplurimum) cur ea pars idonea non esset in aquam abire. Quod magnam dissidij occasionem eius interpretibus præstitit, asserentibus aliis ob tenuitatem, aliis ob crassitiem esse talem. Mihi dicendum erit quod est verisimile. Nam monstratione hic locus non admittit. Si nebula excernitur ex nubibus, verisimilius est, crassiorè esse earum partem, quàm tenuiorem, quia si esset tenuior, excerneretur sursum, excernitur verò deorsum, ad terram usque pulsa. Præterea si esset tenuior reliqua, quæ in aquam mutatur, in aeris aut ignis naturam inclinaret. Ob æream verò naturam non esset inepta abire in aquam, siquidem communis omnium est consensus ac peculiariter Arist. in eodem cap. primi Meteor. mutatione aeris in aquam fieri nubem: igneam si haberet, haud esset adeò frigida, ut certè est, sed fulgurum & cometarum materia, ut reliqua exhalatio. Superest igitur ut inclinet in terram, càmque minimè exustam ut quæ vocatur exhalatio, estque ut fumus vstæ terræ. Nimirum cum vapores ex aqua cum terra mista eleventur, fieri non potest quin aliquid se-
cum

eum efferant terreum; id, ob diuersum substantiæ modum non facile abire in aquam, neque sanè per concretionem abire potest, cum terra quàm aqua concretior substantia sit. Proinde deorsum humidis vaporum partibus concretescentibus, terreæ & tenues (vt ad reliquam scilicet terram) secretæ descendunt, volutanturque circa terram, vsque dum vi Solis dissipatæ fugantur. Quod Hippocrates quoque libro de aëre, locis & aquis testatur. Hæ igitur pluuiis succedentes merito succedentes indicant futuram, quia & dissolutas iam esse nubes in pluuiam & nebulam. Euenit verò nonnunquam vt nulli præcedentibus pluuiis fiant. Quæ, siquidem sunt quæ propriè vocantur nebulae. Græcis *ὀμίχλαι* ac non potius tenues quædā nubes, tunc quoque siccioris temporis, & impluij sunt notæ: quia inutile esse, & infœcundum indicant, totum quod euaporat ex terra. Si quidem tale est quod effumat ex ipsa, quale quod solet ex nubibus excerni. Sunt quidem aliæ calignes potius quàm nebulae vocatæ Græcis *ἀρχαὶ*. Quæ ob nubes multas & tenues fiunt, quæ quidē pluuiam solent præmōstrare illæ verò, vt dixi, propriè vocatæ nebulae non sunt. Hæ enim sunt quales diximus. Vnde constat, quanta cum proprietate dictum in Psalmo sit: *Nebulam sicut cinerem spargit*, Nimirum illud spectare potest, & ad similitudinem sparsi cineris quam præ se fert, & ad naturam, siquidem vt terreus quidam puluis est, ac excrementum terreum, vt cinis. Neque quidem his obstat, solere ex fluminibus, & hyberno maxime tempore nebulas nasci. Nam vt ex nubibus, ita etiam ex fluminalibus aquis excerni illud nebulo-
sū potest, & quod purioris vaporis, ac tenuioris inde nascitur, euolat rursum, latam in nubium regionem, quod verò crassius, & impurius, consistit inferius, volitans circa ipsa flumina. Atque quoniam per hyemem omnia concreta sunt, neque facile ob frigus secernuntur quæ sunt diuersa, excrementosus vapor magna ex parte exhalat, qui nebula sit: per æstatem verò tenuior ac limpidior eleuatur vapor, qui aut concretus in regione media sit pluuiæ, aut antequam illam attingat extenuatus in aere mutatur. Itaque nebulam spargit Deus, vt quendam cineris pollinem tenuissimum, extendensque nebulam operis vultum solij sui, sed de nebulis satis. Descendens ad mare, addit Iob: *Terminum circumdedit aquis, usque dum finiantur lux & tenebra*. Maximum argumentum mirabilis Dei potentiae, atque omnino facultatis alicuius præstantioris, quàm sit ea quæ vocatur natura, ad quam Philosophi referunt omnia, quod cum videamus ita esse naturæ cōparatum, vt vbi duo crassitie diuersa corpora congrediuntur, tenuius emergat in sublime, crassius

Calignes
aquæ.

Terra cur
partim la-
rens, par-
tim dete-
cta.

subsideat feraturque in profundum, terra tamen tota non submergatur in mare, factum verò id à Deo est, quia nisi terræ facies appareret, haud esset animalium perfectissimorum generationis locus, qua vero ratione id fecerit, explicuimus in expositione cap. primi Genesios, ubi Deus dixit, *Congregentur aqua omnes in locum unum.* Cuius præcepto, ut hic dicitur, repente maria congregata sunt, tanta est eius fortitudo. Non quidem ut Anaximenes, & Arist. censent, Sol, absumens locis quibusdam aquas, facit terræ superficiem apparere. Nam haudquaquam sub polis, & in partibus mundi frigidissimis, esse possent amplissimæ terræ partes, detectæ & habitabiles, quales Septentrionales esse scimus latissimè patente Oceano inter tropicos, & sub ipso Sole. non igitur, quod aliæ partes sub aqua latent, aliæ detectæ sunt, in solis calcrem referri debet, sed in terræ structuram quam ipsi dedit Deus à principio. Nimirum est rotunda, & in medio mundi posita, maximis verò partibus excavata, & anfractuosa, qua omnes cauitates replente aqua, sit ex utrisque terra inquam & aqua globus vnicus, cuius centrum, & aqua & terræ, & mundi totius, idem est: constat verò necesse esse, ut ad centrum terra sit plusquam adamantina. talem igitur terram efficiens, conelusi Deus in terræ foveis aquas quæ alioqui essent toram submersuræ, atque ipsa est terminus quem circumdedit aqua. arqui, erit ita ad sese terra, & aqua posita sunt, dicitur verius terra continere aquam ac cohibere, quàm aqua terram: quia quod siccum est, facilè continetur termino proprio, humidum verò non nisi alieno non tamen proinde violenter est aqua ita locata (nihil enim violentum simul & naturale) quia neque quidpiam crassius illi innatat, neque illa imminet vlli corpori tenuiori. Quoniam autem hæc non aliorum ita machinatus est Deus, quàm ut in terræ facie agi possent generationes (alioqui enim fecisset toram secundum se compactam & vniram terram, & sine vllis cauitatibus) constat duratura solùm quandiu durabunt ortus & interitus rerum. Hi verò durabunt quandiu Sol circulo fereretur, ac sua circulari latione successiuam hanc vicissitudinem faciet, lucis & tenebratum, hoc est dierum & noctium. circundata erit ergo aqua dictis carceribus, vsque dum finiantur lux & tenebræ, cessantibus simul, cæli motu & rerum generationibus. Tunc verò vnita atque congregata (ut par erat) tota terra vbienuque confluens per se globum, in aqua submergetur. Quod dicitur, *Columna cæli contremiscunt & pauent ad nutum eius.* & rursus, *Prudentia eius percussit superbum,* ad Angelos bonos & malos pertinet, haudquaquã ad res viles naturales.

turales. Illa quoque verba quæ dictis succedunt: *Spiritus eius or-
navit celos.* & *obstetricavit manus eius, eductus est coluber tortuosus,*
referunt plerique ad bonos spiritus & Satan. Mihi verò viden-
tur pertinere posse ad opus quarti diei, ad creationem stellarū
inquam. Nimirū ornatus cœli vocatur c. i. Genes. illa innume-
rabilis multitudo stellarū Coluber verò tortuosus mihi sonat
per periphrasim, magnum illum latumque cœli circulum obli-
què positum in sphaera, per quem semper feruntur planetæ, qui
vocatur Zodiacus. Videtur enim ille positionis gratia volui in
sphaera, ut conuolutum colubrum; non transigunt quidem leui-
ter Philosophi stellarum, naturam, & substantiam. Mihi verò
dicetur de ea paulò post, ubi & de substantia cœli.

CAPUT XLVIII.

Cap. 28. Iob: *Qui fecit ventis pondus, & aquas appendit in
mensura.* Dictum iam antea est, non semel celebratissimū
esse in sacris, non sine magna Dei sapientia effectum esse, ut
aqua non obruat terram totam, atque sub se mergat, nullo
ita vsui futurum ad generationem animalium: hoc idem hīc
Iob insinuat dicens, & *aquas appendit in mensura*: quasi dicat
aquam certa quadam dedit mensura, ne si magis abundaret,
ruptis fontibus regurgitaret super terram, ut in tempore Noë,
& eam aquæ mensuram ita ad terræ molem aptavit, atque ita
appendit, & librauit, ut naturaliter decutrens quo sua eam na-
tura fert, & quam amat partium æqualitas, terram non occu-
paret. Nunc addit aliud Iob dicens. *Qui fecit ventis pondus.* Ni-
mirum ut miratur, quod aqua non redundet super terram to-
tam, ita etiam quod venti non ferantur sursum per totum
aërem, sed quasi quodam pondere depressi ferantur circumcir-
ca terram. Cuius rei naturalis causa poscit, ut de pondere, &
leuitate differamus, quid utrumque sit. Vbi enim hoc fuerit in-
dicatum, facile ea innotescet. Communis Philosophorum sen-
tentia est, ut calor, frigus, humor, & siccitas, sunt qualitates
ætiæ elementorum, ita pondus & leuitatem esse motiuas,
pondusque seu gravitatem esse virtutem eundi in medium,
leuitatem à medio. Itaque ut ignis virtute quadam, quam ca-
lorem dicimus, calefacit, ac commutat accedentem quæcun-
que materiam, ita leuitate moueri sursum: aquam ut frigore
refrigerat, ita pondere ire in medium. Atque ut calor & frigus
primò sunt elementum, deinde & concretorum corporum,
ita pondus & leuitatem. Mihi verò nunquam visum est ita,

Terra sub-
mergenda
tota.

De graui-
tate & le-
uitate.

Logorum
naturalis
ordo.

sed corpus quodcumque per sese, ac sine vlla qualitatē, abire in eum locum quem naturalis ordo poscit. Naturalis vero ordo est, vt crassa sint sub tenuibus. Velut igitur aqua frigida rem accedentem frigore refrigerat, seipsam verò vbi calefacta est, non alio refrigerat frigore (alioqui esset in ea duplex frigus, & vt ita dixerim, frigus frigoris) sed suapte natura, ac sine vllō instrumento redit eò, vnde violenter extracta est ab externa causa, ita quæcumque res vim habet mouendi aliam loco non per accidens. qualitate quapiam, quæ facultas est ita efficiendi, id facit, vt magnes ferrum mouet; quæ verò seipsa mouent, neque per rem vllam extra se, nisi per accidens, vt quæ dicuntur graua & leuia, ea, præter naturam propriam, nulla qualitate indigent, vt ita ferantur: redeunt enim in id quod sua natura amat, vt aqua frigescens. Quare opus non est, vt apponatur vis vlla alia, sed solum vt remoueatur quod prohibebat. Itaque opus non est, pondus & leuitatem vt qualitates quasdam rerum statuere, neque putare eas aliud quidpiam esse, quàm crassitiem & tenuitatem; sed ita censere rem quæcumque cum rectè locata est ad res proximas, quiescere, cum malet moueri, siue sursum, siue deorsum, vt res exigit quo naturæ suæ congruentem ordinem consequatur. Id verò ita esse in physicis commentationibus indicauimus. Nunc verò etiam hoc adiciemus argumentum. Si grauitas & leuitas quædam contrariæ qualitates rerum essent, inessent quidem singulis secundum certos gradus: vtque est res primo, aut secundo, denique certo quodam gradu candida aut nigra, ita esset grauis, aut lenis. Itaque esset res quædam pendens libram, alia vnciam, alia drachmam: at res non est hoc vlla in re verum simpliciter, sed ad aliquid, hoc est ad medium. Si enim suspendis in bilance substantiarum diuersarum, auri exempli gratia & argenti æquale pondus, mutato medio mutatur pondus. Nam si in aquam immittas bilancem, fit vt quod substantia est crassius, detrahatur quod tenuius, etiam si in aëre neutrum alterum detraheret. Nec mirum, vt monstrat Archimedes, licetque cuius experiri, aqua detrahit ponderi, quantum aqua quam res excludit ex vase pendet. Arque cum crassiora minori quantitate ponderent æquale, fit vt minus aquæ excludant, & ita ad proportionem amittant minus sui ponderis. Igitur fieri potest, vt quod in aëre pendebat æquale, nulla alia mutatione facta quàm medijs, pendat minus atque etiam quod pendebat antea plus. Arque profecto eadem ratione fit, vt ipsius etiam aeris mutatio in serenum aut turbidum, nulla re adiecta aut detracta lanci, immutet pōdera. Nulla igitur res certa est pondus, sed impetus internus maior aut minor, vt maior

aut

aut minor est rei cuiusque deordinario, non enim res vlla sit dulcior aut acrior, cãdior aut nigrior, calidior aut frigidior, vtrũque res aliæ omnes mutantur, ipsa nullatenus mutata. Ipsum igitur pondus aut lenitas non est absolutum quidpiam, sed ad aliquid, vt ipsum ordinatum aut inordinatum esse. Fecit igitur Deus rei cuique pondus, vt crassitiem, neque aliud est dedisse pondus, quàm naturalem appetitum substandi tenuioribus. Hocque in omnibus substantiis perinde euenit. Quare quodcunque corpus est altero crassius, est & grauius illi. Ventorum materia fumus est, seu exhalatio, vt videtur Aristoteli, qui turbido, & vaporibus pleno aere sit tenuior, limpidio verò & puro crassior: quare ex terra in primam hanc regionem quæ vsque ad nubium locum pettingit, naturaliter effertur, à superiori verò limpidioris aeris regione, suo ipsius pondere retrahitur, ac cùm neque descẽdere per crassiorem, neque ascendere per tenuiorem aerem possit, neque loco capiatur, fir vt feratur in latera, feratque secum vndatim, & aerem & nubes. Fecit itaque Deus ventis pondus, neque minor est crassitiei & tenuitatis, ac proinde & ponderis & leuitatis differentiã (etsi id minùs conspicuum sit) in spiritalibus, quàm in aqueis, & in duris corporibus.

Terra &
aquæ cõ-
sideratiq.

CAPVT XLIX.

CAp. 18. Iob: *Habet argumentum venarum suarum principia, & auro locus est in quo conflatur. Ferrum de terra tollitur, & lapis solutus calore, in æs vertitur. rursus cap. 37. Ab Aquilone aurum venit. cap. 19 Quis mihi tribuat, vt scribantur sermones mei? Quis mihi det vt exarentur in libro stylo ferreo, & plumbi lamina?*

In quinque hæc genera, quorum mentio in hoc libro fit, reducuntur metalla omnia, aurum, argentum, æs, siue cuprum, ferrum, & plumbum. Nam stannum, & impositum & politum est plumbi species, plumbum scilicet album & electrum (quod multi inter metalla ponunt, & Ioui dicant) reuera est mistura auri & argenti. Aurichalcum, quod Hispanè *Acofor*, & *Alcon*, etsi videatur Plinius capite 2. lib. 34. censere esse peculiarem metalli speciem, & seorsum reperi: reuera tamen est æs mistura quarundam rerum tinctum. Chalybs est ferrum defæcatum arte. Præter hæc nullum esse videtur Nam Cadmia, Pompholix, Spodium, Antispodium, Tutia, & Stibiũ, metallica medicamenta sunt potius quàm metalla, vt & alia multa; metalla multa.

De me-
tallis.

Metallo-
rum ge-
nera.
De mine-
ralibus
multa.

Metalla
quid.

verò ea solum, quorum mentionem hîc reperimus, & in aliis sacrae Scripturae locis. De re metallica multi scripserunt, veterum & recentium, chymicè tamen magis quàm physicè. Nam inueniendi & fundendi rationem docentis, eorum naturam, neque communem omnium, neque singulorum propriam persequuti sunt: tamen enim attigerunt nonnulli, ita tamen ut desiderentur plura. Plato in dialogo de Natura, & Arist. in calce tertij Meteoron, de metallorum natura egerunt meliùs multò, quàm omnes qui illos sequuti sunt, quia etsi perpauca dicit de ea re uterque, omnium verò quæ dici possunt de ea re, fundamenta iecerunt certissima. Amborum est eadem sententia, Metalla esse aquæ genera, concreta frigore, seu concretionem generata. Quod non ita accipiendum est, quasi non sint mista & elementis omnibus participant, sed quod sint ad aquam præcipuè pertinentia, plus, aut minus, ut singulorum est natura: cognoscitur verò communis metallorum omnium natura, ex iis passionibus quæ communes omnibus sunt, cuiusque propria, ex passionibus singulorum. Quia enim metalla omnia liquabilia sunt vi caloris, constat frigore esse concreta, cum necesse sit contrariorum contrarias esse causas, & quæ calore soluuntur, frigore esse concreta, quod vel sensu ipso deprehenditur. liquatum enim, siue aurum, siue argentum, siue plumbum, amoto igne concrevit tursus, detracto scilicet calore, caloris autem priuatio frigus est. Hinc etiam fit, ut ad aquam potius pertineant, quàm ad terram, aquam enim congelat frigus & soluit calor; terram verò calor durat, & aqua dissoluit. Esse itaque metalla omnia aquea, & concretionem generari, ex his constat, non tamen ut glacies, cuius concretio non finitur in aliam formam, & est nihil aliud, quàm aquæ alioqui inalteratae concretio Metalla enim, præterquàm quòd liquabilia sunt, sunt etiam compressilia, & tractilia, quorum neutrum glaciei accidit: quia aquæ partes friabiles sunt, & nullo participant lentore, quo ut citra fursam comprimantur, aut trahantur in modum massæ, partes indigent. Non itaque metalla sunt simpliciter concretæ aquæ, sed aquæ genera, id est, aquæ modo quodam alteratae, factæ scilicet, tales, ut cum concretionem retineant substantiæ modum, quo comprimi possint, & trahi, quod idem est ac si dicas, metalla esse corpora concreta; pertinentia præcipuè ad aquam, liquabilia, compressilia, & tractilia. Compressilitas, & tractilitas, passionem sunt quæ ex lentore nascuntur, lentum enim comprimuntur (nisi actu sunt liquida) & trahuntur: lentor verò nascitur ex magna humidi cum sicco permissione. Nam & massam ex aqua & farina, & quæcunque medi

medicamenta emplastica, plurimum versando, ac miscendo reddimus lenta, & eam habemus notam magnæ missionis, quod lenta sunt, quia seorsum existentia humidum & siccum facilem partium à partibus separationem faciunt, quam vocamus friabilitatem, passionem contrariam lentori. Permissionem itaque habet humiditas metallica siccæ non multæ (præualet enim aqua) sed magnam, tamen si differunt alia ab aliis & missionis perfectione, & siccæ quantitate, ut sunt nobiliora aut viliora. Ea siccitatis permissio magna, præbet illis ut liquata & fusa non madesfaciant res, per quas diffuunt, neque imbibantur ut aqua. Nam & emplastris euenit, ut cum lentorem cum quadam soliditate comparauerint, tractata, manus non coinquinant. Nimirum coerces humiditatem valde permixta siccitas. Metallorum itaque omnium, quæ in quinque genera redigimus, hæc est natura, quam dictæ nobis indicant passionēs, quibus dissident ab aliis subterraneis, ut à terræ generibus & à lapidibus, lapides enim frangi ac comminui, ac illorum nonnulli findi possunt, non tamen liquari, comprimi, aut trahi in longum. Vnde constat aliam esse lapidum gemmarumque generationem, & naturam; à metallicis longè dissidentem: lapidumque substantiam pertinere ad terram, & concretionem habere ab utroque, à calore scilicet siccante, & à frigore constringente, ut fictile. Siquidem neque dissoluuntur liquati à calore, neque dissoluti ab aqua. Atqui hanc esse vulgarium lapidum naturam & substantiam, satis est manifestum. De fulgentium ac preciosorum lapidum, seu potius gemmarum natura, dubitare cogit fulgor, & transparentia, an terra sit: videtur enim terra opaca admodum esse, atque tantæ pulchritudini obstare. Quapropter multi illas cælestis ignis participes esse censent (vnde sine euidenti calore fulgorem recipiant) & cælestis aquæ, vnde CrySTALLINAM diaphanitatem recipiant, sine liquabilitate. Verum hæc Platonicæ audient libenter, Aristotelici minimè, sed quia ad institutum præsens non faciunt, redeo ad metalla. Dictum est ea omnia à lapidibus & terræ generibus differre quod ad motu igne liquari possint, & ex hac ipsa passione agnosci eorum generationem esse concretionem à frigore. Videntur ergo illa loqui verba, *Et lapis solutus calore in æs vertitur*: & naturæ lapidum, & generationi metallorum repugnate. Quia neque lapis potest liquari, neque æs generatur calore. Certè metallorum omnium generatio est, ut diximus: verba illa non tam continent naturalem æris ortum, quam chymicum, quod ipsa res palam facit. Metalla omnia generantur (ut ego existimo) sub terra, atque illæ ipsæ aureæ arenulæ

De lapidibus.

De gemmis.

Ganges,
Tagus
aurifer.

quæ in fluminibus inueniuntur, ut in Gange, aut Tago, de montibus decisæ sunt quos raptim præterfluentes lambunt. Atque si quæ auri genera in montibus reperiuntur, non quidem supra ipsam terræ faciem genita, sed tempore detecta sunt. Experimento enim constat ea extrahi de terræ visceribus, atque aded profundissimis fodinis. Rarissimè reperitur quodpiam metallum purum, ac cirra ullam artem perfectum, sed confusa alia cum aliis, ac cum lapidibus, & quibusdam terræ generibus unde ut ignis in fornacibus distillat quodcumque scorsum relictis lapidibus, & terra. quæ res aded est nota, ut hinc nomen nata sint, vocenturque metalla *μέταλλα*, quasi *μετ' αἰῶνα γηγενήματα*, hoc est, iuxta alia genita: adnascuntur enim alia aliis, aut aurum argento, & hoc plumbo ac nonnunquam æri, ac ferro. Concre-scunt circa lapides nonnunquā quidē pretiosos, aut aurum circa Adamantē, ac crebrius circa lapidem Lazuli, crebrius, multo circa alios viliores lapides. Illæ igitur fodinæ in quibus generantur metalla, aliquando altissimè ac longissimè decurrunt, & vocantur metallorum venæ: quæ quidem principia quædam habent & fines, atque in ipsa terræ facie qua sunt venarum principia notas quasdam naturales, eius rei peritis cognitæ, quibus in illis inuestigandis vruntur. Significanter verò dictum est, Argentum habet venarum principia, & auro locus est in quo confatur, quia multo magis videtur argentum in venis gigni quàm aurum, illud enim vno ductu continuatum reperitur à venæ principio, hoc autem non nisi frustrarim & minutatim. Est verò eadem generationis materia metallis sub terra, & meteorologicis in aëre. Nimirum hæc generantur ex vaporibus, & exhalationibus fursum latæ, illa ex his eisdem intra terram cohibitis ac iuxta lapides, aut eiusmodi alia con-crescentibus, ac concretionem firmissima, & paulatim facta, mutatis in substantias aded solidas. Neque mirum, densati enim vapores in aquam abeunt, & exhalationes in exaltam terram, quibus plurimum permixtis, ita tamen ut aqua vincat, quæ frigore concrefcens terram cohibeat, metalla generantur. Hinc meritò, fit, ut chymistæ, ad imitandam generationem metallorum, argento vivo, & sulfure vtantur: illud enim plurimum habet vaporosæ naturæ, hoc fumosæ, qualis exhalationum est. Hinc etiam nascitur corrosiva illa qualitas, quæ cum quadam adstrictione coniuncta est in plerisque metallis. Nimirum non constant simplici ac inaliterata terra sed exusta, in qualem densata exhalatio abit. Atqui ut verum vero consonet, & meteorologica eiusmodi habent qualitates, & nix abradit intestina. & pluuiæ aqua vtimur ad eadem, ad quæ chalybeata, ad-

Metallo-
rum ve-
næ.

Chymistæ.

ficcant

siccandum scilicet, & attergendum ventrem & viscera. Metal-
 lorum ergo in commune hæc est natura; singulorum verò pro-
 priam oportet dicere. *Æs*, plumbum & ferrum, terræ habent Metallo-
rū mistio;
 plus quam aurum & argentum, quod ærugo & scoria indicant,
 quæ maximè redundant in ære & ferro, & pondus plumbi,
 quod multæ terræ est. Aurum & argentum aquæ, sunt genus,
 excoctum, ac perfectionem magnam adeptum, & optimam
 mitionem. Duo accidentia videntur repugnare dictis, facili-
 liquabilitas plumbi, quæ aquæ magis quam terræ esse videtur,
 & auri pondus, quod videtur esse terræ. Nam cum aqua quam
 terra sit leuior; quod terræ habet minùs, videtur futurum mi-
 nùs graue. Sed liquabilitas plumbi non nascitur ex pauciori
 terra (nam præter gravitatem, vti etiam potest, apta autem
 vitioni sunt terra) sed ex imperfectiori mitione, ob quam
 quod in eo est aqueum facile effluit: auri verò pondus nasci-
 tur ex densitate substantiæ, sunt enim leuiora quæ rariora,
 etiã aliquando crassiora sint, quia in se ærem admittunt, ve-
 lut ligna. Omnia enim quæ densissima non sunt, etsi sunt sub-
 stantia terrea efferuntur in aquas; vti itaque raritas causa leuita-
 tis est, ita densitas sit pòderis, aurum verò maximè densum ac
 sine poris est, proinde graue est, & sonitum non edit; contra æ-
 æs, quod cum sit poris plenum, sonorū est, & minùs graue, etsi
 sit magis terreneum. Efficientem causam metallorū esse Solem,
 vti & aliarum omnium rerum generabilium, dubium non est, Sol causa
efficiens
metallo-
rum.
 neque obstat frigore concreuisse; non enim quia frigore con-
 creuerunt, frigore genita sunt. Neque enim concretio est eo-
 rum ortus, alioqui liquatio esset interitus, non est tamen; cum
 non minus sit aurum quod liquatum effluit, quam quod con-
 cretum consistit, nam rursus concrefcens vti est re vera & ap-
 paret idē. Calor ergo Solis excoquens, ac commutans, ex aquæ
 vaporibus cum exhalationibus generat interim hanc ipsam sub-
 stantiam aquæ, quæ ita alterascit constringente frigore. Neque
 mirum simul à calore secundum substantiam commutari, &
 constringi à frigore. Nā non nisi maximo calore soluitur me-
 tallorum substantia, ac proinde minimo frigore constringitur,
 aded vti constrictū iam consistat, & tangi non possit præ calore:
 non ergo frigus quod potest constringere, excludit calorem
 qui valeat commutare. Rectè igitur metallorum ortus tribui-
 rur cœlesti calori, etsi consistentiam à frigore recipiat. Neque
 verò quia cœlestis causæ meminimus, referri volumus certa
 metalla in certa astra, cum quibusdam Platonis, vti aurum in
 Solem, argentum in Lunam, ferrum in Martem, auri-
 chalcum in Venerem, electrum in Iouem, plumbum in
 Satur

Saturnum, æs in Mercurium. Nam hæc, & alia huiusmodi, quæ solâ constât diuinatione, sunt quidē apud vulgus plausibilia, re vera tamen nænix, aut seniles fabulæ, quæ in Philosophiam per vaniloquos irrepserunt. Cūm itaque metallorum generatio sit qualis dicta est, atque circa lapides, atque ad eō intra lapides cō- crescant, vix vnquam reperitur alicuius eorum portio insignis per se, ac pura, sed ex fodinis extrahuntur & lapides, & terræ quædam genera eius rei peritis cognita, ex quibus ignis vi in fornacibus distillant metalla, hisque extractis reliquum ex- stum superest, scilicet quod terreum, aut lapideum. Cadmiæ

Cadmia.

nomen datur duabus rebus, vocatur enim Cadmia lapis, ex quo in fornacibus secernendo fit æs. Vocatur etiam fauilla quædā, quæ dum secernitur æs, vi ignis eleuata, fornacis parietibus ad- hæret. Id explicat omnium optimè Plinius lib. 34. cap. 10. dicens, *Metalla æris multis modis instruunt medicinam, utpote cum ulcera omnia ibi ocysimè sanentur: maximè tamen prodest Cadmia. Fit sine dubio hæc, & in argenti fornacibus candidior, ac minus pon- derosa, sed nequaquam comparanda araria. Plura autem genera sunt. nam ipse lapis ex quo fit æs, Cadmia vocatur, fusus neces- sarius, medicina utilis. Hic rursus in fornacibus existit, aliamque sui nominis originem recipit. Fit autem egesta flammis atque statu, tenuissima parie materia, & cameris, lateribusve fornacum, pro*

Æs ex la-
pide.

quantitate leuitatis applicata. Hæc Plinius. Ex quibus constat, æs ex lapide quodam Cadmia vocato fieri. Galenus idem asserit, dubitat tamen an Cadmia illa lapis vocari debeat, an terra, lib. 9. simpl. medic. dicens: *Cadmia fit ubi in fornacibus æs paratur. nempe tota terra illa ex qua æs generatur in fornacibus, in al- tum egerente velut fuliginem quampiam, vel fauillam, siue ut- cumque appellare licebit. At si non terram, sed lapidem nuncu- pare velis, ex quo in fornacibus secernendo partim fit æs, par- tim, Cadmia, partim diphryges, nihil sanè retulerit. Ecce ut Plinio & Galeno testibus, fit æs ex lapide. Pyritidis etiam la- pidis est quoddam genus, ex quo fit æs, teste Dioscoride, lib. 5. cap. 10. Igitur hoc idem dicitur in præscripta dictione, his ver- bis: *Lapis solutus calore in æs vertitur, non quidem quod lapido- sum est liquatur (neque enim potest,) sed totus lapis, siue nun- cupatus Cadmia, siue pyrites calore soluitur, liquato metallo quod intra se continet, reliquo redactō in exusta excrementa. Quod ab Aquilone venire aurum dicit, non ita est accipiendum, quasi non aliunde: nam & ab Oriente, & ab Occidente venit quam-**

Pyrites
lapis.Aurifera
prouinci-
ciz.

plurimum, sed quasi inde quoque. Id verò experimento cogni- tum est quandoquidem omnes qui de metallis scribunt, Pano- niam, Bohemiam, & Austriam, & citeriorem Germaniam, inter fera æs.

feraces auti prouincias commemorant. Illud porro: *Quia mihi det, ut exarentur sermones mei stylo ferreo & plumbi lamina*: non quasi quidpiam quod fieri non posset, aut non etiam soleret, dicit, sed potius secundum antiquissimi illius sæculi consuetudinem. Solebant enim veteres, ut Georgius Fabricius annotauit, ex plumbeis tabulis libros componere, quales in antiquis sepulchris repositos Neapoli ipse restatur. Sed pro conditione huius operis, satis de his dictum est.

Libri plumbi.

CAPUT L.

EX lib. Iob cap. 37. *Tonabit Deus in voce sua mirabiliter, qui facit magna & inscrutabilia*. Extollere volens Eliud Dei Opt. Max. potentiam & sapientiam, ab illius operibus quæ dicit esse magna & inscrutabilia, argumentum capit, atque præcipuè à sublimibus rebus & meteorologicis. & ipsius cæli ment onè facit, vrpote quæ hominibus videri solèt admirabiliora. De tonitruis ergo agēs nūc, dicit, *Tonabit Deus in voce sua mirabiliter*. Nam & Poëtis vocatur Deus ob hanc mirabilem hominis sublimium passionem, Altitonās. De tonitruum naturalibus, non eodem modo senserunt veteres Philosophi. Nam Stoici collisione nubium fieri putabant, ut cū apud nos aqua ad aquam colliditur, ut in torrentibus. Anaxagoras esse crepitum qui editur, cū ignis, qui intra nubem inclusus est, & circumfusa aqua extinguitur, ut & apud nos crepitus editur immissa aqua in flammam. aut prunas, ignem verò illum descendere ex æthere, hoc est, superno igne, & ab accidentibus vaporibus intercipi. Anaximander, & Metrodorus, atque Arist. censet fieri ex nubis scissura, à statu incluso, ac foriter erumpente, non aliter ac crepant, cū ad ignem rumpuntur glandes aut oua, ex tormentis bellicis erumpente igne editur tonitruum. Nimirum in his omnibus rebus fiuditur, ac per fissuram verberatur vehementer aer, vnde vehemens nascitur sonitus. Cū statum qui erumpit ex nube, exhalationem igneam censet esse Arist. quæ non ex æthere detrusa est, sed ex terra ascendit, non minus quàm vapor, qui est nubis materia, quæ sanè sententia dictarum omnium est probabilissima, nam collidi adedò vehementer non possunt nubes nisi contrariis ac vehementissimis incurstantibus ventis, quod quidem fieri, cū tonitrua eduntur, non experimur, sed plerumque aut vnico flante, aut nullo conspicuè. Porro non licet torrentibus conferre nubes, cū indicatum nuper sit, eas dum sublimes manent, nihil aquæ continere.

Tonitruū consideratio.

De tonitruū causis.

continere, sed simul in aquam mutari crassescere vapore, ac descendere. Si verò dirumpenda nube à concluso igne aut fumo, aut denique flatu edito tonitruum esserendum, certè illum infernè ex terra ascendere, per partes effumante terra vi Solis, vt ascendit vapor euaporante aqua verisimilius, quam ab æthere deturbari. Nam inde, neque pondere cadere posset, cum longè tenuior aëre sit, neque violentia vlla deturbari, cum pars cœlo proxima sit summè tranquilla, & circulari solum agatur motu, cœli comes. Cum præcipuè mihi, & in huius operis initio, & in aliis priùs indicatum, multis neque inuidentibus argumentis sit, nullam esse ignis regionem superiorem, sed totum quod inter nos & cœlum interest, aëre plenum esse, cœlum verò ipsum non esse igneum, talem præcipuè vt discerpi ac frustratim cadere possit, paulò post differemus. Superest igitur verissimum esse id quod communis nunc opinio fert, tonitruum edi ruptura nubium, & proximi aëris, ab erumpente violenter igne, qui ex densata exhalatione gignitur.

Fulgmina.

Velut enim flamma rarefcens in fumum abit, ita fumus densefcens, vbi non simul refrigeratur, abit in ignem. Verùm hoc ad coruscationum & fulminum causas iam spectat, ad tonitrua illud solum est satis, fieri rupta nube, erumpente quadam spirituosâ substantia. Addit Eliud, *Qui præcipit niui vt descendat in terram, & hyemis pluuiis, & imbri fortitudinis suæ.* Pluias moderatiores, & mediocri impetu cadentes, & caliginosas, vocat hyemis pluuias, quia tales per hyemem cadere solent; largas verò & impetuosas, quales per ætatem plerunque fiunt, vocat imbrem fortitudinis suæ, hoc est, fortitudinis Dei, quod est fortitudinis magnæ. Nam frequentissima phrasis est in sacris literis, dici Dei, quæcunque magna, vt mons Dei, quasi mons magnus. Extollit itaque Dei potentiam, quod eius præcepto descendant in terram, nix, & pluuiæ hyemales, & imbres æstiuæ fortissimi, & maximo impetu cadentes, qui Medicis vocari consueuere temporales, quasi æstiuæ: quia ea pars anni vocatur particulariter Græcis *ἔσθια*, hoc est, tempus. Niuem, grandinem, & pruina à maiori frigore, fierique pluuiam roremque constat; primùm quidem ex ea analogia quam habent cum gelu, quod apud nos frigore fieri experimur: deinde, & ex solutione, quod scilicet, ea omnia calore soluuntur in aquam. Fieri etiam aquam ex vapore densato frigore, & antea dictum est, & eodem argumento constat, quod scilicet videmus calore resolui in vaporem aquam. Monstratum etiam antea est, pluuias copiosiores & guttarum grandiorum, à maiori frigore fieri quàm contrarias; quia cum aqua simul vt gignitur

Niuis,
grandinis
& pruina
genera-
tio.

gignitur cadat, tanto grandiores fiunt guttæ, quanto celerius nubes in aquam mutatur. Si autem frigus eius mutationis causa est, celerioris mutationis causa sit maius frigus, ubi nulla in materia differentia statuitur. Grandinem etiam, quam niuem cenſet Arist. eſſe maioris frigoris ſobolem, argumento à maiori ſoliditate ac duritie accepto. Nos id deſignare curabimus, ubi ſermo incidit de grâdine, nunc illud vnum intereſt ſciſe, cur æſtate fiant largiores imbres quàm hyeme, ſiquidem maioris frigoris ſunt. Habet verò hæc illam dubitationem priorẽ, cur in media aëris regione (neque enim iuxta terram. neque iuxta cælum) hæc fiant, & quæ ibi ſit talium generationis cauſa Stoici, qui ponebant aerem natura ſua frigidiorẽ eſſe aqua, atque adco primum frigidorum, dicerent, vapores & aquam denſationes illas pati ab ære, utpote frigidiori, illo verò potiùs loco, quod ibi maximè ær naturam ſuam retineat, neque à rectis radiis adeo alteratus, quàm ſublimior, neque à reſſexis, quando humilior. Aristot. qui aerem natura calidum eſſe putat, abit in antiperiſtaſin, dicens regionem eam aeris frigidam fieri ob circumſtantiam calidiorum. Verùm Stoici non videntur poſſe dicere, cur æſtate fiant illæ concrectiones maiores quàm hyeme, dicunt enim rectè. illas concrectiones ibi fieri, quia aër eſt frigidus, cur verò ſit æſtate frigidior, non dicunt. Aristot. hoc quidem rectè dicit, nam cum non ponat aerem per ſe frigidum, ſed ex accidenti, ob contrariorum circumſtantiam, conſequens eſſe viderur, ut quæ circumſtant contraria, ſunt maiora, ſit & aer eo in loco frigidior. Sed vellem diceret Ariſtoteles cuius ſubſtantiaẽ eſt illud frigus, quod per antiperiſtaſin, hoc eſt, contrarium diſum, augetſcit, an aeris, an ipſorum vaporum & aquæ. Si enim aeris, neceſſe eſt aerem frigidum ponere per ſe. cum Stoicis: ſi vaporum & aquæ, ſit ut vapores ſuo ſciſpos frigore refrigerent, & præter ſuam naturam denſent, quod fieri non poſteſt. Si quidem nulli dubitatum eſt illud Phyſicæ principium, omne quod præter naturam alteraſcit, aut omnino mouetur ab alio id pati. Quapropter vel his argumentis, probabiliffimum ſit, quod & alibi, & in hoc ipſo opere probaui, concrectionem non eſſe aquæ præter naturam, quin potiùs totum aquæ genus, ſi ab eo igne qui per omnia vagatur dimitteretur, concretum iri. Nam ſi aqua eſt primum frigidorum (ut certè eſt maximè conſentaneum) nullum frigus eſt illi præter naturam. Quid enim poſſit eſſe maius ſummo? Si autem concrectio illi naturalis, fuſio ab aliquo externo ſit, à quo autem alio quàm à contrario, hoc eſt, ab igne? cõcreſcit igitur cum ab igne deſtituitur:

Imbres
æſtate
largiores
quàm
hyeme.

ignis

ignis verò fulgorem naturaliter sequitur ob naturæ similitudinem, atque ita abundans circa cœlum ob vigorem radiōrum solarium, & circa terram, ob eorundem reflexionem, regionem mediam destituit, velut & tetraë penetralia, idque facit æstate magis, quia magis dictis in locis abundat. quo fit vt sponte naturæ in medio aeris (alioqui vt mea fert opinio temperati) vapores concreſcant in aquam, ninem, aut grandinem, idque æstate magis quàm hyeme fiat. Dicta igitur est causa cui pluuiæ hyemales, fortes verò imbres æstiuales ſint. De niuis natura poſteà dicitur. Verba illa: *Qui in manu omnium hominum ſignat, vt nouerint ſinguli opera ſua*, explicata mihi ſunt, vbi de chiromantia egi. nunc iis præteritis procedamus. *Ab interioribus* (inquit) *egreditur tempeſtas, & ab Arcturo frigus*. Dictum antea eſt, imbres fortes cum tonitruis, fulguribus, & fulminibus temporales vocari, illud idem vocatur nunt tempeſtas, quæ quia per fortes æſtus fieri conſuevit, vt etiam diximus, ei vt contrarium opponitur frigus. Aſturus eſt id aſtrum quod vocatur vſa maior, vnde & nomen accepit: nam *ἀστὺρ* vſam ſignificat. Inde etiam accepit nomē Polus arcticus, iuxta quem voluitur, ac proinde nobis eſt ſempiternæ apparitionis. Eandem igitur partem cœli vocat nunc, nomine illius aſtri Arcturum, quam nomine venti inde venientis, antea vocauerat Aquilonem, eam inquam quæ eſt ad Polum, quæ & Septentrio vocatur. Quæ quidem extrema cœli pars eſt, & ad ipſum polum, ſuper quo voluitur rotum, ſita. Cui oppoſita eſt alia per totum mundi diametrum diſtans, alter ſcilicet Polus, qui vocatur antarcticus: Pars mundi quæ inter duos illos polos eſt, ab eis æquè diſtans, & ad medium diametri ſpectans, quæ vocatur Meridies, dicitur eſſe interior mundi pars, quaſi inter extremitates, in quibus poli ſunt media. Dicit igitur, *Ab interioribus egreditur tempeſtas, & ab Arcturo frigus*, hoc eſt, à meridie, vtpote calidiſſima mundi parte, & vnde ſtat Auſter, calidus ventus, venient tempeſtates, & procellæ, & à Septentrione frigus, quia inde venit Boreas ventus frigidiffimus. Horum cauſas, hoc eſt, quod tempeſtas veniat ab interioribus, & frigus ab Arcturo, referens in ventos, addit, ſtante Deo concreſcit gelu, & ruruſum latiſſimè funduntur aquæ. Ventum vocat ſtatum Dei, hæc phraſi indicans vt aliarum rerum omnium, ita ventorum eſſe primam & præcipuam cauſam Deum. Id ergo dicit, quòd ſtante Aquilone concreſcit gelu, & ruruſum ſtante ei oppoſito vento funduntur, quæ concretæ erant aquæ, latiſſimè. Quæ autem cauſa Auſter calidus, & Boreas frigidus non ſit, antea dici poteſt, quàm de ventorum ſubſtantia ſit diſputatum. Inde enim

Arcturus
quid.

Poli mū-
di.

Tempe-
ſtas.

Gelu.

enim & vtriusque venti temperies, & ratio, qua alter fundit, alter coniectorem facit, innotescet. Multi veterum Philosophorum putauerunt, ventum nihil esse aliud, quàm aeternum motum, eandemque substantiam, quietem vocari aerem, motum ventum, ita ut ventus esset, velut aeris vnda, neque ab eo differret vlla alia ratione, quàm motu. Hanc sententiam multis argumentis refutauit Aristot. in cap. 4. lib. 2. Meteoron. nullum autem mihi videtur esse potius, quàm quòd oportet agitandi aeris aliam causam assignari, in qua venti essentia probabilius constiteretur, quàm in ipso aere: nam aer qui quietus nunc sit, quòd possit vndatim fluere, à nulla alia re quàm interfuat agitato? quòd si quæ alia substantia tenuis, siue vapor, siue exhalatio eum impellit, ea potius sit venti substantia, quàm ipse aer. Haud enim dubium est, cum fiat ventus aerem moueri, at verò nisi ipse seipsum mouet, (quod, cum neque ponderis neque leuitatis sit is motus, neque replendi vacui necessitate factus, impossibile est) constat necessariò impelli ab alia substantia: ea verò siquidem non apparet, fuerit tenuis & spiritalis. Quid igitur prohibet eam appellare ventum? ventus igitur non est ipse agitato aer, sed status aliquis aerem agitando, ac per ipsum decurrens. Hoc posito, cum duplex sit euaporatio, alia aquea, frigida & humida, quæ vocatur vapor, alia calida, & sicca, quæ vocatur exhalatio, seu terræ fumus, & vapor, materia pluuiæ, toris, niuis, grandinis, & pruinæ sit, constat ventorum exhalationem esse causam, quia magna ex parte solent accidere multi status, cum squaloribus & pluuiis superuenientibus venti conquiescere, quasi ex contrariis nascentibus causis, ventis & pluuiis. Hanc ob causam, hoc est, quia pluuiæ & venti ex contrariis fiunt, dicitur c. 8. Geneseos, cum Deus voluit, ut cessarent pluuiæ diluuij, adduxit ventum super terram. *Adduxit (inquit) spiritum super terram, & imminuta sunt aqua. & clausi sunt fontes abyssi, & cataraete cæli, & prohibita sunt pluuiæ de cælo.* Velut igitur fumus qui è fornace aliqua, occurso venti effluit, dissipatur hac aut illac, ita exhalatio, quæ vrendæ terræ fumus est, occurso frigidioris, seu vaporis, seu aeris qui in media regione præcipue est, repulsa eogitur ferri circum circa terram, quæ ita lata dicitur ventus. Constat verò quandoquidem pars quæcunque terræ potest effumare, isque fumus versus quaque repelli, ut hinc aut illinc occurrit frigidior, & densior vapor, posse ventum ex quacunque mundi parte in quamcunque spirare: neque esse certam vllam, vnde, aut in quam feratur. Arque ita verissimè dictum est illud cap. 3. Euangelij Ioan. *Spiritus ubi vult spirat, & vocem eius audis, sed nescis*

Sphæra
recta &
obliqua.

nescis unde veniat, aut quò vadat. Nimirum vndecunque terra effumet fieri potest, & quousque eius impellèdi cesset impetus, ferri: tantum audimus sonitum & sibilum, quem aëris verberatione edit. Nihilominus venti & differentias accipiunt & nomina, à parti bus ex quibus, & in quas feruntur. Iis qui sunt in sphæra recta sub æquinoctiali, quatuor mundi præcipua puncta sunt secundum diametros distantia, Oriens, Occidens, & duo Poli, arcticus scilicet, & antarcticus, qui illis sunt in Horizonte. Erunt igitur illis duo Aquilones, à duobus polis venientes Eurus veniens ab Oriente, & Zephyrus ab Occidente, & innumer alij inter hos, vocati laterales. Nobis verò qui hanc regionem incolimus, inter tropicum Cancrì & circulum arcticum constitutam, quam solam cum alia ei opposita, ultra alium tropicum, censuit antiquitas habitari posse, nihil cum polo antarctico: sed sunt alia quatuor puncta maximè distàtia secundum duos diametros nostri huius mudi, quem Arist. dixit habere figurà tympani, habentis verò tam longitudinis quàm latitudinis fore duplum; ea sunt Polus arcticus & Meridies, Oriens, & Occidens, nam à Polo venit Aquilo: à Meridie Austet: Eurus ab Oriente: Zephyrus ab Occidente. Tametsi plerique Aristotelicorum, decepti quibusdam eius authoris verbis c. 4. lib. Meteoron, quæ minùs attentè fortasse scripta sunt, dicunt Austrum, vt pote Aquilonis contrarium venire à contrario polo putà ab antarctico, & proinde Aquilonem, totum hoc hemisphærium, quod videmus; Meridiem, contrarium & huic oppositum: non animaduertentes Aristotelem ipsum c. 5. lib. 2. Meteoron ita dicere, *Auster quidem à solstitiali fertur signo, neque ab aëteris Septentrionibus.* Quod admodum congruit cum præscriptis verbis Iob, his scilicet, *Ab interioribus egreditur tempestas, & ab Arcturo frigus.* In quem errorè video incidere etiam Geographos, qui typos totius orbis terrarum nunc faciunt. Cum enim & partes ultra & citra Meridiem, hoc est, ultra & citra Zodiacum describant, tamen suos typos quatuor punctis notant, Oriente, Occidente, Septentrione, & Meridie, cum deberent potius finiri, Oriente, & Occidente, Arctico, & Antarctico Polis. Nam faciunt Chile, & Psitacorum regionem, & alias quæ ultra tropicum Capricorni sunt, & earum quædam non longè à Polo, meridionales esse, præ Quito, quæ in ipsa meridie est, sub æquinoctiali. Sed & re ipsa probatur habere vt diximus. Non enim solum Boreas est, qui ab ipso venit Septentrione, hoc est, à terra sub ipso polo sita, sed quicumque versus meridiem fiat, dicitur à Septentrione venire, & in meridiem ferri etiam si longè citra circulum arcticum exortus sit,

&

Chile &
Psitacorum
regio.

Boreas.

& longè ante tropicum defluat, sed quia eius initium spectat ad Septentrionem, ut finis versus meridiem. Eadem ratio est aliorum. Nimirum ex quacunque terræ parte incipere potest effusio, neque opus est, cum Hispania perflatur à Borea, perfletur etiam Germania, neque ut cum ab Austro, perfletur Lybia. sed possunt illæ tranquillitate frui, nondum in illis exortis ventis. Si igitur hoc ita habet, inopinabile est, Austrum qui nos attingit, ab arctico polo venire posse, & præter rationem, tam longinquam illi principij statuere terminum, ac non potius in interiori illa mundi parte, quæ vocatur Meridies, quam percurrunt Planetæ. Cum præcipue siquis status inde huc penetraret in ea regione esset naturam permutaturus, atque eò usque futurus Aquilo, laturusque frigus, inde iam futurus Auster, & laturus tempestates, cum ab interioribus egrediatur tempestas, & ab Arcturo frigus. Verum his de differentia ventorum secundum loca enarratis, superest dicamus, quod ad eorum temperamenta pertinet, & ad rem præsentem maximè facit; quandoquidem ventorum differentias non accipimus ex materia, sed unicam omnium ponimus, putà exhalationem fumo similem, constat ob aliud quidpiam fieri, ut non eadem omnium temperies sit, sed Aquilo sit frigidus & siccus, Auster calidus & humidus, Eurus & Zephyrus inter illos medij, & inter se quàm minimùm dissidentes. Id verò nō potest esse aliud, quàm illud vnde accipitur differentia, loca nempe à quibus, & in quæ feruntur, ob quæ meritò euenit, ut Aquilo & Auster inter se dissideant plurimùm, Eurus, & Zephyrus minimùm, quia Septentrio & Meridies plurimùm dissident, cum alter calidissimus, alter frigidissimus locus sit: Oriens & Occidens quàm minimùm dissident, cum ad utramque partē æquè Sol accedat, & qui aliis Oriens, aliis Occidens sit. Dissident verò hi duo ab Austro, non tam ob locum ex quo, quàm in quæ feruntur. Illi enim feruntur à similibus in similia, ab Oriente in Occidentem, & ab Occidente in Orientem, hic à contrario in contrarium, putà à Meridie in Septentrionem: verùm hæc generatim dicta sunt, accedamus propius. Siquidem indicatum est, Boream non semper venire à Septentrione, neque Austrum à Meridie, sed vndeunque posse incipere quemcūque ut cōtigerit huc aut illuc ferri, constat differentiam non accipi à loco ex quo primo, sed à loco versus quem, atque adeò posse Aquilonem & Austrum oriri ab eodem loco, ut si flare incipiat à Carpentania, & feratur in Bæticam, Boreas sit, si ab hac ipsa, & feratur in Cantabriam, sit Auster. Quæ igitur causa superest, qua alius frigidus & siccus, alius calidus & humidus fiant? Dictum iam mihi pluries est,

De ventorum temperie.

ignem elementarem non esse vno quodam loco vt reliqua elementa, sed permeare per omnia; sequi verò magna ex parte Solis lumen, atque idèd ubi plus luminis eius, esse etiam plus caloris. Consentaneum mox est, vt ad Meridiem sit copiosissimus, & inde ad mundi latera sese effundat: nimirum vt ipsum lumen Solis. His positis sit vt ventus, qui contra meridiem fertur, ignem à rebus quibus occurrit abigat, illi contrarium motum subiens, qui verò fertur contra Septentrionem ignem adducat, similem illi motum subiens qui versus Orientem aut Occidentem, neq; admodum hoc faciat neq; illud, quia neque similem, neq; contrarium motum subit, sed transuertum. Hinc rursus sit, vt qui fiat versus meridiem, refrigeret fugans ignem, qui versus septentrionem, calefaciat eum adducens. Rursum, qui refrigerat siccit quoque, idque duplici de causa, & quia ipse siccus est vt fumus & quia refrigeratio densationem facit, & expressionem humidi vt in refrigeratis herbis & arboribus conspiciunt: qui calefacit humectat non per se (siccus cum sit, sed quia calore facit humorem fundi, qua causa & in hominibus ciet multas fluxiones Auster.

Venti ad
Orientem
& Occi-
dentem
flantes,

Qui flant ad Orientem aut Occidentem, nihil horum faciunt insigniter sed temperant modicè, vt aer per ventile brum citra faciem motitatus. Similis etiam causa est, qua Boreas fertur vehementius, Auster lentius, Fonus & Zephyrus mediocriter. Nimirum qui contra ignem fertur, fertur à frigidiore ad calidiorum. & densiori ad rariorem aerem, quare inde magis expellitur, huc facilius recipitur, ferturque vt quod in declive, contra quod fertur in frigidiorem & densiorem quod in acclive: quæ feruntur in similia vt quæ per planum & mediocriter. Hæc eadem causa est, qua qui navigant in meridiem, citius multo illud pertingant, quam inde huc remeant: quod non intelligentes, qui ab Hispania ad nostras Indias feruntur, contendunt mare illam in partem esse declivè. Neque mirum, cum ob eandem ignorantiam visum sit plurimis veterum Philosophorum & cælum & terram imminere magis ad Septentrionalem plagam ad meridiem verò inclinatum esse orbem: qui & excogitarent plurimas eius stus causas. Diogenes & Anaxagoras fecerunt iam orbem ipsamet providentia, à qua erat factus fuisse inclinatum in meridiem magnæ cuiuspiam utilitatis causa. Empedocles vento refrigente versus Septentrionem impetum Solis, distenta esse cæli latera, & vrsas esse loco motis, & eleatas atque Austrinas partes depressas, atq; ita totum mundum illud inclinasse Leucippus procubuisse terram ad meridiem, quod partes mundi Meridionales rariores

tarioreſ ac ſolubiliores ſunt ob calorem, Septentrionales denſiores & magis tenentes. Democritus augeri omnia ad Meridiem ob generantem Solem, atque idē terram ea parte grauam fugibus, & auctu, procubiſſe. ſed hæc omnia ſunt ineptiæ infantilis illius Philoſophiæ. Non mundum totum perfectam ſphæram eſſe euidenter indicant Aſtronomi, quia omnes cœli partes diſtant centro æquē, quare non eſt alia clatior, alia demioſior: neque terra habet aliam vllam mundi partem ſe humiliorem, in aquam grauata inclinēt, neque al-orſum nititur quam in ſuum centrum. Cauſa verō ob quam illæ opinionē inter primos illos naturæ inueſtigatores, ac nunc inter vulgares ortæ ſunt, eſt, vt diximus, in aere qui ad meridiem tenuior eſt, & in ventis, qui vt Ariſtot. quoque ſecundo Meteoron animaduērit, magis ſtant 2 mundi lateribus, ac fortalſe etiam accedit, quibuſdam in locis, copia maiorum fluminum, qui conſectim irruentes in mare, per ſatis magnum ſpatium remorantur nauigia. Id verō ſentitur in quibuſdam Iſthmis, vt in Ponto, & in Occidentalibus Indiis iuxta recentem vocatam Carthaginem. Ex dictis facilē conſtare poteſt, cur ab interioribus, hoc eſt à Meridie, oriatur tempeſtas, hoc eſt, aſtiales imbres, cum fulguribus, fulminibus & tonitruis. Nimirum, ſunt hæc omnia magni caloris, qui inde trahit originem, vnde ignis huc agitur flante Aulſtro: frigus verō ab Arcturo, vnde venit Boreas. In eadem ſententia perſtans Eliud addit, *Flante Deo concreſcit gelu, & ruſum laſſime funduntur aqua.* Ventum appellat flatum Dei, hæc ratione innuens quod Pſal. 14. his verbis dicitur: *Qui producit vëtos de tranſantibus ſuis.* hoc eſt ſua infinita virtute & omnipotentia. Quæ verba facilē nobis indicant, quā ſit mirabilis ventorum natura, cū de eorū creatione Deo tanta accedat gloria Quapropter non tantum mihi tribuo, vt exiſtimem me vel huius leuiſſimæ rei cauſam inueniſſe, ſed, vt in aliis omnibus, quæ pertinent ad naturā, ad probabilitatem vſque diſputaſſe. Ergo, inquit, *flante Deo* (per Boreā ſcilicet, quia exprimit ignem) *concreſcit gelu: & ruſu Deo flante* (per Aulſtrum, quia adducit ignem) *laſſime funduntur aqua.* Addamus reliqua *Fruuentum* (inquit) *deſiderat nubes, & nubes ſpargunt lumen ſuum, quæ luſtrant cuncta per circuitū quocunq; eas gubernant vultus duxerit, ad omne quod præcepit illu ſuper faciem orbis terrarum ſue in vna tribu, ſue in terra ſua, ſue in quocunq; loco miſericordiæ ſue, eas iuſſerit inueniri.* Omnes qui benè philoſophati ſunt, conuenerunt in hanc ſententiam, nihil omninō eorum quæ natura conſtat factum eſſe caſu, aut temerē, aut fruſtra, ſed omnia alicuius gratia, atque

Tempeſtas
à Meridie
oritur.

ad eò primam omnium rerum causam esse in fine cuius gratia sunt. Si igitur hoc, de ea natura quæ coniuncta rebus est, rectè dicitur, & usque ad eò nihil est frustra ab ea factum, ut vel ipsis excrementis quæ necessitate potiùs quàm utilitate videntur generari, animalium natura utatur ad commoditates non exiguas, ut in libris de usu partium Galenus conspicuè indicat, quantò magis ita de Deo Opt. Max. sentire oporteat, qui cum sit Optimus, nihil fecerit nisi bonum; bonum verò esse non potest sine vlla utilitate; cum verò sit Sapièntissimus, atque potentissimus, nulla necessitate cogeretur facere quòd nulli vsui futurum esset. Hac ratione Eliud, cum nubium & aliorum meteorologicorum generationem, ut in facientem causam retulisset in Deum, qui ut est prima omnium quæ sunt, & facta sunt causa, alias omnes continet, apponit etiam & finem, & cuius gratia sunt. Quasi diceret, neque quidem frustra aut ostentandæ suæ potestatis causa Deus nubes fecit, sed magnæ cuiusdam beneficentiæ, siquidem frumentum, ex quo fit panis, qui confirmat cor hominis, desiderat nubes, quandoquidem illis spargentibus lumen suum, & pluentibus, fruitur necessario humore.

Nubium
lumen.

Nubes spargere lumen suum, nihil est aliud quàm pluere, quod idèd dici videret; quòd dissipatis pluendo nubibus, spargitur lumen quòd ab illis interceptabatur: perinde ac si illæ lumen & aquam continerent, ac utrumque demitterent, ac spargerent, cum tamen illæ reuera neutrum contineant, sed in aquam mutantur, & dissipatæ, diffundèdo lumini locum dent, sed ex eo quòd sensui appareret nata phrasis ea est, qua rursus statim vititur: *Nunquid scis quando præcepit Deus pluuiis, ut ostenderent luct nubium eius?* Itaque dicit, *Frumentum desiderat nubes, & nubes spargunt lumen suum*: quasi dicat desiderat frumentum nubes, quia nubes pluit. Neque verò solùm non sunt factæ temerè nubes, sed ne mouentur quidem temerè, nam *lustrant cuncta per circuitum quocunque eas gubernantis voluntas duxerit*, ubicumque scilicet velit Deus pluere, siue in una tribu, siue in alia, siue in terra sua, hoc est, seruatorum suorum, siue in aliena & inimicorum, siue in quocunque loco misericordia sua eis iusserit innuiri. Nimirum pluit super iustos & iniustos (Matth. cap. 5.) Et hæc est vera & perfecta scientia viarum nubium, scire scilicet eas in Dei voluntatem & prouidentiam referri, de qua statim subdit, *Nunquid nosti semitas nubium magnas & perfectas scientias?* Nimirum, qui consistunt intra causas naturales, non resoluunt vsque ad primas, ac proinde non habent perfectas scientias, sed illi solùm qui naturalibus non dimissis (id enim insipientiæ est) procedunt vsque ad primæ causæ bonitatem, quod principium

omnia

omnium est. Sed nubes quidem, atque per has pluiæ, & nix, Pluiæ
& ros, & pruina, quia etiam & venti, haud præstant obscuras niuis, ro-
commoditates: omnia enim hæc suis temporibus, & per quas ris & prui-
dam vicissitudines, terræ iuuant fecunditatem. At verò quæ- næ vili-
dam alia nulli prorsus vsui esse videntur, quibus id quod de tates.
omnium rerum vtilitate dictum est, videtur redargui. Quid enim commodi est ex grandine. Quid ex fulguribus? Quid ex fulminibus? Certè hoc nullus Philosophorum possit dicere, quin cogatur concedere factum esse aliquid frustra, quàm conscendendo in iudicia Domini, ac de illis philosophando, iuxta illud quod proximo cap. dixit idem Eliud, his verbis, *Per hæc enim iudicat populos, & dat escas multis mortalibus.* quæ verba significant, uti Deum his rebus, partim ad mortaliū escas, partim ad iudicandos populos sunt igitur horum pleraque ad vtrumque vtilia, nam pluiæ, & venti maximi sunt vsus ad frugum prouentum: iudicauit verò per pluias apertis cœli cataraetis mundum, & euerit quoridie in mari retremes & in terra testa & domos, ut vel domum in qua epulabantur filij Iob, & integras vrbes impetu ventorum. Nonnulla etiam sunt quibus solum vtitur Deus ad iudicandos populos, ut grando & fulgura, & multò magis fulmina. Quod etiam Dominus ipse cap. 38. huius libri dicit his verbis: *Thesauros grandinis aspersisti, quæ præparauit in tempus hostis, in diem pugne & belli,* ut vel ex his possint homines, si prudētes sint, agnoscere, esse qui res humanas consideret, & populos diiudicet. Quod ille etiam Ethnicus Poeta optimè insinuauit, dicens, *Iupiter optime aspicias hæc? An tacum fulmina torques, nequidquam horremus?* Itaque nubium, & plurimarum in aere prouenientium rerum, vtilitas magna est ad fruges, quibusdam verò eorum tantum vtitur Deus ad iudicandos populos. Eadem ratio est pestis, atque adeò morborum omnium, mortis, & eorum quæ nihil aliud quàm venena sunt: quæ complexus est Eccles. cap. 39. his verbis: *Ignis, grando, fames, & mors, omnia hæc ad vindictam creata sunt, bestiarum dentes, & Scorpij, & serpentes, & romphæa vindicans in exterminium impios.* Vbi ignis nomine intelligo fulmina & reliquos ignes meteorologicos, aut æternum paratum diabolo & Angelis eius, nam vsualis ignis longè maxima vtilitas est. His Meteorolo-
dictis, tedit Eliud ad naturam ventorum, dicens: *Nōne vestimenta tua calida sunt, cum perflata fuerit terra Austro?* quæ verba ex dictis habent facilem interpretationem. Nam iudicatum antea est. Austrum allicere ignem, ac proinde calefacere & calore aquam fundere. Hinc euenit, ut vestes eo flante caleant, atque calore externo vincent, tinea exedantur: vtilitas.

quod perspectum habentes quibus illæ curæ sunt, stante Austro vestes recondunt, e contra ad Aquilonem suspendunt. Perinde contigit in aliis omnibus rebus quæ asseruantur, ut in vino, & eduliis, & omnibus frumenti generibus: ea enim omnia ad Aquilonem seruantur diutius, ad Austrum computrescunt breui. Verum hoc dictorum nuper corollarium est, ut & illud quod paulò post dicit: *Subito aer coegetur in nubes, & ventus transiens fugabit eas.* diximus siquidem iam, ventos & nubes ex contrariis causis fieri, atque idem magna ex parte sese mutuo tollere, atque superueniente pluuia extinguere ventos, & superuenientibus his fugari nubes. Quod nubium generationem nunc tribuit deusationi aeris, non repugnat iis quæ nuper diximus, putà esse ex vapore. nam vapor substantiam habet inter aquam & aerem. Quapropter aqua in aerem, & aer in aquam per vaporem, illa extenuata, hic crassescens. Nubes ergo sicut ex vapore, qui partim ascendit ex aqua extenuata, partim ibidem generabitur ex aere crassescente, secundum quam partem verissimè aer coegetur in nubes.

CAPUT LI.

De cælo multa.

EX cap. 37. Iob: *Tu forsitan cum eo fabricatus es cælos, qui solidissimi quasi ære fusi sunt.* De substantia cæli, eius in quo, aut cum quo volutantur astra, quem veteres omnes vocauerunt æthera, *ἀὴρ τῷ θεῷ αἰὲρ* (interprete Aristotele) hoc est, à perpæuo cursu, dubitatum est plurimùm à Philosophis: siquidem nonnullis veterum visum est rationi consonum, eam mundi partem, ut est suprema, ita esse tenuissimam, siquidem & in aliis omnibus, de quibus vapore vicinioribus, possumus iudicare, ita fieri conspicimus, ut quod superius est aliquid, eò sit & tenuius. Itaque esse regionem quandam, substantia alia, aere longè puriori & tenuiori plenam, per eamque ferri astra omnia per sese, quasi volantia. Plerisque tamen atque aded optimis (nam Pythagoræ, Parmenidi, Platoni & Aristoteli) visum est, cælum substantia quadam constare firmissima & solidissima, aded ut penitus neque diuisionem, neque distractionem recipere possit, & astra partes esse ipsorum orbium, ac cum illis ferri haudquaquam proprio concitata impetu. Ex eo verò quod de motu astrorum quis sentiat, pender, & quod de cæli soliditate sit consentaneum. Si enim astra feruntur per se per cælum, illud certè est tenuissimum, & facillimè cedens:

De astris præclara.

non enim tanta posset esse astrorum celeritas medio resistentē. si autem illa feruntur cum orbibus, constat orbēs tantō solidiores esse adamantē, v̄r penitus diuidi non possint. Nam alioqui, si ferrentur velut impulsā à substantia aliqua vehementer concitata, & dissipabili, v̄r quæ a ventis impelluntur, haudquaquam possent ferri eādē semper celeritate. neque eīdem viæ semper insistere, sed iactarentur temerē, v̄r quæ à ventis: nunc autem videmus regulari ferri latione, & à certissimo tramire ne latum quidem vnguē vnquam declinare: igitur ij orbescm quibus feruntur, nullam partium distractionē accipiunt vnquam, sed feruntur toti simul firmissimē. Neque hoc aliter fieri potest: quapropter eorum substantia neque diuidi, neque distrahi possit, sit igitur solidissima. At verō probabilius multō esse astra deferri cum orbibus, quā in illis per se moueri, multis argumentis probat Arist. acceptis ab astrorum figura, & ei accomodatis motibus, & ab eorum celeritate & ab aliis eorum passionibus. Mihi verō videtur illud firmissimum, si quis velit recipere quod mihi in Phisicis monstratum est, putā raritatem & densitatem consistere in angustia aut amplitudine pororum. Si enim astra ferrentur per cœlum, necesse esset illud secundū parrem anteriorem astri densati, & secundū posteriorem rarefcere, si verō rarefceret & haberet poros, eos ergo aut vacuos, aut plenos substantia alia tenuiori: est igitur vacuum, aut substantia alia cœlo tenuior. Illa verō si tenuior sit & cœlo superior, de illa rursū sciscitabor, an raritatem accipiat, atque ita peruenire necesse erit ad substantiam tenuissimā nullā raritatem aut densitatem recipientem, aut abire in infinitum. Si autem in talem vllā substantiam peruenire necesse est, cur non sit statim cœlum eiusmodi? Necesse est igitur astra cum cœlo ferri, ac non per cœlum, aut dari vacuum. Præterea si Sol, Luna, & alij planetæ per se mouerentur, non possent moueri regulariter, sed nunc celerius, nunc tardius, quia eodem tempore, putā die naturali, describunt circulos nunc maiores nunc minores, v̄r accedunt ad æquinoctialem circulum, aut recedunt: at verō Aristoteles multis argumentis probat secundo de cœlo motum celestium corporum esse regularem: non igitur mouentur per se astra, sed cum cœlo, quod est v̄r mundi murus, v̄r dixit Parmenides, solidissimum. Cui sententiæ plurimū attestantur præscripta verba Iob: *Solidissimos quasi are fusi*. Quibus consonant & hæc Homeri *ἔργατος πολύχαλκος*, id est, *Multi aris cœlum*. Multæ autem hinc quoque videntur oriri dubitationes, nam si cœlum solidum est, non videtur esse corpus simplex, sed

An astrorum substantia sit tenuior cœlo.

compositum ex elementis, ut quæ penes nos sunt, quod si est, erit utique & corruptibile ut hæc, si autem incorruptibile illud esse admittimus, nihil euenit incommodi, etiam si tenue esse illud recipiamus, & dirumpi à percurrentibus astris, quare ita quoque videtur fieri rursum, ut non sit opus illud solidum ponere. Quod verò fiat ut si solidum est, constet elementis his, docet Plato in dialogo de Natura, his verbis: *Sine igne videri nihil potest, nihil sine solido tangi, solidum sine terra nihil.* Hinc aperte fit ut cælum duobus his elementis constet, si solidum est, nam & videntur astra, quæ eiusdem substantiæ cuius & ipsum cælum esse inter optimos conuenit Philosophos. si autem habet hæc duo. putà ignem & terram, habet etiam & reliqua duo, putà aquam & aërem, duo enim illa per se vniri non possunt, nam sicci & solidi partes, ut putà terræ, non coherent nisi humido aqueo agglutinentur, sicco enim igneo penetratæ magis dehiscunt. Igitur ut ad soliditatem terra, ita ad continuitatem indiget aqua: aqua verò & ignis malè aptabuntur sine medio aere, neque sine eo habebit diaphanitatem. Si igitur cælum est solidum compactum, diaphanum, & aspectabile constabit ex terra, aqua, aere, & igne. Rursum, cæli partes non sunt omnino similes, sed astra aspectabiliora, & minus diaphana (quodcunque enim intercurrat, occultat aliud quodcunque) reliquum cælum diaphanum magis, sed minus venit in conspectum, non potest ergo esse cælum omnino simplex substantia. Nam unde nascerentur illæ contrarietates? contrarietatis enim admistionem habet omne quod dicitur secundum minus: in simplicissimo verò non potest esse vllius contrarietatis, ne tenue quidem initium. Concedendum itaque videtur, cælum simplex omnino corpus non esse, sed constare ex elementis. Concedendum etiam, ut mihi videtur, hoc Platoniciis dictis argumentis: non tamen ex iisdem penitus, ex quibus quæ penes non sunt, sed ex homonymis, ex igne inquam cælesti, & aqua cælesti, & terra aereque cælestibus, ut in Genesios enarratione diximus. Sed cur videntur ignis, aqua, terra, & aer, si non sunt qualia hæc terræ ob analogiam: quia quod ad substantiæ modum attingit, habent præstantius etiam quàm ille, tamen si contrarietate qualitarum adiuuare, caloris inquam, frigoris, humoris & siccitatis carent. Hinc fit, ut cælum fulgentius atque aspectabilius, & solidius, & compactum diaphanumque magis sit, quàm alia omnia corpora, incorruptibile tamen, neque dissolubile, quia caret principiis naturalis corruptionis, putà calore, frigore, humore & siccitate. Sed neque rarum neque densum est, quia poros nullos habet: neque crassum, neque tenue, quia

Cælū incorruptibile.

neque

neque in parua neque in magna comminui potest, sed fulgens sine calore, solidum sine siccitate aut crassitie, compactum sine humiditate, diaphanum sine poris. Non igitur differunt astra à reliquo cœlo maiori crassitie, neque densitate, sed mistionis modo, quodque habent sui ignis plus, & sui aëris minus. Verùm etsi quia actiuis qualitatibus caret, naturaliter corrumpi non potest cœlum, est tamen (compositum cùm sit) dissolubile, & commutabile, ab eo videlicet à quo compactum est, putà à Deo: *Omne siquidem quod vinctum est* (vt inquit Timæus) *solui potest*, ac fortasse etiam dissoluatur, & permutabitur, cùm sistatur hic cœli motus, & finientur lux & tenebræ, velut & omnes aliæ mundi partes. Elementa quidem reddentur puriora; cœli verò in meliorem substantiam mutabuntur. Nam Marci 13. dicitur: *Cælum & terra transibunt.* & Psal. 101. *Initio tu Domine terram fundasti, & opera manuum tuarum sunt cœli, ipsi peribunt, tu autem permanes, & omnes sicut vestimentum veterascent, & sicut opertorium mutabis eos, & mutabuntur.* Et in tertio cap. epist. 2. Petri: *Novos verò cœlos & novam terram, & promissa ipsius expectamus.* Iob quoque c. 14. inquit, *Homo cùm dormieris non resurges, donec atteratur cælum, non euigilabis, neque consurges de semno suo.*

Cœli in-
creatus.

Ex quibus verbis constat cœlum atterendum esse ante resurrectionem mortuorum. Neque certè Philosophiæ dissonum est censere, si cœlorum motus cessaturus in æternum est, mutandam quoque eorum substantiam in aliam, cuius natura motum non spectet, quod in æternum sit catitura, sed gaudeat quiete, quam sit semper actura. Neque enim perpetuum quidpiam quod violentum. Sed de hoc iterum disputabitur.

CAPVT LII.

CAp. 38. Iob: *Vbi eras quando ponebam fundamenta terra? & indica mihi, si habes intelligentiam, qui posuit mensuras eius si nosti? vel quis tetendit super eam lineam? super quo bases illius solidatae sunt? aut quis demisit lapidem angularem eius? quis conclusit ostiis mare quando erumpobat, quasi de vulua procedens, cùm p̄ncipem nubem vestimentum eius, & caligine illud, quasi annis infancia obuoluerem? Circumdedit illud terminis meis, & posui vestem, & ostia, & dixi: Usque hinc venies & non procedes amplius, & hinc confringes tumentes fluctus tuos.*

Hæc

De Dei
cognitio-
ne.

Hæc verba sunt Domini ad Iob. Quibus illum inſcitix & ignorantix rerum naturalium arguens, vult ad ſui cognitio- nem trahere. Diſſeremus in hoc ipſo opere, enarrantes locum quendam Eccleſiaſtes, nullum eſſe maius compendium ad cognitionem ſapientix Dei, quam ſentum noſtræ ignorantix, quod Eliud etiam in ſuperiori capite terigit, dicens: *Memento quid ignores opus Dei de quo cecinerunt viri* (hoc eſt, naturam rerum de qua ſcripſerunt plurimi Philoſophi, & ante Platonem omnes in carminibus) *omnes homines videt eum* (hoc eſt, aliqua- tenus agnoscant ex ſuis operibus) *unusquisque inſuetur procul,* quaſi diceret, nullas tamen accedit ad ipſius veritatis cognitionem, quia omnes inſuetur procul. Ecce *Deus magnus vincēs noſtra inſcientiam*. Hoc eodem argumento adducit nunc Dominus Iob, ad ſux ſapientix contemplationem, ponens illi ob oculos mirabilia, quorum cauſas nullus Philoſophorum inue- nire ſatis potuit, neque nos quidem poſſemus niſi magno Dei beneficio per diuina oracula eſſemus docti. Primùm igitur maiores mundi partes, hoc eſt, elementa & cœleſtia corpora, percurrit; deinde animalium quorundam omnis generis hſtoriam attingi: de quibus omnibus diſputatum ſatis à Philoſophis eſt: conſtat, nihil autem perfectè eſſe traditum, conſideranti palam fiet. *Vbi* (inquit) *eras quando ponebam fundamenta terræ?* fundamenta terræ nullus Philoſophorum vnquam ſomniauit (niſi fortè Pythagoras duplicem conſtituens terram, marem & fœminam) neque enim terram ex diuerſis partibus conſtituiſſe, vt domum aut templum, ſed vt ſimplex quiddam & homogeneous eſſe corpus, ſui ſimile ſecundum omnes, neque eſſe alias aliarum fundamenta. Re vera tamen non ita eſt. Neque enim terra, cum quem nunc ad aquam ſitum tenere poſſet, ſi qualis ſecundum faciem hanc quam terimus, tota foret: aut enim aquæ tota moles extremitatem ſolùm terræ lambet, ſecundum eam eius partem quæ recta eſt, vt nunc viderur (ſi quidem nulla parte viderur, mare leuca profundius, vt reſtantur nautæ) aut præter hanc aquæ molem, eſt intra terræ profundiffima viſcera magnus abyſſus, longè maximam ipſius terre globi partem occupans. Si primùm fieri non poteſt vt aqua ſit centeſima pars terræ, nedum terra ſit decima (vt cenſetur) pars aquæ. Si autem hoc vltimum, quò fieri poſſet, vt interior terræ pars non eſſet humore diſſoluta, & tota ſubſiſſet in ſeſe, in aquam merſa, niſi fundamentis firmiſſimis innititur? Innititur ergo haud dubiè, conſtatque ex iis quæ conſpiciamus, imam terræ partem eſſe plus quam adamantinam, atque adeò Deum feciſſe hunc terræ globum quem incolimus,

De fûda-
mentis
terræ.

incolimus, versus centrum solidiorem, ut in omni secundum rationem constituto ædificio fieri debet; ad superficiem verò friabiliorem, ut teri ac sulcari & humore misceri potens, rerum generationi esset utilis. Non est igitur (dices) in suo loco simplex, neque elementum. Certè esse in suis locis pura elementa, pueri putant, & qui nondum ære labantur: d. Ætorum verò nullus non videt, nihil non esse alterarum, neque verò esse posse. Arist. in auditoriis libris qui re vera scribebantur ad inducendos tyrones, multa dicit quæ prouectiores debent accipere ut hypothèses, velut, esse corpora simplicia quatuor, quæ reuera neque sunt neque esse possunt. ponuntur verò ob quatuor naturas, quas in cõcretis sentimus, secundum quas fiunt re ù commutationes, calidum, scilicet, frigidum, humidum & siccum. Iam hoc docuit elegantissimè, dicens, *Sic de illis verba facimus, eaque mundi primordia constituimus, cum ne syllabarum quidem, ne dū elementorum vice tenere, apud homines mentis quoque modo compotes debeant.* Itaque simplicitas terræ non obstat quominus Deus fundamenta terræ iecerit, quibus partes eius superiores inniterentur. Addit. *Quis posuit mensuras eius si nosti?* ut in vndecimo capite Sapientiæ scriptum est, *Omnia disposuit Deus, mensura, numero, & pondere.* Nimirum, mundus opificium est pulcherrimum, siquidem optimi artificis, ad pulcherrimum exemplar. Ad pulchritudinè verò spectat, ut neque quantacunque magnitudinis sint membra, neque ad se mutuo sine certa proportionè, sed singula certæ cuiusdam magnitudinis, & ad sese elegantissimam habentia proportionem, simulque ad totius utilitatem maximè accommodatam. Neque terrā igitur, neque aquam, neque aërem, neque orbium cælestium ullum, sed neque astrorum omnium minimū fecit Deus negligenter, sed omnia magnitudinis cuiusdā, ad mundi totius, & ad cuiusque alterius partis magnitudinem, pulcherrimam habentes rationē, quam tamen agnoscere ac explicare apertè eius est solus qui fecit ac penes quem est illud æternum exemplar, cuius imitatione effecta sunt. Tamen enim Pythagorici (quos ego viros prosequor magna admiratione) in hac contemplatione plurimum laborauerūt, & pro capiti hominum plurimum assequuti sunt, tamen intueri etiam illi sunt procul: longè autem magis Xenophanes qui infinitæ magnitudinis esse inferna ex parte est opinatus. Astrologi septem mille leucarum Hispanarum esse dicunt totius terrei globi peripheriam, ut sunt illorum rationes euidentissimæ, non admodum potest hoc à certa eius mensura declinare. Quæ autem huius certæ mensuræ in terra condenda fuerit ratio, scit mundi opifex: constat tamen dictis argumētis

Mūdi pul-
chritudo.

Mundi
mensura.

eam fuisse diuinissimam, & ad totius pulchritudinem (cum qua
 utilitas necessariò coniuncta est) spectasse. Addit: *Vel quis teten-*
dit super eam lineam? Terra in mundi medio ita sita est, ut eius
 centrum totius quoque mundi sit, atque ita rotunda, ut omnes
 extremitatis eius partes æquè à centro distent, & tota terra
 æquè ab omnibus cæli lateribus, hæcque omnia tam exactè,
 ac si mundi opifex à polo ad polū lineam tetendisset, & medio
 lineæ puncto alligasset terræ mediū, eamque circino quodam
 rotundam effecisset. Quod quidem Plato animaduertit in Ti-
 mæo, dicens, *Terram autem altricem nostram circa polum per*
uniuersum extensum circumuolutam, diei noctisque effectricem,
& custodem esse uoluit. Tanra igitur opificij perfectio sapientiæ
 artificis maximum argumentū est, quod redarguuntur omnes
 qui casu ita cadentibus corpusculis, factum esse mundū affir-
 mabant. Quæ enim dementia est sibi persuadere, immensitatē
 insectilium corpusculorum, tam apertè cecidisse casu, ut nihil
 ineptū in roto mundo extiterit, sed omnia ita, ut ne minimam
 particulam eorum quæ coierint fortuitò, sapientissimi cuius-
 piam arbitrium possit emendare, aut cuiuspiam sani hominis
 menti persuasibilis videatur, ante mundum conditū extitisse,
 nullo faciente, immensam multitudinem vilissimæ materiæ,
 quàm sapientissimam quampiam, & optimam causam? An ut
 vitiosa hominū voluntas facilius expetir quod malum, ita vi-
 tiosus intellectus facilius credit quod falsum, ut vel hoc argu-
 mento verum sit quod bonū, melius autem multò est ab opri-
 ma causa in sapientia esse facta omnia, quam ex vilissima causa
 extitisse. Tantam igitur Dei sapientiam, ut Iob ex terræ fabrica
 admiretur & suspiciat, dicit Dominus: *Quis tetendit super eam*
lineam? Addit: *Super quo bases illius solidata sunt.* bases terræ sunt
 ipsa terræ fundamenta, quæ ut ex uihilo effecta sunt, ita super
 nihilo solidata, sed super seipsis, omnibus terræ partibus nitenti-
 bus ad centrū, quod velut angularis lapis totius ædificij est,
 ad quem partes omnes firmiter alligantur: videretur autem
 omni humanæ sapientiæ, si in consultationem de formando
 terræ orbe à summo rerum opifice vocata esset, fieri haudqua-
 quam posse, ut nulli innirens corpus, in medio spatiosissimi va-
 cui firmiter maneret. Quò hæsitatio Xenophanem Colopho-
 nium putare coegit, terram ab inferna parte velut in radicem
 infinitam produci. Empedoclem quoque canere, infinitam esse
 profunditatem terræ. Thaletem Milesium, terrā aquæ innatare
 ut lignum, Anaximenem, Anaxagoram, & Democritū, causam
 terræ latitudinem, non enim diuidere posse aerem lata eum sit.
 Neque sanè verum est, quod multi dixerunt, & Socrates etiam
 sibi

Bases ter-
 ræ quid.

sibi persuasit in Phædone, terram manere in suo loco firmam quod rotunda cum sit, & in rotundi cœli medio collocata, non potest magis in hanc quam in illam partem inclinare Nam ut rectè inquit Arist. si inde ferti nata esset, et si nullam in partem posset ferti tota, feretur diuisa in multas partes: non est igitur ita, sed præcepto Dei manet ibi firma Nimirum ut in Psal. 92. dicitur: *Firmauit orbē terra, qui non commouebitur.* Sed quo pacto firmauit? tribuens certè rebus omnibus corporeis hanc naturam, ut ad sese mutuò ita expetant collocari, ut crassa sint sub tenuibus: terram verò omniū crassissimā sub aliis omnibus statuens, quasi mundi cæmentum. His dictis de terra, transgressionē facit ad aquā, in sui etiam inde admirationem trahens Iob: *Quia* (inquit) *conclusit ostiis mare, quando erūpebat quasi de vulua procedens, cum ponerem nubem vestimentū eius, & caligine illud quasi pannis infantia obuoluere? Circumdedi illud terminis meū, & non posui vectē & ostia, & dixi, usque huc venies, & nō procedes amplius, & hic confringes tumentes fluctus tuos.* Hæc verba enarrata ferè sunt super capite 1. Geneseos. Ibi enim explicuimus, quare ratione Deus effecerit, ut aquæ in vnum locū congregatæ terram totam non obruant, sed bonam eius partem, animantium generationi & vitæ, detectā relinquant. Nimirum, ut sæpe iam diximus, vnum ex ambobus corporibus, terra, inquam, & aqua globum efficiens, quod cum amborum extremitatem eiusdem sphaeræ partes sint, neutra superster aut subster alteri. fecit verò Deus terrā cum tantis cavitatibus, ut caperet abyssum immensum, & maria, atque ita caperet, ut neq; absorberetur illa aquæ moles, neq; redundans inundaret terrā, sed tantum eius relinqueret detectū, quantum ipsi rerum opifici visum est. Itaque tantæ magnitudinis efficiens cavitates, fecit ut mare quousque ipse voluit procederet, neque inde transgredi posset, vel tantillum, etiam si arena cingatur sola, aut etiā mollissima alga. Illæ igitur terræ partes quæ prominent, atq; ad globi illius extremitatē emergūt, sunt vectis & ostia, quibus cōclusit Deus mare, & his vsus, circumdedit illud Deus terminis suis, hoc est, posuit fines quos sibi placuit, ut alibi dicitur, *Posuit legē aquis quas præterire non potuerunt:* legē verò hanc posuit, dicens, *Usque huc venies & non procedes amplius, & hic confringes tumentes fluctus tuos.* Hoc quod de tumentibus maris fluctibus dicitur, Regius etiam vates cecinit, in admirationē Dei nos vocans, in Psal. 92. his verbis: *Mirabiles elationes maris, mirabilis in aliu Dominus.* Quasi dicat, vel ex elationibus maris videas quā sit mirabilis qui in altis habitat Dominus Omnibus gētibus admirationi fuisse fluxus & refluxus maris, intelliges faciliē ex illis Plinij verbis

Cur terra
ab aquis
non ob-
ruitur.

Fluxus
& refluxus
maris
confide-
ratio.

Maris.
æstus.

verbis quæ sunt prima cap. 79. lib. secundi *De aquarum natura complura dicta sunt, sed æstus maris, accedere, & recedere, maximè mirum pluribus quidem modis.* Ac rectè quidem dicit pluribus modis mirabiles esse fluxus & refluxus maris; sunt enim re vera tales ob raritatem, quia etsi id in maris littoribus quotidie videtur bis, atque in quibusdam, pluries, nihil tamen simile esse videtur in tota rerum vniuersitate, cuius comparatione tollatur admiratio: deinde & quia causa tanti euentus non satis intelligitur: sed & quia illi non eodem modo vbiq; matium sunt, sed variè in multis, neque in eisdem semper eodem modo, sed piuribus modis mirabiles: nam quocunque die naturali, qui viginti quatuor horis constat, bis crescit & decrescit mare, ab exortu Solis vsque ad meridiem crescit, inde decrescit, vsque ad occasum, inde rursus augescit vsque ad medium noctis, ex quo vsque ad summum mane decrescit rursus, idque in Oceano multò magis atque euidentius fit, quàm in mediterraneis, neque hoc exactè, sed cuiusdam horæ partis facta detractio. Porro hi maris æstus, per septenos dies insignes habent mutationes. septem enim primis à Luna noua modici sunt, reliquis septem vsque ad plenilunium increscunt manifestè, inde minui incipiunt, tertio septennio afferente etiam insignem mutationem. In æquinoctiis etiam ferunt esse maximos æstus, præcipuè in autumnali: in solstitiis verò minimos. præcipuè in æstiuali. Aiunt etiam obseruatum esse octauo quoque anno redire æstus maris ad paria incrementa, quòd octo annis centum numerentur Lunæ circuitiones: ego verò crediderim horum pleraque non tam constare certò quàm leuiter credi. Ferunt etiam esse vbi in die septies reciprocet æstus ille, vt in Eubœa: sunt etiam putei in Bætica, quorù in Hispani vnus, qui augentur etiam quotidie ac minuuntur: contra autem ac mare; siquidem eo crescente decrescunt, & crescunt decresciente. in Gadibus alius, qui æstum quidem habet, non tamen eisdem temporibus semper, sed aliquando contrariis, & cum hæc omnia mirabilia sint, illud verò multò magis fieri, hæc tam stata & firma lege, vt vltra solitum nunquam progrediatur mare, sed certò sciant litorales quotidie quousque mare sit exundaturum, neque tranuersum pedem errantes, vt euidenter constet eam legem posuisse Deum aquis ne vltra procederent, sed illic confregerint tumentes fluctus suos, non tamen proinde dicimus, id naturali causa destitutum solo constare Dei præcepto; imò verò ex præcepto Dei fluxisse rerum omnium naturas. Quapropter cum in Dei præceptum referimus quidpiam, nihil prohibet naturales eius causas inue-
stigare

stigare. Ut mare exundet inſuatque in litus, indeque reſſuat, non quidem ob maris in quampiam partem fluxum euenit, ſed quia augetur tumefactum & quali ſuens. Quapropter, ut ſeruens aqua olla exit, non alia cauſa quàm quòd calore rarefacta, vaſe non capiatur, ita mare tumefcens exundat in litora, contrà, detumefcens ſubſidet, & velut abſorptum redit in alueum. Hanc verò eſſe eius rei rationem inde conſtat, quòd circa litora magis quàm in altum deprehenduntur hi motus, ſcilicet in alto non decurrit aqua, ſed ſenſim intumefcit, ad litora currit, quia non capitur: fieret verò contrà ſi inſlueret mare more fluminum; multò enim magis ſentiretur motus vnde ageretur, quàm ubi finitus ceſſaret. Ex his palam fit, maiori proprietate appellari tumorem fluctuum, & elationem maris, quàm fluxum & reſluxum: re vera enim non fuit niſi ex accidenti, quia tumefcens non capitur loco; æſtus verò mihi videtur per analogiam vocari, quia perinde videtur mare pari, ac ſi æſtu caloréque ſerueat. Huius intumefcentiæ cauſas longè diuerſas Philoſophi reddiderunt. Ariſt. & Heraclitus (reſerente Plutarcho) à Sole fieri cenſent, pleroſque enim ſtatus ſua illum circuitiõe ſecum trahere, quibus ingruentibus, & protrudentibus mare Atlanticum, ipſum intumefcere, & æſtum

Mare At-
lanticum.

efficere, Copitis deinde ſtatibus mare ſeſe colligere, idque eſſe reciprocationem. Pythias Maſſilienſis maris acceſſus Lunæ incremento fieri, decremento reſceſſus. Plato cuiuſdam ſpecus maximi intra terram hiatu ſuſtollit aquas, & latè eſſluere, ſubindéque eodem reſluete. Timæus cauſatur flumina irrum-
pentia in Atlanticum. Seleucius ſtatum dicit irruere in Atlan-
ticum, cum verò motu terræ (hanc enim etiam moueri putat) & Lunæ agitari. Tain multas opiniones tantæ rei difficulas peperit: at mihi videtur, quæ ex his ſerè omnibus colligitur eſſe probabiliſſima, nam quia adedò certus conſtitutusque eſt ille motus, & numerum quendam horarum, dierum, hebdomada-
rum, menſium ac fortasſe etiam annorum obſeruet, probabili-
ter reſertur in ſuperiores, æternas, ſtabilesque cauſas inferna
enim omnia temerè agitantur, cum præcipuè reſpondere vi-
deantur aptiſſimè illius circuitus Solis Lunæque motibus. Nam
diuina per ſenas horas repetitio diurno Solis, aut Lunæ motui
reſpondet, quæ verò per hebdomadas fit mutatio menſtruo
Lunæ: mutatio etiam per ſolſtitia & æquinoctia ad Solem re-
fertur: quia verò multi & fontes & putei aut ſimul cum mari,
aut contrariis temporibus ereſcunt & decreſcunt, conſtat mo-
tum illum non ad ſupremam extremitatem aquarum cieri, ſed
intrinsicus à maximo illo barathro, quod intra terræ viſcera

est; unde copiosus erumpens flatus aquas inflat, ac subsidens iterum facit detumescere. Verisimile est enim quibusdam patetis (siquidem alij omnes expertes illius passionis (unt) ampliores esse ductus vsque ad maximas illas terræ cauitates ipsis marique communes. Vt verò quidam tumescente mari detumescant, & detumescente tumescant, cum alij moueantur ut ipsum mare, causa est in ipsorum pororum, quibus cum mari communicant longitudine, figura, & positu, amplitudine, aut angustia, qui enim coniuncti mari secundum breues & rectos, ampliusque & expeditos poros sunt, implentur cum ipso, qui verò contra secundum locos angustos, & in contrarium tortuose ductos his aqua absorbetur ab ipso tumescente mari; non aliter ac in corporis nostri venis euenit, ut magnarum scissione, quæ coniunctæ sunt, tractione repleantur, quæ contra positæ inaniantur reuulsione, qui mediocriter ad mare habent, nonnunquam simul cum mari, nonnunquam contra patientur ut huc aut illuc flatus ille à barathro cōtingit moueri: qui verò nō habent (huiusmodi sunt omnes qui refluunt vsque ad mare) illos poros vsque ad barathrum perpetuos, & secundum omnem longitudinē expeditos, sed multis in partibus intercisos, & obturatos interstire (dura quidem ut obsistat, rara verò & percolandæ aquæ peruia) terra: aut per reciprocos flatus expulsi, & supra naturā suā acti sursū, à reliqua aqua decisi pendent, nullam talē passionē subeunt, sed sine æstu perseverāt utcumque moueatur mare. Itaque proxima mouēdi maris causa est flatus intra terræ cauernas conclusus: prima verò fortasse, duo luminaria, quæ generant flatum, & commouent, tametsi & in ipso flatu est mouēdi causa, quodd aqua pondere subsidens premit illum, is pressus erumpit & violentet extollit aquas, eo impetu sedato rursus aquæ subident, atque ita alternis vicibus agitur utrumque. Figura verò & magnitudo cauernarum, non ubique eadem, sed valde dissidens facit ut quædam maria simul crescant, quædam contra, quædam bis, quædam pluries, quædam huc, quædam illuc versus, ut lacus Mæotis in Pontum: hic in Propontidē, nō contra. Itaque horum omnium, quæ difficillima quidem sunt, intra terram esse videntur causæ; ut verò hæc inundationes accommodentur illis horarum, mensium, & annorum articulis, opus esse videretur astris, atque vtrarumque causarum copula veritas rei huius cōstare. Hæc cum sint exūdationis maris causæ, earū modus & certa facultas efficit, ut passionis quoque eius, siue motus certa sit mēsurā, nimirum Lunæ, Solisq; eadem semper sui que similis est facultas, regulam tenens æternam, accessus, & recessus, ac circutionum, Abyssus etiam illius ingentis

Motus
maris cau-
sa.

Maris ter-
mini.

gentis, & humoris halituumque inclusorum, ad totius maris molem est certa ratio & mensura, unde fit, ut sit certus quidam modus intumescenz illius maris, ac proinde & fluxus. Atqui qui modum eum causarum posuit, is quoque legem posuit mari, dixitque: *Vsq̃ue huc venies & non procedes amplius*. Neque verò quia quædam loca mari submersa sunt superioribus temporibus, ac nunc etiam alia periclitantur mergi, nisi obstaculis, quibusdam obfisteretur mari, ut in Olandia, & Zelandia, quod de certa aquarum lege dictum est, redarguitur: magna enim ex parte illic, non tam detinetur quominus constitutos sibi fines excedat mare, quam ab illis finibus arceatur, obstaculis quibusdam ab incolis factis: atque cum aliis insularum partibus arceatur, non potest alias inuadere: atque ita factum est, ut pagos quidem & villas occupauerit, aliis verò non minoribus partibus cesserit, hominum ad has mutationes industria iuuante, præterquam quòd legem quam posuit Deus aquarum fluctibus, noluit ipsemer Deus adedò esse impermutabilem, ut quam Soli, Lunæ & reliquis astris. Illa enim ita iter peragunt imperatum, ut ne latum quidem vnguẽ essent huc aut illuc declinata, ne si infinitum quidem tempus duraturus esset mundus: mare verò non ita, sed tam lentas effecturũ mutationes, ut conferentibus nobis quæcunque ab antiquissimis Cosmographis scripto mandata reperimus, cum iis quæ conspiciamus, nullæ prorsus fieri videantur, eadem enim mensura, eadem figura, continentis, & insularum omnium: si verò in mille myriadas annorum esset mundus hîc duraturus, non dubium quin permutanda forent omnia, commutandaque loca terræ & aquæ, hinc exesa terra, illuc congestis arenis, adedò tamen lentè, ut nullis hominum sæculis agnosci possit vlla insignis mutatio, sed quantumuis vterentur scriptis, essent omnes putaturi, nihil esse vnquam permutatum. Neque quidem (ut dixi) hoc dictam aquarum legem rollit, hæc enim ipsa conditione lex à Deo data est. Nimirum, est naturalis conditio rerum corruptibilium omnium, ut semper secundum se totas, aut secundum partes recipiant alterationes. Rerum igitur hæc naturali rerum conditione, imperauit Deus mari, *non procedes amplius*, non scilicet ita procedes, ut animantibus terrore sit, aut eorum generationem tollas, sed *hic confringes tumentes fluctus tuos*, tam persueuerant, ut nullam sæcula vlla sentiant insignem permutationem. Quapropter quod de Atlantidis insula mari submersa Plato narrat in Timæo, falsum prorsus est, atque impostura Chaldæorum, qui antiquitatis opione, multa eiusmodi mendacia narrabant Græcis, dicentes

Lex maris.

Chaldæorum reprehensio.

se, ut refert etiam Cicero, plus quàm quadraginta mille annorum historiam habere.

Sed quanta his impostoribus idololatriæ, & præstigiariū omnium parentibus, fides habenda sit, multis iam locis indicauimus. Quod verò Arist. dicit, alternis viciis mutari mare, & terras, quasdamque insulas disparere, alias emergere non est historicè accipiendum, sed Philosophicè, cum enim ille putaret mundū ab æterno extitisse, neque finem habiturū, meritò colligebat, non semel, sed infinities mutanda omnia, secundum partes quæ ortui & interitui sunt obnoxia. At verò id factum cum nondum sit, neque fortasse antequam sistatur cœli motus sit efficiendum, historia constare non potest, sed stat firma lex, quam Deus posuit aquis. Atque conditione naturali seruata stabit, utque dum eam ipse legislator, cui, ut nuper dixit Eliud, *nullus similis est in legislatoribus*, & simul cum hac mundi forma soluat. Quod igitur ad maris fluctus attinet, ita habet. Illud superest interpretemur. *Quando erumpbat quasi de vulua procedens cum ponerem nubem vestimenti in eius. & caligine illud quasi pannis infantia obnoherem.* Videtur enim hoc aliud esse, quàm quod in Genesi dicitur à Mose, vbi maris generationem ita tradidit: *Dixit verò Deus congregentur aqua quæ sub cœlo sunt in locum unum & appareat arida.* Quæ verba significant haud dubiè, in initio delinxisse totam terram sub aqua, hanc deinde præcepto Dei secessisse in locum vnum, & detectam esse eam terræ partem quam incolimus: præsentis verò loci verba videntur influere, factam esse aquam sub terra, atque cum inde velot ex vulua magno impetu erumperet, cohibitam esse præcepto Dei, & conclusam ostiis, quominus totam terram occuparet: hæc verò longè diuersa ratio mundi efficiendi esse videtur. Quæ non alio quàm hoc modo centeo componi posse. Initio fecit Deus rudem quandam congeriem elementorum, quam dixeret Chaos.

Chaos.

Erat verò quoddam lutum ex tota terra quaque commistis, quod circumstabat moles magna nebulosi & omni luce carentis aëris densissimis Ægypti tenebris simillimi, mox ut separari hæc cœperunt, subsidens facis more terra expressit aquam, quæ ita ex terra erumpebat velut ex vulua procedens. Rectè enim terra mundi vuluæ confertur, siquidem in ea concepta, ex ea nascuntur omnia, aqua verò rationem habet seminis communis, per eam enim fecundatur terra, neque sine ea procedere ex sese quidpiam potest. Accommodatissima ergo comparatione, exitus aquarum è terra, eruptio ex vulua vocatur, seminis scilicet communis ex communi matrice. Et tunc quidem

quidem aqua nebuloso & caliginoso aëre erat (recens à terra nata) velut panis infantiae obvoluta, tenebris scilicet quæ erant super faciem abyssi aqua separata, & ut par erat superstante formavit Deus terram, qualis nunc est, confinis eius fundamenta, præparantque in ea feueas immensas & cavitates, iussit aquas in illas secedere, & fecit ex terra & aqua unicum orbem,

CAPUT LIII.

CAp. 38. Iob : *Per quam viam spargitur lux, dividitur æther super terram?* Aristot. lib. 2. de anima, cap. 7. reprehendit Empedoclem, quod dicit, lumen seu fulgoris esse quiddam, quod feratur, & extendatur inter terram & cælum (itaque per aërem,) verum eam lationem & effusionem nos latere, fortasse quod tenuissima res sit, & celerrimè feratur, hoc inquam reprehendit Arist. quia ferri & extendi corporeæ substantiæ solum est, lumen verò nihil est aliud, iuxta illius sententiam, quàm quædam patibilis qualitas, per præsentiam rei lucidæ genita, per quam quod erat potentia diaphanum, fit actu diaphanum. Quæritur verò à Domino hoc loco, *per quā viam spargitur lux*, quasi scilicet spargatur, spargi verò genus quoddam lationis significat, quapropter & corporea substantia esse videtur, talis verò si esset, haudquaquam posset replere totum aerem sine corporum penetratione, nisi forte aer, ut hoc argumento visum est multis Philosophis, poris vacuis abundat: si verò vacuum nihil est, haud poterit per totum aerem substantia alia ferri. quantumvis sit tenuis. Accedit quod si ex Sole continenter efflueret illa substantia, iampridem esset absumptus totus, aut saltem esset aliquando totus illuminatione absumendus. constat verò illuminationem lucidis corporibus nihil detrahere, quapropter corpus non est, quare neque spargi videtur posse. Mirabile verò etiam, si corpus non est quo pacto radiis stet, qui rectæ ferantur, reflectanturque & incidunt ad angulos rectos, acutos & obtusos, & mille modis congregiantur. Nam si corporea substantia non est, sit sanè accidens, aut substantia incorporea: at verò neutrum horum videtur illa pati posse, nam flecti, & ad hos aut illos angulos incidere, & rectum esse aut curvum, figuræ quædam sunt: figura verò non est nisi in corpore. quare in incorporea substantia, ut in mente nullatenus, in accidenti corporali, non nisi per accidens, hoc est, per ipsum corpus cui

Lucis dei
finitio.

ineſt: velut candorem nemo dicet triangularē, aut quadratum, niſi quia papyrus hac aut illa figura eſt, ita neque nigritiē, niſi quia litera. Eadem etiam ratio, ac fortasſe etiā maior ſit de aliis omnibus qualitatibus: quis enim audeat dicere, dulcorem aut calorem, rectum, aut curuum, triangularē, aut quadratum? non igitur poſſet lumen, niſi ſubſtantia quædam corporea eſſet, reflecti, niſi cum aëre illuminato: at verò reflectitur in vmbra, nullatenus reflexo aëre, non enim vt Echo ſit repercuſſo aëre, ita vmbra, ſed ipſo quā maxime quieſcente, reflectitur: ergo lumen non vt accidens, ſed per ſe, vt corporalis ſubſtātia quædam quæ per aërem ſpargitur. Sed quæ eius via? corpori enim non poteſt eſſe per corpus via, ſi verò quantum eſt lumine plenum in aëre, erat vacuum, totus cum illuminatus ſit nullus relinquebatur aëris locus, præterquā quòd vacuum nō eſſe, nulli iam video eſſe dubiū. Mirabilis profecto eſt lucis natura, aded vt à quibuſdam Philoſophis corporalis Dei pars appellata ſit, cuius anima eſſet veritas, Deus ipſe Opt. Max. primo ſtatim generationis die, ipſam fecit, ſingulariter commendauit, videns lucem quòd eſſet bona. Videtur eſſe res ſui generis, neque corporalibus rebus, neque penitus ſpiritualibus annumeranda, quæ difficilis ſanè cognitu eſt, neque ſcio an vlli ſatis perſpecta, qui non eius originem in æterno exemplari contemplatus ſit. Non interim pro noſtro captu eius conditiones perpendentes, quod Deus dederit, diſſerimus. In primis ſubſtantia videtur eſſe non poſſe, quādoquidē neque corporea, neque incorporea: corporea quidem, quia non poſſet aërem penetrare, quem tamen totum illuminatum eſſe videmus: incorporea, quia videri non poſſet, lumen verò videri conſtat, quia ſenſus organū ita afficit vt corumpat etiam aliquando velut excellens ſenſibile. Quo pacto autē eſſet excellens ſenſibile, quod omnino ſenſibile non eſſet? eſt igitur ſenſibile alioqui quomodo in ſolum aërē inſendētes viſum, dignoſceremus diem eſſe aut noctem. Neque verò videtur horum alterutrum priuatiuē cognosci, ſed vtrumque per veram paſſionem viſus à lumine quidem diſgregati, à tenebris congregati. Sed, etſi dicamus tenebras priuatione cognosci, vtrumque tamen non poteſt: cum enim contraria ſint, nō poſſunt ambo priuatione fieri: lumen igitur per ſe videtur, quare non eſt ſubſtantia incorporea, vt Deus aut mens. Sed neque accidens incorporeum eſt, vt notiſſima intellectiua, aut quidpiam tale, quia ne ſic quidem ſentiri poſſet: viſorium enim organum corporeum cum ſit, ab ſpirituali paſſione affici non poſſet: ſuper eſt igitur vt ſit accidens corporale, hoc eſt, affectio aut paſſio corporis cuiuſpiam. Eius igitur quod illuminatur,

hoc

Lux non
eſt ſub-
ſtantia.

Lux eſt
accidens
corpore-
le.

Diaphanū
quid.

hoc est diaphani, dicitur enim, estque re vera mediū actu diaphanū seu transparens, cū illuminatū, atque hac causa translucens etiam vocatur quod transparens, quasi idem sit, actu transparens & translucens: quod verò tenebrosū est diaphanū potentia, capax enim lucis & ea carens. Hac causa Arist. dicit lumen & tenebras eandē rem esse numero, putā ipsum diaphanum, ratione differre: quod enim potentia diaphanū, tenebræ: quod actu, lux est, itaq; quod prius erat tenebra, sit deinde lux. Quem loquendi modū ad spiritalem transferens lucem, Paulus ad Ephesios dixit, *Eratis aliquando tenebræ, nunc autē lux in Domino.* hoc etiam significato acceptū est tenebrarum nomen c. 10. Exodi, vbi dicit, *Extende manū tuā in cælum, & sint tenebræ super terrā Ægypti tam densæ, ut palpari queant.* Nimirum aer illuminatus rarefcit, quia lumen ignē conuocat, lumine priuatus crassescit excluso igne: per summas ergo tenebras fieri poterat adedē densus, ut palpari posset, hocque est tenebras palpari, hoc est, aërem lumine priuatū. Ita quoque fieri poterat tenebrarū catena, ut dicitur 17. Sapientię. Verū in his omnibus locis, nomen lucis & tenebrarū materialiter accipitur. Vt & ab Aristotele: formaliter enim constat aliud quidpiam esse vtrumq; ab ipso aere, seu ab ipso diaphano. Si enim quod erat potentia diaphanū, sit actu diaphanū, illa ipsa Entelechia actu diaphani, seu forma, seu ratio, qua actu diaphanū fit, sit formaliter lumen, itaq; lumen sit Entelechia, seu actus diaphani, tenebræ eius Entelechiæ vacuitas coniuncta cū potentia, potentia autē & actus est diaphani, quare, ut dictū est, sit lumen affectio aut passio corporis cuiuspiam. Quo pacto igitur spargitur, & recta produci-
tur, & reflectitur? Nunquid hæc accidunt lumini materiali, hoc est, illuminato aere, an formali, hoc est, Entelechiæ actu diaphani. Certē huic, nam per aerem quiescentē spargitur rectaq; produci-
tur & reflectitur lumen. Quomodo ergo hæc verē dici possunt de passione? non sanē propriē, & ut ea verba lationem quandam significant, sed analogicē. Quia ipsum illuminari, seu lucidum fieri, phantasiā præbet talium lationum, re vera autem fieri videtur, ut nunc dicam. Illuminatur aer, cū sit ex potentia diaphano, actu diaphanum: sit verò tale sola præsentia corporis lucidi, ut Solis, aut ignis, itaque lux est facultas quædam, seu virtus, quod potentia diaphanum est, efficiendi actu tale, per solam suam præsentiam. Quoniam igitur corpus lucidum illuminare non potest, nisi illud medium, inter quod & ipsum nullum intercedit opacum (quia hoc cum non sit potentia diaphanū, non est capax luminis) sit ut lumen fieri non possit,

possit, nisi in ea medijs parte, ad quam ex corpore lucido ducti potest linea recta nulli opaco occurrens, ob id secundum lineas rectas ferri dicitur lumen: etiamsi reuera non sit res quæ feratur.

Lux totius
spatij nõ
æqualiter
illuminare.

Porro lux, ut maior aut minor est, ita maius aut minus medium potest illustrare, atque illud ipsum illustrare magis aut minus, neque æqualiter quidem totum spatium, sed proxima pars illustrior fit sensim languescente lumine, ut à lucido corpore receditur, tantò enim quævis pars minus afficitur, quàn- d longius abest à facultate, ut ferrum tantò lentius trahitur, quantò longius distat à magnete. Cùm igitur lumen, antequàm omnino sit exoluta facultas lucis, incidit in opacum, quæ antrorsum per aërem erat alteratio producenda, rrorsum producitur: idque vocant reflecti lumen, tamen si non sit flexile quidpiã, sed horsum aut illorsum acta alteratio. Eadem autem ratio est luminis, & visibilium specierum colorum omnium; nam lumen nihil aliud est quàm lucis specis per diaphanum effusa, per quam & lux videtur, & ipsum diaphanum actu fit, ut species colorum omnium per illud transmittat. Ut igitur à lucido corpore lumen, ita species colorum à coloratis per diaphanum, sola præsentia producuntur, hoc interest, quòd lumen facit diaphanum actu; reliquæ species id non valent facere, sed per diaphanum actu producuntur: nimirum indicatum mihi alibi est, colores lucis participatione innasce corporibus, esseque flammulas quasdam lucis æmulas; sunt ergo genere similes, minus autem possunt. Ut igitur lumen est Entelechia actu diaphani, ita reliquæ omnes species actu diaphani passionnes quædam. Mirabile igitur est, quod cùm videantur per aërem spargi lumen & colorum omnium species, nihil tamen spargitur, neque penetrat, aut pulsat aërem, ut Empedocli videbatur, sed aer ipse mirabilibus quibusdam alterationibus, induit omnium corporum quæ adsunt formas. Hæc quo pacto fiant, nullus hominum potest distinctè eloqui, neque cogitare. tamen si fieri quidem omnino probabiliter disseruimus. Proinde humanam ignorantiam arguens Dominus, interrogat Iob.

Per quam viam spargitur lux? addit, diuiditur æstus super terram.

Æstus
confide-
ratio.

Æstum super terram fieri à cælestibus corporibus, notius est quàm ut quispiam posset dubitare, tamen illius causam referre in motum, maximus atque apertissimus error est Aristotelis, non enim minus aut tardius mouetur Sol noctu quàm interdiu, sed minùs illuminat.

Quare cùm id quod præsentè sit, & quo absente cessat affectio, causam esse omnes homines censeant, constat ad lumen debere

debere referti æstus, non ad motum: lumen verò proprietate quadam esse effectuum caloris, in materia quæ potest calefieri, etiam si Sol & alia astra eius passionis expertia sint, vulgares Philosophi affirmant: quod probabilius dicitur, quàm cælorum motu fieri, longè autem probabilius quod sæpè iam diximus, ignem qui per omnia permeat, sequi Solis fulgorem: ob analogiam tractum, atque idè quæ à Sole illuminantur à subsequenti igne calefieri. Diuiditur ergo æstus super terram, ut ignis hanc aut illam partem magis occupat, hocque euenit, ut hanc aut illam magis spectat Sol. Calefacit ergo magis partem quam magis illustrat, eoque, & quàm rectius aspicit, quia ab ea parte reflectitur lumen, ut explicuimus: geminata ergo illa passione fit maior illustratio, & maior ignis conuocatio, & calefactio maior. Iuxta luminis igitur intensiorem diuiditur æstus super terram: minimo quidè existente in ea parte, quàm Sol non intuetur: maiori in ea quam obliquè: multò, in ea quam recta plurimum ad calefactionem iuuante mora, quia cum lumine ignis quoque immoratur. Via autem æstus occulta est, nimirum pori aeris, quia rarefcit penetratus à corpore tenuiori.

Hæc de lumine, & comite illius æstus, est quoddà aliud superius lumen hoc nostro quod conspiciamus, corporale illud etiam, in sede Beatorum, quod Solis facultas non pertinget, solius Agni præsentia conseruatum, velut & hic apud nos tribus primis Geneseos diebus seruabatur; tantò præstantius hoc, quantò supremi illius cæli corpus, aeris in quo viuimus corpore, est aliud longè diuinissimum, minimè corporale, quod non pascuntur Beatorum oculi, sed illustrantur mentes, quod vocant lumen gloriæ: hoc verò agnoscere non pertinet ad Philosophum, sed ipse Deus annunciat de eo amico suo, quod possessio eius sit, ut capite trigesimo sexto dixit Eliud. quæ verba valde consonant cum illis Platonis in dialogo de Natura: *Superiora verò his horum principia Deo nota sunt, atque ei qui Dei sit amicus.* vsque adèd Ethicus ille, hac cerè causa sapiens, diffidebat scire se posse prima & certissima rerum naturalium principia nisi Deo reuelante: neque sanè de humilibus & incertis posse, nisi ad probabilitatem aliquid disputare. Vt liceat mirari quorundam Christianorum temeritatem ad credendum, qui eorum quæ opinantur, nihil non putant se certissimè scire, quo fit, ut ad credendum quæ non intelligant sint duriores, quia opinione sapientiæ sunt stulti, cum tamen Deus ipse toto hoc capite hominibus indicet suam, rerum etiam quas vident, & quibus viuunt ignoracionem. Mihi mea ignorantia

opinio præstò sit, & humilitas. Per hanc enim (arbitror) viam spargitur lux. Deo gratias.

CAPUT LIV.

CAp. 38. Iob : *In similitudinem lapidis, aqua duratur, & superficies abyssi constringitur.* De grandine videntur dici illa verba priora : *In similitudinem lapidis, aqua duratur.* & de glacie quæ apud nos, sit posteriora illa, *Et superficies abyssi constringitur.*

Glaciei
cõsidera-
tio &
grandi-
nis.

Nivirum grando & glacies eadem res est, aqua scilicet præ frigore constricta, Figura solum differt, quòd scilicet grando orbiculares quidam lapilli sunt, ex pluvie cadentis guttulis geniti, glacies verò sit ex continuata aqua siue in fluminibus, siue mari, siue fontibus, siue in stagnis, aut vasis quibusvis concrecente, & ipsius aquæ quæ concreta est figuram retinet, tamen si sphaerulæ illæ nomen peculiare habent, diciturque Latinis grando, Græcis χάρμυλα; tamen communi nomine dicitur utraque glacies, & Græcis νεύσα. Atque ita de grandine dicitur in Psal. 147. *Mittis crystallum suam sicut buccellas, ante faciem frigoris eius quis sustinebit?* de glaciei verò generatione dicit, *Constringitur facies abyssi* quia concretio aquæ semper incipit à superficie, & procedit versus imum, atque aded superuenitur in aqua, atque si violenta demergatur in profundum, sponte effertur, itaque semper occupat abyssi superficiem : cuius rei causa pender ex ipsius glaciei generatione. Dictum enim mihi iam est non semel, aquam suo naturali frigore concrecere, per ignis, & calidarum exhalationum absentiam. Quia si affectionem ullam frigidam præter naturam suam pati posset, esset aliud quidpiam natura frigidius : cum verò necesse sit quod est primò, esse etiam summè tale, necesse est aut aquam non esse primùm frigidorum, aut nullum frigus esse illi præter naturam. Cum igitur quando recedente Sole, ignis eius assecla ex propinquo aere fugit, vapores frigidi eius loco in aeternum se effundant, & exhalationes calidæ in profundum terræ se condant, necesse est, ut à superficie abyssi recedant priusquam ab aqua profundiori, atque ita deinde incipiat glacies. Qua etiam causa sese frigidis temporibus pisces in profundo recondunt, quo ad vitam indigent calore potius, vitaturique mortiferum frigus. Glacies itaque

hac

hac causa gigni incipit à superficie abyssi. Grando quoque videtur quibuldam fieri ex nubibus, primum quidem in glaciem duratis, deinde ventorum frigore comminutis in frustula, aut etiam calore Solis. Itaque esse grandinem frustula decisa glaci, ea verò fieri in ipso descensu rotunda, longo illo præcipitio velut conuoluta. Fuit hæc sententia inter antiquos Philosophos Epicuri, inter Christianos D. Iſidori Hispalensis, cui videntur suffragari illa verba cap. 43. Ecclesiast. *In magnitudine sua posuit nubes, & confracti sunt lapides grandinis.* Hæc enim aperte videntur innuere, confractis lapidibus (ex glacie scilicet) factam esse grandinem. Cæterum Aristot. euidenter satis refutauit hanc sententiam, cap. 12. Meteor. his verbis: *Absurdum præterea suspicari, aquam superiori in loco congelascere, quandoquidem fieri non potest ut id consequatur antequam reddatur aqua, neque ullo tempore aqua suspensa permanere potest.* Hæc Arist. Ex quibus palam fit, ex nube aquæ guttas fieri potius, his deinde seorsum cadentibus, & gelascentibus, fieri grandinem, & ipsarum guttarum figuram retinere. Illud verò Eccl. ita intelliges, confractos esse lapides grandinis, hoc est, decisos ex nube, non quidem gelata prius, sed per particulas in guttas abeunte: verum enim ita etiam est, lapides grandinis ex nube esse decisos, etsi non sint decisi facti jam lapides, sed post decisionem lapidauerint.

CAPVT LV.

CAP. 38. Iob: *Quis posuit in visceribus hominis sapientiam, vel quis dedit gallo intelligentiam? quis enarrabis cælorum rationem, & concentum cæli quis dormire faciet? Quando fundebatur puluis in terra, & gleba compingebantur? & c. 39. Nunquid capies leana pradam, & animam catulorum eius implebis, quando cubant in antris, & in speciebus insidiantur? Quis præparat coruus escam suam, quando pulli eius clamant ad Deum vagantes, ed quòd non habeant cibos? Nunquid nosti tempus partus iuicium in petris, vel parturientes ceruus obseruasti? Dinumerasti menses conceptus earum, & scisti tempus partus earum? Incuruantur ad foetum, & pariunt & rugitus emittunt. Separantur filij earum, & pergunt ad pastum. Egrediuntur, & non reuertuntur ad eas. Quis dimisit onagrum liberum, & vincula eius quis soluit? Cui dedi in solitudine domum, & tabernacula eius in terra falsuginis. Contemnis multitudinem ciuitatis, clamorem exaltoris non audit. Circumspicit*

cumspicit montes pascua sua, & virentia quaque perquirat. Nunquid voles rhinoceros servare tibi, aut morabimur ad praecepe tuum? Nunquid alligabis rhinocerotam ad arandum loro tuo; aut confringes globos vallum post te? Nunquid fiduciam habebis in magna fortitudine eius, & relinques ei labores tuos? Nunquid credes illi quoniam sementem reddat tibi, & in aream tuam congreget? Penna Struthionis similis est pennis Herodii, & Accipitris. Quando derelinquit ova sua in terra, tu forsitan in pulvere calefacies ea? Obliviscitur quid pes conculcet ea, aut bestia agri coterat. Duratur ad filios suos, quasi non sint sui, frustra laboravit nullo timore cogente, privavit enim eam Deus sapientia, neque dedit illi intelligentiam. Cum tempus fuerit, in altum alias erigit, deridet equum & ascensorem eius? Nunquid praebebo equo fortitudinem, aut circumdabis collo eius hinnis? Nunquid suscitabis eum quasi locustas? gloria navium eius terror. Terram ungula fodit, exultat audacter, in occursum pergit armatus. Contemnit pauorem, neque cedit gladio. Super ipsum sonabit pharetra, vibrabit hasta, & clypeus. Feruens, & fremens, sorbet terram, neque reputat turba sonare clangorem. Vbi audierit buccinam, dicit, Vah! Procul odoratur bellum, exhortationem ducum, & ululatum exercitus. Nunquid per sapientiam tuam plumescet accipiter expandens alas suas ad Austrum? Nunquid ad praeceptum tuum eleuabitur Aquila, & in arduis ponet nidum suum? In petra manet, & in praeceptis filii sui commoratur, atque inaccessis rupibus. Inde contemplatur escam & de longe oculi eius prospiciunt. Pulli eius lambunt sanguinem, & ubicunque cadaver fuerit, statim adest. Hæc Iob.

Ut corporum substantiarum præstantissimæ sunt, quæ vocamus animalia, ita ex naturæ eorum contemplatione, maximè erigitur humana mens in altissimi Dei contemplationem. Nimirum optimum opificium optimi opificis argumentum est. Proinde Dominus recensitis quamplurimis quæ spectant ad mundi partes sensu carentes, attingens per capita, quæ spectant ad animalium historiam, disputationem claudit. Nihil autem mirabilius est in animalium genere, quam id quo à reliquis corporibus differunt, purè cognitio: in hac verò mirabilis tanta differentia ut alia sint stupidissima, alia sagacissima, alia audacissima, alia timidissima, alia prolis amantissima, alia negligentissima. Porro mirabilis est compositio singulorum corporum, & partium omnium ad mores accommodata structura. Mirabilis quorundam animi vigor postremè & corporis moles. Quæ omnia attestantur quam maximè sapientiam, potentiam, & bonitatem Dei: quandoquidem fieri non potest, ut animantia, vi cognoscendi, & sapientia plus aut minus participant, prima rerum omnium causa quæ ipsa fecit non sit intel

anima-
lium co-
gnitio.

intelligens & sapiens. Ad hoc argumentū spectant verba illa Plati-
 nonagesim tertij : *Intelligite insipientes in populo, & stulti ali-*
quando sapite. Qui plantauit aurem, non audiet, aut qui finxit
oculum, non considerat? Quod quidem argumentum firmissi-
 mum est, si semel concedatur, hominem, vt & quodeunque
 aliud animal, Dei esse opificium. Non enim posset Deus au-
 diendi aut videndi organū formare, ipsum audire, aut videre
 non agnoscens. Neque cū adhuc nihil esset extra ipsum, po-
 terat nili in seipso agnoscere, quare necesse est ipsi præstantiori
 modo esse ea omnia, cognoscere videlicet & sapere. Neque ali-
 ter possit quispiam id negare, quā negans hæc à Deo quo-
 piam esse facta, sed sponte constituisse talia, vt & ipse Deus per
 sese est. Hoc igitur refutans Dominus exorsus est hanc dispu-
 tationem ab illis verbis : *Vbi eras quando ponebam fundamenta*
terre? & paulò infra in hoc ipso cap. dicit, *Sciebas tunc quod nasei-*
urus esses, & numerum dierum tuorum noueras? quasi dicat, tu ipse
 tibi conscius es, te nullibi tunc fuisse, ac ne fuisse quidem om-
 nino; nihil igitur habes ex teipso, ne ipsum quidem esse, sed ab
 alio es factus, à quo necesse est acceperis quæcunque tibi na-
 turaliter insunt. Neque sanè sit satis dicere, à parentibus; nam
 illi etiam paulò ante te facti sunt, quapropter eadem est dubi-
 tatio, eundūque in infinitum, aut postremo consistendum in
 aliquo; qui nunquam non fuerit, à nullo factus, à quo facti
 sint omnia, cuius sint per se bona omnia, quæ reliquis omni-
 bus communicauerit. Si igitur non semper fuimus, vt non ipsi
 nobis testes sumus; neque fecimus ipsi nos, ipse profectò fecit
 nos, qui semper, ac per se est, quapropter quidquid in nobis,
 aut aliis vllis rebus est boni, in illo necesse est sit eminentius.
 Ad hoc argumentum etiam pertinent prima illa verba præ-
 scriptæ orationis: *Quis posuit in visceribus hominis sapientiam? vel*
quis dedit gallo intelligentiam? quasi dicat, neque homo accepit
 sibi sapientiam præ reliquis animantibus, neque eam quam
 habent intelligentiam illis impertitus est. Necesse est ergo
 tributa esse hæc & alia omnia bona quibus participant, tum
 hominibus, tum reliquis animantibus, tum etiam reliquis om-
 nibus rebus quæ natura constant, ab vno aliquo ente ante om-
 nia entia, & bono ante omnia bona, cū quo nullus homo
 possit contendere: videbatur enim Iob velle contendere cum
 Deo, vt exprobrabatur ei ab amicis, Dubitarum est à Philoso-
 phis de ea quæ brutis inesse videretur intelligentia plerisque ne-
 gantibus esse illis vllam rationis vim, sed sensum solum, aliis
 etiam non paucis asserentibus, præter sensum inesse illis quan-
 dam mentem. De qua quæstione Plutarchus libello de anima-
 lium

Bruta
 quomodo
 intelligant

Nota hanc
disputa-
tionem.

lium industria, optimè mihi videtur disputasse. Negant vllam esse vim rationis brutis, hoc præcipuè argumento, quòd omne animal esset rationale. Videtur autem rationale differentia animalis esse, quapropter vt in illis contrariis euenit, ita in hac quoque oppositione, necessariò si vnum est, sit etiam alterum, vt si quoddam est animal rationale, sit etiam aliquod irrationale. Quare si homo animal rationale est, sit quod nõ est homo animal rationis expers. His alij respondent, rationale & irrationale differentiam animalis non esse, sed corporis, numero quidem eandem cum sensibili & insensibili, eo quòd rationale se-

Sensus an
sine mète.

parari non possit à sensibili. Straronè Physicum referunt libellum quendam scripisse, quòd sensus sine mète esse non possit, quod præcipuum est fundamentum eorum, qui plus aut minus censent animalia omnia ratione participare. Itaq; huc controuersia vertitur, an possit esse sensus sine mente: si enim non potest, necesse est animantibus omnibus mentè concedere, aut brutis etiam sensum denegare. Videtur autem non posse mens separari à sensu, quandoquidem, vt Hippocrates dicit, qui parte aliqua corporis dolentes dolorem non sentiunt, iis mens ægrotat. Si igitur cum mens ægrotat alienatq; est, ita vt sensum organis intenta non sit, etiam si dolendi accedat causa, non sentitur, multò minùs sentiri possit res vlla alia earum quæ minùs violenter sensum pulsant, nisi adsit mens, quod etià in nobis ipsis experimur. Nam cum de re aliqua attentius cogitamus, plurima obuersantur ob oculos, & aures, quæ neq; videmus, neq; audimus. Si igitur animantia mète prædita, cum mens non attendit, non sentiunt, multò minùs sentire possent quæ penitus essent amentia. Quòd si amentia sentire non possunt, neque sensum possunt habere. Non potest igitur sensus esse sine mente. Ex hac, et si natæ sunt duæ longè diuersæ assertiones. Plerique enim eorum qui eam recipiunt, colligunt omnia animalia, plus aut minus esse mentis, & intelligentiæ participia. Quidam nostratum nuper, ne brutis concederet rationem, timens (arbitror) ne & immortalitatem eogeretur concedere, sensum etiam abstulit, negauitque vlli præter hominem esse sensum, sed quæcumque à brutis sensu quodam agi videntur, sympathia quadam & antipathia potius agi, & naturæ magis quàm animæ esse opera. Si itaque dicta thesis recipitur, duorum alterum sit, aut nulli præter hominem esse sensum, aut animantibus omnibus esse mentem, & rationem, quibus vtrumque videtur esse absurdum, negabunt non posse esse sensum sine mente. Qui soli homini sensum tribuit, difficilem possit adhibere interpretationem multorù quæ in sacris scripta sunt.

sunt. Nam, equo dicitur, *ubi audieris buccinam, dicit de Vah! Procul odoratur bellum, exhortationē ducū, & vllularū exercitus.* Rursū de Aquila: *Inde contemplatur escam, & de longē, oculi eius prospiciunt.* Neque solū Aquila & equus, sed & bos & asinus, stupidissima animalia, agnoscūt possessorē suū, & præsēpe domini sui, cap. 1. Esaiæ. Sed & opinio ipsa per se est absurda: nulla enim fides haberi potest sensibus nostris: proceditq; dubitatio vsque ad insaniam, si quæ cernimus intuitu quarundam rerum perterrita fugere: rursū quibusdam rebus allici, pulsata vociferari, amicitia & inimicitia leges obseruare, sensum vllum habere negauerimus. Proinde hac assertionis parte, quæ non longē abest à delirio, dimissa, alterā consideremus, An scilicet brutis ratio vlla insit. Videntur quidē inesse nulla, quia ratio consensu Philosophorū, destinatur ad virtutem: virtutis verō & vitij non videntur bruta esse capacia, igitur neq; rationis. Alij contrā, his obiciunt, multa animalium tam terrestriū quàm marinorum, quàm etiam volatiliū opera, quæ eadem si qui hominū faciūt, censentur prudentissimi, quin etiā homines ipsos quamplurima eorū ob quæ maximē laudātur, facere cœpisse illorū imitatione. Quo pacto igitur (dicunt) nō sit iniquū illis eam laudem detrahēre, quā nobis ex eorū imitatione assumimus. Præterea ad eandē facultatē perrinat bonē & malē aliquid facere. Non enim euenit malē videre auribus, aut malē audire oculis, sed vteunque videre oculorum est, & audire aurium. Igitur desipere, aut insanire, eiusdem est cuius sapere & bene ratiocinari. Nemo enim vocat lignū insipiens, quia scilicet sapere aptum non est. Videntur autē bruta nōnunquam decipi, quod quidem facit artē venādi iucundissimā, quia multis modis illis imponitur, etiamsi non paucis illa vtantur stratagematis ad vitandum insidias. Videntur etiam aliquando insanire, nam simia ebrietate corripuntur, & vt alios morbos quàm plurimos, ita hydrophobiam, seu tabiēm pati solent canēs maximē, sed & equus, bos, & asinus, & camelus, quem morbum Medici ponūt in maiora generibus, Si igitur bruta possunt delirare, possint & ratiocinari: nam delirium læsio rationis est. Cū igitur ex hac parte adeo vrgeant hæc, videanturque animalia ratiocinari, suo quodque gradu, & alia plus aliis (quis enim negat asinum stupidiorē esse vulpe, & Struthionem perdice;) alia verō ex parte videatur à dignitate generis humani plurimam abhorere, ratiocinandi vim cum omnibus animatibus habere communem. quid de hac quæstione statuendum sit videamus, Certē rationē aliquam esse brutis, negare non possumus citra proteruiam: alioqui non ineptius denegatur illi sensus, nam quæ

An ratio
sit brutis.

Quæ ani-
mā ra-
tiōem pa-
tiantur.

Bruta quo
à nostra
ratione
differant.

quæ alia ratio est agnoscendi facultates quàm per actiones, quàm per opera? Vt igitur quia clamoribus terri, ac fugari videmus capreas, concedimus eas audiendi facultate esse præditas, ita videntes lepores metu imminentis periculi transferre suos fœtus, & canem spe capturæ, & cibi nondum præsentis, insidias struere, necesse est concedamus prudentiæ quandam vim illis inesse. Nam ipsum prouidentia vti nihil aliud est, quàm nondum præsentia pericula præcauere, & quæ euenire possunt bona, mediis apposis procurare. Sensus enim præsentium solum est, multis tamen constat argumentis, hanc brutorum rationem longè diuersam esse ab humana mente, neque maioris vel minoris solum ratione differre, sed ipso rationis esse, atque ita vt rationis & rationalis nomen de vtrisque non vniuocè dicatur, sed analogicè. Primum quidem, quia mens humana, natura sua & ex sese nata est ratiocinari simpliciter, & circa quiduis. Studio enim & exercitatione fit hic strenuus Medicus, ille Imperator, alius venator, alius agricola, faber alius: rursus hic Physica meditat, ille Mathematica, ille etiam Theologica. posset qui nunc Medicus, si didicisset, esse non minùs strenuus Theologus, & qui nunc Theologus, Imperator, aur agricola. Nimirum ingenij acies est, authore Platone, velut oculus tornatilis, mentis inquam oculus, qui se possit, quoquò velir vertere, brutorum verò nullum ratiocinari natum est, nisi circa quiddam, quò scilicet naturali quodam instinctu fertur. Scit enim canis leporem quærere, & pernici insidiari, sed nescit lectum sternere, aut specum fodere: lepus contrà, lectum sternere, & cuniculus non sine magna arte domum sibi facere subterraneam, neuter verò seir ex venatione viuere, neque sanè hoc canis, aut illud lepus, doceri vlla ratione potest: igitur homo simpliciter rationalis est, brutorum quoeunque circa quidpiam. quapropter non simpliciter, sed quodam modo, & analogia quadam. Pætereà homo deliberat & consultat de iis quæ facit, non enim solum cogitat, quo modo possit hostem interficere, sed priùs etiam, an expediat interficere, reliquorum verò animalium nullum. Nunquam enim felis consultauit de ignoscendo muri, aut canis de innocentia circa selem, nimirum nullum horum operatur ex arbitrio, sed ex naturali propensione Vnde (dices) nosti inde certè, quòd quæ eiusdem generis sunt, omnia sunt sui similia, faciuntque eadem. Non enim vt hominum alius est eruentus, alius innocens, atque idem homo hodie mitis, eras crudelis, hodie iustus, eras iustitiæ contemptor, ita felis hic mures scatur, illè erretur, aut hodie eis vescitur, eras illis ex suo tribuit,

buit, sed idem semperve faciunt omnes, quod evidenti argumento est non ex libertate vlla, aut arbitrio, sed ex natura eorum operationis, & intelligentiam fluere. Nimirum natura eadem est, similibus, atque eisdem semper, voluntas non eadem. Huc respexit Hippocrates dicens, naturam nullo doctore vti. Nimirum quæ natura sunt, neque ex doctrina, neque ex meditatione procedunt, sed ex quadam popensione, quapropter qui ab homine tollit liberum arbitrium, nihil aliud quàm bellum ipsum facit. Cùm igitur propriè ratiocinari non sit utcumque facere aliquid cum præensione finis, sed consultare cum electione medicorum, & aliorum cum aliis collatione, idque brutis non insit, constat hominem solum esse rationale animal propriè, reliqua non nisi analogia quadam. Præterea nihil eorum de quibus ratiocinatur aliorum animalium vllum est incorporeum aut æternum, sed omnia sensibilia, & caduca, nam de quærendo victu, de incundo coitu, de nutrienda, & conservanda prole, de fugiendo dolore, de vita valetudineque tuenda, de corporeis verò, & diuinis, aut de immortalitate, nulla illis subest cogitatio. Quis scis? dices, quia nullus illis Dei cultus, nulla cura iusti & æqui, nihil faciunt ad adipiscendam immortalitatem: sed solum ne tunc moriantur. Sed & hoc quis sciam, interrogabis. Quia nullis ea videmus nominibus inclinari, nulla vindicta criminum vti, nullis virtutum præmiis. Neque verò possent sine communibus legibus, neque sine legum peritiis, neque hæc sine sermone quem videmus illis negatum esse à natura qui sanè naturæ est adeò coniunctus cum ratione, ut meritò Græci idem nomen utrique dederit, λόγος vocantes, & rationem & sermonem. Non igitur bellæ ratiocinantur simpliciter, sed quodammodo, de sensibilibus solum & caducis. Vnde fit, ut etsi animalia omnia quodammodo ratiocinentur, immortalitatis verò participem animam ea solum habeant, quibus de immortalibus cogitandi naturale principium est. Non enim posset ille impetus ferendi in immortalia, nasci ex meritis mortalibus. Quapropter ignorantissimi sunt qui timent, si sensum cum quadam ratione brutis tribuant, ne illa donent immortalitate, & qui, quia bruta ratione quadam pollent, vocent in discrimen humanæ mentis immortalitatem. Non enim quia ratiocinantur utcumque, immortales esse homines cognoscuntur, sed quia incorporeis, æternis, & diuinis. Atqui profectò nisi belluinam haberent stupiditatem, vel ex hoc solo quodd de immortalitate disputant, agnoscerent esse sibiipsum aliquid immortale. Nam quis posset magis quod mor-

Bruta quo
modo ra-
tionalia.

Immorta-
litatis ar-
gumentū.

rale, agnoscere immortalitatem, quàm oculus sonos, aut colores auris? Num igitur homines si omnes essent sine oculis nati, in dubitationem vocare possent, an essent illi colores? an differt minùs incorporeum & immortalium natura à corporeis & caducis, quàm colorum natura à sonis, & odoribus? longè autem abest, ut quia delirare possunt, rectè colligas habere mentem humanæ similem: nam ne homines quidem delirant secundùm eam mentem quæ illos separat à brutis sed secundùm internos sensus quos cùm illis habent communes, imaginationem inquam, & sensitivam rationem,

Phrenitis.

quam nonnulli vocant cogitativam, alij æstimativam. Nam cùm phrenitis & melancholia morbi sint corporales affectiones, non possunt per se lædere nisi facultates corporales, mentem verò læsio non attingit, nisi ex accidenti, quia scilicet dum in corpore est, sensibus utitur. Delirare itaque possunt bruta ob imaginationem, & ob eam quàm habent rationem, quoniam eam quæ propriè ita nuncupatur, & liberam delirandi vim non habent, neque virtutis neque vitij sunt capacia, neque poenæ, neque præmij digna: nimirum operatio secundùm virtutem ex deliberatione procedit. Hanc ipsam ob causam neque veram sapientiam habere possunt quia vera sapientia nunquam separatur à virtute. Est enim sapientia, ut

Quis sapientie capax.

Sapientia quid.

in sexto Ethicorum, & primo Metaphysicorum dicitur, scientia rerum honorabilissimarum: huiusmodi sunt quæ diuina, æterna, & verè bona, quapropter qui circa hæc non fallitur, is sapiens est. Quod cùm homini nisi Dei beneficentia contingere non possit, constat sapientiam à Domino Deo esse, ut in initio Ecclesiastici dicitur, atque ut in 3. eiusdem, filios sapientiæ esse Ecclesiam iustorum. Vera itaque sapientia est, quæ per veram fidem comparatur diuinatum rerum notitia cum meditatione diuinæ legis. Quandoquidem igitur, ut est indicatum, brutorum natura horum capax non est, non sine magna proprietate dicitur in præscripta oratione: *Quis posuit in visceribus hominis sapientiã, vel quis dedit gallo intelligentiam?* Nimirum animalium solus homo sapientiæ est capax, quia is solus habet delectum boni, & mali, & rerum diuinatum cognitionem, reliqua intelligentiam quamdam rerum minimè diuinatum, de quibus, ut indicatum est, naturaliter etiam ratiocinantur, non tamen cōsultant cum deliberatione. Volens igitur Deus, in sui cognitionem trahere hominem interrogat: *Quis posuit in visceribus hominis sapientiã;* hoc est, in humana mente noticiam diuinorum, & scientiã boni & mali; ut scilicet homo intelligat, non alium quàm Deum fecisse hæc, eadem enim est

inter

interrogatio, & illa Psal. 4. *Muli dicunt, Quis ostendit nobis bona? signatum est super nos lumen vultus tui Domine.* Hoc est, multi dubitantes interrogant, Quis ostendit nobis bona, hæc inquam esse bona, & facienda, illa mala, & vitanda, aut quæ est regula dignoscendi bonū & malum? Re vera regula & ratio est voluntas Dei: nam cum is sit primum & summū bonum, nihil possit in hac vniuersitate bonū esse, nisi quod ei sit conforme. Porro cum Deus primum principium omnium, nihil potest esse bonum quod non ametur à Deo antequam ab alio quopiam; amor igitur Dei est regula bonitatis veræ, & nomine vultus Dei significatur æterna eius voluntate. Naturalis verò Lex, est significatio diuinæ voluntatis, quam Deus ipse nostris mentibus in seuit, vocaturque proinde lumen vultus Dei: atque hoc ipsū est, ponere in visceribus hominis sapientiā. Itaque Deus posuit sapientiam in visceribus hominis, signans super nos lumen vultus sui: gallo verò & reliquis animantibus dedit intelligentiam. Hanc galli naturam mirati sunt omnes quide animālū historia scripserūt. Plinius cap. 2. lib. 10. ita inquit: *Proximè gloriam sentiunt, & hi nostri vigilēs nocturni, quos excitandi in opera mortalibus, rumpēdoque somno natura genuit, norunt sydera, & ternas distinguunt horas interdiu cantu: cum Sole sunt cubitum, quartaque castrensis vigilia ad curas laboresque reuocant, nec Solis ortum incautis patiuntur obrepere, diēque venientem nuntiant cantu: ipsum verò cantum plausu laterum imperitant suo generi, & regnum in quacunque sunt domo exercent, dimicatione patitur hoc quoque inter ipsos, velut idē agnata tela cruribus suis intelligentes. Nec finis sapē commorientibus. Quod si palina contingit, statim in victoria canunt, seque ipsi Principe testantur, victus occultatur silens, agreque seruitium patitur.* Hæc Plinius de galli intelligentia, qui (res mirabilis) videtur habere sensum gloriæ & principatus, & notitiam motus cœli, ac siderum, siquidem ternis horis canit interdiu, & quarta vigilia castrensis, hoc est, exactis tribus noctis horis, & iterum iam iam aduentante die. Indicet mox Dominus, non posse esse alium quàm Deum, qui hanc intelligentiam dederit gallo, dicens, *Quis enarrabit cœlorum rationem, & concentum cœli quis dormire faciet?* quasi diceret, constat non potuisse tribuere gallo hunc sensum temporum, nisi qui perspectum haberet exactē cœlorum motum, hunc autem quis habebit? aut quis enarrare exactē poterit rationē motus cœlorum? quasi dicat nemo, nisi qui eis rationem posuit qui que poterit sedare eius cōcentum cum voluerit, quem scilicet ipsemet excitauit in ipsa mundi creatione, quando fundabatur puluis in terra, & glebæ compingebātur. Ex his facile est intelligere,

Lex naturalis quid.

Gallū galinacei natura.

quàm arroganter Astrologi, quæ ad rationem illorum motuum spectant affirmant, quasi ipsos nihil eorû quæ ibi geruntur lateat, cum tamen, ut absunt illa longè à nostris sensibus, difficillimum sit, ut inquit Aristoteles, quidpiam de ipsis pronuntiare Laudandi tamen sunt ob eximiam diligentiam, quæ cum Mathematicarum peritia tam multa sunt assequuti, vituperandi verò nisi intelligant eise longè plura quæ ignorentur, neque exactè illorum quidpiam ab alio cognosci posse, quàm ab eo ipso qui (ut Platonis utat verbis) *dies & noctes, menses, & annos, qui ante cælum non erant tunc nascente mundo nasci iussit.*

Annorum
supputa-
tio.

Quod vel inde facile est intelligere, quòd annorum alia est supputatio apud Ptolomæum, alia apud Alfonso Regem, alia apud Copernicum, quasi peritissimis eorum exactam computationem motus Solis, qui cœlestium omnium videtur esse regularissimus, & evidentissimus, nondum tenentibus, aut ipsis annis non semper æqualibus, sed inuicem ob causas nondum perspectas variantibus. Vix vlla ætas est, qua non inducant Astrologi nouam aliquam hypothesim, & motum alium, aliudve corpus ponant, quod euident est argumentum incertitudinis. Quid ergo? num verisimile est gallum nosse sydera, & ternis horis distinguere eorum motum? Non sanè, nam etiam si, ut ibidem inquit Plinius, ea sola volucrum cœlum aspiciat crebrò, minimè tamen notare sydera potest, cum earum cubitum cum Sole, sed necesse est naturalem habeat aliquam cum cœlo sympathiam, quia ternis horis ita afficiatur, ut latera sua pulset, & cantet. Quantò verò ipse minus potest quos distinguit cœli motus agnoscere, tantò maiori sapientiæ eius qui fecit, argumentum est Magis enim miramur gallos quarta hora castrensi excitari ad cantum, quàm Monachos media semper nocte, tamen si muldò minùs à sua hora deerrent. Verùm in his agnoscimus studium, & curam, in illis sine vlla institutione solam naturæ vim. Quare cum illorum peritiam non agnoscamus, superest ut ad peritiam authoris referatur, velut quòd horologium motu gnomonis, & pulsatione cymbali, metiatur & distinguat nostra tempora, refertur ad peritiam artificis. Vel ex hoc igitur constat, eum qui dedit gallo hanc naturam, rationem cœlorum, & motus syderum exactè tenere Is cum esso non possit nisi qui fecit cœlum & terram, constat enim ut maximum, & optimum, ita esse & sapientissimum. Quapropter nemo possit cum illo contendere. Quod dicitur, & *consensus cœli quis dormire faciet?* ad Pythagoræ dogma videtur spectare, censentis cœli motu cieri maximum, eumque suauissimum & pulcherrimum concentum. Verùm quia (nisi quid hîc est, quod

Harmo-
nia cœle-
stis.

quod non intelligam) cœlorum motu, nullus sonitus cieri potest, cum is passio aëris sit, satius est nomen concentus (ut placet Diuo Thonæ) accipere metaphoricè pro motuum illa mirabili proportionē. His dictis transgreditur ad alia: *Nunquid* (inquit) *capies leana prædam?* quod quidem & multa alia quæ sequuntur, bonitatis & providentiæ Dei circa animalia præstant argumentum, quæ, quia in iis quæ maxima premuntur indigentia, aut maximè destituta sunt, aut minimè proprio vel alieno omninò iuvare possunt, præcipuè agnoscitur, talium proferi Dominus exempla. Leo voracissimum animal est, tamen cum liberè deerrat & diuagatur per sylvas, non est ad eò mirum prædam capere quæ sibi possit esse satis: tamen leonæ cum cubat in antro, ne catulos suos deserat, quis potest escas suppeditare, quibus eius & catulorum (qui etiam sunt valdè voraces) impleantur animæ & satientur? Nunquid (inquit) tu capies leonæ, quam præstes, prædā, & implebis animam, hoc est, satiaabis appetitū catulorum eius: quasi dicat, non. Sed illud est opus providentiæ Dei, qui dat escā omni carni, & implet omne animal benedictione & abundantia. Addit aliud exemplum appositissimum, eorum qui destituti sunt, dicens, *Quis præparat coruæ escā suam quando pulli eorum clamant ad eum vagantes, eò quod non habeant cibos?* quod idem in Psalmo 146. ita est scriptū: *Qui dat iumentis escam ipsorum & pullis cornuorum innocantibus se.* cuius loci interpretes narrant, coruos pullos suos adhuc deplumes destituere in nido, neq; nutrire vsque dum nigrescant, quod suos esse non ante agnoscant; vel ut alij existimant, quod sint ad eò obliuiosi, ut redire in nidū non recordentur. Interim ergo illos, omni destitutos ope clamate quasi Deum inuocantes, & nutrirī cœlesti rore, aut præteruolantibus muscis, aut vermiculis in nido genitis. Cæterū quia non inueni hoc apud veteres naturalis historiæ scriptores (etiamsi id dicat Diuus Gregorius in Moralibus, & quia illa vox, *vagantes*, in eiectos iam nido magis fertur, quàm in eo manentes, existimo hīc innui, quod Aristor. & Plinius, & Aelianus testatur, coruos in locis arctioribus, & ubi non satis cibi sit pluribus, duos tantū habitare, atq; pullos suos ubi primū volandi potestas est, nido eiicere, ac regione tota expellere, cum tamē reliquæ volucres, aliquandiu postquā volare cœperint, cibos suis pullis præstet, infirmioribus scilicet adhuc, quàm ut ipsi sibi comparare possint. Quoniā igitur coruorū filij infirmi, & venandi imperiti fugantur, & destituuntur, nihil possunt aliud, quàm huc & illuc vagantes, querulos clamores in aërem fundere, quod nihil est aliud, quàm ipsum seruum omnium parentem Deum naturaliter inuocare. Cuius

Leonæ
natura.

Coruæ m.
dificatio,
& de eius
pullis
multa
præclara;

qua in re potest ben ignitas illucere magis, quàm quod ne cui quidem animalis infaustissimi & despiciatissimi, pullos in tanta constitutos inopia perire sinit? Hoc fortasse dixit Dominus Iob, ne tamen si fortunis omnibus priuatus, & orbatus filiis, & oppressus grauissimo morbo, & à familiaribus destitutus, ab amicis etià & vxore ludibrio habitus, de diuina ope dubitaret, aut se putaret penitus derelictum. Addit: *Nunquid non isti tempus partus ibicum in petris, vel parturiētes ceruas obseruasti? dinumerasti menses conceptus earū, & scisti tempus partus earū?* & cetera quæ etiam vt priora spectant ad prouidentiam Dei. Hæc vt homini indicet, profert in medium animalia agreslia, & quæ per se se vitam agunt liberam in abruptis montium præcipitiis, aut secretissimis saltibus, quibus tamen neque ad generationem, neque ad alimentum deest quidpiam. profert verò hæc potius, quia equorum, iumentorum, & domesticorum suorum, & gregalium animalium cura & procuratio, ad hominem videtur pertinere, vt ad hipparchos, muliones, agricolas, & pastores: ibicū verò, ceruorum, onagrorū, & rhinocerotum, nulla est humana procuratio. Neq; enim habent admissarios ad iucundum coitū, vt equi & asini, neq; à pastoribus adiuvantur cum pariunt vt oues ac capræ, atque cum opus est, vaccæ, neque præsepia illis, vt his parantur, neque aguntur ad pascua, tamen nihil illis deest. Quapropter cum *ἀλογα* sint, necesse est, fateamur illorum vitam & prolem, ad aliam causam quæ sit prudentissima pertinere. Cuius quidē diuina prouidentia eò nobis mirabilior videri debet, quod non vno, sed pluribus, atque adeò contrariis nonnunquam modis prospicit. Quibusdam enim intelligentiam tribuendo, aliis hanc ipsam detrahēdo, atque utroque modo utrorumq; cōsulit incolumitati, ita vt utrunque summæ ipsius sapientiæ argumentum sit. nam ibicis & ceruæ intelligentiam tribuit illi quidem, vt in summis montium cacuminibus & inaccessibilibus petris pareret, huic, vt successus feris habitatos relinquens semitas vestigiis humanis tritas caueret, & nō utraque suo modo sibi prospiceret, ibis quidem conscendendi difficultate homines æquē ac feras virās, cerua, vt securi sint à feris hominis benignitati suos committēs fœtus. Neque harū alterutra facit insipientes, sed utraque, quod sibi magis ex vsu est. Ibices enim sunt tantæ pernecitatis vt quæ sunt aliis inaccessa, possint facili occupate, de quibus Plinius hæc scripsit: *Sunt ibices pernecitatis mirāda, quamquā onerato capite ite vasis cornibus, gladiorūque vaginis, in hac se librant, vt tormento aliquo rotati in petras, potissimum è monte aliquo in alium transilire querētes atque indultia. recessu pernecius quod libuerit exultant.* Cerui agnoscunt hominū clemen-

Ibicum
natura.

Ceruorū
indultia.

elementiâ, & (vt idē scribit Plinius) urgente vi canū, vltra confugiunt ad hominem. eadem prorsus causa eos minū timent ad quos & confugiunt, proinde eorum vestigia pro fortibus suis non deuitant, tametsi eorum quæ ad partum spectant & prolem, scēminæ sunt prouidentissimæ. nam & ante partum sese herba Sefeli vocata purgant, faciliore ita videntes vtero (Dioscorides de Sefeli scripsit, capris, cæterisque pecudibus datur in potu, quo facilius suos fortus enitantur) & à partu habet duas herbas, Aron & Sefelim, quibus postea redeunt ad fœtus. Narrat Plinius & ante illum Arist. editos fœtus exercent cursu, & fugam docent meditari (qua scilicet animal natura timidum maximè indiget) ad prærupta ducunt, saltūque demonstrant. Itaque duobus his generibus, intelligentia prouidit Deus: Struthiocamelo autem stupiditate, & obliuione sui partus. Id animal cū pennas habeat non minū quàm Herodius. siue Ardea, quæ in adeo sublime volatur se extollit, tamen volare omninò non potest, quia tanta corporis mole est, vt magnitudine æquet equum & insidentem ei hominem: vitur verò alis velut explicatis velis ad currendum, quod facit tanta pernecitate, vt concitatissimum etiam equum præteregrediat, qui videtur vtraque ratione equum & ascensorem deridere, quod scilicet circa volatum suis pedibus insistens, & magnitudine & celeritate vincit. Est verò hoc adeo gloriosum animal, & formationis adeo raræ, vt ambiguū sit ad volatiliū an gressiliū spectet genus exiguo capite, cerebro penè omninò caret: vt autē cerebro, ita & intelligētia, est enim in procuranda prole (quæ maxima est alogorum intelligentia) adeo stupidum, vt derelinquat oua sua in terra, & obliuiscatur quod pes hominis possit conculcare, ea & bestia agri possit conterere. Duratur ad filios suos quasi non sint sui: ita enim illorum obliuiscitur crudelis scilicet in prolem (nam & cap. 4. Threnorū Hieremiæ dicitur, *Filia populi mei crudelis quasi struthio in deserto*) neq; recordatur laboris quē patiēdo subiuit, sed quasi frustra laborauerit, destituit. nullo timore cogente ad eorum custodiam. Nihil enim præ stupiditate, obliuione & crudelitate filij sui timet, neque cauet, quapropter frustra quidem laborasset, nisi Dens omnium parens, sua prouidentia seruaret. Hæc cū (Deo ipso asserente) vera sint, constat falsum esse quod multi affirmant, Struthiocamelum ardentissimè amare suam prolem: oua verò sub arena Lybica relinquere Solis calore fouenda, neque ipsam more aliarum auium incubare, ne mole corporis comminuat grādiō multo cū sit, verū crebro reuerti, atque eò versus spectare ad custodiam ouorum.

Partus in-
uantia.Struthio-
cameli
natura.

Nam quo pacto hoc non sit falsum, siquidem præ obliuione illa destituit. Neque minus mihi videtur esse falsum, quod *Ælianus* de eius captura narrat, immittere inquam sese in spicula acuta expansis alis, præ ardenti pullorum amore. Nam quo pacto adedò ardens amor pullorum ferre posset tantam obliuionem, & crudelem negligentiam ouorum? Putauerim potius, si quando ita capitur, & in spicula vltro impingi, præ stoliditate id facere, quia priuauit illum Deus sapientia, neque dedit illi intelligentiam. Quid verò, nunquid non satius est oua in ardente arena deponere, quàm demissa in illa tanta mole frangere; satius certè. Id verò non est sapientiæ *Struthionis*, sed Dei, qui, vt nuper dixi, illius animalis prouidit proli, illi detrahendo intelligentiam, & amorem, *Struthione* enim præ stupiditate, credulitate, obliuione, & veluti veterno quodam, destituente prolem, euenit quod illis ex usu est, vt *Solis* colore extrudantur pulli, neque matris suæ corpore onerantur, tanta est Dei Opt. Max. sapientia, vt quorundam etiam stupiditate & crudelitate, in eorundem custodiam vti sciat. Deinde profert Dominus exemplum intelligentiæ insignis & fortitudinis, equum scilicet, cuius tanta est belli intelligentia, tanta audacia, tantus furor, vt fortissimè irruat, & iubæ, quam habent circumdatam collo, erectione, & hinnitu, ac fremitu, per turmas irruentes vt locustæ, & instantes nares, hostes deterreant: terram ungula fodiunt, exultant audacter, pergunt armatis in occursum, neque pauent, neque cedunt gladio. Sonantibus super ipsius pharetris & hastis vibratis, & fulgentibus clypeis, non solum non tectentur, sed multò magis irritati, feruentes, ac frementes, sorbent naribus terram, neque reputant tubæ sonare clangorem, hoc est, neque clangore tubarum, quæ ab aduerso sonant, terrentur, intelligentiâ habent belli & audientes buccinam, quæ ipsos ad prælium vocat, dicunt Vah! hoc est, exultant, & odorantur procul bellum & intelligunt ducum exhortationem, & vllulatum exercitus. Hæc valde consonant cum iis quæ *Ælianus* his verbis scripsit. Equus cum fræni crepitum, & strata, & cætera ornamenta videt, tunc fremit, & exultans ungularum suppositione obstreper, & eorum conspectu, quasi furoris afflatu ad iter incenditur, voce equisonis excitatur, & aures erigit, & naribus inflatis celerem festinationem anhelat, quodam incredibilis cursus studio ad currendi memoriâ rediens. De docilitate eorû, ad prælia, inter alia multa hæc inquit *Plinius*: *Docilitas tanta est, vt vniversus Sybaritanus exercitus equitatum ad symphonia cantum saltatione quadâ moueri solitus inueniatur.* Videtur ergo quod in præscripta oratione dicitur:

Equi natura.

dicitur: *Nunquid suscitabis equum quasi locustas*; referri posse ad motum hunc cum quadam saltatione, & ad copiosas turmas. Vtrumque enim locustis congruit. Rogat ergo Dominus: *Nunquid præbabis equo fortitudinem, aut circumdabis collo eius hinnitū? nunquid suscitabis eum quasi locustas*? quasi dicat, non sanè tu illi hanc bellī intelligentiam & fortitudinem præstare posses, neque ipse sibi accipere potiùs quàm bos, aut asinus, aut ceruus, sed necesse est referas hæc ad vnum omnium conditorum, qui vt est primum ac summum bonum, omnibus sua cuique bona impertitus est, atque virtutum omnia symbola in diuersis expressit naturis, deditque omnibus intelligentiam. Quæ cuique maximè esset ex vsu. Exemplo sunt præter dicta, Accipiter, & Aquila. Accipiter ab accipiendo dicitur. Quapropter omnibus auium generibus. quæ ex raptu viuunt, videtur id nomen congruere, vt & Aquila etiam & Miluus, & aliæ omnes rapaces eo possent gaudere. At verò vsu effectum est, vt non omnibus, sed cuidam auium generi detur, quod, auctore Aristotele, non minùs quàm decem habet differentias, vt autem antiqua nomina hæc sunt (Triorches, Æsalon, Circus, Asterias, Pernes, Phasonus, Suburtheo, Chalcis, Prinx, Cheneris) non facilè singulis accomodantur, nunc vbique (quod de solis quibusdam, & cuiusdam Traciæ partis hominibus, ab Aristotele traditur) communi cum hominibus inita societate aucupantur. His enim ad aliarum auium capturam homines vtuntur, & prædæ particulam illis communicant, vocantur vulgaribus nominibus, Alcyones, Primulæ, Aleorani, Torseli, Gerifalti, Vafarces, Capallani, & alia eiusmodi. Velle singulis sua nomina ex antiquis reddere coniectando, operosum esset & ambiguum, & ad nostrum institutum minimè necessarium, illud solum præsentis loci est, nosse eas aves, verè plumas commutare, ac ea commutatione quodammodo inuenescere, vt & serpentes commutata pelle, & cerui commutatis cornibus ac ferè iumenta omnia pilis. Cùm igitur Accipitres oporteat singulis annis deplumescere, illi à natura ipsa docti, eo ipso tempore expandunt alas suas ad Austrum: quia (arbitror) is ventus laxat corpora, contra ac Aquilo, qui densat: laxata igitur cute amplioribusque factis poris, faciliùs excidunt plumæ. Aquilarum quoque censetur multa genera, sex ab antiquis, inter quæ Halietos quæ clarissima pollet oculorum acie, librans ex alto sese, & viso in mari pisce, præceps in eum ruit. Hæc eadem Aquila, implumes etiamnum (vt testatur Plinius) pullos suos percutiens, subinde cogit aduersos Solis radios intueri, & quem conuientem nictantemque animad-

Accipitrū nauis
ra.

Aues rapaces

Aquilarū
genera.

nerit, nido eiicit tanquam adulterinum, & degenerem. Neque verò ad pisciculum solum sese demittit. sed ad lépores cuniculos, & alia animalcula quæ diripit, ac deuorat. Pulli verò eius lambunt sanguinem: ipsæ verò Aquilæ ad cadauera congregantur, vt & corui, & quæ ex Aquilis videntur degenerare, Ossifragæ. Ex mirabili ergo etiam Aquilæ natura, volens Dominus omnium agnosci, inquit:

Nunquid ad praeceptum tuum eleuabitur Aquila, & in arduis ponet nidum suum? in petris manet, & in praeceptis filicibus commoratur, atque in accessis rupibus inde contemplatur escam, & de longè oculi eius prospiciunt. Pulli eius lambunt sanguinem, & ubicunque cadauer fuerit, statim adest. Quod quidem carnioris omnibus est commune, omnium tamen maximè generi coruorum congruit, quæ ob eam causam habebitur infausta auis, vt scilicet demortui corporis indicium.

Aues in-
fausta.

C A P V T LVI.

Illa verba Iob. c. 38. *Quis enarrabit cælorum rationem, & concentum cæli quis dormire faciet?* videntur plurimum adstipulari illi Pythagoricæ sententiæ de cæli concentu, & musico sonitu. Videbantur enim Pythagoræ cælorum orbes moueri ad numerum, atque mira quadam proportionione choreas agere; inde ergo verisimile esse, diuinum quendam suauissimumque concentum nasci, eò (arbitror) quòd omnia sint in hac vniuersitate facta in numero, ac proinde pulchra: omnium autem corporum pulcherrima esse videantur cælestia; pulchritudo vero post illa quæ in conspectum cadunt, in concentu maximè reperiri possit. Hanc sententiam sequutus etiam est Cicero in Somnio Scipionis. Quam tamen Arist. cap. 9. secundi de Cælo, refutauit non temerè, sed in mediū productis Pythagoreorum rationibus, réque vtrinque satis examinata, illis (inquit) videbatur necessarium, tantorum corporum tam celeri latione sonitum edi, eò quòd minorum corporum minus celeri latione hic apud nos sonitus ciatur. si autem omninò editur cælestibus motibus sonitus, cum sint corpora magnitudine ad eò diuersa, & celeritate, proportionè tamen quadam, necesse est edi diuersos ac curie & gravitate sonitus cum quadam proportionè, vnde necesse est oriri quendam concentum.

De cæle-
sti harmo-
nia contra
Pythago-
ram.

Pythago-
ricæ har-
moniz
confuta-
tio.

Hæc quidem opinio plausibilis est; si quis tamen rem exactè
pen

pendat, minùs vera. Nam si sonitum edunt cœli, eum oportet esse maximum; cur ergo non audimus? respondit Cicero, quia absurdum præ sonitus magnitudine, ut qui habitant ad Nili ortum. Aristoteles pro illis respondet acutiùs, quoniam ex quo nascimur, hic sonitus citra ullam intermissionem comitatur, non potest dignosci. Nam contrarium agnoscitur ex contrario, atque sonitus ex silentio, & silentium ex sonitu. Sed cur audimus aliud quidpiam? cur non tam excellens sensibile corrumpit penitus sensum? Neque solùm hoc, sed cur non præter sensum nos quoque totus atterit & perdit? quin & alia omnia corpora? Nam tonitrua sæpe (quæ tamen illi sono nunquam possunt comparati) domos faciunt tremere, atque solo prosternunt, frangunt lapides, & robustissima quæque corpora scindunt: non igitur cœli sonitum illum edunt. Præterquam quod, neque si aliter consideremus, videtur fieri posse, nam sonitus est passio diuerberati, aut discussi aeris, vel corporis spiritalis, & tenuis: at verò orbis cœlestes nullum inter sese aërem habent quem comminuant; nullum igitur sonitum suis circuitibus possunt edere. Ipsa verò stellarum corpora, siquidem per se non feruntur, sed cum orbibus quibus affixa sunt, multò minùs. Nullus igitur sonitus edi potest à cœlestibus corporibus, si cœli ipsi, velut antea indicauimus, solidissimi sunt & lenes, nihilque aëris, aut omnino substantiæ alienæ intercipiunt, astra verò ut quædam eorum partes, feruntur cum illis. Sed neque si cœlorum substantia tenuis est, ac velut fumus quidam, ut aliis placet, sonitus ullus sit, si astra cum illis feruntur, quæ enim ita feruntur, quia medium non secant, sonitum non edunt. Solùm igitur superest, fieri posse ut sonent, si cœli substantia tenuis est, & quiescit, atque per eam quiescentem feruntur astrorum corpora prægrandia & solida: hoc verò fieri non potest, nisi etiam cœlorum substantia sit ortui & inritui obnoxia: sinderetur enim, densabitur, rarefceretque, sed hoc si ira haberet, ederetur profectò sonitus secundum corporum magnitudinem, & lationum celeritatem, tantò omni alio eorum qui apud nos nunquam auditi sunt, quantò illæ, & magnitudines & celeritates, his sunt maiores. Dissiparentur ergo hæc ab illis, non solùm nostri sensus corrumpereantur. Itaque conuertentes argumenrum dicimus, quandoquidem talis sonitus non editur ab astris, ea non moueri per se in æthere tenuis: sed vnicò eodemque argumento constare, & cœlos esse solidos, & astra cum illis ferri, & nullum à cœlestibus corporibus edi sonitum, quare neque concentum. Quod si ita est, constat concentum vocari in libro Iob à Domino (eius enim sunt illa

Surdi ex
vehementi
sonitu.

An corpo-
ra cœle-
stia sonitu
edant.

verba

verba) per metaphoram: illam motuum maximè continuatam proportionem. Nimirum in ipsis moribus, vt & in sonitibus sunt concinnae quædam & aptæ proportiones inuicem comparabiles, vt videre licet in iis qui salant ad numeros, cantus, & musicos sonitus. Illas igitur aptissima cæli choreas vocat Dominus concentrum quem ipse dormire faciet, cum scilicet faciet post temporalem huius sæculi volubilitatem; cælum in æternum quiescens:

CAPVT LVII.

PSal. 77. ita scriptum est: *Mandauit nubibus desuper, & igneus cæli aperuit. Pluit illis manna ad manducandum.* (patiens inrerpositis.) *Transtulit Austrum de cælo, & induxit in virtute sua Africum. Et pluit super eos sicut puluerem carnes, & sicut arenam maris volatilia pennata. Et ceciderunt in medio castrorum eorum, circa tabernacula eorum. Et manducauerunt, & saturati sunt nimis, & desiderium eorum attulit eis, & non sunt fraudati à desiderio suo, adhuc esca eorum erant in ore ipsorum; & ira Dei ascendit super eos. Et occidit pingues eorum, & electos Israël impediu.*

Mannæ
confide-
ratio.

Multi cēsent aliud fuisse illud quod filiis Israël pluit in deserto, ab eo medicamine quo expurgandi gratia vtimur aëreo; vocato melle & manna, cuius prouentus maximus est quotannis in Calabria, & in locis quibusdam Hispaniæ etiam raris annis gignitur, quandoquidem cēsent fieri non posse vt illo vescerentur, & nutrisentur, quin diffuerent potius penitus dissoluti ac laxati, Cæterū, ex descriptione mihi videtur constare; eandem omninò rem esse: nam, vt dicitur c. 11. Numer. *descendebat noctu in castra cum rore.* Argue (vt c. 16. Exodi) *apparuit in solitudine minimum, & quasi pilo iusum in similitudinem pruinæ super terram.* constat verò hanc esse ipsissimam generationem mannae qua ad expurgationes vtimur. Tamen si enim quidam putauere esse potius gummi genus, quod exsudaret ex arboribus, aut lacrymam, alij opificium quoddam vespærum, aut apum, aut muscarum quarundam intuenti tamen constare facile potest, esse rorem quandam crassiorē, maturationem quandam à Sole recipientem, & concretionem à noctis frigore pruinæ more, vespas verò & animalcula eius generis multas; allici eius dulcedine potius quàm efficere. si quid verò incisis corpicibus destillat, id imbibitum ligno esse rorem. Quo verò

in

In Exodo dicitur minutum, & quasi rufum, & in similitudinem pruinæ, in Numer. lib. *Erat quasi semen Coriandri coloris bdellij*, nihil est aliud quàm quod Mesues etiam dicit, his verbis : *Diuerſificatur autem ſecundum diuerſitates rerum*, Mannæ diuerſitas.
super quas cadit, cadens enim super lapides, est ſicut gutta parua qua congelantur, & ſunt ſicut germens & cadens super plantas, ſuſcipit de virtute plantarum, & eſt cum permixtione particularum foliorum & ſtorum. Ex ea qua ſuper lapides cadit, melior eſt qua eſt ſicut ſemen album, & dulcis, & eſt recens ; poſt iſtam verò in bonitate eſt, qua eſt ſubcitrina. Ex his verbis conſtat duplex eſſe genus mannæ, alterum cadens ſuper frondes, alterum ſuper lapides & tetram ſcilicet) inter hæc verò præſtantius eſſe quod cadit ſuper lapides, quia alterum ſuſcipit virtute plantarum (tametiſi vulgò pretioſior eſt quæ de fronde vocatur, quod quàm ſit verum ad præſens inſtitutum non refert) porrò conſtat quod ſimile eſt ſemini, eſſe quod ſuper lapides, idque eſſe grandioribus partibus quàm alterum. atque ſi ſimul album ſit, eſſe optimum : patum verò ab hoc deficere quod ſubcitrinum, ſcilicet colore bdellij. Eſt enim bdelliū colore vnguam, Bdellium.
hoc eſt, ab albo vergens in citrinum. Quod igitur vigefimo ſexto Exodi deſcribitur, *minutum quaſi pilo tuſum in ſimilitudinem pruna ſuper terram*, eſſe quod optimum : alterum verò quod quaſi ſemen coriandri, coloris bdellij, ſecundum tenere bonitatis gradum, conſentaneum autem eſt rationi in tanta copia, eſſe vtriuſque ſatis multum. Si autem hoc ita habet, vt ſanè videretur, quĩ fieri poterat, vt non laxatis ac diſſolutis corporibus perirent ? profeſſò ipſi ſentiebant hunc cibum eſſe leuem. Nam 21. Num. ita conquerebantur, *anima noſtra iam nauſeat ſuper cibo iſto leuiſſimo*, ac verò cibos leues, & qui ſolidam ſubſtantiam corporibus non tribuunt, medicamentâ etiam eſſe, atque expurgare. Hippocrates teſtatur libello de medicamentis expurgantibus, & fieri quidem poteſt, vt principio iſ cibis illis contulerit vt medicamentum, ad depouendam cacochymiam, quam ex eſu cucumerum, peponum, porrorum, cæparum, & aliorum, quibus multo tempore in Ægypto erant cibati, contraxerant : expurgatis verò iam, conſuetudo fecit idoneum, & ſuauem cibum. Si enim conſuetudo vel ex venenis poteſt cibum efficere idoneum, quantò magis ex cibis medicamentosis, accedente præcipuè Dei concurſu, quo non cibis ſolùm, ſed ſuauiſſimus etiam, & delectamentum omne in ſeipſo habens efficiebat ? Neque enim hunc eleuo, cùm naturales rerum cauſas inueſtigo, ſed laudo infiniam eius ſapientiam, qui ita omnia diſponit, vt etiam quæ ſunt portea

portentosissima, videantur bona ex parte secundum naturalem rerum ordinem euenisse.

Vt & cum populus querulus carnes posceret ad vescendum, arreptas trans mare coturnices detulit, auiculas scilicet, maximo agmine trans mare impelli solitas vento vehementi, atque volantes circa terram altitudinis tantum duorum cubitorum, ut ita facile omnibus caperentur. Vt autem transferret, abstulit Deus Austrum de caelo, & in virtute sua induxit Africum, ventum scilicet vehementem, & procellosum, de quo Virgilius primo *Æneidos*, *Vnâ Euris Notusque ruunt, creberque procillius Afrius*. esse verò hæc omnia coturnicū naturæ, & passionibus conformia, naturales quoque cognouerunt. Nam Plinius capite vigesimo tertio, libri decimi, ita inquit: *Coturnices*

Coturnicum natura.

*antè etiam semper adueniunt. quàm græves, parua auis, & cum ad nos venit, terrestris magis quàm sublimis. & paulo post, Austro non volant, humido scilicet & grauiore vento: aura tamen vehi volunt. propter pondus corporis. Rursû paulò post, Aquilones ergo maximè volant. Sed cur (dices) non induxit Deus Aquilonem, sed Africum? quia (arbitror) Afrius vehemètia est proximus Aquiloni, situ verò est proximus Austro, eùm sit inter hunc & Zephyrum, amat verò suauitas disponendi rerum causas, minimas commutationes. Accedebat situs locorum: si enim Afrius qui transuersum fiat iuxta Austrum coturnices in castra impulit, Boreas qui est è regione oppositus, expulisset potius. Hucusque igitur nulla vis est illata naturæ, sed secundum eius ordinem disposita omnia, velut etiam cum Deo visum est, populum ob pertinaciam punire, ille ipse carniū esus, quem tantopere expetierant, attulit perniciem multis, ut vocatus is locus sit, *Sepulchra concupiscentia*. Nam cum illi desueti iam cibis solidis, auidissimè sese carniibus repleuerint, comedentes vsque ad satietatem, ut odor carniū per nares expiraret, lethaliū morbis correpti sunt. Neque sanè parum ipsa carniū malignitas ad illorum perniciem effecit, coturnix enim venenis vescitur, vnde malignitatem aliquam contrahit, atque, ut Plinius loco citato dicit, eam ob causam easdam nauere mensæ. Narrat etiam Galenus in Doride Bæotiar, & Thesaliam, atque etiam Athenis, multos conuulsione correptos esse esu coturnicum, quæ veratro vescébantur. Rastus quoque & Isaac in suis diætis, & Auicenna secundo canonè, & alij omnes Medici qui illos sequuntur, maximè vituperant: adeò ut Apollonius dicat, carnes coturnicum omnium volatiliū carniibus esse peiores. Id quod iam dicunt, non ob helleborum solùm, sed per sese.*

Coturnicum monimenta.

Coturnicum cibum.

Horus

Horus Apollo Niliacus narrat eam fuisse Ægyptiis de co-
turnicibus opinionem, vt in hieroglyphicis eam omnis im-
munditiei & nequitie signum esse fecerint. Itaque hæc omnia,
Dei voluntate causas naturales dirigente, effecta sunt. Quæ
sanè nos admonent, ne cum quidpiam nobis siue commodi,
siue damni accidit, in Dei voluntatem referre recusemus, etsi
naturales rerum eiusmodi causas agnoscamus, quoniam om-
nia seruiunt illi.

Coturni-
ces hiero-
glyphicæ.

CAPUT LVIII.

PSal. 93. ita dicitur: *Qui plantauit aurem non audiet; aut qui
fixit oculum, non considerat.* Verba hæc continent argumen-
tum quoddam aduersus eorum sententiam, qui Deum esse om-
nino negabant, aut si cui rei id nomen tribueretur, eam non esse Deū esse
intelligentia præditam, neque omnino vlla cognitione, sed vt probatur.
Solem, & Lunā, & Stellæ, & ipsum primum Mobile esse intel-
ligimus, causas quidem eorum quæ in hoc generabiliū & cor-
ruptibiliū orbe geruntur; ipsas verò per sese nihil horum
quæ efficiant intelligētes, efficientes enim nulla electione, aut
voluntate, sed naturali quadam vi, aut potentia. Fuerunt verò
in hac sententia (ne quis aliter putet) plurimi Philosophorum.
Nam, vt refert Plutarchus libello de Placitis capite septimo,
Diagoras Milesius, Theodorus Cyrenensis, Euenerus Theage-
tes, Deos prorsus nullos esse censuerunt. Euripidem quoque
fuisse eiusdem opinionis, inquit, dissimulasse verò metu Areo-
pagitarū, inducentem in tragædiis Sisyphonem eius sententiæ
authorem. Plinius quoque eiusdem sententiæ fuit, siquidem
caput septimum libri secundi, quod est de Deo, post multa
alia, non sine magna impietate, his verbis olaudit: *Per qua de-
claratur hæc dubie natura potentia, idque esse quod Deum voca-
mus.* Lucianum quid commemorare, qui nullis non modis
deridet omnes de Deo sermones, sed & Stoici omnes videntur
mihi, etsi Deum nominent, nulli tamen intelligenti causæ id
nomen tribuere; nam censent Deum esse ignem artificem,
via procedentem in mundi creatione, vniuersas seminales ra-
tionales intra se complectentem, per quas omnia è facto fiūt.
Insuper spiritum per vniuersum mundum penetrantem: ap-
pellationes autem identidem mutantem, per vniuersæ naturæ
quam peruadit confinia. His verbis nihil aliud mihi videtur
signi

Tria argumenta
Philosophorum
negantium
Deum
esse.

significari quàm Deum esse, quém ego apello ignem pemneantem per omnia, & spiritum Domini vocari in sacris, interpretatus sum super primo capite Genescos. Epicurei (vt Cicero mihi videtur rectè censuisse) nihil de Diis seridè affirmarunt. Sceptici verò de Deo an sit, vt de re alia omni dubitant, vt videre est apud Sextum Philosophum capite primo, libro tertio Pyrrhonicarum hypothescon. Argumenta verò omnia negantium Deum esse qui prouidentiam habeat rerum humanarum, serè mihi videntur in hæc tria redigi, quæ apud Plurarchum reperies loco cirato. Primum, quodque Plinius maximi facit, si Deus est, nihil est ei factu impossibile, at verò (inquit Plinius) *non est Deus qui possit omnia, quia non potest sibi mortem cōsciscere, si velit, neque mortales æternitate donare, aut removere defunctos, neque facere vt qui vixit, nō vixerit, qui honores gessit, non gesserit, neque vt bis dena viginti non sint, neque habet vllum in præteritis ius, nisi obliuioni.* fit igitur (inquit) vt Deus nihil aliud sit quàm ipsa natura, siquidem Dei potentia nulla est, nisi naturalis, non est igitur vllus Deus, qui voluntate & cognitione operetur. Secundum, si Deus est, is est omni ex parte beatus, si tamen curas gereret rerum humanarum, haud dubiè sustineret magnam molestiam & angeretur. Tertium, si Deus est, & curam gerit rerum humanarum, quam ob rem cum pessima quoque fortuna præclare agere solet, contrà cum præstantissimo quoque pessimè; hoc argumentum Sextus Philosophus ita premit, siquidem Deum esse & providere dicunt, aut providet omnibus, aut aliquibus, si quidem omnibus provideret, non esset neque malum vllum, neque vitiosus vllus, neque vllum vitium: at verò vitio plena esse pleraque videntur; non ergo omnibus providet Deus. sin autem aliquibus providet, aut vult & potest providere omnibus, aut vult quidem, sed non potest, aut potest quidem, sed non vult, aut neque vult neque potest. Si veller & posset providere omnibus, omnibus providet, si vult, sed non potest, eius vires superabit ea causa, ob quam non potest providere illis quibus non providet, si tamen potest providere, omnibus & non vult, invidus esse existimari possit: quod si neque vult neque potest, sit & invidus & debilis. Hæc autem omnia incidunt in maiorem impietatem. Non est igitur Deus qui provideat, sed aut nullus Deus est, aut is est prima causa sine vlla cura, quin & sine vilo rerum aliarum sensu. His aded stultis cogitationibus, quas vnico illo carmine Psal. 51. complexus est David, *Dixit insipiens in corde suo, non est Deus, occurrat nunc idem vates, dicens, Qui plantavit aurem non audiet, aut qui finxit oculum non considerat, &* quasi

quasi dicat, quandoquidem non omnia quæ sunt, sunt etiam per se, sed alia ex aliis, & ab aliis fiunt, & in iis quæ fiunt, sunt quædam sensus expertia, quædam sensu prædita, necesse est eam causam à qua quæ sensu participant sunt effecta, sentientem etiam esse, alioqui dedisset virtutem qua cæteret, effecissetque aliquid se præstantius, quod rerum naturæ repugnat. Nul- lum enim inrer Physicos magis receptum axioma, quàm nihil operari posse ultra gradum suæ perfectionis. Si igitur sentien- di facultas est in posteriorum quibusdam, necessariò fit & in prima causa. Quapropter fieri non potest, ut qui plantavit au- rem non audiat, & qui fecit oculum, non consideret. Porro au- ris & oculus, & quæcunque alia nostri corporis organa, maxi- mè verò hæc quæ sensuum sunt, ita sunt composita, & ad actiones proprias accommodata, ut nulla vel excogitari possit aptior compositio. Quæ res haud dubiè, nisi stupidis, euidenter indicat, ea non casu, ita aut aliter cadentibus corpusculis, aut elementis constituisse, sed in summa sapientia effecta esse. Nul- latenus ergo à facultate cognitionis experte, sed sapientissima. Licet apud Galenum octauo libro de usu partium, mirabilem sapientiam in effingendis audiendi & videndi organis legendò meditari. Quis hominum dubitet anfractuosum istum aurium porum, tortuosumque, neruo quodam quartæ coniugationis eorum qui nascuntur ex cerebro, substratum, & cute præterea duriuscula coniectum, & in osse durissimo formatum, non tem- merè effectum esse, ibi, & talem, sed audiendi gratia? si enim neque alia in parte, neque aliter effici posset, ut esset transmit- tendis in animam sonis adeò aptum, euident coniectura est, ab aliqua sapiente causa esse aptatum. Nam præterquàm quod ad securitatem & tutelam cerebri, ut Galenus indicat, fecit illa flexuosa meatus figura, ad ipsos sonos qui aëris motitatione constant excipiendos præcipuè esse factam, indicant mihi eui- denter conchæ quæcunque illamet figura causæ, flexuosæ sci- licet, & contortæ. Ex enim auribus admotæ, ex eo solo quem intra se continent aëre, etiam nullo extrinsecus accedente motu, tinnitum edere continenter sentiuntur, adeò facit illa figura ut aer inclusus sonet. Porus ergo ille accommodatissi- mus effectus est, ut illam ab aere passionem excipiat, neruus verò quorsum eò venit ex cerebro, nisi ut deferat facultatem quæ percipiat? ut certè ad oculos primi veniunt ex cerebro molliores, & rariores, copiosiores spiritus, quibus ad videndum erat opus excepturi. Iam verò in ipsis oculis humor vocatus crystallinus, rotundus quidem, sed secundum faciem externam habens peripheriam maioris circuli, quid aliud est, quam spe-

Aurium
considera-
tio.

Oculorum
fabrica.

culum crystallinum, colorum fulgoribus, seu speciebus recipiendis accommodatissimam. Tunica cornea totum oculum extrinsecus finiens, quid aliud quàm laterna cornea, ad recipiendum externos, & reddendum internos fulgores? adeò mihi videntur in hac parte homines non solum quod ad figuram attineret, sed in ipsa materia speculorum & laternarum deligenda, imitati sapientiam nostri formatoris. Mitto dicere mirabiles usus tunicae vuae, cuius media perforatione constat pupilla, & circulo varicolore iridem refert. Retiformis etiam arachnoydis, & coniunctivæ, & humorum aquei & vitrei: quin & palpebrarum, & ciliorum, & superciliorum, atque adeò ipsorum ossium, integro enim ad recensendum libro opus esset, neque eo exiguo, Vnico verbo indicabo hæc omnia atque eorum singula sapientissimè, & magnæ cuiusdam utilitatis gratia esse ita aptata. Deme aut musa quodcunque horum, vel pilos ciliorum; aut superciliorum velle: manifestam noxam inferes visioni. Nihil igitur horum effectum est, hoc, vel tale, frustra, neque ornatus solum gratia, sed propter ipsam visionem, aurium etiam, & auricularum eadem ratio est. Quo pacto ergo possit qui fecit hæc intelligentia esse orbatus? ac non potius sapientissimus? effecta verò esse ab aliquo necesse est, siquidem, ut in huius operis initio monstravimus, effecta sunt, & non à seipsis. Nunquid igitur, qui fecit aurem non audiet? aur qui finxit oculum non considerat? Rursum si auris ob auditum est, ut re ipsa constat, ac nemo sanus neget, ob auditum certè effecta est; is ergo qui fecit, ob auditum fecit. Si enim non constitit casu, neque præter intentionem agentis constitit. Prævidit ergo qui fecit aurem, à principio audicionem, siquidem finis est quod primum in intentione. Vidit ergo aut in seipso aut extra se. Extra se quidem non potuit, quia ante aures non poterat esse auditio: vidit ergo in seipso, quapropter necesse est, ut qui ab initio fecit aurem & oculum, audiendi & videndi habuerit in se facultatem, & aures, & oculos. Quia si hæc omnino non fuissent, neque sciri, quare neque fieri omnino possent. Igitur hac ratione evidenter constat, fieri non posse ut quis fecerit aurem, & non audiat, & oculum, & non consideret. Ut igitur solum des (est verò id antea indicatum) hæc effecta ab aliquo esse; neque constitisse per se ab æterno, constat: cum qui fecerit, & videre, & audire, & considerare res humanas. Ac dicet, si videt & audit, omnino sentit. patitur certè à sensibilibus, nam ut Aristot. indicat, ipsum sentire pati quoddam est: neque sanè sine passione corruptiva agitur, nam comitantur sensum voluptas & dolor, quorum alterum cum corruptiva agitur

agitur passione, alterum verò alterius est comes, vt & reliqua contraria. Si igitur sentit (dices) potest & voluptate frui & dolere. Si autem hoc, & alterati & corrumpi: hæc verò aliena admodum sunt ab eo quod æternum, igitur & sentire alienum ab eo est. Porro dices, non solum nostro argumento fieri, vt vim habeat percipiendi sonos & colores, sed & aures, & oculos, & nares, ac denique alia omnia quæ fecit, siquidem necesse est præuiderit quæ fecit, non autem extra se. Ita est profectò; habet in sese omnia, non tamen vt extant extra illum, sed præstantiori quodam modo, atque vt in æterno exemplari, quod antea etiam vel ex sententia Platonis indicauimus. Itaque audit, & videt, non tamē, vt nos, sed præstantius multò, ac citra omnem passionem vnica simplicissimaq; notitia agnoscens omnes, siue sonos, siue colores, ac denique omnia quæcunque sunt, fuerunt & futura sunt. Non igitur fieri potest, vt qui fecit aurem non audiat, & qui fecit oculum non consideret, neque enim quia perfectius videt, & audit, negandum est videre, & audire, quin potius asserendum videre & audire omnia, atque esse sapientissimum, & prouidentissimum, atque vt nihil sine eius potentia, ira neque sine eius sapientia & bonitate geri. Neque verò atheorum argumentis respondere difficile. Pro primo dicimus eos rectè asserere, si Deus est, eum esse omnipotentem: at verò falsò assumere, non esse qui faciat quidpiam supra naturæ vires. Confirmauit enim Deus Optimus Maximus, quam de se voluit haberi fidem, innumeris neque incuentibus miraculis, siquidem suscitabit mortuum quadriduanum, & quod est multò maius, ipse etiam triduanus surrexit à mortuis. Dices hoc ipsum negabit Atheus. Dicit igitur multos, eosque alioqui optimos viros, neque pecuniarum, neque gloriæ cupidos, adedò nihil sibi inde aucupantes, vt omnes, nullo ferè excepto, in confirmationem fidei mortem & tormenta libenter subierint, eosque per vniuersum orbem dispersos, vno ore, pro amico, multò antè contumeliosè ne necato mentitos esse, hisq; ipsis iam occisis, innumeros postea sapientissimos, grauissimos, & sanctissimos viros, rebus omnibus posthabitis, vsque ad sanguinis effusionem leuiter credidisse. Quæ potest esse aut excogitati maior perfidia? petet Atheus, vt illi indicem hæc ita esse effecta vt natrantur. Non possum aliter quam testimonio sacrarum literarum, & consensu mundi totius atque multorum sæculorum, & (quod est maximum) consonantia omnium testimoniorum veteris, & noui testamenti, & consensu historiæ prophanæ cum sacra. Quæ argumenta diligentissimè persecutus est Diuus Augustinus in libris

Deus omnia in se habet.

Respondetur argumentis Atheorū.

Deus om-
nipotens.

de Ciuitate Dei, & post illum Diuus Thomas contra gentes. Sed quo pacto indicat mihi Atheus, nihil horum effectum esse? quia (inquit) fieri non potest Sed cur non potest fieri? quia (inquit) nihil tale effectum est vnquam. Quid si effectum est? non est (inquit) itaque probat idem per idem, atque, vt dicunt, vitur circulo, petitque credi sibi soli sine vllis testimoniis, potius quam nobis cum tam multis. Longè stultius est putare, non esse Deum omnipotentem, quia non potest sibi mortem consciscere. Nam cum mori pati sit, non agere, non posse mori. roboris sit, non debilitatis. Iam verò non habere ius in præterita, hoc est, non posse facere, vt quæ facta sunt, facta non sint, & neque in præsentibus posse facere, vt non sit, quod sit, cum est, quia hæc omnia continent contradictionem. Id verò quod contradictionem continet, nihil est, quia negatio tollit affirmationem, & affirmatio negationem; igitur qui potest omnia quæ contradictionem non continent, nihil est quod non possit, & qui in his nãuis hærent, non mihi videntur vt sapientes dubitare, sed vt quiuis ex indocta plebe. Veniamus ad reliqua. Miserum dicunt futurum Deum, si quis sit qui rerum omnium humanarum gerat curam. Vtinam in miseriis ponerent homines rerum gerendarum sollicitudinem, ne essent adeò ambitiosi Vt verò homo qui multarum rerum curam habeat, sit miser. Deus tamen minimè miser sit Miseria enim non est in prouidentia, sed in defatigatione, Deus verò defatigari non potest, siquidem nullo labore rerum notitiam conquirat, nullius obliuiscitur, sed omnia, præsentia, præterita, & futura, vno intuitu videt, ipse existens simplicissimus, & nullius alterationis capax. Quantum autem faciat ad indolentiam simplicis, Philosophi optimè intellexerunt, nam vel ipsum hominem dicit Hippocrates libello de natura humana, si vnum esset, hoc est, vno constans elemento non doliturum, nedum Deus, qui non Physicæ solùm, sed & Metaphysicæ compositionis est expertus. Quid ergo stultius, quam timere ne prouidentia fiat miser, qui nullatenus possit defatigari? Quid addunt præterea? Non videri Deum prouidentiam habere rerum humanarum, quandoquidem cum deterrimo quoque videtur fortuna optimè agere, & cum præstantissimo quoque pessimè. Argumentum hoc tractauit disertissimè Dauid Psal. 72. his verbis: *Et dixerunt, Quomodo scit Deus, & est scientia in excelsis? Ecce ipsi peccatores & abundantes in saculo obtinuerunt diuitias. Et dixi, Ergo sine causa iustificauit cor meum.* Respondet verò mox ipsemet huic dubitationi, dicens: *Existimabam vt cognoscerem hoc: labor est ante me, donec intrem in sanctuarium Dei, & intelligam in nouissi*

Atheorū
reprehensio.

novissimis eorum. Quasi diceret, non possis intelligere, quantum labores, quæ sit causa qua impij in hoc sæculo prospere agant nisi intres in considerationem diuinorum mysteriorum, & intelligas quæ fient in novissimis eorum. Sed quæ sunt hæc? *Quia ecce (inquit) qui elongant se à Deo peribunt, & perdet Deus omnes qui fornicantur abs se.* Post novissima scilicet, & in futuro sæculo. Itaque hoc argumento non fit, ut Deus non provideat rebus humanis, sed quandoquidem alijs argumentis constat providere, ac nihilominus in hoc sæculo sæpe agitur melius cum deterioribus sit, ut teneamur sperare aliud sæculum, in quo reddatur unicuique secundum opera sua. Itaque hoc argumentum non tollit de providentia Dei fidem; sed excitat spem futurorum bonorum, quia ut in hanc ipsam sententiam inquit D. Paulus 1. ad Corinth. c. 13. *Si in hac vita tantum in Christo sperantes sumus, miserabiliores sumus omnibus hominibus.* Non est autem consentaneum, ut qui meliores, sint miserabiliores, cum Deus sit optimus, videatque & audiat omnia. Speramus igitur non in hac vita tantum, sed in futura potius; in quam boni resurgent induti immortalitate, mali autem in æternam perditionem. Itaque quia videmus sæculi huius bona magna ex parte esse collata in deteriores, non negamus Dei providentiam, sed intelligimus fines bonorum & malorum non esse in hoc sæculo, & quia alicubi esse oportet, excitamur in spem post mortem futurorum: interim suspicientes Dei bonitatem infinitam, qui in malos etiam est bonus, hæc qualia- cunque bona illis tribuens, bonis verò verè bona, & nunquam interitura reservans, quorum hinc inopia exercens, reddit digniores. Hoc eodem modo concludit Plato decimum librum de Rep. siue de iusto, hoc eodem argumento confirmans, & Deos habere providentiam, & animas nostras aliud sæculum manere.

CAPUT LIX.

PSal. 92. ita scriptum est. *Etenim firmavit orbem terræ qui non commovebitur.*

Arist. cap. 2. lib. 1. de Cælo inquit: *Mentis est ratione non admirari, cum nam parva terra globa, si elata dimittatur, fertur quiescereque non valet, & quo est maior, eò celerius fertur, universa autem terra, si quæ ipsam sublimem eleuat amque dimittat, ferri non potest.* Nunc verò tantum pondus quiescit. hoc est, miretur quispiam quo pacto fiat, ut tantum terræ pondus quiescat

Falsa Phi-
losophi-
cū opinio
de terra.

in mundi medio, nulli rei innitens, nullis firmioribus cāmen-
tis fundata, sed in aqua & aëre vndique pendens, cū præcipue
videamus, minimi etiam ponderis frustulum si dimittatur in
aëre, nulla alia re sustentatum, decidere, neque manere posse.
Hæc dubitatio plurimum torfit veteres Philosophos, conie-
citque in solutiones longè diuersas, quarum tamen pleræque,
vt bellissimè dicit ibidem Aristoteles, absurdiores sunt ipsa du-
bitatione. Nam Empedocles infinitam esse terræ profundita-
tem, idèoque quiescere, quasi radicibus infinitis firmatam.
Thales innatare in aqua vt lignum quoddam. Anaximenes,
Anaxagoras, & Democritus amplam esse, & ob latitudinem
quiescere, quod subiectum aërem secare non possit, constat
verò hæc omnia absurda esse. Nam terram rotundam esse, cer-
tæ cuiusdam magnitudinis, æquidistantem à cælo secundum
totam superficiem, experimento constat, quare infinita non
est, neque latitudinem planam habet, neque hoc hemisphæ-
rium illi magis innititur, quàm illud huic, sed in centrum ni-
tuntur omnia. Porro si terra ampla est, & figuram habet tym-
pani, ac proinde non potest secundum latiore superficiem se-
care aërem: cur tamen secundum superficiem angustiore
non findit & elabitur? cur enim potius nitatur in hanc cæli
partem, quàm in illam? Iam verò si terra aquæ innatat, ipsa
aqua quo sustentatur? quod si aqua pendere potest in aere, pos-
sit & terra, quæ enim maior dubitatio? neque igitur supra aqua,
neque super radicibus, vel cāmentis infinitis firmavit Deus
orbem terræ, sed, vt inquit Iob c. 26. *super nihilum appendit*. Certè
ex hoc, vt ex aliis multis, quæ in natura rerum eueniunt mira-
bilia, nos prouocant sacra eloquia in Dei Opt. Max. admiratio-
nem. Nam & Esaias capite quadragesimo ita inquit: *Quis appen-
dit tribus digitis molem terræ?* & rursus paulò infrà: *Nunquid nō
intellexistis fundamenta terræ?* rursus capite quadragesimo se-
cundo, inquit, *Hæc dicit Dominus Deus creans calos, & extendens
eos, firmans terram*. Itaque gloriatur Dominus Deus, quod sine
vllis fundamentis, sed super nihilo firmauerit. Nimirum Dei
imperium firmius omni fundamento est. Sed quoniam Deus
omnia disponit suauiter, neque vlli æternā infert violentiam,
necesse est, ita sit terra super nihilo firmata Dei iussu, vt ipsa
non repugnet, sed ita ei obsequatur, vt verè secundum suam
naturam locata sit. Inuestiganda igitur nihilominus causa
est naturalis, qua terra ita locata quiescit, neque vnquam
commouebitur. Plato in Phædone ita inquit: *Persuasum mihi
quidem est prius, si est terra necessitate eiusmodi, vt nunquam
decidas, sed ad eam sustinendam satis id esse, quod & calum vn-
dique*

Terra im-
mobilis.

alique sibiipſi ſimillimum eſt omnino, & terra undique æquilibria
 in ſimilis alicuius medio poſita, neque magis neque minus poteſt in
 partem aliquam inclinari, cumque ſimiliter ſe habeat, ab incli-
 natione erit aliena. Hæc Plato. Cuius opinio plurimis arridet,
 videturque optimam & facillimam cauſam reddere, cur non
 ruat terra, nimirum quia non eſt cur huc quàm illuc potiùs rue-
 ret, rotunda cùm ſit, & in medio poſita. Ad hanc etiam opi-
 nionem alludit Ouidius dicens: *Ponderibus liberata ſuis.* Sed
 ſi ea eſſet verè cauſa, fieret, vt ſi extra centrum mundi po-
 ſita dimitteretur, rueret in eam cœli partem, quam habe-
 ret propiùs, idèd enim non ruere dicebatur, quòd in medio
 ſita in nullam potiùs partem inclinet. Deinde fieret, vt ſi
 terræ figura deficeret ab ſphærica, & in alteram partem, vt
 in Septentrionem verbi gratia extaret, in eam cœli partem
 rueret, velut deficiente æquilibrio, & in eam partem potiùs
 inclinante pondere. At verò absurdum eſt, vtrumque horum,
 nam quoquò rueret, pondere rueret, pondus verò non fert
 in cœlum (qua enim ratione pondus ferat quàm leuitas?) ſed
 in contrarium. Leuitas autem fert verſus cœlum, ergo pon-
 dus ad partem à cœlo remotiſſimam, putà ad centrum mun-
 di. Ergo terra ſiue extra centrum poneretur tota, ſiue mu-
 tata figura in alteram partem extaret, rueret eò uſque, vt
 centrum ponderis ſui in mundi centro collocaret. Dico
 autem centrum ponderis, quia ſi mutata figura extaret, non
 eſſet idem centrum ponderis & magnitudinis, ſiſteret verò
 in mundi medio ponderis medium, quia pondus cauſa de-
 ſcenſus eſt. Si verò non mutata figura, ſed à medio mundi
 aliquatenus pulſa emerret in alteram partem, rueret ſanè
 tunc quoque, & medium ſuæ magnitudinis, & mundi to-
 tius idem eſſe faceret, quia nulla alia ratione poteſt alijs
 omnibus elementis ſubſtare. Amat verò id eius natura, quia
 eſt omnium craſſiſſima: eſt verò is naturalis omnium
 corporum, ordo, & cuius comparandi gratia mouentur
 per ſeipſa, hoc eſt, neque pulſa, neque tracta, ne-
 que portata, neque volutata, ſed ſponte naturæ, vt craſ-
 ſa ſint ſub tenuibus: eſt autem in vniuerſa infimus lo-
 cus, qui & intimus, putà centrum, ſupremus qui & ex-
 timus, putà cœlum. Quia vniuerſi partes non poſſunt ad
 aliud quodpiam extra ipſum referti, vt in corporibus ſingulis,
 velut in ouo vitellus eſt pars intima, non tamen eadem infi-
 ma, quia eſt quædam albuminis pars inferior, quæ ſcilicet
 longiùs abeſt à cœlo, in ipſo autem orbe non ita, quia non eſt

Centrum
 locus infi-
 mus.

extra illud aliud ad quod eius partes referantur, sed est infra, quod continetur, supra verò quod continet; continetur verò ab omnibus quod in centro situm est, cœlum autem omnia continet. Hæc igitur causa est, qua terra extra centrum acta, aut altera ex parte eminens, rueret in centrum, & eadem, quia non ruit à centro. Nam quo pacto possit à centro, & ad centrum naturaliter ferri, contrariæ cum sint tales lationes? neque terræ re ita perspecta, vlla superest dubitatio. Nam particula terræ in aëre demissa, non fertur vnquam in eam cœli partem cui est propior, sed versus centrum, neque si iuxta ipsū cœlum dimitteretur, maneret, quamuis cœlum firmum, & velut ex aëre fuso esse indicatum antea est. Non ergo quærit ruens, rem firmam cui adhæreat, sed ordinem quem naturaliter experit, ne sit, scilicet super re tenuiori, sed tenuioribus omnibus subster. Terra ergo tota, cum ita locata sit, non possit vnquam ruere: igitur firmavit Deus orbem terræ, non aliter, quàm rectè, ac secundum eius naturam collocans, hoc est, in mundi medio, qui idem est locus infimus. Verum quia, vt diximus, si alteram in partem extaret, velut si nunc ad Aquilonem aut Austrum tuberculum magnum terræ aliquod innasceretur, rueret, non quidem in cœlum eò versus (vt timere videbatur Socrates in Phædone) sed in sese ipsam, vsque dum centrum sui ponderis teneret mundi medium, necesse est vt hunc quoque casum Deus prouideret, efficiens ne aliquam in partem terra extet potius, sed omni ex parte sit æquilibris: hoc autem æquilibrum, siquidem terra esset perfecte spherica, & secundum omnes partes æquè crassa, nulla alia ratione indigeret, nam esset ita idem centrum magnitudinis & ponderis: verum ob aquarum distributionem, & alias necessitates, oportuit vt terræ partes essent aliæ aliis altiores, ac nihilominus vt firmiter quiesceret, oportuit vt nullæ partes potius quàm sibi oppositæ extarent, aut vt illa eminentia oppositarum partium crassitie pensaretur ad æqualitatem.

Montium
& collium
inæquali-
tas.

Necesse est igitur vt Deus montes, & colles, ac denique omnia terræ tubercula, ad æqualitatem ponderis terræ partibus distribuerit, æqualia æqualibus opponens, ne alia ex parte grauior facta terra, rueret in seipsam, aliud centrum quærens, quod esset sui ponderis, etsi non esset suæ magnitudinis, velut de iis quæ vehuntur in aqua monstrat Archimedes. Iustam hanc partium orbis terræ dispensationem optimè cecinit Esaias cap. 40. dicens: *Quia appendit tribus digitis molem terræ, & librauit in pondere montes, & colles in statera?* ob hanc igitur æqualem distributionem partium, & quia in medio collocatus est

terræ

terræ orbis, non commouebitur.

Neque verò illa æqualitas partium, est extra id quod amat ætæum natura, imò est quoddam naturæ bonum, non in vniuerso solùm, sed in vnoquoque spectabile. Galenus enim multis commendat, in opere quod de vsu partium scripsit, hanc partium æqualitatem in corpore humano, licet verò eandem contemplari in musica & culice, & arbore, & arbutto, & herbula, & re quacunque integra, vsque ad eò fecit Deus omnia in pondere & mensura. Itaque ne terra per aërem in quo videtur pendere, rueret, prouidit Deus, illam sub aliis omnibus mundi partibus collocans: ne rueret in seipsam, aut commoueretur, prouidit, librans in pondere montes, & colles in statèra Duplici ergo ratione firmavit orbem terræ qui non commouebitur.

CAPUT LX.

Cap. 25. Prouerb. *Acetum in nitro qui cantat carmina cordi pessimo.* Comparat Salomon carmina salutaria, decantata homini qui sit corde pessimo, aceto in quo dissolutum sit nitrum. Quæ quàm sit appositæ, comparatio, quiuis facillè intelliget, perspectis iis quæ de talibus carminibus à Philosophis, & de nitro in aceto à veteribus Medicis scripta sunt. Plato in Charmide in persona Socratis multis verbis docet, morbos animi curari incantationibus, atque animi morbis sublatis, plerunque salutem in corpus redundare, tollique capitis dolorem, & multa alia mala, incantationes verò præclaris sermonibus contineri, quibus animæ temperantia tribuatur. Itaque sunt hæ incantationes, seu decantata carmina exhortationes, increpationes, ac denique disciplinæ omnes, quæ ad Dei timorem, & virtutum cultum nos alliciunt. Maximæ scilicet ægri animi medelæ, quæ sanè à sapiente, & qui ex Deo est, libentissimè suscipiuntur, ei verò qui corde est pessimo, aceto in nitro, seu nitro dissoluto in aceto similes occurrunt. Principiò enim molestæ sunt, & mordent acriter, postea verò extergunt & eluunt sordes animi, nisi quis iam est immedicabilis. Talis enim semper auersatur, & respuit, læditurque omni curatione magis De nitro verò à Dioscoride cap 89. lib. 5. ita scriptum est: *Purulentas aures & sonitum eorum sanat, sordes expurgat cum aceto instillatū.* Galenus quoque tertio de compositi one medicamentorum secundum locos, ex Archigenis sententia commendat ad auriam sonitus, acetum

Aceti in
nitro so-
luti vis.

V 5 cum

Aures
purgan-
tia.

cum nitro. Vt itaque nitrum cum aceto instillatum in aures, earum eluit sordes, & sonitus, seu tinnitus earum sanat, ita exhortationes sanctæ sæpius instillatæ in aures, etiã pessimis sordes anni eluunt, & varias perturbationes, quasi sonitus animum prohibentes audire veritatem, sanant. Mordent verò, neque siue magna molestia ab ægro animo suscipiuntur, non aliter ac acetum & nitrum. Vtrunque enim per se, ac simul ambo, ubi in putulentas, & exulceratas aures instillatur, mordet, duratque ea mordicatio, vsque dum pars sanescit, & cure obducitur.

CAPVT LXI.

Aquæ fri-
gidæ po-
tus.

IN eodem 25. Prouerb. *Sicut frigus niuæ in die messis, ita legatus fidelis ei qui miserit eum, animam ipsius requiescere facit.* Et paulò infrà in eodem cap. in eandem sententiam dicitur, *Aqua frigida anima sitienti, & nuntius bonus de terra longinqua.* Itaque coniunctis ambobus locis facillè intelligimus, potum aquæ refrigeratæ admota niue in die messis, hoc est, in æstate, facere requiescere animam potantis, vt nuntius seu legatus missus è terra longinqua cùm est fidelis, facit requiescere animam eius qui misit eum. Quoniam scilicet, fiduciam habet in nuncio fideli is qui misit eum, ac proinde requiescit animus eius. Possit hic Physicus pro potu niue refrigerato testimonium accipere, atque tempus vtendi illo discere, non minus quàm à Galeno: siquidè verba illa, *Animam ipsius requiescere facit, vsus inuicem*, illa verò, *In die messis*, tempus vtendi. Nimirum anima Physicè plerisque vocatur ipsa respiratio, seu qui respirando attrahitur spiritus. Atqui Diogenes, vt tradiūt qui de eius placitis scripserunt, in co aëre animæ essentiam esse putauit. Sed vtunque de animæ essentia sentiat Physicus, quia respiratu vita seruetur, ipsam respirationem animam vocat, atque huius ipsius facilitatem, seu tranquillitatem, animæ requiem. Itaque facere animam requiescere, est Physicis, respirationem facilem reddere, id verò fit, igneū calorem extinguendo, atque hominem attemperando. Quod, cùm febris calor igneus sit, constat, vt possit à multis febribus liberare, atque ita esse vilissimum, cùm tempestiuè adhibetur. Intempestiuus enim eius vsus multorum malorū causa esse potest. Quæ Hippocrates ferè colligit in Aphorismo dicēt: *Frigida velut nix & glacies, pectori inimica sunt, tusses mouent, sanguinis eruptiones, ac defluxiones faciūt.* Rursus in alio Aphorismo: *Frigida inimica ossibus, artibus, nervis, cerebro, spinali medulla.*

& rursus: *Frigida convulsiones, antrorsum ac retrorsum, distentiones, nigrores, rigores febriles. Opportunitas verò est, ut Galenus libello de cibis boni & mali succi inquit, in æstate non quibusvis sed iis tantum qui exercentur dare, ne, scilicet æstu forti & exercitatione inflammati, in causones incidant.* Quorum generationem Hippocrates in libris de ratione victus in acutis, his verbis docet: *Febris autem ardens fit, cum resiccata venula tempore æstivo acres ac biliosos ichores in seipsa trahunt.* Fit autem plerumque ex longo itinere, & longa siti, cum resiccata venulæ acres & calidas fluxiones in seipsa attraxerint. Cum igitur hæc sit causonis generatio, & his causis fiat, constat nulla ratione posse præcaueri melius, quam eo tempore, iis qui in talibus versantur causis, dato potu frigido, fortèque ut venæ refrigeratione temperentur, & spiritus, qui æstu & exercitatione redditur difficilis, requiescat, fiatque facilis ac moderatus.

Causonis
generatio.

Facit igitur talis potus, animam requiescere in die messis, hoc est, in æstu & labore. Quo enim potius vteretur, quo significaret æstus & laborem, quam messis; non autem solis messoribus, sed & omnibus hominibus negotiosis, qui per æstatem non possunt se horis meridianis domi continere, & iter agentibus utilis is potus est, siquidẽ inde febres ardentes solere cieri Hippocrates author est. Neque verò tunc omnibus vendit talis potus est, sed quibus nulla pars earum quæ eo lædi solent, insigniter est debilis; thorax dico, pulmo, cerebrum, nerui, spinalis medulla, aut etiã intestina, aut vesica. Quibus ergo talis quæpiã est debilitas, exercitationes & insolationes per æstatẽ deuitentur penitus ne necessariò incident in alterutrum. ardentem dico febres, aut illas alias noxas. Ut verò præscripta verba Salomonis continent cõmendationẽ frigidi potus, ita innuunt, ne in æstate quidem nisi exercitatis vitandum eo esse, in aliis verò temporibus nulli. Non enim simpliciter dicit, frigus niuis requiescere facit animam, sed in die messis; nimirum aliis temporibus, aut etiam in æstate vacantibus hominibus animam sedat ipsa aëris inspirati temperies, aut otium. Verùm de tali potu alibi mihi dicta sunt plura. Hic pro meo iustituto dictum est satis.

CAPVT LXII.

CAp. I. Eccl. *Generatio præterit, & generatio aduenit, terra autem semper stat. Oritur Sol & occidit, & ad locum suum reuertitur, ibique renascens gyrat per Meridiem, & stetit ad Aquilonem, lustrans vniuersa in circuitu pergit spiritus, & in circulos suos reuertitur.*

Hoc

De circuli motu.

Hoc quod Ecclesiastes observaui, nihil aliud est, quàm quod Arist. in duobus ultimis capitibus secundi de orru & insensitu diseritè tradidit, puta circularem esse rerū omnium mutationem, & hinc pendere mundi æternitatem, quoniam scilicet, sola mutatio circularis potest esse perpetua. Partes ergo mundi quæ per se sunt perpetuæ, vt Solem & alia corpora cælestia, nullam mutationem substantiæ subire, sed circulo volui, accedereque & recedere, eadem numero semper redeuntia: quæ verò corruptibilia sunt, fieri semper ex seipsis circulo nascentia & intereuntia, numero semper alia, sed specie eadem, vt ex aere fit aqua, & ex aqua aer. Hunc generationum abeuntium & redeuntium circulum, quo mundus seruetur, innuit Ecclesiastes dicens, *Generatio præterit, & generatio aduenit*. Considerandum verò triplicibus rebus constare mundum hunc, quibusdam enim incorruptibilibus, vt cælestibus: quibusdam secundum se totas corruptibilibus, vt singulis brutis & arboribus: aliis corruptibilibus per partes, vt terra, mari, & toto aere; horum enim nullum secundum se totum corrumpi potest, corrumpitur verò secundum partes singulas. Corruptibilia primi generis, non aliter seruantur, quam successiua generatione singularium, generatione scilicet prætereunte, & generatione adueniente. Tetra autem & mare & eiusmodi semper stant, etiam si secundum particulas præ sua mole insensibiles, recipiant accessiones. Sol, & reliqua corpora cælestia, secundum se tota & partes omnes inalterata, tantum mouentur circulo, qui motus ad aliorum corporum mutationes, rationem habent causæ. Quia enim hæc circulo voluntur, illa circulari mutatione, hoc est, eisdem specie rebus abeuntibus & redeuntibus oriuntur & intereunt. Neque sanè illorum cælestium corporum virtus æquè accedit ad omnia, quæ in generabilium & corruptibilium regione sunt, sed in his ipsis est ordo vt loci, ita & virtutis. Suntque alia aliis efficaciora & perfectiora, mutantque cælum ipsum alia per alia, velut per tenuiora & superiora, quæ crassiora & inferiora sunt. Proindeque dictum est Empedocli, terram & aquam materiam esse generabilium corporum. vt farinam & aquam, aerem verò & ignem efficientia magis quam accipientia esse, & virtutes præstare magis quam corpora rebus generandis. Hæc igitur consentaneum est accipere proprius à cælestibus vim, quàm in humiliora transmittant. Argumento est, quòd cum inferiora, & densiora, stent in suis locis firma (multoque magis terra) superiora illa & tenuiora cum cælestibus voluntur, & illorum persequuntur motum. Aerem enim supremum, & qui iuxta cælum est circulo

Mundi partes triplices.

De elementis.

Aeris motus circularis.

circulo volui quotidie ut ipsum cælum, indicant cometæ, qui quasi in ipso essent cælo, videntur aliquando circuire, ignem verò qui & per aerem & per reliqua omnia penetrat, ut omnium tenuissimum motum ipsius Solis tenere, & cum illo circuire, indicat calor qui luminis accedit semper, & tenebrosa deserit, quasi luminis comes indiuiduus. Id enim est, quia ignis est assecla Solis. Ut igitur Solis circuitio causa est circuitiois huius substantiæ spiritalis, aeræ inquam & ignæ, ita & hæc spiritus circuitio, causa est generationum, & corruptionum, eorum quæ circa terram, & mare oriuntur & intereunt, atque in his, maximè ignis. huic enim, ut Aristoteles inquit, substrata sunt omnia: ut materia, illeque suo calore efficit omnes naturales ortus, estque, ut in hoc ipso opere antea interpretati sumus, spiritus qui ferebatur super aquas, & fecundabat omnia. Breuissimè igitur Ecclesiast. complexus est totam de ortu & interitu tractationem, dicens, mundi huius perpetuum ductum seruari, aliis ex aliis rebus circulo genitis, & generatio successiua rerum numero diuersarum, specie similium, itaque generatione prætereunte, & generatione adueniente: causas verò huius communicationis rerum esse, quod terra semper stat in medio mundi firmata (intelligitur verò terræ nomine, totus eius globus, qui terra & aqua constat) & circa eam voluantur circulo cælestia, & spiritalia tenuiaque corpora, his enim (cælestibus inquam & spiritalibus) facientibus, & illis (crassis scilicet elementis) recipientibus, ortus & interitus fiant. Ut verò hæc recipiant, & illa faciant, nihil magis consentaneum, quàm ut illa circumeant, & hæc firma stent, siquidem efficientem causam oportet accedere ad materiam, nulla autem ratione acceditur melius quàm materia quiescente, & effectrice causa accedente omnem in partem, omnem verò in partem non aliter acceditur, quàm circumeundo.

Quapropter facessat iam hinc quorundam veterum sententia, & Copernici arguties, terra enim stat, & Sol circuit. Neque verò ipsa cælestia corpora & tenuia elementa, æquè pertinent ad effectiuas causas, sed cælestia efficiunt solum, elementa tenuia efficiunt multò magis quàm crassa, ita tamen ut accipiant non nihil, materiæque sint, alioqui non essent elementa. Neque ipsa cælestia inter sese, neque tenuia elementa habent partes efficiendi vires, sed in illis Sol, in his ignis præcipua ortuum & interituum causa est, proinde Ecclesiastes patiendi principium in terra quiescente, efficiendi verò in Sole, & spiritu, hoc est, igne, circulo lactis posuit. Nam verò esse vtilitatem circu

Copernici
reprehen-
sio.

circularis lationis, vt effectrix causa ad omnes materiæ partes accedat, apertè insinuant illa verba, *Lustrans vniversa in circuitu pergit spiritus*. Nihil est enim aliud, quàm si diceret, in circuitu pergit, vt lustraret vniversa. Porro nos antea, super cap. 39. Deut. ex loco & motu Solis, Dei sapientiam commendauimus, & admirati sumus, qui ita illum cœlo locauit, cumque motum tenere iussit, vt nulla se mundi pars absconderet à calore eius.

Solis circ-
uisione.

Verùm quod de Solis motu hoc loco dicit, non exiguum ingerit difficultatem. Nam, inquit, *gyras per Meridiem, & flectitur ad Aquilonem*. Videtur autem hoc non ita habere. Nam Aquilo est ea cœli pars à qua fiat Boreas, qui & Aquilo dicitur. Ea verò est vbi situs est polus. Sol verò circuit circa polum, ita vt polus centrum sit eius circuli quem Sol describit, non potest ergo versùs polum flecti, siquidem circuli partes omnes distant à centro æqualiter. Neque verò hîc possis dicere quod D. Thomas Aquinas super Iob dicit, Aquilonis nomine significari hemisphærium quod supra nostrum Horizontem est, & huic oppositum dici Meridiem. Quin potius, meo iudicio, hinc constat, non esse illam legitimam interpretationem. Nam quis non dicit Solem gyrare per Meridiem, cum horas nobis exhibet meridianas: constat verò horis meridianis supra nostrum Horizontem esse Solem. Meridies igitur pars nostri hemisphærij est, non quid huic oppositum. Quid ergo dicas? quo pacto flectitur ad Aquilonem? Videtur sanè hoc dictum iuxta sententiam quorundam veterum, qui, vt Aristot. cap. 1. secundi Meteor. narrat, censebant totum mundum secundum Septentrionalem partem in sublime assurgere, secundum Meridionalem verò demissum esse, idque non solum in cœlesti, sed in terreno etiam globo. Itaque habere terreū globum ad Septentrionalem partem velut gibberū quendam prægrandem, extare enim ad eam partem, & ad meridionalem nutare, Solemque non sub terram, sed circum terram, & hunc Septentrionalem locum circumferri. Itaque diem esse cum per meridiem circuitet, noctem verò cum deflectens ad Septentrionem, illo velut terræ gibbero occultaretur. Videtur itaque illi sententiæ locus hîc fauere. Sed & quod ponunt, aliique quàmplurimi veteres putauerunt, Septentrionalem cœli partem aliis omnibus esse superiorem, videtur ex sacris posse recipere confirmationem, siquidem Esaia 14. capite ita dicitur ex persona superbissimi. *In cœlum conscendam, super astra Deipalabo solium meum, sedabo in monte testamēti in lateribus Aquilonis, quasi* scilicet

scilicet, Aquilo excelsior cœli pars sit. Verùm, tamen, hoc falsum esse, neque ullam mundi partem eminere aliis, eò quòd in perfecta sphæra omnes extremitatis parres distent æquè à medio, indicatum antea est super capite trigelimoséptimo Iob. Porro dicere Solem illo modo circuire, hominum est ignorantissimorum Astrologiæ. Nam cum Sol moueatur motu diuino cum toto cœlo, nisi moueretur qua nos dicimus, supra & infra terram, non possent poli esse, ubi esse nunc ponuntur, sed mutato circulo mutari oporteret polos, at verò polum esse ubi nunc ponitur, declarant stellæ omnes fixæ, quæ quòd longius absunt ab illo puncto, eò maiores describunt circulos, & quò accedunt propius, minores, adeò vt sint nonnullæ æternæ apparitiones. Itaque falsum esse illud dogma, ex dictis apertè deprehenditur: quapropter non licet secundùm illud sacra verba interpretari, sed quæ ex Esaia produximus verba sunt Regis præ superbia insanientis, affectantisque sedes æthereas, ac soliũ suum collocare in Aquilone, quæ pars despectanti à terra viderur esse summus cœli apex, quia in medio astrorum omnium est, & circum quam Sol, & Luna, ac reliqua Astra omnia tam errantia, quàm fixa, videntur choreas ducere, non tamen proinde excelsior est aliis, neq; quidem potest in corpore perfectè sphærico. Quo pacto autem vera sint præscripta nunc de Solis circuituone verba, iam dicamus. Certè illa in sphæra recta & sub æquinoctiali vera non essent, ibi enim Sol aut per ipsam lineam fertur æquinoctialem, neque in ullam mundi partem flectitur: aut ultra citràve eam lineam, ita tamen vt quotidiana circuituone eam non interfecet, non interfecant autem in contrariam mundi partem flecti nõ potest. At verò in sphæra obliqua, qualis est hæc quâ incolimus, & Syria, ubi hæc scripta sunt, quinimò & ubi inter trópicum Cancræ & circulum Arcticum (ultra quos fines nihil habitabile putabat antiquitas) verissimum est, quotidie Solem gyrare per Meridiẽ & flecti ad Aquilonem. Nam quacunque die conuertrat homo faciem ad eam partem qua oritur Sol, & inde ducens per suum centrum lineam, describat circulum magnum, & imaginatione secet mundum in duas partes æquales, eam mundi medietatem ad quam spectabit sua dextra, vocabit Meridiem ad quam sinistra Septentrionem aut Aquilonem, quia habebit polum à sinistris, & à dextris meridianum motum Solis: quotidie autem Sol postquam gyrauerit per Meridiem, interfecans illum magnum circulum (qui est linea longitudinis) flectetur ad oppositam cœli medietatem, quare flectetur ad Aquilonem. Intersecare autem eam lineam quotidie, constat, quia Sol cum fertur per æquũ

Dux mû-
di partes.

æquinoctialem, describit magnum circulum, duo autem circuli magni non possunt non intersecare sese per medium: cum verò recedere ab æquinoctiali non possit Sol, nisi per triginta gradus, & obliquitas sphaeræ dictis in locis maior sit (quod elevatio poli ab Orizonte indicat) sit vt nunquam percurrat Sol circulum, qui non intersecet circulum illum magnum, etsi non per medium, & in partes æquales. Si autem intersecat, certè fleatitur antequàm perficiat diurnum motum ad oppositam medietatem, & quæ spectat ad Aquilonem. Verissime ergo Sol ex quo nascitur, gyrat per Meridiem, & descedens ad Aquilonem redit in locum suum. Quòd verò omnis locus citra tropicum Canceri habeat obliquitatem maiorem, quàm sit summus Solis recessus à linea æquinoctiali, constat quia duo tropici æquè distant ab illa linea, & circuli Arcticus & Antarcticus à polis; habebit ergo regio quæcunque tantò plus obliquitatis quàm id spatium sit, quantum distat ab ipso tropico, quod omninò sit aliquid, si citra illum sita est.

C A P V T LXIII.

IN eodem cap. 1. Eccles. ita habetur: *Omnia flumina intrant mare, & mare non redundat: ad locum unde exeunt flumina, revertuntur ut iterum fluant.*

Mare cur non crescat.

De fluminibus.

Antiquam hæsitacionem vocat Arist. in 1. cap. 1. Meteor. cur mare non redundet, neque verò sentiatur augeri, tametsi multitudo ingens tantæ magnitudinis fluuiorū in ipsum continenter influat. Nimirum inde licet intelligere, eam quæstionem ab antiquissimis etiam Philosophis agitaram esse, cuius decisionem constat pendere ab ea opinione, quam quis habeat de fluminum generatione, & hanc à generatione fontium. Siquidem videmus (neque dubium) flumina à fontibus incipere, & accessione fontium & riuiolorum augeri.

Qui igitur censebit fontes ex ingenti illo barathro, & aquæ (vt ita dixerim) immensitate, quæ intra terram est, regurgitare, partim per patentes quosdam poros, velut per quosdam cuniculos, partim per solidam ipsam terram excolatos, dicet (quod in præscripta oratione legimus) mare non redundare, quia quantum alia parte accipit, tantundem alia dimittit. Cuius sententiæ Plato est in Phædone, vbi differens de magno illo barathro, inquit: *In hoc vsique receptaculum omnia confluunt flumina*

flumina, atque inde rursus effluunt. Aristotel. verò, qui de generatione fontium aliter statuit, putat illos non ex vno communi principio fluere, sed noua aliqua generatione fieri, suo in loco vnumquemque, meritò videtur refutare eam questionis antiquæ decisionem, & excogitare aliam. Nimirum ipse censet in terræ cavitatibus gigni aquam, aëris, & vaporum qui illic sunt copiosi, congestionē, ibique multarum guttularum continenti concursu, riuulos gigni, qui per meatus aliquos erumpentes fontes dicantur, quorum rursus coitione fiant flumina quæ per terram decurrant vsque ad mare; hoc verò ob suam vastitatem, non videri accessione fluminum augeri, esse enim perinde ac si per amplissimam mensam effundas aquæ cyathum. Differendum igitur in primis videtur de fontium generatione, vtro dictorum modo fiant, & an eodem modo omnes, deinde ad antiquæ dubitationis solutionem veniendum. Aristoteli videtur fieri non posse, vt fontanæ fluuialesque aquæ effluant ex mari, cùm in illud influât, quia cū aqua moueri nullo modo possit, nisi ab editiori in humiliorem locum, fieri non potest, vt in eundem locum influat à quo effluxerit, quia erit idem locus seipso eminentior, & humilior. Quæ causa est, vt non possint arte fieri vlli fontes perpetui, præcipuè non accedente vacui necessitate, quæ certè in terræ cavitatibus non accederet, quia possunt faciliè repleti aëre. His possis addere tam insignem aquarum fontanarum è marina differentia, si enim ex mari vt ex communi alueo omnes fluerent, videntur & sui, & maris futuræ similes; nunc autem & à seipsis dissident multum, & à mari quamplurimum, cùm paucae salte sint. Cùm igitur hic modus generationis fontium his argumentis videatur tolli, superest alter, ex vaporibus scilicet, & aere densatis intra terræ cauernas generari denuò aquam, quæ per quosdam hiatus exiens fons dicatur, atque deinde aliorum accessione interescens, etiam fluuius. Quam sententiam confirmat Aristot. dicens hac causa ad radices montium oriri semper fontes, neque in media planitie humilium vallium, neque in summis montium cacuminibus, quòd ex sublimium partium cavitatibus ad humiles guttatim destillet aqua, atque stellarum concursu colligatur. Cæterum si quis rectè consideret, videat argumenta quæ contra aliam sententiam dicuntur esse solubilia, & quæ in huius confirmationem communia. Nam primo illo (quod & maximum esse videtur) non fit, vt non possit aqua influere in eundem locum à quo effluat, sed vt non secundum eandem partem. Quid autem prohibet mare,

Pontium
genera-
tio.

Differètia
aquarum.

adèd vastum cùm sit, & immensæ profunditatis, secundùm aliam partem recipere influentes aquas, secundùm aliam demittere effluentes? nimirum in arte factis fontibus machinati conantur, vt idem congruus circulo quodam influât, & effluat. At verò in mari non ita euenit, neque eadem aqua quam in mare deponit Tagus, redibit, inquam, in eiusdem fluminis exortum, sed in mare deponit, & ex barathro illo immenso quod intra terram est exhaurit. Sed dices quo pacto exhaurit? certè vt in hominis corpore, magna sanguinis copia in hepate est, & corde, decurrit verò inde per totum corpus per quosdam angustos canales, quos vocamus venas, ita intra terram maximæ quædam cavitates sunt aqua plenæ, indeque per quosdam cuniculos, seu mauis, per quasdam venas decurrit per totam terram, vsque ad eius extremitatem, atque vbi euenit venarum aliquam ruptam esse, aut hiare, fons sit maior aut minor, vt ipsa est vena, aut hiatus. Atqui hoc ita se habere, apertè indicant verba illa cap. 7. Geneseos, *Rupti sunt omnes fontes*

Abyssus. *abyssi*, hoc est, omnes fontes, qui ex ingenti aquæ abyssu (hoc est, quod Poëtæ barathrum vocant, seu tartarum) procedunt, ruptis venis eruperunt, & ita effusa aqua abyssi inundauit terram, vt si quis ruptis vbique venis exhauriat

- sanguinem hepatis, ac totam corporis cutem commaculet. Sed dices perstas adhuc in primo argumento, quandoquidem ex terra & mari vnicus constat globus fieri non posse, vt aqua per illos meatus, siue canales, supra globi illius extremitatem, seu superficiem effertatur, ferretur enim sursum sublimior fiens toto mari à quo nascitur, nullatenus igitur effertur potest in montes, ex mari & reliqua terræ planicie sublimiores, at verò plerique fontes descendunt ex supremis montibus, decurruntque in terræ planitiem, ac per eam in extimam superficiem maris: non igitur ex mari veniunt, sed in ipsis montibus generationem habent, non aliter ac pluuiæ aquæ in nubium regione. Non esset (arbitror) quod respondere possemus, si mare, & tota aquæ moles in suo loco consisteret firmiter, vt terra, neque agigaretur hac & illac ab vlla alia causa, quæ accederet. Nunc autem non ita sit, quinimò videmus mare assiduè agitari, nunc quidem flato quodam ordine tumescens, & detumescens, nunc temerè per tempestates insanas vsque ad nubes elatum, & tursum subsidens, quos motus, vix dubitare quispiam possit, ad conclusos intra terram, & aquam flatus referri. Nam aduentante

tempe

tempestate, antequam per apertum aërem ventus resset, sentitur intrinsecus aqua agitari, & cum ipso maris æstu quotidie adueprar aura quædam, ex aqua impetu interni flarus agitara, erumpens. Quale igitur hoc esse, videmus, circa hanc extimam superficiem tale quiddam necesse esse intra terram in contrarias partes fieri: agitari igitur interiùs aquam à flatu, & à barathro per terræ cuniculos in parres mari etiam sublimiores efferri, partim quidem ab impellente flatu pulsam, partim etiam ab erumpente, quærentēque exirum tractam, ut est scilicet via. Cùm igitur hoc ira habeat, putandum est, esse in supremis terræ partibus cauitates quasdam, quæ cùm aqua agitata eò usque pertingit, replentur supernè, & cum reliqua aqua retrocedit quæ eas repleuerat, manet velut in ventribus quibusdam sensibilibus, à quibus per terræ rimulas defluens, in mare iterum recurrit. Neque verò non erunt hoc modo fontes perennes, nam inundationes illæ subretrantur tam repetunt crebrò, aqua nunquam manente, sed semper agitata, ut antequam ventres illi exhauriantur, anticipent repleri. Sunt verò flatus, & aqua sibi mutuo causa agitationis, nam aqua deorsum cadens illum premit densarque, ille plus satis compressus, & quærens laxamentum, illam trudit, hisque mutuo sientibus, sunt intra terram magnæ rurbationes, ut & in animalium ventre (ut in dicta perstemus comparatione) euenit, humores & flarus susque deque versari, quia & crassissimas facies à flatu solent usque ad supernum ventriculum, ab imo ventre efferri. Hac igitur terræ marisque dispositione, sapientia Dei librabat fontes aquarum, hoc est, ita aquas disponebat alias partes eleuans ac suspendens, alias deprimens, ut nunquam cessaret fontium fluminumque decursus, quibus, velut verbis, terra omnium mater, animantia omnia portaret, & satis omnibus, ac fonte nascentibus alimenta præberet, ut inquit Philo.

Flarus
agitatio-
nis causa.

De hac aquarum dispensatione gloriatur ipsa Sap. c. 24. dicens: *Ego sapientia effudi flumina. Ego quasi trames aqua immenso de fluuiio, ego quasi fluuius Dorix, & sicut aquaductus exiui de Paradiso Dixi, Rigabo hortum meum plantationum, & inebriabo prati mei fructum. Et ecce factum est mihi trames abundans, & fluuius meus appropinquauit ad mare.*

Hæc verba haud dubiè innuunt dictam aquarum distributionem. Quod ipsarum si tam ampla differentia, facit percolatio. Nam & Aristoteles ipse dicit, demissis in mare vasis cereis extrahi dulcem aquam, tamen quod percoletur quod dulce

& potulentum est salis & terreis extra relictis. Quin & terra, ac lapidea quædam vasa sunt, per quæ excolata aqua redditur melior, ex corpore vero, per quod permeat, semper aliquid trahit. Quid ergo prohibet hoc idem excolanda per terram aqua fieri? Accedit, fontes non exire ex maris conspiciua parte, sed ex barathro, quod quia intra terram reconditum est, neque ita à Sole exurit, minus erit salsum. Hæc igitur argumenta debilia sunt. Illud verò commune, nasci plerunque fontes ad montium radices. Dico autem commune, quia secundum utramque opinionem idem euenit, nam cum aqua naturaliter feratur deorsum, etiamsi rumpatur vena, non decurret per terram nisi rumpatur in montibus, neque quidem in suprema eorum planitie, sed qua iam declinant. Alioqui ruptura venæ in locis planis fiunt putei. Hæc igitur Platonis sententia, quæ adeò consonat sacris oraculis, nihil videtur admittere incommodi. An verò & Aristoteles adeò probabilis sit, expendendum, non enim videtur. Nam si fontanæ aquæ perinde generantur in terræ cauernis, ut pluuiæ in nubium regione, eueniret certè in illis, quod & in his, scilicet, neque essent perennes, neque eisdem in locis semper fierent, sed ut pluuiæ in certis fierent temporibus & locis. Præterea nubes fiunt ex aëre & vaporibus loci frigiditate crassescuntibus, cauernæ verò terræ non semper frigida sunt, sed in æstate solum, quare in hyeme cum sunt calidissimæ, ut & animalium ventres non manarent fontes, sed solum in æstate, euenit verò contrà omnino, per hyemem enim fluunt abundantius, per æstatem extenuantur omnes, & arescunt plurimi. Quod si dicas non gigni eam aquam crassescente aëre à frigore, sed congectione vaporum à calore resolutorum, ut in opereulis ollarum ex aqua feruente, eueniret contrà, ut per æstatem nulli fontes fluerent, cum rotus calor sit extra terram, ut vero fluunt plurimi, iique frigidissimi, ac nonnulli etiam sunt qui obturari per hyemem, fluunt æstate solum. Quod si dicas, æstate fieri refrigeratione, hyeme congectione resolutæ calore aquæ, præterquam quod videtur figmento simile, non eandem esse toto anno fontis perennis generationem, eueniret ut Vere & Autumno minus, tenuiusque fluerent quàm hyeme & æstate, cum scilicet neque frigus esset tantum, & crassitiem inferret, neque tantus calor, ut solueret aquam in vapores, itaque haberent fontes quorannis duo incrementa & totidem decrementa. Tamen non ita euenit, sed vniuersum cum ignis abundat, decrescit rota aquæ moles, cum extenuatur ignis, abundat aqua. Quapropter cum fontes ac flumina, ex tota aquæ mole

& ingenti illo barathro (quod nihil aliud est quam recondita maris pars) decidantur ; tabescunt cum prævalent calor & siccitas, abundant cum contrariæ virtutes, hoc est, frigus & humor præcedunt. Constat igitur ex dictis, verissimum esse quod sacra testantur eloquia, fontes aquarum nasci ex abyssu. Quid verò magis conspicuum in quibusdam & fontibus & puteis, qui cum ipso mari sentiunt fluxum, & refluxum, quem æstum dicimus ? cur autem non omnes, & cur eorum qui ut mare æstuant, quidam augeſcente mari augeſcunt, subsidente subsident, quidam intumescunt detumescente, & tumescente detumescunt ? Dictæ sunt causæ super caput trigessimum octauum Iob, nunc illud vnum dicimus, consentaneum admodum esse putare, eos fontes, qui simul cum mari mouentur, ab eodem principio impelli, habereque cum mari partium continuitatem, quam nisi per barathrum, habere nequaquam possunt. Porro, quod in quibusdam fontibus euidenter agnoscitur, de omnibus æquum est putare. exire scilicet, ex communi aquarum principio, mari. Neque verò hoc verum non erit etiam si excolatæ per terram aquæ ex mari, accessio aliqua fiat ex vaporibus, siue densatis, siue congregatis, nam & vapores ipsi ex aqua fiunt. Ut igitur destillantem ex alambico aquâ, nemo negat exire ex herbis quæ in illius fundo sunt, etiam si intercedat resoluti congestio, ita ne illam quidæ aquæ partem, quæ fontibus & fluminibus accedet, ex vaporibus genita, siue intra terram siue in nubium regione negandum à mari exire, illud enim est torius humiditatis promptuariû. Fatendum ergo omnia fluuina à mari exire, & in illud reuerti, quod, præter dicta, vel facilis expeditaq; antiquæ dubitationis dilutio indicat, nimirum mare. etsi in illud flumina intrent omnia non redundat, quia ab illo etiam exeunt. Nam quam Arist. reddidit causam, minus probari potest. Qua enim vastissimum est mare, & influentia flumina non vna in parte acervantur, sed diffunduntur per illud extensa, putat facere, neque sensibilem ullam molem posse addere. Quod quidem si vno tantum die, aut vno mense, aut etiam vno anno, aut, si placet, annis centum fieret, probabiliter diceretur, si ramen infinito iam tempore (ut ipsemet author putat) influxerunt, necesse est plus aquæ quàm totum ipsum contineat mare, ingessisse, atq; ita redundasse iam multò antè in totam terram. Neq; si dicas, mare Solis vi ad Meridionalem plagam assidue absumi plus quàm accessione fluuiorum possit augeri. effugies dubitationem, non enim minus augetur ipsum per se mare sub polis, quàm extenuatur sub Zodiaco, quapropter illis exæquatis, redundabit quod ex flu-

Fontium
& puteo-
rum æstus.

minibus accedet, denuo genitum Non igitur illa causa est, quæ mare non redundat, sed quia ad locum vnde exeunt flumina reuertuntur, ut iterum fluant.

CAPVT LXIV.

Capite 1. Ecclesiastæ: Ego Ecclesiastes, fui Rex Israel in Hierusalem, & proposui in animo meo quærere, & inuestigare sapienter de omnibus quæ sunt sub Sole. Hanc occupationem pessimam dedit Deus filiis hominum, ut occuparentur in ea. Cap. 3. eiusdem ita habetur: Cuncta fecit bona (Deus scilicet) in tempore suo & mundum tradidit disputationi eorum, ut non inueniat homo opus quod operatus est Deus ab initio usque ad finem. Rursus in calce capituli octauæ eiusdem libri: Et intellexi, quod omnium operum Dei nullam possit homo inuenire rationem, eorum quæ sunt sub Sole, quando plus laborauit ad quarendum, tanto minus, etiamsi dixerit sapiens se nosse, non poterit reperire, Et rursus: Cuncta res difficiles, non potest eas homo explicare sermone. His oraculis duæ continentur assertiones: altera, studium Philosophiæ naturalis, & desiderium agnoscendi rerum causas, insitum esse naturaliter hominibus, neque fluere ex aliquo vitioso affectu, ut multas rerum prauarum appetitiones, sed ab ipso Deo rerum omnium & naturæ parente, & authore, illis esse tributum. Si quidem hanc occupationem pessimam, id est maximam, & laboriosam, non, inquit, ipsi sibi à natura declinantes conquiescere, sed dedit Deus filiis hominum, & mundum tradidit disputationi eorum: itaque cupiditatem philosophandi illorum animis iniecit, mundum verò posuit illis ob oculos, velut quoddam ænigma, & prima quidem assertio hæc est. Altera, Homines, quantumuis studio Philosophiæ insudent, fieri non posse, ut aliquando inueniant rationes & causas eorum quæ sunt sub Sole, sed necesse esse, ut omnes in earum inuestigatione, dum sint in tenebris sensuum horum, plus aut minus hallucinentur, & de iis etiam quæ sibi videntur probabilissima, nisi seipsum velint fallere, dubitent. Non enim, inquit, dedit Deus hanc occupationem hominibus inuestigandi sapienter de omnibus quæ sunt sub Sole, ut consequuti certam eorum notitiam, fiant sapientes, sed ut occupentur in ea, sapienter inuestigantes. Nimirum homines non tam dici debent sapientes, quod sciant, quam quod inuestigent non neptè. Qui proinde mihi videntur vocari Philosophi, id est,

Mendus
ænigma
dicitur.

ama

amatores sapientiæ, potius quàm σοφοί, id est, sapientes. Non enim tam sciunt, quàm scientiæ amore capti inuestigant. Propositæ itaque sunt duæ assertiones. De prima quidem omnes consentiunt, siquidem eum appetitum omnes perſentiscunt in seipsis. Vnde quidam naturam sequuti, Philosophiæ vacant, alij eam naturam in vitium commutantes, in curiositatis peccatum incidunt vana & superstitiosa conſectantes. Verissimè itaque dictum est illud ab Arist. *Omnes homines naturales scire desiderant*. Vt itaque vitam & felicitàtem (quamquam de ea varie sentiunt) omnes naturaliter exoptant, ita & scientiam naturæ quam in parte felicitàtis etiam ponunt, iuxta illud Poëtæ: *Felix qui potuit rerum cognoscere causas*. Obicit fortasse aliquis Socrates, qui hanc Philosophiam videtur spreuisse, & eam solum probasse, quæ ad mores formandos pertineret. Cæterum si consulamus Galenum in libro de historia Philosophica, intelligimus facillè, eum virum non neglexisse eam Philosophiæ partem, quam meliùs etiam, quàm multi aliorum excoluit, sed damnasse superiorum Philosophorum institutum, qui in ea suorum studiorum ponebant finem, & vni Philosophiæ parti Physiæ, cui soli illi vacauerant, duas adieciſſe, rationalem scilicet & moralem. Ipse etiam Ecclesiastes in initio capitis septimi videtur arguere Philosophos, dicens: *Quid necesse est homini maiora se querere, cum ignoret quid cõducatur sibi in visa sua?* Tamen re vera non vituperat sobriam Philosophiam, sed (ut ipsiusmet verbis utar) verba plurima, multam in disputando habentia vanitatem. De secunda assertionem plurimum altercatum est. Nam cum fuerint penè innumeræ Philosophorum sectæ, quæ in tres primas differentias distributæ sunt, Dogmaticorum, Academicorum, & Scepticorum. in Dogmaticis fuere Peripatetici, Stoici, Epicurei, Pythagoræi, & alij innumeri. Academici, Socrates, Plato, Clitomachus, & Carneales. Sceptici, Pyrrho, & Xenocrates, & Anaxarches Abderyta, & multò post, Sextus in ea secta nobilissimus, qui eam etiam auxit. Galenus addit duplices alios Philosophos, Contentiosos, scilicet, & Mixtos Contentiosos, dicit fuisse eos, qui nihil aliud quam superiores esse caillis contendebant: in his dicit fuisse Euclidem, Menedemum, & Clitomachum. Mixtos eos, qui partim Sceptici, partim Dogmatici fuere, ut Xenophanes, qui solum asserens omnia esse vnum, & Deum esse finitum immutabilem, & ratione præditum, de aliis omnibus dubitavit: & Democritum, qui nulla alia de re suam sententiam tulit, quàm de atomis, vacuo, & infinito. Cæterum Contentiosos, satius est à numero

Philosophiæ naturalis desideria.

Philosophorum sectæ.

circularis lationis, ut effectrix causa ad omnes materiæ partes accedat, aperte insinuant illa verba, *Lustrans vniuersa in circuitu pergis spiritum*. Nihil est enim aliud, quam si diceret, in circuitu pergit, ut lustret vniuersa. Porro nos antea, super cap. 39. Deut. ex loco & motu Solis, Dei sapientiam commendauimus, & admirati sumus, qui ita illum cælo locauit, eumque motum tenere iussit, ut nulla se mundi pars absconderet à calore eius.

Solis circuituione.

Verum quod de Solis motu hoc loco dicit, non exiguum ingerit difficultatem. Nam, inquit, *gyrat per Meridiem, & flectitur ad Aquilonem*. Videtur autem hoc non ita habere. Nam Aquilo est ea cæli pars à qua fiat Boreas, qui & Aquilo dicitur. Ea verò est ubi situs est polus. Sol verò circuit circa polum, ita ut polum centrum sit eius circuli quem Sol describit, non potest ergo versus polum flecti, siquidem circuli partes omnes distant à centro æqualiter. Neque verò hic possis dicere quod D. Thomas Aquinas super Iob dicit, Aquilonis nomine significari hemisphærium quod supra nostrum Orizontem est, & huic oppositum dici Meridiem. Quin potius, meo iudicio, hinc constat, non esse illam legitimam interpretationem. Nam quis non dicit Solem gyrate per Meridiem, cum horas nobis exhibet meridianas: constat verò horis meridianis supra nostrum Orizontem esse Solem. Meridies igitur pars nostri hemisphærii est, non quid huic oppositum. Quid ergo dicas? quo pacto flectitur ad Aquilonem? Videtur sanè hoc dictum iuxta sententiam quorundam veterum, qui, ut Aristot. cap. 1. secundi Meteor. narrat, censebant totum mundum secundum Septentrionalem partem in sublime assurgere, secundum Meridionalem verò demissum esse, idque non solum in cælesti, sed in terreno etiam globo. Itaque habere terreum globum ad Septentrionalem partem velut gibberum quandam prægrandem, extare enim ad eam partem, & ad meridionalem nutare, Solemque non sub terram, sed circum terram, & hunc Septentrionalem locum circumferri. Itaque diem esse cum per meridiem circuitur, noctem verò cum descedens ad Septentrionem, illo velut terræ gibbero occultaretur. Videtur itaque illi sententiæ locus hic fauere. Sed & quod ponunt, alique quàm plurimi veteres putauerunt, Septentrionalem cæli partem aliis omnibus esse superiorem, viderur ex sacris posse recipere confirmationem, siquidem Esaiæ 14. capite ita dicitur ex persona superbissimi. *In cælum conscendam, super astra Deum exaltabo solium meum, sedabo in monte testamenti in lateribus Aquilonis*, quasi

scilicet

scilicet, Aquilo excelsior cœli pars sit. Verùm, tamen hoc falsum esse, neque ullam mundi partem eminere aliis, eò quòd in perfecta sphæra omnes extremitatis partes distent æquè à medio, indicatum antea est super capite trigesimoseptimo Iob. Porro dicere Solem illo modo circuire, hominum est ignorantissimorum Astrologiæ. Nam cùm Sol moueatur motu diuino cum toto cœlo; nisi moueretur qua nos dicimus, supra & infra terram, non possent poli esse, vbi esse nunc ponuntur, sed mutato circulo mutari oporteret polos, at verò polum esse vbi nunc ponitur, declarant stellæ omnes fixæ, quæ quòd longius absunt ab illo puncto, eò maiores describunt circulos, & quòd accedunt propius, minores, adeò vt sint nonnullæ æternæ apparitiones. Itaque falsum esse illud dogma, ex dictis aperte deprehenditur: quapropter non licet secundum illud sacra verba interpretari, sed quæ ex Esaia produximus verba sunt Regis præ superbia insanientis, affectantisque sedes æthereas, ac soliu suum collocare in Aquilone, quæ pars despectanti à terra videtur esse summus cœli apex, quia in medio astrorum omnium est, & circum quam Sol, & Luna, ac reliqua Astra omnia tam errantia, quàm fixa, videntur choreas ducere, non tamen proinde excelsior est aliis, neq; quidem potest in corpore perfectè sphærico. Quo pacto autem vera sint præscripta nunc de Solis circuitione verba, iam dicamus. Certè illa in sphæra recta & sub æquinoctiali vera non essent, ibi enim Sol aut per ipsam lineam fertur æquinoctialem, neque in ullam mundi partem flectitur: aut vltra citràq; eam lineam, ita tamen vt quotidiana circuitione eam non interfecet, non interfecant autem in contrariam mundi partem flecti nō potest. At verò in sphæra obliqua, qualis est hæc quā incolimus, & Syria, vbi hæc scripta sunt, quinimò & vbi inter tropicum Cancrī & circulum Arcticum (vltra quos fines nihil habitabile putabat antiquitas) verissimum est, quotidie Solem gyrare per Meridiē & flecti ad Aquilonem. Nam quacunque die conuertat homo faciem ad eam partem qua oritur Sol, & inde ducens per suum centrum lineam, describat circulum magnum, & imaginatione secet mundum in duas partes æquales, eam mundi medietatem ad quam spectabit sua dextra, vocabit Meridiem ad quam sinistra Septentrionem aut Aquilonem, quia habebit polum à sinistris, & à dextris meridianum motum Solis: quotidie autem Sol postquam gyraverit per Meridiem, interfecans illum magnum circulum (qui est linea longitudinis) flectetur ad oppositam cœli medietatem, quare flectetur ad Aquilonem. Interficere autem eam lineam quotidie, constat, quia Sol cùm fertur per æquū

Dux mū-
di partes.

æquinoctialem, describit magnum circulum, duo autem circuli magni non possunt non interfecare sese per medium: cum verò recedere ab æquinoctiali non possit Sol, nisi per triginta gradus, & obliquitas sphæræ dictis in locis maior sit (quod elevatio poli ab Orizonte indicat) sit ut nunquam percurrat Sol circulum, qui non intersecet circulum illum magnum, nisi non per medium, & in partes æquales. Si autem intersecat, certè flectitur antequàm perficiat diurnum motum ad oppositam medietatem, & quæ spectat ad Aquilonem. Verissime ergo Sol ex quo nascitur, gyrat per Meridiem, & descensens ad Aquilonem redit in locum suum. Quòd verò omnis locus citra tropicum Cancrì habeat obliquitatem maiorem, quàm sit summus Solis recessus à linea æquinoctiali, constat quia duo tropici æquè distant ab illa linea, & circuli Arcticus & Antarcticus à polis; habebit ergo regio quæcunque tantò plus obliquitatis quàm id spatium sit, quantum distat ab ipso tropico, quod omninò sit aliquid, si citra illum sita est.

CAP V T LXIII.

IN eodem cap. 1. Eccles. ita habetur: *Omnia flumina intrant mare, & mare non redundat: ad locum unde exeunt flumina, revertuntur ut iterum fluant.*

Mare cur non crescat.

De fluminibus.

Antiquam hæsitacionem vocat Arist. in 1. cap. 1. Meteor. cur mare non redundet, neque verò sentiatur augeri, tametsi multitudo ingens tantæ magnitudinis fluuiorum in ipsum continenter influat. Nimirum inde licet intelligere, eam quæstionem ab antiquissimis etiam Philosophis agitaram esse, cuius decisionem constat pendere ab ea opinione, quam quis habeat de fluminum generatione, & hanc à generatione fontium. Siquidem videmus (neque dubium) flumina à fontibus incipere, & accessione fontium & riuulorum augeri.

Qui igitur censebit fontes ex ingenti illo barathro, & aquæ (ut ita dixerim) immensitate, quæ intra terram est, regurgitare, parim per patentes quosdam poros, velut per quosdam cuniculos, partim per solidam ipsam terram excolatos. dicet (quod in præscripta oratione legimus) mare non redundare, quia quantum alia parte accipit, tantundem alia dimittit. Cuius sententiæ Plato est in Phædone, ubi differens de magno illo barathro, inquit: *In hoc utique receptaculum omnia conflunt flumina*

flumina, atque inde rursus effluunt. Aristotel. verò, qui de generatione fontium aliter statuit, putat illos non ex vno communi principio fluere, sed noua aliqua generatione fieri, suo in loco vnumquemque, meritò videtur refutare eam questionis antiquæ decisionem, & excogitare aliam. Nimirum ipse censet in terræ cavitatibus gigni aquam, aëris, & vaporum qui illic sunt copiosi, congectione, ibique multarum guttularum continenti concursu, riuulos gigni, qui per meatus aliquos erumpentes fontes dicantur, quorum rursus coitione fiant flumina quæ per terram decurrant vsque ad mare; hoc verò ob suam vastitatem, non videri accessione fluminum augeri, esse enim perinde ac si per amplissimam mensam effundas aquæ cyathum. Differendum igitur in primis videtur de fontium generatione, vtro dictorum modo fiant, & an eodem modo omnes, deinde ad antiquæ dubitationis solutionem veniendum. Aristoteli videtur fieri non posse, vt fontanæ fluuialesque aquæ effluant ex mari, cùm in illud influât, quia cū aqua moueri nullo modo possit, nisi ab editiori in humiliorem locum, fieri non potest, vt in eundem locum influat à quo effluxerit, quia erit idem locus seipso eminentior, & humilior. Quæ causa est, vt non possint arte fieri vlli fontes perpetui, præcipuè non accedente vacui necessitate, quæ certè in terræ cavitatibus non accederet, quia possunt facile repleri aëre. His possis addere tam insignem aquarum fontanarum è marina differentia, si enim ex mari vt ex communi aluco omnes fluerent, videntur & sui, & maris futuræ similes, nunc autem & à seipsis dissident multùm, & à mari quamplurimùm, cùm paucae falsæ sint. Cùm igitur hic modus generationis fontium his argumentis videatur tolli, superest alter, ex vaporibus scilicet, & aere densatis intra terræ cavernas generari denuò aquam, quæ per quosdam hiatus exiens fons dicatur, atque deinde aliorum accessione increpescens, etiam fluuius. Quam sententiam confirmat Aristot. dicens hac causa ad radices montium oriri semper fontes, neque in media planitie humilium vallium, neque in summis montium cacuminibus, quòd ex sublimium partium cavitatibus ad humiles guttatum destillet aqua, atque stellarum concursu colligatur. Cæterùm si quis rectè consideret, videat argumenta quæ contra aliam sententiam dicuntur esse solubilia, & quæ in huius confirmationem communia. Nam primo illo (quod & maximùm esse videretur) non fit, vt non possit aqua influere in eundem locum à quo effluat, sed vt non secundùm eandem partem. Quid autem prohibet mare,

Fontium
genera-
tio.

Differētia
aquarum.

adeò vastum cùm sit, & immensæ profunditatis, secundùm aliam partem recipere influentes aquas, secundùm aliam demittere effluentes? nimirum in arte factis fontibus machinari conantur, ut idem congruus circulo quodam influat, & effluat. At verò in mari non ita evenit, neque eadem aqua quam in mare deponit Tagus, redibit, inquam, in eiusdem fluminis exortum, sed in mare deponit, & ex barathro illo immenso quod intra terram est exhaurit. Sed dices quo pacto exhaurit? certè ut in hominis corpore, magna sanguinis copia in hepate est, & corde, decurrit verò inde per totum corpus per quosdam angustos canales, quos vocamus venas, ita intra terram maximæ quædam cavitates sunt aqua plenæ, indeque per quosdam cuniculos, seu maus, per quasdam venas decurrit per totam terram, usque ad eius extremitatem, atque ubi evenit venarum aliquam ruptam esse, aut hiare, fons sit maior aut minor, ut ipsa est vena, aut hiatus. Atqui hoc ita se habere, apertè indicant verba illa cap. 7. Geneseos, *Rupti sunt omnes fontes abyssi*, hoc est, omnes fontes, qui ex ingenti aquæ abyssò (hoc est, quod Poëtæ barathrum vocant, seu tartarum) procedunt, ruptis venis eruperunt, & ita effusa aqua abyssi inundavit terram, ut si quis ruptis ubique venis exhauriat sanguinem hepatis, ac totam corporis cutem commaculet. Sed dices perstans adhuc in primo argumento, quandoquidem ex terra & mari vnicius constat globus fieri non posse, ut aqua per illos meatus, siue canales, supra globi illius extremitatem, seu superficiem efferatur, ferretur enim sursum sublimior fiens toto mari à quo nascitur, nullatenus igitur efferri potest in montes, ex mari & reliqua terræ planicie sublimiores, at verò plerique fontes descendunt ex supremis montibus, decurruntque in terræ planitiem, ac per eam in extimam superficiem maris: non igitur ex mari veniunt, sed in ipsis montibus generationem habent, non aliter ac pluviales aquæ in nubium regione. Non esset (arbitror) quod respondere possemus, si mare, & tota aquæ moles in suo loco consisteret firmiter, ut terra, neque agigaretur hac & illac ab vlla alia causa, quæ accederet. Nunc autem non ita sit, quinimò videmus mare assidue agitari, nunc quidem flato quodam ordine tumescens, & detumescens, nunc temerè per tempestates insanas usque ad nubes elatum, & rursus subsidens, quos motus, vix dubitare quispiam possit, ad conclusos intra terram, & aquam flatus referri. Nam aduentante

tempe

Abyssus.

tempestate, antequam per apertum aërem ventus resset, sentitur intrinsecus aqua agitari, & cum ipso maris æstu quotidie aduentat aura quædam, ex aqua impetu interni flatus agitata, erumpens. Quale igitur hoc esse, videmus, circa hanc extremam superficiem tale quiddam necesse esse intra terram in contrarias partes fieri: agitari igitur interiori aquam à flatu. & à barathro per terræ cuniculos in partes maris etiam sublimiores efferri, partim quidem ab impellente flatu pulsam, partim etiam ab erumpente, quærentēque exitum tractam, ut est scilicet via. Cum igitur hoc ita habeat, putandum est, esse in supremis terræ parribus cavitates quasdam, quæ cum aqua agitata eò usque pertingit, replentur supernè, & cum reliqua aqua retrocedit quæ eas repleuerat, manet velut in ventribus quibusdam sensibilibus, à quibus per terræ rimulas defluens, in mare iterum recurrit. Neque verò non erunt hoc modo fontes perennes, nam inundationes illæ subterraneæ tam repetunt crebriò, aqua nunquam manente, sed semper agitata, ut antequam ventres illi exhauriantur, anticipent repleri. Sunt verò flatus, & aqua sibi mutuo causa agitationis, nam aqua deorsum cadens illum premit densatque, ille plus satis compressus, & quærens laxamentum, illam trudit, hisque mutuo sentibus, sunt intra terram magnæ turbationes, ut & in animalium ventre (ut in dicta perstemus comparatione) euenit, humores & flatus susque deque versari, quia & crassissimas feces à flatu solent usque ad supernum ventriculum, ab imo ventre efferri. Hac igitur terræ marisque dispositione, sapientia Dei librabat fontes aquarum, hoc est, ita aquas disponebat alias partes eleuans ac suspendens, alias deprimens; ut nunquam cessaret fontium fluminumque decursus, quibus, velut verbis, terra omnium mater, animalia omnia potaret, & satis omnibus, ac fonte nascentibus alimenta præberet, ut inquit Philo.

Flatus
agitationis
causa.

De hac aquarum dispensatione gloriatur ipsa Sap. c. 24. dicens: *Ego sapientia effudi flumina. Ego quasi trames aqua immensa de fluuiio, ego quasi fluuius Dorix, & sicut aquaductus exiui de Paradiso. Dixi, Rigabo hortum meum plantationum, & inebriabo prati mei fructum. Et ecce factum est mihi trames abundans, & fluuius meus appropinquauit ad mare.*

Hæc verba haud dubiè innuunt dictam aquarum distributionem. Quod ipsarum si tam ampla differentia, facit percolatio. Nam & Aristoteles ipse dicit, demissis in mare vasis cereis extrahi dulcem aquam, tamen quod percoletur quod dulce

Fontes
vnde.

& potulentum est salis & terreis extra relictis. Quin & terrea, ac lapidea quædam vasa sunt, per quæ excolata aqua redditur melior, ex corpore verò, per quod permeat, semper aliquid trahit. Quid ergo prohibet hoc idem excolanda per terram aqua fieri? Accedit, fontes non exire ex maris conspicua parte, sed ex barathro, quod quia intra terram reconditum est, neque ita à Sole exurit, minus erit salsum. Hæc igitur argumenta debilia sunt. Illud verò commune, nasci plerunque fontes ad montium radices. Dico autem commune, quia secundum utramque opinionem idem euenit, nam cum aqua naturaliter feratur deorsum, etiam si rumpatur vena, non decurret per terram nisi rumpatur in montibus, neque quidem in suprema eorum planitie, sed qua iam declinant. Alioqui ruptura venæ in locis planis fiunt putei. Hæc igitur Platonis sententia, quæ ad eò consonat sacris oraculis, nihil videtur admittere incommodi. An verò & Aristoteles ad eò probabilis sit, expendendum, non enim videtur. Nam si fontanæ aquæ perinde generantur in terræ cauernis, ut pluuiæ in nubium regione, eueniret certè in illis, quod & in his, scilicet, neque essent perennes, neque eisdem in locis semper fierent, sed ut pluuiæ in certis fierent temporibus & locis. Præterea nubes fiunt ex aëre & vaporibus loci frigiditate crassescuntibus, cauernæ verò terræ non semper frigida sunt, sed in æstate solum, quare in hyeme cum sunt calidissimæ, ut & animalium ventres non manarent fontes, sed solum in æstate, euenit verò contrà omninò, per hyemem enim fluunt abundantius, per æstatem extenuantur omnes, & arescunt plurimi. Quod si dicas non gigni eam aquam crassescente aëre à frigore, sed congectione vaporum à calore resolutorum, ut in operculis ollarum ex aqua feruente, eueniret contrà, ut per æstatem nulli fontes fluere, cum totus calor sit extra terram, ut verò fluunt plurimi, iique frigidissimi, ac nonnulli etiam sunt qui obturati per hyemem, fluunt æstate solum. Quod si dicas, æstate fieri refrigeratione, hyeme congectione resolutæ calore aquæ, præterquam quod videretur figmento simile, non eandem esse toto anno fontis perennis generationem, eueniret ut Vere & Autumno minùs, tenuiusque fluere quàm hyeme & æstate, cum scilicet neque frigus esset tantum, & crassitiem inferret, neque tantus calor, ut solueret aquam in vapores, iraque haberent fontes quorannis duo incrementa & totidem decrementa. Tamen non ita euenit, sed vniuersum cum ignis abundat, decrescit tota aquæ moles, cum extenuatur ignis, abundat aqua. Quapropter cum fontes ac flumina, ex tota aquæ mole

&

& ingenti illo barathro (quod nihil aliud est quam recondita maris pars) decidunt ; tabescunt cum prævalent calor & siccitas, abundant cum contrariæ virtutes, hoc est, frigus & humor præcedunt. Constat igitur ex dictis, verissimum esse quod sacra testantur eloquia, fontes aquarum nasci ex abyssu. Quid verò magis conspicuum in quibusdam & fontibus & puteis, qui cum ipso mari sentiunt fluxum, & refluxum, quem æstum dicimus? cur autem non omnes, & cur eorum qui ut mare æstuant, quidam augescunt mari augescunt, subsidente subsident, quidam intumescunt detumescunt, & tumescunt detumescunt? Dictæ sunt causæ super caput trigessimum octavum Iob, nunc illud vnum dicimus, consentaneum admodum esse putare, eos fontes, qui simul cum mari mouentur, ab eodem principio impelli, haberéque cum mari partium continuitatem, quam nisi per barathrum, habere nequaquam possunt. Porro, quod in quibusdam fontibus euidenter agnoscitur, de omnibus æquum est putare. exire scilicet, ex communi aquarum principio, mari. Neque verò hoc verum non erit etiam si excolatæ per terram aquæ ex mari, accessio aliqua fiat ex vaporibus, siue densatis, siue congregatis, nam & vapores ipsi ex aqua fiunt. Ut igitur destillantem ex alambico aquâ, nemo negat exire ex herbis quæ in illius fundo sunt, etiam si intercedat resoluti congestio, ita ne illam quidæ aquæ partem, quæ fontibus & fluminibus accedet, ex vaporibus genita, siue intra terram siue in nubium regione negandum à mari exire, illud enim est totius humiditatis promptuariû. Fatendum ergo omnia flumina à mari exire, & in illud reuerti, quod, præter dicta, vel facilis expeditaq; antiquæ dubitationis dilutio indicat, nimirum mare. etsi in illud flumina intrent omnia non redundat, quia ab illo etiam exeunt. Nam quam Arist. reddidit causam, minùs probari potest. Qua enim vastissimum est mare, & influentia flumina non vna in parte acervantur, sed diffunduntur per illud extensa, putat facere, neque sensibilem ullam molem posse addere. Quod quidem si vno tantum die, aut vno mense, aut etiam vno anno, aut, si placet, annis centum fieret, probabiliter diceretur, si tamen infinito iam tempore (ut ipsemet author putat) influxerunt, necesse est plus aquæ quàm totum ipsum contineat mare, ingessisse, atq; ita redundasse iam multò antè in totâ terram. Neq; si dicas, mare Solis vi ad Meridionalem plagam assidue absumi plus quàm accessione fluviorum possit augeri. effugies dubitationem, non enim minùs augetur ipsum per se mare sub polis, quàm extenuatur sub Zodiaco, quapropter illis exæquatis, redundabit quod ex flu-

Fontium
& puteo-
rum æstus.

amatotes sapientiæ, potius quàm σοφοί, id est, sapientes. Non enim tam sciunt, quàm scientiæ amore capti inuestigant. Propositæ itaque sunt duæ assertiones. De prima quidem omnes consentiunt, siquidem cum appetitum omnes persentiscunt in seipsis. Vnde quidam naturam sequuti, Philosophiæ vacant; alij eam naturam in vitium commutantes, in curiositatis peccatum incidunt vana & superstitiosa coniectantes. Verissimè itaque dictum est illud ab Arist. *Omnes homines naturales scire desiderant.* Vt itaque vitam & felicitàtem (quamquam de ea varie sentiunt) omnes naturaliter exoptant, ita & scientiam naturæ quam in parte felicitàtis etiam ponunt, iuxta illud Poëtæ: *Fœlix qui potuit rerum cognoscere causas.* Obiciet fortasse aliquis Socratem, qui hanc Philosophiam viderur spreuisse, & eam solùm probasse, quæ ad mores formandos pertinet. Cæterùm si consulamus Galenum in libro de historia Philosophica, intelligimus facillè, eum virum non neglexisse eam Philosophiæ partem, quam melius etiam, quàm multi aliorum excoluit, sed damnasse superiorum Philosophorum institutum, qui in ea suorum studiorum ponebant finem, & vni Philosophiæ parti Physicæ, cui soli illi vacauerant, duas adieciisse, rationalem scilicet & moralem. Ipse etiam Ecclesiastes in initio capitis septimi videtur arguere Philosophos, dicens: *Quid necesse est homini maiora se querere, cum ignoret quid cõducas sibi in vita sua?* Tamen re vera non vituperat sobriam Philosophiam, sed (ut ipsiusmet verbis utar) verba plurima, multam in disputando habentia vanitatem. De secunda assertionem plurimum altercatum est. Nam cum fuerint penè innumeræ Philosophorum sectæ, quæ in tres primas differentias distributæ sunt, Dogmaticorum, Academicorum, & Scepticorum. in Dogmaticis fuere Peripatetici, Stoici, Epicurei, Pythagoræi, & alij innumeri. Academici, Socrates, Plato, Clitomachus, & Carneales. Sceptici, Pyrrho, & Xenocrates, & Anaxarches Abderyta, & multò post, Sextus in ea secta nobilissimus, qui eam etiam auxit. Galenus addit duplices alios Philosophos, Contentiosos, scilicet, & Mixtos Contentiosos, dicit fuisse eos, qui nihil aliud quam superiores esse cauillis contendebant: in his dicit fuisse Euclidem, Menedemum, & Clitomachum. Mixtos eos, qui partim Sceptici, partim Dogmatici fuere, ut Xenophanes, qui solùm asserens omnia esse vnum, & Deum esse finitum immutabilem, & ratione præditum, de aliis omnibus dubitauit: & Democritum, qui nulla alia de re suam sententiam tulit, quàm de atomis, vacuo, & infinito. Cæterùm Contentiosos, satius est à numero

Philosophiæ naturalis desideria.

Philosophorum sectæ.

Philosophorum reiicere, & Sophistas appellare: mixtos verò intelligere cum prioribus. Cum itaque fuerint triplices Philosophi, Dogmatici, Academici, & Sceptici, soli Dogmatici affirmare quædam ausi sunt, atque sua placita quasi certa & stabilia pronunciare.

Academici, nihil certò sciri posse, sed ad verisimilitudinem quandam, & probabilitatem posse procedere disputationes. Sceptici, nihil de vlla re affirmantes, neque negantes de omnibus æquè dubitant. Atqui, ne illud quidem, an sciri posset quidpiam, an non, affirmabant, aut negabant, sed in ore semper habentes illa familiarissima verba, *Nihil definit, & nihilo magis, & fortasse, & fieri potest, & incertum*, quasi subtraho iudicium, aut stantes aphasia, & acristia, hoc est, taciturnitate, & incertitudine, iudicare recusabant. Verum enim verò si quis consideret, quos illi vocabant modos Epoches, siue causas ob quas retineri semper debeat assensus, facillè intelliget. Scepticos, multò etiam magis quàm Academicos, desperasse aliquid sciri posse. Modi enim illi Epoches, sunt argumentorum genera, quibus indicatur, non solùm nullius rei comparatam adhuc esse scientiam, sed ne fieri quidem posse deinceps. Veterimi Sceptici decem modos Epoches excogitauerunt, posteriores adiecerunt quinque. Quibus rursus alij alios duos. Quos omnes licet videre in libro Pyrrhonicarum Hypotheson Sexti Philosophi, & in Pyrrhonis vita apud Diogenem Laërtium Mihi satis sit eorum nonnullos proferre quibus maximè quod propositum est indicetur. Redigunt illi omnes illos modos in tres, quos esse dicunt, à cognoscente, & ab eo quod cognoscitur, & ab utroque: in modis à cognoscente est differentia organorum sensuum, quæ eorundem sensibilibus facit adeò diuersas phantasias, ut nequaquam constare possit quid rei insit verè, quid tantùm appareat. Differentia verò sensuum, est in differentia multiplici animalium, & ipsorum hominum inter se, & affectionum multiplicium, quibus eiusdem hominis eadem pars variè semper afficitur. Nam cum experiamur, mel videri mihi album & dulce, isterico fluuium, & amarum, & eidem homini eundem cibum, nunc esse suauem, nunc ingratum, quòd homo affectus morbosa dispositione sit, sed & sine omni præter naturam affectione, quòd esuriat, aut satur sit, cumque eadem res appareat illi rotunda, huic oblonga, huic simplex, illi gemina, quòd pupillæ figura murata sit, aut quòd altera ab altera pupilla descuerit, constat futurum, ut neque omnibus animantibus res appareant eadem, sed quæ aliis albæ, aliis pallidæ, aliis rubræ: quæ aliis rotundæ, aliis angulatæ,

ita

ita etiam dulces, amaræ, salæ, aut acidæ. Nimirum est compositio & temperies animalium multiplex, atque admodum organum visus, qui putatur esse perspicacissimus sensus, & ad consequendam certam rerum notitiam optimus, habet miram varietatem, quotuplices enim sunt colores oculorum? Si igitur differentia organi sensus facit eiusdem rei diuersam phantasiam, animalia verò omnia differunt ab aliis omnibus compositione & temperie omnium organorum, & singuli etiam homines ab aliis omnibus nonnihil, & singuli bene valentes ab ægrotantibus, & ipsimet bene valentes à seipsis nondum ægrotantibus, sed naturaliter mutatis, per ætates, per animi motus, per casu incidētes cogitationes, per corporales motus, ut quod ambulauerit, aut sederit, comederit, aut biberit, aut abstinerit, dormiuerit, aut vigilaue- rit, sine ullis autem mutationibus, ne minimum tempus potest homo persistere, certè nihil potest vniushomodi apparere, neque diuersis animantibus, neque hominibus multis, neque eidem alio tempore, sed quod huic animali tale, illi alterum, huicque homini & illi, sed & huic hodie & cras, atque admodum vesperi & mane. Ut autem hoc in externis sensibus, ita habet in internis. Nam non minorem esse differentiam iudiciorum quam sensuum, constat cum vix duobus hominibus eadem res placeat, sed quod alius probat, alius maxime detestetur, & eadem de re alius lætetur, alius mœreat, alius irascatur. Quin & idem homo eisdem verbis nunc irascitur, quibus nuperrime placabatur. Atque admodum de eadem re interrogati, ut an hoc honestum sit, an turpe, vix duo homines eadem respondeant, non solum è vulgo, sed & ex iis qui censentur sapientissimi. & quod magis mirere, idem homo nihilo factus doctior, aut indoctior, eadem de re mutat sententiam, sine nouis nonnunquam argumentis, sed quod ipsi eadem prorsus nunc displiceant, quæ placebant antea, usque admodum videntur in nobis omnia continenter mutari & rerum earundem mutare phantasias. Igitur à natura cognoscentis accepto argumento videtur nullius rei terram & staturam haberi posse notitiam, sed ceteri omnia qualia apparent, qualia autem sunt vera, nos scire haud posse. Ab eo etiam quod agnoscitur, capitur simile argumentum. Eadem enim res, secundum substantiam prorsus non mutata, sed quod alio modo obiciatur, eidem homini & eodem tempore, videtur diuersa. Nam res quamplurimæ alio colore esse videntur integræ, alio comminutæ. Argenti certè frustum candidum videtur, eius verò ramenta nigra. Aqua etiam, quæ nunc nigra nunc decolor esse videtur, concreta in glaciem fit candidissima. Lapis quoque Tenareus est viridis, & comminuti par-

Tenareus
lapis.

quam vocant intuitiuam, quia nulla via est ad intellectum nisi per sensus, sensus verò paribiles tantum percipiunt qualitates. Accidētū haberi potest notitia per se: sed ob instabilē sensuū & sensibiliū naturā, & sentiendi modum, nūquam exacta. Porro assertiones quædam sunt per se notæ, quarū assensus natura nobis insitus est, aliæ verò sunt quarum ex primis mōstratoriē colligūtur. Primarū habetur sciētia naturalis, aliarum verò ratiocinādo conquisita. Huiusmodi sunt pleræq; Mathematicarum thesē, quia de immaterialibus prorsus rebus enūnciantur. Eorum verò quæ in opinione versantur, cuiusmodi sunt omnia Physica problemata, constat nullum prorsus sciri posse, quia si quodpiam illorum sciretur, accedēte sciētia tolleretur omnis opinio, sublata omni obscuritate, & incertitudine, quæ non possunt abesse ab opinione. Non solum autem non est hætenus comparata scientia Physicarum assertionū, sed ne cōparari quidē potest, quia Physicus non abstrahit à materia. Materialium verò notitia cūm pertineat ad sensus, non potest ultra opinionem procedere. Scientia enim est vniuersaliū & intelligibiliū. Itaque Physicus, quantumuis laborer, non potest suarum thesēon scientiam comparare. non tamen proinde debet more Pyrrhonicorum dubitare de omnibus, sed probabilioribus assentiri. Magna enim stupiditas est, putare omnium orationum contrariarū esse parem vim etiam si vbi probabilis est contradictio, neutri licet citra dubitationem assentiri. Sed dices, si nō potest homo rerum naturalium scientiam assequi, quorsum eum appetitum Deus illi iniecit? an tantū vt cupiditate, cum desperatione torqueretur; non quidem, sed primum sane (vt in præscriptis oraculis legimus) vt occuparentur in ea, vt scilicet honesta & laboriosa occupatione detenti minùs vacarent criminibus. Deinde & ob aliam quoq; longe potiore vtilitatem, scilicet vt non inueniat homo opus quod operatus est Deus ab initio vsque ad finem. Itaq; datus est homini is naturalis appetitus, mundusque in disputationem, vt semper quærēs, nunquā inueniat causas operum Dei. Sed quæ hinc vtilitas? maxima. Ex nulla enim contemplatione potius quàm hac, venire possit homo in cognitionē Dei, & futurorum bonorum, neq; aliūde capitur melius argumentum. Cūm enim homini sit sciētiæ de natura appetitus naturalis, talis verò appetitus nō possit esse impossibiliū (quia omnis talis nascitur ex priuatione & potentia) constat eum talem scientiam consequi posse omnino. Quare si in hac vita, ac sensuum horū ministeriū nō potest, sit vt illū maneat vita alia beatior, in qua à perpetua, qua in hac torquetur siti, sit satiandus, cum scilicet apparuerit

Physica
cur igno-
rentur.

Physicorū
vulitas.

apparuerit gloria Dei. Simile etiam argumentum accipitur à beatitudinis naturali appetitu, & vitæ huius necessaria misc-
 zia. Eadem enim ratione fit, vt sæculum aliud beatus debeat
 expectari. Plurimum itaque confert Physica contemplatio ad
 cognitionem (vt disertissimè dixit D. Paulus) inuisibilium
 Dei, idque duobus maximè modis. Nam & per ipsarum rerum
 natura constantium pulchritudinem, & ob causarum quibus
 constant ignorationem, à Nicolao de Cusa doctam ignoran-
 tiam appellatam, cum scientiæ appetitu coniunctam. Quorum
 illud vocat nos in cognitionem Dei, hoc futuræ vitæ, in qua
 optatam & tranquillitatem, & scientiam, Deo concedente,
 consequemur. Argumentum à pulchritudine rerum corperunt
 etiam Philosophi. Nam Galenus cap. 26. de historia Philoso-
 phica, inquit, *Dei verò cognitionem habuimus ex pulchritudine
 quam cælo inesse spectauimus.* Nihil enim temerè aut casu pul-
 chrum oritur, sed artificis alicuius opera. Plato quoque pul-
 chritudinem mundi huius quam conspiciamus, pulchritudinis
 causæ exemplaris, quæ est ipse Deus, argumentum esse affir-
 mat. Sed in sacris eloquiis occurrit passim hoc argumentum.
 Quid enim aliud est illud Psalmi : *Cæli enarrant gloriam Dei,*
 & opera manuum eius annunciat firmamentum? & illud Cantici,
Benedicite Sol & Luna Dominum, benedicite stella cæli Domi-
num, benedicite imber & ros Dominum, & iterum illud Psalmi :
Laudate eum Sol & Luna & iterum: Laudate Dominum de terra
dracones & omnes abyssi, ignis, grando, nix, glacies, spiritus procella-
rum, quæ faciunt verbum eius. Montes, & omnes colles, ligna fructi-
fera & omnes cedri. Quorsum enim inuitatur ad Dei laudem ir-
 rationalia, & inanima, aut quo pacto possunt laudare? certè non
 aliter quàm suo factori attestantia, atque potentiæ, bonitatis, &
 sapientiæ, illi testimonium perhibentia. Eò quòd suo quodque
 genere, valde bona, & pulchra sunt & perfecta, ita vt non possi-
 mus quidquam addere aut detrahere iis quæ fecit Deus, vt ti-
 meatur cap. 3. Ecclesiast. Innumera alia huiusmodi testimo-
 nia sunt in sacris scripturis, pro nostro autem instituto, satis
 sit nunc vnum aut alterum protulisse. In secundo etiam argu-
 mento, quod ab ignoratione causarum naturalium accipi di-
 ximus, versatur maxima pars eius disputationis quæ habetur
 in libro Iob. Nihil enim aliud innuunt illa verba cap. 36. qui-
 bus Eliud ita affatur ipsum Iob, vt suo loco explicatum : *Ma-*
mento quod ignores opus Dei, de quo cecinerunt viri. Oranes
homines vident eum. Vnusquisque intuetur procul. Ecco Deus
magnus vincens nostram scientiam. Alij etiam multa sunt huius-
 modi, quorum pleraque propriam habent disputationem in
 hoc

Cæli in-
 uocatio.

hoc libro. Illud verò in commune pro quamplurimis sciri oportet, non sine magno sacramento nos passim sacris eloquiis admoneri, nunc nostræ improbitatis, nunc debilitatis, nunc inscitæ, quia ex horum cognitione nascitur firmissimum argumentum infinitæ bonitatis, potentiæ & sapientiæ Dei. Quicumque enim concedet, hominem neque posse velle, neque facere, neque scire omnia quæ amari, fieri & sciri possunt, sed quædam velle quædam inuidere, quædam posse, quædam non posse, quædam scire, quædam ignorare, cogetur necessario concedere, esse aliquam in rebus præstantissimam naturam, quæ velit, possit, & sciat, quæcumque amari, fieri & sciri possunt. Nam quod simpliciter est possibile aut scibile, huic autem non est, necesse est sit alteri. Alioqui esset scibile, & à nullo scibile, quod quidem repugnantiam continet, quia passiva potentia refertur ad activam. Ergo quod scibile est, & ab homine sciri non potest, sciri potest ab alio. Porro ab illo alio, aut omnia sciri possunt, aut quædam etiam necessario ignorantur. Si primum, id est, quod quærimus, sit secundum, erit rursus alius cui illa patere possint, atque ita in infinitum ibitur, aut pervenietur tandem in naturam præstantissimam, & omnisciam, ita verò & omnipotentem, & bonitatis infinitæ. Igitur agnitio nostræ improbitatis, debilitatis & ignorantie, naturalis via est ad agnitionem Dei. Merito ergo Deus Opt. Max. tradidit mundum disputationi hominum, ita tamen. ut non possit inuenire homo opus quod operatus est Deus ab initio vsque ad finem. Vnde constat non ipsam Philosophiam, sed Philosophiæ præsumptionem, & inanem fallaciam esse quæ decipiat, & à veritate seducat eos qui se opinantur esse sapientes. Quod optimè insinuauit Paulus ad Colossenses cap. 2. dicens: *Videte ne quis vos decipiat per Philosophiam, & inanem fallaciam.*

Mundus
disputa-
tioni da-
tus.

CAPUT LXV.

Eccl. c. 3. dicit: *Didici quòd omnia opera quæ fecit Deus, perseverent in æternū.* Quæ verba optimè videntur congruere cum Platonis sententia, statuentis, nihil eorum quæ à summo Deo per sese, neque interueniente vlla naturalium causarum, effecta sunt, interitum vllum habitura. Inducit verò ille in dialogo de Natura summum Deum, ita alloquentem Deos minores: *Dij Deorum quorum opifex ego & pater sum, hæc attendite.*

Creata an
erūt æter-
na.

Qua

*Quæ à me facta sunt, me ita volente indissolubilia sunt. Omne siquidem quod vinctum est, solui potest, sed mali est, quod pulchre compositum est, seque habet bene, vellet dissolvere: quapropter, quia generati estis, immortales quidem & indissolubiles omnino non esitis, neque tamen unquam dissoluemini, neque mortis fatum subibitis, nam voluntas mea maius præstantiusque vinculum ad vitæ custodiam, quam nexus illi, quibus estis tunc, cum gignebamini, colligati. Sed nunc iam quid iubeam cognoscite. Tria adhuc genera mortalium nobis generanda restant. Absque horum generatione cælum imperfectum erit. Omnia enim animantium genera ambitu suo non continebit, contineat autem oportet, si est mundus perfectus omnino futurus. Hac verò si à me fiant solo, vitæque donentur, diis adequabuntur. Quapropter accedite vos secundum naturam ad animalium generationem, ita ut vim imitemini meam, qua in ortu vestro sum usus. Atque eius quidem animalis, quod in ipsis tale futurum est, ut cum immortalibus appellatione conveniat, diuinumque vocetur, principiumque teneat, & iustitiam simul ac vos colat, ego vobis semen & initium tradam, vos cetera exequi pars est, ut immortalis natura mortalem attexeret, faciatque generetisque animalia, subministrantesque alimenta augeatis, & consumpta rursus reficiatis. Ex hac oratione constat, Platonem censuisse, Deum Maximum, rerum cognoscendi facultate præditarum, nullam præter Angelos fecisse per sese, hominem verò & reliqua animalia fecisse per Angelos. Non quidem quòd Angelis vim creandi (ut nostri Theologi loquuntur) hoc est efficiendi ex nihilo, communicauerit, hanc enim vix eorum vllus tribuebat vel ipsi Deo, nedum ut possent Angeli illius esse capaces: sed quòd animalia omnia mortalia ab initio facta sint concursione causarum naturalium, has verò Angeli inter sese commiserint. Ita enim inquit: Quapropter accedite vos secundum naturam ad animalium generationem, hoc est, accedite, & causas causas admoventes, accipientes, scilicet, ex elementis iam creatis, idoneas cuiusque naturæ portiones, atque ut cuique congruit miscentes, facite, ut homo, ac reliqua oriantur animalia. In quem errorem suspicor Platonem inductum esse illis cap. 1. Geneseos verbis (quis enim dubitet Platonem esse versatum in sacris?) *Faciamus hominem ad imaginem & similitudinem nostram.* Olfecisse sanè videtur Plato, non immeritò diuinus appellatus, nescio quid de diuinis personis, cum scribens ad Hermiam dicat, testando Deum rerum omnium Ducem, præsentium & futurarum, ac ducis & causæ patrem Dominum. Quid enim sibi vult Deum rerum ducem, & Dominum, Ducis patrem nominans? cum tamen sacratissimum sanctissimæ Trinitatis mysterium*

Angeli
creatores
Platoni.

sterium non satis assequeretur (quis enim hoc in Philosopho requirat?) suspicatus est, Deum efficiendi hominis curam, Angelis demandasse. At verò non satis attendit Plato oraculo diuino: *Faciámq; enim inquit, hominem ad imaginē & similitudinē nostram.* Ipse verò putat humani solùm corporis curam efficiendi, esse Angelis demandatam, mentes autem esse factas ab ipso Deo. Constat verò hominem secundum mentem esse Deo similem, non secundum corpus. Quapropter efficiendi hominem ad Dei imaginem & similitudinem, non potuit cura demandari iis qui in mentium effectiōe nihil possent. Nisi verò hic Plato cum Epicuro censebat, Diis etiam esse humanas figuras. Sed præter hæc constat, neque hominis, neque rei vilius earum quæ à Philosophis vocantur perfectæ, ortum primum potuisse esse naturalem. Nam nulla talium rerum ortum naturalem habet, nisi à sibi simili, neque hominem vlla naturalis causa efficere potest, præter hominem. Primus igitur, ante quem non fuit alter, non potuit naturaliter oriri. Nisi quis imaginetur, primum effectum esse naturaliter, sed per accidēs, hoc est, non à simili, sed aliarum causarum permissione, ut aurum & argentum chymicum fingunt. Constat verò consensu omnium Philosophorum, talem ortum perfectis animalibus denegari. Quod si quis plus satis Platonice malit id dicere quam Platonem esse loquutum dissentanea; cogetur tamen fateri iuxta illius sententiam, omnium hominum imperfectissimum, & suo genere vilissimum, fuisse primum illum, moxque illi proximum, sensimque recedentes à primis factos esse meliores. Quod, primum quidem, dissidet ab ea quam de primis hominibus omnes conceperunt, opinione, deinde etiam repugnat verbis Moïsis, & ipsiusmet Platonis. Ille enim dicit, *Vidit Deus cuncta quæ fecerat, & erant valde bona:* hic verò dicit, delectatū esse Deum opere. Sed in præscripta oratione dicitur, curasse Deū ut mundus totus perfectus fieret, non esset autem talis, si præstantissimum animal adeò imperfectum euassisset. Fieri verò ex dictis cōstat, quia posteriores facti essent à causis propriis, & per se, primi verò ab alienis & per accidens. Non ergo secundum naturā, neque à Diis minoribus factus est homo, sed creauit illum Deus ad imaginem & similitudinē suam, ut sacrum eloquium testatur. Non ramen in altera placiti sui parte, perinde errat Plato, sed verissimè affirmat, quod & Ecclesiastes, Omnia quæ à Deo Opt. Max. per sese facta sunt, æterna esse, & interitu caritura, non quidem natura sua, sed voluntate diuina: quæ verò naturaliter oriuntur, omnia habere interitum naturalem. Primum enim Plato, non minùs quàm Arist. sed

Qualem
Deū esse
censeat
Plato.

distin

secundum partes. Tota vero terra semper stat, ut in Psal. dicitur. Porro neque hominem, neque ullum aliud animalium fecit Deus ex nihilo, sed ex terra & aqua (nam ex limbo terra) quapropter non fecit per se solus, sed cooperantibus elementis. Vt & sanctissimum Iesu corpus ab spiritu Sancto, cooperante vero etiam matre formatum est, unde habuit ut mori posset, & animalia omnia protoplasta habuerunt unde interirent. Hoc vero intererat inter hominem & reliqua, quod in brutis nihil non est effectum ex terra, hominis vero pars præcipua hoc est, mens, non potuit ex terra fieri, sed ab ipso solo per se Deo, dicentibus, ut Moise, ita etiam & Platone. Quapropter consentaneum est, eam partem interitu carere atque adeo propter illius bonum alteram aliquando ad vitam reuocari. Itaque nihil eorum quæ fecit Deus per se, ac citra alterius causæ concursum, videtur interitum habiturum.

Vt vel hinc accipi possit immortalitatis humanæ mentis argumentum, quod neque ex corporalibus elementis, neque nisi ab ipso per se Deo fieri potuit. Quod quidem Plato consentaneè loquens, disertissime explicauit post præscriptam orationem, his verbis: *Hæc satis in eodem rursus cratere, in quo mundi totius animam permiscens temperauerat, superioris temperationis reliquias miscendo persudit, modoque quodam eodem non tamen perfectas similiter, sed & secundo & tertio gradu à primis deficientes. Denique cum uniuersum constituisset, æris parem numerum distribuit animarum.* Hæc Plato: qui apertè docet, Deum cum minoribus Dīs formandi corporis humani curam demandasset, ipsum per se humanas animas confuixisse, eadem ratione qua fecerat ipsos Deos, seu Angelos, & animam mundi, atque eadem natura, etsi non æquè perfecta, sed paulò inferiori. Secundo (inquit ille) & tertio gradu à primis deficientes. In Psalmo vero octauo dicitur, *Minuisti cum paulò minies ab Angelis.* Itaque hæc in parte congruit diuinum oraculum cum Platonis placito. Ille enim dicit temperasse Deum in eodem cratere, superioris temperationis reliquias permiscendo (quæ verba innuunt similes esse naturas,) ac effecisse animas humanas modo eodem, non tamen æquè perfectas. Diuinus vero vates dicit Deum minuisse hominē paulò minus ab Angelis. Quod quidem constat non ob corpora dici (ob hæc enim belluis simillimus est, non Angelis,) sed ob animas, quas ut quosdam Angelos, etsi ordinis aliquantò inferioris ipse per se Deus efficit, & diuino quodam modo, neque homini satis intelligibili immittit in corpora nullo quidem tempore, antequam in corporibus sint existentes. Ita vero se habere rem, cuius qui

Sensus sē
sibilis &
organi
commu-
nio.

Philosophiæ ignarus non sit, videtur suaderi faciliè posse. Nihil enim Philosophis magis receptum est, quàm sentiendi facultatem quamcunque cum eo quod ab ea sentiiri potest, habere similem naturam, indeque nasci (similiū scilicet concursione) sensum actu, & ipsarum facultatum differeñtiam. Atqui profectò in hoc video, in aliis scilicet omnibus placitis dissentientes sectas consentire. Nimirum ut ex Empedocle libentissimè recipiunt, Plato, Aristoteles, & Galenus, & post illos alij omnes. *Sentimus terrā tellure, liquore liquorem, aëre aëream substantiam, ignem quoque cernimus igne.* Est scilicet quædā naturæ communio, sensibili, sensui, & sentiēdi organo, neque aliter res cognoscibiles subeunt in animam, quam vnaquæque per sibi simile, ignea per igneum, aërea per aëreum, aquea per aqueum, terrea per terreum. Si igitur in homine est (ut quisvis, nisi stupidissimus, in se esse agnoscit) facultas cogitandi de rebus incorporeis & incorruptibilibus, constat esse etiam substantiæ partem aliquam incorpoream, & incorruptibilem. Mirum verò, esse multos qui se doctrinæ nomine iactant, qui acerrimè disputantes de diuinis, de incorporeis, de vno, ente, & bono, putant nihil in seipsis esse tale, quasi verò si omnes homines essent nati sine oculis, posset inter ipsos oriri vlla dubitatio de coloribus. Itaque quandoquidem humana mens substantiarum incorporearum habet sensum aliquem, incorporea est, & aliquid habet aliud quàm ut sit corporis actus. vnde etiam sit, ut ex nulla materia facta sit & à solo Deo per sese. Nam vim ex nihilo faciendi penes solum Deum esse posse, antea indicatum est. si igitur à solo Deo est facta, vel ob hoc æterna esse cognoscitur, ac velut Angelus Dei. Quoniam verò non est Angelus par, sed paulò minus perfecta, nescio quā habet analogiā cum corpore s, ob quam separabilis cum sit, potest esse etiam actus corporis & organorum sensus, ratio, forma, essentia, & Intellectus, quod corporei, & incorporei artissimum vinculum, hominis naturam facit adeò mirabilem. Qua dignitate indignissimæ mihi videntur illæ belluæ (quo enim alio potius nomine appellabo eos, qui tanto studio tales esse contendunt?) dicentes cum stultis (quos Eccl. c. 3. inducit.) *Vnus est interitus hominū & iumentorum. & aqua vtriusque conditio. Sicut moritur homo, sic & illa moriuntur. similiter spirant omnia, & nihil habet homo iumento amplius. Cuncta subiacent vanitati, & omnia pergunt ad vnum locum, de terra facta sunt, & in terram pariter reuertuntur. Quis nouit si spiritus filiorum Adam ascendat sursum, & si spiritus iumentorum descendat deorsum? Hæc sunt insipientium voces.*

Quo

Quorum insipientia duplici mihi videtur constare errore, altero, quod in questione de re incorporea, & insensibili, videntur sensus testimonio, dicentes: *Sicut moritur homo, sic & illa moriuntur, similiter sperant omnia.* quasi sensu exploranda sit res hæc: altero, quod negant fieri, quia quomodo fieri possit non intelligunt. Quasi rationem aliorum omnium, quæ secundum naturam euenire non negant, apertè intelligant, aut valeant inuenire quidpiam eorum quæ operatus est Deus ab initio usque ad finem. Deberet eopotiùs, si modò essent sobrij, propriæ ignorationis conscientia, dociles reddere, ac uasibiles.

f

CAPVT LXVI.

Ecclesiast. c.12. siue Concionatoris: *Memento creatoris tui, in diebus iuuentutis tue, antequam veniat tempus afflictionis tue, & appropinquent anni, de quibus dicas, non mihi placent. Antequam tenebrescant Sol, Lumen, & Luna, & Stella, & reuertantur nubes post pluuiam. Quando commouebuntur custodes domus, & nutabunt viri fortissimi, & otiosa erunt molentes in minuto numero, & tenebrescent videntes per foramina, & claudent ostia in platea, in humilitate vocis molentis, & consurgent ad vocem volucris, & obsurdescunt omnes filia carminis. Excelsa quoque timebunt & formidabunt in via, florebit amygdalus, impinguabitur locusta, & dissipabitur cappar. Quoniam ibi homo in domum aternitatis sue, & circuit in platea plangentes. Antequam rumpatur funiculus argenteus, & recurrat vita aurea, & conteratur hydra super fontem, & confringatur rota super cisternam, & reuertatur pulvis in terram suam, unde erat, & spiritus redeat ad Deum qui dedit illum.* Hæc verba continent optimam senectutis ingruentis, & ad extremum usque procedentis, atque adeò ipsius interitus, periphrasim. Metaphoricis enim loquutionibus significantur senû labores & miseriæ. *Memento (inquit) creatorum tui in diebus iuuentutis tue, antequam veniat tempus afflictionis tue,* hoc est, senectus, & appropinquent anni, de quibus dicas, non mihi placent. Sanè anni senectutis displicent. Nam & ipsi seues displicent sibi usque adeò ut sciamus, vel ob hanc causam in extrema senectute constitutos, solere libenter à vita discedere, non aliter, ac qui longissimo, & insanabili sunt confecti morbo. Talis enim re vera est senectus, hoc solum à morbo discrepans, quod est secundum naturam. Quod idem eleuat penitus spem euadendi, aliter quàm per mortem. Censeo autem hic sacrum

Senectutis descriptio atq; excellens declaratio.

Concionatorem, nomine iuuentutis appellare, non solum eam quam Medici ad trigessimum quintum annum produci dicunt, sed primam etiam senectutem, quam illi consilietiam appellant, estque usque ad quadragessimum quintum. Nam ad hoc usque tempus durant plerisque vires, haudquaquam insigniter labefactatae, neque hebetescent sensus, neque caput abunde proueniunt. Multo mirius aliae notae quas Concionator recenset, dicens, *antequam tenebrescant Sol, & lumen & Luna & Stella.* Hoc est antequam debilitari visus incipiat, & effugiat lucem, neque lumen sustinere possit. Significat verò Sol diurnum lumen nocturnum Luna & Stella, *Et antequam reuertantur nubes post pluuiam.* Hæc verba significant perpetuas & incoctiles valde senum coryzas. Nimirum coryza ex vaporibus crudis à ventre aut corpore roto ascendentibus, primum quidem, ut nubes quædam caput occupat, deinde densata abit in destillationem, ut quædam pluuiæ. Cum ergo assiduus quis conflatur catharris, successiuis vicibus citra intermissionem, nunc destillantibus, nunc recrudescentibus, perinde est ac cum nox à pluvia aliae nubes reuertuntur. Quoniam ergo, ut Hippocrates in aphorismo author est, coryzæ valde senibus non coquuntur, sit ut ob caloris naturalis debilitatem, & ciborum incoctiones, assidue consistantur, nunquam grauentur crudis, ac difficulter spirent, nunc densatis, excrecent multa, & emungant. Et nunc eandem ob causam *commouentur custodes domus, & nutant viri fortissimi.* Hoc est, sensus debilitantur, & crura præ corporis pondere vacillant. Nimirum exhaustis spiritibus animalibus, cerebroque refrigerato, & secundum propriam siccato substantiam, multis verò excipientis obruto, necesse est exiguum facultatis influere in neruos motus, & sensuum organa, atque ea per sese esse inepta, & ad facultatem excipiendam, & ad exequenda sua munia. Cum ergo sensus & motus ad eandem animæ partem, ad animalem scilicet, & ad eandem corporis partem, puta ad cerebrum spectent, necesse est patiuntur simul. Magna autem proptierate vocatur sensus, custodes domus, & crura viri fortissimi. Nam huic nostri corporis domui dati sunt sensus ad custodiam, ut scilicet accedentium rerum perceptis noxis possit animal sibi cauere. Quacunque enim alia facultate polleret animalis corpus, nisi sentiret, cauere sibi non possit, siue videretur, siue secaretur, siue pateretur aliud quiduis. Proprie ergo sensus sunt custodes. Mauendi verò instrumenta fortiora multo sunt, utpote quorum munus in actione & corporis translatione consistit, non autem in passione, ut sentire. Hanc ob causam affir-

Coryza
quid.

Sensus
custodes
corporis.

mat Galenus, etsi eadem facultas sit, qua sentimus, & mouemur, maiori tamen opus esse ad mouendum. Nimirum pars quæ mouet, apponit robur, quæ sentit, patitur tantum. Atqui vel ex ipso hominum sermone constat. Dicimus enim robusta esse crura, aut brachia, anres verò aut nares nemo dicit robustas, sed expeditas, aut perspicaces, ita etiam, & oculos & alios sensus. Si quando enim dicimus fortes aut robustos sensus, transit à locutio est, aut non tam ob agendi vim, quam ob dispathiam quam scilicet fortia obiecta sustineant, neque faciliè corumpantur. Mouentis verò membra non ita, sed ob transferendi, aut portandi vim. Cum verò fortitudinis epithetum partibus omnibus, quibus est vis mouendi, congruat, multò magis cruribus, quæ tota vita totam corporis molem sustinent, & transferunt. Hæc verò senibus vacillant, quæ de causa baculis vtuntur. Porro his ipsi sunt molares dentes perpauci, & si ipsi qui supersunt otiosi sunt, neque queunt suo munere rectè fungi, cùm ob maxillarum debilitatem, tum etiam ob eandem ipsorum raritatem. Incidens enim in spatia vacua cibus mala conteritur Hoc ergo est quod dicit, & orio-
sa erunt mæres in minuto numero. Dentes soli inter omnes nostri corporis partes nunquam nobiscum nascuntur, sed inuascuntur iam ortis, & rarò usque ad naturalem interitum comitantur, sed excidunt priùs. Illud quidem vtilitate, hoc necessitate euenit. Non enim nascuntur nobiscum, ne lac e maminis sugere, alimentum vtile ei ætati, ad òmpediant i excidunt verò non sine hominis damno, sed ob radicis siccitatem, & alueolorum quibus clauorum titi infixi sunt, amplitudinem, quam defectus nutritionis maximæ, & ipsorum dentium affectu. Diximus senibus custodes domus commoueri, hoc est, sensus extinguì. In his verò oculi & aures solent noxam insignè pati, *obrem ebrescunt enim aspicientes per foramina,* hoc est, oculi, & *obser desunt omnes filia carumis,* hoc est aures. Vtriusque causa est debilitas facultaris eius quæ in cerebro residet. & in vtraque partem per neruos mittitur, & instrumentorum ineptitudo. Nimirum siccitate, & excrementorum congectione crassescunt senibus succi oculorum, & membranae anteriores, durefcunt, & corrugantur. Vnde (accedente præcipuè spirituam inopia) fulgor amittitur. Nonnullis etiam obturantur nerui optici. Auribus simile quiddam contingit, & tabescit internus & congeuitus aère. Sed videamus quod interest. *Claudent inquit ostia in platea, in humilitate vocis molentis.* Vocatur platea, humani corporis ipsa facies, quia illis sunt omnes sensus, & omnis ad sentientem animam pertinens

Cur dentes
nobiscum
non nas-
cantur

Cur oculi
n seu eque
te tene-
brescant

Pacies
plane cor-
poris.

negotatio, omnesque cordis affectus facies declarat, non timorem, nec tristitiam, & hilaritatem. Quò respiciens Poeta ille dixit: *O quam difficile est, crimen non prodere vultu*. Salomò quoque quinto Proverbiolorum inquit: *Cor gaudens exhilarat faciem*, Ecclesi. quoque cap. 13. ait, *Cor hominis immutat faciem eius, sive in bona, sive in mala*. Certè cùm totum corpus anima reneat, in facie multò euidentiùs se prodit. Quo fit, ut meritò censeatur adeò contumeliosum in faciem cædi, quandoquidem in ipsos sensus atque adeò in ipsam animam videtur illata plaga. Quae eadem natura, cùm quidpiam itruit extrinsecus, accurrunt partes omnes in faciei custodiam seipsas periculis obiiicientes. Senibus vox est humilis ob debilitatem facultatis, quæ thoracem mouet, quia ad edendam vocem vehementi expiratione opus est. Quapropter non temerè centurio, qui ex aduerso stabat (ut dicitur Marci capite decimoquarto) vidēs quia sic clamans expirasset, dixit, *Verè filius Dei iste*. Nimirum qui sunt morti proximi, ne edere quidem possunt vocem præ debilitate, nedum clamare voce magna. Præter facultatis autem debilitatem facit senibus humilitatem vocis, dentium defectus. Quia is ipse spiritus qui expiratur, non percussus effluit, quare minus sonat. Cui malo ut succurrant, comprimunt intorsum labia quasi vacua dentium loca ita obituraturi. Quare ostia plateæ claudunt. Nimirum labia sunt oris ostia, ut per plateam claudunt ergo ostia in platea in humilitate vocis molētis, hoc est, ob humilitatem vocis, quam faciunt rati molentes. Accedit quoque senibus perugilium, ob cerebri siccitatē, & non raro ob dolores assiduos, cùm aliarum partium, tum vel maxime viarum vrinæ, & ob destillationes & excreta. Quo fit, ut nunquam totam noctem dormiant, sed plerumque surgant ad vocem volucris. hoc est ad galli cantum: expurgantur enim, atque si dolore uterentur, etiam surgunt noctu aliquoties, atque adeò eorum plerique antelucano tempore, aut saltem summo mane exurgunt. Nimirum eius ætatis est, citò ite cubitum diurno motu defatigatos, & citò etiā exsurgere non dormientes, neque minus defatigatos iacendo. Adeò nulla illis requies est, & meritò vita displicet. Hoc est quod dicit, & *consurgēt ad vocē volucris*. De cantu galli, ut qui ternis horis cantare soleat, quasi motus cæli rationē habeat, ut qui quibusdam gentibus, & in exercitiis maximè, ad excubias noctis pro horologio sit, dictum antea est in hoc ipso opere. *Excelsa quoque* (inquit) *timebūt in via*. Hoc est, mens quoque; tenebitur, ubi se ire in mortem præcipit homo sentit, *Florēbit amygdalus* hoc est, canescet quoque caput & barba, ut florescens amygdalus. Nimirum hæc arbo

Senes eum
comprimunt
labia
intorsum.

arbor omnium citissime candescit. Causa canitiei est, redun-
dantia pituitæ in alimento proprio, partium circa cutem, ob
debilitatē naturalis caloris. Addit, *impinguabitur locusta*. Quod
de marina locusta intelligi debet, ea est in animalibus ultra-
codermis, hoc est. testacea crusta rectis. Senibus ob siccitatem
siccatur, durefcitque cutis, ac proinde locustis conferuntur,
perindēque est dicere, impinguabitur locusta, ac si diceret, cre-
scet callosa durities in cute, quasi locustæ crusta fiat. Addit, *Et
dissipabitur cappar*. Quidam interpretantur, cappar nomine
intelligi generandi potentiam, & stimulos Veneris, atque adeo
ipsas venereas partes, quod (ut author est Auicenna secundi li-
bri cap. centesimo secundo) cappar Venerem insliget. Intelli-
gunt itaque hoc quoque esse extremi senij indicium, marcescere
genitalia sine generandi cupiditate & potentia: fit verò id emo-
riente virtute in parte, & vitali calore, *quoniam ibi homo in do-
mum aternitatis suæ*, hoc est, morietur, incipit verò mors à fa-
cultatum extinctione, huius verò ante alias, quia pluri spiritu
indiget & ad propriam vitam tuendam minimè est necessaria,
sed ad prolem. Et *circuibunt plangentes in platea*. Hoc dicunt sig-
nificare lacrymas inuoluntarias, decurrentes ex oculis per fa-
ciem. Quod signum in ægrotantibus acutè est lethale, in seni-
bus verò debilitatis naturalis oculorum, quod extremos iam
series solet comitari. Non est parum congruens hæc enarra-
tio. Mihi verò ob illa verba quæ interiecta sunt: *Quia ibi homo
in domum aternitatis suæ*, magis placent, illa verba. Et *dissipabitur
cappar*, & *circuibunt plangentes in platea*, descriptionem esse
mortis ipsius, & funeralium, quàm senij: quasi dicat. eò res ve-
niet tandem per senium, ut dissipetur cappar, hoc est, aperia-
tur sepulchrum, & *circumeant plāgentes in platea* hoc est circa
domum plangant, qui lamentis sunt prosequuturi funeralia,
Elegiaci scilicet, aut Præfixæ ut erat antiquitus in more. Hæc
verò fient, quia ibi homo in domū æternitatis suæ. De cappa-
ri scribunt naturæ historici, nasci solere in sepulchris, cum de-
erret scilicet per campos, ubi quondam, tam Iudæorum quàm
Gentium, erant sepulchra. Necesse ergo erat, quo ea aperiren-
tur, capparim dissipari. Nam Aristot. sect. 20 Problem. 12. in-
terrogat quid causæ sit quòd cappar locis cultis non gau-
deat, sed inculta & inuia prosequatur, & maximè sepulchris
adhæreat. His de obitu per occupationem dictis, redit rursus
ad senij noxas, dicens, *antequam* (supple recordare creato-
ris tui) *rumpatur funiculus argenteus, & recurrat vitta aurea*.
Funiculus argenteus vocatur magna proprietate spinalis me-
dulla, cum nervorum qui ex ea oriuntur distributione. Nervis

Canitiei
causa.Elegiaci
& Præfi-
xæ.
Cappar
vinctos.Spinalis
medulla,

Menynx.

cum , vt quibusdam funiculis , alligantur & firmantur omnes corporis partes. t. st. verò spinalis medulla , & ipsa nervorum substantia , colore argentea. Vita aurea vocatur menynx tenuis, siue cerebri inuolucrū , ea enim, vt vitra quædam, totum cerebrum ambit, constringit & continet. Vocatur verò ea non ob colorem aurea, sed ob vtilitatem, quasi pretiosa. Est enim adeò, vt multi Medicorum censent, non siue magnis argumentis, ad illam potius, quam ad cerebri substantiam pertinere sentiendi principium. Ea adhæret adeò indissolubiliter cerebro, vt eo siccatō atque imminuto, vt in senibus euenit, contrahatur ac corrugetur. Qua causa sit, vt cerebrum, & menynx recurrant à cranea, neque illud contingant. Hinc illud aiescit & præ eius ariditate excidunt pili, vt herba arefacta terra, sitque caluitium. Potrò ad nervos pertinet sensus voluntarius, qui obit per musculos, cum laxantur quasi funes disrupti eueniunt membra, in quæ subeunt, & solui, ac paralytici pati, siue linguam, siue brachium, siue crus. Quæ passio senibus familiaris est, ob nervorum debilitatem, & redundantiam succorum crudorum. Dicitur ergo, *antequam moriatur funiculus argenteus*, hoc est, antequam fiat paralyticus, & recurrat vita aurea, hoc est contrahatur menynx cum cerebro, ac fiat caluitium & *contrahatur hydria super fontem, & confringatur rota super cisternam*. Hæc omnia pertinent ad urinam, quæ primum quidem exit guttatum, quasi ex rupta hydria, cum senex laborat stranguria, deinde supprimitur omnino, quasi rota confracta super cisternam, sitque ischuria vocata, & tunc nihil superest, nisi vt *revertatur pulsus in terram suam, unde erat, & spiritus revertatur in eum qui dedit illum*, hoc est, homo moriatur. Quod vt intelligas, scias renes incessanter trahere serum ex vena magna, & hepate, vt rotam quandam quæ continenter haurit ex cisterna: hoc rursus, quod traxerunt mittere in vesicam, vt lut in hydriam quandam hancque mittere in colem, vt fons fons ex quo aqua manat. Itaque fons est ipsa via per quam emanat aqua: hydria vesica quæ illi superstat rota ren, cisterna vena caua, & meritò quidem quia ex caua hauritur. Ren verò rōta, quia inde extrahit. Vesica potius hydria, quia non trahit, sed recipit, & in eam mittitur. Primum ergo senibus accidit, stranguria debilitata retentrice vesicæ quod est, esse hydriam ruptam. Deinde cessat penitus mictio, corrupta traditrice facultate renum, quod est confractum esse rotam, tuncq; citissime moriuntur. Quendam vidi per eam affectionem attingisse diem vndecimum, alium nonum, alium septimum tantum, quatuordecimum meminij attingere nullum. Neque mirum, distribuntur enim

Mictu
quandiu
cisternæ cō-
tingat.

enim serum cum sanguine per totum corpus, quod calorem naturalem partium extinguit & impedit nutritionem, quia adeo dilatatum alimentum non asigitur ab it, ergo pulvis in terram suam, ex qua sumus.

CAPUT LXXVII.

Cap. 7. Eccles. *Noli esse iustus multum.* Non videtur facile intelligere, quis iustus multum possit vocari, aut quæ iustitia possit vituperari. Nam, ut ab Arist. accepimus lib. 5. Ethic. ad Nicomachum, iustitiæ nomen dici potest, de eo quod legitimum est, in quo omnes virtutes continentur (quia in republica perfecta omne bonum erit sancitum lege, & omne vitiosum ac turpe prohibitum) aut de eo quod æquum, siue æquale, quo significata est iustitia virtus quædam peculiaris, quæ versatur in quærenda æqualitate, ubi inter aliquos iniquitas quæpiam intercessit, siue in commutationibus faciendis siue iniuriis inferendis. Sunt verò huius iustitiæ partes tres, distributiva, commutativa, & punitiva. Nalla harum videtur posse esse nimia, neque vituperabilis. Nam primum omnium, ut tota virtus est, non sit nimia. Nam ipsi virtutis rationi repugnat quod nimium, cum in eius esse sit, in mediocritate consistere. Multo autem minus, ut est virtus quædam peculiaris. Omnis enim eius pars versatur in quærenda æqualitate. Æqualitas verò est res impartibilis, quare in ea non possit esse nimium. Quod si quàm maximè velimus intelligere per abusum dati nomen virtutis, vitio quod consistit in excessu, velut dicimus aliquando, nimis liberalem esse eum qui est prodigus, & nimis temperantem eum qui est insensibilis: tamen id cum in aliis virtutibus fieri possit, in ea iustitia nullatenus videtur posse. Quia ut Arist. inquit cap. 5. lib. citati, iustitia non consistit in medio ut aliæ virtutes, sed modo quodam alio, quia non ut illæ, est inter contraria vitia constituta, sed versatur inter duo inæqualia, inter lucrum scilicet, & damnum, sed inter iniuriam facere & pati. Quæritque inter hæc æqualitatem, & medium, & quod propius accedit ad exactum, eo melior est, quare per iustitiam nunquam itur ad excessum, nulla igitur iustitia vituperanda, neque quisquæ esse potest nimis iustus. Atqui professio ita est. Nullus te vera est nimis iustus, sed neq; nimis temperans, aut prudens, aut fortis, quia virtutes nullam recipiunt vitii admissionem.

Tres iustitiæ partes.

Æqualitas.

ffionem. Nihilominus cū nimis adicitur, significant ea nomina non virtutes ipsas, sed vitia quæ sunt per excessum. Velut calor (vt conferamus Physica cum Ethicis) est ea virtus qua generamur, viuimus, nutrimur, & augeſcimus, si tamen dicas, calor nimius, febrem significabis. ita nimis fortis dicitur audax. seu temperarius nimis temperans insensibilis, nimis prudens callidus. Nimis iusto non video quod nomen datum sit. Et forſalle anonymum, vt multa alia in morum ſcientia, est tamen etiam qui nimis iustus vocari possit, deficiatque hac ratione à vera iustitia, ſitque vitioſus in hoc morum genere. Id quod indicare me poſſe exemplis ſpero per ſingulas iuſtitiz partes, puniriuiam inquam, diſtributiuiam, & commutatiuiam. Nam iudex. qui ſcelerum, & iniuriarum est, vindex, deficere poteſt à iuſtitia, minùs aut plus puniendo: minùs quidem, quia cū iuſtitia non ſit virtus ad ſeipſum, ſed ad alios, non eſt in eius poteſtate ſitum, alterius iniuriam condonare. neque ſi ſit crimen alio in genere (non enim omnia crimina iniuriæ ſunt) eſt ille aliud quidpiam, quàm miniſter legum; quare ne ſic quidem poteſt pœnam remittere vt lubet, non minùs tamen peccare poteſt, ſi nullam vnquam æquitatem adhibeat, ſed ſemper iudicet ex ſcripto. Nam etſi iuſtum legitimum ſit, quod lege ſtaturum eſt, quia ramen leges non poſſunt eſſe de ſingularibus, vt neque ſcientia vlla, neque ars, quia hæc ſunt infinita, quotidièque naſcuntur, & intereunt, vniuerſale verò non poteſt non deficere in multis ſingulariū, neceſſe eſt, vt, iudex inquā multis adhibeat æquitatē, quæ nihil eſt aliud teſte Ariſt. quam emendatio legis in eo quod deficit ob vniuerſale, hoc eſt, detrachere aliquod ei quod lege ſancitū eſt ob circumſtantiā aliquā quā legiſlator non præuidit. Qui igitur nullam vnquam æquitatem adhibet, prætextu iuſti legitimi exequendi incidit in vitiū, quod eſt in exceſſu. Iam verò diſtributiua iuſtitia conſiſtit in tribuendo cuiq; pro ſua dignitate, eſtque hoc modo iuſtus qui in honorū diſtributione æqualitatem ſeruat. Quam æqualitatem dicit Ariſt. debere eſſe nō Arithmeticā, ſed Geometricā, quia non debet tantundem tribuere omnibus, ſed habita ratione dignitatis cuiusque, vt, verbi gratia, Achilli 3. Aiaci 4. Peccare igitur cōtingit in hoc genere duobus modis. Non enim ſolū peccabit qui tribuit minùs digniori, ſed & qui tribuet plus indigniori, ſi ſit materia iuſtitiz nā vbi locū habet gratia, nō pertinet ad iuſtitiz) velut ſi quis tribuit vtriq; Achilli dico & Aiaci 4. peccat, quia Achilli tribuit minùs, ſi vtriq; 8. quia Aiaci tribuit plus: vtroq; autem modo deficit ab æqualitate, peccatq;, etſi non eodem modo: quia qui tribuit plus, iniuriam

Nimis iuſtus quis.

Æqualitas Geometrica in iuſtis.

iusticiam non facit, ut qui minus, ei scilicet cui tribuit, est tamen nihilominus vitiosa & iniqua actio. Velut (satis enim sit apertioribus uti exemplis) in suffragiis ferendis pro consequenda dignitate, aut autoritate in Repub. non solum peccat qui denegat digno, aliquando etiam multo magis qui tribuit indigno. Tamen si non uterque iniuriam facit, quia qui digno denegat tribuens minus boni aut plus mali, quam meretur, iniuria eum afficit, qui tribuit indigno non ita, quin potius in contrarium incidit vitium, quia tribuit boni plus, aut mali minus; est tamen hoc quoque temerarium iniustitiam facere. Iam vero in iustitia commutativa, iustus est qui sibi & aliis tribuit æquale. Æquale vero non Geometricum, ut in distributiva, sed Arithmeticum, ut centum pro centum, decem pro decem. Nulla enim in commutationibus haberi debet ratio dignitatum, sed rerum. Igitur peccare quis possit in hoc genere duobus modis, & tribuens sibi plus quam alteri, & tribuens alteri plus quam sibi. Iniquè enim commutat, qui pro re quæ valet centum, tribuit quinquaginta, iniquè etiam si tribuit bis centum, ubi non habet locum liberalitas. Vbi vero liberalitate id agitur, non habet rationem commutationis, sed largitionis, quæ commutatio autem vitiosa erit. Non tamen eodem modo peccabunt hic & ille. Quia qui tribuit minus, iniuria afficit vendentem, qui plus, nullam iniuriam facit (nisi forte Reipublicæ) vitiose tamen commutat. Sunt igitur hæc quoque duo vitia, alterum in defectu, alterum in excessu, atque utroque modo agitur res iniusta, etsi non utroque infertur iniuria. His argumentis non possum hæc in parte probare sententiam Arist. dicentis iusticiam non esse inter duos excessus, ut alias virtutes, sed modo quodam, quia versatur inter duo inæqualia, ut inter lucrum & damnum. Quin potius ex ipsius Arist. sententia, mihi videtur evidens argumentum capi, aduersus eundem. Nam si iustitia versatur inter lucrum & damnum, necesse est utriusque posse adhiberi plus & minus, & duplices esse actiones circa duplicem materiam, augendam aut minuendam, utrasque deficientes ab æqualitate, ac proinde utrasque vitiosas. Quare cum habitus nascentur ex actionibus, duplices etiam habitus malè operandi circa iusticiam possint animis inuasci, sitque iustitia constituta inter duo vitia, ut virtus alia quæcunque. Verbi gratia, iniuste commutat, qui sibi & alteri tribuit æquale lucrum & damnum, iniuste vero, qui sibi lucrum & alteri damnum, vel sibi lucri plus, aut damni minus quam alteri, & qui alteri lucrum & sibi damnum, aut alteri lucri plus, aut damni minus quam sibi. Nam etsi plerisque videtur hic non peccare, quia nulli facit iniuriam (sibi enim nullus potest iniuriam facere quia ea non sit volenti) tamen non bene commutat,

commutat,

Iustitia in
mediocri-
tate con-
sistit.

cōmutat, atque ea actio ratione largitionis, & ob liberalitatem
possit esse studiosa, quæ commutatio verò vitiosa est. Constat
igitur, iustitiam, vt alias omnes virtutes morales, in mediocri-
tate consistere, quin etiam multò apertius quàm alias, quia ver-
satur in quærenda mediocritate inter excessum & defectum.
Quapropter sapientissimè monet Ecclesiastes, *noli esse iustus
multum* siue, inquam, iudex es a Deo cōstitutus, ne ita te geras,
vt nullam adhibeas æquitatē: siue emolumenta præmiâq; di-
stribuis, caue tantopere timeas digno denegare, vt tribuas etiā
digno: siue commutas, caue tantopere timeas alteri satis lucri
non tribuere, vt tibi inferas damnum. Nam etsi non vtroque
modo eris iniurius, vtroque eris iniquus, atque aliquando
simul damnum patieris, & iniuria Kemp. afficies. Quandoqui-
dem ergo vitium bonū præcipuè ciuilem, oportet omnia eum,
& vt oportet, agere, atque omnia in cōmune primū bonum,
deinde suum, conferre cauere debet, ne in materia iustitiæ quid-
piam agat nimis: neque verò in vlla alia. Insinuant se profectò
aliæ interpretationes eius loci non ineptæ. Possunt enim verba
scripta esse in hypocritas, qui videri ab hominibus iusti volunt
nimis. Quasi diceretur, noli nimis in conspectu hominum esse
iustus. Possunt etiam dici in supersticiosos, qui prætexn piera-
tis, in multas impietates incidunt, & seruli timore peccandi,
multa sibi fingunt, in quæ etiam incidunt, peccata. Verū prior
interpretatio, Philosophica magis est, & meo instituto accom-
modatior.

C A P V T L X V I I I.

Fascina-
tio.

CAp 4. Sapientiæ ita habetur: *Fascinatio nugaritatis obse-
rat bona.* Paulus etiam cap. 3. Epistolæ ad Galatas, ita
eos alloquitur: *O insensati Galata, qui vos fascino, non obe-
dire veritati?* Quibus in locis videtur fascinationis facta men-
tio, tamen plerique viri docti, vanam esse censent de ea opi-
nionem. Quapropter haud erit abs re, neque præter præsentis
operis institutum, de ea rarisper differere. Haud scio vnde
melius possumus incipere, quàm ab iis quæ de fascinatione
vulgus censet, inde illius comparata notione, examinemus, an
re vera quidpiam sit in rebus tale, an aliud aliquid, an omnino
nihil, sed meræ nugæ. Audio quàm plurimos affirmare, fieri
nonnunquam, vt qui bene valent, ab aliò quopiam tantū
conspici,

conspiciti,repentè ac multùm lædantur, eosque qui ira læduntur,fascinatos vocant quibus verò vis ea maligna in oculis sit (neque enim omnibus esse æqualem) Fascinatores. Hos verò ipsos fascinare (hoc est,in tuendo lædere) cum quadam animi affectione magis,vt cum attentè intuentur cum quadam inuidentia. Proinde hoc periculum multò magis subire pulchros quàm deformes, & cum laude magis quàm cum vituperatione. Vnde religio nata est,bene imprecandi,ei quem cum admiratione & cum laude intuearis,alioqui(dicunt)fascinetur. Alij fascinationis timorem, ad alias etiam quasunque inuidentiæ causas extendentes,si quid comedunt autè,quod alium quempiam vident intueri, motu percussì partem cibi statim porrigunt, ne fascinentur. Porro dicunt hanc passionem in pusillos incidere potius quàm in grandiores,quòd teneriores sint,& (vt ipsi dicunt)leuiori sanguine,hoc est (vt arbitror)minùs feruolento & melancholico,tametsi pulchritudine etiam mulieres & quæ se tales esse præsumunt, sibi cauent. Quia etiam ad animalia cætera dicunt hanc affectionem pertinere Nam & gallinas.& agnos. & equos, ferunt fascinatos aliquando cecidisse. Ex his omnibus quæ de fascinatione circumferuntur,heri videtur,vt, etsi modo & subiecto variet, illud tamen commune omni fascinationi sit,oculis & intuitu inferri.Itaque videtur esse læsio oculis illata,non tamen hoc solùm Nam si, qui ophthalmia laborat,obuium quempiam inficit,atque ophthalmia facit laborare,nemo vnquam dixerit fascinasse Quidam addunt læsionem illam illatam oculis,oculis etiam concipi,ubi is qui fascinetur & qui fascinat,se se mutuo intuentur attentè. Itaque ponunt in ratione,seu notione fascinationis duplicem oculorum respectum, & inferri.& concipi oculis. Alij ponunt hæc seorsum,quasi duplex sit ratio fascinationis,aut illata,aut concepta oculis passio. Quapropter erit multò verius fascinatio, cui vtrunque accidet & inferri,inquam, & concipi oculis. Sed neque hoc vtrunque.nam & ophthalmia per contagionem genita, inferitur & concipitur oculis, neque vlla ratione potius,quàm si qui primaria laborabat,& qui inficitur, se mutuo intueantur. Sed neque si quis pestilenti affectus febre aut etiam sine febre,deferens,secum pestis seminaria, alium intuens intuentem inficiat,dicitur fascinasse,sed peste affectisse.Quid ergo aliud possimus adicere ad integrandam fascinationis rationem; certè nihil(vt videtur)aliud,quàm timorem illum superstitiosum,& suspitione inuidentiæ,vt si pulcher pusillus sit,intueatur verò maligna anus quæ pulchritudinem mitetur, & oderit. Hanc enim ob causam duobus occurritur remediis, vt

signo

Oculorū
fascina-
tio.

gno aliquo contemptus, ut implicatis digitis (sicam nostri vocant) aut bona precatione, alterum enim horum indicat, cum qui intuetur, non admirari, neque laude dignum magnopere censere, siquidem contemnit, alterum, non odisse; siquidem precatur bona. Ita etiam si quis comedens aliquid intuenti auidè, non porrigit, timet fascinationem, quia intuenti expectentique, est inuidiosus, inuidiæ enim obiectum est, ingratum bonum. Videtur iraque fascinatio esse passio oculis illata & concepta, profecta ex quadam affectione animi eius qui intuetur. Quapropter rationem aliquam pulchri, aut expectibilis esse oportet in eo quod fascinetur, & malignitatis in fascinatore. Si autem hæc est fascinationis ratio, quivis facillè intelligat fascinationem esse superstitiosum quendam timorem ex stulta credulitate profectum, eiusmodi sunt quamplurima alia in hominum vita. Argumento est, quod mulieribus magis quàm viris, & viris indoctis magis quàm peritis probatur ea opinio. Tametsi video, in ipsis etiam doctis esse quosdā, qui quadam ambitione, omnia quæ vulgus miratur, tueri curent subtilitatis magis, quàm veritatis amatores; vnde iudicarij, Magi, Præstigiatores, & secretorum periri haberi volunt, quorum ingenia ego nunquàm fascinabo. At dices, fascinationis opinio neque vulgaris est, neque nova, siquidè antiquissimi & probatissimi auctores scribere multa illius remedia: si verò nulla re vera esset fascinatio, vanum esse prorsus eius remedia recensere. Plinius lib. 26. cap. 10. inquit, *altera Satyrion Orchis cognominata scemina esse creditur, d stringitur internodijs & ramis ore frutice, fascinis utili.* idem lib. 28. cap. 4. *repercuti fascinationes desputione affirmat* Inventa itaque iam sunt tres fascinationis præcautiones: fica, & benedictio in eo qui cernit, spuitio in eo qui cernitur. Idem commendat lib. 13. cap. 4. contra fascinationes ossicula quædam palmarum lunata, & dente, nescio qua religione, polita. Idem corium frontis hyenæ fascinationibus resistere affirmat lib. 28. cap. 18 Arist quoque sectione 20. problematum dicit, rutam antidotum esse fascinationū Non aliter profectò, ac nunc pusillis collo suspenditur Gagates. Nō videtur ergo figmentū esse fascinario, cuius tam multa remedia inventa sunt. Nam naturalium remediorum cognitio non aliter constar quàm experimento: non potest autem esse auxilij, quin sit ipse etiam passionis experimentum: id verò si est, certè & ipsa fascinario est in rebus. Quod aliis etiam antiquorum dictis confirmatur. Nam & Virgilij est illud carmè: *Nescio quis teneros oculus mihi fascinat agnos.* Plinius quoque libro 7. cap. 2. *In Africa* (inquit) *esse familias quasdam fascinan*

Fascinationis reprehensio.

Satyrion Orchis.

Fascinationis remedia.

Gagates lapis.

fascinantium. *Isigonus* & *Nymphodorus* iradunt, quarū laudatione intereant probata, arecant arbores, emeriātur infantes. *Esse* eiusdem generis in *Triballu* & *Illyriu*, adiicit *Isigonus*, qui visu quoque effascinent, interimantque quos diutius intueantur, iratu præcipue oculis. Quod eorum malum facilius sentire puberes Vides vt multi antiquorum fascinationem asseruerunt. Atqui & illa verba *Ecclef. 31. Nequius oculo quid creatum est?* aliquibus sonant fascinationem. Præterquam quod & in sacris extant duæ illæ quas præscripsimus orationes, in quibus fascinationis mentio sit. Verum de præscriptis orationibus postea dicemus, reliquis occurramus. Atqui (vt incipiamus ab vltimis) *Virgilius* non induxit ita loquentem *Socratem*, aut *Aristotelem*, sed *opilionem*, vt debeat meritò obloquentem personam censeri id dicere, non ex sua sententia, sed ex vulgi opinione, qua nihil est incertius. *Plinij* verba, & *Isigoni* ac *Nymphodori* autoritas, non indicant esse verè vllam effascinationem, sed si figmentum est, nouum non esse. Porro *Ecclesiasticus*, oculi nomine inuidentiam damnat. Quæ de antidotis dicuntur optimè interpretatur *Aristoteles* loco nuper citato, dicens rutam censesti fascinationis remedium, quia tunc se putant homines fascinari, cum voraciter edunt, aut incommoditatum aliarum tenentur suspicione, aut perturbantur ipsa fascinationis opinione, vt si animaduertant alium intueri in cibum quem capiunt. Ob voracitatem ergo, aut perturbatū esum repleti flatibus, à quibus angantur aut vomant, rutam verò tunc temporis prodesse, quia flatus absomit, atque id non intelligentibus, videri fascinationem tollere. Certè ruta commendatur aduersus dæmones & fascinationes, ac denique aduersus omnes passionēs, quæ censeantur esse sacræ, vt aduersus terribilia insomnia, Phantasmatā, & nocturnos timotes; huius verò causa est, quod absomit flatus, & siccāt, extinguūque seminis redundantiam. Pleraque verò eorum quæ in Dæmonēs vulgus refert, nascuntur ex dictis causis, vt faciliè discēs ex *Hippocrate* libello de flatibus & de morbis virginum. Hoc idem dicimus de radice *Orchidis* præterquā quod ea radix semē expellit, potius quā absomit. *Gagates* lapis fortasse cōparauit eam authoritatē, quia recreat vuluæ strangulationes. Iam verò officula palinatū luna: superstitiosum remediū esse, vt ab errore conceptū, potius quā verum malum, constat vel ex ipsis *Plinij* verbis. Ipse enim dicit. religione quadam politum. Illa verò religio superstitio est, multò magis superstitiosū est expulsionē repellere fascinationē, atque hoc ipso remedio testari videtur homines fascinationem non esse vllam à naturalibus causis illatam noxam, sed

Ruta vis.

Orchi
herba.

ad veneficia & Dæmones pertinere. Nam hac ipsa religione videas nunc rusticos, vbi Satanæ abrenunciant, nominato eo semper spueri, eadem scilicet religione, qua contra fascinationes. Eisdem vanitati attestatur remedium quod quaeritur ex fica, & ex deprecatione. Naturalia enim non esse hæc, sed superstitiosa, quis non videat? Sed & his dimissis ipsa per sese res vana esse conspicitur. Quid enim facit (sublata eius qui se lædi putet, imaginatione) placeas. an displiceas ei qui te aspicit, oderit, an amet? nisi fortè placet opinio Avicennæ & Metaphysicæ, qui hominis animam, ea dicit vi pollere, vt possit imaginatione sola permouere materiam longè positam. ac distantiam. Ea verò opinio nulli sanæ mentis homini probatur, ac tunc quoque imaginationis esset fascinatio, non oculorum.

Fascinatio est vanitas superstitio.

Fascinationis itaque nomen antiquum est, atque secundum antiquam significationem, nullum naturalem morbum significat, sed superstitionem vanam, ex vulgari natam opinionem. atque idèd neque Hippocrates neque Galenus. neque veterum Medicorum quisquam (quod ego sciam) fascinationes meminit, neque inter morborum differentias, neque inter eorum causas. Vnde rursus non parum probabile accipitur argumentum eius vanitatis Neotericorum quidam, vt affectant fascinationem, tollunt ab eius ratione affectionem animi eius qui inqueatur. inuidentiam inquam illam. quia ea sola videtur efficere fascinationem superstitiosam; dicuntque fascinationem esse infectionem quandam malignam oculis illatam. Alij addunt, & oculis conceptam. Aiunt igitur multò magis quàm partem ullam aliam nostri corporis, posse virus quodeunque iaculari in alium, ob rectitudinem illam radiorum visualium, secundum quam. vt perspectiui monstrant, visio agitur. Deferri igitur virtus, si quod inest. cum radiis illis visoribus, atque in rem conspectam firmiter insigi. Porro addunt a corde in oculos habere id virus ex pedetissimam viam, argumento, quòd cordis passiones citissimè oculis sese insinuant: ab oculis verò emissum, oculis eius qui contra spectet, quàm vlla alia parte recipi facilius. ob similitudinem. quæ parit sympathiam: atque eadem ratione receptum oculis facillimè tendere in cor, vt pote à corde veniens. Deinde ex Galeni sententia, quæ multis non inuidentibus argumentis confirmatur, dicunt, intra nostra corpora gigni posse vera venena: multos enim repente mori constat, cum eisdem omninò signis, quæ accepto veneno solent apparere, tàmetsi liquidò constet acceptum non esse. Id etiam venenum posse non exiguum tempus intra corpora latere, nulla interim illata euidenti noxa, indicant, quia à

cane

cane rabido morfi sunt, quorum nonnulli etiam anni dimidium solent, sine conspicua affectione transigere. ita etiam mulieribus menstruatis virus quoddam verè venenosum agitari, agitarumque emitte per oculos, & haustum aliorum oculis, maximè puerulorum, qui & teneriores sunt, & incautiùs respectant, transmittere in cor, atque lethalem inferre noxam. Neque id videri debere mirum, siquidem Arist. 3. de Historia animalium capite decimonono, eum sanguinem vitiatum esse affirmat; adèd autem vitiatum esse censent, ut dicat Plinius cap. 15. libri septimi: *Nihil facile reperitur mulierum profluvio magis monstrificum, acescunt enim (inquit) eius supernentia multa, sterilescent tacta fruges, moriuntur insita, exuruntur horiorum germina, & fructus arborum, quibus insedere, decidunt. Speculorum fulgor aspectu ipso hebetatur, acies ferri perstringitur, eborisq; nitor, alui apum emoriuntur, ac etiam ac ferrum rubigo protinus corripit, odorque dirus aërea, & in rabie aguntur gustato eo canes, atque insanabili veneno morsus inficiunt.* Plura etiam non minùs mirabilia, dicit ibidem lib. 7. c. 2. Ex his videtur fieri probabile mulieres menstruatas, quibus tantum virus intra corpus agitur, solo intuitu posse lethaliter inficere: atque ut hæc secundum naturam colligunt monstrificum virus, ita posse esse homines quibus naturaliter veneficum quidpiam insit, quod per oculos, cum intuentur recta, simul cum radiis visoriis emittatur, quorum sit periculosissimus aspectus, hosque esse fascinatores: quorum etiam scribunt notas, dicentes, hic esse in oculis ambobus, aut altero binas pupillas; aut in altero oculo pupillas duas, in altero effigiem quandam equi, aut canis. Ut vero quidam homines sint tales, sunt qui cautescentur temperamenti proprietatem, sunt qui substantiæ modum, sunt etiam qui putrescentiam spirituum: qui verò sunt eorum sapientissimi, natale astrum. En quæ maximè videntur abesse à præstigiolis fabulis, eorum quæ de fascinatione dicuntur. Quæ tamen omnia, si animi affectum, eius qui effascinet tollas, minimè videntur dici debere effascinationes, sed infectiones venenosæ; neque venenosi illi homines fascinatores, sed venenosi, ut & viperæ, & scorpiones, bufones, ac multò magis basilisci. Itaque ut illa animantia effascinantia nemo vocat, sed venenosa, ita neque tales homines est quòd voces fascinatores. Si enim studes opinionem de ea re vulgatam afferere, nomen quidem retinet, notionem autem eius minimè. fuisse enim ab antiquissimis illis sæculis, in fascinationis notione, iram, aut invidentiam præter verba, quæ ex Plinio produximus, & Aristotele, ipsum nomen Græcum facillè indicat Vocatur enim Græcis

Menstruorum
venenosum
agitari
malignum

Fascina-
torum
notæ.

fascinatio *βασηνία*, & fascinare *βασηνίζειν*. Significat verò hoc idem verbum, inuidere, itaque *βασηνία*, est inuidentia & fascinatio: quasi fascinatio sit læsio cum quadam inuidentia illata. necesse igitur est dicere, illos ipsos venenosos homines, tunc magis inficere, cum aspiciunt cum quadam inuidentia. Non quidem, ob ipsam inuidentiam per se (ne in Auiceennæ aperte falsam opinionem incidatur) sed ex accidētī, quod is animi affectus attentius faciat intueri; atque tunc propriè esse fascinationem quandam, vt à Basilisco. Sed tunc quoque hæc de

Basiliscus.

fascinatione sententia ponit visionem agi exeuntibus visorū radiis, cum his siquidē deferri vapores venenosos: quā tamen minor pars Philosophorum recipit. itaque iam ea opinio non poterit esse omnibus Philosophis cōmunis, sed peculiaris Platoniorum. Deinde verisimile non est, posse enipiam hominī secundū naturam esse vim alteri hominī venenosam. Nam vt animal animali sit venenosum, facit magnum naturæ dissidium, & contrarietas. Vt vipera hominī, & homo viperæ habet

**Saluæ
vis.**

saluam venenosam. Sed neque vipera viperæ, neque homo hominī adeo aduersam potest habere naturam. Nempe causæ omnes quas reddunt, partim futes, partim ineptæ sunt. Primum quidem quod de patali astro dicunt, mihi risum mouet (tamen est grauissimorum hominum sententia, hominum tamen,) necesse enim esset, omnes qui illa ipsa hora essent nati esse fascinatos. Sed de huius Astrologiæ vanitate (si modò Astrologia dicenda, ac non potius diuinatione Chaldaeorum,) in hoc ipso opere diximus multa. Temperici aut obstantiæ dissimilitudo non potest esse tanta in rebus eiusdē naturæ & speciei. Siquidem ex differentia temperamenti nascitur differentia naturæ. Certè neq; quod de basilisco dicunt, possum adduci vt credā esse verum, sed fabulosum, vt alia innumera. nedum vt ea natura in hominē transferatur aduersus alios homines. Consentaneum multò magis sit, basiliscum interim hominis aspectu, si modò eum ipse necat, vt de salua hominis & viperæ dicebamus. Neque quidē argumenta cuiusquā momenti sunt. Nam quæ de menstruo sanguine affirmant, falsa esse ac fabulosa, ipsum indicat experimentum. Versamur enim quotidie cum menstruatīs citra vllam noxam, à quibus tamen si vera illa essent, neq; lapides, neq; ipsa durissima metalla illæsa esse possent. At verò menstruus sanguis est ipsemet quo mulier nutritur. Qui nonnunquam ob solam redundantiam, citra vllam prauitatem emittitur, aliquando etiam ob malam qualitatem, qualis tamen est in reliquo sanguine: nimirum quam Hippocrates iubet contēplari in colore, quia si sunt alba, sint puitosa,

pituitosa, si flaua, biliosa. Quæ cum apparent, nullis incantationibus aut præstigiis iuuat occurrere, sed neque alexipharmacis, quibus venena franguntur, sed medicamentis expurgantibus, quibus solutur cacochymia. Itaque menstruus sanguis vitiosus plerumque est, quia expultrix virtus semper fertur in id quod deterius, minimè tamè venenosus, sed qualis esse solet in corporibus cacochymis. Iam verò quod possint in nostris corporibus gigni venena, nihil ad fascinationem. Gignuntur enim præter naturam, fascinatores verò esse tales natura dicunt. Quid ergo superest? nunquid satis illis sit, si concedamus etsi naturaliter fascinatores nulli sint, tamen eos qui sunt præter naturam affecti, & morboosi, multò magis posse per oculos inficere, quàm per aliam partem? Certè quàm per aures ego concesserim, non tamè quàm per os aut nates, malim enim me aspiciat, qui pestilenti tenetur apparatu, quàm spiritum in me emittat. Nam & putridi aëris veniet multo plus, & ab ore in cor, per arteriam asperam, est longè expeditior via, quàm ab oculis. Oculi (dicunt) mittunt facile sua mala in alios. Quæ? nunquid rixas? an suffusiones? an nubes? minimè, sed ophthalmias. Est itaq; ophthalmia morbus contagiosus. Quid ad fascinationem? manus quoq; scabies contagiosa est. Fascinamus ergò manibus. Vnde ergo (dices) nata est inter omnes homines hæc opinio de fascinatione, si ea adedò nihil est? ex leuium (arbitror) hominum credulitate. Diuus Basiliius cognomento Magnus, in Homilia de Inuidia, spreta vulgari hac de fascinatione sententia, ut muliebri, dicit censere se dæmones vti inuidorum hominum oculis ad lædendum, ut instrumento quodam. Itaque non humanos per se, sed dæmones per eos lædere infantes, & inde natam eam opinionem esse. Sed quoniam hæc causa Physica non est, ad me non spectat, neq; ad hoc opus. Quam ergo habuisse occasionem suspicer, audi. Pueros solito nitidiores, crassiores, pulchriores etiam esse, res est comperta satis, neq; minùs hoc solere sæpiissime, occurrētes, & viros & mulieres, admirari, laudare atque attente intueri, & vlnis gestare, moritare, ac denique cum illis ludere. Scitum etiam est illud Hippocratis: *habitu qui ad summum bonitatis attingit, periculosum esse.* & illud Celsi, *qui nitidiores solito sunt, suspecta bona sua habere debēt.* Cui ergo pusilli ob natalem habitum, non rarò soleant, cum viderentur habere optimè, in magna pericula repentè incidere, vulgus causam non intelligens, in laudatorum, quales illi quotidie habent quàm plurimos, oculos, & inuidentiam, reiecit, illos (quæ est hominum leuitas) sequuti sunt viri alioqui eruditi, & ut est talium ignorantia diserta, processit paulatim res

Oculorum vires ad mala inferenda.

Ophthalmia contagium.

Pueri fascinationi obnoxij.

ad agnos, ad gallinas, ad equos, ad segetes, ad arborum fructus, ad ipsa metalla, ad specula, ad lapides. Rubigine obducuntur, hebetantur, franguntur, comminuuntur, mendacia mœra. Iam est causa in substantiæ proprietate, in venenosa natura, iam in astris, mœræ nugæ. Neque verò Diuus Paulus fascinationem aliquam naturalem esse asseruit, sed quasi prouerbio quod ex vulgi opinione natum est, vtens dixit, *Quis vos fascinavit recedere à fide?* hac loquutione insinuans, illos temerè ac sine vlla causa recessisse à fide cum viderentur in ea profecisse quamplurimum. Iam verò fascinatiō nugacitatis vocatur in sacris quod à Diuo Ioanne in Epistola prima, concupiscentia oculorum, hoc est, avaritia, & cupiditas rerum alienarum. quia enim is morbus concipit oculis, vocatur per allegoriam fascinatiō: dicitur verò nugacitatis. quia bonorum fallacium, iuxta illud Psalmi quarti: *Filij hominum usquequò graue corde, vt quid diligitis vanitatem & quariis mendacium?* hoc est, vana & mendacio bona. Itaque concupiscentia oculorum est fascinatiō nugacitatis. Hæc obscurat bona, quia, vt dicitur in Epistola prima ad Timotheum, *cupiditas radix est omnium malorum*, & vt eodem Sapientiæ dicitur, *Instantia cupiditatis transuertit sensum sine malitia*. Itaque loquutio illa Sapientiæ de fascinatione allegorica est. Allegorica verò accipitur à vulgari opinione. Neque mirum. indicatum enim est antè à multis exemplis, in sacris etiam esse morales fabulas, & allegorias à fabulis translatas, non aliter atque in moralibus Philosophorum libris. Velut & in ea ipsa re de qua differimus, interpretantur nonnulli Platonici super conuiuio, siue de Pulchro, amorem, siue furorem amatorium esse fascinationem, quòd ea passio, eius quæ adamatur oculis plerunque videatur illata, concepta verò oculis eius qui amat semper (nisi forè quandoque concipitur auribus, rarissimè tamen solis) & oculis concepta in cor illabitur, cuius affectione corpus tabescit, sine vllō alio morbo manifesto. Vide quàm congruat hæc allegoria, quæ tamen ex vulgari, & falsa de fascinatione sententia nata est. Itaque, si quis placens Deo, factusque ei dilectus (qualem illic describit author Sapientiæ) & viuens inter peccatores, per concupiscentiam oculorum mutetur, & amittat intellectum, dicetur appositissimè fascinator, quia cum valeret optimè, per oculos valde læsus est, & in grauissimum coniectus periculum, quod pertingit cor per oculos. Nam ita dicitur Hieremiæ 12. *Tui autem oculi, & cor ad auaritiam*. ob has itaque causas is animi effectus dicitur fascinari. Hæc verò sunt Metaphoricæ locutiones, ad formandum animum comparatæ

Furor amatorius.

paratæ: verus sit is sermo vulgi vnde sunt acceptæ, an non, nihil refert. Veræ enim sunt ipsæ Meraphoricæ loquutiones. Velut si adulatores Syrenes esse dixeris, non mentieris, tamen si Syrenes reuera nullibi sint.

CAPUT LXIX.

CAP. II. Sapientia. Non enim impossibilis erat omnipotens manus tua, quæ creauit orbem terrarum ex materia inuisa, immittere illis multitudinem urforum, aut audaces leones.

Mirari euenit hoc loco, cur dicat Salomon ex inuisa materia creasse Deum orbem terrarum, siquidem creauit ex nihilo. Quapropter neque ex vlla materia, siue visa, siue inuisa. Hanc dubitationem faciliè deuitabunt, asserentes mundum hunc factum esse ex quadam congerie rerum omnium, citra vllum ordinem commistatum, quam vocant, thaos, vt Platon; aut ex atomis, vt Anaxagoras, Empedocles, & Epicurus. Hi enim omnes huic rerum vniuersitati ortum aliquem tribuentes materiæ ex qua constitit, faciunt æternam. Mihi verò in ipso huius operis initio monstratum est, nihil omnino esse in rebus æternum, præter illud quod vnum, & primum, ac per se ens, hoc est, Deum. Illud igitur nunc ponentibus, videndum quid de præseni dubitatione dicamus. Certè si quam habet mundus torus materiam, quæ eadem sit terum omnium creatarum, aut certè corporearum, dicere possumus Deum fecisse terrarum orbem ex illa materia, non quidem præexistenti, sed concreata cum formis. Velut si nunc repenti Deus creet statuas humanas, aliam cedrinam, aliâ abietinam, aliam quercinam, dicemus aliâ factâ esse ex cedro, aliâ ex abiete, aliam ex quercu, tamen si non potius constiterint illa ligna, quàm statuarum. Quod si hoc ita habet, constat materiam illam communem rebus omnibus, esse per se inuisam, atque aded inuisibilem quandoquidem si per se videri posset, haberet qualiratem aliquâ aspectabilem, vt candorem, lucem, non nigritiem: quodcumque autem illorum haberet, non posset esse materia cōtrariorum, vt si esset candida nigrorū, & si nigra candidorū, si lucidâ luce carentiū. Nam aut materia candida, nigrorum induens formam, maneret candida, aut candorē deponeret: si maneret, fieret res eadem simplexque candida & nigra: si deponeret, esset iam illa, materia vtriusq; cōtrarij, eius videlicet quod deponeret, & eius quod reciperet. Quapropter vtrumq; cōtra-

Mundus
ex mate-
ria inuisa
creatus.

rium rationem haberet formæ: forma enim formam excluderet, non materiam. Quare ille candor non esset materiæ per se, sed per formam. Ipsa igitur materia aspectabilem qualitatem per se habere non potest. Eodem argumento fit, ut neque audibilem, neque odorabilem, neque tangibilem, sed neque omnino ullam rationem, aut formam, siue substantiæ, siue accidentis habere possit. Itaque neque dici possit per se hoc, neque tantum, neque tale, neque ad aliquid aliud; ita aut aliter habeat. Hac ratione Aristoteles communem ac primam rerum omnium materiam ponens, dicit esse meram potentiam citra omnem actum. Plato, qui disertissime de ea disputavit, ita inquit: *Intelligendum est quod cum esse debeat effigies rerum omnium formarum varietate distincta, nunquam illud ipsum formationis huius gremium bene erit præparatum, nisi informe sit, & suapte natura omnibus formis qua recepturum est, careat. Nam si erit alicui eorum qua in se recipit simile, cum contrarium eius cuius simile est naturam, aut aliam prorsus suscipiet, nequaquam eius similitudinem, & effigiem exprimet, cum per se tulerit suam, quo fit ut nullam sibi propriam habeat speciem, quod est omnia genera suscepturum.* Hæc & alia multa eodem spectantia scripsit Plato in Dialogo de Natura, quæ, ut in commentariis de Physica doctrina indicauimus, nullatenus discrepant à sententia Aristotelis: ambo enim censent, ut & cum ipsis omnes nunc Philosophi, materiam per se nullum ens esse, neque omnino rem ullam, quia scilicet omni actu caret: sed neque nihil esse, quia est principium immanens omnium rerum. Meo igitur iudicio cum hac in parte nulla illis Philosophis dissensio sit, libuit Aristoteli de nomine altercari cum Platone, quod dixerit esse simpliciter non ens, quasi simpliciter non ens idem sit quod nihil. Plato verò non ita intelligit, sed quod non sit ens, nisi quodammodo. Iuxta hanc itaque sententiam, quæ communis nunc est omnium Philosophorum, dicemus fecisse Deum orbem terræ ex materia inuisa, & omnino insensibili, atque adeò per se penitus informi. hoc est, ex materia prima. Quoniam verò quæ in libris sacris scripta sunt, non oportet ad cuiuspiam opinionem interpretari, sed ad veritatem, videndum est quàm certa, atque firma sit de materia prima assertio, atque si eius monstratio ad probabilitatem procedit solum, aliam quæ omni careat dubitatione, præsentis loci interpretationem adhibere. Certè esse rebus omnibus corporeis vnâ communemque materiam, facile dicitur, non ita tamen intellectu facile est, si quis consideret exactius. nam ut antea indicauimus, necesse est per sese omni careat forma, quod primum omnium intelligi non potest.

Nam

Materia
primâ.

Nam quod non est aliquid, & ens, cur non sit nihil? porro quo pacto possit non ens (ita enim illam vocat Plato) esse principium ex quo immanens entis? nam si Aristoteles rectè probat in quarto de Physica doctrina, cap. 1. elementa corporum non posse esse incorporea, cum tamen censeat (quod est verissimum) non manere elementa prima in rebus actu, sed potentia solum, multò minùs possit esse corporum incorporea materia, siquidem ea qualis qualis sit, maneat actu in rebus necesse est: non potest autem illa esse corporea per se, sed per formam, alioqui quantitas illi per se inesset. quare non esset mera potentia. Rursum si ea corporea per se non est, quæ maior necessitas, ut corporeæ substantiæ materia constent, quàm ut Angeli. Hos verò omnes immateriales appellant, quasi magnitudo materiæ ipsius sit per se, atque per hanc fiant res quantæ. Ob has & alias huiusmodi dubitationes veteres Philosophi partim posuerunt unam omnium materiam, eamque substantiam quandam re vera quantam, alij aquam, alij aërem, alij ignem, alij etiam terram, alij substantiam mediam tenuitate & crassitie: partim nullam generationis successivæ rerum posuerunt materiam; sed separatione & congregatione rerum similarium priùs existentium, oriri & interire res putabant dissimilares, ut Empedocles, Anaximander, & Anaxagoras. Qui omnes principium materiale ab elementis non distinguentes, rerum omnium resolutiones perducebant usque ad simplicissimas aliquas substantias, Empedocles ad ignem, aërem, aquam, & terram. Anaxagoras & Anaximander ad similia, ut carnem, os, neruum, & innumera alia eiusmodi. Alij ad unum aliquod quatuor primorum corporum quodcumque eis videbatur reliquis esse prius. Horum omnium sententiæ hoc unico argumento refutari videntur, quòd necesse sit illud quod primum esse ponitur, siue unum sit, siue multa, catere generatione & corruptione, atque solum recipere congregationem & separationem, secundum sententias Empedoclis, Anaximandri, & Anaxagoræ: vel densationem & rarefactionem, vel extenuationem, & incrassationem secundum priores sententias. At verò re ipsa videtur constare illud esse falsum. Nam videmus fieri aërem ex aqua; & ex illo ignem, & ex pane sanguinem, atque ex hoc carnem, ac denique simplicissima omnia fieri alia ex aliis, quod si ita est, videtur Aristoteli necessariò fieri, ut sit illis alia prior communisque materia, quæ per se nihil illorum sit, sed formarum omnium expers. Illi verò responderem, haudquaquã fieri res illas verè ut putamus, sed separatione apparere quæ delitescbant, congregatione delitescere quæ apparuerat. Quod si cui videatur

Corpus
ex incor-
porea
materia
esse. ne-
quit.

confictum ad respondendum, neque adeò dignum fide, atque ob id nullam dictarum esse probabilem sententiam, possit fortasse dicere, rerum compositarum materiam esse res simplices, vt hominis carnem & ossa : & earum quæ simplices primo intuitu apparent, alias simpliciores quæ latitant: verè autem atque exactè simplicium nullam esse materiam, sed factam esse illarum quancunque ex materia, vt ignem ex aëre : non verò in materia, vt sigillum effigiemve in cera : itaque fieri res singulas etiam simplicissimas ex materia aliqua, vnam verò eandemque omnium nullam esse, quæ enim necessitas, vt quod ex alio fit, immanentem habeat materiam: quoniam (dicunt) res artificiales nos manu ducunt, vt intelligamus, nihil nisi in quadam materia fieri, vt scilicet lectus & arca ex immanente ligno, sigillum ex cera. Dicat verò fortasse quisquam ex aduerso, hoc artificialium rerum esse proprium, naturalibus verò non perinde accidere, quia res artificiales fiunt ex naturalibus, naturales verò non possunt fieri nisi ex seipsis mutuo; quia non vt arte natura prior est, ita ipsa natura aliud quidpiam. Cum verò fiunt res ex rebus non vt immanentibus, velut lectuli ex nuce, & cedro, fieri; sed vt desinentibus, velut mensa ex arca. Quapropter nō videtur opus esse ponere primam materiam rerum naturalium, sed fieri alias ex aliis mutuo, atque ita esse circularem rerum generationem & infinitam; non finitam & rectam. Quid ergo diceret hæc sententia de primis rerum principiis? an esse nulla non certè, sed esse formam, & potentiam proximam, & priuationem: eam verò potentiam & priuationem, esse non in vlla materia communi genito & corrupto, sed in eo ex quo res fit. Cur enim fit potius caro ex sanguine, quàm ex vino aut melle? an quia sanguis potentiam habet ad formam carnis, vinum verò non habet proximam? Illa ergo potentia proxima cum priuatione, quæ necessariò adest, & forma quæ ingruit, prima principia sunt rerum simplicium. Compositarum verò principia sunt, res simplices, vt materia, & forma totius. Atqui profectò (quamquam plerisque aliter videbitur) ego existimo hanc esse ipsissimam sententiam Aristotelis & Platonis. Nam vt in commentariis capitis septimi secundi libri de Physica doctrina, & iterum capitis quarti, secundi de Anima (tamen si cum hæc scribo, commentaria in libros de Anima, scripta multis antè annis nondum sunt in lucem emissa) indicaui, apud Aristotelem hæc omnia nomina, forma rei, & id quod res est, & essentia, & ipsum rei esse, & quod hoc est, eandem prorsus rem significant. Quia re vera, rei naturalis forma, nihil aliud est, quàm res ipsa qua hæc & talis.

Formæ
nōmina.

Id verò falsum esset, si præter formam esset in re materia prima immanens, non enim esset rei forma, ipsa res actu qua talis, quia forma materiam non habet, res haberet. Plato quoque in Dialogo de Natura hominis multis argumentis contendit, hominem esse ipsam hominis animam, quod cum hominem animal esse, ac proinde corpoream substantiam, toties ipsemet Plato dixerit, verum esse aliter non poterat, quàm si ipsa hominis anima esset nihil aliud quàm ipsius essentia, essentia verò ipsum quod quid erat esse hominem, hoc est, ipse homo, quia actu talis & perfectus. Tamen hoc (ut rem totam aperte explicem) non tam exactè dicitur de heterogeneis substantiis. Quis enim separaret ignis formam ab ignis corpore, aliter quàm ratione? nimirum ignis forma est ipse ignis actu talis, & perfectus: corpus, hic idem qua ignis formā, rationem & entelechiam, seu perfectionē consequutus, quod quidem est res eadem numero, rationes duæ, quarum coitione fit ipsum ignem esse. Quæ cogitans Plato, posuit illa tria rerum principia, idem, & alterum, & essentiam. Quæ eadem principia Raymundus Lullius vocauit, *tiuum, bile, & are*, hoc est factum esse, factibile esse, & facere, De Ray- hæc tria intelligens, non quidem effectiue, ut videntur sonare, mudi Lul- sed formaliter, & hæc quidem Platonice. Maxime verò mihi lij doctri- videtur errare, quod diuinam naturam cum creaturis ineptè & na. arroganter coniungat, sed de illius doctrina agere loci huius non est. Illud solum interfuit dicere, sua illa tria principia, *tiuum, bile, & are*, eadem esse prorsus cum Platoniceis, eodem altero, & essentia. Quæ omnia cum iuxta Arist. & Platonis sententiam ratione potius separari, quam re ipsa, & numero indicauerimus, constat esse consentaneum, iuxta illorum placita, nisi heterogeneorum, materiam nullam, velut alteram rei partem actu immanentem poni, sed doctrinæ solùm gratia intelligi primam materiam, & formam homogenei, ut quædam ratione diuersa. si quid verò his ampliùs de communi & prima materia dicitur, hypothesim quandam esse ob rudiores confectam, & expeditiorem progressum Philosophiæ, qua & ego in Physicis auditoriis vsus sum. nunc verò cum ad reconditiora Philosophiæ est peruētum, æquum est aperire prouectioribus veriora. Quandoquidem ergo assertio de materia prima, per sese formarum omnium experite, aded vacillat, necesse est aliam loci præscripti interpretationem inuenire. Ea cerè non est difficilis, neque aliunde petita quàm ex sacris. Constitit enim in initio Geneseos, antequam Dens diceret, *fiat lux*, extitisse quatuor elementorum corpora, confusa, & delitescencia sub tenebris, quæ futurorum omnium materia tenebrosa, ac

Genera-
tionem
anteccedit
corruptio.

proinde inuisa ante orbem terrarum facta est, ex qua deinceps ille. Neque igitur ob hæc diuini oraculi verba opus est communem materiam ponere, in qua omnes corporum formæ recipiantur, tamen si fieri nihil nisi ex materia potest, nihil enim sit ex nihilo, sed quoduis ex alio, ut ex ligno ignis, ex suo alimento lignum, & ita aliud quodcunque. Sed quæ (dices) necessitas, ut quoduis ex alio fiat, siquidem nullam ex corrupto accipit manentem materiam, id quod gignitur? certè quia nulla naturalis via est ad generationem, nisi per alterationem, atque necesse est generationem alteratio præcedat, alteratio verò alicuius substantiæ necessariò sit: neque sanè alterius quàm eius quæ corrupta in aliam substantiam commutatur. Nam alteratio immodicè producta in corruptionem necessariò finitur, quia naturale rei temperamentum tollit. Ut igitur res aliqua oriatur, necesse est aliam interire; non quidem ut ab ea mutuetur materiam, sed ob contrarietatem. Ut autem hoc ita fiat, hæc est causa. Rerum singularum naturæ nihil sine instrumentis agere possunt extra sese, quapropter neque generare: instrumenta verò earum sunt elementorum virtutes, calor dico, frigus, humor, & siccitas. Non potest autem ignis verbi gratiâ calore uti, aliter quàm calefaciendo, neque aqua frigore, quàm refrigerando, non potest autem calefacere, neque refrigerare, nisi sit quod calefiat aut refrigeretur, non calefiat autem ignis qui nondum genitus est, neque refrigerabitur, quæ nondum est aqua. Calefiat ergo necesse est ut ignis ab igne fiat, aliud quod ignis nondum est, futurus autem sit, ut lignum; aut refrigeretur, quod aqua nondum est, futura autem sit, ut aer. Quapropter rectè antea dictum est, non posse quidpiam, nisi ex aliquo fieri, quia generatio omnis ab alteratione incipit. Data autem est rebus à naturæ parente ea contrarietas, & necessitas pugnandi ad generationem, non ob communem materiam, sed quia, si aliter quàm per pugnam generare possent, neque talem repugnandi vim haberent, aut nihil generaretur, aut generatio rei cuiusque procederet in infinitum. Nihil enim esset quod modum poneret rei cuiuspiam productioni, nisi omnia sibi ponerent mutuo, mutuo repugnando. Dices fortasse; locus modum poneret. Omnes igitur res generarent sibi simile, dum esset ubi caperetur, & generare desinerent, cum non esset. Igitur mox atque vno imperio processissent rerum omnium generationes, usque ad summam totius orbis repletionem; atque statim generatio omnis esset sublata. Ut igitur rerum generabilium successiua genesis seruetur per ævum, ut ipse rerum parens voluit contrarietatem indere, & res alias ex aliis fieri, velut aliæ aliis loco cedunt, eaque contrarietas

trafietas necessitatem affert, vt res ex rebus fiant, si & communem materiam non habeant. Igitur neque hæc dubitatio cogit primam rerum materiam ponere, sed vt dictum est. Porro iuxta hanc sententiam consequens erit dicere, principium quod vocant indiuiduationis, non esse materiam, sed magnitudinem, quod vel per sese est valde consentaneum. Nam essentia rei per sese indiuidua est, quapropter vna & tota, in multitudinem non potest abire, nisi secundum diuisibilitatem. Diuisibilitas verò neque formæ neque materiæ esse potest, nisi per quantitatem (quanti enim propria est diuisibilitas) igitur multitudo in eadē specie, quantorum solū, atque ob quantitatem est. Qua sanè causa, & qui eam ad materiam referunt intelligentes non inesse materiæ per se, addunt signata quantitate; id verò vix intelligi potest. Si enim materiæ ipsi per se nullum inest accidens, certè neque signatio, neque quantitas. Verisimilius ergo refertur ad quantitatem ratio indiuidui, quàm ad materiam. Et tota rerum vniuersitas proprius diuiditur in corpoream, & corpore carentem substantiam, quàm in materiale, & immaterialem, nisi quis his nominibus easdem res intelligat. Sic enim de nominibus altercari minimè expediet. Nihil igitur prohibere videretur quin dicamus materiam primam esse nihil, non solū non ens simpliciter, vt dicit Aristoteles, aut simpliciter non ens, vt dicit Plato. Quorum virorum sententias ab hac quam nunc statuimus, nihil censco re vera discrepare. Non enim est, quod non est ens.

CAPVT LXX.

De Philosophia Pythagoræ.

CAp. 10. Sapientia: *Omnia in mensura, & numero & pondere disposuisti.* Et 4. libro *Eldræ* cap. 4. *Quoniam in statera ponderauit seculum, & mensura mensurauit tempora, & numero numerauit tempora.*

Vt Plato dicit in dialogo de Natura, fas non erat, quidquam nisi pulcherrimum facere eum qui est optimus. Cum enim ipse sit simpliciter pulcherrimus & optimus, feceritque omnia, vt in mundi genesis indicauimus, ad similitudinem suam, necesse est, vt fecerit omnia, suo quodque genere, pulcherrima, & optima, vt sanè ipsi visa sunt. Cum igitur omnis pulchritudo sensibilis in proportionem & concinnitatem sit parium, necesse fuit mundum hunc sensibilem, secundum suas partes

Pythagor-
icorū di-
gnitatem
examen.

partes, quæ sensibiles etiam sunt, proportionem quandam tenere certam, & totum ad partes singulas, & eas omnes inter sese, unde necesse est mundum finitæ & certæ esse magnitudinis, & eius omnes partes præcipuas. Nam in rebus divisibilibus, quod infinitum, aut incertum, imperfectum est & deformæ. Quapropter, non solum si quampiam præcipuarum partium eleuare, vt stellam, sed etiam si cuiuspiam illarum, etiam despectissimæ quantitati adiceres aliquid, aut demeres, officeres mundi machinæ, & eius pulchritudini. Quia nihil temerè in eo factum est, sed omnia ad mensuram, numerum, & pondus, iuxta proportionem quam habebant in diuino exemplari. Huius rerum pulchritudinis rationem aggressi sunt Pythagoræi investigare. Res prorsus diuina, humanis verò viribus impar, neque ulli (arbitror) præter ipsum Deum satis cognita. Illorum verò conatum quis non laudet, & suspiciat: qui non solum aggressi sunt, sed per numerorum etiam scientiam, pro hominum capto assequuti sunt multa. Mihi nunc non est animus, totam hanc Philosophandi rationem persequi; quia neque id pro dignitate efficere possem, neque si possem, ad meum institutum est admodum ex usu. Sed id solum indicabo, quod propositum est. Omnia secundum certam rationem, & proportionem esse facta, & primam omnium mensurarum esse numerum, deinde & earum rationem rectè transferri ad insensibilia, & totam rerum naturam factam esse ad numerum, atque exempli gratia adiciam de numeris, quæ necesse erit, non quasi omnium numerorum naturam persequar, sed vt viam à longè indicem, cui Pythagorici iussiterunt, mirabilem quidem illam, & verissimam, neque vlla in parte Philosophiæ Aristotelicæ, quæ meritò nunc omnium maximè probatur repugnantem, quod vbi factum fuerit, grauius sententiæ verborum quæ præscripsimus, & aliorum quæ sparsim in libris sacris scripta sunt, elucescet. Deum quidem omnia fecisse secundum certam rationem, & proportionem, facile suaderi potest, consideranti Deum omnia opera artificialia, quæ fieri iussit, ad normam certam mensuramque ab ipso met traditam, fieri iussisse. Quare qui in artificialibus, certam commensurationem, aded amauit eam in naturalibus, cuius ipsemet per sese est effector, non despexit. Sed quæ sunt artificialia, quæ nos in cognitionem structuræ rerum naturalium, velut manu ducunt? Iussit Noë vt ædificaret Arcam. An qualis & quanta illi videretur? non sanè. Sed, *trecentorum (inquit) cubitorū erit longitudo arce, quinquaginta cubitorum latitudo, & triginta cubitorum altitudo illius, fenestram facies in arce, & in cubito consummabitur sum*

summitatem illius. Exodi 25. dicitur monstrasse Deus exemplar, secundum quod faceret tabernaculum, & omnia ad illud spectantia. Omnium verò eorum definiuit ipsemet Deus magnitudinem, numerum, & pondus. Arcam testamenti habere iussit longitudinis duos cubitos cum dimidio, latitudinis & altitudinis cubitum cum dimidio, mensam panum propositionis, longitudinis duos cubitos, latitudinis cubitum, altitudinis cubitum cum dimidio: candelabrum septem calamos procedentes ex hastili vno, & singulos calamos ternas sphaerulas, ternos scyphos, & terna lilia: altare quinque cubitos longitudinis, totidem latitudinis, & tres altitudinis. atrium longitudinis cubitos centum, latitudinis quinquaginta, altitudinis quinque. Mitto innumera ad horum ornamentum, & sacra destinata, quæ omnia certis numero, & mensura, iussit Deus fieri. Iam verò structuram templi, quod ædificauit Salomon, longum esset recensere. Licet legere 3. lib. Regum cap. 6. In explicandis harum structurarum, & numerorum ad equos factæ sunt Sacramentis, multi feliciter laborauerunt, mea nunc non referret, nisi solum animaduertere, omnes has ad certum numerum & mensuram esse factas, vt constet multò magis, in magni huius templi, quem mundum dicimus, structura, certam rationem seruata esse, quam tamen ad amussim tenet solus ipse architectus. Conferri quidem res corporales aliæ cum aliis secundum plus, aut minùs, aut æquale, nò possunt aliter, quàm numero, pondere, aut mensura: numero quidem vt denario, aut centenário: pondere vt libra, aut vncia: mensura vt cubito, aut palmo. Porro mensura duplex est: altera enim constat extensione, vt vlna, aut digitus: altera capacitate, vt congius, vna modius, & semodius. Secundum omnes has mensuras, seruata est ratio quædam in mundi structura. Nam est certus numerus partium omnium. Primum quidem maximarum ternarius: regio enim ima corporum mobilium & corruptibilem: & media mobilium sine corruptione: & suprema incorruptibilem & immobilium, quæ sedes est beatorum, & cælum cœli. In prima est quaternarius elementorum. In secunda, septenarius orbium errantium stellarum, & denarius omnium. In suprema verisimile est esse vanitatem, siquidem principium est omnium corporum, & sedes destinata ei quod verè est vnum. Iam verò mensura est quædam certa partium singularum, & aliarum ad alias proportio quædam. Decuplo maius esse censent Philosophi elementum quodcunque continens, eo quod continetur: velut aquam terra, & aërem aqua, & aëre ignem. Iam verò quod ad

Arce testamenti structura.

Mensura quid.

cæle

cœlestium orbium mensuram attiner, censet Plato, primum orbem æqualis crassitiei, seu altitudinis esse, cum eo spatio inani quod est inter terram & cœlum: secundum orbem duplo crassiotem primo, siquidem æqualem cum toto spatio aëris & primi cœli: tertium orbem esse quadruplo crassiotem secundo, quia duplum totius spatij aëris, & duorum orbium: quartum ad tertium habere proportionem quadruplam sequi alteram, vt 36. ad 8. quintum orbem ad quartum habere proportionem decuplam sesquionam, vt 384. ad 36. sextum ad quintum proportionem nonam, vt 3456. ad 384. septimum ad sextum trigessimam primam super partientem medietatem, vt 108864. ad 3456. Iam verò & sphaera solidæ, quæ intra dictos orbis continentur, proportionem quadam constât magnitudinum. Dicunt enim maximas fixarum stellarum centies & septies continere terræ molem: Iouem nonagesies & quinquies. Saturnum nonagesies & semel. Martem terra esse maiorem sesquialtera tantum proportionem. Solem verò maiorem terra centies sexagesies sexies. Venerem verò esse partem vigesimam terræ. Mercurium quoque minorem esse Luna, & hanc triplo minorem terra: terram autem totam (cum qua & aquam intelligo, quia vnicum constant globum) esse 252000. stadiorum, quæ constant septem millia leucarum Hispanarum. Hac verò magnitudine, neque maiori, neque minori constituisse terram, non casu, sed summa Dei sapientia, constar ex illis verbis cap. 38. Iob, quibus illum Deus ita affatur: *Voi eras quando penebam fundamenta terra? indica mihi si habes intelligentiam, quis posuit mensuras eius si nosti?* Ponderis quoque habita est ratio in mundi structura. Ita enim terræ centrum ad centrum mundi aptatum est, vt non possit eius globus in hanc aut illam partem inclinare, sed firmatur quiescat, aquæ verò partes terræ partibus interiectæ, ita vt non possint seorsum abire, sed omnibus fontibus, qui velut ex venis quibusdam erumpunt, pondere latis ad æqualitatem, vnicam cum terra reddat superficiem: quod dicitur illis Sapientia verbis: *Quando librabas fontes aquarum.* Itaque mensura & numero & pondere disposita sunt omnia. Cum verò sint hæ tres mensuræ, quæ scilicet peculiariter vocatur mensura, estque quantitatis continuæ, & numerus, qui per se est quantitatis deiunctæ, & pondus, quod est substantiæ corporeæ & crassæ: videtur ex rei natura, mensura prima esse videri: prior quidem pondere, quia magnitudo potest esse sine pondere, & in tenuibus elementis & cœli corpore, pondus, tamen non potest esse sine magnitudine: numero verò, quia numerus fit diuisione continui, quare continua quantitas, prior esse

De magnitudine
terræ &
aëris.

Tria men-
suræ ge-
nera.

esse videtur quàm deiuncta, ac proinde & mensura, quàm numerus. At verò si quis exactè consideret, videat rem non ita se habere, quin potius numerum priorem esse omni mensura. Nam diuisione fieri ex vno corpore multa, & quod actu erat vnum, & potentia multa, fieri actu multa, verissimum est. At verò non proinde verum est, numerum omnem fieri continui diuisione: nam Angelorum numerus sine vlla magnitudine constitit. Nihil ergo minus est in ratione numeri, quàm fieri ex continui diuisione, sed euenit aliquando, neque id quidem secundum rationem & formam numeri, sed secundum materiam. Si enim tripedale erat corpus, quod in tria pedalia diuisum est, habebat etiam antequam diuideretur, ternarium: alioqui non fuisset tripedale. Nam quid aliud est esse tripedale, quàm habere tres pedalitates, & duodecim palmos, & quadraginta octo digitos, & centum nonaginta duo grana? Tot igitur habebat id corpus partes, non quidem separatas, cum nondum esset diuisum, sed coniunctas. Tamen nihil obstat coniunctas esse, quominus sint tres pedalitates, alioqui neque proportionē habet vllam corpus ad corpus. Cur enim tripedale ad bipedale proportionem habet sesquialteram, nisi quia hoc duas, illud tres pedalitates habet? Si autem neq; illud tres, neque hoc habet duas, quia separatas nō habent, sit vt neque proportionem habeant ad se vllam: habent verò; ergo & numerum. Itaque indicatum est, quæcumque ad sese proportionem habent vllam constare certis numeris. Habent autem aliquam magnitudinem omnes, siquidem nulla est infinita. Ergo nulla magnitudo esse potest sine numero est, verò numerus sine magnitudine, vt indicatū est; igitur numerus prior est quàm magnitudo, quare & quàm mensura est: verò mensura prior quàm pondus, quia mensura est magnitudinis, crassitie. Magnitudo verò prior est crassitie, cum crassities non insit nisi quantis. Igitur numutus prior est omni alia mensura, atque omnis proportio nascitur ex numero. Neque id solum spectatur in corpore quanto, sed & in aliis omnibus quantis, vt in motu, & voce, & in spectabilibus figuris. Nam cantat hic ad characteres quos intuetur in charta, ille saltat ad cantum, quod fieri non posset, nisi singula haberent proportionem quasdam, & omnia ad se mutuo proportionalitates quas vocant, hoc est, similitudines proportionum. Ergo sunt & in ipsi figuris, & motu saltantibus, & in eanentium vocibus numeri ac proportionem. Neque in his solum, quæ etsi non omnia eodem modo, quanta ramen sunt, sed & in qualibus quæcumque secundum magis & minus dicuntur, est numerus. Nam & calidum & album est aliud

Numerus
omnium
prima
mensura.

De nume
ro in re-
bus.

aliud alio duplo magis tale, & quadruplo: in ratione verò dupli, tripli, & quadrupli, sunt duo, tria, & quatuor. Nam ne definiri quidem sine his possunt. Sed hactenus indicauimus, numerum intrinsecum esse rebus omnibus secundum partes magnitudinis, aut intensiōis, secundum, id inquam, quo, tanto aut tanto maius aut minus, magis aut minus, tale dicitur quidpiam. Est autem etiam secundum partes essentiae numerus in rebus. Quod in accidentibus primum, deinde & in ipsis substantiarum formis, tentandum est indicare; in transeuntibus quidem ex ipsis definitionibus, cum tempus, teste Arist. sit numerus qui numeratur in motu: motus verò numerus, quo numeratur tempus. Secundum Platonem verò, tempus est æternitatis in unitate manentis imago in numero fluens. Sed & immanentes constare numeris facillè intelliges. Figuræ quidem omnes habent essentiam in numeris: nam planæ in unitate aut multitudine linearum, solidæ superficieum, ut circulus in unitate linearum: sphaera in unitate superficieum: triangulus in ternario linearum; cubus in senario superficieum. Ita & aliæ omnes. Ipsa verò linea in unitate dimensionis, superficies in binario, corpus in ternario. Sed & relationes eorum, quæ dicuntur ad aliquid, habent in numero, aut unitate essentiam, quia secundum similitudinem aliquam aut dissimilitudinem referuntur. Similitudo verò unitas quædam est rationis alicuius, dissimilitudo pluralitas. Ipsæ quoque patibiles qualitates, variis essentiis ad numerum quendam conflatas constant: seu potius in numero quodam formarum unam in conspirantium habent propriam essentiam, quod ex definitionibus colorum apud Platonem facillè intelliges: *Splendidum* (inquit) *albumque* *rubeo* *mixtum flauum procreat. Rubeum cum albo nigroque, purpureum generat. Fuluum flauum fuscique temperatione producitur, fuscum verò albi & nigri confusione. Pallorem albi flauique copula generat. Caruleū cum albo, glaucum. Fului nigrique temperie color viridis nascitur.* Hæc Plato. Vnde constat, singulas colorum species in copula quarundam essentialium, ad proportionem quandam, & certos numeros, habere essentiam. Constat enim non solum fieri colores quosdam ex quibusdam, sed cum certa quadam proportionem. Non enim si albi duplum cum una nigri proportionem misceas, idem extat color atque si contra apponas nigri duplum. Nimirum sola proportionis euariatio mutat essentiam: velut compositorum medicamentorum vires, & naturam mutatio proportionis simplicium, manentibus eisdem. Constant verò, ut mixta corpora corporibus ad numerum coeuntibus, ita essentialium essentialiis, ut colorum exemplo indica

Mixtio co-
lorum.

indicatum est : constatque omnium essentia certa mensura & numero, (indicatum enim antea est non posse esse mensuram sine numero,) etiamsi nobis nota esse non possit singulorum mensura: proinde dixit ibidem Plato: *Quo autem mensura modo singula singulis misceantur, etiamsi quis nouerit, narrare prudens non est, praesertim cum neque necessariam neque verisimilem de his rationem asserre ullo modo possit.* His verbis significat, etiamsi nos eum numerum definire nesciamus in singulis, omnia tamen facta esse ex rebus ad numerum quendam compositis, ut corporea ex corporibus, ita essentiae ex essentiis, atqui ipsa compositio corporum, utpote apertior, manuductio est ad formatum compositionem. Cum enim pictores, commixtis certa quadam proportionem liquoribus fuluo & nigro viridem reddant, constat verum virorem fuluitic nigrisque ad numerum aptatis constare (dicitur corporum compositio Physica, formarum Metaphysica;) simplices vero omnino, siue res, siue formae corporeae nullae sunt seorsum, sed in ipsis compositis, ut unitates in numeris. Producentes autem amplius hanc ratiocinationem, facile intelligimus, non solum accidentium formas, sed substantiarum etiam essentias, ita constare: siquidem aliae alias, ut numeri numeros continent. Scitè enim illud dictum ab Aristotele est, vegetatiuum in sensitiuo esse, ut trigonum in terragono, scilicet ut ternarium in quaternario (nam figurarum differentias numeros esse, antea est indicatum;) ut verò hæc, ita alia omnia ad substantiarum formas spectantia, habent. Nimirum essentiales vocatae perfectiones, sunt in aliis plures, in aliis pauciores, ut vanitates in numeris, & ab eminentioribus inferiores continentur, ut numeraria numeris. Iam verò & in rerum principiis primis, est ratio numeri. Nam forma unitas est, materia pluralitas, quia forma per se omnia quibus inest facit unum; materia plura, cum participatione speciei omnes homines sint vnus homo, ob materiam verò vnum hoc animal adeò multiplicetur. Indicatum ergo videtur satis, omnia corpora, ac corporales affectiones, & formas, ac eorum principia, fecisse Deum ad numerum, atque ei omnibus esse numerum natura intimum. Quod si ita est, haud dubiè multò verius id dicatur de incorporeis substantiis, quandoquidem perfectiori quadam, & eminentiori participant natura, ac proinde pulchriores sint, & magis concinnæ, fuerintque proprius illarum factarum ad numerum, in quibus nulla alia mensura sit, cum neque magnitudinem ullam habeant, neque pondus: illarum ergo prius ac proprius est numerus, quam corporearum. Quoniam verò in tota rerum vniuersitate,

Numerus
in primis
princi-
piis.

Cœlorum
numerus.

singula facta sunt ad numerum, & omnia ad quendam concentum, & harmoniam. respondent spiritualia corporalibus, atque ut hi cœli aspectabiles nouem sunt qui circulo voluntur, ita inuisibilia & mobilia per accidens, qui etiam in sacrosanctis interpretibus vocantur cœli, sunt nouem ordines. atque ut supra nouem orbis mobiles est alius immobilis, quem dicimus esse sedem beatorum, ita supra omnia inuisibilia, est illud vnum, primum ac optimum nulla ratione mutabile. Aristoteli quidem consentaneum videtur motibus cœlorum substantias illas incorporeas, ac per se immobiles præficere, non verò eas esse putat supra numerum eorum, sed singulis aptat singulas: mihi verò videtur plurimum detrahi gloriæ & splendori rerum omnium domini, per tantam ministrorum penuriam. Quapropter non nouem solum substantias, sed nouem earum ordines esse censeo. Non quidem ita, ut nouem sint species, & magna multitudo singularium. Cum enim magnitudine careant, quam diximus esse principium indiuiduæ multitudinis, non possunt esse multæ perfectione pares, sed inæquales omnes, ut numeri. Itaque ut quouis numerus ab alio quouis specie differt, ita quouis incorporea substantia ab alia quacunque. Nihil tamen prohibet esse nouem ordines velut nouem genera. Nam tametsi singularia ponere ratio prohibet, quia in magnitudine non est earum forma, ut corporearum, tamen species & genera nihil vetat, cum habeant etiam suam compositionem essentialem, atque (ut inquit Plato) ex quibusdam essentiis colligatæ sint, ab eodem à quo sunt colligatæ dissolubiles, alioqui esset earum substantia penitus simplex, quod nisi primæ non euenit. Itaque sunt illæ substantiæ compactæ ex essentiis, quas nouit is qui compegit, non tamē coierint temerè, & utcunque, sed ad numerum, pro singularum perfectione. Si enim certam seruata esse rationem, & proportionem in vilissima etiam rerum constitutione indicatum est, quo pacto illæ præstantissimæ & pulcherrimæ ea caruerint? itaque omnia & visibilia & inuisibilia, facta sunt ad numerum. Quod si ita est, cum non ea fecerit Deus, & aliquantunc cum faceret meditando excogitauerit, sed ad æternum exemplar quod apud se habebat, quod est eius verbum, constat in ipso omnium parente Deo esse vnitatem & numerum. Si enim omnia ad numerum facta sunt, apud Deum erat numerus. Quod si numerus & vnitatem (vntas enim est principium numeri, igitur in Deo primum quidem vntas erat) deinde & infinita illa fecunditas per quam ex nihilo fecit tam multa. Quoniam verò ea erat initium producendæ multitudinis, rectè vocetur dualitas,

Numerus
apud
Deum.

dualitas, accedente verò vnitrate ad dualitatem, velut variusque copula, necessariò esset ternarius. Nemo autem, arbitror, intelliget, ita à me dici esse in Deo vnitratem, aut dualitatem, aut ternarium, quasi accidentia quædam, cum in primo non possit esse accidens, neque esse tria, quasi diuersis prædita naturis, quia quod primum, necessariò est vnum. Necesse est ergo illis tribus vnitratem accidere, vnde fit quaternarius, qui continet omnes numeros. Erat igitur in æterno exemplari omnis numerus, ad quem facta sunt omnia. Philosophi, qui ob amorem sapientiæ nomen id consequuti sunt, rerum omnium naturam & essentiam, pro sua virili conati sunt agnoscere exactissimè; cum verò id nulli hominum contingere possit, dum huius corporis vititur ministerio, & horum sensuum, qui nihil agnoscunt præter accidentia, quasi substantiarum vmbra, per quasdam rerum analogias, seu similitudines, conati sunt prope veritatem accedere quasi circum circa versantes. Velut Pythagoras, ea omnia quæ de numeris diximus, atque alia multa, vt erat perspicacissimus contemplatus, omnium rerum causas & naturalium problematù solutiones redegit in rationes, primum quidem Geometricas, deinde Arithmeticas. Nimirum intelligens, quandoquidem omnia cerra mensura, & numero facta sunt, suo quodque genere pulcherrima necesse esse, vt omnium harmonia quædam & concentus, atque Physica respondeant Geometricis, & hæc Arithmeticis. Atque quoniam, vt indicatum est, numerus est omnium prima mensura, sint Arithmeticae rationes quasi omnium prima principia. Plato hanc ipsam rerum concinnitatem admiratus est, numerorum naturas suspiciens, nihilominus intelligens (arbitror) numeros aliquarum rerum esse numeros, vt denarius ouium, bouum, & caprarum; ac proinde oportere vt in ipsis rebus aliqua naturæ sint subiectæ numeris; quæ ipsæ analogam aliquam cum numeris habeant rationem, quam numerorum (alioqui non differret septenarius Vergiliarum & Planetarum, non enim qua numerus, cum idem sit) vtrunque rationem philosophandi coniunxit, & eam quæ ad numerorum perfectiones omnium causas redigit, & eam quæ considerat Physica principia. Simul enim mundi omnes partes numeris adpauit, & de forma atque materia, motu & tempore, & elementorum qualitatibus disputauit, modumque agendi & patiendi, per quem rerum mutationes, ortusque & interitus, cum violenti, tum etiam naturales contingunt, persequutus est. Quod quia non fecerunt Pythagorici, sed solis definitionibus per numeros latis cõtenti sunt, simplicitatis notatur ab Aristotele Metaphysico-

Philosophi de numero consideratio.

Tria rectè
principia.

tum capite quinto Ipse verò Aristot. numerorum magna & parte deposita cura, & sensibilibus magis considerationi commo-
nem accommodans, corporearum substantiarum principia per analogiam cum rebus artificialibus interpreteretur est, & elementorum & rerum compositarum virtutes, non aliter quam per ipsas actiones, in his diiudicandis fidem senibus non derogans. Nimirum, ut videmus, quæcunque res aut fiat, ut arca, mensa aut lectus, fieri materia aliqua forma aliquam recipiente, & quamcunque formam cum alia comuni; ita ut quicquid sit hoc aut tale, ex non hoc, aut non tali fiat, velut mensa ex ligno quod non erat mensa, sed arca, aut aliud quidvis: ita (inquit) censendum est in naturalibus, ponendumque necessarium, tria esse rei cuiusque principia, formam, materiam, & privationem. Et ut arca fit ex ligno per hanc formam seu figuram, à fabro lignario ad prandendum, ita rerum quoque naturalium quadruplices esse causas: fieri enim quidvis ab aliquo, ex aliquo, per insitam formam, alicuius boni gratia. Siquidem nihil frustra: effectrices verò causas commutationem naturalium esse virtutes elementorum, calorem scilicet, frigus humorem, & siccitatem, quas non, ut Plato, per figuras corpusculorum, ex quibus elementa sunt coagmenta, exponere studet, sed per sensibiles passionem, ut quod fundit & liquat, calidum, quod cogit & densat, frigidum quod emollit, humidum, quod indurat, siccum Non tamen quia Philosophorum principes, diversis ad eò viis institerunt, necesse sit eorum aliquem aliquosve deerrasse, aut contraria repugnantia dogmata tradidisse, quin potius respecientes ad diversa, diversis viis ad eandem veritatem iter fecisse, ut is eius plurimum videatur esse consequuturus, qui ea dogmata rectè coniunxerit. Quod uno aut altero exemplo præstiterit indicare, ut videntes consonare ea, ut verum verò: atque effectibus Arithmeticas, Geometricas, & Physicas causas rectè quadrare, aliquid degustemus illius concentus, & harmoniæ, ac pulchritudinis, quam diximus, intelligamusque verissimum dictum esse illud Sapientiæ, *Omnia in mensura, & numero, & pondere disposita* Dubitarur de numero elementorum, curque ea quatuor sint. Respondet Aristot. quia sunt quatuor qualitates activæ. per quas aguntur omnes ortus & interitus. aut igitur singulis elementis dabuntur singulæ, atque ita erunt elementa quatuor: aut binæ (ternæ enim non possunt, quia inerunt contraria) & cum ex quatuor qualitatibus habentibus duas contrarietates, quatuor solum possint constitui coniugia qualitarum non contrariarum, ita quoque erunt quatuor,

Cur sint
quatuor
elementa.

quatuor. Plato respondet, quia cum mundum oportet habere non latitudinem solum, sed altitudinem quoque, & esse solidum, necesse fuit ipsa quoque elementa solida esse. Fecit ergo Deus duo solida supremum & infimum. Illa verò oportuit, quòd ex extremis fieret vnum, medio aliquo colligari. At verò solidis non est satis ad bonam coaptationem vnum medium, sed duobus indigent, contra a clatis, quibus sufficit medium vnicum. Velut in numeris, in quibus qui sunt ductu solius vnitatis, vocantur lineares, quia ut linea fit solius puncti ductu, ita illi vnitatis, ut ternarius, & spetenarius. Qui sunt bis replicato eodem numero dicuntur plani, nimirum ut platinities habent duas dimensiones, ita illi duo latera, ut quaternarius, qui fit ex bis duobus, & nouenarius ex ter tribus. Qui sunt ter replicato eodem numero, dicuntur solidi, quia solidum in magnitudinibus fit ex tribus dimensionibus, ut octonarius fit ex bis duobus bis, & 27. sunt ex ter tribus ter. inter numeros ergo planos, est inuenire vnicum medium, qui secundum eandem proportionem illos colliget, hoc est, eadem proportionem superet minorem, qua superetur à maiori. Inter solidos verò id fieri non potest, per vnicum, potest tamen per duos medios. Ut inter quatuor & nouem, qui sunt primi plami, sunt sex, eadem existente proportionem à nouem ad sex, quæ à sex ad quatuor in 8. tamen & 27. qui sunt primi solidi, nullus talis est numerus, sunt autem duo 18 & 12 eadem enim est proportio à 27 & ad 18. & à 18. ad 12. & ab hoc ad 8. ita igitur, ut duæ solidæ magnitudines aptè colligarentur, opus fuit duobus mediis, vnde quatuor elementorum corpora consistere. Hæc Plato. In qua ratiocinatione vidēs rationem Physicā redigi ad Geometricam, & Geometricam ad Arithmeticam; quia elementorum substantiæ indicantur per magnitudines, & magnitudines per numeros. Constat verò, hanc rationem non eleuare illam Aristoteleam, neque ab ea eleuari. Simul enim consistunt, quia necesse est elementa, & alias omnes mundi partes præditas esse idoneis facultatibus, simulque idonea mensura magnitudinis, eamque proportionem, quæ in numeris habet essentiam, ut indicatū est antea, ad alia omnia habere, & eo esse numero, ut in omnibus sit, & secundum ipsas substantias & secundum propria accidentia, perfecta quædam pulchritudo, & ad numeros ac musicam harmoniam videantur esse facta. Quapropter necesse est, ipsas etiam rationes Philosophandi consonare, & eam quæ principiorum, & elementorum naturas considerat per se, & quæ magnitudinum proportionem & numerorum quasi concentus. Omnia

Planetæ
eorum sunt
septem.

enim insunt. Atqui profectò vtram vtri præferas, haud facile sit dictu. Nam illa sensui magis se accommodat, ac propius accedit ad materiam, hæc verò diuinior est, haud dubiè, quia magis fert contemplatiuè diuini exemplaris. Et hoc etiam præstat, quod multorum reddit elegantissimas causas, quorum illa alia Philosophia ne reutet quidem dicere vlla, velut cur sint septem planetæ, quid dicent qui non habent rationem numerorum? illi verò dicunt quarernarium corporibus ortum & interitum habentibus, atque generis & generantibus: septenarium verò accommodatissimum numerum esse corporibus ingenerabilibus, neq; similia sibi generantibus, cuiusmodi sūt cœlestia. Quia quarernarius primus numerus est qui generetur ab alio, & alium generet, sit enim à duobus bis, & generat octo, acceptus bis. Septenarius solus est intra decem (hi autē sunt omnes numeri) qui neq; generantur ab alio, neq; aliū generant. Atqui quoniā linearis est, sitque ex vnitatibus illis, maximè congruit corporibus incorruptilibus, quæ singula sua quodque orbe vnum consistenter. Verum exempli gratiā, hæc dixisse satis sit. licet cuius legere huiusmodi innumera quæ plurimū arrideant apud Platonem. & Philonem, & Diuum Augustinū, & inter iuniores apud Marsilium Ficinum, & Augustinū, Eugubinum, & Picum Mirandulæ, & innumeros alios, ex quibus perspicuè agnoscat mundi huius aspectabilis pulchritudinem, & numerum, eò quod omnia facta sint ad mensurā, numerum, & pondus. Quamquā satis cerrò scio quod exactè id agnoscat nemo, vsq; dum videat diuinū illud exemplar, cuius imiratione facta sunt omnia, & sine quo factum est nihil, quod factū est. Reliqua adiiciamus. Non solum res omnes visibiles & inuisibiles fecit Deus cæris mensura & numero, & pondere, sed & ipsa sæcula ita disposuit, atq; vt dicitur 4. Esdræ cap. 4. (quamquam is liber est apocryphus, neq;, quid in illo diceretur curaret, nisi hæc plurimum cum aliis scripturæ locis congruentē) *in statera ponderauit sæculum, & mensura mensurauit tempus, & numero numerauit tempora.* Quod nihil aliud est, quàm vt totius mundi moles infinita non est, neq; ex infinitis, sed terra quædam. ex cæris constituta numero, pondere & mensura, atq; singulas habet partes proportionè quadam constantes, ita neq; totius mundi decursus, & durationē, ex quo tempus simul cum motu cœli natū est, vsque dum eo cessante finiarur infinitū fore, sed certū quædam, cuius partes omnes, vt sæcula, generationes, annos, menses, dies, & horas, habet Deus in numerato, factaque esse singula, foreque in posterum quæ supersunt,

Sæcula &
tempora
numerantur.

superfunt, suo quodque tēpore. Vt hoc quoque sensu verissimè dictū sit illud Salomonis, *Omnia tēpus habent*. Ita sanè omnes insignes mutationes mūdi, vt in primis illa humanæ creaturæ quasi renouatio per diluuium: initia imperiorum, & fines, rerum diuinarum, ac legum mutationes, certa quadam temporū mensura, ac numero distant, habentque tempora ad tempora proportionēs quasdam, & in illis quoque seruatur ratio quædam harmonica numerorum. Quod cū sint plurima in sacra scriptura quæ indicent, nihil tamen vt illa Diui Matthæi in Euangelio cura distribuendi per quatuor denas generationes omnes ab Abraham ad Iesum. Inquit enim, *omnes itaq; generationes, ab Abraham vsque ad Dauid, generationes quatuordecim: & à Dauid vsque ad transmigrationem Babylonis, generationes quatuordecim: & à transmigratione Babylonis, vsque ad Christum, generationes quatuordecim*. Quod certum est non temerè, vt neque aliud quidpiam ab Euangelista dictum esse, sed vt indicet tres mutationes insignes fuisse populi Dei, perque bis septem generationes accidisse. Nimirum ab Abraham cepit separari a gentibus, gubernari per duces, & à Dauid cepit regalis prosapia. In transmigratione finitum est regnum, cepitque regi populus per sacerdotes. Si igitur non casu quodam & temerè ita euenit (neque enim animaduertisset Matthæus) sed Deo ita disponente, vt esset tēporum ratio quædam & proportio, certè & ipsa sæcula certo quodā numero disposita sunt. Quod verò Matthæus ab Abraham vsque ad Christū quadraginta & vnum tantum recensens, inter quatuordecim distribuit, cum tamen ter 14. conflēt 42. simile est cōputationi Mediorū, qui ex ter septem conflant viginti, quatuordecimo bis numerato, vt sine scilicet secundæ, & initio tertiæ septimanæ. Ita Iechonias in illa computatione, finis secundi seculi & initium tertij est. Neq; sanè hoc ratione vacat. Nam Iosias non fuit pater Iechoniæ, sed auus, interfuit verò Ioachim, qui fuit patrum Rex, partim priuatus. Pro hoc recensetur filius eius Iechonias, velut duplex persona. Longè autem difficilior est, cur dicantur à Dauid vsque ad Iechoniā fuisse quatuordecim generationes, cū fuerint reuera præter Reginam Athaliā, reges decem & septē, cum fuerint inter Iorā, Azariā seu Oziam, Ochosias, Ioas, & Amasias, quod reor quidem prætermisos esse, quod nō compleuerint in pace dies suos, sed occisi sint gladio, velut in mediis generationibus intercepti. Reclamat verò Amō, qui tæcti annumeratus aliis, est occisus à seruis coniuratis in domo sua. Ego enim, etsi quæ potui commentaria in eū locum vidi, & multum diūque cogitavi, non intelligo: quantò

Genealogia Christi.
sti.

autem intelligo minus, eò magis credo, & arcanam numerorum dignitatem magni facio, Deique Optimi Maximi in numero disponentis sæculo, suspicio sapientiam, & veneror. Non absimile est illud Danielis, cui tempus Christi Iesu, ab ædificatione secunda templi, significatum est per septuaginta septenarios, numeros quidem, si quis consideret rationes harmonicas, ambos insignes. Quandoquidem septimus censetur diuinissimus numerus, quia neque producit ur, neque producit, sed est vnicus per se ex vnitatibus, alioqui continens duos primos perfectos, ternarium, & quaternarium Maximè verò est is numerus tempori numerando accommodatus, quia tempus quod vnà cum cælo natum est, vt inquit Plato, septem corporum Planetarum motibus numeratur primo. Septuaginta verò est septenarius denariorum, quare cùm decem omnes numeri sint, septenarius, cuius vnitates sunt (vt ita dicatur) perfectæ totalitates. Iuxta eundem numerum destinati sunt Hebræi seruituti regum Babylonis, per septuaginta annos. Quibus exemplis, & innumeris aliis, quæ per totam scripturam sacram occurrunt, maximè in Daniele, & Esdra, quibus multæ temporum reuelationes factæ sunt, sed & in Apocalypsi Ioannis (si quis intelligat) apertè indicatur, quod verbis præscriptis dicitur, in statera ponderatum esse sæculum, & mensura mensurata tempora mundi. Itaque, vt mundi huius aspectabilis partes omnes, indicatum est proportionem quandam seruare inter sese, & consonantiam cum substantiis inuisibilibus, ita & cum toto mundi tempore, & eius partibus, si quis historię valde petitus & numerorum acriter consideret, concident mirabilem inueniat, velut enim alterabilis partes mundi quatuor sunt, ita secularis potentię toto mundi decursu, sunt quatuor Monarchię, quas Daniel Prophetice descripsit. Prima Chaldæorum vsque ad Balthasar, secunda Medorum vsque ad Dariũ, quem expugnauit Alexander, à quo incēpit tertia Græcorum vsque ad Cæsares, à quibus incēpit quarta Romanorum, cuius imperium quia coaluit cū Ecclesia, durabit vsque ad finem temporis. Itaque constat tempus quatuor Monarchiis, vt mundus alterabilis quatuor elementis. Porro vt tora mundi moles tripllei machina, corruptibilium, tantum mobilium, & penitus immobilium: ita & totum tempus tribus seculis, naturæ, legis, & gratiæ. Res verò diuina, velut cœlestiũ orbium lumina, septenariis computatur, vt exemplo generationis Iesu, & reuelationis factæ de eius aduentu indicatum est, & constare etiam potest per septem renouationes Diuinæ legis, & mandatorum Dei, quas recenset Esdras cap. 3. lib. 4.

primam

Monarchię.

Septē diuinæ renouationes.

ptimam in ipso Adam, secundam in Noë, post diluuium; tertiam temporibus Abraham, Isaac, & Iacob; quartam per Moysen data lege; quintam per Dauidem & Salomonem pro tabernaculo, ædificato templo; sextam in transmigratione Babylonis, renouatis omnibus, & reædificato templo, septimam eamque perfectam, & in secula seculorum duraturam, per Iesum Dominum. Quæ quidem septem mundi ætates sunt. Itaque ut mundus vitibilis & inuisibilis factus est ad numerum, ita & eius duratio. Factaque sunt ea omnia ad normam quæ erat in exemplari, atque ut mundus factus per quosdam gradus fert in id quod æternum, ita tempus per quosdam cursus cerros, labitur in æternitatem. Non autem solum mundi totius ætates, certo quodam numero sunt apud Deum computatæ, sed & singulorum hominum vita & ætates, ut ex iis quæ de climactericis annis scripsimus super cap. 6. Geneseos constare potest. Sed adhuc videntur verba illa Esdræ maiori indigere enarratione. Nani quomodo mensurètur & numerentur tempora, facile est intelligere. Siquidem mensurari potest tempus cum sit continuum & quantum; numerari verò cum sit numerus, qui numeratur in motu, ut per Solis circuitiones siue annuas, siue diurnas, & per circuitiones menstruas Lunæ, atque adèd per lineas quas percurrit gnomon in horologio, & eiusmodi alia: ponderari verò in statera quomodo possit: haud dubie hoc per Metaphoram dici necesse est, cum tempus nullum habeat pondus, ut possit suspendi in statera, sed quid significet ea Metaphora, iam explico. Prima causa, qua hæc hoc, illa illo tempore fiant, est voluntas & præscientia Dei, qui ita mensura mensurauit, & numero numerauit tempora. Nimirum ut creationis, ita & durationis, & operationum rerum omnium, ac denique omnium quæ fiunt, Deus est prima causa, neque ipse ab ulla alia extra se mouetur, ut ita aut aliter velit, aut intelligat. Quod innuit Ioannes in Euangelio sæpe dicens, *factum est hoc, ut impleretur quod dictum est per Prophetam*. Quæ phrasia apertè indicat, non quia ita erat futurum, prædictum fuisse à Deo per Prophetam, sed ita esse factum, quia prædictum erat à Deo, & ut impleretur quod Deus prædixerat. Nimirum Deus est rerum omnium efficiens causa & finis. Omnia sunt ab illo & propter illum, quia est α, & ω, hoc est, principium & finis. Siquidem omnia facit propter seipsum, ut dicitur 16. Prouerbiorum. Igitur quia Deus prædixit euenit, ut & impleatur, & glorificetur Deus, igitur eueniunt omnia eo tempore, quo destinata sunt à Deo, cum in principio numerauit tempora. Neque est qui ea tempora mutare possit, aut aliter dis-

Quomodo
tempus
pondere-
tur.

ponere, quàm à Deo disposita sunt. Quod innuunt verba illa Danielis cap. 7. vbi futuri tyranni super his verbis depingebatur. *Sermones cōtra excelsū loquetur, & sanctos A'ssīssimi cōteret, & putabit quòd possit mutare tēpora.* His verbis significatur, frustra illum per superbiam putaturum, quod fieri nequit vt scilicet mutētur tempora. Hoc etiam innuunt illa Saluatoris verba, *Nondum venit hora mea, & illa, Hac est hora vestra, & potestas tenebrarum.* Nimirum cū Deus à principio numerauit omnia secula, omnes annos, dices omnes, & omnes horas, & temporum momēta, nihil geri potest, nisi tempore à Deo definito. Verū et si hoc ita sit, nō tamen ita disposuit Deus tempora, vt nulla alia causa sit, qua tunc fiant, quàm quòd ita ipse disposuerit: sed sunt etiam omnia quæ sunt aliæ causæ effectis proximæ. Velut temporibus Noë accidit diluuium, quia tunc corripit omnis caro viam suam. Temporibus Abrahæ combusta fuit Sodomā, quia eousque creuerat tunc eius absurditas, vt ne decem quidem in populosis vrbibus inuenti sint iusti. Tempore Iesu Nane, Deus Amorrhæos, & alias gentes deleuit, quia consummata tunc est iniquitas Amorrhæorum. Ciuitatem Sanctam Hierusalem deleuit Romanus exercitus, quia tunc desiit esse eius populus, qui Christum negauerat. Postremò toti mundo finem imponet Deus, quia tunc erit impletus numerus iustorum. Igitur cū ita res se habeat, disposuit ita Deus omnia secula, vt in destinata tempora incidetent simul res gerendæ, & earum causæ, atque tanquam Deo, in balance ponderante mutationes rerum & causas, in idem tempus destinauit singula, in quod pondere causarum trahebantur: atque aptare causas effectis, eaque in tempora certa destinare, est in statera ponderare seculum. Quod quidem apertum sit ex c. 5. Danielis, vbi narratur, quā nocte interfectus est Balthasar Rex Chaldæorum, & regnū eius occupatum à Dario Medorum rege, visam illi esse manū scribentem in opposito pariete, *Mane, thecel, phares.* Quam scripturam Daniel sic est interpretatus. *Mane, numerauit Deus regnū tuum, & cōpleuit illud: thecel, appensus es in statera, inuentus es minus habens.* His duobus verbis continentur ferè omnia quæ diximus. Nam instabat finis regni Balthasar iuxta numerum annorum, quos Deus dederat regno illi; atque aded toti Monarchiæ Chaldæorum. Causa verò vt tunc finiretur fuit, quòd Balthasar cū appenderetur in statera, hoc est, eius merita & demerita velut in balance appenderentur, inuentus est habens minus meriti, quàm vt dignus posset esse diuturniori regno. Numero ergo, mensura & pondere disposuit

Sodomæ
interitus.

Hierosolymorum
excidiū.

Monarchiæ trās-
mutatio.

fuit Deus illam translationem regni à Chaldeis in Medos, ut & alias omnes rerum vicissitudines. Huic interpretationi consona est illa de Michaële concepta ab Ecclesia opinio (minimè quidem vana, ut quibusdā impiis videtur) quem depingunt altera manu ensẽm, altera habentem stateram Ensem quidem, ut indicetur eum fuisse principẽ militiæ Dei aduersus Satanam, quem & vicit, & cœlo deturbauit. Stateram verò, quia cùm sit princeps populi Dei, ad eum præcipuè spectat fidelium animas Deo præsentare & earum merita, velut in statera appendere, iuxta id quod Balrhazari denunciatur est. Diximus itaque ut Deus omnia in numero, pondere, & mensura disposuerit hac ratione mundum pulcherrimum efficiens, ac secundum harmonicas proportionales constituens, & ipsa quoque mundi tēpora, ex quo cœpit moueri adhuc nascens, vsque dū moueri desinat, velut in statera ponderata esse, & numero numerata, & mensura mensurata: atque in hac quoque temporum dispositione habitam esse rationem numerorum & concinnæ proportionis quasi mutationibus ipsis seculorum cadentibus ad numerum. qua de re eius qui mouet mundum hunc, tanquam appositissimè citharam pulset, sapientia commendatur. Vnica videtur superesse dubitatio. Videtur enim fieri, ut necessariò eueniant omnia cùm fiunt, siquidem mutari non possunt tempora: si autem omnia necessariò, nihil videtur fieri ex deliberatione. Certe hæc dubitatio non est propria huius loci, sed cōmunis omni doctrinæ de prædestinatione, neque aliter nobis hîc quam illis Theologis respondendum. Nimirum in sensu composito, omnia fieri necessariò cùm fiunt: in sensu autem diuiso, ac simpliciter, posse tunc fieri aut non fieri, quæcumque pendent ex electione, quod (ut dicam apertius) nihil est aliud quàm futurum necessariò tunc, si Deus tunc fieri præsciuit: id verò fieri posse ut non fiat tunc: quòd si non fiat, neque Deus præsciuerit, velut fieri non potest, quin currat Petrus, si eum ego currere video; potest verò ille non currere, atque si non currit, neque ego viderim. At dices longè interest. Ego enim video currere, quia currit, at Deus non præuidit quia erat currens, sed hic potius currit, quia Deus præuidit, & voluit. Nam à Ioue principium, ita est profectò, sed hoc est immensæ indubitabilisque sapientiæ Dei argumentum, ita rerum omnium causas disposuisse, & aliarum ex aliis ductum, quem Stoici vocabant Fatum, ut cùm nulli liberæ causæ detrahat deliberandi, atque eligendi facultatem, omnia tamen sint futura, cùm, & ut ille disposuit, quæ est altitudo diuinarum, sapientiæ, & scientiæ Dei, cui honor & gloria in sæcula sæculorum. Amen.

Michaël
Archageli
pictura.

Necessaria non
omnia.

CAPVT LXXI.

Cap. 17. Ecclesiastici: *Sensatus homo in sapientia manet sicut Sol, stultus sicut Luna mutatur.*

Lunati-
corū con-
sideratio.

Hæc verba videntur innuere, insensatos & stultos, denique eos qui non sint sana mente, per vicissitudines, & mutationes Lunæ habere grauius, eosque proinde vocari lunaticos, quam sententiam iuuat, quod cap. 4. Matthæi legimus: *Obsiderunt ei omnes male habentes, variis languoribus & tormentis comprehensos, & qui demonia in habebant, & lunaticos, & paralyticos, & rursus cap. 17. Domine miserere filio meo, quia lunaticus est, & male patitur, nam sæpe cadit in ignem, & crebro in aquam.* Ex his Euangelij verbis constat, haud dubiè epilepticos dici lunaticos. Constat quoque ex multis veterum locis, & ex communi hominum sententia lunaticos vocati maniacos Cuius tamen appellationis non omnes eandem rationem reddunt, sed genethliaci seu iudicarij, qui natiuitates obseruant, dicunt inde esse, quod qui in interlunio nascuntur, aut luna malè collorata, sunt plerunque epileptici, alij censent, & futuros & epilepsias mutationes accipere cum Luna, itaque inrescente crescere, & decrescnte minui. Alij verò dicunt non ob aliud appellari hos lunaticos, quàm quod teneantur morbo cerebri, membri adeò humidi, Luna verò humiditatibus præest. Verùm si Luna humiditatibus præest, hac eadem causa augebit eas, & minuet, quare & morbos ipsos, quod si sit, quam potius ob causam appellentur lunatici, qui ita sunt effecti: augeat verò Lunam humiditates, & veterum & recentium constat testimoniis. Nam Plinius cap. 41. lib. 2. ita inquit: *Item quidem lunari potestate ostentum, conchyliorumque, & concharum omnium corpora augeri, ac rursus minui.* Hoc quoque fatetur Aristot. 4. de Generatione animalium. Omnes etiam qui de agricultura scripsere, nullo excepto, decrescnte Luna putari arbores iubent, quod tunc minus humiditate redundant, & ea ipsa causa, ligna eo tempore decisas minùs sentire cariem affirmant. Itaque communis omnium hominum sententia est (cui sine proteruitate nota non possemus repugnare) cum Luna humorem omnem augeri & minui. Quod si ita est, cum dicti morbi ex humore pendeant, ut & alij plerique. non mirum si ij, & aliorum multi secundum Lunæ mutationes, ipsi quoque mutantur. Sed cur Luna humiditates

De Luna
multa.

Morbi se-
cundū Lu-
næ muta-
tiones.

ditates augeat, aut si non augeat, cur illi, aliique similes morbi mutantur cum Luna, nō omnes eodem modo dicunt. Quidam enim censent Lunæ naturā esse frigidam & humidam, vt Saturnum frigidum & siccum, vt & Martem calidum & siccum, ac Iouem calidum & humidum. Itaque Lunam, quia humida est, augere humiditatem, tuncque maximè cū est valentior, incrementem scilicet, Arist. Lunam calefacere & siccare censet, vt ipsum Solem, tantò autē minus, quantò repercussum, quā rectum lumen debilius esse par est. Augere verò Echinos & testacea in pleniluniis, quòd calore & lumine adiuta, facilius nutriantur: humiditatem verò excrementitiam, in decremento & interlunio redundare magis ob defectum caloris, ac proinde muliebria decedentibus mensibus potius fieri. Vide caput quintum de partibus animalium quarti, & secundum quarti de Generatione animalium. Itaque videtur consequens, vt iuxta priorem sententiam, dicti morbi, crescente Luna crescant, iuxta posteriorem verò, decrescant. Alij autem quibus fortasse nihil horum placet, censet lunaticos solū fuisse, quod Dæmon premeret. Diabolum verò lunaria seruare tempora, vt creaturam infamer, in blasphemiam creatoris. Omnia quæ ad iudiciariam, seu Chaldaeorum vanitatem spectant, refutata mihi seorsum sunt in hoc ipso opere, præcipuè sacrorum autoritate Quapropter licet tunc intacta, repellere quæcunque gentiliaci dicunt: neque minùs quæ de temperamentis Astroorum leuissimi hominēs effutiunt, cū nulla confirmetur monstrazione. Certè Luna plena à vacua solo differt lumine. Nam cætera eadem habet. Id verò lumē est solare, à Sole enim accipit. Solem verò ipsum non aliter quā lumine calefacere, indicatum mihi antea est. Lumine quidem non per se, sed ex accidenti, quòd scilicet luminis comes est ignis ob analogiam. Lumini ergo, præcipuè solari, etsi per accidens, semper tamen accedit vis calfaciendi. Quandoquidem verò per ignem qui se exhibet comitem, constat quòd & siccandi. Constat ergo haud dubiè, noctes plenilunij calidiores & sicciores esse quā interlunij, atque aded Lunam eadem præstare quæ Solem, etsi debilius, atque vt Sol per annum, ita Lunam per mensem suam ætatem facere & hyemem. quod Arist. affirmat 4. de Generatione animalium, cap. 2. quòd idem euidenter confirmatur verbis illis Pl. 120. *Per diem Sol non vret te, neque Luna per noctem.* Vrit scilicet per noctem Luna, vt per diem Sol. Nimirum est Solis vicaria lumen ab illo accipiens, vt pro illo præstet nocti, vt ille diei. Luna ergo per lumen habet vim calfaciendi & siccandi, quare ea diminuta, aut omninò deficiente, metitò euenit augeri

Lunæ plenitudo.

Lunæ lumen.

augeri humiditates, defectu scilicet ignis. Cum tamen ita sit, nihil prohibet, ipsam etiam plenam humidam passionem augere, non quòd frigida & humida, ut vulgus putat, sed quòd reflexio luminis tepidus sit calor. Talis enim solet humiditates plus fundere quàm resolvere, atque ita augere, & mouere, ut tepidum balneum, & vernus calor fluxiones mouet. Hinc fit ut qui destillationibus sunt opportuni, sentiant se lædi à Luna, quòd scilicet tepidus eius calor humores fundat. Læduntur verò minùs aliquando à Sole, quòd hic calidior cum sit, non plus fundat quàm absumat. Quod quidem Plinius cap. 9. lib. 2. explicuit, de Luna differens his verbis. *Ideo mollior & imperfecta vi soluere tantum humorem, atque etiam augere, quem Solus radij absumant.* Esse igitur merbos qui Luna crescente, aut decrecente augeantur, & eos qui ita laborent, vocari lunaticos, nihil habet rationi dissonum, idque siue dæmone exagitante fiat, siue aliter. Nam dæmones ipsi vtuntur ad torquēdos homines foccis, eorundem obseruata natura, ut iam antea indicatum est. Porro tales præcipuè esse epilepsias, & insanias, rationi quoque est consonum, quia cerebrum est membrum redundans multa humiditate, quæ aut in plenilunio fundi, aut in interlunio augeri possit. Vro verò potius Lunæ tempore patiantur lunatici, & an vtroque, an alij in alio, res exigit ut explicemus.

Quo tempore Lunæ patiantur lunatici.

Quandoquidem duplex ratio est, quæ Luna humiditates augere, constat, neque omnes, neque eosdē lædi vtraque, sed quædam hac quosdā illa. Nam qui vtraque ratione æqualiter afficiuntur semper (quod ad Lunam attinet) æqualiter ægrotabūt, qui altera afficiuntur grauius, ad alterā videbuntur habere leuius. Quosdam autem hoc, quosdam illo tempore habere deterius, & melius consentaneum est. Nimirum quibus fusio humiditatis inexistens fiet maior quàm accessio nouæ, læduntur plenilunio. quibus contrā gignetur porius noua, quàm fundetur pristina, læduntur interlunio. Quæ autem erit vtrorumque differentia, certè quæ humorum. Horū enim quidam sunt concreti, frigidi aded, ut nisi magno calore, qualis Lunæ non est, non fundantur; frigore verò moderato maior. magnopere augeatur, huiusmodi sunt pituitosi & vitrei. Alij sunt calidi aded, ut vel moderato calore fundantur. frigore verò nō augeantur, sed compescantur, & sedentur, huiusmodi sunt biliosi & exusti. Eos ergo qui huiusmodi succis abundant, verisimile est deterius habituros in plenilunio, qui verò illiusmodi, in interlunio. Ergo maniacis omnibus, & epilepticis ex atra bile, crescet malum cum ipsa Luna. Epilepticis verò ex pituita & crudis succis, decrescere crescet, & vrgebit maximè in interlunio. Natos verò esse

esse homines in nouilunio aut plenilunio, meo iudicio, nihil refert. Refert fortasse potius, quo tempore vterque essent concepti. Sed pro aliis rebus, & aliis succis est distinctio alia; nimirum quidam succis sunt alimenta, quidam excrementa. Alimenta semper augeat Lunæ lumen: moderatum enim calorem cum afferat rebus, nutritionem augeat; quare & alimentis replet, excrementa verò non semper. Nam quæ per incoctionem generantur, decrescere potius augentur. Hinc fit ut plantæ omnes, & natura illis proxima conchilia, crescant magis in plenilunio, & ea humiditate qua nutriuntur abundant: ac proinde periculosius putentur: menstrua verò, quæ magna ex parte sanguis crudior est, plerumque fiant circa interlunium. Neque tamen semper, ut enim de epilepticis dictum est, ita & in hac euacuatione euenier. Atrabiliaris scilicet feminis, & quibus atrabiliaris erit sanguis, aut valde biliosus, & si non ater, plenilunio potius irritabitur, & fluat: pituitosis verò & quibus crudior, in coniunctione seu interlunio. Omnium igitur quæ eueniunt dicta est causa, Lunæ nulla, neque frigida, neque humida, neque maligna facultate imputata, sed ea per lumen, quod à Sole accipit calfaciente arque etsi minus, vrente tamen per noctem, ut per diem vrit Sol, dictumque qui & quotuplices sint lunatici, & quo tempore quique lædantur. Ad insanos ergo & lunaticos potest Ecclesiasticus alludere dicens, *subus sicut Luna mutatur*. Quamquam alioqui Luna hieroglyphicè significat stultos, & inconstantes homines, ob assiduas mutationes.

Luna hieroglyphicè quid.

CAPUT LXXII.

Cap. 30. Ecclesiastici: *Multos occidit tristitia, & non est utilitas in illa. Zelus & iracundia minuunt dies, & ante tempus senectutem adducet cogitatus.* cap. etiam 25. Prouerborum: *Sicut tinea vestimento, vermis ligno, ita tristitia viri nocet cordi.*

Medici in sex genera redigunt res omnes, quibus constat victus, seu diæta. Hæc sunt, cibus, & potus: motus, & quies, somnus, & vigilia: aer in quo viuimus: animi perturbationes, & quæ excernuntur, aut retinentur. In bona enim horum moderatione consistit tota victus salubriter instituendi ratio. Vocant verò has res non naturales, quia neque naturales sunt & semper viles, neque præter naturam & semper noxiæ, sed eadem bonæ, & malæ pro utendi modo. Itaque si quis illis recte

De diæta multa.

Causæ
proca-
tharticz.

Tristitia.

Gaudio
mortui.

Morbi ex
tristitia.

rectè utatur, vtilis sunt, si malè, sunt causæ morborum, atque etiam mortis. Sunt verò hæc quæ vocantur causæ extetnæ seu procatharticz. Hæc igitur Ecclesiastici verba, quibus affectus animi moderatio consulitur, partim pertinent ad tractationem de causis morborum, partim ad tuendam valetudinem, priora illa, *Multos occidit tristitia, & non est utilitas in illa*, ad morborum causas: vituperatur enim tristitia, ut quæ morbos & mortem inferat: posteriora verò ad tuendam valetudinem, quia vituperatur sollicitudo, ut quæ vitam contrahat, & canos ante tempus capillos afferat. Perpèdantur singula, & apponamus causas. Videretur tristitia penitus vituperari, quasi semper noxia, & in qua nulla vnquam sit utilitas, sæpe verò etiam occidat. Si autem hoc ita est, primùm quidem malè ponitur à Medicis in causis non naturalibus, sed potius in iis quæ præter naturam ac semper noxiæ. Deinde gaudiū semper esset vtile, & quantumcumque. At verò non est: quin potius, ut Galenus docet primo de symptomatum causis, ex ingenti gaudio nonnulli pusillanimes perierunt, suntque multæ de ea re historiarum & antiquarum & recentes. Non igitur semper gaudium vtile est, quare neque tristitia semper noxia, sed est huius quoque, ut & aliorum animi motuum quædam moderatio salutaris. Atqui profectò ego ita censeo. Consultum enim fuisset mulieri, quæ viso filio quem mortuum crediderat, exanimata est, aduentum filij cum tristitia aliqua narratione prænunciassè, ut scilicet, tristitia gaudium temperaret. Haud dubiè procuranda nonnunquam quædam tristitia est, non minùs quàm alij animi motus, velut certè & ira, quæ Hippocrate authore consultò est in frigidis naturis & affectibus excitanda, augendi feruoris gratia; & gaudium, quod tam multis machinamentis melancholicis procuratur: & ut etiam timor, quem nonnulli in quibusdam passionibus incusserunt, & furentibus sæpe incutitur ad cohibendam iram, nihil enim iram æquè frangit ac timor. Non tamen proinde magna tristitia, quæque plus quàm profusi gaudij temperatio est, vnquam prodest. Quinimo talis semper nocet, & potest aliquando occidere. Non quidem repenti, ut timor & gaudium (author Galenus loco citato) sed paulatim, & multo tempore. Quia per gaudium affatim, & sine villo fræno effunditur totum calidum, quare in pusillanimis totum exhalat. In timore magno affatim accurrens ad cor, suffocatur. Motus similis est tristitia timori, non tamen vehemens, ut ille, sed natura sua lentus: ac proinde paulatim facit vitalem calorem marcescere, & nutritionem partium minui, atque ira deducit ad tabem. Quod aperte significant illa verba Prouerb. 17. *Spiritus tristis exsiccatur*

exsiccat ossa. Itaque tristitia repente nullum fortasse occidit, ut & timor gaudium, lente verò ac paulatim quamplurimos. Illa verba, & *non est utilis in ea*, duplicem ferunt sensum, naturalem & moralem. Naturali quidem significant, tristitiam nihil conferre: nam neque ad pellendos morbos, neque ad tuendam valetudinem (id verò constat ex dictis, intelligi debere de magna tristitia, & quæ omnem excludit hilaritatem, morali verò, continent exhortationem quandam, ad pellendum ex animo tristitiam. Quasi dicatur, vita tristitiam, quia multos occidit, & nihil confert ad recuperandum id cuius gratiâ doles. Neque enim lachrymis defunctum vita maritum suscitabis, neque filium, neque amissam inuenies pecuniam, neque incendio consumptam reficies domum. Huc pertinent illa verba c. 18. ubi de lamentatione mortui agitur: *Ne dederis in tristitia cor tuum, sed repelle eam à te, & memento nouissimorum, & noli obliuisci.* Neque enim est conuersio (à morte scilicet ad vitam) & huic nihil proderis (mortuo scilicet) & te ipsum pessumabis. Hactenus de prima præscriptæ orationis parte. Altera, quam pertinere diximus ad tuendam valetudinem, vituperat zelum & iracundiam, & assiduum cogitatum quoddam minuunt dies, & auge tempus adducant senectam. Videntur autem mihi illa omnia vñico solitudinis nomine significari. Sollicitos enim esse dicimus eos, qui plus satis curant, quid agatur, quod futurum sit. Tales enim sunt zelatores, ac proinde iracundi, & cogitabundi. Quæ omnia excludunt ab animo hilaritatem. Quare si verè dictum est 17. cap. Prouerb. *Animus gaudens aetatem floridam facit*, meritò euenit, ut quæ gaudium excludit sollicitudo, afferat intempestiuam senectutem. Verum autem illud esse cõstat, siquidem indicatum antea est spiritum tristem exsiccare ossa: exsiccat ergo & ea passio cuius tristitia comes est, putà sollicitudo, & nimia cura: ut verò exsiccat, ita refrigerat, quia, ut nuper diximus, siccat imminuta nutritione, per vitalis caloris & spirituum consumptionem: refrigeratio verò naturalis cum siccitate ipsum est senium, vnde efficitur, ut sollicitum esse, ac proinde iracundum, & cogitabundum adducat ante tempus senectutem. Neque res vlla experimento magis cognita est. Neque quidquam iis, qui priuatam agunt vitam consultius, quàm nulla de re esse sollicitos, iis verò qui Reipub. tenent gubernacula, qui id non possunt, tamen interponere gaudia curis, & animum tantis solutum curis crebrò laxare, ac locum dare cibis & exercitationi, ne semper animo ad cogitationem translatò, corpus tabescat.

Sollicitudo vitanda.

CAPVT LXXIII.

ECclesiastici c. 23. *Vigilia, & cholera, & tortura, viro infructuoso: somnus sanatus in homine parco. dormiet usque in manducandum, & anima illius cum ipso delectabitur. Et si coactus fueris in edendo multum, surge de medio, euome, & refrigerabis te, & non adduces corpori tuo infirmitatem. Audi me fili, & ne spernas me, & in nouissimo inuenies verba mea, in omnibus operibus tuis esto velocis, omnis infirmitas non occurret tibi.* & rursus cap. 37. *In multis escis erit infirmitas, & auaritia appropinquabis usque ad cholera.* Propter crapulam multi obierunt, qui autem abstinens est, adiuuet vitam. Plurimum gloriatus est Hippocrates 1. libro de Dieta (si modò eius est is liber,) & initio libri de Ratione victus in agutis. se rationem victus instituendi inuenisse, quam antiquiores aut omninò non attigissent, aut tractassent negligenter, quam tamen artis partem magnopere laudat, & meritò quidem siquidem reliqua medicina, tam quæ pharmacis vititur, quàm quæ adhibet manuum operam (his enim tribus tota medicina continetur,) ad præsentem tantum, aut iam iam imminentes morbos est utilis, quæ verò victum instituit etiam ante omnem morbi suspicionem, ne vnquam fiat. Sed & ad multos morbos præsentem facit non minus victus, quam pharmaca, & Chirurgia, & ad quosdam multò plus, atque adeo ad nōnullos sola sufficit, cum ad nullos sit satis reliqua medicina sine vlla victus cura multis itaque rationibus præstat reliquis Medicinæ partibus, hæc cuius inuentione gloriatur Hippocrates, est profectò tanti momenti, vt ad animi æquè ac corporis medicinam spectet, nullus enim error in victu committitur, qui non æquè vtriusque partem hominis lædat. Ebrietas etiam vt caput grauat, ira mentem lædit, cibi & potus ingestio nimia, vt replet succis corpus, ita facit hominem libidinosum. Orium facit corpus excrementosum, & animum mollem, ac desidem. Cibi abstinentia nimia extenuat ac debilitat corpora, animum facit meticulosum Vini potus (cui aqua erat ex re, fluxiones multas ciet & iracundiam affert: potus aquæ (cui vino erat opus) cruditates, ra: it, & tristitiam. Si igitur, vt ad tuendam corporis valetudinem humores oportet esse compositos, ita ad valetudinem animi affectus; & utrosque modo aliquo turbat quicunque error in victu, constat idoneam victus institutionem ad tutius hominis valetudinem, corporis inquam, & animi esse necessariam. Cum præcipue non solum talis error

utrosque

Dieta vit-
litas.

Ebrietas
incom-
moda.

Medicina
pars
Ethica.

Parfimo-
nia utili-
tas.

virosque per se turbet, sed & alterutros per alteros, utcumque enim turbentur succi, evenit turbari affectus, & vicumque turbentur affectus, humores quoque. Quapropter verissimè dictum est à Galeno, Medicinæ partem esse Philosophiam morum, non solum quæ ad Reipub. pertinet constitutionem, sed quæ singulorum motibus componendis se accommodat. Hæc enim affectus temperat, quæ una quidem pars est (neque ea maxima) totius victus: cum hic, ut Medicis omnibus convenit, sex constet rebus, cibo & potu, motu & quiete, somno & vigilia, aëre, animi affectibus, & excretionem, aut retentionem quorundam. Haud dubiè igitur, ea Philosophia, quæ affectus temperat, Medicinæ pars est, non minus quam quæ modum ponit cibo & potui. Neque abs re Galenus, aut extra chorum saltans, scripsit, de cognoscendis, & curandis animi morbis, neque Plutarchus de sanitate tuenda, neque igitur sine causa in sacris, ac præcipuè in moralibus (cuiusmodi sunt liber hic Ecclesiastes, & omnes libri qui extant Salomonis, aut Salomoni attributi, præter Cantica) tam multa scripta sunt medicinalia, & ad victus institutionem pertinentia, Cum verò multa sint, præscripta oratio continet præcipua totius victus capita, & plurimum congruit cum Hippocratis præceptis. Nam tametsi victus dictis sex constitutur generibus, modus cibi, & exercitationis, primū ac summum rei caput est, & ad hæc referuntur alia omnia. Omnes enim morbi, teste Hippocrate, additione aut detractioe constant. Atqui præcipua additio & detractio, repletio & inanitio est. Repletionem facit cibus, inanitionem exercitatio. Constat verò quod repletionem naturæ est facere, inanitionem tollere, quod inanitionem facit, tollere repletionem. Cibus igitur & exercitatio non ut expedit suscepta, morbos omnes nata sunt facere, & ut expedit, tollere. Reliquæ verò omnes causæ, his sese adiungunt socias, quia aut replent, aut inaniunt. Proinde maxima pars diæticiæ partis est, modum ponere cibo, & exercitationi. Modus autem quem ponit Ecclesiasticus est ne quis sit infrunitus, hoc est, intemperans in capessendo cibo, sed parcus: & ut in suscipiendis laboribus sit velox, quæ eadē sententia scripta est ab Hippocrate lib. 6. Epid. sectione quarta, his verbis: *Exercitatio sanitatis est, citra satietatem cibū capere, & impigrum esse ad labores.* Quæ assertio quàm sit eadem, quæ & Ecclesiastici, quivis vider. Parcum enim esse, quid aliud interpreteris, quàm citra saturitatem uti cibis? esse vero celerem in suscipiendis laboribus, quid aliud quàm esse impigrum ad labores? Verum Ecclesiasticus, non contentus simpliciter præcipere, apponit

eius incommoda, quæ intemperantibus facientibus eueniunt. & commoda quæ temperantibus. Explicat verò utraque per notas quasdam, & signa affectionum, quæ Medici symptomata appellant. *iro* (inquit) *infruns: o accidit vigilie & cholera, & tortura, somnus autem sanis. at in homine parro.* Nihil magis experimento cognitum, quàm cum qui se cibis impleuit vsque ad satietatem, non posse dormire, sed aut totam noctem vigilare,

Repletio-
nis mala.

hæc & illuc se instantem, neque posse loco consistere; aut dormire somnum gravem, cum multis horrendisque insomniis, neque cum longum, sed crebro interruptam, ac cum cholera nonnunquam, & tortura, hoc est, cum anxietate ventriculi & vomitibus cibi corrupti, aut nauleis, & fluctibus nidorosis (hic affectus vocatur Hippocr. cholera sicca) & cum torminibus intestinorum. Illud quidem ob cibos corruptos, qui adhuc in ventriculo hærent, hoc ob eos qui in intestina descenderunt: cum verò, qui parçè aut citra saturitatem coënavit, dormire vsque in manè, & animum eius cum ipso delectari. hoc est, magnam ex somno voluptatem capere, & expellere alacritatem & expeditum, quod quidem signum optimè peractæ concoctionis, atque ad bonæ valetudinis est. Ob hæc igitur iubet, parcum esse. & præterea in omnibus operibus esse velocem.

Et omnis, inquit, infirmitas non occurret tibi. Quod non ita accipiendum est, ac si nullo possit morbo penitus cotripi, sed quòd nullis morbis esse poterit valde obnoxius. sed raro, ac leniter tentabitur: nisi casu lædatur à causis, quas Medici vocant non necessarias, ut ense, aut igne, aut lapidis læta, aut domus ruina, aut contagio. Nam præter hæc, etsi parcum atque exercitatum hominem reliquæ quatuor victus partes lædere possint, aut ita ut Sol hæc tamen ipsa raro magnopere lædent. Quamquam non nego posse etiam graviter lædere aliquando, præcipuè eorum quædam, ut si fortè, qui parcus atque exercitatus sit, viatur multa Venere, fortasse enim læderetur plus quàm si viveret in otio. Superest igitur, ut illud, *Omni infirmitas non occurret tibi*, intelligatur ita ut explicui: quasi, inquam, diceret, raro graviter ægrotabis, quia scilicet, præcipua, ac maxima pars rectæ victus institutionis, est hæc, quamque Hippocrates antonomastice vocavit exercitationem sanitatis. Verùm expedit eum qui nolit ex recte dictis ansam peccandi accipere, hoc loco scire non ita esse utilem cibi parsimoniam & exercitationem, ut quanto minus accipiat & plus se exerceat, tanto censetur suæ sanitati melius consulere. non enim ita est, sed ambo fieri debent intra modum quendam, quia in Aphorismo dicitur, Neque satietas, neque fames, neque aliud quiddam, quod naturæ

Exercita-
tionis v-
gilitas,

Modus in
omnibus
adhiben-
dus

naturæ modum excedat, bonum est; habet certe vterque excessus, & cibi & laborum, suas noxas, atque haud facile sit dicere vter maiores, nam vt cibus supra modum ingestus morbum facit, ita & nimis tennis, dictum enim ab Hippocrate est, Morbos ex repletionem, sanat inanitio, & ab inanitione repletio. Porro vt otium vituperatur, ita & defatigatio, quam interdicens Hippoc. scripsit, *ubi lassari coeperis, ro-pus, quiesce & statim remedium est.* Curigitur (dices) Ecclesiasticus tenuem viciū & labores commendat, ac non potius mediocritatem eorum? certe intra mediocritatis fines intelligendum est, hæc laudari. neque verba aliud sonant. Nam parcus non est qui fame se macerat, sed qui non est infrunitus, hoc est, inutiliter cibos ingerens, aut, vt referam Hippocratis verba, *qui non accipit ad satietatem.* Velox non qui præcipitatus, sed qui non piger. Itaque harum, vt & aliarum omnium causarum quæ nos alterant, esse debet modus, quia omne nimium est naturæ inimicum, modus verò cibi & exercitationis, definiri primum debet ad ipsum hominem, seu ad eius facultatem, deinde alterius ad alterum, quia exercitatio esse debet pro modo cibi, & cibus pro modo exercitationis. Nam Hippoc. in Aphorismo dicit, *ubi fames laborandum non est.* Atque ita conuertenti licet dicere, *ubi laborandum, fames sustinenda non est, sed capiendus cibus,* atque eadem ratione colliges, *ubi otium, cibus capiendus non est, nisi parcissimè & ubi multum accipiendum sit cibi, non vterunque, sed multum exercendus est homo: quia vt ipsemet dicit lib. 1. de Dieta. homo comedens & non laborans, non potest esse sanus.* apposuit verò ibidem causam omnium eorum quæ diximus, his verbis: *Contrarias enim inter se vires habent cibi & labores.* Verum inter se mixti conferunt ad sanitatem. Labores enim ea quæ insunt consumere solent, cibi autem & potus ea quæ enacuata sunt explent. Itaque modus est, vt vterque ad alterum accommodetur, quia contrarias cum habeant facultates, neutrum oportet alterum superare, neque cibum vnquam, neque laborem; mutuo enim sese corrigunt, alterum cum inaniat. Igitur si cui laborandum necessarid plus solito, est adiiciendus cibus: si rescendum pluribus, exercendus etiam plus. Igitur ne nimio indigeas motu, consultius sit parcere vti cibo. Neque tamen semper, ubi solitam cibi copiam auxeris, satis sit augere exercitationem, neque ubi satietas magna fuerit, quia etsi cibus & labor contraria sunt, non tamen vterque post alterum commodè adhibetur; sed, vt Hippocrat. inquit, *labor cibum præcedere debet, non subsequi.* Neque quidpiam periculosius, quam

Exercitatio post satietatem mala.

pleno ventre, aut toto etiam corpore pleno, aut impuro vehementer exerceri, antequam magna pars copiae aut cacochymiae, manifesta euacuatione sit deposita. Quia exercitatio distrahit per corporis habitum, quae intra ventres ac cavitates recondita sunt. E pleno igitur ventris cruda detrahatur in partes alias omnes: quare & capitis, & pulmonis, & hepatis & viscerum omnium facit obstructions, atque fluxiones multas in eas ipsas partes, & in vesicam, & in articulos, & totum corpus unde innumeri nascuntur morbi. Igitur maxime ac primum curandum est, ne unquam cibum capias nisi parce, ut ab illo placide ad longum dormias, & à somno alacriter exporrectus, impigre exercearis, ut omnem effugas infirmitatem. Si quando vero coactus sis, ita ut sit in conuiuiis (tamen id vir temperans, & fortis, quique rustico pudore non laboret, pati non debet) in edendo multum, consultissimum sit, multitudinem cibi primum deponere, deinde dormitum ire, ut concoquatur reliquum, postea exercere, ut extrudantur excrementa. Optima autem ratio ventriculi vacuandi in vomitione est, secunda ab hac in deiectione. Vomitus enim elicit ex ipso ventriculi ore, antequam descenderint cibi, succurritque citissime, sine aliarum partium noxa. Deiectio ex intestinis, quae iam descenderunt. Utendum ergo, si modò facere id homo possit, vomitione statim, si autem quispiam eorum sit qui vomat difficillime, utendum aliquantò post alui subductione, tunc scilicet, cum tormina, aut distensionem inferioris ventris coeperit sentire. Optime igitur, ac secundum Hippocratis & Galeni praecepta, ut lib. 7. Methodi medendi licet videre, praecepit Ecclesiasticus: *Si coactus fueris in edendo multum, surge à medio* (his verbis significat statim id esse faciendum, antequam cibi copia noxae aliquid afferat) *& vome, & refrigerabit te* (hoc est, subleuabit te,) & non adduces corpori tuo infirmitatem.

Vomitus
utilitas.

C A P V T LXXIV.

De Medicina.

Cap. 38. Ecclesiastici: *Honora Medicum propter necessitatem, etenim illum creauit Altissimus, à Deo est enim omnis medela, & à Rege accipiet donationem. Disciplina Medici exaltabit caput illius, & in conspectu magnarum collaudabitur. Altissimus creauit Medicinam de terra, & vir prudens non abhorrebit illum. Nonne à ligno indulcata est aqua amara? Ad agnitionem hominum virtus illorum, & dedit hominibus scientiam Altissimus honorari*

honorari in mirabilibus suis. In his currans mitigabit dolorem, & vaguentarius faciet pigmenta suauitatis, & unctiones conficiet sanitatis, & non consummabuntur opera eius. Pax enim Dei super faciem terra, fili, tua infirmitate ne despicias teipsum, sed ora Dominum, & ipse curabit te. Averte à delicto, & dirige manus, & ab omni delicto munda cor tuum. Da suauitatem, & memoriam similitudinis, & impingua oblationem, & da locum Medico. Etenim illum Dominus creauit, & non discedat à te, quia opera eius sunt necessaria. Est enim tempus quando in manus illorum incurras. Ipsi verò Dominum deprecabuntur, ut dirigat requiem eorum, & sanitatem, propter conuersationem illorum. Qui delinquit in conspectu eius qui fecit eum, incidet in manus Medici. Hactenus Ecclesiasticus.

Qui Medicinā dum sani sunt vilipendunt, neque pauci sunt, neque ignobiles, imprudentes tamen sunt haud dubiè, ut hoc loco testatur Ecclesiasticus. Nam, inquit, vir prudens non abhorrebit illam, neque de spiritali hic agit (huc enim confugiunt) Medicina, sed de ea quam creauit Altissimus de terra, tribuens scilicet virtutes salutare herbis, lapidibus, succis, & terræ generibus, & metallis. Eorum igitur qui Medicinæ detrahunt, quidam ipsas medicamentorum facultates negant, quòd nihil possint insignis, sed opinione magis consent Medicorum, quàm re ipsa. Quidam, esse quidem re vera, hominibus verò non haberi certam de iis scientiam, atque addò neque ipsam Medicinā scientiam verè esse, sed incertas & instabiles opiniones; & coniecturas non satis firmas: argumento, quòd multæ fuerint, nascanturque quotidie Medicorum sectæ, & abeant, & redeant semper per quasdam vicissitudines, quasi nihil certum in eis sit, fallanturque quotidie Medici, quasi nihil habentes scientificum. Quidam etiam calumniantur, defecisse iampridem, temporis diuturnitate, medicamentorum vires, neque esse quales antiquitus, sed elanguisse omnia. Alij stulta quadam religione affirmant, Medicinæ opera necessaria non esse, quòd sanitas, & morbus, vita & mors penes Dei voluntatem sint, ita ut nulla arte possit vitare homo, quod de eo Deus Opt. Max. decreuerit, & apud sese habuerit statutum. Hæc omnia sigillatim refutat Ecclesiasticus, præcipitque honorem haberi Medico, duplici de causa, & quòd necessaria sint eius opera, & quòd creatus sit ab Altissimo. Explicat verò quem honorem illi haberi præcipiat, dicens, à Rege accipiet donationem, & in conspectu magnatum collaudabitur. Nimirū his duabus rebus constare debet honor Medici, copiosa donatione, hoc est, ampla mercede atque laudibus. Nam his duobus euadet honoratior. Cūm

Varia de
Medicina
opiniones

Medici
honor.

enim ex Peripateticorum sententia quæ à nostris etiam Theologis receptissima, rei familiaris amplitudo sit in bonis honorabilibus, hæc ipsa accedens ex arte efficiet artificem honorationem. Laudibus verò comparatur bonum nomen, quod melius etiam est quàm diuitiæ. Cum verò duo hæc honorare adeò possint Medicum, tunc maximè, cum à regibus, & magnatibus præstantur. Nam cum honor, teste Aristotele, sit in honorante, is maximè honorare potest, qui est honoratissimus. Proinde Ecclesiasticus, tum omnibus in commune mortalibus, præcipit honorem Medico habere: tum maximè Regibus & magnatibus. Atqui profectò ipsa natura, cuius Medicus minister est, id omnes gentes docuit. Nulla enim tam barbara aut fera est, aut vnquam extitit, vt nulla penitus vteretur Medicina. Neque sanè solùm natura, quæ est hominibus omnibus communis, à qua naturale ius fluit, sed ea etiam, quæ est illis cõmunis cum belluis (quam naturæ impetum, ius verò vocari non vellem) Medicorū Medicina vsum ingerit, cum ab irrationalibus putentur Medici multa, neque ea quidem parum vtilia, didicisse. Quæ verò gentes humanioribus vsæ sunt legibus, omnes quidem publice decreuerunt Medicis multos honores, immunitates, ac priuilegia, & inter eos quidam, Regiis, longè amplissimos: præstantissimis verò Medicis, etiam diuinos honores tribuebat antiquitas. Romani Imperatores certatim largiebantur Medicis, & ipsam artem ac medicamentorum affluentiam magnis sumptibus augendam procurabant. Nulla potius ratione mortalibus vtilis se esse posse iudicantes. Quod, vt alia omnia, quæ ad Regia pertinent officia, omnium optimè nunc Philippus II. Dominus meus exequitur, multam pecuniam impendens medicamentis conuehendis ex America, & vndique terrarum, & medicinalibus viridariis excolendis, & de naturali historia resū Americarum commentariis componendis, quo studio haud dubiè de tota hominum posteritate optimè merebitur, vt de nobis merita est antiquitas: quæ hanc artem maximi fecit. Quam vt ego existimo. in magna illa antiquitate, Medici requirebantur, vt reliquis hominibus imperarent, ac Reges fierent. Quod non obscure indicant illa verba Isaïæ cap. 3. *Apprehendet enim vir fratrem suum, domesticum patris sui, & dicet: Vestimentum tibi est: princeps esto noster. Ruina autem hac sub manu tua. Respondebitque in die illa dicens. Non sum Medicus, & in domo mea non est panis, neque vestimentum, nolite constituerne me principem populi.* Hæc Isaïas: constat verò illa verba non sunt Medicus, excusantis sese esse, quòd posset esse princeps populi. Nunc verò eò res deuenit, tanta est hominum imprudentia,

dētia, tam præposterumque fertur de rebus honorabilibus iudicium, ut licet nobis aliud dignitatis artis huius argumentum accipere, quod hoc seculo vili penditur. Sed quia locum hunc multi Iuliperiti tractauerunt diserrissimè, & meus fortasse affectus suspectus habebitur, continendus mihi impetus orationis est, condonandaque inscitæ Plinij sua Grammaticalis garrulitas, mendaciis plena, & Catonis pulchra magis & procax, quàm grauis sententia dimittenda: & sigillatim enarrandæ singulæ præscriptæ dictionis partes. Ab Altissimo dicit creatam Medicinam ob necessitatem. Haud dubiè ab Altissimo, si necessaria est. Deus enim non deficit in necessariis, necessariam verò esse Medicinam constat, si modò sunt morbi, quos non possit ipsa per sese natura superare, possit verò accedente artis ministerio. Hoc quidem si esse indicetur, nemo negat eam artem esse necessariam. Omnino enim salutare opus est ad vitam retinendam, esse verò ita, faciliè monstrari potest. Nā esse morbos quosdam, & alios aliis maiores, ac maligniores, quibus libenter concedet. Porro mitiores ac benigniores facilius, maiores & maligniores difficilius vinci quis neget? Porro nos admotione, aut ingestione rerum quarundam posse lædi, refrigeratos aut exustos, aut aliter affectos si quis negat, admove illi niuem aut glaciem, aut ignitum ferrum, aut nudum hyeme sub dio dormire, aut diem totum per æstatem transigere in Sole cogit. Quod si lædere possunt hæc & alia huiusmodi, possunt etiam prodesse non enim omnia eodem modo lædunt, sed per contrarias alterationes. Quare quibus alia nocent, alia erunt vtilia, atque quia non omnes homines eodem modo affecti sunt, eadem aliis noxia, & aliis erunt vtilia. Hæc solum si receperis, necesse est concedas reliqua. Si enim ad quascunque intemperies sunt res aliquæ vtilis, quæ scilicet inducunt contrarias alterationes, constat, naturam idcirco adhibito medicamento, morbum quemcunque facilius superaturam, quàm nullo. Si igitur sunt morbi alij aliis soluti faciliores, alij difficiliore, necesse est sint aliqui adeò difficiles, ut omnino vinci non possint, & alij adeò faciles, ut sine vlllo medicamento vincantur. Hæc duo faciliè dabis. Nam si neget, fiet ut nullus morbus possit sine medicamento solui, aut ut omnis possit cum medicamento, atque utrumvis horum fiat, erit ars longè magis necessaria. Si verò sunt illa duo, necesse est, sit etiam inter illa medium, morbi scilicet, qui medicamento solui possint, sine illo non possint, ob quos constat, Medicinam esse simpliciter necessariam. Dico autem simpliciter; nam ob quosdam etiam aliorum erit vtilis, in illo enim genere morbo-

Medicina
est neces-
saria.

rum, qui sine medicamento solui possunt, sunt qui facillè, & qui difficilè: ob eos verò, qui etsi à sola natura vinci possunt, difficilè autem solvuntur, utilis est Medicina, vt interim natura minùs labore, & minùs in posterum relinquatur noxæ: ob alios verò qui nullatenus sine eius ope solvuntur, est omninò necessaria. Rursus, sunt nonnulli morbi, qui errore ipsius naturæ constant, & angentur, quique proinde nò nisi solius artis opera, etià natura repugnante curationi, solui possunt. Quos si solui ad tuendam vitam necessarium est (est profectò aliquādo) Medicinam esse simpliciter necessariam. Nam pone, carnem (ita vt sit quotidie) crescere in vrinæ meatu, nisi dissoluatur, nò magis viuere possis, quàm sine mictu. Non est autem quòd expectes naturæ medelam, quia ipsamet natura est quæ auget, estque ille morbus, & præter naturam, auctæ substantiæ verò naturalis incrementum. Sola igitur arte curari potest, ferro scilicet, aut exedente medicamento. Est igitur tunc solius artis curare id, quo non curato, viuere non possis omninò. Igitur ars est simpliciter necessaria. Ad multa itaque utilis est, & ad quædam necessaria. Utilitatis adscripsit Ecclesiasticus duo exēpla dicens: *Curans mitigabit dolorem, & unguentarius faciet pigmenta suauitatis*. Nam hæc duo pertinent ad meliorem tolerantiā morbi, & quandam facultatis refectionem, vt scilicet per anodians vnctiones dolor mitescat, & per suauius pigmenta voluptas concilietur. Addit verò, *& vnctiones conficiet sanitarius*, quasi dicat alias quoque conficiet vnctiones necessarias, quibus non soluat solùm dolorem, aut voluptatem conciliet, sed morbum ipsum demoliatur, dolores aliquando etiam augens. Hæc igitur ita habent. Si verò Medicina est ad multa utilis, & ad quædam necessaria, constat datam esse hominibus à Deo, aliqui deficeret Deus in necessariis. Neque hoc quospiam lauit mortalium. Omnes enim gentes Medicinæ inuentionem in suos Deos retulerunt, aut illos ipsos homines qui putarentur inuenisse, retulerunt in numerum Deorum: quasi Medicina non posset esse nisi Dei inuentum. Auxerunt quidam illam præstantissimi quidem viri præceptis & experimentis, & secundum Dialecticæ leges, methodo constituerunt. At verò primò, ab ipso rerum opifice data hominibus est, neque priùs fuerunt ægroti quàm Medici, neque vnquam sine Medicis. Illos enim sexcentum annos quibus Roma caruit arte hac, Senatus consulto damnata, mendacium esse merum, ipsa annorū computatione constat. Nam venit Romam (teste eodem Plinio) Arphagatus, anno ab vrbe cōdita 530. qui honorificentissimè receptus est, & post illum semper pluriimi subsequaci. Si igitur

Medicina
utilis ad
multa.

Quando
cæperit
Medici-
na.

quam 600. antè annis, damnauerat artem, Roma plusquam 70. annis antequam conderetur. Futilia itaque dictoria sunt hæc omnia. Estque Medicina Dei inuentū, quo nullo vnquam tempore caruit, aut omnind carere potuit hominum genus; atqui profectò ita oportet. Nam eiusdem est domum facere, & labentem reficere, ita & vestem, & calceum, & rem quamcunque. Cū ergo ad Deum spectet humani corporis formatio, & temperies, ad eundem spectet necesse est eius conseruatio & refectio: à Deo igitur est omnis medela. Quid igitur honorabilius ea arte, quæ necessaria est, & à Deo fluxit? At dicunt non est tanta vis medicamentis, neque experimento probantur quàm plurima eorum, quæ ab iis qui de illorum facultatibus scripsere, dicta sunt. Ita est profectò, facileque concesserim, nulla de re magis medicos nugari quàm de medicamentorum viribus, singulis tribuentes innumera, quorum multis experimenta non respondent, aut non euidenter. Sed nūgentur illi quantum lubet, sunt nihilominus plurimæ, atque mirabiles medicamentorum vires, tametsi illi de quibusdam nūgentur per leuitatē, alias exploratas nō habeāt per inertiam. Sed sunt etiā per omnia secula nonnulli prudentes, docti & exercitati Medici. Quid autē non speres, fieri posse circa humanū corpus, per naturalis cuiuspiā rei admotionem, cū Moses iniecto in eos ligno quodā, magnos aquæ fontes, ex adeò amaris, vt neque à valde sitientibus possent degustari, reddiderit dulces? Id quod naturali quapiam virtute effectū esse, super caput quindecimum Exodi disputauimus. Constat verò ex hoc loco. Nisi enim naturali facultate id fecisset lignum, non bene in Medicinæ cōfirmationē accōmodareretur. Sed de hoc seorsū egimus, nunc procedamus. Dicunt alij. Sūt quidē multæ virtutes tributæ rebus naturalibus, earum verò cognitio non est hominibus tributa. His respōdet Ecclesiasticus dicens, *ad agnitionem hominum virtus illorum* (scilicet peruenit,) *& dedit illorū scientiam hominibus Altissimus, honorari in mirabilibus suis*, hoc est, vt honoraretur in mirabilibus suis. Quod & argumētū affine. Quorsū enim fecisset Deus, nisi eorū cognitio esset ad homines peruentura? quæ enim vtilitas accederet hominibus, aut quæ gloria Deo: necesse est ergo dederit Deus in ipso mundi initio facultatum talium scientiam, quam fortasse, quia exolescebat, postea dedit Salomoni, qui scripsit de omnibus ab Hyssopo vsque ad Cedrum. Ex cuius scriptis multa arbitror deriuata esse ad Græcos & ad Latinos, & Arabes & ad nos vsque. Dicunt alij. At deficit iam plurimorum medicaminum vis. Ipsa quoque terra velut defatigata, & tabescens, minus profert efficacia. Non est iam ea virtus rebus, quæ antiquitus

An eadem
virtus sit
medica-
mentis quæ
antiqui-
tus.

riquitus Cui sententiæ fauere videntur verba illa capitis quinti libri quarti Eisdæ, vbi de terræ totius & minüs senio agitur. Verba verò sunt hæc, post multa alia facientia ad institutum idem. *Considera ergo & tu, quoniam minori statura es, præ his, qui ante vos, & qui post nos: minori quàm vos, quâsiam senescentes creatura, & fortitudinem iuuentutis prætereuntes.* Cæterùm neque hic quartus Eisdæ liber recipitur à Theologis inter sacros: neque mihi hæc sententia vnquam probati potuit. Habet enim mundus ætates secundùm diuinas ordinationes, & rationem temporum, quam Deus apud se habet, non tamen secundùm naturam, cum neque naturalis extiterit eius oris, neque interitus futurus sit. Fieri quidem potest, vt vna aut altera terræ particula, longa cultura & assidua seminatione defatigata, langueret, vt tamen tota terra, minimè. Neque enim vnica particula languescit vnquam, velut quæ verè senescunt, vt non possit scilicet in postetum vires resumere, ac velut reiuulescere. Imò circulo quodam abeunt & redeunt omnia, secundùm omnes & singulas partes, secundùm omnes quidem per vicissitudines, aliis debilitatis, aliis fecundioribus redditis: secundùm singulas autem singulis debilitatis, & refectionis alternatè. Quapropter fieri potest vt quæ aliunde antiquitus deportabantur medicamenta, veniant nunc aliunde potiora ac contrà: vt verò omnia vbique debiliora effecta sint, fieri non potest. Atqui profectò nunc medicamenta non valent minüs quam antiquitus. Quinimò video Medicos nunc multò magis illorum potentiam formidare, ac de dosibus antiquis magnam partem detraxisse. quod facultatum non imminutarum argumentum est. Iam verò copiam medicamentorum habemus longè maiorem, quæ nostræ Indiæ, & Orientales abundè suppeditant. Haud dubiè igitur (vt inquit Ecclesiasticus) *non cõsummabuntur opera eius*, hoc est. Medici, *Pax enim Dei super faciem terræ.* hoc est, quia semper Dominus dabit benedictionem, & terra dabit fructum suum, alimenta scilicet, & medicamenta. Dicunt alij, imprudenter morbos & sanitatem, vitam, & mortem, voluntate Dei dispensari, neque rationem vllam esse euadendi, cum Deus morti homines destinauerit, aliqui verò ipsos per sese sanescere: quapropter ea arte opus non esse, quæ solùm non morituros. Huic abundè contradiximus nuper, indicâtes artis necessitatem, atque adeò esse morbos quosdam, qui arte quidem possint, sine ea verò non possint superari. Verùm nunc aliter procedamus, vt hic locus postulat. Non dubium est morborum causas aliquando esse in peccatis: nam hoc ipsum præscriptæ orationis verbis vltimis,

Morbi ex
peccatis
nascuntur.

mis testatur Ecclesiasticus, dicens, *qui delinquit in conspectu eius* qui fecit eum, *incidit in manus Medici*: itaque ex peccatis nascuntur morbi, ut & alia omnes miseriae. *Neque est in ciuitate* (ut inquit Propheta), *malum quod non fecerit Dominus*. Atque ipsa Ecclesia Catholica, penes quam prima ac summa autoritas est, id testatur, dicens, *Cum infirmitas corporalis non nunquam ex peccato* *proveniat*. Nihilominus habent etiam illi iidem morbi naturales, circa nostra corpora consistentes, causas. Nam ipsemet Ecclesiasticus explicuit multas tales, inter quas, multum esum, dicens, *Si coctus fueris in edendo multum, surge & uoce. & non adduces corpori tuo infirmitatem*. Neque quidem Deus cum in morbum hominem ob peccata coniecit, vult nisi rarissime & maximis de causis per sese liberare, sed per hanc dignissimam artem, quam in humanae salutis custodiam, & reparationem creauit. Nimirum hac ratione efficiens quod praecipit, honorem, inquam, tribuens Medicinæ. Ipsemet Deus vulnerat & sanat, neutrum tamen nisi per naturales causas, siue enim morbos infert, in vindictam, aut castigationem, aut probationem, siue salutem miseratus nostri largitur, causis vititur secundis. Velut Tobiam excreauit stercore hirundinum, & sanauit Ca lionimi piscis felle. Si igitur morbi duplicem habent ortum, alium diuinum, alium naturalem, quid expediet ægrotos agere? certe pariter placare Deum, & medicationem adhibere. Si enim ad Deum confugiens, curationem parupendas, peccas ob imprudentiam in ipsum Deum, qui post expiationes iubet locum dare Medico, quia ipse creauit eum propter necessitatem. Quare falsa pietatis specie, incidis in impietatem, parui pendens illius opera; si verò oblationibus, & precibus derelictis, solis Medicinæ confidas operibus, pecces grauius, aliquid sine Deo rerum naturam præstare posse confidens. Ob quod peccatum (permittente Deo) rex Asa dolore pedum vehementissimo vexatus per biennium, mortuus est, ut narratur secundo Paral. cap. 16. itaque infirmus placare debet Deum, & Medicum adhibere in curationem. Quoniam verò, ut inquit Hippocrates, in ipso totius artis proœmio, non solum ægiotus se debet præstare opportuna facientem, sed Medicus, huic quoque oportet perinde facere, adhibere scilicet, curationem, & Dominum deprecari, ut dirigat opera sua. Requirendus igitur est, ut res bene cedat. Medicus doctus pariter, ac probus, ut possit verumque præstare, curationem, inquam, idoneam, & preces. Huic verò habendus honor est, & sui gratia, quia eius opera sunt necessaria, Dei verò præcipue, à quo creatus est propter necessitatem nostram, Hæc omnia adeo sunt rationi

Duplex
morborum
ortus.

Scientia
optima
quæ.

consentanea ut nisi ei, qui de Deo malè sentiat, aut nullam omnino notitiam habeat rerum naturalium, dubia esse non possit. Quæ his verbis complexus est Ecclesiasticus, *Fili in tua infirmitate ne despicias te ipsum* (sine vlla scilicet procuracione manens, ut iumentum,) *sed ora Dominum & ipse sanabis te.* Non sit tamen satis orare, si in peccatis maneat, *sed auerit à delicto, & dirige manus,* restituens scilicet si quid rapueris, ac insuper tribuens pauperibus. *Et ab omni delicto munda cor tuum,* hoc est, neque solum non exequaris opere, sed neque concupiscas malum. *& da suavitatem & memoriam similitudinum, & impingua oblationem,* hoc est, offer abundantet munera Deo grata, tuncque (placato scilicet Deo) *da locum Medico, etenim illa Deus creauit* (ut scilicet per illum largiretur salutem, quibus vellet) *& non* (inquit) *discedat a te quia eius opera sunt necessaria: est enim tempus, quando in manus illorum incidas,* nimirum, omnia tempus habent, & tempus ægotandi, & tempus vtendi Medicis. *ipsi vero, præterquam quod idonea adhibebunt medicamenta, Dominum deprecabuntur ut dirigat requiem eorum, & sanitatem,* hoc est, ut tribuat ægotis sanitatem, & ipsis requiem animorum, impetrato eo, quod vehementer exoptant, & ob hanc ipsam causam, quæ Dei est bonitas, exaudientur, & tribuet Deus sanitatem ægotis ob conuersationem, & conuictum eorum. Haberi igitur debere honorem Medico, & naturæ lege (quandoquidè gentium omnium de re aliqua confirmata opinio lex est naturæ, ut inquit Cicero) & Diuino præcepto iam constare videtur. Possunt verò ex Philosophorum placitis nonnullæ etiam oriri obiectiones, quas dilui satius sit, quàm dissimulando præterire. Videretur enim scientiæ cuiuspiam dignitas malè necessitate æstimari, siquidè Arist. c. 2. primi Metaphysicorum, de prima Philosophia differens inquit. *Cetera itaque omnes magis ea necessaria sunt, nulla verò melior.* Itaq; dicit artium omnium aut scientiarum, eam esse optimam, quæ minimè necessaria sit etiã vilissima; quare & minimo honore digna quæ maximè necessaria. Neque profecto dubium est, longè aliud esse in rerum omnium generibus, quod honorabile, & quod necessarium. Quis enim neget naturales actiones, ut esse, bibere, egerere, & mingere, necessarias magis esse ad vitam tuendam, quàm rationales, ut meditari, consultari, & disputare, constat verò quàm sint hæ honorabiliores. Ita igitur dicere possis, Medicinam attem esse maximè necessariam, vilem tamen, cum dignitas alia potius ratione sit æstimanda, quàm necessitate. Dicit enim Arist. primo Politicorum. cap. 6. *Sunt enim operationes illa artificiosissima, in quibus maximum est fortuna: illa sordidissima, in quibus maximum inquitur corpus: illa seruilissima, in quibus corporis est*

usu plurimum: illa vero ignobilissima, in quibus minimū requiritur virtuti. Ignobilis quidem hac ratione non sit Medicina, non enim minimum virtutis cum eius recto usu coniunctum est. Quin potius, ut nuper diximus, probus æque ac doctus esse debet Medicus. Videri non possit sordida, ac servilis, quia non potest sine magno corporis labore exerceri, cū opus sit ægros vincere. & idcirco Medicus inquinatur, contrectatque partes inunctas, aut per lese turpes, præcipue cū Chirurgia non minima pars Medicinæ sit, sed neque admodum artificiosa videri alicui possit, cū in ea minimum putetur valere fortuna. Quis igitur honor haberi debeat arti servili ac sordidæ, si præcipue neque admodum artificiosa est, sed fortunâ plena? his obiectionibus facturi satis, de necessitate dicamus primum. Nam & ad rem ipsam maximè expedit & ad verborum Ecclesiastici enarrationem. Certè neque quod scientia est minus necessaria, est ignobilior (alioqui esset prima Philosophia quam vocamus Metaphysicam, omnium ignobilissima) neque quod minus necessaria, nobilior, Nam agricultura est, quàm mercatura nobilior, & multò magis necessaria. Et in ipsis mercaturæ generibus, quæ fœneratur est ignobilissima, eandemque quàm quæ emptione, & venditione cōstat mercium, multò minus Reipublicæ necessaria. Quia agricultura, cum qua & pecuaria intelligitur, secundum naturam est, mercatura mercium, præter naturam, fœneratio verò, etiam contra naturam, quia facit, ut pecunia pecuniam pariat, quæ tamen natura sterilis est (author est Aristoteles primo Politicorum capite septimo.) igitur neque quod magis necessaria, eo nobilior ars quæpiam censenda est. Neque id dicit Ecclesiasticus, sed Medicinam esse honorabilem, quia est necessaria, non tamen hinc fit ut omnis honorabilis sit necessaria, sed ut omnis necessaria, quæ necessaria sit honorabilis. Dico autem, quæ necessaria, quia cum non unica honoris causa sit necessitas, potest ob alia multa esse quæ necessaria, ignobilissima, ut carnificis opera, quæ fortasse in republica causæ sunt magis necessariae, & nulla vilior, nō tamē est ob necessitatē vilis (nam ob hanc solum tolerabilis.) sed ob alia multa. Necessitas igitur, cū accedunt alia, nobilitatem auget, sola verò non valet efficere. Consideranda igitur alia quæ ad Medicinam spectant, videndumque an ob ea etiam sit honore digna. Interest, ut apud Aristotelem legimus secundo Ethicorum, capite duodecimo, laudabile quid dicere, aut honorabile. Laus enim debetur virtuti, qui est boni alicuius effectiva, honor verò posterius quiddam ac præstātius est, quod debetur ob dignitatē, per operationē perfectæ virtutis

De Medicinæ necessitate.

Laudabile quid sit.

Medicinæ
subiectum
& finis.

virtutis comparatam. Itaque propriè laus est eius, quod boni cuiuspiam est effectiuum, honor verò eius dignitatis, quam virtus peperit. Ita mihi fieri videtur, ut laudabile meritò nihil sit, quod non sit etiam honore dignum (dignitas enim necessariò sequitur virtutem;) honorabilia verò nonnulla, quæ laudem nullam merentur, quia laus eorum solùm est quorum & virtus, honor verò etiam attingit posteros, honoramus enim viros maiorum virtute, & rebus bene gestis nobiles, idque meritò, neque sine iniuria possumus illos eo honore priuare. Quia cum fortunæ posterum ad defunctos pertineant, suorum maiorum id debetur virtuti, atque etsi virtus non possit, dignitas tamen possit esse hæditaria. Nemo tamen qui mentis sit compos eos laudet, quod tam bonis parentibus nati, aut pulchri, aut proceri, quia nulla eorum virtute id effectum est, sed nascendi sorte. Qua quidem in re præstant homines noui iis qui veteri gaudent nobilitate, quod hi honorandi solum, illi verò etiam laudandi sint, nisi tamen virtute propria angeant veterem nobilitatem, ita enim & laudem habent propriam, & honorem duplicem. His itaque constitutis, constat Medicum laudari debere, quia Medicina virtute comparatur, & exercetur, estque boni magni effectiuum, quod si laudari, certè & honore haberi, ac tantò maiori, quando maiorem dignitatem conciliat. Nasceatur verò dignitas ex nobilitate subiecti, & finis: subiectum verò circa quod versatur est humanum corpus corporearum omnium substantiarum haud dubiè præstantissima, finis verò sanitas, summum bonorum omnium quæ ad corpus spectant, quæ enim sanitate sunt meliora, pertinent ad animam. Iure igitur Medicis in omni bene constituta Rep. honores magni legibus decernuntur, & illorum posteris: quod hæc ars, ut & ciuilis, & bellica honorabilissima sit. Neque quæ ex aduerso obiecta sunt, habent quidpiam inuenienti: fortuna enim fieri, quæ in Medicina bene cedunt, vulgi, & imperitorum sententia est, qui si dato medicamento expurganti, succedit expurgatio copiosa, facilis, & utilis; aut secta vena cessat dolor, aut soluitur statim febris, bonæ Medici fortunæ id imputant, cum deberent arti. Nihil enim est minus quam fortuna. Nam hæc solùm est, cum quid rectè euenit præter intentionem agentis; si verò Medicus ut expurgaret, dedit medicamentum expurgans, & expurgauit, artis est rectè adhibitz, non fortunæ; neque enim quia potuit decipi, & arte malè uti, fortunæ est non esse deceptum, sed artis, ut decipi esset erroris, & inertiz: habet quidem fortuna etiam in Medicina locum aliquem, ut in aliq. arte quacunque

cunque, cū scilicet artifice aliud procurante, aliud, idque melius quam expetebatur, euenit. Vt. si cum pharvacum expurgandi per aluum gratiā dederit, menses qui erant suppressi erumpant, aut vomica aliqua puris in aliquo viscere, vel in ipso ventre latitans rumpatur, & expurgetur, aut calculus ē rene detrudatur, & mīctu erumpat. Verū hęc per pauca sunt prę illis quę ex arte, atque ex Medici instituto sunt. Atque ea ipsa fortuita sunt huic Medico potiūs quām ipsi Medicinę, quia non sine naturali causa fiunt, quam alius fortasse Medicus intelligens illud ipsum auxilium direxisset, in id quod euenit. Nam ipsemet Hip. 6. Epidem. ad calculos renum iubet vti pharmaco expurganti, sciens certē illius vsu solere detrudi. minimus igitur locus superest fortunę in Medicina, quo sit vt sit artificiosissima. Multo profectō maiorem locum habet in re bellica, in qua nonnunquam euenit, qui se parabant ad fugam, videri inimicis velle pręlium inire, illisque ob id fugientibus prius, victoriam fortunā manere, apud eos qui iam cōperant fugam capere. Artificiosior ergo multo est Medica ars, quam militaris. Neque mirum, hęc enim vsu non aded longo, comparatur mediocriter, illa non sine Philosophię studio, & multis lucubrationibus, ac longo insuper vsu. Haud dubiē igitur est per se artificiosissima, nunc verō ab optimis authoribus aded eleganti methodo constituta, vt mihi videatur nulla artium cum illa posse de methodo & constitutione contendere. Iuris enim peritiā quam hominum ambitio omni ex parte Medicinę anteponit, aliis quidem causis fortasse vincit, vt mox explicabo, methodo verō longo spatio à Medicina relinquitur. Iam verō Medicis nullus labor corporalis, nisi ex accidenti: quia scilicet, non possunt ægroti ob debilitatē ad eos adduci, alioqui cōstat eos non curare visendo, sed cōsulendo non aliter ac cathedrę moderator, docere non potest nisi quotidie abeat in Lycæum, eius verō officium docere est, non abire, neq; Periparetici officiū erat deambulare, nisi per accidēs, quia deambulans disputabat. Nobilitas verō artis non expectatur ab eo, quod per accidens, sed quod per se facit, aut patitur artifex: nobilissima enim est ars imperatoria, quia eius est imperare, et si non possit id sine magnis laboribus exequi. Iam verō elegantior Medicinę pars, à qua Chirurgia, & Pharmacopœia separatur, solū medetur victus institutione, & ex syngrapha, pharmacis, & sine omni sorditie tractari potest. Quinimō munities omnis, & ornatus splendidus, decet admodū Medicos, vt licet videre apud Hippoc. libello de Medico, vbi cōsulit Medicum vestitu decoro, & vnguentis odoratis vti. Neque si quid

Iurisprudentiæ & Medicinę comparatio.

Honoris
gradus in
Repub.

humanæ necessitatis causa admittit sorditici, vt frequenter contemplari vrinam, ac, vbi necessitas postulat, etiam fæces, haberi id debet turpitudini, aut ignobilitati, quin potius virtuti, condonandumque id est subiecti dignitati. Neque verò quoddam suæ operæ mercedem accipiant, nobilitati detrahunt, nam & milites merent, & duces, & ipsi Imperatores. Neque ad nobilitatem interest mercedem recipiat an non, sed ex qua arte recipiat. Neque Medicus lucratur quia Medicus, sed cum idem sit Medicus & paterfamilias, quia Medicus medetur, quia paterfamilias victum quaerit familiæ, ex arte honesta & nobili. Nam cum victus quaerendi industria ad œconomicam pertineat, sitque muneris patris familias, & ea tribus constet agricultura, mercatura, & arte: victum ex agricultura quaerere, nobile certe est, & maximè secundum naturam, ex mercatura est præter naturam, & nisi accedat magna opulencia (quæ tamen raro iusta est) ignobile: ex arte verò, nunc nobile, nunc ignobile, vt ipsa est ars. Medicinam verò ex aliis indicatum est, esse nobile: quare victum ex ea comparare, ignobile non est. Sed quo honoris loco sit habenda, suppetit explicemus, ne quid desideretur in hac lucubratione. Multis Medicis videtur, eisdem argumentis effici, hanc artem honore magno esse dignam, & esse omnium dignissimam, atque præferendam Iurisperitiæ, & aliis omnibus disciplinis, Quorum sententiæ videtur fauere Arist. cap. 5. lib. 1. Rhetoricæ. qui recensens omnes honoris causas, primo loco ponit facultatem benefaciendi, in iis, quæ pertinent ad salutem, vitamque tuendam. Mihi verò videntur multis modis falli, neque rem ad exactum ducere: quod mihi nunc agendum est, Repub. in omnes suas partes distributa, & considerata singularum dignitate. Tria mihi esse videntur totius Reipub. membra principalia, vt & hominis. Ea sunt in Republica agricultura, res bellica, & literaria: in homine iecur, in quo residet facultas naturalis, ad quam spectat omnis nutritio: cor, in quo facultas vitalis & irascibilis: & cerebrum in quo mens, & tota cognitio, vides quæ cui respondeat. Agricultura enim naturali, quia alimenta suppeditat ciuitati; bellica ars irascibili, quia repellit si quid inferatur violentiæ; aut impedimenti; literarum studium cognitiuæ facultati, quia spectat ad intelligentiā, porro, vt præter tria membra, quæ principalia vocantur, sunt in homine alia multa minùs principalia externaque vt manus, & crura: ita in Republica præter dictas tres partes, sunt alia externa & minùs nobiles, vt mercatura & artes mechanicæ. Ex dictis haud dubiè fit, vt primus honoris gradus debeat Reipub. rei literariæ, secundus bellicæ, sintque duæ hæ viæ ad nobilitatem: post has verò agriculturæ debeat ho-

nor antiquitatis, & naturæ. ea enim fuit prima mundi ars, & maximè naturalis, quam hoc nomine commendat. Ecc. cap 7. dicens: *Non oderis laboriosa opera, & rusticationem creatam ab Altissimo.* Manet etiam mechanicas artes suus honor: maximū enim dedecus in inertia. Constat verò rem literatiam honorabiliorē esse bellica; quia bello nihil esset magis ferinum, nisi compareretur ad tuendam pacem, & ut vacent homines sapientiz, in qua est omnis veri, & boni contemplatio, & vetus Dei cultus. ipsa igitur sapientia, & intelligentia præstantior multò est quàm bellum. quia propter vnum quodque tale est, illud magis tale est. Cùm verò id dicimus, secundum genus intelligimus. Habet enim vtraque pars Reip & bellica inquā & literaria, partes multas dignitate dispares. Neque omnes literarias, bellicis omībus anteponimus (neque enim Grammaticum Imperatori) sed præcipuas præcipuis, mediocres mediocribus, & infimis infimas. Porro res literaria tres habet disciplinas principes, ex quibus aliæ inferioris notæ ministrant, hæ sunt Theologia, Iurispræditi, & Medicina. Ministrant his tres secundariæ, Grammatica, Rhetorica, & Dialectica, duæ Philosophiæ naturæ, & motum: Mathematicæ vocatæ scientiæ. In tribus primis, aut dubium est, primum & summum honorem deberi Theologiæ. Quia, ut Aristoteles capite secundo primi Metaphysicorū dicit, *que diuinissima, eadē & honorabilissima est, ea verò est, quam maximè Deus habet, & qua maximè diuturnum est.* Hæc Aristot. quæ Theologiæ congruunt Ea enim est scientia rerum diuinarum, quæ quidē principia penes sua Deū habet, & mentes beatorum. Huic itaque non est quod vlla alia certer: tamen audiui quosdam sciolos, volentes huic quoque ciuilem artem præferre, hoc argumento, quod ut aliis omnibus artibus, ita etiam Theologia videatur ars ciuilis vti. Non enim minus videtur caurum legibus, & ad ciuilem spectare, ne in Rep. sacra desint quàm ut iustè, & salubriter viuatur, & actuum omnium ministeria exerceantur, ut oportet. si igitur (dicunt) ciuilis Theologia vitur præstabiliior quàm illa est; hic verò optimè occurrit Aristoteles in calce capitis vltimi sexti Ethicorum differens de prudentia, his verbis. *At verò neque sapientia præst, neque præstabiliior est pars sicut neque ars medendi præsidet sanitati. nō enim vitur ipsa, sed videt, ut fiat. illius igitur gratia, non autem illi iubet. Præterea simile est, ac si quispiam facultatem ciuilem principium esse Deorum, sine diuinorum dicat, propterea quod præcipit de omnibus qua aguntur in ciuitate.* His verbis Aristoteles docet, eos qui prudentiam sapientiæ præferunt, aut ciuilem

Discipli-
næ quæ
principes
& min-
istræ.

Theolo-
giz & Iu-
rispruden-
tiæ com-
paratio.

De contro-
uersia in-
ter Medi-
cinam &
Iurisperi-
tiam.

facultatem ei quæ de diuinis est, perinde etrare, ac si quis dicat Medicinam esse potiore sanitate: quia vt Medicina non vritur sanitate, sed medicamentis propter sanitatem, ita neque prudentia sapientia, sed medijs prudenter inuentis ad consequendam sapientiam. Et ars ciuilis non vritur peritia rerum diuinarum, sed legibus, vt rebus diuinis ciuitas vacet. Itaque in diuinis est finis rerum omnium diuinarum, Theologia verò est de rebus diuinis, ac proinde omnibus scientiis sine contentione præferenda. Solum igitur superest agitatissima illa inter Medicos, & Iurisconsultos controuersia, illis dicentibus, se non de fideiussione, stipulatione & iure hæreditario, quæ solum pertinent ad tuendam rem familiarem, agere, sed de propulsandis morbis, tuenda valetudine, ac denique seruanda vita, qua nihil esset mortalibus pretiosius: his contra respondentibus, sed non singulorum hominum, sed totius Reipub. vitam tueri, ac sanitatem, hoc est, iustitiam. Quam ergo controuersiam citra inuidiam dicimur. Satis enim mihi esse videtur, si mea ars sit in præclatis, quin sit omnium præstantissima. Iurisperitia duas habet partes, alteram civilem, quæ versatur in gerenda Repub. alteram litigiosam, quæ in agendis causis. Prima haud dubiè Medicinæ præferenda est. Nam Arist. 2. Ethic. c. 13. ita inquit, *Facilius ciuiliū honorabilior Medica est, atque præstabiliior.* Causa verò est, quod Medicus de seruanda solius corporis valetudine agit, atque si quando de remperantia, & cohibendis animi affectibus, id quoque refert in corporis valetudinem: ciuilis verò de formandis moribus & continendis omnibus in officio. Quod quantum sit præstabilius quam bene valere, satis constat. Alteram etiam partem & litigiosam, præfert Medicinæ hominum auaritia, & inicitia, tamen hanc immeritiò fortasse. Quia hæc, non vt ciuilis agit per se de Reipub. constitutione, & bonis moribus, sed de singulorum lute, vt neque Medicus de hominis salute, sed huius, & illius. Eorum verò quæ lite possunt detrahi aut tribui, nihil est cum vita conferendum, de eripiendis enim animi bonis (quæ sola rectæ vitæ præstantur) nunquam est inter homines orta lis. Præstabiliior igitur est ea ars quæ curat ne homo ante fatale tempus intereat, quàm quæ ne illi quidpiam suorum bonorum iniuria detrahitur. Honore igitur dignam esse Medicinam, & quo honoris gradu, dictum est.

CAPUT LXXV.

ECclesiastici cap. 3. *Et sic intueri in omnia opera Altissimi : duo contra duo, & vnum contra vnum* Vsurpatissimum est Peripateticis omnibus axioma illud Aristotelicū, Vnum vni est contrarium. Vnde fit, vt duo aut plura non possint esse contraria vni, quare neque vnum duobus aut pluribus, sed necessario contra vnum, & duo contra duo, & plura contra plura. Quod euidenti monstratione videtur confirmari posse, posita Contraria
quæ. definitione contrariorum. Nam contraria sunt, quæ sub eodem genere posita longissimè distant : at verò ab vno non possunt in eodem genere plura æqualiter distare ; necesse est igitur vt vnum sit, quod distet longissimè, non posse autem duo distare æqualiter, constat. Nam aut illa duo distant loco, aut magnitudine, aut ratione aliqua. Si loco, aut secundum eandem lineam, aut secundum diuersas. Si secundum diuersas distant duo æqualiter ab vno, necesse est illud vnum sit centrum duarum linearum, & illarum extremitatum, atque ita non potest illud vnum esse quod longissimè distet ab illis duobus. Nam productis vltra centrum ambabus lineis, erunt duæ aliæ extremitates longius distantes à duabus primis quàm illud medium, igitur illud vnum neutri est contrarium, nedum ambabus. Si verò duo illa secundum diuersas lineas distant inæqualiter ab vno, non distant ambo longissimè, sed alterum, quare secundum diuersas lineas, non possunt esse contraria vni, duo aut plura. Multò autem minùs secundum eandem lineam. Nam aut versus eandem partem, aut versus oppositam. Secundum eandem lineam, & versus eandem partem, non possunt duo ab vno æqualiter distare, nam neque duo puncta eiusdem lineæ, quæ ducatur à centro ad peripheriam, possunt æqualiter distare à centro. Si autem non distant æqualiter, non distant ambo longissimè ab vno, sed alterum longius. Si verò ponis duo illa distare ab vno secundum eandem partem, tunc à neutro distat illud vnum longissimè, quia longius distat alterum ab altero. Nullo igitur modo possunt secundum locum distare duo ab vno longissimè sed vnum ab vno, vt supremum ab imo, & duo à duobus, vt supremum, & dextrum ab imo, & sinistro: magnitudinis eadē

Vitia duo
an vni
virtuti
contraria.

Prodiga-
litate cō-
trarium.

omnino ratio est, quæ & loci. Quæ ratione aliqua, aut natura, aut forma (nihil enim refert) distant, ea etiam necesse est esse tantum duo, ita vt & vni vnicum sit contrarium. Nam si duo distant ab vno, aut secundum eandem rationem, aut secundum diuersas. Secundum eandem non possunt duo ab vno distare æqualiter. nam si illa ratio distant æqualiter participatur, secundum illam rationem, vnica sit species, non duæ, velut à candore non possunt distare duo colores æqualiter, sed quæcunque à candido recedunt æqualiter eodem colore sunt, quia colorum differentia solo maiori aut minori recessu constat. Igitur quod summè recedit vnicum est. Si verò duo illa ab vno ico recedunt æqualiter secundum diuersas rationes, iam non sub eodem genere sunt, sed sub diuersis. nam illa ratio secundum quam distant contraria: genus illorum est. Velut color est genus quo & conueniunt & distant candida, & nigra. Si verò diuersis generibus communicant duo vni, illud vnum ad duo pertinet genera, qua autem ad duo genera pertinet, non vnum, sed duo est, vt lac, albū, & dulce. Neque enim quia dulce, & cādīdū sunt in eodem lacte, non sunt duo, & duobus contraria, putà nigro & amaro. Vnum igitur vni, & duobus duo statuere contraria necesse est. Neque dictis obstat, videri avaritiæ esse contraria duo, putà liberalitatem, & prodigalitatem: ita verò, & in aliis virtutibus & vitiis. Cum enim authore Arist. virtus in mediocritate, atque inter duo vitia statuatur, videbitur virtus contraria esse vtrique vitio, & vitia ipsa inter se. Quare & virtuti, & vitiorum vtrique sunt contraria bina. Nam virtuti duo vitia, & vitiorum vtrique virtus, & vitium alterum. Nō, inquam, hoc dictis obstat. Non enim liberalitas contraria est avaritiæ, neque prodigalitati, si exactè loqui volumus, sed liberalitas illiberalitati, atque sub illiberalitatis genere avaritia, prodigalitati. itaque liberalitas & illiberalitas sunt species contrariæ, sub eodem genere, putà sub habitu animæ pertinenti ad largitionem, hic enim habitus liberalitas, aut illiberalitas est. hæc rursum avaritia, aut prodigalitas. Atque ita ego non concederem virtutem vllam in medio vitiorum esse, quia quod in medio est participat vtroque extremo, nihil autem distat magis à vitio quàm virtus. Neque sanè prodigus tantum distat ab avaro, quàm liberalis, quia hic habet cum iustitia coniunctam liberalitatem. Illorū vterque abest à iustitia: quare faciliè vterque furatur, cōueniuntque ambo in vno genere illiberalitatis, quo liberalis differt ab vtroque. Potius dixerim virtutem omnem contrariam esse certo cuidam generi vitiorum, idque genus diuidi in duo contraria vitia, quorum vtrumque modera-

tur

tur virtus, non vt medium illorum, sed vt contrarium eorum generi. Itaque illa duo sunt vni virtuti contraria, non qua duo, sed qua vnum genus. Mox verò ac duo fiunt est alterum alteri contrarium. itaque in eis quodque euenit. vt sit vnum vni contrarium. Videtur dictis repugnare saporum genus, quandoquidem Aristoteles dulce & amarum, dicit esse contraria, Galenus acerbum, & amarum. Quæ si vera sunt, constat amaro esse duo contraria, dulce & acerbum. Verùm hæc nō eadem ratione, neque secundum eandem considerationem dicuntur: nam reuera qua sapores, dulce & amarum contraria sunt, quia longè diuersas passiones inferunt gustandi potentia, alterum voluptatem, alterum magnam molestiam. Verùm qua alterationem aliquam nostris corporibus afferunt, quæ talibus qualitatibus sunt affecta (quod ad considerationem Medicam magis spectat) acerbæ, & amara statuuntur contraria, quia illa adstringunt, & refrigerant, hæc calefaciunt & dissoluunt, ac dilacerant. constat verò has esse considerationes diuersas. Vtunque verò considerentur res, vno modo est vnum vni contrarium. Sed quoniam Ecclesiasticus iubet intueri in omnia opera Altissimi, sermonē vltiūs producamus. Non solum quod diximus verum est in iis, quæ propriè vocantur contraria, sed in naturalibus etiam rerum antipathiis. Nimirum animalia non omnia cum omnibus exercent inimicitias, atque cum multa alicui videantur aduersari, non tamen æquè omnia illa, sed est quod aduersetur præcipuè cuiusque quoddam certum. Velut leporē canis infestat, non ita lupus, aut leo, neque ita fœlem, aut murem; felis murē, non ita aliud quodpiā animal. In inanimis quoque rebus perinde euenit: cum enim sint quædam antidota, & simplicia, & composita, quæ censentur pluribus venenis aduersari, vt lapis bezohar & Theriaca, tamen sunt singulis venenis singula antidota propria, quia est quod cuique peculiariter ac propriè aduersetur, velut aconitū ruta, opio generosum vinum, lepori marino lac. Itaque sunt quædam simpliciter antidota, quædam quorundam, arque deteriorum generi aduersatur genus alexipharmacorum, vnum vni, est enim quodammodo etiam vnum genus omne cuiusque venenosum antidotum. Porro naturalem hanc contrarietatis legem imitari videntur etiam hominum similitudines & odia, quæcunque enim inter plurimos, siue in vna domo, siue in ciuitate, siue in regno, siue etiā inter multa regna, oriātur dissidia, mox omnes ad quos illorū causa vtrūque pertinet, feruntur in duas factiones. adeo diuisioni accommodatus numerus, est dualitas. Itaque videtur odia omnia, siue naturalia, siue voluntaria, exerceri per binarios

Saporum
contrarietas.

Antipathia
naturalis.

Bezohar
lapis.

ut necesse sit, vnum esse contra vnum, duo contra duo, & ita deinceps. Habent verò hæc omnia causam non valdè dissidentem à priori. Nimirum vnum quiddam esse semper id, secundū quod aduersari contingat: secundum vnum verò non posse distare longissimè nisi duo. Nam antipathia naturales, ex naturaliquapiam dissimilitudine nascuntur, dissimilitudo verò est similitudinis vacuitas: similitudini verò cuiusque est vnū subiectum. igitur & dissimilitudo omnis est secundum vnum aduersitas. Iam verò causa omnis dissidij, quod nascitur inter homines, redigitur ad affirmationem, aut negationem. Quare necesse est abeant primū in duas sententias, tamen illarum quæcunque possit deinceps abire in alias diuisiones. Præter dicta videtur etiam præscripta oratio Ecclesiastici, cōtinere dogma quoddam Epicuri de vocata illi *ισομερεια*, seu, ut interpretatur Cicero primo de natura Deorum, æquabili tributione, seu æquilibrata. Annotauit enim Epicurus ineptè, eam esse naturam rerum, ut omnia omnibus partibus paria respōdeant, & similia similibus, & contraria contrariis, & opposita, ita ut in omnibus, & singulis seruetur æqualitas, & respondentia quædam. Velut totidem esse quæ conseruent, & quæ interimant: atque corporeorum, & corpore carentium, mortalium, & immortalium, & aliorum omnium quæ secundum oppositionem dicuntur, esse quandam æquilibratam. Quam Galenus quoque in membris hominis, quæ secundum opposita latera sita sunt, dextram, dico & sinistram partem animaduertit, mirūque in modum celebrauit, iusticiam naturæ appellans. Nimirum nulla pars est in villo laterum cui non in altero sit opposita æqualis altera. Nam ut geminae sunt atque altera in altero latere opposita, æquilibratam etiam situs obseruans, ut oculi, aures, narium foramina, renes, testes, manusque & crura & eorum digitique simplices eæque in medio sitæ ut cerebrum, cor, pulmo, ventriculus, vesica, & uterus; inter externas, frons, os, & colis; aut secundum latera, contrapositæ ad æqualitatem ut hepatis opponitur lien. Dux tantum particulæ videri possunt *ισομερεια* corrumpere, vena quæ vocatur *ἀνυγος*, hoc est sine coniuge, quia ea sola inter omnes, non oritur gemina & intestinum vocatum cæcum, quod in dextra solum parte situm est sub rene. Verū neque hæ rectè consideranti, citra æqualitatem esse videbuntur, quia vena mox ac oritur ex sinistra reflectitur ad dexteram partem, ut hæctenus, neque dextra, neque sinistra esse videatur, sed transuersim posita in medio. Mox repit deorsum, æquales ramos emittens in oppositas partes per singula spatia intercostalia, vsque dum infunditur.

Æquilibrata.

Corporis partes trias.

Vena Azygos. Intestinū cæcum.

mitur tota in modum spinæ cuiusdam Jam vero cæcum intestinum, totius intestini pars est, ut & colum. rependitur verò ea pars, qua intestinum vocatur cæcum, maiori coli ad partem oppositum amplitudine. Itaque & secundum genera similium oppositorum, & contrariorum, & singulas species & partes singularum rerum retinet natura æquabilitatem & vocatam Epicuro *ισορρομία* atque ut inquit Ecclesiasticus, *In omnibus operibus Altissimi duo contra duo, & unum contra unum.*

CAPVT LXXVI.

CAp. 41. Ecclesiastici: *omnia duplicia, unum contra unum, & non facit quidquam deesse.* Postquam Ecclesiasticus capite hoc percurrerat plurima, & præclarissima operum Dei, postremo paucis his verbis, totius vniuersitatis rerum rationem complexus est Verè enim tota rerum vniuersitas, & tota eius perfectio hac ratione constat: *Facit Deus omnia duplicia, & unum contra unum, & non facit quidquam deesse,* eorum quæ ad perfectionem vniuersitatis spectant. Sed quo pacto sunt omnia duplicia? an est duplex Sol? & Luna duplex? aut etiam terrarum orbes duo? Imò verò videntur præcipuè mundi partes esse simplices, vnica enim terra, mare vnicum: res verò quæ multiplicitate constant, haud scio an vllæ sint geminæ, sed multæ, ut homines, stellæ multæ, Angeli quoque, aut sua specie singuli, aut quascunque plurimi. Quæ sunt igitur hæc duplicia? In microcosmo certè quædam sunt gemina, ut renes, testes, oculi, nates, aures, manus ac pedes; quædam verò singula, ut vesica, ventriculus, caput: quædam multiplicia, ut digiti, & dentes: quomodo ergo sunt duplicia omnia? certè non sunt res omnes geminæ, imò verò nō est numerus quem non alicui rerum generi aptare possis, etsi incipias ab vnitare. Nam est vnicus mundus, & vnicus mundi rector, & vnicus Sol, sunt duo luminaria magna, duo sexus, tres mundi corporalis partes, seu regiones corruptibilium, tantum mobilium & immobilium, tres corporis dimensiones, tres diuinæ personæ. Quatuor elementa, quatuor eorum virtutes, quatuor anni, partes totidem concretorum corporum temperamenta. Quinque sensus, quinque vocalia elementa, quinque digiti: sex apparent Pleiades: septem planetæ, ut & triones: octo orbes stellati: nouem Angelorum ordines: decem rerum genera. Quo pacto ergo sunt omnia duplicia? Certè secundum contrarietates: quia rerum multiplicitas formalis, nascitur ex

Creata
duplicia.

diuisione generum, & diuisiones fiunt per differentias contrarias, vni verò non est nisi vnum contrarium, & non facit Deus quidquam deficere, quia tota rerum vniuersitas opus perfectum est, ac proinde in quocunque rerum genere, si vnum contrarium est, necesse est alterum omniò esse. Velut quoniam est numerus aliquis par, necesse est esse etiam aliquem imparem si res aliqua calida necesse est esse aliquam frigidam, atque si candida, aliqua etiam sit nigra. Alioqui manca esset, & insufficiens rerum vniuersitas: nisi inquam essent omnia rerum possibilitum genera, & omnium generum differentiarum omnes. Non enim est perfectum, & integrum cui aliquid deest, tamen verò sunt quorundam generum differentiarum multae, omnes tamen illae ad duas rediguntur, aut duarum mistura constant. Velut animalium differentiarum rediguntur ad rationale, & rationis expertum, & colores omnes constant mistura albi & nigri, & sapores dulcis, & amari, soni grauis, & acuti. Itaque omnia genera rerum quibus constat haec vniuersitas sunt duplicia, secundum differentiarum oppositionem, quia vnum vni contrarium est, & non fecit quidquam deesse. Constare verò totam rerum vniuersitatem rebus geminis, & multitudinem omnem fluere à binatio, constat primum hac ratione. Ipsum ens, primum quidem duplex est, alterum enim semper ens, alterum non semper ens: rursus ipsum non semper ens, duplex, nam alterum est per se existens, alterum alicui accidens. Rursus quod per se existit alterum corporeum, alterum incorporeum. Porro ens corporeum alterum generabile, & corruptibile, alterum sine ortu, & interitu. Rursus quod ortui, & interitui obnoxium, simplex (quod & elementum vocamus) aut mistum, rursus mistum, viuens, aut vita carens, & quod viuit, sensu praeditum aut sine sensu, & quod sentit, rationale est, aut irrationale. Porro elementum duplex, alterum actiuum, alterum passiuum, etiam utrumque horum duplex, nam alterum calidum, aut frigidum: alterum humidum, aut siccum. Alia omnia horum mistura constant, cuiusque quoque corporis, siue simplicis inquam, siue compositi, duplex est principium, forma, & potentia. Genera quoque omnium, quae mixture constant, sunt diuisione duplicia, ut de visibilibus, gustabilibus & audibilibus indicatum est. eadem autem est ratio omnium patibilium qualitatum. Itaque constat omnia esse in hac vniuersitate duplicia, aut ad duo redigi, quia cuiusque generis prima diuisio est, in duas differentias opposita. Hoc tamen non prohibet esse quinque digitos, & septem Planetas & stellas fixas innumeras, & huiusmodi alia, quia illa duplicitas non est in cuiusque speciei singulis,

Binorum
rerum prin-
cipium.

singulis, sed in ipsis generum differentiis. Quoniam ergo genera omnia diuiduntur per opposita, & vnum est vni contrarium, constat (si quidem mundus perfectus est) fieri non posse, vt quidquam deficiat eorum quæ verè existentibus opposita sunt. v. g. quandoquidem est aliquid aliquando ens, aliquando non ens, necesse est esse aliquid semper ens, & quoniam est aliquid alteri accidens, necesse est sit aliquid per se subsistens, & quoniam est aliqua substantia corporea, sit etiam aliqua incorporea, & quoniam est aliquod corpus corruptibile, sit etiam aliquod incorruptibile, & quia generabilia quædam sunt mixta, sint necessariò quædam simplicia, atque in his si sunt actiua, passiuæ quoque sint, vt in ipsis rerum principiis. Et quoniâ calidum, & frigidum contraria sunt, si res quædam sunt calidæ, necessariò sint aliæ frigidæ, etsi enim omnium hæ, & aliæ huiusmodi consequutiones habent peculiare alias necessitates, omnes tamen illam communem, quod non fecit Deus quidquam deesse. Nimirum insufficiens, & imperfecta, atque, vt sic dicam, manca & mutila esset rerum vniuersitas, atque aded ne vniuersitas quidem esset, nisi haberet vniuersa. Nam hæc est ratio totius vt nihil desit. Dices hinc fieri, vt necessariò sint in mundo animalia immortalia (cuiusmodi esse Deos, & cœlestia corpora multi Philosophorum putauere) si quidem sunt mortalia: at verò non fit, quia mortale, & immortale non sunt differentiæ animalis, imò alterum repugnat, alterum necessariò inest animali. non enim potest esse animal quod non sit sensitiuum, neque sensitiuum quod non passiuum corruptiuum, neque hoc quod non mortale. Ergo mortale, per quædam media, est in ratione animalis. Non possunt ergo esse animalis differentiæ mortale, & immortale. velut ergo nemo dicit, quia est homo rationalis, esse hominem irrationalem, ita neque quia est animal mortale, sit animal immortale, sed quoniâ ipse mortalis, & immortalis, rationes contrariæ sunt, & sunt res quædam mortales, sint necessariò aliæ res immortales. Itaque (vt resumentes sermonem dicamus) sunt rationes rerum omnium duplices, & neutra ex parte claudicat vniuersitas, singula tamen, vt homines, equi, & stellæ, innumera, omnis tamen multitudo rerum quarumcunque, multiplicatur per dualitatem, vt animalia per duplicem sexum, & quæ sexu carent per duplex principium, materiam, & formam, seu potentiam & actum. Nec sanè quidquam est, quod omnino careat dualitate, præter id, quod perfectissimè est vnum per se ac semper ens, à quo facta sunt omnia, & non fecit quidquam deesse, cui honor, & gloria in æternum.

Generum
opposita.

CAPVT LXXVII.

Del fa-
copiore.

CAp 43. Ecclesiastici legimus, *Gelu sicut salem effundet super terram*. Quæ verba nonnulli referunt ad talis naturam, dicentes salem concretescere ut gelu à frigore, habereque similem illi generationem. Quod tamen facillimè redarguitur, quia celebratissimum est apud omnes Physicos, à contrariis dissolui rem quameunque, iis à quibus compacta est. Sal à nulla causa minùs dissolvitur, quam calore, quia ad ignem siccatur ac vitur, dissolvitur verò ab aqua, ut quæ constructa sunt, calore. Neque verò dici potest constructum esse ab utroque ut fictile, esset enim illiquabile, ut illud non est tamen, sed facillimè liquecit, ubi quidpiam accedit humiditatis. Illud igitur quod de sale hoc loco dicitur, non spectat ad illius naturam, sed ad phantasiam, & id quod apparet. Nimirum nomine gelu, hæc pruina designatur quæ aspectu quidem sali per terram sparso est simillima, aded at si procul aspicias, non valeas discernere; res verò aded similes aspectu discrepant naturâ plurimum. Nam pruina eandem habet cum niue generationem, hoc solum discrepans, quod circa terram consistit, se habet enim ad niuem pruina, ut ad pluuiam ros, & ad grandinem glacies. Hæc verò omnia sunt aqua concreta, exiguis differentia conditionibus. Sal autem insignem habet naturam, vix ulli alteri similem. Si quidem neque in metallis est, quia non dissolvitur calore, neque in lapidibus, quia dissolvitur aqua, neque in terræ generibus, quia totus dissolutione abit in aquam, non quidem in ea subsidens, sed solutus in aquam crassiorem, neque verò est aqua, quia non absimitur ab igne, sed vitur potius, ut terræ, quid ergo illum esse dicas, nisi *αὐρύωμα*, hoc est, sui generis? quod sit autem id genus, seu qui modus mixture, inuestigandum. Primum quidem, falsum saporem remissione amari fieri terræ vitione, aperte indicat Galenus: nam exustis rebus superest cinis, qui nihil est aliud, quam terrea, exustatum rerum pars, ignitionem retinens. Hic amarus sentitur, qui deposita in aquam ignitione fit frigida terra, aquam verò vertit in falsum lixivium, itaque amarum fit maxima terræ vitione: falsum hoc ipso, adiectione humoris, aliquatenus attemperato. Sal verò est illud terreum vstum, quod cum aqua permiscetur facile,

facile, permistum verò ipsam rendit salſam. Id apertè percipitur, quia ex aqua ſalſa quæ colligitur, ſive ex mari, ſive ex ſalinis, per deſtillationem ſeparatur ſal, & fit ſuccus potui aptus: quandoquidem igitur ſeparatione ſalis dulceſcit, permitione iſlius erat ſalſa, eſtque ſal terra illa exuſta, quæ cum aqua facile permisceſcit, non eſt autem viſta uſque ad amaritudinem. ſed infra, argumento quod ubi uſtio plurimùm crevit, mare ipſum pro ſalſo eſt amarum, ut quod mortuum appellatur. Non eſt autem ſal, terra utcunq; exuſta, neque qualiſcunq; ſed talis nimirum quæ ſenſim vrenda exhalatione, atque cum aqua miſcenda, conſtituit. neq; prius eſt ex terra facta, deinde in aquam demiſſa, aut ex terræ ſordibus, ut quidam dicunt, in mare congeſta, ſed ſimul vi Solis eleuata, viſta & immiſta, vnde illud miſti corporis genus, vix ulli ſimile conſtitit, maxima ex parte terreum, & graue (nam & Eccleſiaſticus ſalem confert cum arena, & ferro quo ad pondus attinet) facile verò miſcibile cum aqua, neque ſubſidens, ſed retinens miſtioneſem, ut primæ ſuæ generationi congruentem. per minutulas quoque partes, intra exuſtam terram concludit ſtatum, vnde ut ſpuma quædam eſt, & candorem habet. Quæ etiam in re ſimilis eſt niui, & pruinæ: qua cauſa, ab igne reſilit, extenuato ſcilicet ſtatu, qui concludebatur, ut & in aliis omnibus rebus ſtatuosis, velut caſtaneis & glandibus, euenit. Itaque ſal ad terrâ pertinet modo quodam alteratam, & naſtam quandam ſympathiam cum aqua ob primam generationem, ob quam non ſolû in aqua, ſed & in aëre humidiori, ut eûm inſtat pluuiæ, emolliſcit: ob redundantiam verò terræ, & utitur & eſt adeò grauis. inſecluſus enim ſtatuſ non adeò detrahit pondus rebus cûm appenduntur in aëre, quàm in aqua. Quod indicant ligna quæ cûm ſint in aëre importabilia, in qua fluitant, ac ſuperuehantur. hanc ob cauſam, ſal, cûm in aëre æquè grauis ſentiat ac terra, in aqua nō ſubſidet, ut terra, ſed commiſtus pender cum aqua. Ob dictam quoque naturam euenit ſalem ſiccare ſimul, & extergere ſiccitatem præſtante terra viſta, & exreſſionem ipſa ignitione, quia verò hanc minorem habet, extergit ſolum. Nam amara etiam corroduunt. Atque ſal quidem ſolus, eandem ob cauſam, linguæ moleſtus eſt, amiſtus verò pinguibus, aut inſipidis, moleſtiam & faſtidium tollit, & gratiam addit: acida verò, contrarij cauſa retundit, liberant verò utraque & ſalſa, & acida, inquam, à putredine, abſumendo humiditatem, quia hæc cûm frigore, illa cum calore ſicca ſunt, putredinis verò cauſa eſt redundans humiditas cum languido, & alieno calore. Salis igitur natura utcunq; explicata eſt,

quæ

Ligna cur
ſuperna-
tent.

quæ non aded similis est pruinæ, quàm aspectu, & forma, præcipuè cum effunditur super terram in salinis.

C A P V T LXXVIII.

CAp 43. Ecclesiastici: *Vide arcum, & benedic eum, qui fecit illum, valde speciosus est in decore suo: gyravit cælum in circuitu gloria sua, manus Excelsi aperuerunt illum.*

De Iride
multa.

Multis in locis sacre scripturæ commendatur Iridis pulchritudo. Nam & in cap. 50. huius libri in Oniæ laudem dicitur: *Quasi arcus refulgens inter nebulas gloria, & quasi flos rosarum in diebus vernis, & quasi lilia, quæ sunt in transitu aqua.* Et merito quidem, pulcherrimis enim coloribus est, puniceo, scilicet, viridi, & rubro, quapropter plurimum nos vocat in laudem Dei, ut & aliæ omnes res pulchræ in laudem opificum. non minimum autem auget pulchritudinem eius, illa magnitudo, qua cælum videtur gyrare, hoc est, in circulum comprehendere. Nunquam enim superstat hemisphærio nisi circuli medietas, quasi pars sit circuli maioris, ac totum cælum ambientis, atque altera pars sub terra sit in altero hemisphærio. Cuius quidem causa est ab opposito Sole fieri velut in terram dispectante, ac secundum peripheriam refractione radiorum in denso aëre reddente circulum, qui terram in medio contineat, quod sit, ut quod Sol sit humilior, atque occasui propinquior, eò sit arcus pars quæ spectatur sublimior, & quod superior Sol, eò arcus demissior. Nimirum est illi oppositus, & velut per totum cælum distentus. Miratus ergo Ecclesiasticus illam tanti arcus extensionem, ut quod videtur, pars circuli maioris appareat, dicit, *Manus Excelsi aperuerunt illum.* De iridis causis dictum iam antea est, super Genesim. Nunc hoc solum dicere refert.

CAPUT LXXIX.

CAp. 6. Baruch, quod est Epistola Ieremiæ ad adducendos in Babyloniam, ita dicitur: *Quasi possint sentire, qui non habent motum.* quibus verbis Ieremias indicare vult Idola sentire non posse, quandoquidem motum proprium non habent: non possunt autem sensum habere, quæ motu carent *Sensus an animali.* contrà autem videtur, motum sine sensu esse non *sine motu,* posse, sensum verò esse posse sine motu. Quandoquidem præstantioris facultatis, & ordinis est motus, siquidem Aristoteles quatuor animalium gradus statuit hoc ordine, vegetarium, sensitivum, loco motivum, & intellectivum: ut ergo intellectivum à motivo separari non potest, motivum verò ab intellectu separatur in brutis, ita motivum sine sensitivo esse non possit, licet sensitivum sine motivo aliquando sit. Nimirum valet argumentum à maiori ad minus, non contrà. Galenus quoque libello de causis symptomatum, *Gradus* affirmat, in parte præter naturam affecta posse perire motum *motus.* manente sensu, non tamen hunc, manente motu, quandoquidem vehementiori facultate opus sit, ad transferendum membrum, quàm ad sentiendum solum. Igitur & in toto animali, & in parte quacunque, videtur servari posse seorsum sensum sine motu, non tamen motum sine sensu. Præterea, sensus causa est unde incipit motus per appetitum, aut phantasiam: appetitus enim est qui movet animal (is verò fluit à sensu;) motus verò nullo modo, causa sentiendi esse videtur: igitur motus necessario coniunctus sit cum sensu, ut cum sua causa, sensus verò non necessariò cum motu. Quapropter à motu rectè videatur quis argueri ad sensum, dicens si quid movetur, sentit etiam, non tamen è contrario, si sentit movetur. Videtur ergo Propheta non satis indicare, Idola non sentire, quòd non moveantur, fuisseque rectius dicturus non moveri, qui non sentiunt. Nihilominus Prophetæ verba secundum communem hominum sensum prolata sunt, nulla enim alia ratione agnoscimus animal mortuum esse ac sensu vacuò, quàm quòd neque respirat, neque aliter movetur. Sed & in ipso ortu, quod nondum sensum assequutum est, neque viuit vita animalis, non potest aliter dignosci ab eo, quod iam sentit, *Baptismus* quàm quod moveatur, aut secus. Atque adeò Ecclesia ipsa ita *abortivorum.* procedit, abortivos enim fœtus nisi motus alicuius speciem præ

Sensus &
motus ab
eodem.

Motus à
sensu non
separatur.

In quibus
sensus sit
sine motu.

præ se ferant, non baptisat, quasi animæ præsentia, non aliter
quàm per morum agnosci possit, neque sensus, vbi motus non
sit. Arqui profectò, præterquam quòd re ipsa & communi om-
nium hominum sententia videtur constare, argumentis mul-
tis iudicari potest non posse sensu esse prædixum, quod moue-
ri non possit. Nam Medici multis neque inevidentibus indi-
cant, sensum & motum ab eodem principio fluere, putà à ce-
rebro eiusdemque animæ partis esse (quam vocant facultatem
animalem) & eisdem instrumentis deferri, & exerceri, puta
neruis, & musculis. Quæ igitur actiones, neque differentia
facultatis, neque principij, neque instrumentorum possunt se-
parari, necesse est simul insin, merito autem si insunt simul,
morus nora sentiendi est, potiùs quàm sensus mouendi, quia
morus sensibile quoddam est, sensus autem non est sensibilis
per se ab alio, quàm ob eo cui inest. Cùm igitur signum no-
tius quiddam esse debeat, necesse est sensum ex motu vene-
mur, vt ex re notiori, simul autem existente. Præterea, cui
motum denegasset natura, frustra sensum concessisset. Quo-
rum enim dedisset voluptatis arque doloris occasionem, nisi
prosequendi, & fagiendi dedisset potentiam? nisi cetèrè con-
ferret animali ad sui custodiam, si neque cibum, quem cum
voluptate olfaceret, capere posset, neque ab igne à quo vrete-
tur se subtrahere. Finstra igitur dedisset ei sensum. Sed ne-
que frustra solùm, sed etiam crudeliter. Quod cùm tamen lon-
gè absit à diuina bonitate, vbi natura eiùs perficienda, non pu-
nienda culpa, constat fieri non posse, arque adeò conuertibili-
ter dici de re quacunq; sensum & motum: neque alterum si-
ne altero inesse. in aliquo toto, & secundum naturam habente;
velut in animali quopiam bene valente. Quare rectè conside-
ranti, morium à sensitiuo non rectè separari viderur ordine
& gradu, simul enim insunt & aqualiter, generibus omnibus.
æquè inquam perfectè, aut imperfectè. Quibus enim omnes
sensus, & imaginatio bona, ea & progrediuntur; quæ verò af-
fixa tantùm contrahuntur ac dilatantur, vnum aut duos tan-
tum habent, gustum scilicet, & tactum cum imaginatione leui-
sima. Non igitur inest cuiquam alterum sine altero. Dixi in
toto & secundum naturam habente, quia in vna quapiam par-
ticula haud dubiè inest secundum naturam sensus sine motu,
velut in neruis omnibus qui in nullos musculos inseruntur,
cuiusmodi sunt optici & alij complures, qui ea causa vocantur
à Medicis nerui sensus. Præter naturam verò & per morbos, &
in toto animali, & in parte potest perire motus manente sensu,

toto quidem vt per cataleptum; in parte verò, cùm pàtalyfis non procedit vsque ad sensus sublationem. Maiori enim noxâ perit sensus, quia, vt dictum est, minori facultate obiri potest. Vnde sit, vt non statim ac sentiri desinit omnis motus, sciti certò possit obuisse hominem, sed expectandum non rarò sit, vsque dum refrigeratio integra subsequatur, præcipuè in quibusdam mortis generibus. Rectè igitur Propheta argumetur, dicens, *quasi possint sentire qui non habent motum*, non habent scilicet, morum naturalem, vt animalia. Non enim potest quidpiam, quot totum sit atque integrum, & suam naturam retineat, tali motu carens, habere sensum.

CAPUT LXXX.

Libri Danielis cap. 4. *Eadem horâ sermo completus est super Nabuchodonosor, & ex hominibus abiectus est, & fœnum ut bos comedit, & rore cœli corpus eius infectum est, donec capilli eius in similitudinem aquilarum crescerent, & ungues eius quasi ungues animum.* Videtur Nabuchodonosor in belluam versus per annos septem, siquidem & figura illi mutata esse dicitur ab humana, & cor à corde hominis. Nam paulò ante præscripta verba ita dicitur in eodem capite: *Cum feris pars eius in herba terra, & cor eius ab humano commutetur.* Porro paulò infra in eodem capite dicitur, *In ipso tempore sensus meus reuersus est ad me, & ad honorem regni mei, decoremque perueni, & figura mea reuersa est ad me.* Quasi scilicet, & figuram hominis amisisset, & sensum. Cæterum constat apertè non fuisse hanc metamorphosin aliud quàm morbum eum, quem Medici vocant melancholiam, morbum, quo qui laborant, insaniant non eodem modo omnes, sed multifariam, vt sunt eius morbi multæ, ac longè diuersæ species, inter alia insaniz genera, illa sunt celebratissima, quod se in aliorum animalium formas mutatos esse imaginantur, faciuntque, & patiuntur omnia quasi re vera ita esset; alij in canes, & latrant; alij in gallos, & cantant, & coneuertunt latera; alij in lupos, & exeunt noctu domo, quæruntque sepulchra, & versantur libenter cum cadaueribus. Adèò sunt celebres hæ insanienti differentiz, vt ab illis indita sint morbis nomina. Vocatur enim camina melancholia, & lupina. Græcis *λυκανθηρία*, Arabibus Cûtabur. Verùm, plures sunt insanienti modi, quàm morborum nomina. Non enim vl-

Nabuchod-
onosoris
metamor-
phosis.

Melanchol-
icorum
genera.

lum peculiare nomen est eius insanix, qua se quis esse gallum putat, ut asinum aut bouem, est tamen omnibus his commune nomen insanix ex melancholia. Quem morbum insinuant Arist. 7. Ethic. c. 1. dicens, *Fertus atque immanis est inter homines varo, maxime vero inter nationes barbaras est.* Fiunt autem quidam tales, & ob morbos lacionesque principij. Vocat Arist. laciones principij, ipsa insanix genera, quia sunt laciones partis principis in qua est mens. Hic Nabuchodonosor haud dubie neque Canem se, neque Lupum esse imaginabatur, siquidem fugiens semper homines, vitam agebat in sylvis & vesceretur herbis, quod neque Canum, neque Luporum est, sed Onagrorum, aut bouum: aliquid igitur tale esse se ipse putabat, appetebatque belluinam vitam, & victum, quod est factum illi esse cor ex humano belluinum, alioqui & figura ipsi mutata est non quidem penitus in belluinam, sed in magnam deformitatem, & faciem ab humana diuersam, corporis tota cute durata, & infecta à rore cœli, cum versaretur nudus, ortisque pilis crassissimis, ut quodammodo imitarentur plumas, quod sanè ab eiusdem morbi causa fiebat, à copiosa scilicet fuligine crassissimæ melancholix: ungues quoque illi creuerunt, factique sunt ut rapacium auium, ob copiam crassi terreique alimenti & ob tam longam intermissionem amputandi. Durauit morbus hic annos septem. quod tempus multis morborum longissimorum est fatale, & decretorium, ob vim septenarij.

Pilorū &
vnguium
materia.

Anni de-
cretorij.

C A P V T LXXXI.

CAp. 14. Danielis: *Tulit ergo Daniel picem, & adipem, & pilos, & coxit pariter, fecitque massas, & dedit in os Draconis, & disruptus est Draco.* Hæc ratio interficiendi Draconem, qua Daniel vsus est, non fuit miraculosa, sed naturalis. Quia etsi neque pici, neque adipi, neque pilis, vis vlla deleteria sit, ac proinde neque illorum mixturæ, tamen sunt alia ratione mortifera. Nimirum, quæ denotata mortem afferunt, quædam ob ipsius substantiæ proprietatem, quæ accipientis animalis naturæ aduersa est (non enim eadem sunt omnibus venena, sed alia aliis,) id faciunt, suntque illis venena: quædam cum sint aliqui medicamenta, in vsus quosdam vilissima, quod intempestiue accipiantur aut dosi nimia mortem inferunt: quædam ob quandam incommoditatem, quam à substantiæ modo, aut figura habent, etsi per se nulla vehemēti qualitate polleant, velut acicu-
acicu-

Draco di-
ruptus.

Delete-
riorum
diuersi-
tas.

aciculæ latentet intra massam, aut panem deuoratz, aut frutula vitri, aut adamantis, huiusmodi sunt quæ Hispani vocant, *caracas*. in hoc genere est quod Daniel obtulit deuorandum Draconi. Nam pici nulla perniciofa qualitas est, neque adipis, cum præcipue non fuerit perniciosi cuiuspiam animalis, sed vt verisimile est, cum simpliciter dicat adipem, nullius animalis facta mensiõne, hirci, aut arietis, aut bouis aut alicuius alterius familiarissimi. Sed neque pilis talem vim inesse agnosces, quia si in puluerem comminuti propinantur, nihil aliud, quàm siccant. Tamen constat (mihiq; aliquando id contigisse videre) pilos humanos deuoratos, magnam ventriculo inferre noxam, atque adeò choleram morbum lethalem. Cuius causam esse existimo, quòd ob illam flexibilitatem, nauscam mouent, ipsi vero ob tenuitatem, & implicabilitatem non reiciuntur, sed continenter hærent, irritant. Iam verò pix & adeps cum sint glutinosa, & emplastica, obturare viam cibi nata sunt, implicata verò pilis multò hærebunt tenaciùs, quapropter meritò factum existimo, vt boli ex ea massa dati hæserint firmiter angustissimæ ventris viæ, eaque penitus obturata, nullòque exitu dato, neque deuoratis, neque flatui, dirumperetur Draco.

CAPUT LXXXII.

Lib. 1. Machab. c. 6. ita legitur: *Elephantis ostenderunt sanguinem vna, & mori, ad acuendos eos in prælium.* His verbis constat, Persas, qui Elephantis utebantur in præliis, consueuisse illos irritare posito ab oculis succo vna, & mori. Atque eisdem verbis insinuat, illos ob similitudinem sanguinis consueuisse, Elephantos succis illis irritari, quasi conspectu sanguinis sæuientes. Nam dicitur, *ostenderunt sanguinẽ vna & mori*, hoc est, succum viræ & mori sanguine effuso similem, an verò vana esset hæc consuetudo, an ratione fulciatur naturali, dignum est consideratione. Certè multarum gentium opinione constar, pugnaces feras intuitu rerum rubrarum irritari: nam & Hispania qui rauros agitant, rubris tunicis induti in forum proflire consueuerunt, quasi illos ita magis irritaturi. Atque quod multarum gentium constat consensione, æquum est censere esse ita atque vt confirmatũ experimẽto recipere, & causam inuestigare, eam esse vulgus censet, quòd sanguinis intuitu ad sanguinis effusionem prouocentur. Mihi verò ea

Elephant
cur viso
colore
sanguinẽ
neo irri-
tetur.

Colore
rubro cut
sanguis
mouea-
tur.

causa non placet. Nam ira est feruor sanguinis , quem ciet appetitus vindictæ. Quæ autē causa est, vt sanguinis effusi phantasia, appetitum inferat vindictæ? Hunc enim appetitum nihil nisi imaginatio contemptus , vel acceptæ iniuriæ in animantibus , quibus honoris est sensus aut doloris illati , vel prohibitionis rei expetitæ, in omnibus inferre potest. In obiectu autem sanguinis nihil horum esse videtur, quapropter multò magis placet ratio alia quæ non incipit ab imaginatione , sed à propria sanguinis natura. Nimirum sanguis intuitu rerum rubrarum commouetur , is commotus , præfenti præcipuè iræ causa , vt in præliis , faciliè feruet. Quo feruore , accedente eo quem præfens irritatio ciet , verisimile est primùm ira incrementum. Agitati verò ac commoueri ira sanguinem , receptissimū est à Medicis omnibus , qui proinde , spuētem, aut fundentem ex naribus sanguinem , verant ipsum sanguinem , & res alias omnes rubras intueri , & ad cærulea aut nigra potiùs iubent oculos conuertere. Contrà exanthematis secūdum cute laborantes iubent rubris indumentis operiri, atque cubiculi, in quò decumbunt patientes, rubris tapētibus tegi, vt scilicet rubra despectent. In illis quidem timentes, ne sanguis ampliùs agitato rumpat, in his sperante fore, vt ita abundantius ad cutē emergat. Galenus libello de subfiguratione empyrica ita inquit : *Præterea color rubescens sanguinem expuentes irritat, in reliquis verò passionibus , & symptomatibus , ipsa etiam experientia attestante planè inutilis, & supernacaneus est.* itaque Galenus eo loco dicit experimento constare irritari sanguinem conspecto colore rubro, causam verò qua irritetur non dicit, quia arbitratur, illic de empyrica subfiguratione diserebat : opus est ergo vt à me dicatur. Hanc ego arbitror præcipuè esse in spiritibus. Nam hi tenues , & maximè mobiles cū sint , ad eò vt ab Hippocrate idcirco vocentur impetum facientia , & in venis , & in arteriis cum ipso sanguine misti abundant , faciantque eum fluxilem esse, alioqui concreturum, atque vt Arist. censet futurum etiam frigidum, in spiritibus calefceret, consentaneum, est eos allici splendore illo simili splendori sanguinis in quo volutantur naturaliter ; ad oculos præcipuè, quæ partium omnium externarum maximè spiritiuosa est , deinde , & ad totam cutem accurrere , & per quamcunque venæ aut arteriæ rupturam , aut laxitatem effluere. Cum præcipuè vt Medicorum opinio fert, spiritus vitales ex sanguine, & animales (duplices enim spiritus esse autumat , nisi etiam triplices) ex vitalibus generentur. Omnes ergo hæc substantiæ , sanguis dico , & duplices spiritus proximam habere naturam est acceffe , atque ad eò spirituum naturam

Spiritus
duplices.

naturam fulgorem cum fulgore rubro sympathiam, ob quam illo alliciantur, secumque sanguinem commoueat. Sunt certè alia quamplurima, quæ longè occultiores habent sympathiæ causas, in quibus tamen acquiescunt Philosophi, aliis euidentialioribus destituti, quapropter non videtur mihi esse hæc valde longè petita. Vtunque verò de causa sentias, res certè ipsa multis neque inevidentibus constat experimentis. Noui quendam qui oculos in rem quampiam cum rubore splendenter aliquantisper attentius intendens, non aliter oculis ac toto vultu afficiebatur, ac si vino æstualet, aut erysipelate corripì inciperet. Id verò quoniam non æquè accidit omnibus, constat accidere magis, quibus sint cum sanguine spiritus agiliores (ob hæc symptomata dicit vulgus esse quibusdam sanguinem leuiorem) aliquantisper verò accidere omnibus, nam & qui faciei erysipelate laborant, & qui ophthalmia, vel suffusione eruenta, splendoris rubei conspectu plurimum læduntur. Mulieres verò, quibus pulchritudinis est cura, siquidem albidæ sunt purpureis vtuntur indumentis, & spectris, non solum quòd specierum attemperatione apparens quidam rubor exoriatur, sed etiam quòd hunc apparentem insequatur verus color incitatis spiritibus, ac cum eis sanguine, quæ eadem est causa furoris excitandi in belluis, vbi alioqui est præsens iræ occasio.

CAPUT LXXXIII.

Lib. 2. Machab. cap. 7. ita alloquitur mater filium suum nimium: *Fili mi, miserere mei, quæ te in utero nouem mensibus portavi, & lac triennio dedi.* Dubitare hîc possit Physicus, cur dicat, nouem mensibus te portavi in utero, cum in c. 7. Sapientiæ, dicat Salomon, *Decem mensium tempore coagulatus sum in sanguine, ex semine hominis, & delectamento somni conuenienti.* Deinde cur dicat triennio lac dedi, an id factum est iuxta naturæ ac Medicinæ rationem, an nimium fuit infantem triennio lactare? Primam quidem dubitatiunculam faciliè dilues, quandoquidem, vt Arist. dicit capite quarto septimi de historia animalium, *Cum alia omnia animalia singulari, ac uno modo partum suum perficiant (unum enim statutum est pariendi tempus omnibus) homini uni multiplex datum est.* Nam & septimo mense, & octauo, & nono, parere potest, & quod plurimum decimo: nonnulla etiam

Vteri gestationis exacta consideratio.

Partus
multipli-
citas,

undecimum tangunt. Hæc Arist. Author libelli de carnibus, qui inter Hippocraticos est, affirmat postremum finem, quo mulier parere possit, decimum esse mensem, neque ullam ultra id tempus posse parere deceptasque esse omnes, quæ se undecimo affirmant peperisse, mensium suppressione anticipante conceptionem: infra illum verò finem esse alios plures. Libello etiam de alimento Hippocrates multos variosque pariendi fines connumerans, postremum statuit trecentum dies, quos constat decem menses perfectos esse. Aristot. nonnullas undecimum attingisse affirmat, quod mihi non videtur inopinabile, tamen si rarum sit, quandoquidem vix quidquam esse in rebus huiusmodi, quæ ad naturam spectant impossibile, aut necessarium, adeò mira rerum varietate natura luxuriat. Itaque sunt & qui recensentur ab Arist. pariendi fines, & plures adhuc: inter eos autem omnes, qui maximè videntur iuxta id quod deprehenditur experimento, & Hippoc. doctrinam naturales sunt dies ducenti & septuaginta, qui complent nouem menses Græcos, hoc est, vulgares, & constantes triginta diebus, & ducenti & octoginta, qui decem dies accipiunt decimi mensis, & trecenti qui decem integri menses sunt. Nam Hippoc. lib. 2. de morb. vulgaribus sectione tertia, ita inquit: *A mensium fluxu numerandi sunt nouem menses, aut à conceptione, & ad septuaginta ad ducentos dies Græci menses sunt.* Porro libello de partu septimestri, maximam vim tribuit quadragenariis dierum, affirmans eos qui quinto aut septimo edantur quadragenario, vitales esse, sunt verò septies quadraginta, ducenti octoginta. Iam verò trecentum dierum finem eodem loco, & in eis quos citauimus ex libello de alimento & de carnibus & alibi pluries, scribit. Cum ergo optimi ac perfectissimi sint nascendi fines, nouem, & decem menses, dicere possis vtriusque in sacris factæ esse mentionem, neque possit quispiam inficias ire. Ego verò magis adductor ut credam, vtrobique intelligi idem tempus, puta menses nouem, is enim, & Hippocratis testimonio & omnium hominum experimento creditur esse maximè naturalis, & communis nascendi terminus. Sed quia nomen mensis non de eodem dierum numero semper dicitur, sed nunc de Græco, qui, ut diximus, triginta diebus constat; nunc de Lunari, qui Græco semper est minor, sit ut qui nono mense Græco erit, vtrò exeat decimo lunari: itaque si Lunæ circuitiones numeros, nascuntur homines decimo mense, sin vulgares menses, perfecto nono tempus idem est. Et hæc quidem quæstio Physica est, illa verò Medicinalis; An expediat integrum triennium hæc dare infantibus, an prius sint ad cibos solidiores transferendi.

Lac fuge-
re quādiu
pueri de-
beant.

di, est verò non solum Medicinalis, sed etiam practica. Scire au-
tem in primis expedit velut earum mutationum, quæ pueris
natura contingunt, cuiusmodi, ingressus, loquelæ, dentitionis,
primæ & secundæ, nulli sunt certi iidemque omnibus fines, ira
neque eorum, quæ ante circa illos fiunt, velut extrahendi cibi ali-
quid cum lacte, & omnino ablaſtandi. Nimirum utraq; &
quæ natura inquam, & quæ arte fiunt, causam habent in natu-
ra, naturarum verò est mira varietas. Verùm quia incerta ca-
dere non possunt sub artem, facit Medicina quod & aliæ artes,
hanc irregularitatē redigens ad regularitatem, & statuens cer-
tos quosdam fines, quasi sint omnibus iidem, qui ramen sunt
plurimis communes, à quibus deſectere, nisi exiguum non li-
ceat Galenus primo de ruenda valitudine iubet lacte solo uti,
vsque dum exeāt dantes anteriores, seu incisorij, postquam au-
tem prodierint assuefacere infantem cibo crassiori, dare verò
nihilominus lac *μέχρι τοῦ τέττιν*, hoc est, vsque ad tertium
annum. Dubitare possis in Galeni verbis, an spectanda esset
integra eruptio dentium anteriorum, ad primam solidioris
cibi oblationem, & an tertius quoque annus esset transgen-
dus ante ablaſtationem. Vtrumque exposuit eius interpres
Auicenna sen. 3. primi libri dicens, *naturale tempus lactandi,*
est tempus duorum annorum, & rursus, *postquam duales* (vocat
duales anteriores, quia nascuntur bini, supra & infra) *appa-*
rere cœperint dentes, ipse adnutriens mouendus erit ordinatè,
quod sit fortius. Itaque vt assuefacere incipias puerum crassio-
ri cibo, Galeno auctore, & interpretare Auicenna, satis est, si
anteriores deures incipiant apparere: ad ablaſtandum autem
si duos annos trāsegerit, itaque lac acceperit, vsque ad tertium.
Eandem sententiam sequuti sunt Oribasius, & qui ab illo mihi
videtur hæc, & multa alia transcripsisse Paulus. Dicunt enim:
Satis erit biennium lacte nutrire. eadem quoque esse videtur
Ærij sententia, qui cum frumentaceum cibum (hoc est, panem)
intrepidè accipit, ablaſtandum censet infantem, quod (inquit)
circa vigesimum mensem plerumque accidit. tunc ergo paula-
tim ab ubere desuescat. Eadem inquam penitus mihi videretur
esse sententia: nam in illū paulatim insuntur quatuor men-
ses, qui vsque ad integrum biennium restant. ergo & quod ma-
ter Machab. dixit, *triennio lac dedi*, ita est intelligendum, ac si di-
ceret vsque ad tertium annum. Non est autē res parui momēti,
neque parum refert scire, quo tēpore sint ablaſtandi pueri: nam
si ante tempus id fiat, maxima nascuntur incōmoda; si ultra tē-
pus differatur, maiora. Nascuntur verò utraq; ex eadē causa:

Ablaſta-
tionis
tempus.

Lac ex
quo ge-
neretur.

Ratio nu-
meri in-
fantis.

ea videlicet, qua datur lac, infantibus ea est, quia humiditas illa infantilis quam ex utero & suae generationis principiis contraxerunt, conseruationem postulat, & quia secundum naturam est, ut certe quodcumque temperamentum aetatis, & praeterea est optima, quia non solum naturalis, sed etiam nativa, & ad reliquam vitam, & futurum incrementum apprimè necessaria. Calor enim naturalis tali humiditate seruat, & incrementum, non nisi in humida materia fieri potest, igitur multis causis, eisque optimis, infantilis humiditas, seruari postulat. Conseruatio autem omoi agit,ur similibus, velut curatio contrariis. Humido autem humiditate nativa, nihil vel excogitari quidem potest similis lacte, quod ita est humidum siccumque ex ipso vberis spirituosum, ut vniua eaque exigua transmutatione factum ex ipso met sanguine, ex quo coagulatus est infans. Si igitur ab hoc adeo simili cibo ante tempus abstrahatur, eueniet, id temperamentum non conseruari quandiu potest, sed intempestiue commutari in atidius. Vnde euenient, vnum, ut cibi ante tempus oblatis non bene conficiantur, & infans in morbos incidat; aliterum ut caro intempestiue siccet, & infantilis aetas contrahatur, atque cum illa ad proportionem sequentes aetates, & incrementum minus succedat, sitque proinde homo, & minor, & breuioris vitae, & morbosior. Si autem plus satis in usu lactis persistitur, & haec eadem nascuntur mala (praeter id quod spectat ad incrementum & moribus etiam,) ingenio incommodatur. Nam ut infans aetate procedit, siccatur naturaliter & durefcit. Si igitur eius temperamento aliteraro, eibus manet idem, sit ut qui similis erat, contrarius iam sit, atque qui naturalem seruabar humiditatem, excrementitiam inducat; quare & morbosam. humidum igitur faciet praeter naturam. Sed & frigidum, & caloris naturalis inopem quia ubi iam est tempus ab lactandi, infans soliliiores appetit cibos, quos & potest conficere. Si igitur dentur tenuiores, & debiliores quam pro eius concoctrice facultate debilio fiet homuncio, & naturali calore minus abundas (marescit enim naturalis calor cibo tenuiori) ac proinde breuioris vitae. Nam caloris naturalis robore seruatur, & producit,ur vita. In hanc sententiam dixit Hippocr. Epid. comm. 4. imbecilli victus frigidi, robusti vero calidi, & rursum Comm. 5. eiusdem sexti, imbecilliora cibaria breuem vitam habent. Sed & quod ad mores attinet, & ingenium, perinde probatur. Si enim Plato rectè dicit, humiditatis redundantiā stupiditatis infantilis causam esse, constat nimium usum cibi adeo humidi contrarium esse prudentiae. Quoniam vero calori detrudere naturali indicatum est, augebis timiditatem, erit

eritque contrarius fortitudini. Fiet igitur qui non ablaetabitur tempestiue, debilis, mollis, & stolidus. Plurimum itaque refert suo tempore infantes ab uberibus abducere, tempus verò legitimum esse perfectum biennium constat ex communi Medicorum omnium sententia, & ipsis naturalibus indiciis. Ad id enim tempus in plerisque dentibus os impletur, & pueros panem auidè euenit arripere ac plorantes poscere, natura scilicet, & instrumentis, necessitatem, vt digito, indicauit.

CAPUT LXXXIV.

IN Euangelio Matthæi cap. 6. *Lucerna corporis tui, est oculus tuus, si oculus tuus simplex fuerit, totum corpus tuum lucidum erit. Si autem oculus tuus fuerit nequam, totum corpus tuum tenebrosum erit.* His consonare videtur quod ab Hippocrat. 6. Epid. sectione 4. dicitur his verbis. *Oculi ut valent, ita & totum corpus.* eam enim orationem in nostris commentariis indicauimus, æquè ad Medicinam, & Physiognomiam, & Philosophiam morum pertinere posse, siquidem oculi præ aliis omnibus corporis partibus notas præbere possunt morborum qui infestant, & morborum in quos quisque natura est propensus & motuum animi, siue hilaris est, siue tristis, siue iratus, siue timet, siue aliud quiduis patitur. Nimirum librum Prognostici inchoat Hippocr. à facie & oculis: & Physiognomici nulla ex parte accipiunt plura signa, quam oculis, neque verò tot, vt facile est videre apud Aristot. in libello de Physiognomia & apud Hippocrat. lib. 2. Epid. sect. 5 & 6. in quibus sunt multa pertinentia ad hanc Philosophiam. eorum verò pars maxima spectat ad oculos, nimirum, vt super ultimo cap. libri Ecclesiastes explicuimus, hominis facies vocatur platea animæ, & oculi vocantur aspicientes per foramina, quia in facie sunt omnes sensus, quapropter illic videtur anima, vt in foro versari, ac negotiari cum rebus externis. Sensuum verò perfectissimus, atque exactissimus est visus. Atque per oculos quàm per aures & nares, & os, tantò magis videtur exire ipsa vis animæ ac sese manifestè prodere quasi per fenestras: vt à Platonis omnibus atque adedò à Galeno, existimatum sit, verè ipsam animæ facultatem exire ad videndum atque visionem longè ab homine agi. Certè constat fulgoris illius sensifici qui

De oculis
multa.

Oculorū
virtus.

spiritibus animalibus inest multò plus abundantiusque venire ad oculos. quàm ad alium quodpiam sentieudi instrumentum, atque per hoc multò magis cum externis communicare animam. Hinc fit, vt quid patiat̃, qualisque sit, nulla in parte apertius indicet: atque vt verissimum, sit quod Hipp loco citato dixit, *ut oculus valet, ita & totum corpus*. Porro nomen oculi propriè dicitur de corporali videndi organo: Metaphoricè verò de acie mentis, hoc est intellectu. Quia vt ille videt corporalia, ita hic incorporea. Hac Metaphora, & Philosophi omnes & poëtæ etiam vtuntur: in sacris verò est frequentissima. Illud enim Psal. 12. *illumina oculos meos, ne vnquam obdormiam in morte*, & illud 24. *Oculi mei semper ad Dominum*, non de corporalibus his oculis, sed de mente venit intelligendum. Neque enim optandum est ne vnquam obdormiamus corpore, sed mente & in peccatis: neque refert corporeos oculos intentos semper esse in Deum, què illis oculis non videbit homo & viuet, sed mentem. Significatur verò hæc nomine oculi, quam Metaphora in persequutus optimè est Plato lib 7. de Rep. seu de iusto, ita de mente differens comparansque cū corporali oculo: *Præsens autem ratio nobis innuit, primùm vim quæ est in animo cuiusque, deinde instrumentum quo res discere quisque potest, perinde ac si oculum impossibile esset, aliter quam vnâ cū toto corpore ad clarum obiectum ex obscuro, conuerrere. Ita tota mente à generatione vsque ad id quod ens dicitur, circumagere, oportet, vt quod clarissimum est, possit speculando transcendere. Hoc autem ipsum bonum esse dicimus. Ad hoc igitur ipsum eruditio competens erit facultas quadam animi dirigendi, vt ipsius oculi, quam faciliè & efficacissimè conuertantur, quæ huic oculo aciem, visumque non dabit, sed tum potius cū visum quidem habeat, neque tamen rectè conuersus sit, neque quod decet aspiciat, conuerrere omni machinatione contendet. Ecce vt Plato mentis aciem oculum vocet, atque per oculi analogiam definiat. Ergo quo Physici, & Physiognomici de corporali oculo affirmat, qualis scilicet is est, tale esse & totum corpus, hoc Dominus transfert ad oculum animi, hoc est intellectum, dicens, *Lucerna corporis tui est oculus tuus, si oculus tuus simplex fueris, totum corpus lucidum eris*. Quasi diceret, vt oculus est lucerna corporis, ita mens seu intellectus animæ, quæ est præcipua hominis pars, ac per quam homo bonus, aut malus dicitur. Velut ergo, vt vel oculus, ita valere agnoscitur totum corpus: ita & valet anima, ac per eam totus homo, qui nunc significatur nomine corporis. Si igitur (inquit) oculus tuus simplex, hoc est, bo-*

nus

ius est, totum corpus (hoc est totus homo) lucidum erit. Si autem oculi fuerit nequam, homo totus erit tenebrosus. Vbi est animaduertendum, in sacris, cum hæc de mente, aut de homine enunciantur, idem esse simplex seu bonum & lucidum, atque nequam & tenebrosus. Nimirum radix, ac principium peccati, est ignorantia, & tenebræ: principium autem veræ virtutis, lux & perspicacia mentis intuentis primum verum bonum. Vnde à causa ad effectum translato nomine malus vocatur tenebrosus, & bonus lucidus, & ipsa bonitas, lux & sapientia, & malitia tenebræ, & stultitia: qua phrasi tora scriptura sacra, maximè verò libri Sapientiales referti sunt. Philosophis etiam omnibus est semper in ore illud Aristot. 3. Ethicorum cap. 1. *Omnis peccans est ignorans.* Causam verò non omnes assequuntur, imò plerique dubitant, quod non videantur peccata ex ignorantia, fluere omnia, sed quædam. Imò verò quæ verè ex ignorantia, ea aut omninò non esse peccata, aut leuiora videantur, siquidem & Paulus de seipso dicit in epist. 1. ad Tim. *Misericordiam consequutus sum, quia ignorans feci in credulitate.* ignorantia igitur non videtur facere, sed aut tollere, aut imminuere peccatum. Porro plerisque hominibus videtur, se non ignorare quid faciant, cum quid peccant, sed velle potius scientes & volentes, sequi deteriora. Hæc autem dubitatio nulla ratione melius diluitur, quam adhibita causa, qua dicta asseritur thesis, puta peccatum omne nasci ex ignorantia, & tenebris. eam verò reddit optimè Plato, loco iupetrime citato ex septimo de Rep. dicens, mentem humanam velut oculum quendam esse, eumque cum conuersus est, ad res & negotia huius sæculi, auersum necessario esse à veris & æternis bonis, ac proinde non posse eam perspicaciter intueri. ideoque neque videre, nisi tenuiter, neque ab illis permoneri, sed à rebus caducis trahi, utpote quas videat exactius: cum verò cuius mens diuinis rebus sit intenta, circa humanas exētere non aliter ac qui è luce splendida repente se transfert ad tenebras. Hinc fit, ut filij huius sæculi (dicitur hoc e. 16. Luc.) hoc est, qui res huius sæculi habent chariores quam diuinas, prudentiores sint in generatione sua, hoc est, in tractandis negotiis secularibus, quam filij lucis, quod in id solum, quod verè bonum, & verè ens est, habent intentos mentis oculos. Idem verò, qui in his rebus sunt perspicaciores, circa diuinas exētiēres, & stulti facti peccant, quia verba bona tenuiter vidēt, utpote à quibus habent oculos auersos. itaque vtrique sunt perspicaces circa quæ habent oculos intentos & cœcutientes circa contraria, vnde & illud Paul. epist. 1. ad Cor. c. 3. etiam intelligitur facili: Si

Filij huius
sæculi
perspicaces.

quis

quis videtur inter vos sapiēs esse in hoc saculo, stultus fiat, ut sit sapiens, sapientia enim huius mundi stultitia est apud Deum. Ignorantia itaque eius qui peccat, est in auersione oculorum mentis à Deo. Proinde monet ibidē Plato, eius oculos disciplina, & meditatione ad vera bona sensim cōuertere, quia si quis repente velit diu occupatū in rebus caducis ad vera bona trāsferre, nihil proficiet, quia excæcabitur repentino lucis intuitu, ut qui diu

Vera vir-
gus vnde.

moratus sit in tenebris, paulatim verò meditatione, & exhortationibus trāsferretur mentis oculus ad veri boni contēplationē facilem, vnde & respiscet. Quanquam nonnulli etiam repente trāslati sunt, atque iis quidē solet repentinus fulgor multas excutere lachrymas; quorum multi quasi dolose perterriti retrocedunt, nonnulli verò quibus Deus maximē fauet, etiā perseuerant. Constat itaque ut verā virtus ex vera mentis oculorum luce; nequitia verò nascatur ex tenebris. Nam etsi vtrique, & boni inquam & mali, in suis quique rebus sint perspicaces, tamen quantò res diuinæ humanis sunt illustriores ac meliores, tantò etiam præstat bonorum sapientia malorum sagacitatis (nimirum scientia ex obiectis accipit dignitatem; quare hæc ad illam tenebræ. illa verò lux Prouer. 4. *Via impiorum tenebrosa, nesciunt ubi corruant: iustorum semita quasi lux splendida procedit & crescit usque ad perfectam diem.* Meritò igitur in tenebris versari dicuntur impij, boni verò ambulare in luce, atque adedò, quod probum lucidum, quod nequam tenebrosum. Quod verò eorum qui peccant, plerique nihil se sentiant ignorare, nihil

An igno-
rātia pec-
catorum
minuat,
an augeat

obstat dictis, quin potius hoc ipso sunt insipientiores, hoc ipsum adiicientes suæ insipientiæ quod se putant scire, quæ ignorant. Nimirum teste Arist. c. 3. 7. Ethic. sunt vel furentes, & ebrij, qui de quacunque re interrogentur. respondent nonnunquam, ita, ut videantur sapere, & eligunt, faciuntque contraria. Duodecimo etiam cap. Prouer. legimus: *Via stulti recta in oculis eius.* Quod verò obiiciebatur de ignorantia quæ peccatum minuere potius quàm augere videtur, explicemus. Dicta ignorantia quæ auersio intellectus à vero bono est, non potesse abesse ab eo qui peccat, illam enim facit perturbatio mentis qua tenetur; & qui in illud bonum habet mentem intentam, videtque illud perspicaciter fieri, non potest ut mala eligat præ illo. naturaliter enim ferimur in bonum, atque hoc ipsum in ratione boni est. Quare qui deteriora eligit, meliora non satis vidit, & ea quidem ignorantia non minuit, sed auget peccatum, quia ea ipsa maxima improbitas est. Habere inquam mentem auersam à Deo, cum possis conuertere, aut studere, ut conuertras. Quidam verò præter hanc, quæ communis omnibus qui

qui peccant est, ignorantiam, habent aliam peculiarem circa propriam materiam peccati, ut qui ignorans diem festum esse, rei sacræ non interfuit, aut ignorans esse alienum, quidpiam abstulit. ea quidem ignorantia culpam semper minuit, nisi sit studio procurata, grauius enim esset sine vlla excusatione, sciētem ac considerantem diem esse festum, & rem alienam, peccare; si verò nulla negligentia in causa fuit ut ignoraret, etiam tollit omnino peccatum, quia (ut Aristox. cap. citato ex tertio Ethicorum dicit) cum tali ignorantia non est electio, sine qua esse peccatum non potest. Nihilominus est semper peccatis adiuncta ignorantia ea, quæ in oculi mentis auersione consistit, ut omnis vera bonitas ad eius oculi in Deum conuersione procedit. Quapropter ut habet is oculus, ita & totus homo, quæ si oculus is fuerit simplex, totum corpus erit lucidum nequam, tenebrosum, ut explicatum est.

CAPVT LXXXV.

Matthæi cap. 16. ait Dominus, *Vespere facto dicitis, serenum erit, rubicundum est enim cælum: & mand, hodie tempestas, rutilat enim triste cælum.* Quæ verba haud dubiè non sunt dicta à Domino, ut docerentur tempestatis, aut serenitatis præfagia, sed ut arguerentur illi ad quos ea verba habita sunt, ex suo ipsorum sermone. Nam addit: *Faciem ergo cæli diiudicare noster, signa autem temporum non potestis?* Verum quia non vulgi solum, sed Philosophorum etiam & agricolarum, & naurarum est ea assertio, quibus utpote talibus observationibus deditissimis, fides non debet denegari, huius quoque si fieri potest, reddēda hoc loco causa est. Ea verò mihi esse videtur, quod nubes densæ tactæ Sole obliquo, qualis est qui iam occidit, nigritiem per se ferunt. Quæ ergo rubicundæ sunt, non sunt aded opacæ, & densæ, sed penetrantur lumine, quapropter in diem posterum nullum indicat tempestatis apparatus, serenitatem ergo permittunt. Cum verò oriente Sole, triste hinc inde, & nubilosum se exhibet cælum, plerunque solent ad primum orientis Solis occursum dispergi nubes. Quæ tamen sudentæ sunt, quales cum triste cælum, non dissipantur, sed excepti per eas radij Solis videntur rutilare. Postremo verò, vespere, cum Sol, cum quo toto die sint collectæ, languescit, concurrunt, densatur, sistantque imbres.

CAPVT LXXXVI.

Devoto-
rum natu-
ris.

Cur Au-
ster sic ca-
lidus.

CAp. etiam 12. Lucæ eodem modo arguens hypocritas, *Cait Dominus, Cùm videris nubem orientem ab occasu, statim dicitis, nimbis venit, & ita fit: & cùm Austrum flantem, dicitis, quia aestus erit & fit.* Horum verborum multò magis rationem reddi oportet, quam priorum. Quia non solùm quasi vulgi sermonem protulit, sed adiecit, *& ita fit.* Quasi in eo iudicio ferendo de imminente tempestate, non deciperentur. Sanè ut incipiam ab ultimis, Austro succedere æstus, & experimento est compertissimum, & rationi valdè consentaneum, cùm Austrum calidum ventum esse, & oppositum illi Aquilonem frigidum, omnes qui de ventorum agunt naturis, vno ore confiteantur, neque solùm secundùm hanc qualitarum primarum oppositionem, sed secundùm alteram etiam contrarios esse putant illos flatus, Austrum scilicet humidum, Aquilonem siccum, vel hoc argumento, quod tempestates Austrinæ plerunque sunt etiam pluviosæ, ac semper blandæ; Aquilonares plerunque serenæ ac semper atrenes: atque aded, quod flante Austro facile res putrescunt, utpote calidi, & humidi flatus contractu alteratæ, Aquilo à putredine liberat, siccans, & refrigerans. Huc pertinent illa verba Iob cap. 37. *Nonne vestimenta tua calida sunt cùm persflata fuerit terra Austro?* Verum cur Auster talis sit, memini me antea dixisse. Nimirum quia flat à meridie versus Septentrionem: meridiana verò mundi pars abundat igne præ mundi lateribus, hunc ergo allicit Auster, Aquilo contrariam ob causam frigidus est, quia scilicet, aduersus ignem latus, illum abigit. Sed dicet oportere ut eadem causa Auster siccus, & Aquilo humidus sit, quia ignis non solum calidus, sed siccus etiam est. Cæterum, ut hæc illis insint, alia causa est. Nimirum qui venit à frigidiori mundi parte à frigidiori cælo repulsus, non effertur in sublime, sed decurrit iuxta terram, ac proinde humiditati aëris sublimioris minus admisceatur, contra, qui venit à parte mundi calidiori, effertur in regionem mediam aëris, ubi à vaporibus quibuscum miscetur, multam recipit humiditatem. Cur ergo flanti Austro succedat æstus, hæc est causa. Cur verò nimbus

bus ascendente nube ab occasu oportet scrutemur. Certè Elias cum futuram copiosam pluviam, post tam longam ariditatem Regi Achab prophetavit 3. Regum capite 18. dicitur vidisse, nubem ascendentem à mari Dicitur enim: *Ecce nubicula parva, quasi vestigium hominis ascendebat à mari.* Constat autem ascendisse ab occasu Solis. Nam Palæstina ad occasum habet mare. Censebatur ergo ut existimo, in illa regione pluviæ signum, nubes ex occasu ascendens, quia cum ad occasum haberent mare, inde ascendebant, eratque id signum illi regioni proprium. Nobis verò non quibus mare æquè ad occasum, & meridie, & Septentrionem est, æquè ex his omnibus partibus ascendunt nubes nimborum nunciæ, Britannis ascendunt undique, ut qui mari cinguntur.

Nubes ex
Occasu
pluviæ
signum.

CAPUT LXXXVII.

Cap. 10. Lucæ ait Dominus: *Et approprians alligavit vulnera eius, infundens oleum & vinum:* quibus verbis per insinuationem, videtur commendare ad vulnera oleum & vinum quod Græcis vocatur *οἰναιον*. Videtur verò ad id alia quidem ex parte Medicinæ placitis dissonum. Nam de vino Hippocrat. libello de Ulceribus ita inquit, *Ulcera universa nisi vino humectari non oportet, nisi in articulo fuerit ulcus.* His verbis Hippocrat. commendat vinum ad lauanda ulcera, vituperat verò omnem humectationem, quantò magis eam quæ agatur oleo. De quo paulò infra idem Hippocrat. dicit *At oleum, & quæcumque mollia aut oleosa sunt medicamenta, talibus ulceribus non conducunt, sed non valde iam ad sanitatem tendant.* Neque ulceribus exercienti vulnere oleum conducit, neque mollientia, neque adiposa medicamenta tum aliàs, tum quòd ulcus ampliore purgatione opus habet. Gal. quoque tertio libro Meth. commendat vinum, & vituperat oleum ad curanda ulcera. Nam cap. 4. ita inquit, *Vinum igitur omnis ulceris, quæ ulcus est, optimum est medicamentum* capite autem 2. eiusdem libri inquit, *Oleum namque casu ulceri infusum aduersissimum omnium medicamentorum est, cum si ita mederi voles, ipso usu intelliges sordidum ac male olens ulcus fieri.* Videtur ergo id medicamen, quo in parabola dicitur *ut Samaritanus*, partim fuisse utile, partim verò

Vinum
ulceribus
aptum.

Oleum
quomodo
noceat
aut prosit
vlecribus.

verò etiam noxium. Neque sanè (vt hoc obiter dictum sit)
etsi id medicamen fuisse ineptissimū quis existimet, quidquam
detrahitur sacre lectionis authoritati. Nam in illo loco ho-
minis charitas, nō Medicinæ peritia cōmendatur. Nihilominus
mihi etiā sonat, velut medicaminis ad eā rē idonei facta men-
tio. Cur autem vino & oleo vteretur, duplex ratio est, aut enim
seorsum aut admistis seorsum quidē, interius. & in ipso vlcere
vino: exterius verò & super circūsitis partibus, oleo haud dubiè
vtilissimè vteretur, nisi essent vlcera in articulis aut penetran-
tia in capite. Nam vinum mundat, confortat, & siccāt vlcera: à
partem i oleum verò sanat, circum circa existentes fouet & si
quæ est in illis doloris causa, mitigat. Re vera, an infusum *επι-
layon*, quod vino & oleo constat, vtile esse potest, difficiliorem
habet inquisitionem. Certè vlcus simplex, & quod prima, vt di-
cunt, intentione curandum sit, non indiget oleo, quia tale
siccationem solum, & agglutinationem desiderat, quorum
neutrum præstare potest oleum. Non læditur autem oleo
magnopere, nisi quod sordidum est, & putredini valde oppor-
tunum, quia oleum hæc magnopere auget, est nihilominus
aliquod vlcus quod vsu olei multum iuuatur: in quo scilicet
pus moueri est opus, vt quod cum contusione consistit. Sunt
ergo quædam vlcera, quæ oleum amant non solum partibus
suis quæ circumstant, admotum, sed infusum etiam intrò.
Atqui neque ea quæ oleum solum purumque respuunt, vt quæ
caua & sordida, statim etiam læduntur omnibus quæ partem
aliquam eius recipiunt: nam cerato ex oleo cera & ærugine
æris expurgantur, replentur carne, & senescunt. Cùm igitur
sint vlcera, quæ solo oleo gaudent, & recentia omnia quæ in
carne consistunt, vno solo plurimum iuuentur, & ea etiam
quæ solo oleo læduntur, commistum cum aliis amicè reci-
pian, plus aut minus, vt res exigit, sint etiam haud dubiè qui-
bus mistura ex oleo, & vino sit accommodatissima, quibus, scilicet,
vlcus sit crudiusculum in carne (nam nerui neque vinum,
neque oleum simplex amant) & asperum, & phlegmonis ali-
quid per partes habens. Ea enim solum oleum fecerit, sordida
solum vinum irritauerit, & exasperauerit *δινύλον* verò miti-
gauerit, (anodinum enim est) emollierit simulque roborauerit
particulam (constat verò id modicè calidum debere infundis;)
fuerūt verò talia haud dubiè vlcera eius quia latronibus per-
cussus, semiuivus relictus est. Siue enim fustibus ictus sit, quod
plagarum nomen sonat, siue ense vulneratus, oleo necessariò
indigebat. Nam si contusione erant inflicta vulnera, nihil po-
tius: sin autem sola incisione, tamen destituito sine alligatione
tandem

tandiu sub dio, ab aëre haud dubiè essent exasperatæ, & ressi-
geratæ partes, cui malo nulla re meliùs succurreretur, quam
calente *σινίλαμ*.

Itaque bonus ille Samaritanus, non piè solùm, sed pruden-
ter etiam videtur succurrisse. Idem etiam medicamentum
vtilè sit ad partes verberibus contusas simul, & dilaceratas.
Quod innuitur etiam illis verbis Isaïæ cap. i. *Vulnus, & linor,
& plaga tumens, non est circum ligata, neque curata medicamine,
neque fusa oleo.*

CAPUT LXXXVIII.

CAp. 10. actuum Apostolorum scriptum est, Iesum serua-
torem nostrum, suo ore dixisse: *Beatius est magis dare,*
quam accipere. Quæ assertio etsi nullum desideret argumētum,
ut pote diuina autoritate confirmata, Physicam etiam ha-
ber monstrationem, solo eo posito, quòd beatitudo in bono-
rum abundantia sit, miseria in priuatione, aut contrariò;
quod ex ipsis nominum notionibus manifestum est. Cum
igitur dandi principium sit, ipsum habere, recipiendi verò in
vacuitate, quia nihil potest dare id quo caret, neque recipere
id quod habet, constat beatius quiddam esse ipsum dare, quam
recipere. Obiiciet autem quispiam recipiendi cupidus,
quia beatius est habere quàm carere, beatius esse recipere
quàm spoliari, quando quidem ex fine debent estimari omnia,
finis verò recipiendi est habere, dandi verò carere. Coniunctis
ergo utrisque rationibus constat fieri, ut illud sit longè beatif-
simum, dare semper, & abundanter, & nihil amittere, quod pri-
mæ ac summæ & beatissimæ causæ necesse est tribui, cui ex se-
se est sufficientia summa. Causis quoque naturalibus, quæ sci-
licet sine deliberatione operantur, evenit dare nihil amitten-
do ex suo, hæquè tunc dare possunt magis, cum habent melius.
Ignis enim cum actu est ignis. formam tribuit; quod verò est
potentia ignis, & adhuc caret, recipere potest. Itaque in merè
naturalibus, haud dubiè, dare est melius habentis, & per eam
largitionem nihil amittitur eius quod inerat largienti. Verùm
quoniam de talibus nomen beatitudinis non dicitur nisi fortè
æquiuocè, necesse est videre an de humanis largitionibus quæ
non nisi aliqua bonorum expensa fieri possunt, dicatur illud

E c verè

Triplex
genus bonorum.

verè. Constat autem quandoquidem hoc ad mores hominum spectat, Ethicam desiderare monstrationem. Quam non aliunde possimus melius petere, quam ex Arist. cap. 7. lib. 9. Ethic. ea pendet ex bonorum differentia. Nimirum bona omnia, & hominibus expetibilia, sunt in triplici genere: nam aut honesta, aut utilia, aut voluptuosa. Horum quivis homo bonus (penes tales enim oportet esse iudicium) concedat, præstantissima esse quæ honesta, post hæc quæ utilia: omnium utilissima tantum voluptuosa. Dico autem tantum voluptuosa, quæ nihil aliud afferunt quàm voluptatem, Nam voluptas quæ accedit ex honestate, aut utilitate, aut etiam ex eo quòd assequutus sit ea quæ voluptuosa, & animum suum expleuerit, ea non est differentia bonorum, sed perfectio & finis ac summum cuiusque generis. Velut summum virtutis est, cum iam quis cum delectatione bene agit. Summum etiam artis questuosæ, cum quis negatione delectatur. Summum turpitudinis, cum quis gaudet expressè voluptatibus. Has enim poenitentiam subsequi oportet, non gaudium. Ita cum sic se habeant bona, & felicitas in fruitione bonorum optimorum, præcipuè plurimorum, & maximorum, & largiri sit res honestior, accipere utilior, constat tanto beatius esse dare quàm recipere, quanto præstat honestas utilitati. Præstat autem, cum ex sese, quia ita videtur omnibus hominibus, qui non sunt animo ægro, tum etiam quia honestas diuturnior est quàm utilitas. Quin etiam honestas per sese æterna est, utilitates verò paucae non breves. Nam utilitas accipiendi perit simul ac consumptum est quod donatur, quia inde solum est, honestas verò dandi est æterna, quia non est ex re donata, sed ex ipso dedisse. Fieri autem non potest ut qui dedit non dederit, per accidens quidem perire potest honestas dandi pereunte memoria, ex sese autè æterna est. Quapropter si quæ est in rebus memoria, quæ in nullam unquam obliuionem possit incidere (ut certè est) constat nullam unquam honestatè, nihil quod rectè actum sit, penitus perire posse, sed æternū esse. Contra verò in eo qui accipit, consumpto dono perit utilitas, manet verò illa inhonestas, & illiberalitatis nota, quæ est in recipièdo. Præterea beatitudo, anthore Arist. (qui maximè sequitur communem hominum bonorum sensum) consistit in operatione secundum virtutem, cum omnium bonorum sufficientia. Largiri autem est liberalitatis, virtutis quidem honestissimæ: accipere verò ad nullam virtutem spectat, nisi fortè raro amicitiam. Esse autem ita vel inde constat quòd dare difficilius est, utpotè in quo virtus versatur, accipere verò facile ut quod plerumque ex vitio est aut indigentia. Igitur haud dubiè

Beatitudo
in quo
sita.

est

est beatius dare, quàm recipere. Constat verò ex dictis, non v-
 cun, neque ubique esse beatus, sed cum agitur secun-
 dum virtutem (ea enim dicebatur esse summa beatitudinis
 causa) cum oportet scilicet, & ut oportet. Hæc enim virtutes
 omnes comitantur, siquidem cum prudentia coniunctæ neces-
 sario sunt. Talis autem largitio alios sanè augebit bonis, lar-
 gitorem autem ipsum non spoliabit, neque miserum reddet. Largitio liberalis.
 Rationem enim habet propriorum bonorum liberalitas. Igitur
 liberalis largitionis extremum, non est bonorum vacuitas, sed
 abiectio potiorum, putà honestatis, & honoris. Neque reci-
 piendi extremum est abundantia, cum quadam nota potiorum,
 & cum quadam illiberalitate. Quapropter ij, qui bene de rebus
 sentiunt, beatiores iudicant eos, qui largiuntur, quàm qui reci-
 piunt. Arque hac ipsa causa censet Arist. plus amare eos qui
 beneficia conferunt, quàm in quos sint collata, utpote maius
 inde bonum consequuti. Ita etiam à parentibus amari filios,
 plus quàm redament. Contrà qui receperint, citius recedere
 ab amicis, quàm qui largiti sint, quòd scilicet amissa utilitate,
 nihil illis restet in amicitia præter illiberalitatis memoriam:
 his verò restet semper suavis recordatio benefactorum. At di-
 ces, non ergo omnis largitio commendatur præ receptione, sed
 ea tantum quæ liberalis est. Multæ autem largitiones sunt
 pessimæ, quæque in summam miseriam ipsos largitores adi-
 gunt. Certè laudari dicique beata non potest, nisi ea quæ sit
 studiosa largitio. Neque dubium est, honestius esse recipere ab
 amicis, ne illis videaris intractabilis, & ex arte honesta mercedem,
 ut familiam nutrias, quam dando sicariis, aut meretrici-
 bus, patrimonium perdere. Sed oportet ut aliis omnibus in re-
 bus, æqualitatem comparisonum servare confectæque stu-
 diose cum studiosis, & prava cum pravis, eritque ita generatim
 atque omninò, beatius dare quàm recipere. Nam & liberalis
 qui largitur, beatior est multò, eo qui recipit mercedem ius-
 tam, & prodigus est minùs malus, quàm avarus, ut idem
 Arist. multis argumentis probat cap. 1. quarti Ethicorum ad
 Nicomachum. Quorum hæc sunt præcipua, quòd prodiga-
 litas prodest multis, avaritia nulli: quod curari facilius potest;
 idque multis de causis, & quia propinquior est liberalitati, cum
 habeat communem cum ea voluptatem dandi, & dolorem re-
 cipiendi, & quia ipsa seipsam curat, consumens suas facultates,
 sine quibus largitio cessat. Avaritia verò pecunias cumulans,
 seipsam auget, curatur etià ætate prodigalitas; avaritia crescit
 senectute. Itaque prodigalitas his causis minùs mala esse pro-
 batur, quàm avaritia. Quod quidè ut exactè consideretur aliqua

Prodiga-
 litatis &
 avaritiæ
 compara-
 tio.

indiget animaduersione. Non enim omnino, neque semper ira habet. Nam sunt utriusque vitij multi gradus. Et siquidem prodigus, qui sua omnia, sibi que necessaria distribuit, etsi non omnino indigus, deterior adhuc qui talibus largitur sua & aliena, aliena scilicet rapiens, ut det quibus suis; omnium pessimus, qui consumptis iam propriis, rapit aliena, tribuitque indignissimis. Porro avarus est, qui non largitur ex suo pro modo suarum facultatum, multo autem magis, qui penitus largitur nihil; magis adhuc, qui retinet sua & aliena: omnium pessimus, qui sibi etiam denegat necessaria ad victum & aliena quacunque ratione arripit, atque omnia congerit. His ita positis, constat quosdam prodigos deteriores esse quibusdam avaris. Si tamen pares paribus gradus componas, stant adhuc argumenta quibus efficiebatur, prodigum minus malum esse, quam avarum, atque adeo beatius esse dare quam accipere, quia in bonis melius, in malis minus malum est. Euenit autem mox dubitare ex dictis, si liberalitas rationem habere debet suarum facultatum, atque ea cura deposita vitiosa largitio sit, quo pacto consultum esse possit cuiquam, ut vendat omnia quæ habet, & det pauperibus, quod tamen scimus Dominum consuluisse cuidam (Marci 10. & Luca 18.) atque adeo in initio nascentis Ecclesie ab omnibus solitum fieri Hierosolymis? tamen enim hi conferebant in indigentes & dignos, tamen suarum facultatum rationem non habebant, cum darent omnia. Quod tamen necessarium esse ad veram liberalitatem indicauimus. Multo melius ad hæc inueniendi videri possit consilium Tobie, qui cap. 4. ad filium dixit, *Ex substantia tua fac eleemosynam, & noli faciem tuam auertere ab illo paupere, ita enim fiet, ut neque à te auertatur facies Domini. Quomodo potueris, ita esto misericors. Si multum tibi fuerit, abundanter tribue, si exiguum tibi fuerit, etiam exiguum libenter impartiri stude.* Hic considerare oportet conditiones simpliciter liberalis largitionis aut commutationis. Qui largitur enim, primam rationem habere debet sui, secundam eius cui tribuit. Sibi quidem cauere, ne auferat necessaria; alteri prospicere, ut tribuat utilia. Ratio igitur quam suarum facultatum habere debet liberalis, eò redigitur tota, quam sibi sint necessaria, quæ largitur. Cui ergo nulla bona necessaria sunt, omnia potest largiri sine ulla prodigalitate, modò rectè collata sint. Porro qui commutat, id solum videre debet, quid pro quo det, dans enim quod minus, pro eò quod magis eligibile, vel simpliciter, vel saltem sibi errare non potest: imò quanto excessus maior, tanto prudentius ager. Tobias igitur sapienter consulebat filio, ne omnia, sed pro modo suarum facultatū largi

Liberalitas beatissima.

largiretur, ut pote patrifamiliàs futuro, vxorìque ac proli necessariò prospecturo: sapientiùs autem multò Dominus adulescenti, qui ad cœlibatum, & statum nullis indigentem vocabatur, ut se ab omnibus expediret, & primum perfectæ virtutis faceret gradum, pauperibus tribuendo. Eorum etiam qui in initio nascentis Ecclesiæ, prædiorum pretia ponebant ad pedes Apostolorum, est eadem ratio. Nam et si vxores habebant, & filios, transferebant tamen ad aliam viuendi formam, ad communionem scilicet bonorum, in qua nulla esse poterat indigentia, ut nunc etiam qui cœnobìa ingrediuntur. Porro vtrique, & hi, inquam, qui relictis rebus sequuti sunt Dominum, commutabant bona hæc vilissima, & maximè caduca pro optimis & æternis, quæ verissima sapientia est, & beatissima liberalitas.

CAPVT LXXXIX.

CAp. 3. epist. 2. Petri, ita scriptum est: *Adueniet autem dies Domini ut fur, in quo cœli magno impetu transibunt, elementa verò calore soluentur, terra autem, & qua in ipsa sunt opera, exurentur.* Deinde (paucis interpositis) *properantes in aduentum Domini, per quem cœli ardentes soluentur, & elementa ignis ardore tabescunt: novos verò cœlos, & nouam terram, & promissa ipsius expectamus.* Hoc idem videtur esse quod Ioanni reuelatum est 21. Apocalypsis, ubi inquit: *Et vidit cælum nouum, & terram nouam. Primum enim cælum, & prima terra abiit, & mare iam non est.* Quod idem reuelatum antea erat per Esaiam cap. 65. his verbis: *Ecce enim ego creabo cœlos novos & terram nouam, & non erunt in memoria priora.* David quoque in Psal. 101. dixit: *Opera manuum tuarum sunt cœli, ipsi peribunt, tu autem permanes, & omnes sicut vestimentum veterascent, & sicut opertorium mutabis eos, & mutabuntur, tu autem idem ipse es, & anni tui non deficient.* Dominus quoque in Euangelio dicit: *Cælum & terra transibunt, verba autè mea non transibunt.* Multa alia sunt oracula, quæ nobis indicant mundum hunc, quem conspiciamus murandum esse, atque formam aliam longè præstantiorem subiturum, tunc scilicet, cum cessabunt ortus, & interitus rerum cessantibus motu, & tempore. Plerique nolunt intelligere, mutandas esse naturas & formas corporum cœlestium, & elementarium, sed motum cum quiete commutandum, & tempus cum æternitate, manentibus tamen eisdem formis, & essentiis, atque ob has tam insignes

De mundi
fine egre-
gia.

mutationes quas subibunt, dici mutanda faciendaque nōdū. Itaque permanſura in illa æternitate, Solem, Lunam, & Aſtra, & hos ipſos in quibus nunc ſunt orbes, nullas autem circumuolutiones eorum futuras. Veniunt autem in hanc ſententiam, primū quidem, quoniam non videtur eſſe neceſſarium, hos cœlos, & hæc elementa deleri, vt creentur alia denud, ſed ſi quàm maximè oporteret, ſatius eſſe, hæc reddi ſpecioſiora, adiicique illis decorem manente ſubſtantia. Cū præcipuè dictum ſit ab Eccleſ. c. 3. (quod cum Platonico dogmate maximè conſonare antea indicauimus.) *Didici, quod omnia opera, quæ facit Deus, perſeuerent in perpetuum.* Cū ergo cœlum, & elementa ab initio facta ſunt ab ipſo Deo ſine vlla cauſa ſecunda, videtur oportere, vt perſeuerent in æternum. Deinde Petrus dicit cœlos ardore eſſe ſoluendos, terram autem, & quæ in ea ſunt exurenda. Cœlorum autem ſubſtantia non eſt vſtionis, neque verò alterius alterationis capax. Alioqui quid prohiberet multò iam antea exariſſe, ſi eorum cauitas plena eſt igne, & illi adeo rapidè mouentur, & Solis fulgor cum vndecunque attrahit? multò minus intelligi poſſit cœlum præ ardore diſſipandum, ſiquis ponat cum Ambroſio, Iſidoro & Baſilio. cœleſtia corpora ignea eſſe, ne autem ardore ſoluantur prohibere aquas, quæ ſupra cœlos ſunt. Nam ſi ardore ſoluenda ſunt illa corpora, nihil ſunt minùs, quàm ignea. Ardor igni non poteſt eſſe alienus, neque corruptius magis quàm aquæ frigus. Perinde ergo ſit dicere, ignea corpora calore ſoluenda, ac ſi diceres aquam frigore abſumendam. Quin potiùs oporteret corpora illa pertinere ad aquam, & frigore eſſe concreta modò: nam quæ concreta ſunt frigore, ſoluuntur calore, quæ calore humore. Non videtur ergo conſentaneum, cœleſtia corpora calore, neque vlla alia vigrute elementari corrumpi poſſe, ſed vt Ariſtor. ſenſit, ac nunc omnes conſentiunt eſſe incorruptibilia & inalterabilia ac proinde ſiquis ortuum & interituum rerum futuros ſinis eſt, ſiſtenda priuandaque motu, ea figura quæ deprehenſa ſint, in æternum permanſura, non tamen muranda ſecundū ſubſtantiam, & naturam. Nihilominus maius aliquid mihi ſonant illa oraculorum præſcriptorum verba, murandos cœlos, vt opertorium ipſos perituros, ſoluendos, nouos creandos. Quapropter ſi quæ ratio inueniri poſſit, quam propoſitis argumentis pari probabilitate obiiiciamus, in ea certè acquieſcere æquum eſt. Videtur autem ex hypotheſi probabiliffimum eſſe, mundum hunc corporalem, quem conſpiciamus, perituum aliquando eſſe, ac pro illo alium longè præſtantiorem denud creandum. Scilicet, hæc ſeries ortuum,

Cœli
quomodo
igne ſol-
uendi.

tuum & interituum in æternum duratura non est, sed cessatura aliquando, cessurusque motus quieti, & tempus æternitatis. Alienum enim omnino à ratione est, corpora natura mobilia, quæque naturali impetu feruntur, ut cœlestes orbes in æternâ violentia contineri. Nihil enim Philosophis certius quàm nullum violentum esse æternum. Cælum autem cùm naturaliter feratur circulo, præter naturam, & violenter detineretur. Neque minor inferretur violentia elementorū naturæ, si ea quæque quali nunc sunt natura durarent. Essi enim corporibus suis ordine dispositis, naturalis succederet quies, esset tamen necesse, statim & illum ordinem & quietem interrumpi actione mutua virtutum elementarium, nisi essent actiua passiuæ proxima sine vlla actione: quod nihilominus rationi repugnat. Quid enim posset eas illis inducias firmare, nisi à maiori virtute illata violentia? neque enim satis sit (ut quispiam fortasse putet) sublata esse lationem, utpote motum primum ut tolleretur alteratio. Est enim latio prior alteratione, nulla causa, quàm ob admotionem efficientis & recipientis. Si autem esset ordine posita, non solum propè essent, sed & contigua. Essent itaque omnia violentet detenta, & actione orbatâ, qui nihil absurdius, in illo præcipue felicissimo ævo; in quo deberet omnia esse pulcherrima & propriam perfectionem cōsequuta. Verisimilius ergo multò est, corpora hæc cœlestia, & elementaria quæ ad hanc velut rerū genesis optimè cōparata nūc sunt, exacto tōto tēpore, & eleuatis successiuis mutationibus quasi toto iam negotio peracto, velut defuncta munere suo finire atque alia pro illis longè pulchriora, & æternam illam requiem naturaliter expectantia, & secundum se rota inalterabilia, creari denud, quæ immutabilibus, & æternis subscribunt, ut priora hæc nascentibus, & intereuntibus deserviant modò. Videtur itaque inuenta optimaratio, quæ quæ nūc sunt delectantur & illis eleuatis creentur pro eis alia, ut scilicet ad tam diuersos status res etiam diuersæ accommodetur. Neque obstat esse hæc corpora à Deo creata, ut deleri possint, non enim ab vlla naturali causa, sed ab ipsomet Deo qui creauit delēda dicimus: neque sanè in nihilum (non enim hoc dignū censent Dei bonitate) sed in alia essentialiter perfectiora, in quibus horū ipsorum perfectiones maneat eminenter demptis mobilitate cœlestium, & corruptibilitate elementarium, quæ imperfectionis sunt. Velut autē mutatio naturalis formæ in aliam perfectiorem, non vocatur interitus, sed ortus, ut cum ex embrione sit animal, ita neque mutatio quæ diuina virtute fit in substantiâ præstatiore, vocari debet annihilatio, sed creatio, alioqui limum ex quo Adā crea-

*Cœlestia
corpora
his pul-
chriora
futurā;*

us est, annihilauit Deus, & costam Adæ ex qua Eua. Ita igitur dissoluere quæ fecerat non est à bonitate diuina alienum, mundo scilicet in potiora, in quibus priorum perfectiones manant eminenter. Alioqui necesse esset in æterno illo, & scilicet Equos esse, & Leones, & Vrsos ac reliqua animantia, quoniam species æternæ sunt; etsi ortu, & interitu singulorum seruantur, sed omnia huiusmodi habent firmam æternitatem præcipuè in exemplari, deinde & in aliis rebus perfectioribus, in quibus sunt, vt trigonus in tetragono. Ita ergo animantia reliqua erunt in homine, & priora hæc corpora illis posterioribus, omnia autem in exemplari diuino. Hoc est quod mihi sonant illa verba Pauliad Romanos, *omni creatura paratur usque adhuc*, hoc est, in potentia est ad aliam perfectiorem naturam. Quod non solum soluendos esse cælos, sed ardore soluendos Petrus dicit, aliquantò videtur difficilior, & ob eas obiectiones quas antea scripsimus, & ob eam quæ tetigimus modò. Nimirum quæ à Deo ipso per se ac sine causa secunda cōfacta sint, nō posse ab alia causa solui, sed solū ab eo ipso à quo sint coagmentata. Quæ igitur Deus ipse composuit vt ecclēstia corpora, haud quaquam dissoluet ignis, neq; alia causa ipso Deo minor. Certe ita est, virtutem diuinam apponi necesse est, vt deleatur quod Deus ipse fecit, nō igitur ignis delere; aut dissoluere cælos poterit sua vi, sed diuina, quam Deus illi tunc, ad id ministerium exequendum apposuerit. Velut damnatorum corpora torquebit nō corrumpens, ac multo magis, vt nunc torquet animas damnatorum. Nimirum corpore hoc natura violentissimo vititur Deus ad actiones, quæ omnes naturæ vires excesserunt, aut igitur hoc modo ignis dissoluet cælos, aut orbis mutationem inchoabit, totam hanc corruptibilium corporū molem exurens, interimque Deus sua virtute demolietur cælos, vt videatur rota mundi machina cōflagrare. Diciturque ita verè, per synecdochen, totus mundus igne perire, quia vrendus omnibus cōbustibilibus, mutationem recipiet. Complebiturque tunc quod Psalmo quadragesimo nono cecinit David dicens: *Deus manifeste veniet, Deus noster non silebit. Ignis in conspectu eius exardescet, & in circuitu eius repestus valida*. Solum igitur superest, de hypothēsi, ex qua fluunt hæc cum probabilitate dicere. An scilicet, futurus aliquis ortuum, & interituum finis sit. Futurum autem esse videtur, facile ex indicatis antea colligi posse. Indicatum enim est, mundum hunc æternum non esse, sed incorpisse aliquando, cum antea non extitisset. Indicatum quoque cum esse vnicum totum, pulchrum, & perfectum, ferri- que totum in summum bonum, à quo creatus est. Creati verò mundi

Opera
Dei nisi
vt diuina
solui non
possunt.

mundi velut apicem & per quem in Deum feruntur omnia, esse hominem. Hunc enim esse propter Deum, & propter ipsum reliqua, atque animos hominum esse immortales. Ex his fit quod quærimus. Si enim mundus pulcher, ac perfectus est, necesse est omnia in illo esse mensura, numero & pondere, certis effecta. Nam neque magnitudo, neque multitudo actu infinita esse, neque intelligi potest. Quod autem infinitum potentia, deforme, & imperfectum est. Nam est id cui semper aliquid deest, constatarque ea infinitas, ex nunquam finienda adiectione, quæ perfectioni est contraria. Nam perfecto, quæ tale, nihil deest, nihil adiacere potest. Cum igitur humani animi à mundi exortu continenter creentur in corporibus, atque separati permanent, si generatio hominum nunquam esset cessatura, illorum esset futura multitudo potentia infinita, quo nihil imperfectius, neque magis inconcinnum. Cum præcipue hæc mundi pars, earum quæ cum corporibus habent aliquid commercij, præstantissima. Ad pulchritudinem ergo & perfectionem mundi spectat, esse certum numerum creandarum animarum, qui ubi perfectus erit, necesse est, aut easdem rursus redire ad corpora per palyngenesiam Pythagoricam, aut generationum naturalium esse finem: si autem generationum & motus, & temporis. Quantum igitur habet improbabilitatis illa Palyngenesia, tantum probabilitatis habebit finem habituram hanc rerum genesim. Sed ex ipsa humanæ animæ natura colligitur hæc ipsa assertio. Indicarum enim animam hominis id habere præcipuum præ formis corporum, quod est separabilis, idque singulare præ omnibus substantiis incorporeis, quod est etiam actus corporis. Itaque est pariter substantia incorporea sine corpore potens existere, ut Angelus Dei, & actus corporis, ut forma alia quævis. Igitur & cum est in corpore, potest separari, & cum separata, expeteri uniri. non sunt igitur sine corporibus in æternum victuræ. Alioqui quod corporibus cælestibus, & elementaribus timebamus, eveniret animabus, ut scilicet, æterna privatione rei naturaliter expeditæ teneretur. Quod tanto longius à ratione abest, quanto vacuitas cum sensu miserabilior est quam sine illo. Verisimillimum ergo est illas sua corpora aliquando resumpturas. Si ergo naturalis palyngenesia impossibilis est, superest, ut sit alia longè superior, quæ divina virtute peragatur. Nō autem ut naturalis virtus proferat aliam post aliam regenerationem, quasi generationem pristinam ordine reperens (successio enim hæc impotentia naturalis est) sed vnam totamque omnium simul efficiat palyngenesiam, tunc scilicet, cum perfectus earum erit

Genera-
tiones fi-
nienda.

Anima in
æternum
victura.

Mundus
nouus.

ratio proportionis ad alias intelligentes substantias exiget. Si quando igitur animi omnes sunt sua corpora resumpturi. certe postquam separati sint omnes. Separati autem esse omnes, non poterunt, antequam finis sit nascendi. Necesse est igitur nascendi finis aliquando futurus sit, atque ideò & mouendi, & temporis. Hinc autem fiebat, vt & cœli & elementa essent in alia corpora præstantiora abitura. Verè igitur tota hæc mundi moles peritura est: ac pro ea alia longè pulchrior creanda, nullis mutationibus idonea, sed domus æternitatis futura. Quapropter omnia oracula quæ æternitatem corporum, quæ nunc sunt videntur asserere, & immutabilitatem vsque ad mundum huius finem, intelligi debent. Quale est illud Psal. 148. *Quia ipse dixit & facta sunt, ipse mandauit & creata sunt. Statuit eam in æternum, & in sæculum sæculi, præceptum posuit & non præteribit.* Et illud Psal. 92. *Etenim firmavit orbem terra, qui non commouebitur.* Nimirum Ecclesia Catholica semper proclamatur: *Dies illa in qua cœli mouendi sunt, & terra.* Itaque vsque ad mundi finem stabunt hæc qualia nunc sunt, nullam sentientia mutationem naturalem, tunc autem deleta, mutabuntur in alia noua & pulchriora.

C A P V T X C.

Aqua tepida
ad vomitum
inuitat.

A Pocal. cap. 3. *Vtinam frigidus aut calidus esses, sed quia tepidus, neque calidus, neque frigidus, incipiam te euomere ex ore meo.* Res est Medicis omnibus notissima, & confirmatissima experimento, tepida omnia vetriculū subuerrere, frigida verò aut calida retineri multò meliùs. Vsque aded, vt sola aqua quæ per sese nullam vim vomitoriam habet, ea solùm causa, quod tepida bibatur, vomitum moueat. non omninò segniter. Huius rei causa est, quod tepidarum rerum tactus blandus, placidus, ac laxans est. Quod apertè indicant medicamēta, propriè, anodina, à soluēdo dolore vocata, quæ tepidi caloris sunt, quia immoderatiùs frigida, & calida vtraque mordent, frigida quidem, quia contrahendo exasperant, calida quia pungunt. & ad vtrorumque tactum contrahuntur partes; ad tepidum autem blandum & suauem, laxantur, atque extenduntur, non aliter atque animalia affixa, aut crusta recta, quæ videmus, quæcunque causa doloris agcedat, siue mordens, siue pungens sese contrahere, perfusa verò tepida, seu ad solis moderatum calorem, distēdi. Ita faciunt spōte naturæ vetriculi partes. Cum verò primo occurſu cum quadam voluptate id accadat partibus mos est tactus

tactus vertitur in tristitiam, & anxietatem, ob quam accidit abominatio, & vomitus. Nam ventriculus bene constrictus, atque corrugatus circa cibum, aut porum, continet illum sine molestia, & nullam offensam ab ea sentit. Si verò laxatur, dimittit, qui dimissus ponderi est ac molestia. Non aliter ac manus laxata euertitur ab eodem pondere, quod firmiter constricta facillè sustentaret. Itaque eandem passionem afferunt ventriculo tepida, etsi aliqua vomitoria non sint facultate, quàm quæ sunt per sese, & propria potentia talia. Horum enim quædam, qui sunt laxantia, & emollientia, sunt etiam vomitoria, vt oleum & omnia quæ sine sale sunt pingua: quædã sunt malignitate quadam abominabilia, vt agaricus, Turperum, & Elloborus, & succus Raphani. Vtraque verò etsi longè diuersa ratione, faciunt ventriculi in quem ingeruntur laxitatem saltem secundùm fibras obliquas, quæ subseruiunt retentioni. Transuersæ enim & quæ seruiunt expulsionì constringuntur, insurgente virtute partis in id quod molestum ei est. Similem huic etiam passionem facit tactus rerum tepidarum. Fibras obliquas laxat per se ob blandum sensum, trauersas per accidens facit constringi ad exemplum, quod quia male continentur, grauat. Vt ergo famem non mouet sola penuria & succus ab habitu corporis excitatus. sed quæcunq; similem faciunt in ore ventriculi corrugationē vt acida: ita abominationem contraria ei appetitui in quo famē ponimus, efficiunt non solum quæ abominabilia per se sunt, sed & quæ quacunque ratione laxari illud faciunt, in quibus sunt quæ accipiuntur tepida, præcipuè verò quæ liquida. His enim accedit fluctuatio, quæ non parū facit ad vomitionem. Ex hac calidorum, frigidorū, & repidorū proprietate accepit Spiritus Sanctus allegoriam transferens ad hominum mores, dicensque: *vinam frigidus aut calidus es, sed quia tepidus es, & neque frigidus, neque calidus, incipiam te euomere.* Quæ verba sunt Dei ad hominem improbum, possuntque Theologicos sensus recipere, mei verò muneris solum sit, ea Ethicè interpretari, vt id vnde allegoria accipitur sū interpretatus Phisice. Cōstat nomine frigidi & calidi non intelligi contrarios affectus, inter quos si tepiditas, vt mediocritas quædam nihil admittens nimium. Nam vt in 2. lib. Ethicorum Arist. monstrat, virtus quæcunque atque adeo virtus omninò in mediocritate consistit, inter excessum, & defectum constituta: vitia verò consistunt in extremo. Si legitur calidi, & frigidi nomina extremos affectus significarēt, & tepiditas eorum mediocritatem videretur virtus præ contrariis vitiis vituperari, quod consentaneum non est. Ob hanc obiectionem plerique

Agarici
malignitas.

Virtus in
mediocritate
persistit.

plerique calidorum, & frigidorum hominum nomine, intelligi purat optimos, & pessimos: tepidos verò vocari remissæ cuiusdam, & imperfectæ virtutis homines, hosque viruperari plus aliis, non quòd vtrisque sint deteriores, sed quòd sua mediocritate decepti, minùs soleant resipiscere, & ad perfectam virtutem aspirare. Placet hoc non paucis: mihi verò non satis. Nā præter quàm quòd manifestum, meliorè esse conditionem hominum, qui etsi perspecta virtute non sint, neque vendiderunt omnia quæ haberent, vt pauperibus largirentur, sequuntur tamen temperatum quoddam, & mediocre videndi genus, seruantque mandata, quàm eorum qui sunt manifestè improbi: sed & ad proficiendum, ac ad resipiscendum à peccatis, sunt illi quàm hi paratiores. Nam si naturales ipsorum vires consideres, constat tantò cuique esse difficilius bene agere, quantò plus criminibus assuevit. Quandoquidem habitus omnis facilitatem parit, ita operandi & contrarij difficultatem habitus quidem virtutis facilitatem bene operandi, & secundum rationem; vitiosus verò difficultatem, & quantò maior, tantò maiorem. Sin autem consideres auxilium quod diuinis accedit, id quoque constat tantò desiderari maius, quanto homo pluribus, maioribusque peccatis est implicatus, vel hoc solum argumento, quòd ea auxilia morborum animi medicamina sunt, morbi autem maioribus maiores indigent. Tamen ergo pessimi, & iniquissimi hominis iustificatio meritò sit Deo gloriosissima & cœlitibus iucundissima, vt scilicet medico & eius amicis reuocatio deplorati, eius tamen status nulli exoptandus, neque imprecandus est: vt pote periculosissimus, & ex quo perpauci euadunt. Hæc igitur cum ita se habeant, & Dominus particula exhortandi vtatur, dicens: *utinam frigidus aut calidus esses*, necesse est nomine tepiditatis, significari dispositionem quampiam animæ, quæ mediocritatis, & tranquillitatis cuiusdam speciem præ se ferat, re vera autem sit viciosissima, dicaturque tepiditas ob apparentem pacem, vituperatur autem omnium maximè ob verissima, & maxime latentia vitia. Quæ autem sit hæc dispositio, primò mihi videtur Aristor. explicasse 7. Ethicorum ad Nicomachum, continentis ac incontinentis, & temperantis, ac intemperantis rationes exponens, atque differentiam. Nimirum dicit intemperantiam, & incontinentiam (eadem est contrariorum ratio) circa eadem versari: nam speciatim ac propriè acceptis his nominibus, versantur circa voluptates tactus, & gustus, neque quidem circa omnes tactiles, sed solum circa Venereas: itaque circa ingluuiem, & Venerem; translatiue verò & latius patentibus nominibus, versantur circa

Contine-
tis & in-
contine-
tis ratio.

circa

circa omnem dolorem, & voluptatem, atque ut est incontinens cibi, & potus & lasciviz, est etiam incontinens iræ, & cupiditatis diuitiarum, & honorum. In quocunque horum generum est perturbatio animi, & ipsum peccatum, & vitium per quod peccatur. Velut est ira, & vicio, & ipsum vitium animi, per quod homo sponte sua deliberat vlcisci. Non esse autem idem, iram & illud vitium, constat, quia multi etsi irascantur abstinent à vindicta, quia sunt probi. Est igitur virtus quæ obfistit iræ. Cum ergo ira & virtus illa non sint in eodem genere proximo, quia virtus est affectus in anima permanens, habitus scilicet, ira autem passio, constat præter iram esse vitium quoddam, illi virtuti contrarium, in eo qui irascitur, & cum deliberatione & sponte vlciscitur, aut vlcisci vult.

Cum tamen sint hæc tria, ira, vindicta, & illud vitium, constat malignitatem per se non esse nisi in illo vicio. Nam vindicta potest esse bona, ut vindicauit Moyses in fratres suos. Ira quoque: nam in satellitium rectæ rationis data est hominibus à Deo. Vitium verò nunquam potest esse bonum, quia est per se malum. Dicit ergo Aristot. temperantiam & intemperantiam versari circa actiones bonas, aut malas; continentiam & incontinentiam potius circa ipsas passiones, & perturbationes siue animi, siue corporis.

Animi dico, ut circa iram, gaudium, & cupiditates diuitiarum, aut honoris corporis, ut circa carnis lasciviam, seu pruritum, & cupiditates cibi aut potus. Temperans enim est qui etsi irriteretur commoueatúrque, temperat à crimine: intemperans qui nō temperat, utrumque habeat circa irritationem. Incontinens verò aut continens, potius propter perturbationes dicitur. Est enim incontinens qui leuiter, & ob quæcunque irritamenta perturbatur, ut qui de quavis lenicula causa irascitur, aut prurit aut concupiscit. Itaque qui conspecta muliercula nō se videtur posse continere, sed citra deliberationem mox irruit, ira verò aut irascitur, aut utrumque aliter patitur, incontinens est. Continens contrà qui talis est, ut minus etiam quam homines solent perturbatur, quæcunque occurrant irritamenta: Ex his definitionibus constat, continentiam & incontinentiam quodammodo non esse virtutem, neque vitium, quia per se non versantur circa actiones bonas aut malas, sed circa passiones, quæ natura indifferentes sunt. Præterea incontinentia, & contrarium nascuntur sæpe ex cuiusque hominis temperamento, aut compositione, denique ex natura, ob quam neque laude, neque vituperatio dignus est homo, ob ea autē quæ sunt vera vitia aut virtutes, meritò vituperatur quis, aut laudatur.

Verbi

Temperantia & intemperantia circa quæ.

Continens & incontinens quis.

Verbi gratiâ, culpa non est in ira, sed in vindicta. Ita verò fugienda est, quia est animæ perturbatio, cum qua perdifficile est, à vindicta velle abstinere. Per sese autem culpa est, in vindictæ cupiditate spontanea & cū deliberatione. Dixi verò incontinentiam quodammodo non esse vitiū, neque continentiam virtutem, quia quodāmodo etiam sunt. Sæpe enim illi naturali, siue impotentiz, siue potentiz, admiscetur aliquis voluntarij. Vt qui facilè irascitur, non tamen omninò pœnitet leuiter admissæ iræ. Is enim iam non merâ habet incontinentiam, sed intemperantiæ etiam aliquid & vitij quatenus vult, & delectatur. Ita etiam continentia quæ non venit ex natura, sed hac repugnante, vsu temperata est, timore Dei aut amore, ea maxima temperantia, & eximia virtus est. Itaque signum incontinentiæ meræ, & quæ nihil habuit culpæ, est, mox à sedata perturbatione pœnitentia vera conceptæ perturbationis. Contrâ si quis incontinenter est iratus, postea verò illum perturbationis non pœnitet, ac multò magis, si quem iratus læsit, euidenti argumento est aliquid ibi fuisse vitiosæ voluntatis, & culpæ. Cum igitur quispiam iratus est, quātumvis vehementer, nullū tamen læsit aut non sponte, & cum deliberatione, & illū citò incontinentiæ illius pœnitet, in nulla culpa est. Quod apertè satis insinuant illa verba Psalm. 4. *Irascimini & nolite peccare, quia dicitis in cordibus vestris, & in cubilibus vestris compungimini.* Quasi dicat, cū irascimini (id quod natura hominibus inest) nolite peccare, id est, opere exequi, aut cum deliberatione velle, ea quæ in cordibus vestris dicitis cū estis irati, quæ scilicet, comminamini, sed ab iniuriis temperantes postea in vestris cubilibus, vbi sedari consuevit hominum animus, compungimini, & pœnitentiam agite conceptæ iræ. Ita enim ob naturalem quidē debilitatem egeritis incontinentes, non eritis autem in culpa. Ex his quæ dicta sunt, constat, temperantium, & intemperantium posse esse quatuor modos. Nam potest esse quis temperans simul, & continens, qui scilicet minùs perturbatur quàm homines solent, simulque à peccatis abstinet. Potest etiam esse incontinens, sed temperans, qui etsi ob naturale rituum, aut inueteratam cōsuetudinem eorū quibus eum vixit, vt domus, aut vrbs, aut gentis facilè irritatur, à committēdis peccatis abstinet, cū locum deliberationi passio concedit, intemperantium quoque sunt duo modi. Nam potest esse quis simul incontinens, & inemperans, qui quacunque occasione perturbetur, & quiduis opere exequatur, non primo solū impetu, sed etiam postquàm deliberandi tempus aliquod nactus est. neque eum facti pœnitet; potest etiam esse

Quatuor
modi tē-
perantiū
& intem-
perantiū.

esse intemperans, etsi non sit incontinent, qui scilicet, non admodum permouetur, neque irritatur in occasionibus; imperturbatus verò, & citra irritationem, nihilominus committit peccata. Horum quatuor duos quidē constat studiosos esse, & emperantes scilicet siue continētes etiam sint, siue secus. Atqui etsi multitudinē videntur esse meliores longē, qui continentes simul sunt & temperantes, reuera tamen non semper ita est, sed tunc solū, cum continentia meditatione virtutis comparata est, aut, incontinentia culpa est contracta. Si enim tam continētia, quā incontinentia naturalis est, aut gentilis, melior multo est temperatus incontinent, quia longē maioris difficultatis est, cum ea incōtinentia temperare; difficultas verò nulla sua culpa orta est. Duos alios constat esse vitiosos, & prauos intemperantes, scilicet quorum ij qui simul sunt, & incontinentes, vulgò videntur esse deteriores, reuera autem sunt rolerabiliore. Reliqui enim qui scilicet sine incōtinentia sunt intemperantes, omnium sunt pessimi, idque multis de causis. Primū quidem, quia quò quis cum minori perturbatione, eò peccat cum maiori libertate, & deliberatione. Passio enim libertati detrahit, ad eò ut nonnunquam in ipso primo impetu omninò tollat. Cū igitur malignitas in libertate operandi cōsistat, malignior sit is, quā is, qui sine perturbationibus transgreditur nihilominus recte rationis fines. Atque ut dicitur Eccl. 10. *Melior est homo qui minuitur sapientia, & deficiens sensu in timore Domini, quā qui abundat sensu, & transgreditur legem Altissimi.* Is certè de quo dicitur Prouerb. 3. *Quasi per risum stultus committit scelus.* Deinde, & quia est insanabilior, idque etiam multis de causis. Primū quia peccatorum medela, ut idē Aristoteles loco citato aperte dicit, pœnitentia est, hunc verò rarò facti pœnitet qui cum peccauerit imperturbatus, in eadem voluntate persistit. Deinde, quia hic non agnoscit propriam culpam, sed eadem causa, qua vulgò videtur minùs malus quā incontinent, sibi videtur etiam esse bonus. Ad eò ut dicat Arist. 2. magnorum Moralium cap. 6. in talibus corruptum esse principium, hoc est rationem & mentem, eoque in prauis: rationem aliquam magni boni coniectare, velut Dionysius, Phalaris, & Clearchus, haud dubiè immaniter peccantes, illustria facinora coniectabant. Neque enim per iram ea semper patrabant, sed plerunque per errorem talem; multi etiam mulieribus abutuntur non per amorem, neque verò admodum per pruritum, sed per licētiā, & corruptionem principij, quapropter neque peccata sua satis agnoscunt. Nam perturbationes, ut ira, & lentigo, & reliquæ cupiditates, manifestæ

Intemperantium
vicia.

Peccatorum
cognitio.

Peccato-
rum co-
gnitio.

Pessimi
qui.

Hypocri-
te pessi-
mi.

festæ admodum passiones sunt, & ei qui patitur, & intuenti-
bus. Peccata verò sine perturbationibus latent, quia nullam
per sese sensibilem notam præstant, cum præcipue non finiun-
tur in extrema opera. Hinc nascitur tanta illa difficultas agno-
scendi peccata, quæ Davidem in illa verba fecit prorumpere:
Delicta quis intelligit? ab occultis meis munda me Domine. In hos
igitur quos omnium esse pessimos dicit Arist. optimè quadrant
illa verba capitis duodecimi Prouerb. *Via stulti recta in oculis
eius.* Quomodo igitur curationem quaeret, qui se putat bene
valere; est itaque hic pessimus, & quia re ipsa malignior, & quia
incurabilior, deinde & quia inexcusabilis; non enim habet per-
turbationes quas causetur, sed ob solum legis & virtutis con-
ceptum, quasi nihil intersit ita, aut aliter agere imperturbatè,
ac proinde inemendabiliter peccat. In hoc genere sunt simu-
latores, & callidi, parati scilicet ad prodiciones fratrum urbium
& regnorum, qui (vt dicitur Iob. 16.) pronocant iram Dei:
Nam vt dicitur Prouerb. 12. *Qui statim indicat iram suam factum
est* (nimirum vt Aristot. indicat cap. decimo septimi Ethicorum)
incontinens non potest esse prudens, qui verò dissimulat iniuriam,
(vt scilicet vlciscatur melius) *callidus est.* In hoc etiam gene-
re sunt hypocritæ qui speciem virtutis præ se ferentes, alios
primùm, deinde & seipsos aliquando seducunt. hos vocat
Sanctus Spiritus tepidos, quia neque boni sunt, neque con-
spiciuè mali, cum tænera sint omnium pessimi. hos enomine Deus,
arquè à se reiecit & indurat, traditque non rarè in reprobum
sensu. Ergo inquit, *utinam calidus, aut frigidus esses,* hoc est, bo-
nus, aut aperte malus, & perturbationis plenus, vt iis sedatis
ageres pœnitentiam, ac resipisceres. *sed quia tepidus es.* hoc est
sub specie boni iniquus & impœnitens, & legis contemptor,
incipiam te enomere, velut qui tepida deglutierunt iuscula. Tu
autem Domine miserere nostri.

C A P V T XCI.

Deus
principiū
& finis.

Capite 21. Apocalypsis. *Ego sum a, & o, initium & finis,*
quæ eadem verba reperuntur cap. vltim. additis his dua-
bus voculis, *Primus & nouissimus*, quæ ad Philosophiam
non videntur pertinere, sed grandius aliquod continere arcanū
fidei, quæ est Domini nostri IESV CHR I S T I. Priora illa à
Deo prolata, ratione mihi videntur habere naturalem, & cōso-
nare

nare cum illis 16. cap. Prouerb. *Vniuersa propter semet ipsum operatus est Dominus.* Itaque est Deus vniuersorum principium & finis, quia ab ipso & propter ipsum facta sūt. Ab ipso quidem facta esse omnia super caput primum Geneseos, quod huius operis est primum, firmissimum, vt mihi videtur, argumentis est indicatum. Superest vt qui in principio, principium esse rerum ostendimus, iam nunc in fine, finem esse indicemus. Erunt autem nobis hęc positiones, quę illic sunt indicatę, nimirum mundum hunc vniuersum factum esse, neque ab æterno extitisse, factumque ab vno quodam principio quod æternum, vnicum, simplicissimum, idemque potentissimum, sapientissimum, & optimum, pulcherrimumque. His positis, fit, illum mundi opificem sui ipsius gratiā fecisse vniuersa, esseque & principium a quo omnia, & finem, cuius gratiā effecta sunt. Nam aut fecit mundum alicuius gratiā, aut temerē. Operari autem temperē non cadit in sapientem, fecit ergo alicuius gratiā. Id verō cuius gratiā aliquid fit, melius esse debet quam ipsum quod fit, vt sanitas quā medicina, & habitatio quā domus. Boni enim gratiā fiunt, quęcunque alicuius gratiā fiunt, a causa non errante, & ipsa ratio finis, est ratio boni. Igitur id cuius gratiā Deus fecit vniuersa, melius est vniuersis quę facta sunt, non factum autem nihil est præter ipsum Deum. Ipsemet igitur est finis, qui & principium. Dices fortasse, Deum cum sit summum insuitumque bonum, esse etiam sibi sufficientissimū, atque nullam boni accessionem posse recipere, ac proinde nullius gratiā operari, cuius enim gratiā operetur, qui nulla re indiget: atque si quā maximē alicuius gratiā, certē non sui ipsius, cum nihil possit sibi comparare, sed gratiā aliorum, vt fortē rerum ipsarum quę fiunt, vt scilicet finis, quia res ipsas esse, quā non esse, melius est illis. Itaque sit finis finiendi ipsum esse, sicut rei cuiusque generatio finitur in eius formam. Ita est profecto: res factę sunt vt sint, sed hinc rursus efficitur, quod asserimus. Nam, cur Deus voluit eas esse; an non quia melius erat, quā non esse igitur vt illis beneficeret. Sed cur voluit benefacere? an non quoniam bonus igitur postremus rerum faciendarum finis, vt effector beneficeret, secundum quod bonus est. Is autem finis est in ipso principio, sua gloria. Deus igitur ipse est finis vltimus rerum omnium. Dico vltimus, quia singularum rerum sunt singuli fines proximi, nam res ipsę sunt alię propter alias, postremō verō omnia deunguntur ad vnum finem. Porro eisdem argumentis quibus effectum est, vnicum esse rerum omnium principium, omniaque ab vno fluere efficitur vnicum etiam esse finem: nimirum ex vnitatem & perfectione.

vniuersi. multò enim magis dissoluit vnitatem & perfectionem
 multitudo finium vltimorum, & qui non ordine feruntur
 in vnicum, quàm principiorum. Esse enim & perfectio rei ex
 fine magis pender, quàm ex vlla alia causarum. Necesse est igitur,
 siquidem mundus est vnus, pulcher, ornatus (vnde & no-
 men accepit) perfectus, vnicum esse rerum vniuersarum finem.
 Vnicus autem, omnium non potest esse vlla rerum effectarum.
 Nā aut ipsius esset alius finis, aut nullus. Si nullus, ea res esset
 facta temerè, quod non minus est absurdum, quàm ita esse facta
 omnia. Sin esset alius, is alius esset vltimus finis omnium. Si
 enim est finis proximus eius, quod est finis aliorum omnium,
 est simpliciter vltimus omnium. Ille igitur, aut esset res creata,
 aut ipso Deus; si creata, redit eadem dubitatio, & in infinitum
 ibitur. Necesse est igitur stare in fine increato, qui est ipse Deus.
 Si igitur alia omnia facta sunt propter hominem, ipsum ho-
 minem necesse est factum esse propter Deū, arque ordine quo-
 dam exiisse alia propter alia, postremò verò omnia propter
 Deum, vt prata irrigua propter pabula, hæc propter pecora, hæc
 propter hominem, hominem propter Deum. Igitur si mundum
 oportet esse perfectum, & vnum, oportet etiam ab vno princi-
 pio fluere, & in vnum finem ferri. Non potest autem differre il-
 le finis ab illo principio. Nā cum indicatum sit seorsum, neque
 principium, neque finem posse esse creatum, fieret vt essent duo
 æterna. Indicatum autem est antea, quod & nunc ponitur, quod
 æternum esse vnicum & simplicissimum: necesse ergo est idem
 esse vniuersorū principium & finem. Sed & ipsa forma aspectabi-
 lis mundi, ob ipsam rerum necessariam concinnitatem, hoc
 idem indicat. Velur enim ipsum mundi corpus, quod conspici-
 mus, perfectissima figura, hoc est, circulari, est, & incessanter
 circumuoluitur, ita necesse est ipsam rerum seriem, non in re-
 ctum ferri, sine fine, vt quæ imperfecta sunt, sed circulum ini-
 tati, finireque vnde cœpit. Nam quod huiusmodi, est perfectum
 & infinitum. Perfectum quidem, quia finitum suo ipsius prin-
 cipio, in finem verò, quia nullibi intercisis, & pendens, vt quod
 recta producit. Indicatum verò antea est multis argumentis,
 caput quod de Philosophia Pythagorea inscripsimus, in hac
 vniuersitate rerum, quæ a b æterno fluxit exemplari, quod pe-
 nes Deum est ipse Deus, concinnitatem habere perfectam, &
 ad se singula, & inter se, Arithmetica, Geometrica, Physica, &
 Metaphysica entia, ex eaque concinnitate nasci mirabile quan-
 dam perfectionem, quæ est ipsa forma & ratio vniuersitatis.
 Eloquamur igitur iam, vt in libri calce decet, aperte principia
 & causas totius vniuersitatis, & rerū singularum. Cum sint ge-
 neratim

Homo
 propter
 Deum fa-
 ctus.

Quinque
 causarum
 genera.

neratim quinque causarum genera, efficiens, materia, forma, finis, & exemplar: vniuersitatis totius creandæ materia nulla fuit ex qua, siquidem ex nihilo est facta, nunc autem immanens materia sunt eius partes: efficiens verò, & finis, & exemplar, est ipse Deus. Forma quidem eius non est Deus (etsi aliquibus veterum id quoque visum est) forma enim, essentia, & quod quid erat esse rei, est, mundus verò non est Deus. Neque verò est anima mundi quam Plato inuexit, censens mundum animal quoddam esse perfectissimum, & sapientissimum. Nam ne animal quidem est, ut Aristot. multis firmissimisque argumentis ostendit, & omnium iam Philosophorum communis sententia est. Sed illa apertissima omnium ad omnia coopratio, & ordinantissima concinnitas, quæ facit ipsam verè vnam ac perfectam, ipsa illius forma est. Est verò non accidentalisis, ut lignorum, & lapidum dispositio talis est forma domus, sed substantialis, siquidem vniuersalis natura, quæ ad eò est ipsum mundi esse, ut quin mundus deficiat deficere illa vnitas, & coordinationis appetitus nō possit. Hinc fluunt omnes motus, & quietes, ac denique omnes naturales actiones & passionēs, quæ communes æquè omnibus rebus sunt. Moueri scilicet, & quiescere, utcumque expedit ad retinendam continuitatem, & rerum ordinem: velut quæ cuique rei sunt propriæ, fluunt ex cuiusque rei peculiari natura, velut calefacere, aut calefieri, refrigerare, aut refrigerari, durare, aut durari, mollire, aut emolliri, trahere, aut trahi, repellere, aut repelli, aut quiduis aliud eiusmodi facere, aut pati. Itaque vniuersitatis totius hæ sunt causæ. Singulæ autem res ab vniuersitate discrepant: primum quidem, quod eorum plurima habent materiam ex qua fiunt, non immanentem, quod vniuersitati repugnat. Nam cum vniuersitas constet ex omnibus rebus creatis, nihil potuit esse ante ipsam quod iu eius creationē insumeretur, alioqui siens desineret esse vniuersitas. Quare vel ipsa ratio vniuersitatis exigit, ut facta sit ex nihilo. Aliarum verò rerum, artificiales quidem omnes siue homogeneæ, siue heterogeneæ, fiunt ex materia immanente, & nulla (nisi per accidens, ut si sit ex arca mensa) desinente. hac in parte quodāmodo similes vniuersitati, ut lectus ex cedro, mensa ex nuce, arca ex pinu, statua ex ære, domus ex lateribus, lignis, tegulis & calce: nauis ex tabulis, trabibus, & ferramentis. Naturales verò, omnes quæ heterogeneæ, habēt materiā vtrunque aliā ex qua desinentē, ut animal sit ex semine aut ouo desinētibus, & ex carne, osse, nervo, medulla & pelle, manētibus, arbor ex nucleo desinētē radice, cortice, ligno, fibrisque, manētibus. Ipsæ verò homogeneæ quæ

Materia
immanē-
tiæ & de-
sinentiæ.

summè tales sunt, actu immanentem nullam materiam habent, nisi fortè potentia : fiunt verò aliæ ex aliis desinentibus, vt ex arena lapis, ex lapide rursum arena, accedente, & recedente humore. Discrepant etiam vniuersitas & res singulæ, efficiente & fine. Quòd vniuersitatis solus Deus est effector primus & proximus, & finis vltimus & proximus, quia inter Deum & vniuersitatem nihil potest interesse. Cùm vniuersitas sit omnia præter Deum. Singulorum verò sunt aliæ causæ effectrices, & aliæ finales proximæ, nisi fortè hominis, qui hac ratione videtur conuenire cùm vniuersitate (ipse non alia ratione potius microcosmus nuncupatus) quòd propter solum Deum effectus est. Dico autem secundùm speciem. Nam in singulari cuiusque generatione fuit proximus finis, speciei productio. Itaque Deus est prima & vltima causa omnium, proximus verò effector vniuersitatis, finis tamen & vltimus simul & proximus vniuersitatis, & solus hominis secundùm speciem. Quod ad formam attinet nullum est discrimen Nam & vniuersitatis, & rei cuiusque forma est sua ratio, & ipsum rei esse. Exemplaris causa eadem est vniuersitatis & rerum omnium secundùm speciem, vt hominis, equi, & bouis, putà Deus : singulatum verò generationum non est causa vlla exemplaris. Neque enim α , ignis fecit β , ignem ad exemplar, sed naturaliter in nihil intuens. Homo quoque ab homine fit sine exemplari, sed naturaliter. Nam tametsi inruitus rei cuiuspiam, faciat id quod gignitur simile, vt de virgis Iacob differentes recepimus, causa non est in imitatione, vt cùm transcribitur aliquid ab exemplari, sed in similitudine quam cogitantis anima induit, vt illo loco explicauimus. En finis totius Philosophiæ naturæ, cognitio scilicet causarum, quæ omnes cùm ad ipsum summum Deum deuoluuntur, ipso existente, totius vniuersitatis & rerum in ea omnium α , à quo primo fluunt, vt à principio & exemplari, ω , in quem finem feruntur, constat, quàm recta via tendat, imò quàm proximè accedat naturalis contemplatio in Dei Optimi Maximi contemplationem. Qui, vt est mundi totus, fuerit mihi huius operis principium, sitque finis.



INDEX RERVM,

& Verborum.

A

A Blactationis tempus.
fol. 411. & seq.

Abortus quando fiant. 99

Abyssus. 310

Aceti in nitro soluti vis.

300.

Accipitrum natura. 285

Achores. 112

Adamas. 238

Adami statua lutea. 62

Adamus sine morbo crea-

tus. 20

Adultera maledictio. 85

Aëris motus circularis. 304

in Aëre nihil gignitur. 41

Aëris materia proxima. 41

Aër pro cælo. 27

Aëris temperies. 41. & seq.

Equalitas. 333

Aqualitas Arithmetica

& Geometrica. ibid.

Equilibras. 396

Æstus consideratio. 268.

& seq.

Æstus noxa. 212

Æstivi calores unde. 129

Æternitas quid. 31

Æterna qua Platoni. 43

Æternum unum solum.

36.

Æternum pro longo. 67

Agarici malignitas. 431

Albugo. 209

Alfonsi regis tabula. 280

Alexipharmaca. 305

Alopecia. 113

Alseratio duplex. 66

Amyli utilitas. 197

Anacreontis mors. 212

Angelica salutatio. 50

Angeli quid sint. 203

Angelorum apparentia. 66

Angelorum cursus. 182

Angelorum motus & locus.

204. 206. & seq.

Angeli creatores Platoni.

322. & seq.

Animalium cognitio. 272

Animalium differētia. 101

Animales motus. 214

F f 3 *Ani*

I N D E X.

<i>Animalium morbi.</i>	209	<i>differentia.</i>	123
<i>actiones & passiones Animalium.</i>	120	<i>Anni climacterici.</i>	69
<i>Animalium gradus.</i>	403	<i>Anni partes. 83. earum cum diei partibus comparatio.</i>	ibid.
<i>Animalia perfecta sanguinea.</i>	62	<i>Anni decretorij.</i>	406
<i>Animalium nullum immortale.</i>	399	<i>Annorum supputatio.</i>	280
<i>Animalia ex crementis.</i>	20	<i>Annus magnus.</i>	180. 126
<i>Animalia ante semina.</i>	35	<i>Antipathia naturalis.</i>	395
<i>an sola Anima creata.</i>	48	<i>Antipoda.</i>	127
<i>Anima an ex Dei substantia.</i>	ibid.	<i>Appetitus peccati.</i>	214
<i>Animarum transmigrationis.</i>	58	<i>Apis taurus.</i>	82
<i>Anima motus in morbis.</i>	59	<i>Apologus de lignis regem petentibus.</i>	57
<i>Anima immortalis. 60. ex quo. 61. quid. 79. quorum principium. 63. Natura gemina. 95. inorganica. 56. omnia quodammodo. 80. quando imperfecta. 66. antiquior corpore. 67. an sanguis. 59. quomodo in sanguine. 61. vis.</i>	62	<i>Apoplectici.</i>	212
<i>Anima quomodo causa vite.</i>	64	<i>Apolophones Philosophus.</i>	160.
<i>Anima due Philoni.</i>	59	<i>Aqua principium frigidorum.</i>	24
<i>Anima assistentis refutatio.</i>	66	<i>Aqua generationis mater. ibid. duplex. 28. 175. congregatio aquarum.</i>	29
<i>Animam que forma præcedant.</i>	78	<i>Aqua maior terra.</i>	ibid.
<i>Anima hominis & brutorum</i>		<i>Aquarum dulcedo. 89. differentia.</i>	309
		<i>Aqua cur fluxilis. 24. fecunda.</i>	ibid.
		<i>Aqua motus.</i>	25
		<i>Aqua per ignem facta fluxilis.</i>	ibid.
		<i>Aqua salsa nocumenta.</i>	192
		<i>Aqua sale iniecto curata.</i>	193.
		<i>Aqua salsa fecundissima.</i>	193
		<i>Aqua</i>	

I N D E X.

<i>Aqua supra firmamentum.</i>		<i>namatum & Medicorum</i>
28.		179.
<i>Aqua frigida potus.</i>	302. &	<i>Atheorum argumenta & eo-</i>
<i>seq.</i>		<i>rum solutio.</i> 292. 295. &
<i>Aqua, & terra globus.</i>	29	<i>seq.</i>
<i>Aqua creatio.</i>	ibid.	<i>Atheorum reprehensio.</i> 296
<i>Aquila.</i>	284	<i>Athlanticum mare.</i> 261
<i>Aquilarum genera.</i>	285	<i>Anaritia contraria.</i> ...
<i>Aquilo.</i>	117. & 216	<i>Augurij exemplum in sa-</i>
<i>Arborum ortus.</i>	223	<i>cris.</i> 152
<i>Ardea.</i>	283	<i>Aurifera provincia.</i> 240
<i>Aristotelis laus.</i>	14	<i>Aurium consideratio.</i> 293
<i>Aaron.</i>	283	<i>Aures purgantia.</i> 302
<i>Ars naturam imitatur.</i>	22	<i>Aues in qua aëris parte vo-</i>
<i>Arcturus.</i>	244	<i>lent.</i> 41
<i>Artis & natura progressus.</i>		<i>Avium temperamentum.</i> ibid.
22.		<i>siccitas.</i> 40
<i>Asclepiadis mors.</i>	212	<i>Aues ignea.</i> ibid.
<i>Astra ignea.</i>	29. in signa fa-	<i>Aues rapaces.</i> 285
<i>cta.</i>	30	<i>Aues infausa.</i> 286
<i>Astrorum creatio.</i>	30. vis.	<i>Auster.</i> 116. & 216
172. distantia.	175	<i>Auster cur calidus.</i> 618
<i>an Astrorum substantia sit</i>		<i>Authoris edita volumina.</i> 6
<i>tenuior cælo.</i>	253	<i>Authoris protestatio.</i> ibid.
<i>Astris nihil cum fortuna.</i>		B
178.		B <i>Alnea quibus interdi-</i>
<i>Astra non necessitant.</i>	ibid.	<i>cta.</i> 142
<i>de Astris praeclara.</i>	252. &	<i>Baptismus abortivorum.</i> 403
<i>seq.</i>		<i>Basiliscus.</i> 342
<i>Astrologia divinatoria quid.</i>		<i>Beatitudo in quo sita.</i> 422
172.		<i>Bezaar lapis.</i> 395
<i>Astrologia iudicaria repre-</i>		<i>Binarium rerum princi-</i>
<i>hensio.</i>	176. & seq.	<i>pium.</i> 398
<i>Astrologia agrorum,</i>		<i>Binarij imperfectio.</i> 104
		Ff 4 80

I N D E X.

<i>Bonum.</i>	46	<i>Callyonimi piscis natura.</i>	
<i>Bonus non invidet.</i>	16	210. & seq. eius forma. ib.	
<i>Borcas.</i>	246	<i>Caligines quæ.</i>	231
<i>Bruta cur præsentiant.</i>	168	<i>Calidum effluuium.</i>	143
<i>Bruta libertate carent.</i>	214	<i>Calidi metaphoricè qui.</i>	436
<i>Bruta quomodo rationabilia.</i>	215. 277	<i>Calor duplex. 144. effellrix causa. 24. vis. 145. differentia. 146. auxilia. ibid.</i>	
<i>Bruta quomodo intelligent.</i>		<i>Color Solis.</i>	26. 44
& seq. & 273. 275. & seq. quo à nostra ratione differant.	276	<i>Color cœlestis. 174. & seq.</i>	
<i>Brutorum anima.</i>	59	<i>Coloris causa tres.</i>	128
<i>Brutorum opera.</i>	79	<i>Caluities.</i>	113. & seq.
		<i>Caluitiei non obnoxij. ibid.</i>	
		<i>Canitiei causa.</i>	331
		<i>duobus modis homo fit Caluus.</i>	114

C

C <i>Abalista. 50. eorum reprehensio.</i>	51	<i>Capparidis virtus. 331. ortus. ibidem.</i>	
<i>Cadmia lapis.</i>	240	<i>Caricarum vires. 200. cataplasma</i>	ibid.
<i>Cebetis de anima sententia</i>	93.	<i>Carmina Phrygia.</i>	147
<i>Cælum & terra facta sunt nō à ipsis se, sed ab alio. 13</i>		<i>Castor. 55. astutia.</i>	ibid.
<i>Cælum quid. 27. quando factum.</i>	28	<i>Castori qui similes.</i>	ibid.
<i>de Cælo multa. 252. & seq.</i>		<i>Causarū genera quinq;.</i>	439
<i>Cælum incorruptibile. 254</i>		<i>Causarū externarum vis.</i>	67
<i>Cæli interitus. 255. 426</i>		<i>Causa prima fecunditas.</i>	15
<i>Cæli motus.</i>	173	<i>Causa procacitætica.</i>	372
<i>Cæli regularitas.</i>	31	<i>Causonis generatio.</i>	303
<i>Cæli & astri differentia.</i>	30	<i>Catacumba Nili.</i>	287
<i>Cæli innovatio.</i>	320	<i>Cathocus.</i>	138
<i>Cælum crystallinum.</i>	29	<i>de Centro.</i>	299
<i>Cernorum industria. 182.</i>		<i>Characteres nihil inferunt morbo nec sanitati.</i>	54
		<i>Colore rubeo cur sanguis mouetur,</i>	

I N D E X.

<i>uetur.</i>	408	<i>Conceptio qua die perfecta.</i>	
<i>Coturnicum natura.</i>	290		97
<i>Coturnicum nocumenta.</i>	<i>ibid.</i>	<i>Concoctio à quo.</i>	24
<i>Coturnicum cibus.</i>	<i>ibid.</i>	<i>Concupiscentia non est pec-</i>	
<i>Coturnices hieroglyphicè</i>		<i>catum.</i>	218
<i>quid.</i>	<i>ibid.</i>	<i>Copernici reprehensio.</i>	305
<i>Chaos.</i>	264	<i>Congressus matutinus.</i>	82
<i>Chaldaeorū reprehensio.</i>	363.	<i>Conservatio rerum.</i>	54
¶ 77		<i>Contagia.</i>	115
<i>Chile.</i>	246	<i>Continui dissimilitas.</i>	10
<i>Chimista.</i>	238	<i>Continens & incontinens</i>	
<i>Chimicus ortus</i>	237	<i>ratio.</i>	432. & seq.
<i>de Chiromantia.</i>	154	<i>Cōtinens & incontinens quid.</i>	
<i>Chiromantia examen.</i>	183.		433
<i>& sequent.</i>		<i>Contagia.</i>	115. & seq.
<i>Chiromantici Astrologis</i>		<i>Contrariis sublatis genera-</i>	
<i>vaniores.</i>	<i>ibid.</i>	<i>tio tollitur.</i>	19. & seq.
<i>sine Cibo quousque vita du-</i>		<i>Contraria que.</i>	393
<i>ret</i>	97	<i>Contrarietas omnis ad unum</i>	
<i>Ciborum differentia.</i>	63. 66	<i>reducitur.</i>	433. & seq.
<i>Cicatrix depilis.</i>	111. <i>rubet.</i>	<i>Conservatio rerum.</i>	54
<i>ibidem.</i>		<i>Cordis motus.</i>	33
<i>de Circulari motu.</i>	304. &	<i>Cor vita radix.</i>	224.
<i>sequent.</i>		<i>Cor primo gignitur.</i>	34
<i>Circuncisio.</i>	96	<i>Ciriza quid.</i>	328
<i>Cynocephalus cur sacrificij</i>		<i>Corpora cœlestia quorsum.</i>	
<i>nota.</i>	96		19
<i>Colochintidos natura.</i>	196.	<i>Corporis partes trina.</i>	396
<i>& sequent.</i>		<i>Corporis frigus.</i>	144
<i>Cogitationis principium.</i>	65	<i>Corporis exsiccatio.</i>	65
<i>Cognoscentis & cogniti si-</i>		<i>Corruptibilia non aterna.</i>	
<i>militudo.</i>	80		9
<i>Cometa 30. Cometa annis.</i>		<i>Corruptibilium cōmunis na-</i>	
<i>46.</i>		<i>tura.</i>	94

I N D E X.

<i>Coruscationes.</i>	319	<i>Damones quas res fugiant.</i>	241.
<i>Corni nidificatio, & de eius pullis multa preclara.</i>	281	<i>Damones quibus alliciantur.</i>	93.
<i>& seq.</i>		<i>Damones quibus fugentur.</i>	95.
<i>Creata sex diebus.</i>	21	<i>de Damonibus.</i>	70. & seq.
<i>Creata an erunt aeterna.</i>	321	<i>de congressu Damonum cum mulieribus.</i>	73
<i>& seq.</i>		<i>quale semen Damonum.</i>	73
<i>Creata duplicia.</i>	397	<i>Dare an beatius quàm acci- pere.</i>	421. & seq.
<i>Creare quid.</i>	16	<i>Deus principium & finis.</i>	436. & seq.
<i>Creare duplex.</i>	ibid.	<i>Deum esse probatur.</i>	291
<i>Cucurbita deserti.</i>	196	<i>de Deo opiniones.</i>	ibid.
<i>Cultura vis.</i>	197	<i>Dei thronus.</i>	40
<i>Cutis vitia.</i>	105	<i>Deus inalterabilis. ibid. po- tentia infinitus. 14. quibus delectari dicatur.</i>	91
<i>causa.</i>	106. & seq.	<i>Deus liberrimè agens.</i>	324
D		<i>Deus quid ante mundum fa- ceret.</i>	15
<i>Damones cur dicantur filij Dei. 69. an mu- lieres ament & congre- diantur.</i>	70. & seq.	<i>Dei nomina.</i>	86
<i>Damones an sint corpori.</i>	91.	<i>Deus causa libera.</i>	32
<i>Damones an generare possint.</i>	71.	<i>Deus indefinibilis. 86. Om- nipotens.</i>	296
<i>Damones nulla voluptate cor- porali fruuntur.</i>	72	<i>Deus omnia eminenter con- tinet.</i>	295. & seq.
<i>Damones quos inuadant. 142 quibus illudant.</i>	ibid.	<i>Dij gentium.</i>	76
<i>Damones Dei Simia.</i>	156	<i>Deleteriorum diuersitas.</i>	406
<i>Damonum responsa.</i>	157	<i>Dentes cur nobiscum non na- scantur.</i>	329
<i>Damones religantur.</i>	224.	<i>Deuinatua.</i>	54
<i>includuntur.</i>	208		
<i>Damones non sentiunt.</i>	92		

Dextri

I N D E X.

Dextri definitio. 39. *perfectio.* 217
Diaphanum quid. 266
de Dieta multa. 361. & seq.
 & 375. & seq.
Diei naturalis partes. 82
Dies decretory. 69
Dies climacterici. 122
Distillandi ratio. 221
Diarrhœa maligna. 202
Dionysius Areopagita. 160
Disciplinarũ adiumenta ex sacris literis. 6
Disciplina qua principes 391
qua ministræ. ibid.
Diuinationum dispositiones. 167.
Diuination non est merè naturalis. 155
de Diuinatione opiniones. 148.
Diuinationum genera. ibid.
Diuination populo Dei interdicitur. 152
de Diuinatione per somnia. 149.
de Diuinatione multa. 148. & seq.
Dolores cur die tertia gravissimi. 85
Draco diruptus. 406
Dualitatis natura. 397. & seq.

E

Ebrietatis ex antiquis commendatio. 134
Efficiens causarum prima. 38
Efficiens æternum. 36
Elegiaci qui. 331
Elementorum confusio. 22
Elementa quādo creata. ibid.
Elementa actu nullibi. 23
Elementorum impuritas. 22
 220.
Elementorum nomina. 22.
motus 23. *diuersitas.* 222
forma. 23
de Elementis. 219. & seq. & 304.
Elementis sublati tollitur mixtio. 19
Elephantia. 105. & seq.
Elephas cur viso colore sanguineo irrisetur. 407. & seq.
Ens & unũ conuertibilia. 12
Entis analogia. 87
Ente qua priora. ibid.
Epidimie causa. 120
Epilepsia 138. *signa, manifestatio.* 140
Epileptici quando magis afficiantur. 573
Epoches. 316
Equi natura. 284
Esse pulchrũ ac perfectũ. 13
Esse ex quibus. 40

Essentia

I N D E X.

<i>Essētia rerū indiuidua.</i>	215	<i>potest.</i>	15
<i>Est dupliciter dicitur.</i>	86	<i>Farina triticea vis.</i>	197
<i>Esthiomenum.</i>	224	<i>Fascinatio.</i>	336. & seq.
<i>Eunuchi.</i>	124	<i>Fatum.</i>	167
<i>Excrementa quando esse debeant copiosa.</i>	110. quid sint.	<i>Fatuorum diuinationes.</i>	167
	230	<i>Febris.</i>	120
<i>Exercitatio post satietatem mala.</i>	377	<i>Fellis vires.</i>	210
<i>Exercitationis utilitas.</i>	376	<i>Fel terra.</i>	196
<i>Exēplar mundi aeternum.</i>	43	<i>Fermentum.</i>	94
<i>Exemplar hominis.</i>	44	<i>Ferri natatio.</i>	197
<i>Existētia sine essentia nulla.</i>	14	<i>Festum Purificationis.</i>	103
<i>Exorcista.</i>	50. eorum vis.	<i>Ficum vires.</i>	200
	138.	<i>Finis omnium Deus.</i>	238
<i>Expiationum inuentio.</i>	140	<i>Firmamentum quid sit.</i>	27
<i>Expurgatio à partu.</i>	100.99	<i>de Fluminibus.</i>	308
<i>Extasis.</i>	168. exempla. ibid.	<i>Flumina aurifera.</i>	238

F

F <i>abularum utilitas.</i>	53	<i>Fontium generatio.</i>	309. & sequent.
<i>Fabule morales.</i>	56	<i>Fontium aestus.</i>	313
<i>Fabula serpentis & incantatoris.</i>	56	<i>Forma nomina.</i>	348
<i>Facies platea corporis.</i>	329	<i>Forma plures in uno.</i>	61. earum esse. ibid.
<i>Facta simul omnia.</i>	20. valde bona.		Animam præcedunt. ibid.
	16		Aetn aut potentia semper.
<i>Facta necessario in principio.</i>	20.19		20
<i>Facultatum sedes.</i>	79. sympathia.	<i>Forma & finis & efficiens idem.</i>	38
	ibid.	<i>Fœtus variatio.</i>	70. & seq.
<i>Fieri ex nihilo, nihil à finito</i>			similitudo. 80. exempla. ibidem.
		<i>Fœtus formationis tempus.</i>	99.

Frigore

I N D E X.

Frigore sublato calor tollitur 19
Frigidi metaphoricè qui. 426
Fulmina. 242
Fulgur. 25
de Fundamentis terra. 256
Furor diuinus. 170 *amatorius.* 344
Fusilium nulla mentio in creatione. 20
Futura nunquam. 64
Futurorum cognitor solus Deus. 156

G

G *Agates lapis.* 338
Galenus delusus. 59. *de incarnatione.* *ibid.*
Galli gallinacei natura. 279
& seq.
Ganges aurifer. 238
Gaudio mortui. 372
Gelu. 244
Gemmarum nulla mentio in creatione. 20
de Gemmis 237
Generatio in quo. 130
Generatio à simili, & dissimili. 17. *qua ad materiã referantur.* *ibid.*
Generationis animalium triplex modus. 17
Generationis pater & ma-

ter. 24
Genita non necesse est interire. 63
Generationis tempus. 76
materia efficiens. 77. *ibid.* & 82.
Generatio ad femora refertur. 85
Generationem antecedit corruptio. 350
Generationes finiendæ. 439
Genealogia Christi. 363. & *sequent.*
Generum per oppositum diuisio. 399
Geomantia. 188
Gigantum ortus. 70
Gigantes cur pessimi. 74
Glaciei consideratio. 270. & *sequent.*
Grandinis generatio. 242
de Grandine. 270. & *seq.*
de Grauitate, & lenitate. 233. & *seq.*

H

H *Armonia cœlestis.* 176. 280.
quadam Herbe nascuntur sine semine. 18
de cœlesti Harmonia contra Pythagoram. 286. & *seq.*
Habitus & natura differentia. 216

Hebraicæ

INDEX.

<i>Hebraicarum vocum usus</i>	sa.	24
<i>in sacris.</i>	50	
<i>Hebdomadarum principium.</i>	122. 31	
<i>Hemitritai curatio.</i>	49	
<i>Hepatis egestio.</i>	203	
<i>Herodius.</i>	283	
<i>Heroes.</i>	70	
<i>Hiene, & ex ea remedia.</i>		
210.		
<i>Hierosolymorum excidium.</i>		
366.		
<i>Hirundinis stercur.</i>	209. &	
<i>seq.</i>		
<i>Homo ex terra.</i>	16	
<i>Homo ex elementis. ibid. cur ultimò creatus.</i>	34. an sola anima. 215. cur natura inert.	52
<i>Hominis ortus quid imitetur.</i>	98	
<i>Hominis & Dei cōtrarietas & similitudo.</i>	212. & seq.	
<i>Hominis differētia propria.</i>		
214.		
<i>Homo ex quo primum.</i>	222	
<i>Hominum communis ortus. ibid.</i>		
<i>Homogeneorum forma in homine.</i>	62	
<i>Honoris gradus in Rep.</i>	390	
<i>Horologia artificia.</i>	31	
<i>Horus Apollo.</i>	96	
<i>Humiditas materialis cau-</i>		
	<i>sa.</i>	24
	<i>Humores quomodo nutriant.</i>	60.
	<i>Humoris crySTALLINI agitatio visum impedit.</i>	140
	<i>Hydromantia.</i>	188
	<i>Hypericon.</i>	142
	<i>Hypocrita pessimi.</i>	436
	I	
	<i>Bicum natura.</i>	282
	<i>Idea.</i>	42
	<i>Idiomatum origo.</i>	52
	<i>Iecur cuius rei symbolū.</i>	95
	<i>Iesu nominis efficacia.</i>	58
	<i>Ignis an sit & quando creatus.</i>	22
	<i>Ignis an sit elementum.</i>	145
	<i>Ignis motus.</i>	23. 26
	<i>Ignis anima mundi. 23. generationis pater. 24. per omnia fusus. ibid.</i>	
	<i>Ignis est spiritus ille incubans aquis. 24. & seq.</i>	
	<i>Ignis unde alimentum capiat. 25</i>	
	<i>Ignis necessitas 25. natura insensibilis. ibid.</i>	
	<i>Ignis usus quādo coeperit. 25</i>	
	<i>Ignis nullibi separatus. 26. & seq. Solem sequitur. 27. 303. quomodo nutriat & urat. ibid.</i>	
	<i>Ignis diuini amoris symbolum. 27. duplex. 49. 144 in</i>	

I N D E X.

<i>in Igne animal non gignitur.</i>	<i>tas.</i>	319
41	<i>Influentia cœlestes.</i>	175
<i>Ignis semper calidus.</i> 63.	<i>Initia rerum tria.</i>	21
<i>aeternus.</i> 64	<i>Insomnia.</i> 162. & seq.	
<i>Ignis usus in sacris.</i> 95. im-	<i>Insufflationis utilitas.</i> 142	
<i>putribilis.</i> 121	<i>Intelligendi modus.</i> 138	
<i>Ignobilia primò creata.</i> 22	<i>Intemperantes</i> 72. eorum vi-	
<i>Ignorantia.</i> 416. & seq.	<i>tia.</i> 424	
<i>Imaginationis vis ad morbos</i>	<i>Intestini ieiuni concretio ex</i>	
<i>tollendos</i> 59. <i>ad forman-</i>	<i>inedia.</i> 97	
<i>dum fœtum.</i> 79	<i>Intestinum cæcum.</i> 396	
<i>Imbres æstate largiores quàm</i>	<i>Ira cur data.</i> 433	
<i>hyeme.</i> 243	<i>Iris semen.</i> 19	
<i>Immortalitatis argumentũ.</i>	<i>de Iride multa</i> 74. & seq.	
67. 277.	402.	
<i>Immunditiei vitanda prae-</i>	<i>quomodo Iris generetur.</i> 75	
<i>cepta.</i> 104	<i>an Iris ante diluvium fuerit.</i>	
<i>Impij cur prosperentur.</i> 297	74.	
<i>Inanimatorum motus.</i> 229	<i>tres Iridis colores quomodo</i>	
<i>Incantationes.</i> 49. 55. & seq.	<i>fiant.</i> 75	
<i>Incubi.</i> 70	<i>Iubilæi consideratio.</i> 121. &	
<i>Incorruptibilia nõ ab æterno.</i>	<i>sequent.</i>	
10. 11. 12.	<i>Iudaorum opinio de sapien-</i>	
<i>Indivisibilitatis perfectio.</i>	<i>tia.</i> 45	
255.	<i>Iurisprudentia & Medi-</i>	
<i>Individuatio.</i> 351	<i>cina comparatio.</i> 389. &	
<i>Infans sine doctore quo idio-</i>	<i>sequent.</i>	
<i>mate loquuturus.</i> 52	<i>de Iustitia eiusque partibus.</i>	
<i>Infantis nutriendi ratio.</i> 412	334.	
<i>Infintiũ in multitudine quo-</i>	<i>Iustitia partes tres.</i> 333	
<i>modo.</i> 10. <i>ætu impossibile.</i>	<i>Iustus nimis quis.</i> 334	
<i>ibid. in successione.</i> <i>ibid.</i>	L	
<i>Infinito nihil maius.</i> 10	L <i>Ac ex quo & quomodo</i>	
<i>Inflammationum maligni-</i>	<i>generetur.</i> 223. & 412	

I N D E X.

<i>Lac fugere quandiu puer debeat.</i>	411.	<i>Luminis consideratio.</i>	265.
<i>Lacrymari quibus lethale signum.</i>	397	<i>& sequent.</i>	
<i>Lamiarum cum Damonibus familiaritas.</i>	72	<i>Luminis definitio.</i>	268
<i>Lapis Lazuli.</i>	238	<i>Lumen gloria.</i>	269
<i>Largitio liberalis.</i>	423	<i>de Luna multa.</i>	368. & seq.
<i>Lasferis ortus.</i>	18	<i>Luna plenitudo.</i>	369
<i>Latini dicunt mundū fuisse creatum, non factum.</i>	13	<i>Luna lumen.</i>	ibid.
<i>Leguminum noxa.</i>	117	<i>Lunæ macula.</i>	32
<i>Leonis natura.</i>	281	<i>Luna hieroglyphicè quid.</i>	371.
<i>Lepra 105. & seq. iudicium.</i>		<i>Lunaticorum consideratio.</i>	368. & seq.
<i>ibid. exploratio. 108. ve-</i>		<i>Lux.</i>	467
<i>stiendi & viuendi ratio.</i>		<i>Lux an omnis à Sole.</i>	33
<i>114. curatio.</i>	198	<i>Lux ante Solem.</i>	31. 33
<i>Lex naturalis quid.</i>	279	<i>Lux causa vita.</i>	33
<i>Lex maris</i>	203	<i>Lucis creatio.</i>	28
<i>Liberalitatis contrariū.</i>	394	<i>Lucis definitio.</i>	265
<i>Liberalitas beatissima.</i>	424	<i>Lucis diuiso.</i>	ibid.
<i>Liberum arbitrium.</i>	65. 214	<i>Lux non est substantia.</i>	266
<i>Libri plumbei.</i>	241	<i>Lux accidēs corporale.</i>	ibid.
<i>Ligna cur supernatent.</i>	26.	<i>Lycanthropia.</i>	138
<i>400.</i>		<i>Lymphatici.</i>	151
<i>de Ligno vita disputatio.</i>	62		
<i>de Ligno à Mose in aquas miso.</i>	88		
<i>Lingua vsus.</i>	51		
<i>Localis motus primus.</i>	173		
<i>Locorum naturalis ordo.</i>	234		
<i>Logos quid.</i>	277		
<i>Loquela inuentio.</i>	52		
<i>Lumen cæleste an causa.</i>	173		

M

<i>M Aiz.</i>	232
<i>Magi Marfi.</i>	58. 55
<i>Magorum confutatio.</i>	51
<i>Magorum princeps Zoroa-</i>	
<i>stres.</i>	50
<i>Magi cibos quosdam cur in-</i>	
<i>terdicant.</i>	ibid.
<i>Mamma consideratio.</i>	288

&

I N D E X

- sequent.*
Manna diuersitas. 289
Mannus consideratio. 188
Mas perfectior foemina. 37
Mare fecundissimum. 24
Maris aestus. 260. & seq.
Mare cur non crescat. 308
 & seq. cur agitur. 311
 motus causa. 262. termi-
 ni. *ibid.* 263
Mare Sodoma. 193
Marcor. 224
Materia prima. 346
Materia immanentia &
desinentia. 349
Materia mera potentia. 14
Materia sine forma nec est,
nec intelligitur. 14
Materia aeterna Platoni &
Pythagora. 8
Materia propter formam.
 7. imperfecta. *ibid.*
Mathematici Italia puls,
 176.
Mathematicorum vitupe-
ratio. *ibid.*
Maturatio. 227
Medicina pars Ethica.
 375.
de Medicina. 378. & seq.
 & 202.
Medicina est necessaria.
 381. varia de Medicina
 opiniones. 379
Medicina & Iurispruden-
ria collatio. 392. & seq.
Medicorum honor. 379
Medicina subiectum & fi-
nis. 388
Medicorum premia. 380
Melancholicorum genera.
 405.
Melancholici cur tristes. 134
Melancholia remedia. 135.
 via. 139. ad animi mor-
 bos translatio. 217
Mellis usus, ortus. 94
Meninx. 332
Mens. 60. cur dicatur ocu-
lus. 414
Menstrua. 76. quibus si-
stantur. 77. fluant. ibid. &
sequenti. & 149. tempus.
 77. malignitas. 341
Mensura quid. 353
Mercurius fures facere cre-
ditur. 179
Metalla quid. 231
Metallorum generatio. 18
de Metallis. 235. & seq.
Metallorum genera. *ibid.*
Metallorum mixtio. 239
Metallorum sol causa effi-
ciens. *ibid.*
Meteorologicorum utilitas.
 250.
Mictu quandiu carere con-
tingat. 332
 G g *Michaelis*

I N D E X

<i>Michaelis Archangeli pi- ctura.</i>	367	<i>speciem.</i>	22
<i>Microscopus.</i>	44	<i>Motus animalium duplex.</i>	61
<i>de Mineralibus multa.</i>	235	<i>Motus difficultas & facili- tas.</i>	
<i>& seq.</i>		<i>Mulier propter virum.</i>	35
<i>Mineralium nomina & ge- nera.</i>	ibid.	<i>38. non ex semine.</i>	39
<i>Miraculorum ratio.</i>	192	<i>Mulier quando concipere desinat.</i>	76. & seq. excre- mentosa. ibid.
<i>Miraculosa curatio.</i>	199	<i>Mundi exordium scire cur omnes cupiant.</i>	8
<i>Monarchia.</i>	364. translatio. 366	<i>de Mundi ortu Philosopho- rum sententia.</i>	8. & seq.
<i>Montium & collium ina- qualitas.</i>	300	<i>Mundus ex rudi materia.</i>	ibidem.
<i>Monstra.</i>	161	<i>Mundi aeterna emanatio.</i>	ibidem.
<i>Morborum aetas.</i>	69. circui- tus. 85. symptomata. 164.	<i>Mundi creatio per revela- tionem habita.</i>	9
<i>curandi ratio contagia.</i>	115. & seq.	<i>Mundus ex nihilo.</i>	14. 20.
<i>Morborum superstitiosa cu- rationes.</i>	48	<i>an totus in instanti.</i>	19. 31
<i>Morbi patrij.</i>	118	<i>aeternus à parte post.</i>	9
<i>Morbi à demonibus quo- modo curandi.</i>	135. & sequent.	<i>Mundi ortus probationes.</i>	9. & sequent.
<i>Morbi divini.</i>	202	<i>Mundum esse ab aeterno cō- tradicit.</i>	31
<i>Morbi ex peccatis nascun- tur.</i>	385	<i>Mundi partes duplices.</i>	9.
<i>Moribundi prophetant.</i>	170		304
<i>Mortis necessitas.</i>	64	<i>Mundi mensura.</i>	257.
<i>Morum differentia unde.</i>	186	<i>Mundi necessaria depen- dencia à quo.</i>	12
<i>Motus contrarij inter qua.</i>	19	<i>Mundi partium diversitas.</i>	42
<i>Motus celeritas non mutat</i>			

Mundi

I N D E X.

<i>Mundi pulchritudo.</i>	257	<i>Necromantia confutatio.</i>	190. & sequent.
<i>Mundus iussione factus.</i>		<i>Necromantia exemplum in</i>	
14. 15. eius perfectio. ibi-		<i>sacris.</i>	153
dem. atates. 12. firmitas.		<i>Necessaria non omnia.</i>	367
227. cur non prius fa-		<i>Neris cuius instructio neta.</i>	332
ctus.	16	<i>Nimbi presagia.</i>	417
<i>Mundus intelligibilis.</i>	45	<i>Nivis generatio.</i>	242
<i>Mundus aternus & fa-</i>		<i>Nympha virginea.</i>	126
<i>ctus.</i>	47	<i>Nomina an effectricia.</i>	48
<i>Mundus enigma dicitur.</i>		<i>Nomina ab Adamo impo-</i>	
314. disputationi datus.		<i>sita.</i>	60
321.		<i>Nominis octavo die impo-</i>	
<i>de Mundi fine egregia.</i>	425	<i>nendi ratio.</i>	67
& sequent.		<i>de Nominum significatione.</i>	
<i>Mundus novus.</i>	430	48. & seq.	
<i>Munditiei vis.</i>	118	<i>Nomina an suis rebus re-</i>	
<i>Musices vis.</i> 135. eius in		<i>spondeant.</i>	48
sacris usus.	170	<i>Non ensentis principium.</i>	
<i>Mutationis multiplicis</i>		181. 14.	
<i>causa.</i>	176	<i>Nubes.</i>	230
N		<i>Nubium numen.</i>	249
<i>Nabuchodonosoris me-</i>		<i>Nubium eleuataru signum.</i>	
<i>tamorphosis.</i>	405	419	
<i>Nabuchodonosoris morbus</i>		<i>Nubis & nebula differen-</i>	
<i>tunc.</i>	406	<i>tia.</i>	230
<i>Nascuntur non sata antiq.</i>		<i>de Numeris & mensuris.</i>	355
<i>opin.</i>	18	<i>Nutritio quorum sit.</i>	64. 65
<i>Natalitia ex mari orta.</i>	41	<i>Nutritionis necessitas.</i>	62
<i>Natura nihil frustra.</i>	21	& sequent.	
<i>Naturalia in scripturis sa-</i>		<i>Nutritio quid.</i>	62. 63
<i>cris & miraculis multa.</i>	6	O	
<i>oto opere.</i>		<i>Oculi natura.</i>	174
<i>Nebula.</i>	230. & seq.	<i>Oculis medentia.</i>	210
<i>Necromantia.</i>	181	<i>Gg 1</i>	<i>Oculo</i>

I N D E X.

<i>Oculorum fabrica.</i>	293	<i>Passiones corporum dupli-</i>	
<i>de Oculis multa.</i>	413	<i>ces.</i>	105
<i>Oculus metaphoricè quid.</i>		<i>Pediculorum generatio.</i>	118
414.		<i>Peccatum.</i>	216. & seq.
<i>Oculorum vires ad mala</i>		<i>Peccatorum medela.</i>	436
<i>inferenda.</i>	343	<i>cognitio.</i>	ibid.
<i>Oculis medentia.</i>	110	<i>Pelei & Theridis conu-</i>	
<i>Oineles ortus.</i>	22	<i>bium.</i>	223
<i>Oliuarum ubertas pradiſta.</i>		<i>Perfectum imperfecta prius.</i>	
181.		37.	
<i>Oleum quomodo noceat aut</i>		<i>Pestis prænunciatio.</i>	161
<i>proſit ulceribus.</i>	620	<i>Pessi mi qui.</i>	436
<i>Operatio à natura & esse.</i>		<i>Phantasmata.</i>	139
12.		<i>Phlegmon.</i>	120
<i>Ophyasís.</i>	113	<i>Philosophia naturale desi-</i>	
<i>Ophthalmia contagium.</i>	343	<i>derium.</i>	315
<i>Orbis regiones.</i>	127	<i>Philosophorum ignorantia</i>	
<i>Orbis torus habitabilis.</i>	128	<i>de ortu mundi.</i>	13
<i>Orchis herba.</i>	339	<i>Philosophorum de mundi exor-</i>	
<i>Ordinis resolutioni utilitas.</i>	8	<i>dio opiniones.</i>	8. & seq.
<i>Organorum consideratio.</i>		<i>Philosophorum secta.</i>	315
180. & seq.		<i>Philonis de hominis creatio-</i>	
<i>Orpheus cubara.</i>	158	<i>ne sententia.</i>	145
P		<i>Physiognomia ars.</i>	185
<i>Pallus nigri usus inter-</i>		<i>Physiognomia consideratio.</i>	
<i>dictus.</i>	142	184. & seq.	
<i>Palyngenesia.</i>	216	<i>Physica cur ignorentur.</i>	319
<i>Pans.</i>	132 & seq.	<i>Physicorum utilitas.</i>	ibid.
<i>Paralysis obnoxi.</i>	332	<i>Phrenitis.</i>	278
<i>Parsimonia utilitas.</i>	375. &	<i>Phthisis duplex.</i>	203
<i>seq.</i>		<i>Pilorum temperamentum.</i>	
<i>Partum iunantia.</i>	283	41. materia.	406
<i>Partus multiplicitas.</i>	110.	<i>Piscium temperamentum.</i>	
& seq.		1242.	
		<i>Piscis</i>	

INDEX.

<i>Pisces an sub terra.</i>	124	<i>Et unum à quo mundus.</i>	13.
<i>Platonis & veritatis de mundi ortu discrimen.</i>	9	<i>Principia rerum tria.</i>	17.
<i>Platonici à demonibus delusi.</i>	72	360	
<i>Plantarum generationis modus triplex.</i>	17	<i>Principium rerum quod optimum.</i>	36
<i>de Plantarum seminibus questio.</i>	ibid.	<i>de libro Problematum Arist. authoris iudicium.</i>	166
<i>Plantis quæ aqua noceant.</i>	194.	<i>Prodigalitatis contrarium.</i>	394
<i>Pluviarum temperamentum.</i>	42	<i>Prodigalitatis & avaritia comparatio.</i>	423
<i>Pluviam quæ prænunciet.</i>	164.	<i>Propheta.</i>	169
<i>Pluviarum consideratio.</i>	228. & seq.	<i>Prophetarum ad vaticinandum præparaciones.</i>	170
<i>Polis mundi.</i>	244	<i>de Providentia multa.</i>	279.
<i>de mundi Polis.</i>	127. & seq.	& sequent.	
244.		<i>Pruina generatio.</i>	242
<i>Portenta.</i>	159. & seq.	<i>Psitacorum regio.</i>	246
<i>Possibile quid.</i>	15	<i>Pueri fascinationi obnoxij.</i>	343
<i>Possibile & necessarium idem in æternis.</i>	ibid.	<i>Puerperarum vacuatio.</i>	102
<i>Potentia prior actui.</i>	58	<i>Puella quinquemestris.</i>	101
<i>Potentia sublata tolluntur omnia.</i>	36	<i>Putei.</i>	248
<i>Potionum genera multis.</i>	132.	<i>Pitæcorum æstus.</i>	373
<i>Potui quæ utantur.</i>	42	<i>Putredine orta.</i>	21
<i>Preficæ.</i>	331	<i>Putrescentia Analoge.</i>	22
<i>Præfensionis ratio.</i>	162. & seq.	<i>Pynites lapis.</i>	240
<i>Primum, æternum simplex.</i>		<i>Pyromantia.</i>	188
		<i>Pythagorica symbola.</i>	95
		<i>Pythagoricorum decimatum examen.</i>	352. & seq.
		<i>Pythagorica harmonia confutatio.</i>	286

I N D E X

Pythoniſſa.

19

Ru. a vis.

339. 142

Q

Quadragenarij numeri
ratio in factu. 98. &
ſequent.

*Qualitates elementorū for-
ma.* 23

*Qualitates aſtina & paſ-
ſina.* 19

*Quantitas diſcreta & nu-
merus idem.* 10

Quaternarij vis. 70

R

Rabiem qua animalia
patiantur. 275

Ratio an brutis. ibid.

Raymundus Lulus. 349

Recidiua malum. 107

Renes minguntur interdum.
203

Repletionis mala. 376

Reſolutio. 220

Reſurrectionis probatio.
429

Reſuſcitatus ab Eliſeo. 194.
& ſequent.

Roma axis clamore ſeruata.
161

*Rubens color ſanguinem
monet.* 408. *feras incitat.*
ibid. & ſequent.

S

Sacri libri cur ſcripti. 5
de Sacris libris anti-
quorum iudicium. ibid.
eorum utilitas. 6

Salicis ſemen. 18

Salis uſus in ſacris. 90. &
ſequent.

Sal cur terris aſpergatur. 192

Sal hieroglyphicè quid. 194

Sal cuius rei ſymbolum. 94

Salis pactum. ibid.

de Sale copioſè. 400. & ſeq.

Salina vis contra venenata.
342

Salsugo. 193

Samuel an verè ſuſcitatus.
190

*Sanguis non eſt pars uiuen-
tis.* 59

Sanguis alimentum eſt. ibid.

*natura frigidus calorem
ſeruat.* ibid.

Sanguine abundantiæ. 76

Sanguinis differentie. 61

*Sanguinis & anima ſympa-
thia.* 61. *contactus.* ibid.

*Sanguinis intuitus quibus
noceat.* 407

Sapiētia ab aeterno. 44. *quid*
278. *quis eius capax.* ib.

Saporum contrarietas. 395

Sata ſterilitas. 76

Sarco

I N D E X

<i>Sarcosis uteri.</i>	126	<i>communio.</i>	326
<i>Satyrion orchis.</i>	338	<i>Sensus custodes corporis.</i>	
<i>Saulis morbus.</i>	143		328
<i>de Scientia opiniones.</i>	318	<i>Sensus an sine motu.</i>	403. &
<i>eius appetitus.</i>	319	<i>sequent.</i>	
<i>Scientia naturalium an ne-</i>		<i>Sensus & motus ab eodem.</i>	
<i>cessaria.</i>	5		404.
<i>Sibile quid.</i>	15	<i>Septenarij ratio in vita.</i>	97
<i>Scire reminisci Platoni.</i>	9		121
<i>Scabies. 107. remedia.</i>	105	<i>Sermo quomodo naturalis.</i>	
<i>Scriptura inuentio.</i>	53		52
<i>Scyphus auguratorius.</i>	158	<i>Sermonis & scriptura com-</i>	
<i>Semen quodammodo omnia.</i>		<i>paratio.</i>	53
80.		<i>Serenitatis presagium.</i>	417.
<i>Seminis differentia.</i>	85. <i>vis</i>	<i>Serpentis astutia.</i>	50
<i>ibidem ex quo & quomodo.</i>		<i>Servi peccatores.</i>	216
223.		<i>Seseli herba.</i>	283
<i>de Semine quid Pythagoras.</i>		<i>Sodoma interitus.</i>	366
35		<i>Socrates.</i>	315
<i>Seminalis vis in lacryma</i>		<i>Siccitas.</i>	40
<i>plantis.</i>	18	<i>Simulatum contrarietas</i>	
<i>Senes calefaciendi ratio.</i>		<i>quomodo ad unum reno-</i>	
144		<i>cetur.</i>	395
<i>Senes cur comprimant labia</i>		<i>Somniorum interpretatio</i>	
<i>introsus.</i>	330		164
<i>Senectutis descriptio, & eius</i>		<i>Somni utilitates.</i>	82
<i>excellens declaratio.</i>	327	<i>Somniabundi.</i>	168
<i>& seq.</i>		<i>Sol cur nō primus creatus.</i>	32
<i>Sensus an sine mente.</i>	274.	<i>Sol an calidus.</i>	129
<i>& sequent.</i>		<i>de Sole multa .129. & seq.</i>	
<i>Sensus ad stellas accommo-</i>			174
<i>dator.</i>	71	<i>Solis lux quousque pertingat</i>	
<i>Sensus est presentium.</i>	279		33
<i>Sensus sensibilis, & organi</i>		<i>Solis accessus & recessus.</i>	
		G g 4	128

I N D E X.

128. circuitiones. 306. &	Su.	96
sequent.	Suum differentia.	ibid.
Sol Beatorum. 33	Sibilla.	151
Solstitia. 128	Sylva ingentis ortus inus-	
Sollicitudo vitanda. 373	tatus.	18
Sophista Egyptij de morte	Syncope.	195
sententia. 96		
Serium consideratio. 161. &	T	
sequent.		
Spado. 124	T Abularum plumbea-	
Specilli quando vitandi. 83	rum usus.	241
Spiritualis substantia crea-	Tagus aurifer.	238
tio. 46	Thaletis predictio.	181
Spiritualium consideratio.	Thimi semen.	18
123. & seq.	Theologia & Iurispruden-	
Spirituum natura. 174	tia comparatio.	391
Spiritus pro dono. 123	Theriaca.	395
Spiritus duplices. 408	Tbliba.	124
Sphera recta & obliqua. 246	Tapsia.	66
Squammarum temperamē-	Temperantia & intemperā-	
tum. 42	tia circa qua 433. & seq.	
Spinalis medulla. 331	Temperies quid & quorum	
Stellarū nomine Angeli. 182	causa.	187
Stella nulla de nona. 32	Temperies multiplex.	317
Stella anni. ibid.	Tempestas.	244
Stranguria. 332	Tempestas à meridie oritur.	
Struthiocameli natura. 283	249.	
Stulti serui. 210	Tempus quid.	30
Substantia quomodo fiat. 16	Tenarcus lapis.	317
Succi quattuor 119. quomodo	Tepidorum natura. 430. &	
nutriant. 60	seq.	
Surdi ex vehementi sonitu.	Tepidi metaphoricè qui. 432	
287	Ternanij profectio.	70
Surdi loqui docti. 53	Terra bases.	258
	Terra	

I N D E X.

<i>Terra magnitudo.</i>	354	<i>bentia.</i>	<i>ibid.</i>
<i>Terra vacuitas.</i>	27.	<i>globus.</i>	<i>Vestium infectio.</i> 116.
124.			<i>putredo.</i> 118.
<i>Terra caua.</i>	30.	<i>solidior in</i>	<i>usu.</i> 143
<i>centro ibid. cur partim</i>		<i>latens, partim detecta.</i>	<i>Via lactea.</i> 32
232.		<i>submergenda tota</i>	<i>Vini ortus.</i> 20
233.		<i>immobilis.</i> 298.	<i>de Vino multa.</i> 132. & seq.
<i>seq.</i>			<i>Vinum cur latificat.</i> 134
<i>cur Terra à mari non obrui-</i>			<i>Vini natura.</i> 133
<i>tur.</i>	259		<i>Vini robur.</i> 145
<i>Terra & aqua consideratio.</i>			<i>Vinum senibus interdicitur.</i>
235. & seq.			145
<i>Terramotus pradiçtus.</i>	161		<i>Vinum ulceribus aptū.</i> 419
<i>Testes.</i>	85		<i>Vir ante fœminā quare.</i> 36
<i>Tonitruu consideratio.</i>	241.		<i>Vir est gloria Dei.</i> 39
<i>& sequent.</i>			<i>Viragines.</i> 77
<i>de Tonitruu causis.</i>	<i>ibid</i>		<i>Virginis exploranda ratio.</i>
<i>Tristitia.</i>	372		125
			<i>Virginis aperienda ratio.</i> 126
			<i>de Virginitate multa.</i> 125.
			<i>& sequent.</i>
			<i>Virtus infinita incommuni-</i>
			<i>cabilis creature.</i> 47
			<i>vera Virtus unde.</i> 416
			<i>Vita quomodo in sāguine.</i> 60
			<i>Vina longitudo.</i> 189.
			<i>produ-</i>
			<i>ctio.</i> 69
			<i>Vitalis facultas in primo</i>
			<i>principio generationis à</i>
			<i>quo.</i> 34. ubi. 61
			<i>Viteligo</i> 105. <i>à lepra diffe-</i>
			<i>rentia.</i> 112
			<i>Vitia duo an vni virtuti</i>
			<i>contraria.</i> 394. & seq.
			<i>Viuentium consumpcio.</i> 63
			<i>G g s</i>
			<i>Ulcerum</i>

INDEX.

<i>Ulcerrū exacerbationis causa</i>	<i>Volatilia aquea.</i>	40. & seq.
& tempus. 84. 85. locus.	<i>Voluntas duplex.</i>	213
111. malignitas. 20. cura- ratio. 200	<i>Voluntatis libertas.</i>	ibid.
<i>Ulcera quid. desiderens. ibid.</i>	<i>Vomitui utilitas.</i>	378
an oleo vngenda. 620.	<i>Vomitum incitantia.</i>	430.
627.	& seq.	
<i>Umi semen.</i>	<i>Urbs intelligibilis. Philonis.</i>	
18	45. 46. eius reprobatio.	
<i>Umbilici & hepatis prima</i>	<i>Uteri gestationis exacta</i>	
formatio. 34	consideratio. 409. & se- quent.	
<i>Unguium materia.</i>	<i>Vulnerrum dolores tertio die</i>	
406	gravissimi. 83	
<i>Unitatis perfectio. 104. 225</i>		
<i>Vacuum significatio.</i>		
54		

FINIS.



SIMILITVDINVM

AC PARABOLARVM QVÆ

IN BIBLIIS EX HERBIS ATQVE

Arboribus desumuntur, dilucida explicatio:

In qua narratione singula loca explanantur,

quibus Prophetæ, obseruatâ stirpium na-

turâ, conciones suas illustrant, diuinâque

oracula fulciunt,

LEVINO LEMNIO,

Sacrarum Literarum studioso,

Auctore.

SMITH & SONS

AND

THE

THE

THE

THE

THE

THE

THE

THE

THE

THE

THE

THE

THE

THE

THE

THE

THE

THE

THE

Paschasij OEnij Heicrucini in Authoris
& operis commendationem
Carmen.

VEntur o quotquot Medicus clarissimus auro
Sacrauit Genium constat habere libros.
Hic tamen imprimis docti suffragia cætus
Promeritus, nullo sine superstes erit.
Res magnas, res difficileis, res denique sacras
Ernit eximium candide lector opus.
Author enim sylvas inter reptando salubres,
Cælestis Sophia largiter hausit aquas.
Quando vel arboribus, vel humi serpentibus herbis
Accessit prisco tempore tantus honos?
Ecquis crediderit sacri tot mystica Verbi,
Clausa sub extremo cortice sensa regi?
Si non assiduo diuina Pallados usu
Lemnius occultas explicuisset opes.
Nullos inuoluet posthac Labyrinthicus error
Flexibus ambiguï, multiplicique via.
Seu per odorato vestitos gramine colles,
Seu per frondosum te innat ire nemus.
Non secus, ac Theseus Ariadnes fila sequutus,
Quò te cunque feres, hoc duce tutus eris.
Si incunda igitur, si queris idonea vita,
Hanc propera in syluam ferre subinde gradum.
Fatidica stirpes, leno quasi Copia cornu,
Pascendis animis pabula lata dabunt.

EXIMIO

EXIMIO SVMMÆQVE

virtutis ac dignitatis Viro D. Thomæ Thieldio, D.
Bernardi in confiniis Antuerpianis ad Schaldam,
Antistiti cum primis reuerendo, Leuinus Lemnius
Medicus Zirizzus sacrarum literarum studiosis
S. P. D.

Quam mihi nuper amplissimè deprecicaret virtutis
tua decus, & mentis præstantiam, Amistis specta-
rissime, Iacobus Susius, vir, præter antiquæ nobilitatis in-
signia, omni disciplinarum genere excultissimus, cæpit
amico animus noster in tui nominis amorem ac veneratio-
nem incitari. Quis enim erga illum non afficiatur, qui in
pacificandis optimatum dissidiis, in dirimendis sopiendis-
que controuersis hereditariis, de fundis, ac suburbanis
prædiis singulari pollet dexteritate ac prudentia? Quis
non unicè illum diligit, veneretur, suspiciat, qui institu-
tis erectisque aliquot palæstris literariis, artes ingenuas ac
liberales disciplinas fouere non desinat? qui rebus tam
exulceratis, tantisque opinionum dissidiis distractis ac di-
uulsis sana consilia adhibere curat, ac propositis præmiis,
doctos quosque ad concionandi munus exstimulare, quo fa-
melica ac dissipata multitudo salutaris doctrinæ pabulo sa-
turetur, mentesque aride ac siticulosa verbi Dei irrigatio-
ne reuiviscant ac resciantur. Nullum profectò excogitari
potest opus, quod plus solida laudis promereatur, & quod
humano generi sit vtilius, magisque frugiferum aut salu-
tare. Quocirca excogitatum est à me argumentum, vir
præstantissime, tuæ dignitati aptum, tuoque tam salutari
instituto accommodum, quo omnibus innotescat laudatissi-
mus tuus iste conatus, ac longè latèque propagetur nominis
tui honos, tuoque exemplo complures ad illustrandam fo-
uendamque

uendamque religionem Christianam, ac sincerum Deū
cultum stabiliendum exstimentur. Eo autem magis gra-
tum acceptumque Amplitudinis tue munusculum hoc lite-
rarium fore confido, quod tale quiddam à nullo hactenus
tractatum sit, ipsaque rei narratio non minus habeat utili-
tatis quàm oblectamenti. Tametsi non defuturos ominor,
qui ubi conspexerint Medicum tractare argumentū Theo-
logicum, confestim exclament, Ne sutor ultra crepidam,
tum id, Quam quisque norit artem, in hac se exerceat.

Quod Medicorum est

Promittunt Medici, tractant fabrilia fabri.

Flor. lib. 1.
epist. 1.

Verum haec voces non sunt tanti, ut ab harum rerum tra-
ctatione non deterreant, quam par sit ut omnes qui Christo
nomen dederunt, ea consecretentur, quae maximè salutaria
sunt, illiusque doctrinam cum primis illustrent. Quod præ-
ter alios spectasse obseruo virum illustrem Ioachimū
Hopperum Iurisconsultum, Hispaniarum Regi Philippo à
consiliis secretioribus, in enarrando Decalogo. Quam-
obrem non decet id mihi fraudi esse, quam sacrosancta re-
ligio à Regibus etiam atque magnatibus (quorum plerique
non semper res prophanas tractant) exculta sit ac popu-
lata, diuinòque afflatu in commentarios redacta. Documen-
to sunt Abrahamus, Isaac, Iacob, Moyses, Dauid, Salomon,
Esdras, à quibus primum proflexit ac dimanavit cultus &
doctrina cœlestis, ac cum scripto, tum viva voce posteris per-
manus tradita. Eo autem minus vellicari, aut arrodi mere-
tur nostra hac lucubratio, quod pro dimidia parte sit pro-
fessionis Medicæ. Siquidem ad Medicum potissimè spectat
herbarum tractatio, eisi qua ex his sumitur Metaphora,
Similitudo, Exemplum, Comparatio, non alienum est ab
eius professione dilucidè ea explinare. Quum autem pro-
fessores sacri minus fere exercitati esse soleant in herba-
rum cognitione, ac vix vulgatas passimque obuias herbas
cognitas, perspectasque habeant, fieri nequit, ut omnia exactè
atque

atque ad amussim perspiciant aut interpretentur, suaque dignitate singula exornent, destituti notitia stirpium, aut minus explorata earum natura. Quocirca boni consulet equus rerum aestimator nostram hanc qualemcumque industriam, cum ea tractem qua magna ex parte ad Medicum spectat, quem natura inuestigatio, cui sedulo incumbit, ad contemplantas etiam res divinas erigit, ad Opificis notitiam eiusque amorem atque admirationem inflammet. Spero autem candidum Lectorem minus alienum futurum erga opusculi huius autorem, ubi eius gustu se expleverit, ac nonnihil fructus ac commodi ex illius lectione conceperit. Hac enim commendatione Genium consequi libri solent, ac plausibiles esse, summamque aviditate a studiosis expeti, praesertim ubi viri alicuius excellentis patrocinio in lucem prodeunt. Qua res hoc apud me effecit, Antistes cumprimis observandasque passus sim hoc nostrum commentariolum tuis auspiciis inique nominis favore in vulgum efferri, multorumque iudicis ac censoris subiici quod unum nonnunquam viros quattor eruditos ad lucubrationum suarum editionem retardare solet ac remorari. Quis est enim ea dicendi peritia imbutus, eaque rerum cognitione instructus, ut censores passim tam rigidos Aristarchos, tam oculatos non pertimescat ac reformidet? aut quis sua scripta omnibus approbare, omnique ex parte calumniam abs se depellere posse confidat? praesertim in argumento quod detegit vitia errorisque hominum qui fere salutaria monita respuunt, eosque ut aut odio prosequuntur, aut vellicant, qui illis ad virtutem, ad decus, ad probitatem, ad sinceram religionem sunt incitamento. Quod ipsum nusquam non deplorat sacri vates in locis qua illustranda suscepi, qui in eo toti sunt, omnemque suam operam atque industriam conferunt, ut cum omnes, cum illos potissimum officii sui commonefaciant qui Ecclesiastico munere funguntur, ac divinis ministeriis sunt addicti, quo subditis absolutum virtutis ac pietatis exemplar exprimaui, summoque stu-

dio emittantur, ac rationem ineant, qua collapsa atque incli-
 nata Religioni medelam adferre queat, eamque erigere at-
 que instaurare. Illorum enim interest ac munus delegatum
 exposci, ut denias balantesque ac dissipatas oves ad Christi
 ouile dirigant, atque ad saluberrima cœlestis doctrina pas-
 cua reducant, ut egenis ac calamitosi, omnique presidio de-
 stitutis subueniant, atque illis aliquid solati, nōnihil subsi-
 dij adferant, ut ingenuos ac bona indolis adolescētes, in qui-
 bus elucet ac se profert aliquod vinida erectaque ac gene-
 rosa mentis indicium, liberalibus disciplinis institui curent,
 quo aliquando Patria vsui sint atque ornamēto: ut virgū-
 culis maturis ac coniugio aptis dotem conferant, ne qua pu-
 dicitiam expugnari contingat, ac publice ut mercenarias
 prostituui. Hac enim ratione obtinebimus ne passim tot existāt
 validi erronei ac grassatores nocturni qui aliena inuadant
 ac deprademur, nec tot contaminata integritatis puella, que
 in lustris ac fornicibus extra legitimam vita societatē, cor-
 poris sui visum omnibus promiscue concedunt. Quod de-
 decus fœdæque vita consuetudo, ne inter Christianos ino-
 lescheret, in fragile millum sexum in sua beneficia ac munifi-
 centiam liberaliter contulerunt veteres illi Ecclesia proce-
 res, qui quod ceteris virtute morumque integritate praluce-
 rent, ac subditorum vsibus commodisque sedulo prospice-
 rent, Episcopi, Præsules, Antistites vocabantur, atque a pa-
 terno pioque affectu ac propensione in gregem sua fidei ac
 tutela commissum, Abbates ac Cœnobiarcha; sic ut digni-
 tati & honori sollicitudo & cura cōiuncta esset. Consopiebāt
 illi tumultus ac dissidia que in magnū Reipublica detrimē-
 tum erant euasura, refarserunt laceratam ac diuulsam ci-
 uium ac popularium concordiam, omniaque reddiderūt trā-
 quilla ac pacata: mitigabant Regum ac Principum irri-
 atos animos, qui sinistris parumque auspiciatis nonnullorū
 consiliis inflammati, graniora quā pro aequitate, onera sub-
 ditis inferre meditabantur. Quale exemplum editum est in
 Roboam Salomonis filio, qui cum in paternam hereditatem

H h

scitus

atque ad amissim perspiciant aut interpretentur,
 dignitate singula exornent, destituti notitia stirpium,
 nus explorata earum natura. Quocirca boni consule-
 rerum aestimator nostram hanc qualemcumque ind-
 cum ea tractem qua magna ex parte ad Medicum
 quem natura inuestigatio, cui sedulo incumbit, ad-
 plandas etiam res divinas erigit, ad Opificis notitia
 que amorem atque admirationem inflammet. Spero
 candidum Lectorem minus alienum futurum erga
 li huius autorem, ubi eius gustu se expleverit, ac
 fructus ac commodi ex illius lectione conceperit. Ha-
 commendatione Genium consequi libri solent, ac p-
 les esse, summaque aviditate a studiosis expeti, pr-
 ubi viri alicuius excellentis patrocinio in lucem pr-
 Que res hoc apud me effecit, Antistes cum primis ob-
 de, ut passus sim hoc nostrum commentariolum tuis a-
 tuique nominis favore in vulgus efferri, multorumq-
 ciis ac censuris subiici, quod unum nonnunquam vi-
 tibus eruditos ad lucubrationum suarum editionem
 dare solet ac remorari. Quis est enim ea dicendi per-
 buus, eaque rerum cognitione instructus, ut censo-
 sim tam rigidos Aristarchos, tam oculatos non per-
 ac reformideat? aut quis sua scripta omnibus approb-
 nique ex parte calumniam abs se depellere posse co-
 praesertim in argumento quod detegit vitiat erroris
 minum qui fere salutaria monita respuunt, eosq- ue
 prosequuntur, aut vellicant, qui illis ad virtutem, ac
 ad probitatem, ad sinceram religionem sunt incu-
 Quod ipsum nusquam non deplorat sacri vates iis b-
 illustranda suscepit, qui in eo toti sunt, omnēque suam
 atque industriā conferunt, ut cum omnes, cum illos p-
 officij sui commonefaciat qui Ecclesiastico munere p-
 rur, ac divinis ministeriis sunt addicti, quo subditis
 ,um virtutis ac pietatis exemplar exprimaunt, summa

dio eritantur, ac rationem ineant, qua collapsa atque inclinata Religioni medelam adferre queat, eamque erigere atque instaurare. Illorum enim interest ac munus delegatum exposcit, ut deuias balantesque ac dissipatas ones ad Christi onile dirigant, atque ad saluberrima celestis doctrina pascua reducant, ut egenis ac calamitosi, omnique presidio destituti subueniant, atque illis aliquid solatii, nonnihil subsidij adferant, ut ingenuos ac bona indolis adolescētes, in quibus elucet ac se profert aliquod uinida erectaque ac generosa mentis indicium, liberalibus disciplinis institui curent, quo aliquando Patria vsui sint atque ornamēto: ut uirgūculis maturis ac coniugio aptis dotem conferant, ne qua pudicitiam expugnari contingat, ac publice ut mercenarias prostitui. Hac enim ratione obtinebimus ne passim tot existat ualidi erronei ac grassatores nocturni qui aliena inuadant ac depredentur, nec tot contaminata integritatis puella, qua in lustris ac fornicibus extra legitimam uitae societatem, corporis sui visum omnibus promiscue concedunt. Quod dedecus foedaeque uitae consuetudo, ne inter Christianos inolescere, in fragile millum sexum in sua beneficia ac munificentiam liberaliter contulerunt ueteres illi Ecclesia proceres, qui quod ceteris uirtute morumque integritate praeuicerent, ac subditorum vsibus commodisque sedulo prospicerent, Episcopi, Praesules, Antistites vocabantur, atque a paterno pioque affectu ac propensione in gregem suae fidei ac tutela commissum, Abbates ac Cœnobiarchae; sic ut dignitati & honori sollicitudo & cura cōiuncta esset. Consopiebat illi tumultus ac dissidia quae in magnū Reipublicae detrimentum erant euasura, refarserunt laceratam ac diuulsam ciuium ac popularium concordiam, omniaque reddiderūt tranquillam ac pacatam: mitigabant Regum ac Principum irritatos animos, qui sinistris parumque auspiciatis nonnullorū consiliis inflammatis, graviora quàm pro aequitate, onera subditis inferre meditabantur. Quale exemplum editum est in Roboam Salomonis filio, qui cum in paternam hereditatem

scilicet atque inauguratus imperio, iuuenum potius
senum consilio acquiesceret, florentissimum regnum
diuulsum alienauit. His ac plerisque aliis præclaris
tibus enitueret veteris Ecclesia ministri, atque iis
simum exercuerunt in quibus situs est præcipuus C
tis fructus, totiusque pietatis ac religionis summa co
ut Iacobus Apostolus palam testatur. Nam erige
rosa palatia, magnisque sumptibus extruere portic
uimenta, xystos, ambulacra, peristylia, conuiuari lau
magnifico splendidoque ferculorum apparatu, aut
exquisito cultu opes profundere, subleuandis tenuiori
stinatas, alienum prorsus esse decet ab illorum con
natura, moribus, quorum professio atque institutum
litate ac moderatum rerum usum exigit, ab omni
pompa, fastu, ambitione, strepitu, aliaque mundan
tatione remotum. Hac vir humanissime libere qui
amanter ac sincero affectu à me amplificata sunt, et
rique exstimulentur, ut Spartam suam exornent, su
minam aut talentum auctione conduplicent, illi, i
qui in clarissima luce hominum versantur, ac veli
tius orbis theatro constituti omnium ora atque oculi
conuertunt. Sic enim futurum confido, ut qui nunc
rum animos abs se habent auersos atque alienatos,
gna veneratione ac reuerentia deuotos deuinctosque
riantur. Est enim virtus vitæque integritas fauor
neuolentia, totiusque humana societatis conciliatore
de re cum nuper in amicissimo tuo secessu serio si
losophi, præsentis clarissimo ac Senatorij ordinis
colao de Voöcht Iurisperitissimo, ac multa ultra
agitata sint, non visum est opera pretium diutius
gumento inherere. Deus Opt. Max. cui, Christi
vota precesque nostras deferimus, te diu nobis serue
mem. ac tuos conatus promoueat, magnæque incre
progressus conferat. Zirizaa ex Museo nostro Non
Anno M. D. LXVI.

*Amplissimos Reges ac sacratissimos vates
herbarum cognitione exactè fuisse imbutas,
desumpta ab iis tot Metaphora ac Parabola
declariant, quæ hic spectanda exhiben-
tur.*

CAPUT I.

PRÆSTANTISSIMOS Reges ac magnanimos illustresque He-
roas in ipso etiam armorum strepitu tumultuque bellico,
studiosè olim excoluisse rem Herbariam, ac stirpium co-
gnitione cum primis fuisse delectatos præter veterum historias,
Bibulorum codices abundè testantur. Cum enim harum rerum
inuestigatio, amœnissima varietate exornata sit, nec minus
habeat utilitatis, quàm oblectamenti, non visum est Regum
amplitudini, nec imperatoris maiestati indecorum, huiusmo-
di occupationibus distineri, præsertim ubi ab urgentissimis ne-
gotiis, ac functionibus publicis respirare, atque aliquid sibi la-
xamenti impetrare licuit. Hac enim cum animi, cum corpo-
ris cultura non minùs celebris facta est illorum memoria, non
minùs illustratus nominis splendor & magnificentia quàm
rebus aliis præclare gestis, aut hostibus vel subactis, vel ad in-
terneccionem deletis. Sic Mithridates Ponti, atque vnde viginti
regnum Rex propter eximiam herbarum notitiam, & singu-
lare antidoton contra venena morbosque omnes contagiosos
præsentaneum, illius nomine insignitum immortale nomen
est consequutus. Lyfimachus Eupator, Gentis Illyricorum rex
Artemisia Mausoli Carie regis vxor, multique alij præter bel-
li gloriam, herbarum cognitione illustres sunt. Marcus Cu-
rius Imperator Romanus post deuictum Pyrrhum Epirotharum
regem, Lucius Cincinnatus, Marcus Valerius Corvinus plan-
tarum amœnitate allecti procul à strepitu & ambitione civili
ruri consenuerunt. Salomon verò regum amplissimus, qui præ-
ter immensas opes eam consecutus est à Deo Opt. Max. sa-
pientiam, ac rerum cognitionem, ut nullus regum illi sit com-
parandus, in herbarum notitia mirificè exultus, exactèque
versatus legitur, ac disseruisse non solum de piscibus, alitibus,
quadrupedibus, astris, sed de arboribus etià & stirpibus à cedro

Reges
herbarum
cultores.

Libani vsque ad Hyssopum qui egreditur è pariete, hoc è minutissima herba ad procertimas, cellissimásque arbore que, omnia habuisse cognita & explorata. Sunt præter Simonem proceres aliquot vatesque Hebræi, qui passim ciniis suis herbarum nomina effectusque intersejunt comparationes ex iis mutuuntur. Cum enim stirpes aliæ rebus adhiberi soleant, ac nonnullæ alimenti vñum præ aliæ medicamenti, pleræque vñumque, nonnullæ noxiæ si naturæ infestæ, aliæ salutare morbisque expugnandis ac modæ: ex iis Prophetæ appositissimas similitudines, scitæ & concinnas cõparationes desumunt, quibus conciones conant, ac fidem narrationi adstruunt. Cum autem multa si humanioribus disciplinis ac politioribus literis, totaq; philosophia humana quæ hominum animos affatim oblectat, totumque mentes exemplis ac morum integritate imbuunt cum nulla ad hæc perficienda maiorem vim atque efficacia obtinet, quam ea quæ sacri vates quorum nemo non diuinitus afflatus, concionibus adhibent, adeò ut quiuis vel in naturalibus operibus vel diuinis contemplationibus mediocriter exarsatus, facile perspexerit, quàm non sit sterilis & ieiunarium narratio, quàm non prorsus infecunda illorum denarratio, sed utilis, salutaris, fructuosa. Si quidem scriptura à cœlesti parte diuini Spiritus afflata promanans, mentem suauissimo pabulo pastuque saluari reficit. Quod ipsum David rex indicat, desumpta peramœna similitudine viridante floridoque prato ac saluberrimis aquis, quibus menta maximè pinguescunt & saginantur. *Dominus regis meum nihil mihi deerit in loco pascu ubi me constituit, super aquas repositum.* Sic cū sibi gratularetur ac plauderet, quod Dei munus diuidenda hæreditate, vberissima pecora, solumque ac fœcundum sortitus esset, *Funes, inquit, ceciderunt in præclaris.* Solebant enim olim funibus extentis metiri ius suosque limites cuique assignare ac partiti præta: quod nos nunc decempeđa perficitur. Huius generis cū innu exempla in veteri nouoque instrumento se proferant, non solum in vulgari vitæ vsu & consuetudine, sed ex natura quæ nihil non suppedirat, deprompta: opertæ pretium vñ est ista eruere, atque auido lectori spectanda exhibere. Illi innotescat, quantus scientiæ ac sapientiæ thesaurus repositus sit in arcanis literis quæ non tam dulcia, quam salubria hominibus proferunt. Nec sanè quisquam ex vllis Philosophorum aut Rhetorum Poetarumque scriptis tam vberem copiosam doctrinæ frugem, tam salutare animæ pabulum

pabulum est percipiturus, quam ex vberissimo atque inexhausto diuinitatis fonte, illorumque oraculis quæ diuino adflatu sunt prodita. Quod si cui libeat attentè considerare atque intimè excutere diuina eloquia, quantæque vñ sint sapientia, qui tam salutaria documenta nobis prodiderunt, mentemque ac voluntatem Dei mortalibus indicant, dilucide perspecturus est, quid diuina prophanis præstent, & quàm sint res æternæ ac solidæ caducis ac momentaneis præstantiores. Sacros verò vates præter exactam diuinitatis cognitionem in naturæ rebus exquisitè versatos, nec vllius disciplinæ fuisse rudes, vel illud argumento est, quòd ex intimis atque arcanis naturæ similitudines & comparationes desumant, denique ab animantibus, herbis, arboribus, elementis, igni, terra, aquis, aëre, fluminibus, riuulis, fontibus, cisternis, Oceano, altris, geminis, lapidibus, à fulmine, pluuiâ, rore, æstu, frigore, statibus, grandine, nix, gelu, glaciæ à saris & semente, à sale, à fermento, à fæcena, verruculo, nassi, retibus, ab humoribus qui corpori humano subsunt, vel ab eo promanant, sanguine, lacte, semine, menstruis, à pariente & partu, à scoria, fetore, auro, argento, aliisque innumertis Tropos ac figuratas eloquutiones, Metaphoras, seu translationes, parabolas, collationes, exempla, Schemata, hoc est, ornamenta verborum & sententiarum, & quæ quasi aliquo gestu orationem illustrent, narrationibus suis accommodant, quibus multum lucis atque intelligentiæ, plurimū dignitatis ac splendoris concionibus adferunt, mentesque ac animos socordes atque oscitantes, sui que oblitos ad veritatis cognitionem incitant atque inflammant: improbos adducta ex iis rebus similitudine, à maleficiis deterret, atque ad virtutem, ad solidam felicitatem, ad Dei merum & fiduciam extimulant, illisque, quæ adhibita industria, diuinitatis noticiam insigunt: probos verò & qui vitæ integritatem conseruant, stabiliunt, utque persisterent atque in suscepto negotio persistant, sedulo exhortantur: obiter, quod & Paulus præcipit, inordinatos, intractabiles, incompósitos officij sui commonefaciunt, ac salubri placidâque monitione increpant: pusillanimos, & morientes solantur, imbecilles ac labantes fulciunt, collapsos erigunt, lenitate & clementia vtuntur erga omnes, lenti ad itam, ad vindictam ac violentiam tardi, medentur in xra Esaiæ ac Christi vaticinium contritis fractisque mentibus atque animis deiectis, morientibus, afflictis salutarem medelam adhibent: prædicant captiuis remissionem & indulgentiam, obsecratis visum: ita ut diuinæ lucis efficiantur capaces, calamitosi solatium,

Sacra prophanis potiora.

Propheta omnium rerum cognitione instructi.

Deus blâdimentis allicie
1. Thess. 5.

Esaiæ 61.
Luc. 4.

H h ; vincis

vinctis ac diaboli tyrannide oppressis relaxationem ac lib-
tem; eaque omnia elegantissimis parabolis & collationib
suis passim scriptis perficiunt. Cùm autem nemo non Pro-
phetarum, inter quos multi regia maiestate existunt, haru-
rum specimen exhibeat, atque etiam Iesus Christus, qui
eius nomine apostolicæ legationis munere funguntur, in
dem doctrinæ genere versentur, operæ præteritum me factu-
sum arbitratus, si obiter commonstrem quanta sit eru-
quàm recondita sapientia, quæ rerum cognitio ac naturæ
uestigatio, quantus ardor propagandæ religionis, atque es-
sa omni superstitione & idololatria proferendi cultus diui-
iis hominibus qui diuino spiritu cœlestique afflatu imbuti
salutaria non prodiderunt, accita ad orationis decus & e-
mentum vniuersa rerum natura: quod ipsum patefacere
meditor.

*De conditione & natura Mandragora, qua
Lia sorore eblandita est Rachel.*

C A P V T II.

Gen. i.

Mandra-
goræ duæ
species.

INter herbas virentes ac floridas, quantum innumeras na-
lac rerum omnium conditor Deus in vsum hominum è
ra produxit, Mandragora non infimum locum obtinet
prorsus ignobilis est. Cuius cùm in sacris Bibiliis exten-
tio atque in deliciis habita sit in edendique vsum experta
hac instituti argumenti sumetur exordium. Constituu-
huius stirpis duæ species: quarum vna est foliis lactuæ æ
lis, sed angustioribus, saturati vmbrosique viroris. Pomu-
rò emergit è centro imoque stirpis medietullio, quod herb-
stylo incumbit, auellanz nucis, nonnunquam iuglandis
castanz magnitudine. Hæc species forminz nomine infi-
tur. Mas verò speciosa magnaue foliorum amplitudin-
pompa luxuriat, lacteo vitore perpolita. Pomum verò q-
ex passis patulisque quaquauersum foliis è media stirpe
dit orbiculatum ac circinatæ rotunditatis, oui gallinace
tello aut luteo prorsus affine est, odore, non sine gra-
quadam soporata, iucundo, radice crassa, pilosaque
bifida, atque in humanæ coxendicis aut cruris formam
furcata. Qua occasione circumforanei quidam impostore
hi

huius & brioniz radice imagunculas confingunt humana specie, atque utrumque sexum emolliuntur, ac credulæ turbæ persuadent ea forma ac specie è terra enatas. Nonnulli seriò prædicant vitalem fuisse, subterraneum hunc sortum, atque ex locis quibusdam funestis eruisse, quibus supplicio affici solent fontes ac facinorosi, qua persuasione rudi atque imperitæ plebi imponunt, atque huiusmodi impostura argento illos emungunt. Belgæ Mandragoræ poma *Deslappelen* vocant, quo nomine & radicem designant, quod mentem amatorio quodam fascino in errorem pertrahant, & quodam modo incantent. Huius pomi fuisse auidam Rachaelem, summoque eius desiderio occuparam sacri codices referunt. Cum enim triticeæ messis tempore Ruben in rus digressus Liæ matri attulisset Mandragoras, Rachel sterilis ac sororiz fecunditatis æmula, eas sibi concedi offerrique postulauit. Liæ exasperata importuna interpellatione, poma illi denegauit: tandem sopita altercatione hac lege ac conditione res transacta est, ut Liæ subsequente nocte mariti concubitu frueretur (nam id alternis vicibus, duabus sororibus vni marito dedicatis perfici solet) Rachel verò potiretur Mandragoris, quas ea mente atque animi intentione à sorore eblandita creditur, quo amabili ac gratioso cum patriarcha Iacobo congressu, esu illius pomi; conceptui effici posset idonea. Cum enim inuidia in sororem permota sterilitatis probrum à se depellere atque amoliri euperet, exposulauit cum marito, quod sterilis degeret, cum soror numerosa prole ferax esset & fecunda. Iacobus indignatus se perfunctum maritali munere profiteretur, ipsumque ne culpam posse nec ignauiz argui, exterum fecunditatem ac conceptum Dei donum esse, illiusque arbitrio negotium istud perfici. Cæterum an Mandragora fecrificandi vim mulieribus conferat, atque vtero retinendi seminis efficaciam concilier, in dubium vocari posset. Cum enim soporifero effectui prædicta sit, & impensè frigida, hæc qualitas ad tale quiddam præstandum prorsus inefficax censei solet & inidonea. Quod tamen ita dilui posse video, ut in frigidis humidisque regionibus, atque in vtero humecto & algido tale quiddam perficere nequeat, sed in torrido æstuantique & exusto. Sic in Africa, Hispania, Iudæa, Mauritania, Numidia, Ægypto, in quibus ferè regionibus mulieres adustos arentesque habent vteros ac feruidos, tum squalidos ac strigosos: non incommode hoc pomum adhiberi posse crediderim. Si quidem eius esu corpus ad temperiem reduci posse existimo, cum post am-

Pomum
Mandragoræ blâ-
dimentum
amoris
Gen. 3.

plexum & congressum maritalem soluto in somnum corpore, vterus retinendi vim feminis asciscat, nec id in fumos ac fuliginem evanescat, vt in calido atque æstuante vtero assoler, in quo vtriusque semina minùs coalescunt aut vniuntur, sublata omni posteritatis spe. quod multis vsu venisse obseruavi etiam in Belgica, quæ ob plus satis calidam vteri intemperiem effortæ extiterunt, tametsi mariti sedulo illis suam operam præstarent, suòque officio alacriter fungerentur: quin & viri ex frequenti illorum concubitu aliquando pudendarum partiù vitia contrahunt à fæluginosa atque acri mordacique vligine, quæ genitali vitus infert ac contagione inficit. Huiusmodi mulieribus quæ fere sunt indomitæ libidinis ob ignitos vrentesque locos, poma Mandragoræ inoffensè, imò magno commodo exhiberi possunt, cum pepones, cucumeres, cucurbitæ, melones, portulaca, lactuca, solanum, aliæque refrigerantia, quibus intensus ille feruor ac vitiosa vteri qualitas retunditur, & quò minus concumbenti deleteria sit, cohibetur. Scio equidem multa esse stirpium genera apud Belgas & Septentrioni obuersas regiones, quibus cum subit noxia vis & perniciofa, valerudinem deteriorem efficiunt ac depopulantur, nisi illorum effectus in destruenda naturæ temperie coerceatur. Sic omnes herbæ quæ frigida qualitate imbutæ sunt, pipere, zinzibere, & grano paradisi, quod nonnulli inter species cardamomi statuunt, conduntur, quibus refrenatur illarum malitia, & obtunditur hebescitque ferocia. Sic fungi, boleti, tubera, aliæque excrementa terræ Italici ac Trausalpinis innoxia sunt: Cisalpinis verò ac Belgis nocentissima ac venenata, nisi condimentis caloricis mitigetur venenosa illorum qualitas, adde quòd in calidis regionibus, quæque Sole affatim illustrantur, & incallescunt, omnia melius maturescunt, quæ vis efficit vt illa ferula vt pote libidinis incitamenta à delicatis ac ganeonibus in deliciis habita, atque in excitandæ tēgiginis vsum expetita. minus incommodi corporibus inferant. Cæterum Mandragoram odoris fragiaria ac suauitate recreasse olim Hebræos, Epithalamium siue Canticum Salomonis indicat, sic vt existimem in Iudæa illam in ratione expetitam ac manibus contractari solitam, quòd suauis quodam odore imbuta sit non sine vi somnifica & soporosa, quæ lassos & languidos recreat: vt ferè esse solent qui amoribus deliti sunt, aut aliquem depereunt tanquam amatorio philtro incantari. Mihi verò quid de Mandragora accidit, obiter enarrabo. Cum autem æstiuis mensibus (nam eo tempore poma Mandragoræ se proferunt) semel at-

De Man-
drago: æ
pomo hi
loria.

quæ

que iterum in museo nostro amabilem ac speciosum eius stirpis fructum negligenter collocassem, ita somnolentus sum effectus, ut ægrè sopor excuti posset. Cum autem obnixè oblectarer somnolentiæ, illamque excussisse conarer, ægrè id obtinui, nec rationem tanti veterini inire potui: tandem cum quaquaversum dimouissim oculos, obrulit se à tergo pomum *Mandragoræ*, quo amoto atque in alium locum translato, factus sum alacrior, atque torporem depuli, omnemque oscitantiam discussi. Cæterum ab hoc suauolenti miræque odorato pomo quod gratiam fauoremque gestanti apud amasium conciliat, sponsus caprat occasionem expatiandi. Cum enim vernis æstiuisque mensibus omnia frondeant ac nitescant, ac *Mandragora* stirpesque aliæ odorem suauiter in auras diffundant, Sponsam extra limen & conclauē euocat, quò relicta urbe ruri atque in suburbanis prædiis se oblectet, ac tot passim florentibus herbis & arboribus, nardo, viola, liliis, malo punica, *Mandragotis*, ipsaque florescente vite se reficiat. Cum autem singula quæ è terra emergunt verno tempore frondescant, ac florum cum amœnitate, tum fragrantia hominibus blandiantur, tum ipsa vitis præ cæteris fragrantissimum odorem expirat, ac naribus suaves halitus effundit: profert hæc sub finem veris flosculum minutum & stellarum festucis ramentisque orbiculatis obsitum, vel lichen, vulgo *vluea*, colore subspiceo aut flauescente, eximieque suauitatis, quò in asterisci formam deciduo, confestim specimen racemorum exhibetur. Odor huius flosculi cerebrum & cor mirificè recreat, sic ut mihi gratissimum sit florescente vite sub vinea pergulata ac pampinis concamerata fornice ac testudine prandium cœnamque absolueret, aut cum æqualibus eruditis fabulis temporis tedium fallere. Huius autem flosculi odor, tanti effectus prædicatur, ut venenatas bestias abigat, adeò ut serpentes, colubri, bufones hunc perferre nequeant, sed remotissimè ab eo se subducant. ergo circa florescentem vitem non solum salubris est & peramœna ambulatio, sed etiam secuta & rura: licet enim in herbido thoro ac viridante gramine decumbere, ac sub arbore patulis diffusa ramis opacum frigus caprare, atque æstium propulsare, vel apricatione solis radiis incalescere & illustrari, nullo metu aut trepidatione serpentium qui aliquando latenter in herba delitescunt, atque improuisè obrepunt, hominibusque terrorem incutiunt. Dum autem sponsus (quo nomine Christus à Ioanne Baptista designatur, qui erga suam Sponsam nempe Ecclesiam, cœtumque illi fidentiam

atque ad amussim perspiciant aut interpretentur, suæque dignitate singula exornent, destituti notitia stirpium, aut minus explorata carum natura. Quocirca boni consulet equus rerum aestimator nostram hanc qualemcunque industriam, cum ea tractem quæ magna ex parte ad Medicum spectat, quem natura inuestigatio, cui sedulo incumbit, ad contemplan-
 das etiam res divinas erigit, ad Opificis notitiam eiusque amorem atque admirationem inflammet. Spero autem candidum Lectorem minus alienum futurum erga opusculi huius autorem, ubi eius gustu se expleverit, ac nonnihil fructus ac commodi ex illius lectione conceperit. Hac enim commendatione Genium consequi libri solent, ac plausibiles esse, summæque aviditate à studiosis expeti, præsertim ubi viri alicuius excellentis patrocinio in lucem prodeunt. Quæ res hoc apud me effecit, Antistes cumprimis observanda, ut passus sim hoc nostrum commentariolum tuis auspiciis et ique nominis favore in vulgus efferri, multorumque iudiciis ac censuris subijci, quod unum nonnunquam viros quâ-
 tibet eruditos ad lucubrationum suarum editionem retardare solet ac remorari. Quis est enim ea dicendi peritia imbutus, eaque rerum cognitione instructus, ut censores passim tam rigidos Aristarchos, tam oculatos non pertimescat ac reformideat? aut quis sua scripta omnibus approbare, omnique ex parte calumniam abs se depellere posse confidat? præsertim in argumento quod detegit vitias errorisque hominum qui ferè salutaria monita respiciunt, eosque ne aut odio prosequuntur, aut vellicant, qui illis ad virtutem, ad decus, ad probitatem, ad sinceram religionem sunt incitamento. Quod ipsum nusquam non deplorat sacri vates in locis quæ illustranda suscepi, qui in eo toti sunt, omnemque suam operam atque industriam conferunt, ut cum omnes, cum illos potissime officij sui commonesciant qui Ecclesiastico munere funguntur, ac divinis ministeriis sunt addicti, quo subditis absolutum, virtutis ac pietatis exemplar expriment, summoque stu-
 di

dio emittantur, ac rationem ineant, quæ collapsa atque incli-
nata Religioni medelam adferre queat, eamque erigere at-
que instaurare. Illorum enim interest ac munus delegatum
exposcit, ut denias balantesque ac dissipatas oves ad Christi
ouile dirigant, atque ad saluberrima cœlestis doctrina pas-
cua reducant, ut egenis ac calamitosi, omnique præsidio de-
stitutis subueniant, atque illis aliquid solati, non nihil subsi-
dij adferant, ut ingenuos ac bonæ indolis adolēscētes, in qui-
bus elucet ac se profert aliquod viuida erectaque ac gene-
rosa mentis indicium, liberalibus disciplinis institui curent,
quo aliquando Patria vsui sint atque ornamēto: ut virgū-
culis maturis ac coniugio æpris doctem conferant, ne qua pu-
dicitiam expugnari contingat, ac publice ut mercenarias
prostituui. Hac enim ratione obtinebimus ne passim tot existēt
validi erronei ac grassatores nocturni qui aliena inuadant
ac deprademur, nec tot contaminata integritatis puella, quæ
in lustris ac fornicibus extra legitimam vitæ societāē, cor-
poris sui visum omnibus promiscue concedunt. Quod de-
decus fœdæque vitæ consuetudo ne inter Christianos ino-
lesceret, in fragile millum sexum in sua beneficia ac munifi-
centiam liberaliter contulerunt veteres illi Ecclesia proce-
res, qui quod ceteris virtute morumque integritate præluce-
rent, ac subditorum vsibus commodisque sedulo prospice-
rent, Episcopi, Præsules, Antistites vocabantur, atque à pa-
terno pioque affectu ac propensione in gregem suæ fidei ac
tutela commissum, Abbates ac Cœnobiarcha; sic ut digni-
tati & honori sollicitudo & cura cōiuncta esset. Consopiebāt
illi tumultus ac dissidia quæ in magnū Reipublicæ detrimē-
tum erant euasura, refarserunt laceratam ac diuulsam ci-
uium ac popularium concordiam, omniaque reddiderūt trā-
quilla ac pacata: mitigabant Regum ac Principum irri-
tatos animos, qui sinistris parumque auspiciis nonnullorū
consiliis inflammati, grauiora quàm pro æquitate, onera sub-
ditis inferre meditabantur. Quale exemplum editum est in
Roboam Salomonis filio, qui cum in paternam hereditatem

scitius atque inauguratus imperio, iuuenum potius quam senum consilio acquiesceret, florentissimum regnum abs se diuulsum alienauit. His ac plerisque aliis præclaris virtutibus enitueret veteris Ecclesie ministri, atque iis se potissimum exercuerunt in quibus situs est præcipuus Charitatis fructus, totiusque pietatis ac religionis summa consistit, ut Iacobus Apostolus palam testatur. Nam erigere operosa palatia, magnisque sumptibus extruere porticus, pauimenta, xystos, ambulacra, peristylia, conuiuari lautius, ac magnifico splendidoque ferculorum apparatu, aut denique exquisito cultu opes profundere, sublenâdis tenuioribus destinatas, alienum prorsus esse decet ab illorum conditione, natura, moribus, quorum professio atque institutum frugalitatem ac moderatum rerum usum exigit, ab omni luxu, pompa, fastu, ambitione, strepitu, aliaque mundana ostentatione remotum. Hac vir humanissime libere quidem, ac amanter ac sincero affectu à me amplificata sunt, quò plerique exstimulentur, ut Spartam suam exornent, suamque minam aut talentum auctione conduplicent, illi, inquam, qui in clarissima luce hominum versantur, ac velut in totius orbis theatro constituti omnium ora atque oculos in se conuertunt. Sic enim futurum confido, ut qui nunc multorum animos abs se habent auersos atque alienatos, sibi magna veneratione ac reuerentia deuotos deuinctosque experiantur. Est enim virtus vitæque integritas fauoris ac beneuolentia, totiusque humana societatis conciliatrix. Quæ de re cum nuper in amœnissimo tuo secessu serio simus philosophari, præsentem clarissimo ac Senatorij ordinis viro Nicolao de Voocht Iurisperitissimo, ac multa ultrò citroque agitata sint, non visum est opera pretium diutius hæc argumento inharere. Deus Opt. Max. cui, Christi fiducia, vota precesque nostras deferimus, te diu nobis seruet incolumem, ac tuos conatus promoueat, magnæque incrementa ac progressus conferat. Zirizaa ex Museo nostro Nonis Maij, Anno M. D. LXVI.

*Amplissimos Reges ac sacratissimos vates
herbarum cognitione exactè fuisse imbutas,
desumpta ab iis tot Metaphora ac Parabola
declariant, qua hic spectanda exhiben-
tur.*

CAPUT I.

PRestatissimos Reges ac magnanimos illustres que He-
roas in ipso etiam armotù strepitu tumultuque bellico,
studiosè olim excoluisse rem Herbariam, ac stitpiù co-
gnitione cum primis fuisse delectatos præter veterù historias,
Bibiliorum codices abundè testantur. Cum enim harum rerum
inuestigatio, amœnissima varietate exornata sit, nec minus
habeat vtilitatis, quàm oblectamenti, non visum est Regum
amplitudini, nec imperatoriz maiestati indecorum, huiusmo-
di occupationibus distineri, præsertim vbi ab vrgentissimis ne-
gotiis, ac functionibus publicis respirare, atque aliquid sibi la-
xamenti impetrare licuit. Hac enim cum animi, cum corporis
cultura non minùs celebris facta est illorum memoria, non
minùs illustratus nominis splendor & magnificentia quàm
rebus aliis præclare gestis, aut hostibus vel subactis, vel ad in-
terneccionem deletis. Sic Mithridates Ponti, atque vndeiginti
regnum Rex propter eximiam herbarum notitiam, & singu-
lare antidoton contra venena morbosque omnes contagiosos
præsentaneum, illius nomine insignitum immortale nomen
est consequutus. Lysimachus Eupator, Gentis Illyricorum rex
Artemisia Mausoli Cariz regis vxor, multique alij præter bel-
li gloriam, herbarum cognitione illustres sunt. Marcus Cu-
rius Imperator Romanus post deuictum Pyrrhum Epirotharù
regem, Lucius Cincinnatus, Marcus Valerius Coruinus plan-
tarum amœnitate allekti procul à strepitu & ambitione ciuili
ruri consenuerunt. Salomon verò regum amplissimus, qui præ-
ter immensas opes eam consecutus est à Deo Opt. Max. sa-
pientiam, ac rerum cognitionem, vt nullus regum illi sit com-
parandus, in herbarum notitia mirificè excultus, exactèque
versatus legitur, ac disseruisse non solum de piscibus, alitibus,
quadrupedibus, aëtris, sed de arboribus etià & stirpibus à cedro

Reges
herbarum
cultores.

Libani usque ad Hysopum qui egreditur è pariete, hoc est, à minutissima herba ad procerrimas, cellissimasque arbores usque, omnia habuisse cognita & explorata. Sunt præter Salomonem procera aliquot vatesque Hebræi, qui passim vaticiniis suis herbarum nomina effectusque interserunt, ac comparationes ex iis mutantur. Cum enim stirpes aliæ aliis rebus adhiberi soleant, ac nonnullæ alimenti vsum præbeant, aliæ medicamenti, pleræque utrumque, nonnullæ noxiæ sint ac naturæ infestæ, aliæ salutare morbisque expugnandis accommodæ: ex iis Prophetæ appositis similitudines, scitæque & concinnas cōparationes desumunt, quibus conciones exornant, ac fidem narrationi adstruunt. Cum autem multa sint in humanioribus disciplinis ac politioribus literis, totæque philosophia humana quæ hominum animos affatim oblectant, illorumque mentes exemplis ac morum integritate imbuunt, cum nulla ad hæc perficienda maiorem vim atque efficaciam obtinet, quam ea quæ sacri vates quorum nemo non diuinitus afflatus, concionibus adhibent, aded ut quivis vel in naturæ operibus vel diuinis contemplationibus mediocriter exercitatus, facili perspexerit, quàm non sit sterilis & ieiuna illorum narratio, quàm non sit proflus infecunda illorum doctrina, sed utilis, salutaris, fructuosa. Si quidem scriptura sacra à cœlesti parte diuini Spiritus afflatu promanans, mentes hominum suavissimo pabulo pastuque salutare reficit. Quod ipsum David rex indicat, desumpta peramœna similitudine à viridante floridoque prato ac saluberrimis aquis, quibus armenta maximè pinguescunt & saginantur. *Dominus regit me nihil mihi deerit in loco pascu. ubi me constituit, super aquas refectio- nis.* Sic cū sibi gratularetur ac plauderet, quod Dei munere in diuidenda hæreditate, vberima pecora, solumque ac fundum maximè fecundum sortitus esset. *Funes, inquit, ceciderunt mihi in præclaris.* Solebant enim olim sunibus extentis meriri iugera, suosque limites cuique assignare ac partiri prata: quod apud nos nunc decempea perficitur. Huius generis cū innumera exempla in veteri nouoque instrumento se proferant, non solum in vulgari vitæ usu & consuetudine, sed ex natura rerum quæ nihil non suppeditat, deprompta: operæ pretium visum est ista eruere, atque auido lectori spectanda exhibere, quo illi innotescat, quantus scientiæ ac sapientiæ thesaurus reconditus sit in arcanis literis quæ non tam dulcia, quàm salutaria hominibus proferunt. Nec sanè quisquam ex vllis Philosophorum aut Rhetorum Poetarumque scriptis tam vberem & copiosam doctrinæ frugem, tam salutare animæ mentisque pabulum

pabulum est percepturus, quam ex vberissimo atque inexhausto diuinitatis fonte, illorumque oraculis quæ diuino adflatu sunt prodita. Quod si cui libeat attentè considerare atque intimè excutere diuina eloquia, quantàque vñ sint sapientia, qui tam salutaria documenta nobis prodiderunt, mentemque ac voluntatem Dei mentalibus indicant, dilucide perspècturus est, quid diuina prophætis præstent, & quàm sint res æternæ ac solidæ caducis ac momentaneis præstantiores. Sacros verò vates præter exactam diuinitatis cognitionem in naturæ rebus exquisitæ versatos, nec vllius disciplinæ fuisse rudes, vel illud argumento est, quòd ex intimis atque arcanis naturæ similitudinibus & comparationes desumant, denique ab animantibus, herbis, arboribus, elementis, igni, terra, aquis, aëre, fluminibus, riuiis, fontibus, cisternis, Oceano, astris, geminis, lapidibus, à fulmine, pluuiis, rore, æstu, frigore, flatibus, grandine, nix, gelu, glacie à faris & semente, à sale, à fermento, à sagena, verticillo, nassa, retibus, ab humoribus qui corpori humano subsunt, vel ab eo promanant, sanguine, lacte, semine, menstruis, à pariente & partu, à scoria, ferro, auro, argento, aliisque innumeris Tropos ac figuratas eloquutiones. Metaphoras, seu translationes, parabolas, collationes, exempla, Schemata, hoc est, ornamenta verborum & sententiarum, & quæ quasi aliquo gestu orationem illustrent, narrationibus suis accommodant, quibus multum lucis atque intelligentiæ, plurimū dignitatis ac splendoris concionibus adferunt, mentesque ac animos socordes atque oscitantes, suisque oblitos ad veritatis cognitionem incitant atque inflammant: improbos adducta ex iis rebus similitudine, à maleficiis deterret, atque ad virtutem, ad solidam felicitatem, ad Dei metum & fiduciam extimulant, illisque, omni adhibita industria, diuinitatis notitiam infigunt: probos verò & qui vitæ integritatem, consecrantur, stabiliunt, utque persenerent atque in suscepto negotio persisterent, sedulò exhorrantur: obiter, quod & Paulus præcipit, inordinatos, intractabiles, incompósitos officij sui commonefaciunt, ac salubri placidâque monitione increpant: pusillanimos, & mœtētes solantur, imbecilles ac labantes fulciunt, collapsos erigunt, lenitate & clementia vtuntur erga omnes, leni ad iram, ad vindictam ac violentiam tardi, medentur in xra Esaiæ ac Christi vaticinium contritis fractisque mentibus atque animis deiectis, mœtibus, afflictis salutarem medelam adhibent: prædicant captiuis remissionem & indulgentiam, obsecrant visum: ita vt diuinæ lucis efficiantur capaces, calamitosi solatium,

Sacra prophætis potiora.

Propheta omnium rerū cognitione instructi.

Deus blâdimentis allicit 1. Thess. 5.

Esaiæ 61. Luc. 4.

vinctis ac diaboli tyrannide oppressis relaxationem ac libertatem; eaque omnia elegantissimis parabolis & collationibus in suis passim scriptis perficiunt. Cum autem nemo non Prophetarum, inter quos multi regia maiestate existunt, harum rerum specimen exhibeat, atque etiam Iesus Christus, quique eius nomine apostolicæ legationis munere funguntur, in eodem doctrinæ genere versentur, operæ pretium me facturum sum arbitratus, si obiter commonstrem quanta sis eruditio, quam recondita sapientia, quæ rerum cognitio ac naturæ inuestigatio, quantus ardor propagandæ religionis, atque expulsa omni superstitione & idololatria proferendi cultus diuini in iis hominibus qui diuino spiritu celestique afflatu imbuti tam salutaria non prodiderunt, accita ad orationis decus & ornamentum vniuersa rerum natura: quod ipsum patefacere iam meditor.

*De conditione & natura Mandragora, quam à
Lia sorore eblandita est Rachel.*

C A P V T II.

Gen. I.

Mandragora
duæ
species.

INter herbas virentes ac floridas, quantum innumeras naturæ ac rerum omnium conditor Deus in vsum hominum è terra produxit, Mandragora non infimum locum obtinet, nec prorsus ignobilis est. Cuius cum in sacris Bibiliis extet mentio atque in deliciis habita sit in edendique vsum experta: de hac instituti argumenti sumetur exordium. Constituuntur huius stirpis duæ species: quarum vna est foliis lactucæ æmulis, sed angustioribus, saturati vmbrosique viroris. Pomum verò emergit è centro imoque stirpis medietullio, quod herbaceo stylo incumbit, auellanae nuci, nonnunquam iuglandis aut castaneæ magnitudine. Hæc species feminæ nomine insignitur. Mas verò speciosa magnaue foliorum amplitudine ac pompa luxuriat, lacteo vitore perpolita. Pomum verò quod ex passis patulisque quaquaversum foliis è media stirpe prodit orbiculatum ac circinatæ rotunditatis, oui gallinacii vitello aut luteo prorsus affine est, odore, non sine granitate quadam soporata, iucundo, radice crassa, pilosæque ac bifida, atque in humanæ coxendicis aut cruris formam bifurcata. Qua occasione circumforanei quidam impostores ex huius

huius & brioniz radice imagunculas confingunt humana specie, atque utrumque sexum emolliuntur, ac credulæ turbæ persuadent ea forma ac specie è terra enatas. Nonnulli seriò prædicant vitalem fuisse, subterraneum hunc sortum, atque ex locis quibusdam funestis eruisse, quibus supplicio affici solent fontes ac facinorosi, qua persuasione rudi atque imperitæ plebi imponunt, atque huiusmodi impostura argenteo illos emungunt. Belgæ Mandragoræ poma *Declappelen* vocant, quo nomine & radicem designant, quod mentem amatorio quodam fascino in errorem pertrahant, & quodam modo incantent. Huius pomi fuisse auidam Rachaelem, summòque eius desiderio occupatam sacri codices referunt. Cùm enim triticeæ messis tempore Ruben in rus digressus Liæ matri attulisset Mandragoras, Rachel sterilis ac sororiz fecunditatis æmula, eas sibi concedi offerrique postulauit. Liæ exasperata importuna interpellatione, poma illi denegauit: tandem sopita altercatione hac lege ac conditione res transacta est, ut Liæ subsequente nocte mariti concubitu frueretur (nam id alternis vicibus, duabus sororibus vni marito dedicatis perfici solet) Rachel verò potiretur Mandragoris, quas ea mente atque animi intentione à sorore eblandita creditur, quo amabili ac gratioso cum patriarcha Iacobo congressu, esu illius pomi; conceptui effici posset idonea. Cùm enim inuidia in sororem permora sterilitatis probrū à se depellere atque amoliri cuperet, exposulauit cum marito, quod sterilis degeret, cum soror numerosa prole ferax esset & fecunda. Iacobus indignatus se perfunctum maritali munere profiteretur, ipsumque ne culpam posse nec ignauiz argui. cæterum fecunditatem ac conceptum Dei donum esse, illiusque arbitrio negotium istud perfici. Cæterum an Mandragora sacrificandi vim mulieribus conferat, atque vtero retinendi seminis efficaciam conciliet, in dubium vocari posset. Cùm enim soporifero effectu prædita sit, & impensè frigida, hæc qualitas ad tale quiddam præstandum prorsus inefficax censei solet & inidonea. Quod tamen ita dilui posse video, ut in frigidis humidisque regionibus, atque in vtero humecto & algido tale quiddam perficere nequeat, sed in torrido æstuantique & exusto. Sic in Africa, Hispania, Iudæa, Mauritania, Numidia, Ægypto, in quibus ferè regionibus mulieres adustos arosesque habent vteros ac feruidos, tum squalidos ac strigosos: non incommodè hoc pomum adhiberi posse crediderim. Si quidem eius esu corpus ad temperiem reduci posse existimo, cùm post am-

Pomum
Mandragoræ blâ-
dimentum
amoris
Gen. 3.

plexum & congressum maritalem soluto in somnum corpore, vterus retinendi vim seminis asciscat, nec id in fumos ac fuliginem euanescat, vt in calido atque æstuante vtero assoler, in quo vtriusque semina minùs coalescunt aut vniuntur, sublata omni posteritatis spe. quod multis vsu venisse obseruari etiam in Belgica, quæ ob plus satis calidam vteri intemperiem effortæ extiterunt, tametsi mariti sedulo illis suam operam præstarent, subque officio alacriter fungerentur: quin & viri ex frequenti illorum concubitu aliquando pudendarum partiù vitia contrahunt à fæluginosa atque acri mordacique vligine, quæ genitali vitus infert ac contagione inficit. Huiusmodi mulieribus quæ fere sunt indomitæ libidinis ob ignitos vrentesque locos, poma Mandragoræ inoffensè, imò magno commodo exhiberi possunt, cum pepones, cucumeres, cucurbitæ, melones, portulaca, lactuca, solanum, aliæque refrigerantia, quibus intensus ille feruor ac vitiosa vteri qualitas retunditur, & quò minus concumbenti deleteria sit, cohibetur. Scio equidem multa esse stirpium genera apud Belgas & Septentrioni obuersas regiones, quibus cum subsit noxia vis & perniciosi, valerudinem deteriorem efficiunt ac depopulantur, nisi illorum effectus in destruenda naturæ temperie coerceatur. Sic omnes herbæ quæ frigida qualitate imbutæ sunt, pipere, zinzibere, & grano paradisi, quod nonnulli inter species cardamomi statuunt, conduntur, quibus refrenatur illarum malitia, & obtunditur hebescitque ferocia. Sic fungi, boleti, tubera, aliæque excrementa terræ Italici ac Trausalpinis innoxia sunt: Cisalpinis verò ac Belgis nocentissima ac venenata, nisi condimentis caloricis mitigetur venenosa illorum qualitas, adde quòd in calidis regionibus, quæque Sole affatim illustrantur, & incallescunt, omnia melius maturescunt, quæ vis efficit vt illa ferula vt pote libidinis incitamenta à delicatis ac ganeonibus in deliciis habita, atque in excitandæ tēgiginis vsum expetita, minus incommodi corporibus inferant. Cæterum Mandragoram odoris fragrantia ac suauitate recreasse olim Hebræus, Epithalamium siue Canticum Salomonis indicat, sic vt existimem in Iudæa illam in ratione expetitam ac manibus contractari solitam, quòd suauis quodam odore imbuta sit non sine vi somnifica & soporosa, quæ lassos & languidos recreat: vt ferè esse solent qui amoribus dediti sunt, aut aliquem depereunt tanquam amatorio philtro incantari. Mihi verò quid de Mandragora accidit, obiter enarrabo. Cum autem æstiuis mensibus (nam eo tempore poma Mandragoræ se proferunt) semel at-

De Man-
drago: x
pomo hi
Eoria.

que

que iterum in museo nostro amabilem ac speciosum eius stirpis fructum negligenter collocassem, ita somnolentus sum effectus, ut ægrè sopor excuti posset. Cum autem obnixè oblectarer somnolentiæ, illamque excussisse conarer, ægrè id obtinui, nec rationem tanti veterini inire potui: tandem cum quaquaversum dimouissem oculos, obtulit se à tergo pomum *Mandragoræ*, quo amoto atque in alium locum translato, factus sum alacrior, atque torporem depuli, omnemque oscitantiam discussi. Cæterum ab hoc suaviolenti miræque odorato pomo quod gratiam favoremque gestanti apud amasium conciliat, sponsus caprat occasionem expatiandi. Cum enim vernis æstivisque mensibus omnia frondeant ac nitescant, ac *Mandragora* stirpesque aliæ odorem suaviter in auras diffundant, Sponsam extra limen & conclaue evocat, quod relicta vrbe ruri atque in suburbanis prædiis se oblectet, ac tot passim florentibus herbis & arboribus, nardo, viola, liliis, malo punica, *Mandragoris*, ipsaque florescente vite se reficiat. Cum autem singula quæ è terra emergunt verno tempore frondescant, ac florum cum amœnitate, tum fragrantia homini blandiantur, tum ipsa vitis præ cæteris fragrantissimum odorem exspirat, ac naribus suaves halitus effundit: profert hæc sub finem veris flosculum minutum & stellarum festucis ramentisque orbicularis oblitum, vel lichen, vulgo vinea, colore subspecteo aut flavescente, eximieque suavitatis, quò in asterisci formam deciduo, confestim specimen racemorum exhibetur. Odor huius flosculi cerebrum & cor mirificè recreat, sic ut mihi gratissimum sit florescente vite sub vinea pergulata ac pampinis concamerata fornice ac testudine prandium cœnamque absolvere, aut cum æqualibus erudiis fabulis temporis tedium fallere. Huius autem flosculi odor, tanti effectus prædicatur, ut venenatas bestias abigat, adeò ut serpentes, colubri, bufones hunc perferre nequeant; sed remotissimè ab eo se subducant. ergo circa florescentem vitem non solum salubris est & peramœna ambulatio, sed etiam secunda & tuta: licet enim in herbido thoro ac viridante gramine decumbere, ac sub arbore patulis diffusa ramis opacum frigus caprare, atque æstum propulsare, vel apricatione solis radiis incalescere & illustrari, nullo metu aut trepidatione serpentum qui aliquando latenter in herba delitescunt, atque improvise obrepunt, hominique terrorem incutiunt. Dum autem sponsus (quo nomine Christus à Iohanne Baptista designatur, qui erga suam Sponsam nempe Ecclesiam, cœtumque illi fidentium

vnice afficitur) nusquam non speciem, & venustatem decoremque Sponsæ amplifcet, atque è diuerso Sponsa mutua compensatione illi paria faciat ac vices repēdat, quidquid præclarum est, & admiratione dignum in natura vniuersi, cælo, sideribus, montibus, syluis, nemoribus, campis, herbis, flosculis, ex quibus suavis odor emanat, arboribus quæ non minùs salubres quàm spectabiles & speciosos fructus proferunt, vino generoso ac saporis eximij quod ex lectissima vite exprimitur: huc vterque congerit, ac similitudines appositissimas pro vtriusque dignitate producit. Sic nardo Sponsus comparatur, herbæ cum primis odoratæ, fasciculo myrrhæ, botro aut vuz Cypriæ ex generosissima vite decerpæ. Sponsus verò amicaui lilio comparat ob eximium candorem atque odorem suauissimum, adeo vt si pedissequa & quibus stipari solet, Sponsæ conferantur, spinæ sint nulla specie, nulla formæ dignitate commendabiles, hoc est, & puellæ quæ illam comitantur velut hybridæ parumque ingenuæ, nihil habent amabile aut speciosum, nihil spectabile, aut vlla gratiosa venustate visendum. Huiusmodi metaphoris ac figuratis elocutionibus scater non solum hoc canticum, sed tota passim Scriptura sacra, ita vt amplissimus se campus aperiat, quo studiosus lector possit oblectari, tota mente ac cogitatione à naturæ præstantia, in Opificis admirationem erecta. Sumuntur in hoc Cantico elegantissimæ similitudines ab iis rebus, quæ syncopi atque animi deliquio collapso erigunt, ac spiritus sopitos labantefque instaurant: vt sunt vinum odoriferum, fasciculi manuales & olfactoriola ex redolentibus herbis conciunnata ac congesta. Sic sponsa cum lanquescit ac iam defæctura videtur immodico sponsi amore, puellari clientelæ imperat vt aliquid fomēti adferant, vt odorata quæque naribus admoveant: *Fulcite me, inquit, malis, sustentate odoribus ne deficiam.* Sic enim nostrates, defectu animi periclitantibus, cinamonum, cariophyllos, acetum, sambucinum, poma, citria, & quæ sub eodem genere comprehensa limones dicuntur, myrtum, saluicam, aliâque odorifera exhibent, quibus passim Scriptura vtitur, ac salutarem doctrinam designat, quæ mentes languidas refocillet ac reficit.

Cant. 3.

*De manna cœlitus delapsa, tum
ea quæ Medicis in
usu est.*

C A P V T III.

QUOD Hebræi in vasta illa ac striculis solitudine Manna Exod. 16.
pasti sunt, non prorsus naturali causæ adscribi potest, sed Deur. 8.
Diuinæ potentia, quæ tamen naturæ vsa sit ministerio, ut etiã
coturnicibus, gregatim in castra delatis, aut cum percussa pe- Num. 2.
tra, refocillando populo aqua profueret, lignoque aqua amara Psal. 77.
dulcesceret, tum etiam cum Eari violentissimo flatu rubrum Exod. 15.
mare exiccatum transitum Hebræis patefaceret, ad internecio- Exod. 17.
nem deletis insequentibus. Similis est ratio de farina multipli- Num. 20.
cata & adaueto oleo Helizæ & Helisæi precibus, de coruo illi Exod. 14.
adferente panem & carnes: quod etiam de Antonio & Paulo 3. Reg. 7.
Heremita refertur de Angelo ministrante Helizæ panem subci-
nericeum & aquæ poculum, quibus corroboratus quadraginta
dierum ac noctium iter emensus peruenit ad montem Dei Ho-
reb; in cuius spelunca totus erat à Iesabelis tyrannide, quæ
omnes prophetas in mortem crudeliter venabatur. Hæc atque
alia admiranda quæ passim in sacro codice memorantur, Deus
iussu nutuque suo perficere potuisset nulla adhibita materia,
sed tamen uti voluit rerum naturalium (quarum ipse effector
est & moderator) adminiculo ac velut instrumento, eaque ra-
tione suis prospicere visum, atque afflictis mentibus solariã
adferre. Quod etiam in Ezechia moribundo ac Dei sententia Ezech. 38.
morti destinato obseruari potest, cuius apostema, admoto ca-
taplasmate ex sicubus contusis quæ maturandi facultate pol-
lent, ad sanitatem perductum est: quò argumento declaratur, Ioan. 9.
morbis vrgentibus, non respuenda medicamentorum præsidia, Marci 7.
sed ea, implorata Dei ope, alacriter adhibenda, quibus vita in Matth. 9.
aliquot annos producit. Eodẽ vsus est medendi modo Chris- Mar. 10.
tus in dispellenda cæcitate mendici, confecto collyrio ex luto Lucæ 18.
& salua, eaque abluta exterfaque in piscina Siloë. Similiter in
discutienda surditate, digitos in aures inseruit, immissoque in
linguam spuito, loquelam muto restituit. Cuius generis mira-
cula aliàs solo tactu, aut verbo peregit, ab iis tantũ stipulatus
impe-

Num. 2.

Heaut.
scena 5.
actu 3.

impetrandi fiduciam, quam cum inter alios clamorus ille cæcus Bartimæus inter turbæ fremitus tellaretur, confestim nullo adhibito visibili externoque signo, visum recepit. Cum autem Deus pro immensa erga genus humanum bonitate ac fauore, multis magnisque rebus munificentiâ suam declararet, tum præcipuè inauditis stupendisque miraculis mirandam potentiam patefacit: quod inter innumera Manna demonstrat tam affluenter ex aëre in terram effusum, ut numerosissimam multitudinem satiaret. Dum enim fremeret confusa multitudo sexcentorum milium, Deosque ac Moli obitreperet, quod ex Ægypto in tam vastam solitudinem perducti media conficerentur, Deus vespere incredibilem conturnicum vim & copiam in castra coëgit, manè autem ros vndique diffusus est per castra, solique planiciem, cumque operuisset superficiem terræ, apparuit in solitudine minutum quiddam, rotundū, tenue, perinde ac si pruina esset constrata humi, similitudine seminis coriandri, specie bdellij, gustu saporeque similaginis, melle confectæ. Cum autem tam subita innovatio, atque insolita rerum facies admirationi esset turbulento populo, ac nonnullis stuporem incuteret, plerisque (ut quidam opinantur) contemptum & irrisum adferret, *Manna*, inquiunt, quid est hoc? Similis est illa Chremetis ironia & subannario tu Clitiphonem filium personatæ atque ementitæ probitatis. Sed ipse egreditur quàm senerus: rem cum videas, censeas. Cæterum Manna quæ medicis in usu est, calida & humida abcessu primo, huic non procul dissimilis est, colligitur enim in calidis regionibus aëreum roscidūque mel, quod æstivis mensibus, feruescente interdiu Sole, nocturno frigore in grummos coit, atque in ramenta conglobatur ex defluxu rotulenti humoris ac madore aereo omnibusque passim arboribus, herbis, lapidibus incumbit mellita ista colore flavescente, quæ singula agitata sacchari more liquefit, ac palatum faucisque dulcedine imbuit: quo fit ut gulæ & faucium asperitatem leniat. Verum cum illi subsist medicamentosa quædam facultas, saccharo minus alit: ventrem autem ut cassia fistularis & Cylindracea emollit, sed paulò clementius, quocirca rutò impubetibus seniculis, prægnantibus, pueris exhiberi potest, vnciæ pondere, observata cuiusque natura ac corporis constitutione. Manna autem vel melli aerei nomine insignitur, quoniam ex halitu ac vapore terræ, calore Solis sublato, ex aere defluit, atque æstivæ noctes frigore concreta plantis insidet ea propemodum forma ac saporis dulcedine, qua in Bibliis Manna describitur, cuius esu multis annis pasti sunt Israelitæ, ita ut assiduo eius

vfu

usu nauseam illis pareret, ac Dei donum fastidirent. Exemi ego aliquando vulgare hoc maunæ genus aut roscidum mel ex plantarum foliis, cum autelucanis horis Academiæ Louanienfis pomœria egressus, perquirendis herbis essem occupatus, desinente potissimum vere, aëre tranquillo ac placido, nullisque ventis incitato. Diuenditur autem adulterinum mel aëreum ex Sena incrustata saccharo confecta: verum vbi id ore volutum liquefcit, proditur dolus. colligunt quidem nonnulli circa aluearia, illaque loca in quibus apes mellificant ac frueum confingunt, excrementa quædam stauescente colore, sapore melleo, quæ nonnulli existimant ex aëreo concretu coaluisse: cum nihil aliud sint, quam excrementiceus liquor & salina quæ à vespis fucis & culicibus prodit. Si quidem insecta apum laboribus insidiantur, & mel exsugunt: quod obseruantes apes in illa insiliunt, ac turmatim conficiunt: quod indicat Virg.

A dulcer
Magna.

Geor. L. 4.

*Prima fauis ponunt fundamina: deinde tenaces
Suspendunt ceras: alia spem gentis adultos
Educunt fœtus, alia purissima mella
Stripant, & liquido distendunt nectare cellas.
Aut onera accipiunt venientum, aut agmine facto
Ignauum fucos pecus à præsepibus arcent.*

AE n. l. 4.

De Lactuca syluestri.

C A P V T IV.

Cum Deus pro inexhausta sua bonitate erga homines afficiatur, omnibus modis illorum commodis prospicit ac salutem inuigilat, suamque munificentiam cumulate illis impendit, non aliud pro eam obuia ac benigna promptaque liberalitate ac gratuitis muneribus exigit, quam summum amorem ac venerationem solidamque fiduciam, qua illi innotitur, atque indubitatam certamque spem concipimus de eius promissis. Commonefacit Deus sedulo oscitante, ac socordes sui officij, suaque beneficia subinde illis in mentem reuocat, ne vel excidere contingat, vel obliuione obrui: atque huius rei causas certos ritus ac statas solennesque ceremonias instituit, non solum in veteri lege, in qua omnia de Christo eiusque regno typis adûbrata sunt, sed etiam in Euangelio in quo promissa exhibita sunt,

Exod. 12.
Num. 9.

Sacramē-
ta in quē
vsum ex-
hibita.
Baptismi
effectus.

sunt, atque omnia ad vnicum vsque apicem, vt Christus ex-
pirans testatus est, consummata peractaque. Sic signis quibus-
dā, certisque symbolis ac sacramentis quæ sub sensum cadunt
& reconciliationem testificatur. Siquidem Baptismus signacu-
lum fidei, ac primus in Ecclesiam aditus, Circumcisione, ac
maris rubri transitu abumbratus nos Deo consecrat; eoque
illi inferimur. In agni verò Paschalis esum surrogata est Sy-
naxis, hoc est, Corporis & sanguinis Christi communio, quam
palam exerceri voluit, atque in cœta Christianorum publici-
tus peragi, ne vnquam intermoreretur aut exolesceret mortis &
resurrectionis eius memoria, sed continenter in mentem re-
uocetur insigne illud beneficium, quo genus humanum dia-
boli mortisque tyrannide oppressum, gratuito ac nullis meri-
tis libertati asseritum est, atque impetrata per IESVM CHRI-
STVM, pacificatorem omnium scelerum remissione, salutem
adeptum. Siquidem *Lex per Moysen promulgata, gratia autem &
veritas per ipsum Christum exorta est.* Exhibitum est olim huius
mysterij, quod in Christo expressum est, specimen quoddam
atque adumbratio, dum Abrahamus filium vnicum Isaac vi-
ctimæ destinat, dum Moses ex Dei præscripto, agni immacu-
lati ac masculi esum instituit, eumque vescendum cūm agresti-
bus lactucis quæ insigni amaritudine sunt imbutæ, præscribit,
quò assidue in recenti memoria versaretur miseranda seruitus,
quia olim sub Pharaone oppressi sunt, exeuſſoque intolerando
ingo, in libertatem restituti. Quæcirca instituta sunt agni Pa-
schalis anniuersaria sacra, vt memoriâ sibi renouaret eius diei
qua olim apud Ægyptios agni sanguine postibus illito à peri-
culo Angeli exempti sunt, quin primogenita Ægyptiorum
grassabatur, atque incolumes mare rubrum transierunt: quem
diem cūm primis celebrem & sacrosanctum à transitu Angeli
qui illos intactos præterit, denique à mari rubro feliciter ma-
gnoque successu emenso appellabant Phasē, qui nobis dicitur
Pascha, Gallicè *passage*, apto appositoque ad huius æui decur-
sum vocabulo, quia nobis in hac mundi impedita ac vasta so-
litudine, ad immortalitatem ac cœlestem patriam scdēsque
bearas sit transitus. Præcipitur autem edendus agnus cum
lactucis syluestribus, siue herbis amaris. Siquidem in huius
seculi curriculo omnia amara sunt, acerba, tristitia calamitosa,
& quæ plus aloës quàm mellis habeant. Sunt qui lactucæ no-
mine Seridis species designari credunt, & Intyba, hoc est, Ci-
chorium & quæ corrupta voce Scariola dicitur, Belgis à can-
dore *voute*, hoc est, Candida *Endinia*, ceruleo flore, eaque in
lascinias

Phasē
quare in-
figurum.

lascinias dissecto spectabilis, hanc fabulo obtutam hybernis mensibus inter acetaria primis mensis inferunt. Hoc siquidem artificio tractata, amaritudinem exuit, atque eximiam candorem adsciscit, ut sunt interna brassicæ capitatae folia. Commodè autem magnòque successu adhibentur huiusmodi herbæ hepatis obstructionibus: habent enim amaritudinis ratione abstergendi vim, qua meatus recludunt, atque opilaciones expediunt. Tertianas quoque febres expugnant, atque icterum seu morbum regium, discutiunt. fellis enim atque hepatis intemperiem, cui fere Iudæos esse obnoxios color mustellinus indicat, mitigant. Sunt autem istæ stirpes Virgilio decanratæ in Geor. nec amaris intyba fibris efficiunt.

Cichori ū
hepati sa-
lubre.

Geor. li. 1.

Rursus,

*Forstæ & pingues hortos qua cura colendi
Ornaret, canerem, biferique rosaria Pasti:
Quoque modo potis gauderent intyba riuis,
Et virides apio ripa: totusque per herbam
Cresceret in ventrem cucumis.*

Geor. li. 4.

Commendat hæc quoque Columella in hortulo, eaque excolenda præcipit tanquam alteram succidiam (sic enim pro- Lib. 10.
uentum hortensem nominat Cicero.)

De Senec.

*Spargite quaque viros acuum, armantque puellas.
Iam breue Cerephilum, & torpentis grata palato
Intyba, iam teneris frondens lactucula fibris.*

Congeneres istisque sunt affines Chondrilla, Sonchos siue Cicerbita, & quæ vulgari voce dens leonis, & rostrum porcinum vocatur, hieracium, quæ omnia lacteo succo madescunt, ac flavescenti flosculo conspiciuntur, leporibus cuniculisque gratissimum pabulum. Si quidem earum stirpium esu minùs hydrope hæc animacula turgescunt, amaritudine exiccate humiditatem. Quocirca earum nonnullæ quæ non intensius amarescunt, incunte vere ibi folia tenerescunt, acetariis immiscentur, in pratis obuiæ equino generi pabulationem sup-
pedant, aliæ lacte turgescunt, inuitis hortorum cultoribus erumpunt atque eruncandæ eruendæque sunt, ne salutare herbas strangulent. Cæterum lactucam illam siluestrem quæ Endiuæ nomine insignita est, in edendi agni Paschalis usum adhibitam, velut condimenti loco, non facile mihi persuaderi

Quæ ve-
ra lactu-
ca silue-
stris.

-st:

potest: cum ob insignem vrentemque amaritudinem quæ linguam vellicat, non sit esculenta; nisi cum primum emergit, nec adhuc spinis in dorso parteque aversa armata sit: vincit enim Endiuia vulgaris quæ germana est lactuca siluestris, amaritudine reliquas stirpes quæ succo lacteo madescunt. Quocirca medici nouellam ac teneram in vsum medicamenti adhibent, non adultam quæ aculeata est ac spinulis horret, tum verustate amarescit: Intyba verò species cocto elixoque agniculo condimenti vice adhibitam proisus crediderim, nempe Cichorium & Seriolam, ex quorum non solum foliis, sed radicibus etiam acetaria conficere Belgæ didicerunt. Si quidem radix ad sesquicubiti ferè longitudinē se porrigit, quam autumno enatam in raleolas ac testiclas dissecant, ut rubram pastinacam, quam Caroram vocant, eamque ex aceto & oleo, insperso piperis polline, cistant, ut etiam cucumeres, crithmum, rapistrum, vulgò *Raiponse*, compluraque alia quæ rempestiue suaeque anni parte horrus profundit.

De olea, oleastro, oliua, oleo.

C A P V T V.

Apoc. 7.

Gen. 8.

Psal. 103.

VT palma quæ pōderi non cedit, victoriæ insigni, ita Olea pacis index: cuius rei specimen columba ex arca Noë emissa edidit cum desinente diluuiο defluxisque ac subsidentibus aquis, oliuæ fruticem attulit, mitigatæ iræ Dei argumentū. Folio autem est hæc arbor salicis aut ligustri, supernè viridi, aversa imaque parte qua terrā spectat albescere atque incano ut alba populus, stoscūlo minuto, sed folioso, colore luteo, non sine grauitate odorato: fructifera verò est fecundaque numerosis hæccis, oblonga forma, atque ouali, quæ vbi maturescunt, atque nigrescere incipiunt, oleoso pinguique succo turgescunt, ex quibus oleum exprimitur articulis firmandis, fouendisque membris tum mitigandis doloribus accommodum, agilitatem enim vigoremque iis præstat foris adhibitum potius, quàm in corpus admissum; eo si quidem corpora persusa non solum nitescent, sed robur etiam concipiunt atque ad obcundos labores redduntur habiliora, quod indicasse Dauidem obseruo atque Deum ob huius aliarūque rerum munificentiam in immentum extulisse, *ipse est enim qui germinare facit frumentum & gramina iumentis, herbas in vsum hominum, panem ut vires augeat ac confirmet, vinum ut cor hominis latifcet, oleum ut corpus eo nectat ac vires concipiat.* Quo spectat illud Plinii: *Duo liquores*

Liquores corporibus humanis saluberrimi, intus vini, foris olei. Quin Luc. 10.

& Samaritanus quo Christus designatur, duo hæc fomenta vulnerato adhibuit: vinum, quod abtergit & emundat: oleum, quod lenit, quod dolorem mitigat, quod vulnus ad sanitatem perducit. quo indicatur Christum secus quàm sacerdotes Leuitæque officij sui negligentes, salubri doctrina afflictis ac sauciatis mentib. mederi, animique vulnera obligare, ac cicatrices ita obducere vt nullum vestigium appareat. Oleum autem intus exhibitum, aluum mollic ac lubricum efficit, aspera quæque mitigat, venena paulò antè hausta retundit, atque hebetat, eaque innoxia facit, ac ventriculū ad vomitum incitat, quo ferè noxia ac pernicioſa quæque excutit, efficitque lubrica vi, ne venenatæ potiones venas subeant, mortemque inferant: qua facultate hoc etiam adfert commodi, vt præſumptum tumultentiæ obſiſtat, & ne quis confestim ebrietati succumbat. Præter artis rationem faciunt qui ruptis, laxatis, contuſis, collapſis ruinaque oppreſſis oleum vel butyrum exhibent, vt membra afflicta conſolident atque inſtaurent, niſi omphaceum oleum, hoc eſt, immaturum, quod nondum matureſcente oliua exprimitur. Nam id adſtrictionis eſt particeps qua vi corporis partes hiantes ac diſſolutæ coaleſcunt atque vniuntur. Butyrum verò & oleum maturum inter initia, inciſa primū vena, ſi ætas patitur, non incommodè exhibentur ad dolorem mitigandum, ac diſſoluendum conglobatum concretūque ſanguinem, in quem uſum potionem conficio ex ramentis rubiæ internis ac nuce muſcata: poſtmodum conſolidantia propinari curo millefolium, roſas rubras antequam prorſus dehiſcere incipiant, aut folia dilatare, myrti baccaſ, omnes ſymphiti, hoc eſt, conſolidæ ſpecies, ſuccinum marinum, quod ſperma Ceti, vocatur gneſiam ac germanam murianam, rhabarbarum ac nucem muſcatam totam, eaque omnia decocta in vino rubro ſtiptico ac aſtringentis naturæ: bacæque omni ferè nationi oliuæ dicuntur, ante maturitatem lectæ, cum adhuc virideſcunt in muria aſſeruantur ad pellenda ciborum ſaſtidia, ac nauſeam, ac uunt enim appetentiam, atque vt amygdalæ amaræ ebrietati obſiſtunt. Sumuntur autem ab huius ſtirpis fruſtu & floribus à ſcriptoribus ſacri ſimilitudines concinnæ cum primis & elegantes. Sic Iob cum improbo cuique & facinoroſæ præmaturum interitum denunciat, *Antequam, inquit, dies eius impleantur, peribit, & virtus illius aroſcet: cadetur quaſi vna floreſcens botrus eius, & velut olea præiiciens ſorem ſuum:* hoc eſt, ante diem, ac properata ſubitaque morte conficietur, nec ad ætatem maturam aut ad ſtaturum

Quomodo
ruina op-
preſſi tra-
ctandi.

Potio cō-
ſolidans.

Oliuarum
uſus.

Cap. 15.
& 17.
Similitu-
dines ex
olea.

- legitimumque vite tempus est peruenturus similitudine descripta ab arboribus ac florentibus herbis, quæ incunte vere spectatissime prodeunt, ac florescunt: sed quarum flosculi vel vredine per-eunt, vel ab Aquilone seu Borea decutiuntur. Dens enim non finit nefarios diuturna prosperitate frui aut optatum successum consequi, adeo ut cum multum vite superesse possit, atque illud produci longius, præmaturam mortem illis accelerat. Sic legimus in Genesi acceleratiùs oppressisse homines diluuium quod moniti non respicerent, nec ad frugem se converterent, sed indices in deteriora prolaberentur. Et cum Deus Sacerdotibus & optimatibus Effraim minitatur atque inopinatum exitium denunciat ob religionis neglectum, in quæ propter ebrietatem ac temulentiam etiam deuoluti sic in illos per Esaiam iram suam exacuit ac vaticinium fulminat: *Va corona superba, flori decidens & desino, & eris flos deciduum & quasi temporarius ante maturitatem.* Quo indicat illos cum omni fastu & arrogantia, ut flores decussum iri, ut ficus primas & præcoces (quæ confestim deceptæ deuorari solent) & æstiu fructus qui in hyemem asservari nequeunt. Non dissimile argumentum amplificat contra Ægyptios, obita Dei nomine legatione Esaias: *Ante messem totum effloruit Ægypti populus, & præmatura perfectione germinavit, & præscidentur ramusculi eius.* Quo designat Ægyptiis tale quiddam obuenturum quale præcocius fructibus ac primitiuis baccis ipsisque segetibus & vitibus quæ festinantiùs erumpunt, atque intempestiuè ac præter temporis rationem maturescunt. Citissimè enim huiusmodi fructus corrumpuntur, nec ad conseruandum vsui sunt. Quo denunciat illorum felicitatem non fore diuturnam. Per Oleam etiam aliasque arbores indicatur piorum successus, rerumque omnium affluentia, & præter hæc progressus & incrementa virtutum: quod ipsum omnibus testatum esse vult David qui virum pium ac Deo addictum arbori frondosæ & fecundæ æquiparat, quæ non otiosa est & sterilis, sed fructuosa & fertilis, suosque ramos late diffundit, & fructus edite salutares, quibus non tam ipsa, quam alij se oblectant ac reficiunt. Hieremias quoque idem argumentum amplificat atque Improbis qui nulla habita Dei ratione humanis præfidiis iouuntur, ac rebus caducis fidunt, omnia aduersa pollicetur: *Maledictus, inquit, qui confidit in homine, & à Domino recedit cor eius, erit enim velut myrica qua in sicculosa ac ieiuna terra posita nullum bonum, nihil sentit commodi ex aeris clementia. Felix & beatus qui confidit in Domino, in eoque omnem spem & fiduciam collocat. in arbori similis est qua in irriguis locis confita est, suasque radices ad humorem diffundit, nec autumn partimescit, quo sæpe excrescere solent qua*

in arido solo sua sunt: & erit folium eius viride, frondosum, & tēpo-
re siccitatis fructum proferre non desinet. Commendatur huiusmo-
di Metaphoris fiducia in Deum, nec aliud despectendam men-
tem, aliud dirigendum cor, quam ad illum à quo omne bonum
promanat, & qui hominibus nihil non præstare sit paratus.
Hinc Dauid Deo potius quam rebus fluxis, caducis, momen-
taneis inuixus, secus quàm impij, Ego, inquit, sicut oliua fructifera Psal. 51;
florebō in domo Dei, quoniam confido in misericordia eius. Rursus cū
indicat homini minimè otioso, & qui se in Dei eloquijs exer-
cet, vberem rerum prouentū, vxori numerosa prole fecundita- Psal. 128
tem, Beatus, inquit, qui timet Dominum, & ambulat, in viis eius,
prosperabitur manū suarum labore, felix & beatus ipse erit. Vxor
tua, sicut vitis fecunda, in lateribus domus tue: Filij tui, sicut plā-
ta oliuā, in circuitu mensæ tue. Ecce sic beari ac ditescere solet ho-
mo qui timet Dominum. Similiter apud Hieremiā Deus illum cui Cap. 11;
vnicè afficitur, quo se oblectat ac reficit, oliuam pulchram vo-
cat, vberem, speciosam, fructiferam, hoc est, nomen eius apud
illum gratiosum est amabile. Huic Oseas consonat qui ex eo- Cap. 14;
dem fonte oracula sua hausit, eodem spiritu cōciones suas per-
fecit. Et erit quasi oliua, gloria eius, & odor eius ut Libani. Quo de-
signat illos qui Deo indiuulse adhærent, illiusque placitis se
oblectant, fauorabiles esse, illique gratos & acceptos. Vt enim
suauis halitus & fragrantia, spiritus fouet ac recreat: ita Deum
reficit & oblectat odor hominis, qui salutarem illius doctrinam
amplectitur, ac Diuinæ voluntati se præbet obsequentem. Sic 2. Cor. 2;
Paulus quo ostendat illos apud Deū gratiosos esse & fauora-
biles, qui eius Euangelium propagant, ac fide alios instruunt,
Christi, inquit, bonus gratusq; odor sumus in omni loco. Et Patriar-
cha Isaac, Odor filij mei, tanquam odor agri pleni cui benedixit Do- Gen. 27;
minus. Denique in Cantico Sponsa, Curramus in odorem unguen-
torum suorum. hoc est id quisque efficere studeat vt pasci possit
ac refici salutari illius doctrina, quæ lassos ac labantes fulcit
ac recreat, non secus quàm suauissimus odor naribus oblatus
collapsos animiq; deliquio sopitos instaurat atque erigit.

De Rhamno aculeato frutice.

CAPUT VI.

Rhamnus vbi adoleuit, validis robustisque quaquaersum
vallata aculeis, homini si manum incautius admoueat, in-
festa est: adhærent illi racematim exiguo minimoque petiolō
numerose

numerosa bacca colore croceo orbiculata, magnitudine vel myrti vel iuniperi sapore acidissimo, quas qui improviso decerpere tentant crebro infixo aculeo ac mucronata cuspe manu vulnerat. bacca ubi dentibus linguaque atteruntur, vel premētibus digitis contrestantur, croceo succo manus inficiunt: sunt enim flaccida & vliginosa. Cum autem tres sint Rhamni species, ista Zelandicis fabuletis, dumosive colliculis copiose innascitur. Oceani accola *Dunen* vocant, quæ vox corrupta an à Dumo ac dumero deducta sit, nō ausim certo statuere. Sunt tamen arenosi isti, maritimique tractus passim multis densisque virgulis, viminibus, spinosisque ac senticosis fruticibus, atque aculearis stirpibus fecundi, ut sunt Rhamnus, Rubus, Halimus, paliurus, oxyachanta, carduus stellatus in ingium Ononis siue resta bouis, præter insignes alias herbas, quas affarim ea loca suppeditant. Bellonius qui Palæstinam ac Syriam peragravit, existimat CHRYSI Seruatoris ferrum, seu spineam coronam illius capiti implicaram, ex Rhamno fuisse confectam, quod in iis regionibus nulla alterius generis spina se proferat. Desumit autem David ex spinoso hoc frutice appositissimam similitudinem contra factum ac tyrannidem, contra factiones & scuitiam improborum qui innocentibus insidiatur atque infestissunt, damnaque inferre meditantur, quorum conatus & molimina irrita fore prædicat & inualida. *Antequam spina vestra, inquit, indurescunt in Rhamnum, ullosque aculeos infingere possint, Dominus velut tempestate quadam exorta centeret, & conficiet vos, infringetque vires vestras, & rebur imminuet.* Quibus verbis indicat illos fraudes, imposturas, technas, sycophantias, cades, omniâque hostilia comminisci ac meditari; sed antequam vires illi suppetant ad perficienda quæ animo conceperint, conficientur ætate immatura, hoc est, priusquam adoleſcant ac vires ad inferenda incommoda sint consequuri. quibus verbis hæc quoque sententia subest, ut ex hac vitæ statione, in qua in tenuiores tyrannidem exercent, exturbandi sint, ut ex olla aut lebere eximi soleant carnes semicrudæ, quæ non satis elixatæ esui sunt inidoneæ, cum vix calorem conceperit ab igne qui ex spinoso atque aculeato stridentique rhamno extruitur. Solent enim strues lignorum aut fasciculi ex paliuro, rhamno, iunipero, rubo, vepribus, ac sentibus confecti non solum manibus tractantium vulnus infligere, sed foco immissi crepitantibus flammis ac stridore quodam horrendo assidententes territare: sic ut etiam fauillas scintillantes atque ignitas faculas in obuios quosque ciaculent. Hic itaque sensus ex prophetæ verbis erui debet. Quamlibet illi sciant atque innocentes,

Plal. 57.

Locus
Davidis
explicatus.

innocentes opprimere tentent: nihil illis ex voto aut animi
sententia succellurum, sed inopinato ac repentino illorum in-
teritu infantes periculo eximendos. De Rhamno ac desumpta
ex hac stirpe similitudine nonnulla tractata sunt lib. 4. cap. 9.

De Cucurbita sylvestri, vulgò Colloquintida.

C A P U T VII.

Colocynthis seu agrestis cucurbita Medicis vsui est in ex-
pugnanda pituita, & bile tum flaua tum atra, quos humo-
res violenter & validè extundit non sine virium detrimento,
& referatis venarum fibris sanguinis educatione. quocirca coër-
cetur illius ferocia mastiche, & aliis quæ ventriculo robur
conciliant. Fructus huius stirpis orbiculatus est, vbi maturuit,
candidus pilæ magnitudinæ, vel vt malum Medium seu citri-
um, quod ab auri colore *aurangium* vulgò vocât, si extrema pu-
taminis pars flauescens cultro adimatur, eximæ nec prorsus
ferendæ amaritudinis: quod indicatur in Regum historia. Cum
enim Helisæi famulus in rus digressus herbas colligendo pul-
mento collegisset, inter alias cucurbitâ siluaticâ quam vulgus
Colloquin'idam vocat ignarus quid esset, in ollam coquinarîâ
côiecit, illisque edendû apposuit, vbi degustassent, *Mors in olla*,
conclamâr, hoc est, venenû nobis exhibitum est. Helisæus non
imperitus rerû naturæ, confestim inita ratione qua amaritudo
eximi posset, farinâ ollæ immiscuit: quo facto pulmentariû es-
culentû perficit, abolito exorico atque alieno sapore quo erat
imbutû. Subest huic rei ratio Physica, habet enim farina polen-
taria eam vim, vt extraneum atque amarulentû sapore diluat
atque aboleat, præsertim ordeacea, ex qua polenta cõficitur tû
cremor massaque polentaria, zythi aut ceruissæ materia, ma-
ceratis aqua frugibus, auena, ordeo, ac lupi salictarij floribus
quæ triviali voce lupus dicitur, quo fit, vt quoniâ ceruissæ po-
tus ex istis ferè cõficitur, qui ex hoc liquore vuidi sunt, ac zy-
tho madidi, quod idè idè vsuuenit inferioris Germaniæ popu-
lis, lupulo & auena perfunsi dicâtur. Cæterû quoidiano expe-
rimèto comprobatû habemus falsâ atque amariâ aquâ dul-
cescere admixta polenta siue ex ordeo confecto cremore qui
ex hac stirpe est concretus liquor, vt etiam lomentum ex fa-
rina fabacea, aded vt duarum horarum spatio mitescat ac po-
culenta afficiatur, citraque offensam in corpus admitti possit.

4. Reg. 4.

Farina
quate cre-
morè pul-
mentis
eximæ

De Salice.

CAPVT VIII.

Salix nota arbor à saliendo nomen sortita quod celeriter affiliat ac confestim arboreſcat, Belgis à ſimili etymologia *vvigille* dicta, quoniam p̄p̄ta eſt ac voluntaria in creſcendo. Cum autem huius ſtirpis plures ſint differentia, ea Belgæ æſtius caloribus cornacula adornant: atque etiam virenti hac frōde ac pampinis ægrotātium lectos velant, quæ Virgilio *glauca* dicitur, quod ad albedinem vergat: hæc ſiquidem gratum odorem in auras diffundit, atque æris feruorem æſtūque mitigat. Ex hac Deus per Eſaiam ſimilitudinem cum primis elegantem deſumit, qua pollicetur piis omnibus qui illi fidem, rerum omnium affluentia, vberem annonæ ac rei frumentariæ prouentum, proſperum in omnibus negotiis ſucceſſum, nec ſolū externa bona & quæ corpori inſeruiunt, ſe exhibiturum confirmat ac pollicetur, ſed ſolida & æterna, quæque mentes quamlibet aridas & ſicculofas vberriſimo Spiritus diuini pabulo foueant, atque inexhauſto Diuinitatis fonte perfundat, qua irrigatione mœrentes arentesque animi in optimam ſpem eriguntur, atque vberriſimos fructus amoris & charitatis erga Deū & proximum proferunt. Sic enim concionem ſuam orditur Vates eximius, atque huius ſeriem proſequitur, *Ne timeas aut metu concutiaris ſerue mi Iacob, quem elegi: nam effundā aquas ſuper ſicientem & fluenta ſuper aridam, perfundā ſpiritu meo ſemen tuū, & benedictionem ſuper ſtirpem tuā, ita vt graminum mora germinent, & quaſi ſalices iuxta profluēs aquas.* Vt enim ſtirpes in locis irriguis conſtat ſpectatiſſimè frondeſcant ac foliorum pōpa luxuriant: ita animus humanus ſalutari doctrina perfuſus ac Diuini ſpiritus fonte irrigatus, omniū virtutū ſplendore nitetſcit, ac ſolida viuidaque fide ſultus ſuſiſſimè ramos diffundit, ac ſolidis deoq; acceptis operib; exornatur, vt arbor fecunda fronde & fructibus, quæ alios etiam reficit ac fructibus ſatiat.

Cap. 44.

Simile à fruſtuan-
tibus ar-
boribus.

Psal. 136.

Iudæi abducti in Babyloniam, omni ſolatio deſtituti, ſuſpēderunt in ſalicibus citharas ſuas quibus modulari ſolent diuinos hymnos ac cātilenas gratulatorias Deo viuēci, omniaque queruntur in tā trīſti exilio, lamentofa, lugubria, funeſta, amara, luſtuofa, ita vt nulla ratione induci potuerint, quò vllum lætitiæ argumentum proferrent, ſcitè tractandis organis. Appoſite in ſalicibus ſuſpēdiſſe deſcribuntur à Pſalmographo inſtrumēta

ta Musica, cum hæc arbor sterilis sit & frugiperda, & quæ vè polluti, semen ante maturitatē obiciat. his accedit quoddam amara sit, nec admodum spectabilis & amœna vti platanus, palma, cedrus, cupressus, terebinthus, quocirca huic arbori accommoda aptaque exilij cōparatio, & quod eius ramis citharæ affixæ sint. Vt enim salix amaritudine imbuta est, nec admodum speciosa aut aspectu grata: ita exiliū & transmigratio in Chaldæam fuit acerba, tristis, amara, calamitiosa Iudæis, eoque magis quoddam identidem recrudesceret dolor, & acerbitas renouaretur continēti recordatione Sionis & vrbs Hierosolymæ, ipsiusque augustissimi templi, in quo sacris carminibus Deū soliti sunt honorare Tātus siquidem mœror illorum animos occupavit ob conculcatā sacratissimam religionē, atque abactos prophetas, vrbemque dirutam ac solo æquatam, vt nulla oblectamēta, nulla solatia admitterent, nec vllis blandimentis percelli potuerint, vt sacris Deoque dicatis cantionibus alienas profanasque aures demulcerent, cum ad itridenda sacra modulamina essent arrecti, qua petulantia victis dolor non sopiri, sed rectudescere cœpit ac redulcerari. siquidem vt habet Proverbium, *Musica in luctu, importuna narratio.* scitē itaque ab iis responsum,

Hierem.
Thren. 2.

Eccles. 3.

Quomodo cantabimus canticū Domini in terra aliena, atque inter illos qui nostræ miseræ & calamitati non indolescent, sed insultant ac subsannant eum cultum quem exhibere consuevimus Deo immortalī? itaque frustra fatigant nos, vt illos oblectemus citharis nostris. cum & nos, & Deum Hebræorum despiciant, ac de tantiis diſteris exagitent.

De Saliunca.

C A P V T IX.

SAliunca quam nonnulli Celticam Nardum existimant, pusillus est frutex non in eam altitudinem assurgens, in quam nostra *Lauendula*. Siquidem ab humo se nō attollit: quod Virgilius annotauit, ducta comparatione à nonnullis stirpibus in commendationem eius qui scitē calamum tibiamque inflare nouit, atque æmulo peritiorem pronunciauit.

Lenta salix quantum pallenti cedit oliua,

Eclog. 3.

Punicus humilis quantum saliunca rosetis:

Iudicio nostro tantum tibi cedit Amyntas.

Digeritur autem Saliuncula in fasciculos manuales & ol-

factoriola, quæ subinde naribus admoneri solêt, vel instantandis fouendisque cordis viribus, vel abigendis tetris odoribus ne spiritus contagione aliqua inficiantur. Est enim eximie suauitatis sic vt vestibus ac regeticulis lodicibusque interposita, gratissimo illa odore commendet, ac rinceas blattasque abigat: quod etiam Belgæ moliantur pseudonardo, siue *Lauendula*, qua passim scatent excultrique sunt apud Belgas horti, spicato ceruleoque aut cæsis flore, caloris tam intensi vt caput grauedine inficiat. Non defuerunt nostra memoria hospites & caupones quidam, qui aquam lauendulæ è turbine aut meta stillatoria, quam *Alembicum* vocant, ductam vino immiscerêt quò generosius videretur, minusque dilutū. & facilius inebriaret, qua impostura id incommodi consequuti sunt conuiuæ vt posttridie acerrimo capitis dolore sint affecti, qui vix vllis remediis discuti aut mitigari potuit nisi adhibita somnifica portione, aut aqua frigida, vel sero lactis affluenter hausto. Cæterum Deus qui suis amplissima quæque pollicetur & præstat, ex hoc exili ac minuto frutice cōparationes desumit: *Montes & colles*, inquit, *cantabunt vobis laudes, & omnes arbores plaudent manu*, hoc est, omnes gratulabuntur & applaudent vestræ foelicitari, singuli vobis honorem deferent, & magnificè laudes vestras prædicabūt, quod excusso iugo, Dei beneficio salutem sitis consequuti, atque illius munificentia ad amplissimam dignitatē euecti, rantisque donis ac muneribus exornati, finito tã tristi atque acerbo exilio, *pro saliuuca, assurgat tibi abies, pro spina pinus, & pro vrtica crescat myrtus*. Quibus verbis designat omnia istis futura incrementa, atque optatos prosperosque successus habitura, ita, vt pro minutis abiectisque herbis aut etiam noxiis spectatissimæ arbores ac fructiferæ sint emersturæ. Hæc autem, non solum ad externas ac temporalia bona, sed ad internas dotes, atque animi mentisque decus & ornamenta referenda sunt: vt pro ferocia, violentia, sæuitia, fastu, arrogantia, superbia atque animi elatione, quæ (vt Paulus testatur) nō dubia sint carnis opera, succedat clementia, humanitas, mansuetudo, lenitas, comitas, placabilitas, beneuolentia, benignitas, ac pleraque alia quæ inter fructus spiritus ab Apostolo referuntur, sic vt expulsa iniustitia, iniquitate, nequitia, æquitas, iustitia, probitas elucescant: pro luxuria, libidine, prodigalitate, pudicitia, moderatio, frugalitas, temperantia se proferant: pro ignauiā, desidia, torpore, somnolentia, alacritas, fortitudo, magnanimitas, infirmarum rerum contemptus & despicientia, præstantia virtutis substituuntur. Sic inuerso rerum ordine pro vitiosis ac deprauatis affectibus

Isaiz 55.

Galat 5.

vel potius perturbationibus quæ mentem à ratione, à naturæ & Dei legē auertunt: pax & tranquillitas animum placidè ac securè regat ac moderetur.

De herba Borith, qua Medicis veteribus Struthion vocatur, Mauritanis Arabibusque scriptoribus Condisi, cui affinis recentioribus vocata Saponaria, & herba fullonia, Belgis zeep cruiidt, quod ut smigma eluendis maculis adhiberi soleat.

CAPVT X.

CVin populus Iudaicus paulò ante vrbs excidiam iniquissimis esset moribus multisque horrendis flagitiis ac sceleribus contaminatus, sic vt ad summā impietatis nihil esset reliqui, Deus eleganti similitudine illos perditos ac profligatos pronunciat, nec vllis quālibet præsentaneis remediis ad saniorē mentem, ad integritatē vitæ, ad decus virtutis posse perducī. Cū enim à sacratissima religione, Deique cultu ad idololatriā defecissent, aliunde à Deo viuēti salutis præsidia conquerere cōperent, aliunde responsa pētere atque oracula sciscitari, cum etiā hoc accederet ad impietatis cumulum, vt infantes non clanculariis insidiis conficerent, sed apertè ac passim in triuiis, nulla iustitiæ reuerentia, nullo legum metu, adeo vt nihil se commississe haberēt persuasum, ac ne tantillum mali perpetrasse, aut siquid patratum est, ac scelus admissum, persuadent sibi à veritate deuij atque errore impediti, facili abstergi atque elui posse maculas & sordes contractas cultu quodam alieno ac superuacaneo, qui Deo ingratus est & detestabilis. Quocirca cum Deus videret illos contempto suo præcepto, inanes spes fouere, ac fallaces rationes ac modo comminisci, quò se puros præstare conentur, iisque sibi plaudant ac sedulo persuadeant omnia salutaria consequutos: Deus, ne illi periret suus honor & magnificentia, exposulat cum populo suo, quod aliò se cōferat, alias cisternas ac scrobes eruat, quòd aliò properet quàm ad fontem aquæ viuæ, quæ non cœnosa est, non fœculenta, non exitiosa, sed suauis & salubris. Sic autem instituit cum defectoribus expostulationem, ita vt

Caput secundum Hieremie explicat.

Hier. 2.

singulatim quemque illorum appeller: Ego, inquit, te plantavi vitem electam & generosam, neque lætissimo semine, præstantissimis malleolis ac sarmentis conserui: qui sit vt in prauam, hoc est, alienam ac degenerem spuriamque vitem conuersa sis! Ex quò ostendat nō facile elui posse maculam aut nēquam aspersamque

¶ Ii 5 animo

animo labem. Si laueris te, inquit, niro, & multiplicaueris tibi herbam Borith, maculata tamen eris coram me iniquitate tua. Quo indicat tamen in speciem primaque fronte excussisse sordes atque eluisse maculas videaris superstitioso quodam cultu quē tu ipse tibi fingis, & obscuras Dei gloriam, fictāque religionis vmbra nūquam tibi persuadeas Deum tali ratione posse placari, aut pliacari, aut te pristinum nitorem consequi, alia ineunda ratio, alius excogitandus modus, quo posses nirescere, & factori tuo reconciliari, excutiēda prorsus ex animo idololatria, hoc est, adulterinus ac ficticius cultus, alteri quam Deo attributus, amplectenda vitæ integritas, extirpanda ē mente omnis nequitia, vni Deo firmiter inhærendum, illique omni fiducia stabiliter innitendum, alioqui externis rebus cultūque cōmentitio ac superstitioso quē Deus non exigir nec præscripsit sibi salutem atque animi puritatem polliceri, non solum inane est & superuacaneum, sed etiam dampnosum & Dei maiestati iniurium, abstergit quidem atque emaculat sordes Struthion siue lanaria quæ laneis vestibus candorem adfert, cutem expoliant ac lentigines n̄uosque abolent smegmata, verū nihil excogitari potest tanta abstergendi vi ac facultate præditum, quod animæ tuæ sordes posset eximere quod plus satis inolitam penitusque infixam labem possit eluere. Qui enim morbum suum non agnoscit, ac salutarem doctrinam à fidō medico oblaram respuit, insanabilis est & desperatus, cui medicinam adhiberi Hippocrates vetat, illōque dignior Christus deserēdos præcipit, vbi omnem operam studiumque illis conseruandis impensum est. Cæterum Deus apud Malachiam se Angelum missurū pollicetur qui viam præparet, quo vaticinio Ioannem Baptistam designari Euangelium testatur, ac statim venturum Dominatorem, hoc est, Christum qui multa innouabit, multamque operam insumet corrigendis illorum vitiis formatisque moribus, quorum interest populum salubri sanāque doctrina imbuere. *Ipsē est enim quasi ignis conflagrans, & quasi herba fullonum, & sedebis conflagrans & emundans argentum, & purgabit filios Levi, & colabit illos quasi aurum & argentum*, hoc est, pueros reddet, nitidos, tersos, expolitos adempta omni rubigine & scoria vitiorum, vt in fornace aut officina argentaria expoliri metalla solent. Itaque primum visum est ministerio, abster-sis sordibus, ornatum ac nitorem adferre, neque culpari possent tanquam contaminati sceleribus qui Dei munia obeūnt sacrific. quæ functionibus destinantur, quocirca similitudinem desumit à rebus externis eāque ad animum transfert. Siquidem fullonia herba siue Struthion incredibilem vim obtinet in eluen-dis

Cap. 3.

Matt. 11.

Marc. 1.

Luc. 7.

Ma. 40.

dis maculis, atque imbuendis candore lanis: pollet enim vi absterforia adeo ut etiam pituitam è capite eliciat, ac sternutamentum moueat tanta violentia, ut patrum emortuum excutiat.

De Cocco vermiculo, Conchylis, Murice, Ostro.

C A P V T X I.

FRutex est pusillus exilibus ramis, folio aculeato, cui annascitur coccus seu granum tinctorium, quod colorem rubrum ac rutilantem exhibet aspectu gratissimum, oculisque amabile. Cuius tinctura aut succo imbuta lana aut byssus, exuberantissime mirèque splendido rubore illum inficit Inuenitur etiam in aquifolio vel acrifolio potius, qualis est arbor Belgis vulgatis, folio læuiore perpolito, quaquauerfum aculeato perenni virore, ut cui nunquam folia decidat. Ex hoc grano Coccinea vestis nomen obtinet, cuius in Bibliis sæpe fit mentio, vermicula, muricata, qualis est rosas rubore perfusus, ostrina, quisquiliata quæ purpureo colore flagrat, atque amabili rubore collucet, oculisque blanditur, qui color Imperatorum ac regum paludamentis dicatus est, ac purpuratorum apud Romanos pallis ac galeries. Sic in Cantico sponsæ rubicunda labra, vitæ coccineæ comparantur. Sic puellæ Belgicæ venustatis studiosæ labella corallina & coccinea moliuntur. Iosue defuncto Mose, dux Iudæorum constitutus, pallium coccineum gestasse legitur. Sic Christus in ludibriū affectati regni chlamyde purpurea indutus describitur. In Apocalypsi verò mulier illa scortatrix quæ domū suam patefacit omnium cupiditati, insedisse describitur bestię coccineæ, eaque mulier induta erat purpura, coccino, auròque deaurata, & gemmis & margaritis, habens poculum in manu sua plenum abominationibus, & immunditia libidinis suæ. Et fronti inscriptum erat mysterium Babylon, Romanæ urbis typus & figura, ut Hieronymus interpretatur: quibus insignibus fastum indicat, superbiam, arrogantiam, mentem sanguinariam atque innocenti cæde cruentam. Diuitem verò illum epulonem præter sumptuosas mensas atque apparatus ferculorum, indutum fuisse purpura & bysso historia Evangelica testatur, nulla humanitate, nullo pietatis in egenos & miseros affectu. Ex huius succi rubicundo colore desumitur apud Elaiā comparatio, atque instituitur concio contra illos qui innocentum

Cap. 4.

Cap. 2.

& 7.

Marc. 17.

Cap. 17.

& 18.

Luc. 16.

Cap. 1.

tum

tum sanguini inhiant, atque innoxios opprimere meditantur, eosque Deus ad saniores mentem reuocare, atque ut respiciant, ut à sceleribus resiliant, amanter extimulat. quod si obtineri possit, pollicetur amnistiam, hoc est, omnium scelerum obliuionem, quamlibet horrenda fuerint enormia, adedò ut culpam sustineat, ac violatæ fidei, ruprique fœderis crimen subite non recuset, nisi ster promissis, ac præster quod sit pollicitus. Sic enim cum illis concionem instituit, *Abluite manus vestras sanguinolentas, mundos vos præstate, auferte malum cogitationum vestrarum ab oculis meis, desinite agere peruersè, studete aequitati, subuenite oppresso, pupillos subleuate, viduis patrocina- mini. Si fuerint peccata vestra ut coccinum, sicut nix candidiora, & si rubra ut vermiculus*, hoc est, purpureus & conchyliatus color, qui ex marina concha eximitur, *velut lana alba erunt.* Quò indicat quamlibet scelera vestra cruenta sint cæde & sanguine innocentum, facillè expiari posse atque elui pœnitentia ac fiducia in Deum, conceptoque emendatoris vitæ proposito. Cæterùm vestes coccineas seu muricatas ac purpureas, deinde & bombicinas quas Belgæ ob exquisitissimam lini lanæque texturam *Kessen* vocant & *bombazijn*, & præter hæc sericas & holosericas, quæ in Asiatica Scythia olim confici solent, in vfu fuisse Hebræis, easque ad decus & ornamentum corporis, ad honestatem, nonnunquam ad luxum & pompam inanemque ostentationem adhibitas Bibliorum codices passim testantur. Vnde apud Ieremiam Israël insultat ac dira minatur, quod deserto Deo à quo omnis salus dependet, se idolis prostituat tanquam adultera, alienis se oculis exponit, ornatumque exotico se comit ac pollit, ut illos in sui amorem alliciat. Cum (inquit Dominus) *magna sit ubique strages ac vastitas, omnesque fontes in fugam versi, ad loca ardua atque hostibus inaccessa se conferant: Tu vero perditæ & vastatæ quid facis? Etiam si vestieris te coccino, & ornata sis monili aureo, & pinxeris sibi suo fuso oculos tuos, frustra conueris, despiciunt enim te despuunt te amatores tui, nihil prorsus afficiuntur ornamentis politisque quis vestibus, sed in animam vitamque tuam sunt intenti.* Ezechiel quoque Dei nomine non minus acerba denunciat Samariæ & Ierusalém, quos adulterij infimulat, quo nomine Idololatriam atque à Deo defectionem designat. Ut enim inexpiabile scelus est & detestandum violatum coniugiū, hoc est, legitima & indissolubilis vitæ societas contaminata adulterio: ita etiam execranda res est idololatria, qua Deo vincenti suus honor, suū decus & gloria adimirur, atque in alium transfertur, eo autem in illos incandescit acerbius, quod non solum in lucis vmbro-

Idololatria adulterio comparata.

si que

hisque vallibus gentilium more suas aras, statuas, delubra adornarent, magnaue pompa & vitulorum apparatus sacra sua peragerent. ita ut legitimus cultus videri possit, in eoque salutis columen consistere; sed quod accitis ac conuocatis etiam exteris in æde Deo dicata nefaria sacra perficerentur. Et quo (inquit) spectatoribus omnia magis augusta sanctaque videntur, in illorum gratiam lauisti te & depinxisti stibio seu suco oculos tuos, ornataque mundo muliebri sedisti in lecto pulcherrimo, instructa mensa ante te, super quam thymiama siue suffimen vnguentumque meum posuisti, adhibito tanquam in solenni festo exultantium strapitu. Itaque is cultus qui mihi offerri debuit, exhibitus est idolis ac dæmonibus astante confusa multitudine ex gentibus conflatâ, qui eadem qua tu, fruuntur insania.

*De Palinro aculeata stirpe, cui sanguinarij comparantur
atque insidiosi, quique ad inferenda damna
prompti sunt.*

CAPUT XII.

Cum nusquam non prophetæ vitia insectentur, illorumque Crabiem ac ferociâ reprimant, qui hominibus infesti sunt, atque ad iniuriam damnâque inferenda prompti: horum nonnullos lupis, leonibus, pantheris, colubris, aliisque infestis belluis, denique vulpibus & mustelis insidiosis animalculis cõponunt: nonnullos aculeatis ac senticosis stirpibus assimulant. Sic Michæas vates deplorat extinctam religionē, pietatem proculcatâ, cultumque diuinum prophanatū, omnes ab integritate collapsos, nec aliud, quàm fraudes, sycophâtias, technas, imposturas, insidias omniâque hostilia meditari. In hunc itaque modum scelera illorum amplificat, ac singulorum improbitatē exaggerat in immensum, à spinosis aculeatisque stirpibus desumpta similitudine: *Periit ex terra sanctitas, exultat improbitas, & rectus* atque integer, *inter homines non est, omnes sanguine inhiât, & vir fratrem suum ad mortem venatur, & malum manuum suarū dicunt bonum, hoc est, suis erroribus blandiuntur. Princeps postulat, & index in reddendo est, hoc est, in omnibus acquiescit & obsequitur illius postulatis, nullâque habita aut obseruata iuris æquitate, finit illum omnia pro arbitrio ac voluntatis imperio agere, vel tenuem plebeculam atrodere atque exactio-* nib. opprimere, vel tyrānidem in tenuiores exercere. *Qui optime ex eorum numero, est quasi Palinrus, & qui probus & integer tanquam*

Cap. 7.

Matt. 10.

Marc. 3.

Nosquam
tuta fides.

tanquam spina in sepimentu. Quocirca huiusmodi hominib. in imperio constitutis, cum rerum statum futurum indicat, ut delatoribus passim inquirentib. in ciuium vitam, mores ac studia, non satis tutum sit cuiquam fidere, aut sua arcana committere, ne familiari quidem atque intimè noto. Ingruente enim huiusmodi tumultu, atque habita de ciuium opinionibus quaestione, exploratisque illorum sententiis, labascunt multorum animi, atque amicos non solum deserunt, sed nonnunquā produnt. quod euenturum Christus etiā vaticinatus est. Itaque in tam dubia ac vacillante multorum fide. *Ab ea,* inquit *Propheta, qua cubat in sinu tuo, custodi claustra oris tui,* hoc est, ne vxori quidem mentem tuam patefacias, *quia filius contumeliam faciet patri, & filia consurget aduersus matrem, durus aduersus socrum suam. Et inimici hominis domestici eius.* In tanto rerum humanarum aestu, ac tam turbulento Reipublicæ statu, quo præsidio quisque se fulcite debeat, obiter commonstrat, *Ego autem Dominum respiciam, expectabo Deum seruatore meum. Exaudiet me Deus meus,* summā propter fiduciam erga Deum, & quod totus in illo conquiescit, ab eo pendet, salutem sibi pollicetur ac præsentaneum auxilium contra potentiam, factum ac superbiā, contra sæuitiā ac nocendi rabiem. Cum enim Deus mansuetus sit, placidus ac mitis, illi rabidi sunt, feroces, crudeles, inhumani atque ut sentes, tribuli, spinæ, atque arbores aculeis armatæ, quibus innocentibus damna atque detrimenta inferunt. Quā obrem desumitur in hac Concione ab arboribus validis firmisque aculeis vallatis similitudo, quod hominum improbotum naturam & conditionem ad amussim exprimat. Siquidem paliurus, spina alba quæ mense Maio, candido ac suauiter olente flosculo passim in dumosis locis ac sepibus conspicitur, sentes, rubeta, Crespinus quæ pharmacopolis *Barbiris* dicitur, foliis, floribus, baccinis vel acinis racemisq; oculis bladiuntur, atque aliquem in eduliis vel medicamentis vsum habent, sed manibus tractantium noxiæ sunt, si incautius ac parum consideratè præhendas: ita fucati homines & fallaces in speciem blandi sunt, amabiles, sed qui arrepta vel obseruata leuissima occasione pungant ac vulnus infligant. Est autem Paliurus Theophrasto, Virgilio, Plinio, Dioscoridi, Columellæ decantata, sed non omnibus eadem facies exprimitur tamen omnes fateantur sepibus muniendis accommodam, quod minacibus aculeis pecus atque homines qui hortorum fructibus insidiantur, arceat, non prorsus dissimilis oxyachantæ, siue acutæ spinæ, quod mense Maio spectatissimè floreat, exigua quidem & minuto flosculo, qui in medio rubicundæ quædam festucæ insident, sed

quæ

quæ candore & suauitate eximia commendabilis fit, adedò vt nemo non apud nostrates hac fronde ædium vestibula exornet ramis in vrceis asseruatis, atque aqua indentidem irrigatis: vbi verdò arbos hæc deflorescere incipit, baccas exhibet, primùm virides, oblongas, maturitate rubentes, officulo intus lapidoso quod ambit membrana, intus pingui vnctòque sapore imbuta, quo vtimur in arterendis calculis, ac leniendo vesicæ meatu.

De Gith, quæ Gracè Melanthion, vulgò à nigrore Nigella dicitur, Belgicè Svvarte Nardus ob odoris suauitatem, tum aliis stirpibus desumpta comparatio.

CAPVT XIII.

ESaias quem aliàs testati sumus rerum naturæ peritissimū, Cap. 28.
 in illustranda sua concione ac vaticinio, quasdam stirpes, earumque & flores & semina narrationi accommodat, nempe Gith sue Melanthion, Cuminum, Triticum, Hordeum, Milium, viceam, spelram vel zeam, quæ vulgo notissima sunt, & cum armentis pabulum, tum hominibus alimentum suppeditant, Gith vulgò, Nigella passim in hortis obuia est, frutex cubitali altitudine, aliquando maiore pro soli vberitate, vt Zelandicis agris assolet, foliis ferniculareis, tenuiter dissectis, flore cæruleo, quo euanescente capitulum se exhibet in summitate papaueraceum corniculare, ablongum membranarum septis ac loculis distinctū, cui semina includuntur nigerrima, porri seminis non absimilia, sed odoris fragrantissimi, quod olim panis crustæ inspersum, antequam is furno immitteretur, grato sapore illum commendabat, verùm is vsus nunc apud Cisalpinas nationes in dissuetudinem venit arque exoleuit, ipsoque semine Medici ad catarrhos discutiendos vtuntur, ad enecandos lumbricos ventri admodum infestos, ad dentium dolores leniendos, ad menstrua vrinasque ciendas, ad abolendas lentigines, næuos, maculas, tum fœda vitia quæ extimam cutem deformant. Cuminū.
 Cuminum Belgis nomen retinet *Comiin*, vulgo semen, vulgarissimum, quo plebei in discutiendis flatibus, in sopiendis intestinorum doloribus ac torminibus, in hernia flatuosa reprimenda vtuntur, cui ego nigellam & lauri baccas commiscere soleo, & milij farinam, cuius etiam in hoc capite propheta meminit. Hordeum, fruges nota, quinto generi gratissimum Hordeū.
 pabulum,

pabulum, quo etiam in annonæ penuriâ ac tritici raritate, plebecula utitur. Medici huius decocti cremore & prisana vtuntur in æstuosis febribus, ac pulmonis atque vocalis arteriæ vitiiis, præsertim cum ex salsa pituita, aut flaua bile illæ partes vel exasperatæ vel exulceratæ sunt, admixtis violarum aut buglossæ stoculis. Ex huius quoque frugis polëta aut maza Belgæ sapidissimum liquorem eliciunt, qui iis Ceruisia dicitur, colore vt Coctori visum est fuluo, croceo, luteo, flauescenre, rubicundo, spiceo, præsertim vbi fæx & spumofum excrementum quo Belgæ in pinfendo pane vtuntur, subsederit. Tunc enim gratissimum colorem adsciscit, vt vinum Creticum, vel illud exoticum quod *Bastardum*, vocant, ac saporem vinosum, qui non secus quàm vinum, tamulentiam excitat.

Triticum.

Triticum, inter frumentacea præcipuæ nobilitatis, ex cuius farina, similia, similitudine multiplicis differentiæ panis conficitur, syncerus, secundarius, nauticus, furfuraceus & aliquot adhuc genera quæ recensere superuacuum. Milium frumenti genus, cuius cum plures sint differentiæ, Sarmaticum, Indicum, Hispanicum, omnes apud Zelandos spectatissimè crescunt, Saracenicum vel Indicum, grano vel rubro vel flauescenre. Ex

Vicia.

his nostrates & pulres & panem conficere didicerunt. Vicia leguminis genus iumentorum pabulum est, vt lens, pisum, faba. Hæc obiter indicare visum est, quodd prophetæ mens exactè ac dilucidè possit explicari, quæ in hoc versatur, vt uclaret Deum nihil temerè aut fortuitò, nihil inordinatè aut confusè, sed omnia distinctè aut distributè, certaque ratione ac lege perficere, nunc pœnas infligere coercendis hominû sceleribus, nunc plagis & vulneribus mederi, afflictisque mentibus solatium adferre, quod aliquando maturius nonnunquam seriùs peregit, sic vt vltionem differat, ac lentè ad vindictam progrediatur, quod etiam in præstanda salute euenit: aliquando subitò potentiam suam vtrobique exerit, vt expedire illi videretur, atque occasio se offert. Quocirca commonefacit vates illos qui Dei iudicia non satis pro æquitare interpretantur, vt modestè ac reuerenter de illius Maiestate & providentia sentiant, vt magnificè & sincere de illo loquantur, ne quid culpent, aut calumnientur in eius factis, cum vident, sceleratos rerum omnium prosperitate frui, pios calamitatibus atque ærumnis esse expositos, cum pro incredibili sua sapientia, atque inscrutabili consilio res mortalium rectè legitimè regat ac moderetur. Desumitur autem in illustranda hac concione appositissima similitudo de agricolarum studio & occupatione, ipsaque arandi ac serendi tritici atque ratione. Si-

quidem

quidem colonus tempestiua anni parte , subacta terra , atque æquata soli planicie , certo modo & mensura suum suis quæque locis , atque agrorum dimensionibus humo committit , obferuatque ordine atque adhibita ratione telluris , aliam agri partem tritico & hordeo deputat , aliam pro frumenti aut leguminū natura nigellæ , lupiuo , speltæ , milio designat , neque enim indifferetè & permixtè grana solo mandat ac fulcis committit , sed singulis discriminata iugera agrosque peculiare accomodat . Peracta autem satione arator non cessat nec conquiescit aut otiosus est , sed post sementem messi inhiat . quocirca antequā ad maturitatem deueniant segetes , frugesque cereales flauescere incipiant , aut maturitatem consequi , loliū , zizania inutilesque herbas eruunt extirpantque famuli , curat , ne sata strangulent , illisque alimentum depopulentur , quò tempestiue metat atque annonæ prouentum maturè in horrea cōuehat demessa segete , eaque recondita , iam alius illi labor , alia opera peragenda oboritur , Siquidem triturae atque excutiendis granis è loculis , illaque ex gluma , acere , paleis eximere ac purgariora efficere meditantur : in quo opere delectum habet , vt singulatim cum iudicio quæque aggrediatur , nec vlla ratione confundi semina sustineat . Itaque alia cura adhibetur minoris pusillisque ; seminibus , alia robustis , alia tritico , hordeo , siligini , auenæ , farri , lupinis , phaseolis , viciæ , leni , cumino , Gith . Sic cum agricola industrius omnibus laborem impendat , omniāque certa ratione & modo pro rei natura exequitur , sedulo operi insistit ac rerum suarum satagit , quo emolumentum vberemque fructum ex iustificatione percipiat . Ita Deus in hoc mundi theatro tantaque ac tam confusa hominum multitudine omnes ad frugem perducere renrat . Et quemadmodū agricola profcissa vomere terra occationi intentus est & contringendis glebis , vt serit , vt metit . vt triturat ac fustibus semina excutit , vt paleas vanni stabello ventilatas à granis secernit , vt arbores truncat ferroque coërcet ne luxurient , ac latius , quam par est ramos diffundant : vt denique inserit atque aliena arbore germinè includit , solidoque docet mollescere libro . Ita Deus homines tractat ac suo arbitratu nonnullis damna ac detrimenta infert , seuerumque iudicium in illos exercet , alios calamitatibus exercet & explorat constantiam : nonnunquam malos tolerat ac manum à feriendo suspendit in spem emendationis vitæ . Nec est quod quisquam illi obloquatur aut obmurmuret cum singulari sua providentia omnia moderetur , illique constet consilij sui ratio . Quocirca si quid aduersi inciderit , aut insignatur , si morbi ingruant , si clades , calamitates , pe-

stes, aliaque vitæ incommoda infestent, omnia hæc à Deo inferri cogitemus, quò castigati ad illum confugiamus, illius opem ac subsidium imploremus, in illo omnem spem ac fiduciã consequendæ salutis collocemus. Quòd si prospera obueniant omniaque ex voto atque animi sententia decurrant, si affluant opes, si accrescant latifundia, si offerantur honores ac dignitates si res domestica bene aucta sit & stabilita, si corpus validum sit & ineulpatè constitutum, ad eundem omnes successum rerum nostrarum referamus, atque res prosperas & aduersas ab illo administrari habeamus persuasum, illiutque ductu & auspiciis omnia perfici. Quod non solum apud Esaiam Cyro Persarum regi in mentem reuocat, cui Dei virtute, idque in gratiam ac fauorem gentis Iudaicæ, res feliciter gestæ, subactæque nationes, sed nulli non mortalium testatum esse vult, Deum omnium rerum autorem esse vult, illicque omnia attribuenda, quam vim & potentiam cum aliis, tum potissimè apud hunc prophetam ipse asserit, cum inquit, *Ego Dominus & nullus præter me, formans lucem, & creans tenebras, faciens pacem, & creans malum: ego Dominus sapiens omnia hæc.* Quo indicat prosperos successu illius esse muneris: damna verò, detrimenta, aduersitates, vastitatem, pestem, famem, bellum, in vindictam scelerum ab illo inferri. Ipse enim efficit, vt qui ab illo dependet, illi fidunt atque innituntur, pacatè viuât diuerso vt ij qui sceleribus se contaminant, omni calamitatum genere diuexentur. Cæterùm Dominus Hieremiæ quoque agricolæ officium assignat admotæque manu ori illius, *Ecce ego, inquit, dedi verba mea in ore tuo, Ecce constitui te hodie super gentes & super regna, vt euellas, destruas, perdas & dissipes, vt plantes & edifies.* Quo indicat illum munitum & vallatum potentia verbi sui virtutem habiturum ad extirpanda vitia, ad eximendos errores, ad euellendas ex animo enormes cupiditates atque inferenda semina pietatis, ad instillandam salutarem mentemque inflammandam solida fide in amorem ac venerationem Dei viuentis. Simile argumentum tractat Christus, cum desumpta à vite & palmitum similitudine, *Ego sum, inquit, vitis vera, pater meus agricola est, omnem palmitem in me non ferentem fructum, hoc est qui fidem suam non declarat per opera Charitatis, amputat, atque vt inutile sarmentum agni destinat, omnem verum surculum ferentem fructum purgat, amputatis resectisque cupiditatibus quo plius fructus proferat.* Ab hac non est aliena Pauli similitudo de oleastri in oleam insitione auulsis ramis ex natiuo oleæ trunco. Quo indicat alios à felici statu delapsos, atque à salute exci disse, alios ascitos esse & coopratos in numerum fidelium,

Esaiæ 45.

Ioan. 15.

Rom. 11.

Pauli locus explicatus.

lium, nullo ipsorum merito, sed singulari Dei favore & gratuita bonitate, quam nisi agnoscant impensique beneficii sint inmemores, ac constanter in fide persistant, rursus excidendos pronunciat, atque ob ingratitude à Dei consortio alienandos, assumptis inferisque postliminio iis qui mutata vitæ consuetudine, excussa que mentis cæcitate & caligine, ad frugem, ad morum integritatem, ad veritatis cognitionem se conferunt, ac Christum à quo desciverunt, amplectuntur. Hac autem ratione Deus partim reprimat ferociam fastumque hominum atque insolentiam compescit, ne quis inani sanctorum persuasione intumescat, suique fiducia sibi blandiatur, aut calamitosi & abiecti insultet: partim fouet atque alit aliorum spem qui abalienati à Deo, per fidem rursus sunt in nativam oleam inserendi, atque in consortium ceterumque fidelium assumendi.

*De Lentisco quæ Gracè Schinos dicitur,
& Illice.*

CAPUT XIV.

CUM habita esset quæstio in Senatu adstante confertissima populi multitudine, de prostituta Susannæ pudicitia, ac commisso adulterio, in quo illam deprehensam criminati sunt veteratores duo fraudulentis & mendaces, Daniel prudenti ac diuinitus immisso consilio explorata rei veritate, excussa que facti causa, insontem mortis periculo eximit, ac patefacta calumnia, suscipione criminis illam liberat. Cum enim ad supplicium raperetur pudica matrona, nullius sibi criminis consciæ, & quæ ad Deum suam causam referret, Daniel Dei spiritu impulsus elata voce cõclamat, nullo suo merito illam morti adiudicatam, ac rei causam accuratius exequendam. Itaque conuocato seniorum confesso & populi frequentia, calumniatores semotos asseruari iussit, ac separatim cõstitui, deinde accito albero eorum, sciscitatur sub qua arbore mœchus cum illa sit congressus: *Sub lentisco*, inquit, Daniel dira illi comminatus ablegat, atque alterum produci iubet, cui cum similis interrogatio proponitur de inito congressu ac perpetrato illegitimo concubitu, *Sub Illice*, inquit: itaque vterque & mendacii & illarum calumniarum conuictus ex lege Mosi morte sunt mulctati. Cæterum ut lentisci natura obiter explicetur, arbor est patula, & sic satis procera, acinis rubentibus, maturitate nigris,

Dan. 13.

Deut. 9.

Kk 2

quæ

quæ vt Terebinthus resinarum ac gummosum liquorem fundit, quæ Medici *maslicheim* vocant, Belgis eodem nomine cognitam, quæ vetustate coit in globulos candidos ac spissatur, catharos autem exsiccat ac fluxiones sistit, suffitu syncipiri admotum, vel ramentis aliquot ore conuolutis, dentes mobiles ac vacillantes, atque vligine viciatos firmat, ac gratum oris habitum efficit. Ex hac arbore cuspides conficiuntur ab Italis, vt apud Belgas ex luniperi & lauri sarmentis, extergendis polien-
disque dentibus accommodat. Sic vt prouerbiali figura dicantur *Lentiscum mandere*, qui eius rei curiosi sunt, ac plus nimiam operam dentibus poliendis adhibent. Nostrates nunc ardeæ stellaris ex auro, argento, chore, vngue, quam alitem *Putois* Belgæ vocant, ex pastinaca marina vulgo *Piilsfeert*, ab aculeato telo sic dicta, à Galeo pisce Zelandis *Haye*, conficiunt verò ex lentisco confecta dentiscalpia, minus gingiuas vulnerant, sed condensant potius astrictionis ratione. Hunc veteribus in vsu fuisse Martialis indicat,

In Apo-
phoretis.

*Lentisco melius, sed se tibi frondes cuspis
Defuerit, dentes penna lenare potest.*

Ilex.

Cæterum alter qui mendacij calore calumniam adornare atque obregete meditarur, sub pruno, hoc est, ilice patratum scelus impudenter confingit. Hæc inter glandiferas arbores refertur, folijs perenni virore, nec deciduis, cui fruticulo viscum innascitur, quo medici vtuntur in expurganda epilepsia, morbisque aliis qui ex turgidis spumosisque humoribus excitantur. Est vna ilicis species quæ coccum granum præbet, vulgò *Vermilion*, *Crameziin*, *Saerlaken*, quo infectores vtuntur illustranda lana, bysso, ac bombee exuberantissimi ruboris calore.

Acrifolium.

Eximitur non dissimile granum ex acrifolio arbore filiis quaquauersum aculeatis, laquore perpolititis, quæ cum apud Brabantos circa sepes & compita proueniat, raro in iustam magnitudinem assurgit Vidi tamen in municipio quodam Zirizeæ contermino magnitudine pruni arboris, eamque cultoris industria & etebra stolonum amputatione in summam proceritatem fastigiata, profert autem eunte autumnno baccas orbiculatas pisi magnitudine, insigni robore perfusas, quales etiam exhibet ruscus quæ nostratibus *buxus* aculeata vocatur: tum taxus arbor quæ folio est laricis aut piceæ vel abietis, vt superioribus annis Londini mihi conspecta est, cuius vnbra apud Britannos non est mortifera, nec baccæ lethifera: in Hispania enim illis venenati quiddam subesse prædicant, nec temere in alimenti vsu assumunt indigenæ, tamen gallinas illis saginari

ac

ne pingüescere nonnulli experiantur, exuta opinor nativa, in-
straque ferocitate.

*De Hyacintho vesteque hyacinthina, vel à viola
colore lanthina.*

CAPUT XV.

Vittas, tegmina, simbrias, chlamydes, pallas, velamina;
operimenta, stragula Hyacinthino, vel lanthino, hoc est;
violaceo colore imbuta, ad decus & ornatū adhibita, ad oble-
scandos pascendosque oculos olim, ut etiam nostro seculo in
deliciis habira Bibliorum codices passim demonstrāt. Sic Pon-
tifici Iudaico eius coloris indumenta regali splendore præscri-
pta sunt ex auro, Hyacintho, purpura, cocco iterato, hoc est,
bis tincto, bysso, atque opere Phrygio, quo cultu ac nitore po-
pulus rudis olim officio continebatur quod esset in religionem
propensior. Desumitur autem coloris huius appellatio partim
ex Hyacintho spectabili gemma, aut lanthina, hoc est, viola-
cea tinctura; partim ex amabili eius nominis flosculo qui ex-
uberanti ceruleo purpurascit, qualis conspicitur in Amethysto
gemma, in Cirsio, seu vulgari buglosso, aliisque herbis passim
obuiis, quarum flores purpureo colore collucent, atque oculis
suauiter blandiuntur. Insectatur autem nonnunquam Deus
illorum luxum fastūque ac superbiam, qui operosis sum-
ptuosisque huiusmodi tegumentis magnificentiam suam aliis
inani ostentatione venditant, atque lanthino purpureoque
amictu elati, infimos quosque despiciatos habent & fastidiunt.
Nonnunquam ex his desumit cōcinnas Metaphoras ac simili-
tudines, easque ad internās dotes transfert, ad animi decus mē-
tisque ornāmēta accommodat. Talibus enim exemplis homi-
nes socordes commonefacit sui officij, & quid Deus præstare,
qualem illi cultū exhibere, & quā sollicitè expulsa omni su-
perstitione & idololatria, in ipsius religione consistere debeant
accuratè demonstrat. Quod ipsum cum aliās tum disertè apud
Ezechielem in hoc capite exprimitur. Primum enim in mētem
illis reuocat quanta quāque immensa beneficia in hos con-
tulit, quā vsus sit erga illos bonitate, quibus illustrauit tum
animi tum corporis muneribus, quā salutaria præcepta tra-
didit, quā sacra religione mentes illorum cognitione Diui-
nitatis imbutas, instruxit. Deinde expostulat cum desertori-
bus atque ingratis, quod omnibus istis in probrum ac dedecus

Hier. 10.
Exod. 28.

Hyacin-
thus
gemma.

Cap. 16.

Cap. Eze.
chi. 16. pa-
raphraſi
te narra-
tum.

abusi ſint, atque in proſanum uſum, cultumque alienum ac ne-
farium tranſtulerunt, ſic ut mentem, rationem, intelligentiam,
animi præſtantiam, acumen ingenij omneſque vires non in il-
luſtranda illius maiestate, non in obſeruanda tuèdâque ſacta-
tiſſima ipſius religione: ſed in erigenda ſtabiliendâque idolo-
latria, in ſuperſtitioſis & commentitiis cultibus inducendis
conferrent. Sic enim proſequitur concionem obiurgatoriam ad
Hieruſolymâ conuerſo ſermone: *Cùm, inquit, nuda eſſes, inops,*
egeba, omnique ſubſidio ac ſolatio deſtituta, velut infans recens in
lucem editus, ſordibus & ſanguinolenta illuuiè inuolutus, cui non-
dum umbilicus præciſus eſt, nec materni uteri inquinamenta ablu-
ta, ego præteriens, te conſpicatus in ſanguine tuo volutatam, mul-
tiplici incremento, tanquam ſtirpem & germen terreſtre te auxi:
adco ut ſenſim taciti que auſtibus adoleſcere cœperis atque
progredi, ut comi & poliri, mûdôque muliebri exornati poſſis,
id eſſe tcmpeſtiuum vbera indicant iam prætumida, & germi-
nantes denſi vndique capilli. Et quanquam in hac ætate eſſes
conſtituta, nuda tamen eras & deiecta, oculiſque ſpectantium
(contra quàm illius ſexu pudor aut decus patiebatur) expoſi-
ta, quod ego dum hac iter ingredior conſpicatus, obſeruauĩ te
pubeſcere, atque in ea ætate conſtitutam, quæ eſſet amoribus
idonea, & à procis atque amaſiſ ambiri poſſet, tanquam nubi-
lis maturaque vito, & cui ſponſus designari debet. *Ego verò ex-*
pandi amicum meum ſuper te, & velaui quæ parum pudenter
& verecundè oculis ſpectantium exhiberetur, ac decetius obte-
guntur, ac data fide inſicòque fœdere te mihi deſponſauĩ, atque
vnitam aſſumptamque in legitimam vitæ ſocietatem abluĩ à
ſordibus, ita ut nulla labeſ, nihil inquinamenti tibi inhaereret:
deinde vnguento delibutam ornatũ veſte variegata, calceauĩ
hyacintho, torque, armillis, corona capitiſ illuſtraui. Tu verò
tam inſigniter compra, tam operoſè culta proſtituiſti te alienis,
omniaque ornamenta noſtra nulli quàm mihi conſecrata in
proſanos uſus conuerſiſti. Quo indicat, ut mulierem impudi-
cam adulterio, ita illam idololatria contaminatam, cumque
honorem, & cultum, quem Deo impendi pat erat, dæmonibus
exhiberũ, cum omnes cogitationes, vota, deſideria, ſpes & ſidu-
cia in Deũ eſſent referenda à quo vno dependet hominũ ſalus.
Tunc autem maximè Maieſtas & amplitudo ſupremi numiniſ
imminuitur, ac contumelia ignominiaque afficitur, cum illi
adimitur, atque in alium tranſfertur, quod nulli præterquam
ipſi attribui debet, hac enim ratione debita illum laude, iuſto-
que honore fraudamus, & nos deſerto ſincero eiꝯ cultu ad
perniciouſum rapimur maguo ſalutiſ noſtræ detrimento.

De Carice, Scirpo, Iunco, Palustri,
Papyro.

CAPUT XVI.

Carex Scirpi modo fruticat locis palustribus & vliginosis, forma triangulari, utroque latere secandi vi prædita, qua virenti fronde Belgæ & Britanni triclinia ac cœnacula ædelsque sacras æstivis mensibus consternunt, quod æstum propulserunt, ac suavitèratque halitu resciantur. Scirpus iunco palustri affinis frutex est lævior perpolitus, orbicularis, stilo enodi, nullisque geniculis aut internodiis distincto: fungosa intus candidaque medulla, quam nostrates in amenti aut crassioris filii modum exemptam in multos usus accommodant. Si quidem in nuptiali Pompa ex hac ornamenta & suppellectilem fictam & commentitiam confingunt, nempe calathos, vrecos, discos, pectines, scopas, sedilia, crumenas amētatæ, quales mulieribus vsui, cestus, seu cingula, zonæque virgineas: multaque alia miro artificio ac concinno contextu elaborata conficiunt, quibus in gratiam sponsæ laquearia adornant, peractisque nuptiis pro apophoretis ac strenis singulis distribuunt. Quoniam autem huic stirpi culmus est levis ac minimè geniculatus aut nodosus, proverbio locum fecit, *In scirpo nodum querere*. Quod in hoc quadrat qui plus nimio anxij sunt & scrupulosi, quique frustra ac nullo fructu se fatigant. Belgæ fruticem hunc qui aliquando in mediocrem altitudinē assurgit, *Biesen* vocant, ex quo storeas nostrates contextunt, stragula, nassas, quallos, fiseellas, quoniam viminosus est flexilis, naturaque tam sequaci, ut quidvis ex hoc elaborari possit. Sunt passim obuij in sabuletiis Zealandicis ac colliculis arenosis, iunci non admodum proceri, cacumine aculeato, ita ut in ambulantium suris infesti sint, ac puncturas infigant, cuius fruticis frequens est apud nos plantatio in enim usum excogitata, ut arenam & puluerulentam quæque æstu quodam ventoso agitata remoretur, ne agros & novalia sementi destinata obruant, quocirca nostrates *Helm* vocant, quod ut galea caput, ita iste fruticulus agros muniat ac tucatur ab arenæ impulsu. Ex iunci forma ac specie adolescentulæ quæ gratiosæ videri affectat ac teneritate comendari, iuncæ apud Terentiū dicuntur, quod etiā nostratibus vsu venit, quæ ut gracili corpore spectabiles sint, se arctius pressiusque astringunt ac salè liguriunt. Hac enim ratione se reddunt iunceas, ne si qua

Carex

Scirpus

Prouerbium.

Iunci maritimi

paulò sit habilior, magisque opima aut obesa, athleta censeatur: Sic Chærea Terentianus cum miro affectu esset erga amicam, cui erat decora oris figura, color verus nec ascititius, corpus solidum ac succi plenum, in ipsòque flore ætatis constitutum, illud aliis quæ studet operosa cura gracilescere. itaque Parmenoni mentem suam aperit, atque indicat in quam oculos coniecerit, & qua potiri cupiat, cum præ hac omnes quotidianæ formæ illi vilescant ac sint despiciatæ. Siquidem, ut is ait,

Eunuch.
Act. 2.
Scen. 3.

*Haud similis virgo est virginum nostrarum quas matres student
Demissis humeris esse, victo pectore, ut graciles sint.*

Si qua habilior paulò, pugilem esse aiunt: deducunt cibum.

Tametsi bona est natura, reddunt curatura iuvenas.

———— *Itaque ergo amantur.*

Papyrus
frutex.

Vt autem apud nos Scirpus, iuncus, arundo, typha palustris, ita in paludosis Nili aquis papyrus nascitur, ex hac olim in tenuissimas membranas dissecta chartæ confici solent, ut nunc in Europa ex linteolis minutatim contusis, atque aqua maceratis, quæ cum eundem cum veterum papyro usum & commoditatem obtineant, vetus nomen referunt. Assurgit autem papyri frutex nonnunquam in octo aut decem cubitorum altitudinem, ut arundo in Hispania, internodiis distincta, forma triangulari ea crassitudine quæ manum complicaram impleat, ex quibus ubi inarescunt, scipiones conficiunt læuore perpolitos, colore spadicio, qualis est castanearum extimus cortex. iis enim Patricij ingrauescente atque inclinata ætate se fulciunt ac gressum labatē firmanr. Exhibet se hac stirpe esculetum quiddā, ut in nostræ arundinis radice candida & geniculata, sapore mellito, sed expresso tantum succedentibus, reiecto cortice. Ex papyro olim lembos, scaphas, cymbas, aliæque nauigia pice oblita construxisse Ægyptios, præter Plinium Esaias vates indicat, qui minatur terræ quæ trans flumina Æthiopie sita est, hoc est, Nili accolis qui per mare legatos mittunt in vasis papyri, hoc est, iunctis ac scirpeis nauib. ut inito fœdere ac coniunctis copiis cum aliis nationib. Israelitas opprimant. Cæterum ut argumentum susceptum prosequar, desumuntur in Bibliis à iam commemoratis stirpibus concinnæ similitudines & Metaphoræ. Sic cum Iob disceperet cum Satrapis aliquot, quibus visum est officij causa, atque humanitatis impulsu illum adire, quod tam afflicti hominis calamitati condolerent, tantamque cladem commiseratione dignam deplorarent, multa inter hos ultro citroque agitata, atque in controuersiam vocata, de humanæ vitæ cursu, de Dei erga homines prouidentia, de afflictione hominum, quæ bonis non minus quam

Scipiones
ex papy-
ro.

Lib. 13. c.
17.
Cap. 18.

Lib. 8.

malis

malis impendet, de prosperitate & successu rerū, quibus æquē mali ac boni fruuntur, vñs adstantium, nempe Bildad, Suires qui solitis rationibus ex natura rerum petitis argumenta, sua fulcire nititur, convincere tenrat impios, infames, nefarios, facinorosos, improbos calumniatores, hypocritas, quique ficta & simulata religionis specie hominibus imponunt, ac Deo fucum faciūt, non diu subsistere, illos quidem ad tempus spectatissimē florere, verūm qui ingruente Dei iudicio citissimē exarescant & conerantur, vt Carices, vt scirpi, vt iunci, vt gramina virentesque herbæ aquarum irrigatione distitutæ. Impiī enim in afflictionibus, periculis, calamitatibus, imminente morte, destituti fiducia ac solatio Dei labascunt, nec habent quo se fulciant, sed in desperationem ac diffidentiam deuoluuntur. Non difficile est Esaia vaticinium contra Ægyptios, quos ad egestatem

Jobi locus explicatus.

redigendos pronunciat, ac primū mentem atque animum, deinde omnia illis adimenda, quorum vsu & cōmoditate negotiati, piscatura, aliāque opificia subsistebant, atque vberimū quæstum præbere consueverunt. *Arescant, inquit, aqua à mari, & flumini exsicabitur, exhaurientur & siccabuntur riuī, calamus sue arundo, papyrus & iuncus inarescent, & omnes virentes herba carus.*

Cap. 35.

Esaia lo-
cus expli-
catus.

*circā flumini, ac riuī ripam peribunt. Quo maximam sterilitatem fore denunciat, ac nullam piscatorum frequentiam, nullos cōmeatus, nullum ementium concursum. Nonnunquam Deus successum piorum hominum, progressus & incrementa pietatis, omnem rerum salutarium affluentiam salientibus aquis & fluminibus, denique virentibus herbis, floridisque pratis & viridatis comparat. Atque Esaias fecunditatē pollicetur, squalidis, incultis, siticulis agris, eosque irrigandos saluberrimis ac scaturiendis aquis pronunciat, multisque speciosis herbis decorandos. Quo indicat aridas atque ieiunas mentes irrigandas verbo Dei, ac saluari eius doctrina, eiusque spiritu profundendas. Sic autem eius rei vaticinium prosequitur. *Latabitur desertum & inania, & exultabit solitudo, & florebit quasi lilium, vertetur locus aridus in stagnum, & scaturiens fuciculosa aquis, in cubilibus in quibus prius dracones habitāt, orietur viror calami & iunci.* Hoc est, Expulsis profligatisque vitiorum monstris, proferent se virtutes ac pietatis semina, emerget Amor & Charitas erga Deum & homines, erigetur in animis hominum Spes & Fiducia consequendæ salutis, sic vt mentes ante steriles fontē atque irrigatæ verbi Dei scaturigine, ac fidei robore fultæ vberimos fructus proferre incipiant non secus, quā ager benè cultus lætas segetes ac spectabiles herbas profundit.*

Cap. 35.
Metapho-
ra Esaiæ
explicata.

De Absynthio.

CAPVT XVII.

Tres spectantur apud Belgas maritimos Absynthij species Pontificum, vulgò Romanum, quod in his colitur, non insuauis odore: Matinum in Oceani crepedine passim obuim. Vulgare insigni amaritudine, expugnandis vermibus cum primis efficax & præsentaneum, quod tamen in hortos translatum mitescit adeo, vt non solum sapor, sed folijs etiam color immutetur. Ex inanis enim & cinericeis virorem adsciscuat, nec odorem prorsus ingratum aut fastidiosum. Ex hoc amarissimo frutice Scriptores sacri passim similitudines desumunt, easque impijs accommodant. Sic cum Deus apud Hieremiam improbis tristitia, acerba, amarulenta minitatur, ac calamitates denunciat, *Ecce ego, inquit, cibabo populū istum absynthio, & propinabo aquam felle, & dispergam eos in gentes ignotas, & gladio illos prosequar.* Rursus ad prophetas mendaces qui Dei verbo abutuntur, & adulterant verbum eius, *Ecce ego, inquit, saturabo illos absynthio, & potabo eos felle, quoniam à Prophetis Ierusalem progressa est impietas, & pollutio diffusa est in totā regionem.* Amos autem vates cum inuehitur in pseudopphetas qui in specie blanda magis, quam salutaria proferunt, ac prætextu religionis, syncerum Dei cultum superstitionibus cõtaminant, deinde quod procures & optimates, quorum interest æquitati studere, atque administrare iustitiam, *Conuertam, inquit, iudiciū in amaritudinem, & fructum iustitiae in absynthium,* hoc est, defleat se ab æquitate, nec rectè perfunguntur iudicis officio, quod prorsus amarulentum est & acerbum homini innocenti, qui ab iniuria vindicari cupit, ac subleuari, in aqua causa non opprimi. Insectatur autem Esaias pluribus locis huiuscemodi iudices corruptos, qui dicunt bonum malum, & malum bonū, qui ponunt lucem tenebras, & tenebras lucem, ponentes amarum in dulce, & dulce in amarum. Rursus alio loco illos exagitat qui muneribus obæcati opprimunt innocentes, quorum causam tueri deberent, illisque suum ius eripiunt. Sic enim in-
surgit aduersus huiusmodi nomophylaces, hoc est, legum conditores, Vt qui condunt leges iniquas, & scribentis iniustitiam scripserunt, vt opprimerent in iudicio pauperes, & vim facerent causa humilium populi mei, vt essent viduæ illis præda, & pupillos diriperent. Apud Hieremiam non minus acerbè in illos incan-
descit,

Cap. 9.

Ieremie
 loca ex-
 plicata.
 Cap. 23.
 Cap. 5.
 & 6.

Cap. 5.

Cap. 10.
 Ezech. 22.

Cap. 5.

defecit, Inueniuntur, inquit, in populo meo impij insidiantes quasi *Cap. 5.*
nucupes ponentes laqueos ac pedicas ad capiendos homines sicuti
decipula & cauea plena auiibus, sic domus eorum referta dolo &
fraudibus, causam vidua non iudicant, pupillus non patrocinan-
tur, & iudicium pauperibus eripiunt. Cæterum vbicumque in
 Scriptura Absynthij fit mentio, maximam atque acerbissimam
 calamitatem, animique tormentum subesse indicat. Sic in cla-
 de illa funestoque ac luctuoso Hierosolymæ excidio Ieremias
 ciuium suorum personam sustinens quæritur se felle circum-
 fusum, & oppletum amaritudine, & Absynthio inebriatum.
 Quo indicat ad summum luctum atque angorem animi nihil
 esse reliqui, nec quid amplius posse adici. Non dissimilis est
 deploratio ac querimonia Davidis cum in dubio belli euentu
 constitutus esset, ac illi ab hostibus periculum immineret. Sic
 enim ad Deum sua vota dirigit, *Deus repulisti nos, & destruxisti* *Psal. 49.*
nos, & misertus es nobis: commouisti terram, & conturbasti eam, *Davidis*
obiiecisti populo tuo dira, potasti nos vino compunctionis, hoc est, *locus il-*
lustratus.
specacula oculis nostris obiiecisti, quibus non sumus exhila-
rati, sed in mœrorem & mœstitiam, in anxietatem & mortis
horrorem deiecti, vt ij quibus mortifeto aliquo poculo, aut
venenata lethalique portione vitalia perfusa obstupescunt. Ea-
dem vsi sunt Metaphora Esaias, Ieremias, Ezechiel, qui pro-
pinatum vini furiosi calicem describunt cum regibus, tum pro-
miscuæ plebi, quo gustato in rabiem atque insaniam stupo-
remque acti sunt, prorsusque orbatim mente, ratione, iudicio, re-
rumque gerendarum prudentia & consilio. Nec prorsus cle-
meotius tractatur qui metetricum consortio assuescit, illarum-
que blanditiis, fallaciis, illecebris, lenociniis capi se ac deliniri
patitur. Quod cum à Salomone sit obseruatum, studiosè com-
monefacit filium incuntis ætatis incitiam, vt longè ab alienis se
subducat, nec vlla ratione eorum blanditiis mentem incantari
sustineat. Fauus enim (vt inquit) distillans labia meretricis, *Prou. 7.*
hoc est, sermo blandus & mellitus, eiusque fauces & guttur nitidius *& 8.*
molliusque oleo: nonissima verò ac rei exitus amarus vt Absyn-
thium, & lingua eius acuta vt gladius anceps. Siquidem omnia
 agit insidiosè, simulare, fraudulenter, atque incredibili astutia,
 venationi & aucupio intenta, omnes ingenij vires ad emungē-
 dum confert. Cæterum cum fellis & Absynthij nomine tristitia
 quæque, noxia, amara, tetra, calamitosa denunciati soleāt, tum
 tale quiddam etiam in Apocalypsi designatur. Si quidem clan- *Cap. 8.*
 gente tuba Angelo, cecidit de cælo magna stella, facis in mo-
 rem ardens, qua ira Dei accesa in impios denotatur (erat autem
 stellæ nomen Absynthium, eaque delapsa in terram, fluuiorū
 partem,

partem, & aquarum fontes : conuersa est tertia pars in absyrtium, multique hominum in aquis interierunt, quod amaritudine imbutæ essent. Vt autem naturalis syderum concursus, aspectusque, & (vt vocant) constellatio æstiorum fœnalis aliquando est & noxia, magnamque stragem hominibus & brutis agitantibus, satisque ac sementi infert : ita vis ista cœlestis exitialis fuit humano generi, magnæque detrimenta iutulit, vindictâ Dei in reprobos inflammata.

De Carduis, Spinis, Vepribus, Tribulis, Rubis, Lappis, Sentibus, & quibus hæc stirpes in Scriptura accommodari solent, & quid designent.

C A P V T XVIII.

- S**tirpes istæ quæ spontè ferè atque inultis colonis nusquam non erumpunt, nihil propemodum commodi hominibus adferunt, sed aculeis infestæ sunt, ac sementi officiant. Quocirca cum Deus maledictionem Adamo transgressori atque ærumnarum vitamque laboriosam impendere denunciat, *Maledicta terra, inquit, in opere tuo, in laboribus comedes ex ea, in sudore vultus tui vesceris pane tuo. spinas & tribulos, sentes & carduos germinabit tibi, & comedes herbas terra.* Sic Deus accensus furore in populum Israëliticum, qui nulla grati animi argumenta erga ipsum proferebat sub vineæ nomine dira illi mina ur, quod post tantam culturam, pro lapidis vuis labruscas produxerit: *Ostendam, inquit, vobis quid facturus sim vinea mea, auferam sepe eius, & eris in direptionem, diruam maceriem eius, & eris in conculcationem, & ponam eam desertam, non putabitur, nec fodietur, & ascendent opprimensque eam sentes, vepres, & spina.*
- Quæ** figurata loquutione indicat se extremam impendisse operam fouendis erudiendisque Israëlitis salubri doctrina, mentisque illorum verbo suo continenter irritasse, nec quidquam prætermisisse eorum quæ ad animorum cultum spectant, sed frustra insumpsisse laborem, nec quidquam se profecisse deplorat: quapropter illos pro desertis habet, ac paritur rueri in omne probum ac dedecus, in cupiditates ignominiosas, & fœdas, in mores improbos & vitiosos, sic vt mens illorum inculta, nullisque ornata virtutibus vitiis vndique scateat, vt solum neglectum & cultura destitutum, herbis noxiis. Rursus alio loco sterilitatem illis denunciat, ac rerum penuriam, nullasque

Iasque futuras fruges aut annuos prouentus, sic ut terra maledictioni obnoxia, humus siccus & squalore obrita non aliud quam spinas, vepres, ac tribulos profundat. Sic quocunque loco fuerint, mille vites æstimatæ, mille argenteis ibi in vepres & spinas locaque senticosa verrentur, adeo ut in vniuersa terra nullus ager victum suppeditet, sed tota regio in solitudinem eamque vastitatem sit redigenda, ut fruges vel alimenta, ut cibaria defutura sint, omniæque in agris horrida se proferant, squalida, siticulosa, inculta, omni nitore atque amabili viriditate destituta. Paulo autem inferius atrociora magisque horrenda impiis obuentura denuntiat. Sic enim contra Idumæos, hoc est, Dei & Ecclesiæ hostes vaticinium instituit: *Conuertentur eius flumina & torrentes in picem, & humus eius in sulphur, & erit terra in picem ardentem, nec extinguetur in sempiternum, & solabitur in perpetuum, nullo per eam transeunte, ulula, ericinus, nothua, ibi & cornus, quæ alites & animantia hominum confortia fugiunt. Nobiles eius erant absque regno, & principes ad nihilum redigentur*, hoc est, nullus erit Reipublicæ status, nulla politia, nullus principi honor aut dignitas, nulla imperij maiestas, nullus ordo vel consularis vel senatorius, sed mera inter plebem & optimates confusio oppressis legibus, ac iuris æquitate sublata; cum hoc etiam accedat ad malorum cumulum, ac miserandam rerum faciem, ut Regum palatia solo sint æquâda, omnesque ædes splendidæ atque opotosius ædificatæ diruendæ sint, atque ad nihilum redigendæ. sic ut hominum frequentia vacuæ feris & alitibus lutra & latibula præbeant. Sic enim hæc cum isto, tum aliis locis amplificat, ac regionis vastitatem exaggerat in immensum: *Et orientetur in domibus eius spina, urtica, sentes, cardui, vepres. & palisurus in domibus eius*, ut ferè

Esa. 5.
 Cap. 32.
 Esa. 34.
 Esaiæ locus interpretatus.
 Esaiæ 13.
 Sopho. 2.

concipit solet in ruinosis palatiis, bellòque dirutis arcibus. Et erit inibi latibulum draconum, & struthionum statio, & occurrent in desertis iis locis inter se dæmonia, onocrotæurus, Syluani, pilosique Fauni & Satyri, nocturnæque Striges ac Lemures, in iis etiam habitaculis residebit Lamia, nidulabitur bubo, vultures & rapaces milui. Quarum rerum commemoratio horrendam vastitatem ac solitudinem, ruinasque celebrium locorum oculis obicit, eoque funesto spectaculo acrius percipit hominum animos, quod nulla in florentissima regione spectabitur negotiatorum frequentia, nullus populi concursus, nulla comitantium turba, nulla nundinatio aut mercatura, sed tantum monstra. harpyiæ & Chimææ se oculis spectantium offerent, immanesque bellæ & nocentes feræ, quarum aspectus vel fortissimè cuique terrorem ac trepidationem incutit.

Dæmon se
in môstra
transfor-
mat.

incutit In has deformes horrendasque bestias se nonnunquam dæmones & mali Genij transformant, variisque aspectris ac præstigiis pauidas mentes territant, præsertim illas quæ cognitione Dei non admodum imbutæ sunt, illiusque verbo fultæ Huiusmodi etiam imagines monstruosas ac simulachra inaudita animo menteque concipiunt melancholici, maniaci, phrenetici, deliri, ebrij, febricitantes, aut conscientia scelearum furiis agitantur. Istis enim variaz rerum species, & absurda phantasmata animo obuersantur affecto cerebro, ac spiritu animali tetris densisque vaporibus offuscato: sic vt illis ex vitiosa capitis affectione mentem, rationem, iudicium, memoriam eripi contingat ac perturbata imaginatione confusè de rebus obuiis iudicare.

De Ficu, Carica, Grosse.

C A P V T XIX.

Ficus apud Belgarum etiã extremos atque Oceani accolæ aliquando bifera, hoc est, bis in anno fructifera, quæ æstate feruida fructus prorsus maturos profert. Sic annos redempti orbis 1540. desinente mense Iulio cum Imperator Carolus eius nominis quintus peragrata Belgica Selandiam, tractusque maritimos perlustraret, ac Zirizeam inuiseret, oblata sunt illi melones inusitata magnitudinis, miræque saporis & succulenti, ac ficus turgidæ adeò maturæ, vt Cæsar rei nouitate delectatus (quod tale quiddam in frigida regione non speraret) assereret ne in Hispania quidem meliùs potuisse maturescere, verùm id nobis non est perpetuũ, quòd aliquando æstiuis mensibus calor languidus sit, & remissior, quàm vt possit huiusmodi fructus ad maturitatem perducere. Fici arboris fructus duplicis est differentia. Nam Caricæ ficus sunt tempestiuæ, quæ ab arbore eximuntur antequàm prorsus siccescant, deinde exiccata in fiscellas ab Hispanis reconduntur. Grossi primitiuæ ficus siccossæ, præcoces, & intempestiuæ quæ non maturescunt, vel seriùs maturitatè assequuntur, vnde serotinæ dictæ. Cùm autè ficus flore destituta sit cæteris florescētibus arboribus, ista grossos producit. Sumuntur autem ex hac stirpe eiusque fructu similitudines & exēpla in arcanis litteris cum primis elegantiæ. Sic cùm Christus vaticinatur Iudæis obuēturas calamitates, & deuastandam Hierosolymā ne quem dies Domini inopinato opprimat multis exemplis ad excubias ac vigilantiam omnes extimulat, sumptuque similitudine à germinante ficu, quibus indicij aduētus Domini

Ficus siu-
ctus du-
plices
profert.

Caricæ.

Grossi.

Matth. 24.
Marc. 13

Domini obsequari possit, commonstrat. Vt enim cum huius arboris rami tenerefcunt ac frondescere incipiunt, suosque grossos parturiunt, instare æstatem indicant: ita proditioes, pestes, bella, fames, terræ motus iuitia sunt dolorum atque in foribus esse iudicii diem testantur. Cæterum ficus maturandi ac leniendi facultate pollere Esaias etiam commoñstrauit. Siquidem cataplasma illum confecisse legimus ex contulis ficubus, atque Ezechix regis apostemati adinouiße eoque præsidio illum sanitati restitutum, sic vt Deus singulari suo beneficio, quo Regi vita in quindecim annos protogata est externam medicinam adhibuit, quæ illius munere corporibus humanis efficax est & præsentanea. Nahum propheta cum omnia humana præsidia inualida pronunciat atque infirma, nec vllas munitiones, turres, propugnacula contra Dei vim subsistere, ficubus maturis illa cõparat, quæ leuissimo motu atque agitatione arboris decidunt. Itaque Assyriorum genti sic insultat, *Omnes munitiones tuæ sunt ficus cum grossis suis, si concessa fuerint, cadunt in os comedentiu.* Quo indicat omnes illorũ vires, robur, potentiam corruere atque ad nihilum redigi extenta exportectæque manu sua. Deus autem per Oseam ex suauissimis huiusmodi fructibus sumpta similitudine expostulat cum populo Israëlítico, quod à ram amabili propẽloque Domino desciuerit, atque Idololatria se cõraminauerit. Sic enim fauorem erga ipsum, animique propensionem exprimit. *Tãquã vnam in deserto inueni Israel & quasi prima ficulnea poma.* Quo designat non secus se affici erga Israël-Jem, quàm viator lassus ac sirculosus afficitur erga lapidam & succulentam vnam quæ ex insperato se obtulit in valla aliqua solitudine ac loco sterili, an præmaturo ac præcoci ficus fructu, quo nihil illi ad resciciendas vires obtingere potuit gratius magisque acceptum. Atqui cum tanto illum amore complectatur, eoque se oblectet vt fructu aliquo delectabili, ipse non respondet amore mutuo, sed ad *Beelzebgor*, hoc est, Priati idolum rapitur, illiusque abominando cultu se contaminat. Sumuntur autem ex ficu eiusque foliis & fructu innumeræ passim apud Prophetas similitudines, quibus nonnunquam vbertatem rerumque omnium affluentiam designant; priorumque successum & incrementa: nonnunquam sterilitatem, rerumque necessariatum inopiam atque improborum interitum. Sic Christus execratus est ficum frõdofam quidem, sed minimè fructiferam, qua denotauit fucatam quandam speciem & ostentationem religionis operibus solidis fructuque fidei destitutam. Similiter Michæas vates sumpta metaphora à terra horrida & inculta atque ab arboribus spoliatis suis fructibus, vt finita

Cap. 18.

Simile à natura ficu.

Nahum 3.

Cap. 9.

Osez loc. explicatus.

Matt. 21.
Marc. 11.

Anita messe, peractaque vindemia assollet, in hunc modum deplorat præsentis sæculi statum, in eaque se incidisse tempora queritur, quæ nullos probos aut integros exhibeant: *Veni mihi qui factus sum sicut qui colligis in autumno racemos vindemia, non est botrus ad comedendum: praequas & maturas figas desideravit anima mea, perii sanctus de terra, & rectus in hominibus non est.* Quo designat profligatam esse iustitiam & aequitatem, exulare pietatem, extinctam religionem cultumque Dei, inundasse impietatem, omnia passim plena esse crudelitatis & nequitie. Sunt autem huius generis multa in sacris literis obuia, quæ hic congeri possent, sed non visum est lectorem iis excutiendis defatigare.

Ioëlis 1.
Esaï. 34.
Hier. 5.
& 8.
Amos 4.

De Palma arbore eiusque fructu, & quid in Scriptura sacra illis designetur.

CAPVT. XX.

PALMA arbor est trunco valido ac procero, folio arundinaceo, gladiolo affini; fructus fert sapore dulci, Græci *da-tylos* vocant à digiti forma, Latini *palmulas*, quibus medici vires instaurant exhaustis & extenuatis. Humorem enim nutriticum quem *radicalem* vulgo vocant, fouent, ac corpori arido alimentum conferunt. Cæterum cum hæc arbor oneri renitatur, nec prementibus virgentibusque cedat, hoc insigne in cæraminibus victori decerni solet, quod inuictum animi robur palmæ naturam referat, ac sit rei fortiter atque animosè gestum symbolum ac trophæum. Sic martyres qui inuicto infractoque animo aduersus Tyrannorum sæuitiam substiterunt, amicti stolis albis, palmis, manibus gestasse leguntur in victoriæ argumentum. Similiter qui iustitiam colunt & aequitatem, qui Dei hostibus se intrepidè opponunt, palmæ aliisque speciosissimis arboribus sunt similes. Vnde Dauid, *Iustus ut palma florebit, ut cedrus in Libano, multiplicabitur.* Cum enim impij, ut herba, confestim arescant, cum pietatis cultores, ut palma, diutissimè vigeant & subsistunt, ac fructus suauis proferunt: denique ut Cedrus celsa arbor & odorata, nulloque æuo putredini aut cariei obnoxia, gratissimam vmbra ministrat. Hoc ipsum designat Iob, cum rectè admistratæ iustitiæ sibi conscius, confidenter pronunciat, *In nidulo meo moriar, & sicut palma multiplicabo dies:* quibus verbis pollicetur sibi vitæ diuturnitatem, annosque florentes ac senectam viridem magna cum animi tranquillitate. In Cantico vetò Sponsi comæ & exsaries palmæ

Palma victoriæ index.

Apoc. 7.

Psal. 91.

Cap. 29.

Cap. 5.
Palma electa quid.

palmarum elatæ assimilantur, quæ comparatio desumitur à tenello termitæ ac cauliculo, ipsoque germine quod est palma producit, vel ab ipso inuolucro atque integumento ex quo fructus emergit, qui *Phœnicobalanus*, *Coriota*, *palmula* vel *dadylus*, dicitur, qui color phœnicus, hoc est, spadiceus subest, sic ut designet illum rutilanti esse capillo, eoque firmo nec deciduo, cum palmarum folia non defluant. Huiusmodi autem coloris crines spectantur in Pannoniis, hoc est, Hungaris & Austriacis, quorum capillitium ferè fulvescit atque aureo colore perfusum est. Cæterum cum Deus indignanter ferat populum suum vitiis occæcatum & obstupefactum obsurdescere ad omnia salutaria monita, ac nullis afflictionibus, nullis calamitatibus expergisci ac resipiscere, nec ullis plagis induci posse, ut à Deo inferri has plagas agnoscat, sed in res fortuitas eas reiciat, atque in ordinarium naturæ cursum referat longè acerbiora magisque atrocia illis obuentura denunciat, ita ut præter bruchum & locustam, crucam, rubiginem, quæ fruges viriant ac depopulantur, vineas per Iohelem excindendas pronunciet, Cap. 1. omnesque spectabiles ac fructíferas arbores extirpandas, ita ut nusquam alimenta supperant, nusquam vlla frugum spes affulgeat, quibus fames posset sedari. Sic enim prodigiosam sterilitatem terræque vastitatem adesse indicat, atque ingruente præsentanea clade, somno vinoque sopitos excitat, *Expergiscimini ebrii, flete & ululate omnes qui bibitis vinum in dulcedine, quia perit in ore vestro. Posuit vineam in desolationem, ficum decorticauit* (ablato enim cortice arbores emoriuntur) *vitis exaruit, & ficus elanguit malegranatum, palma, & malus omnesque arbores exaruerunt.*

*De Hebeno, & aliis quibusdam exoticis, quorum
in Scriptura fit mentio*

CAPUT XXI.

Quanta olim fuerit in Tyro totius Asiæ emporio celeberrimo negotiatio, quæ hominum frequentia, qui mercium apparatus, præter illustres Historicos, Ezechiel vates amplissime describit: recenset enim singulatim multorum regnorum ac prouinciarum mercimonia rata & exquisita, quibus explere solent negotiatores hanc urbem, quod omnibus facilem aditum, accessumque commodum præberet, nulla natio hunc locum non frequentabat, eratque commercantium incredibilis Cap. 27.

concurfus, antequam ab Alexandro Macedonum rege in ruinam effer redacta, quod futurum hoc capite Ezechiel vaticinatus est. Inter innumeras autem merces quas hic recenſet vates, Hebenuin, ebur, refinam, ſtaſtem, calamum, baſſamum, corallū, cryſtallum, & præter pretioſiſſima aromata, aurum, variaſque gemmas commemorat. Hebenus lignum eſt nigerrimi coloris adeò ponderoſum, vt etiam in tenuiſſimas laminas diſſectum in aqua demergatur nec fluitet. Quia autem duæ ſint huius arboris ſpecies, vna Indica, altera Æthiopica: ex poſtrema elaboratam vidi fiſtulam incuruam ſequicubiti longitudine, eleganter nitore expoliatam, vt ferè conſpici ſolet Gagates, duritie lapidoſa ac pluſquam buxæ: vbi contrectaui, non ſatis diſcernere potui, an in lignum aut ſaxum, an etiam duriffimum cornu referri deberet. Eſt huic affine exoticum lignum gentili nomine *Gaiarum* appellatum, quod in ſcobem ac ramenta limæ attritu redactum, atque in aqua ad tertias decoctum ſalubriter exhibetur morbidis ſcoſiſque corporibus, & qui ſabe venerea ſunt contaminati. Vſus ſunt autem magno ſucceſſu aqua ſceniculi in qua huius tritura macerata eſt, ad diſcutiendas oculorum caligines & glucomata ſiue ſuffuſiones. Ad ſudores verò prouocandos huius decoctum exhibeo cum ſumaria, Calithæ floribus, melyſſa, ficubus atque ad exigendos varios, ac pectorum exanthemata in extimam cutem euocanda. Ebur adſtringendi ſpiſſandique eſt natura: quocirca peſtines qui ex hoc conſciuntur capillorum deſtium prohibent & caput confortant. Quoniam autem eximij ſit candoris, præſertim vbi dentes primùm ex elephantis mandibulis eximuntur, ideo Sponſa in deſcribendo Sponſi corpore, ventrem illi eburneum attribuit, propter candorem & puritatem, ſapphis diſtinctum, quo caſtitem deſignat: ea enim gemma caſtos commendat. Sponſæ verò collum turri eburnæ aſſimilatur, quod candidum ſit, firmum, & erectum, nec obſtupo capite progrediatur. Hieremias autem Nazaræos Deo conſecratos ebori componit, quod vetuſtate rubefcit. Sic enim deplorat illos ira deformatos, vt agnoſci nequirent: *Candidiores Nazaræi eius nunc, nitidiores lacte, rubicundiores ebore antiquo, Sapphiro pulchrioribus, denigrata eſt ſuper carbones facies eorum.* Ex quo conice in quâ calamitatem erant deiecti. Myrrha quæ ex arbore deſtillat Terebintho altiffimi, corpora à putredine aſſeruat. Staſte liquor refinofus & ſtillicidium myrrhæ cuiusque pinguedo quæ vulgo Stryax liquida creditur, cum Medicis etiam in vſu ſtryax calamita Thus Deo dicatum ſuffimen à fumanti vapore vbi igni iſiſcitur. Gutta thymiama ammoniacum ex arbore in arenam deſluit,

defuit, vnde nomen sortitum Cyrenæicus vel Syriæcus, hoc est, concenter succus, quem *Benzoi* vocant, ad suffitus & odoramenta præcipui effectus & olfactoriola in peste, vt zibetum, ambra, seu succinum Orientale, muscus, Casia cinamomo affinis effectuque par, quæ cor recreat, animique deliquio oppressis affectuque par, quæ cor recteat, animique deliquio oppressos erigit, vulgo *Caneel*.

Aloë concenter liquor ex arbore smaragdini coloris, quam nostrates ex Hispaniis allatam laquearibus affigunt, ac bienio amabili virore absque vlla aquæ irrigatione conseruant. Expressus ab hoc frutice succus putredini obstitit, ac vermes enecat, morbosque contrarios impugnat. Lignum quoque aloës quod *Agalochum* vocat, alpheleto non dissimile Hebræis etiam in vsu fuisse constat, quoniam halitus suauitatem commendat, vt lignum Rhodium. His omnibus iam memoratis, vt etiam balsami nobili lachryma, scriptura decus & virtutis præstantiam designat ac suauem gratumque halitum salutaris doctrinæ, qua mens hominis æstatim perfunditur. Sic cum Dauid Salomonis nomine Christi splendorem, amplitudinem, magnificenciam, maiestatem amplificat, *Myrrha*, inquit, *gutta*, & *Cassa in vestimentis tuis à domibus oburne*. Quo indicat gratissimum esse odorem & fragrantiam quæ ab ipso promanar, ac longè latèque se diffundere, ita vt omnes mortales reficiat ac recreet. Tale quiddam obuium est in Cantico. Sic Sponsa mirificè delectata suauissimo Sponsi colloquio. *Labia eius*, inquit, *lilia distillantia myrrham primam & electam*. Quo designat sermones eius & eloquia plena esse gratia & veritate, quæque pios fulciant atque ab omni vitiorum corruptela conseruent, impios verò amaritudine imbuant, atque illos vel conficiant, vel ad poenitentiam impellant, metaphora sumpta à myrrha, quæ tametsi mirè odorata sit, insigniter tamen est amara.

Lignum aloës.

Psal. 46

Can. 5. 3.

4. Ioan. 1.

De Terebintho.

CAPVT XXII.

Terebinthus arbor in Syria ac Palæstina spectabilis & Terebinthamœna, folio ferè lauri, flore oleæ coloris puniceo, thi naturæ baccis primum herbaceis, mox rubris, maturitate nigris, fundit hæc arbor æstiuis caloribus Terebinthinam resinatam præstantissimam, mirè odoratam, adeo pellucidam vt fundum poculi in quo asseruatur, conspici queat. medetur hæc vulneribus

Esa. 6.

Eos expli-
catus.

ac dolores mitigat, intus verò humorum collectiones discutit, ac calculos atterit, meatusque vrinarios peruios præstat, ac saniem omnesque purulentas concretiones in stillicidio viceroso, cui ferè sicosi obnoxij sunt, expurgat, atque expeditum facilemque decursum perficit. sumuntur ex hac arbore ac ple-
risque aliis insignes comparationes & similia. Sic Esaias post illatam eladem Israelitis aliquid consolationis afflictis menti-
bus adferr, illosque in spem emergendi erigit, qui à calamita-
te sunt residui, *Multiplicabitur, inquit, quæ derelicta erat in medio terra, & adhuc in ea decimatio, & conuertetur, & erit in ostentatio-
nem, ut Terebinthus & quercus quæ expandit ramos suos, semè san-
ctum erit, id quod steterit in ea.* Quo indicat tale quiddam obu-
tutum populo Iudiaco, quale arboribus quibus Aquilonio hi-
bernòque frigore folia decidunt, aut ictæ fulmisse, vel turbine
conuulsæ extinctioni videntur proximæ, tanquam omni virali
succo destitutæ, cum tamen aliquis vigor non nihil inæti hu-
moris illis subsit, quò incunte verè ac recurrentis anni amœ-
nitate reuirescunt ac postliminio frondescere incipiunt. Itaque
denunciat Israelitis excidium ac vastitatem, quæ vix decimus
quisque superfuturus sit, sic tamen ut non omnia penitus in
nihil sint redigenda aut extirpanda funditus, sed futuræ sint
aliquæ reliquæ, atque homines aliquot à clade residui, qui ta-
men visi sunt internecioni dari, sublata omni emergendi spe,
reuirescunt tamen, ac verbi Dei semine fulti in pristinum sta-
tum ac dignitatem reducentur, non secus quàm stirpes ali-
quot speciosæ ut rilia & terebinthus, quæ brumali frigore con-
cussæ exaruisse visæ sunt, iussu nouo vere repubescunt ac
pullulare incipiunt, fecundæque stirpe spectatissimæ se propa-
gant. Cæterùm æterni patris sapientia Christus Terebintho
multisque aliis speciosissimis stirpibus se comparat, & quam
auide quisque illius doctrinam amplecti debeat, obiter com-
monstrat. Sic enim Sapientia sui cōmendatrix omnibus quibus
Eccl. 2. 4. propria salus curæ est, se approbat. *Ego ex ore altissimi prodij pri-
mogenita ante omnē creaturam, ego feci ut in cælo oriretur lumen
indeficiens, quasi cedrus exaltata sum in Libano, & ut Cupressus in
Sion, quasi palma in Cades, ut plantatio rosea in Hiericho, ut plata-
nus expandi ramos iuxta Anuac, in plateis ut cinamomū & balsamū
odorem diffundi, quasi myrrha electa, quasi storax, galbanum, onyx,
hoc est, blatræ Bizantinæ, seu onyx & stacte, suauem odorem ex-
piranti, Ego quasi Terebinthus expandi ramos meos, & rami mei
bonoris & gratia. His omnibus & si quid ampliùs huc congeri
posset, amplissimè cōmendatur Dei patris Sapientia Christus,
quò certatim omnes eò se conferant, atque ab hoc vberissimo
fonte*

fonte aquam viuam, hoc est, salutarem doctrinam depromant, nec aliò diuertant, aut ad cisternas dissipatas se conferant, hoc est, aquas turbidas & cœnosas quæ arida corda non refocillant aut reficiunt, sed potiùs veneno imbuunt, vt testatur apud Ieremiam Dominus. Cæterùm de Cedri & Cupressi natura & viribus supernacuum est multa hic referre, cùm apud Dioscoridem, & Plinium, compluresque alios copiosè earum natura & vires explicentur, hoc tantùm indicasse sufficiat multiplices desumi similitudines in arcanis literis ex harum arborum radicibus, trunco, ramis, foliis, floribus, semine, ab earum specie & decoro aspectu, ab odore & fragrantia, à durabili æternaque ligni materia, ab umbra salubri quâ viatoribus lassis præbent, à suauissimis fructibus quos in hominum vsus proferunt, quibus passim designatur decus & virtutis præstantia, dignitas & excellentia piorum hominum mentisque integritas & morès inculpati, qui profunt omnibus, nocent nemini. Nonnumquam indicant fastum improborum & superbiam, animi elationem, arrogantiam, timorem, ferociam. Sunt enim celsissimæ arbores, summæque proceritatis, atque in immensum fastigiatæ, quarum pleræque humilibus infirmisque arbutis detrimenta inferunt, vt opulenti tenuioribus. Vt autem Deus cõcitata aeris intemperie altissimos montes & procerissimas arbores fulmine deiicit, vt iuxta David, *confringit cedros, quercus, ilices, robora*, ita superbos & elatos, fastusque turgidos qui se aduersus Deum erigunt, atque hominibus sunt infesti conuellit, deiiecit, cõminuit. Quò spectat illud Elaiæ. *Dies Domini exercituum super omnem superbum & excelsum & arrogantem, quem humiliabis super omnes cedros Libani sublimis & erectus, & super omnes quercus Basan*: quo declarat Deum minimo negotio fortissimas quasque munitiones & propugnacula deiicere, opes & potentiam elatorum hominum comminuere, nec quidquàm tam validum esse ac firmum quod contra illius vim possit subsistere. Quod ipsum etiam Zacharias populo suo inculcatum esse voluit, ne temere fidant humanis præsidis, cùm nullæ munitiones quantumuis vallatæ illi possint obistere, sed confestim exporrecta eius manu cedant ac collabantur. Quocirca in hunc modum tanquam per faciem (*Araule* nostri vocant, qui Principis sui nomine vel pacem vel bellum denunciat) figuratè Israëllem alloquitur, illique dira minatur. *Aperi Libano portas tuas, & absorbet ignis cedros tuas, vlula abies* (quo designat potentix inferioris proceres,) *quia cecidit cedrus*, quoniam magnifici vastati sunt. *Vlulate quercus Basan* (quo denotat duròs & intractabiles,) *quoniam succisus est saluus munus*, Simili cladi subiicit

Cap. 22

Cap. 22

Cap. 34

subiicit pastores qui superbia elati imperabant plebecula cum austeritate & potentia, quod Ezechiel aliàs deplorat, denique perfectos & optimates populi, qui tanquam leones sæuitiam ac tyrannidem exercuerunt in subditos.

*De Myrica, siue Tamarice & erica, qua vulgo à solitudine
& loco arido Heyde vocatur, ex qua Belge
extergendis paumentis scopas
conficiunt.*

CAP. V. T. XXIII.

Eucol.
Eclog 4.

Erica.

Heyde.

Cap. 17.
Hier. lo-
cus expli-
catus.

Psal. 1.

Hier. 47.

MYrica quæ Tamarice, humilis est pusillusque, apud nos frutex, quod Vigilius etiam obseruauit, folio scabro scabinæ non absimili, flore purpureo, concretu muscoso, quo apes impense delectantur. Huic affinis Erica, sed improcerior, flosculo ex candore purpurascens, quo passim scatent solitudines Brabanticæ, à quibus, quoniam nihil preciosi profundunt, herba hæc nomen sortita est. Belgæ siquidem loca squalida strigosa senta, atque situ horrentia, nulla consita arboribus, nullis frequentata hominibus, raris ac prope nullis culta ædificiis, aut exornata villis, Heyde vocant, quasi dicas solitudinem & desertum solique vastitatē, ingruente enim ætate tempestate, exortaque pluuia, tonitru, fulmine, conuulsione, ne minima quidem domicilia aut gurgustia se offerunt, in quibus possis diuertere ac delitescere, nihil autem in iis locis spectatu visuque dignum quaquauersum dirigis oculos, nisi humiles abiectique frutices & squalore obducti à quibus Prophetæ passim similitudines desumunt, si quando hominibus calamitates & tristitia quæque obuentura denunciant. Sic Hieremias, *Maledictus qui confidit in homine, & ponit carnem brachium suum, & à Domino recedit cor eius.* Quibus verbis detestatur illum qui in re corporea ac fragili spem & fiduciam suam collocat, & in periculis aliunde potius; quam à Deo subsidium ac salutis præsidia conquirat, *hic enim myrica erit similis in deserto, quæ ex ætate temperie & clementia nihil boni aut comodi consequitur, sed in terra horrida, ieiuna, siccitosa, falsa constituta, non diu subsistit, Benedictus vero & felix qui confidit in Domino, erit enim ut arbor circa riuos aquarum plantata; quæ continenter humore irrigata, radices & ramos longè lateque diffundit. sic ut folium eius semper existat viride, & tempore siccitatis fructum ferre non desinat.* Rursus cum Deus excidium imminere denunciat Moabiti, qui ex Iudæis oriundi, nempe Loth

Abraham

Abraham fratre, infestissimi illis hostes erant. *Fugite*, inquit, & saluate animas vestras, eritis enim quasi myrica in deserto. Quod illos commonefacit, ut mature se ex suis stationibus subducant, ut salutis suae prospiciant, ut celeri fuga vitae suae consulant, quoniam eorum ciuitates deuastandae sunt, ac futurae desertae, nullisque habiturae incolae, tum ciues spoliandos omni honore ac dignitate, nulliusque futuros existimationis aut nominationis, siue ut non plurius aestimandi sint, quam Myricae in vasta solitudine.

De Resina, Belgicè Hers.

CAPUT XXIV.

Resina est omnis illa Oleagina pinguedo & gummosa concretio, quae incalescente Sole, ex pino, picea, abiete, larice, lentisco, Terebintho profluit, apud nostrates etiam Cerasus & prunus mellei coloris resinam profundunt atterendis calculis idoneam, populus quoque alba, quae vulgò *Abeel baom* vocatur, succini modo gummosum liquorem ex hiante cortice exhibet. Terebinthina ex omnibus principatū obtinet, proximum locū sortitur Lentistina, hoc est, *mastiche*, cui succedit pinea & abiegna, picea, strobilina verò & Colophonina postremū locū occupant. Est autem Resina duplicis differentiae, ut & pix, liquida & sicca quae ad nos ex Noruegia aduehitur illam *Hers* nostri vocant, Hispani *Herpens*, alteram nempe concretam à speculi nitore, quoniam pellucida est & splendet, *Spieghelaere*. Harū vis effectusque est dolores mitigare, vulnera astringendi glutinandique vi cicatrices obducere, praesertim resina Terebinthina, cuius vires effectus Ieremias Metaphoricos ad animi vulnera transfert, quae verbi Dei lenimento sanescunt ac sanitatē consequuntur. Itaque in hunc modū expostulat cum Israelitis: *Nūquid Dominus non est in Sion, aut rex eius non est in ea? Numquid resina nō est in Galaad, autem dicus nō est ibi? Quare igitur non est obducta cicatrix populi mei? & cur valetudo eius tam segniter procedit?* quasi diceret, Obuia est haec parataque medela quae mentem animumque lacerum sanat, sed filia populi mei, salutis suae oblita, non adhibet remedia vulneribus suis sordidis & purulentis, non admittit salutaria verbi Dei fomēta & cataplasmata, sed putrescit in vitiorū suorum sordibus, nec vomicas suas exercitato expertoque Medico, nempe Deo detegit, aut curādas offert, peccata quae praesentanea sunt remedia medendis exulceratis mentibus, adhibito vino & oleo consolationis & misericordiae, ut

Resina quid:

Resinae multae species.

Hier. loci explicatus.

Luc. 10.

Cap. 2.

Christi parabola indicat de Samaritano, cuius ipse typum gerebat & viatore saucio ac vulneribus confecto quo designatur genus humanum astu & malitia Satanæ, integritatis & innocentie integumentis spoliatum omni vitiorum afflictum & desperationi proximum. Cum autem Deus in scelèrum vindictâ vulnera nobis infligat, hoc est, in medias calamitates, clades, infortunia nobis mittat, vult ut ab eodem instaurandæ valedinis præsidia petamus. Qua de re extat suavis cum primis & consolatorîa apud Hieremiam concio, in quâ Deus indignè ac dolenter fert quòd homines aliunde quàm ab ipso salutis ac sanitatis præsidia cõquirant & veniunt, quod idololatricæ, superstitioni, ac ridiculis vanisque cultibus dediti, deserto tam liberali ac munifico Domino, tyranno fallaci, insidioso, noxio se dedant.

Hier. loc. explicatus.

Quocirca non sine causa ad hunc modum cum suo populo expostulat, *Nunquid solitudo factus sum Israeli, aut terra serotina, quæ vel nihil prorsus vel malignè aliquid profundit? Cur ergo populus meus à me deficit, & se reuersurum negat?* Similitudine desumpta à solo sterili & infœcundo, ab agris ieiunis, aridis, siticulosis, squalidis, quæ sementi inidonei sunt, nec vllas fruges aut fructus in vsum aliquem effundunt, cum longè absit hæc sterilitas à cœlesti patre rerum opifice, apud quem est omnium quæ excogitari aut mente concipi possunt, copia & abundantia, summa vbertas, & affluentia, nulli non obuia & exposita sic ut liceat si visum est amplè & inculpate illius munificentia frui, illius exornari muneribus, ita ut omnibus modis culpandi sint, qui à tam munifico Domino desciscunt, cum nulla subsit legitima defectionis causa, nec quidquam in eo possit desiderari. Quocirca rei indignitate permotus, adducto alio exemplo, scelus exaggerare pergit. *Nunquid, inquit, obliuiscitur virgo ornamentis suis, aut sponsa fascia pectoralis suæ? quæ redditur oculis spectantium commendatior? nulla certè ratione tam erit sui negligens, ut tale quiddam in animum induxerit, At populus meus, nulla habita dignitatis suæque salutis ratione, oblitus est mei diebus innumeris.* Cæterum cum Deus saluberrima ac maximè salutaria remedia afflictis mentibus adhiberi velit, insultat Ægypti populo, quod sinistra parumque appositâ medicamenta vulneribus applicat, quibus exasperatur potius malum, quàm mitescit. Proinde commonstrat vnde petenda: *Ascende, inquit, in Galaad, tolle resinam virgo filia Ægypti, frustra multiplicas medicamina, sanilas non erit tibi.* Erat autem Galaad vna ex sex oppidis, in quam ut in asylum & perfugium se recipiunt qui fortuito atque

Galaad
Fenicarum
ratio, &
homici-
darum
asylum.

impra

imprudenter, nulla destinata malitia alicui vitam eripuerant, Num. 33.
 eaque ciuitas Leuitis & Sacerdotibus assignata erat, apud quos Deut. 19.
 vigeat lex & verbi Dei ministerium. Siquidem vt Malachias Ios. 10.
 ait, *Labia sacerdotum custodiunt scientiam, & legem ex ore illius re-* Cap. 2.
quirent, quoniam sit Angelus Domini exercituum, hoc est, Dei le-
 gatus & interpres, cui incumbit docendi munus & doctrinæ
 studium. Quocirca propheta huc afflictum conuocat, atque à
 Deo eiusque ministris petendum auxilium demonstrat, alio-
 qui non solum irrita fore remedia aliunde conquisita, sed
 etiam damnosa, quod iis vsuuenit qui in alium, quàm in
 Deum defigunt oculos, aut conualescendi spem collocant.
 Sic idem Vates contritæ & conquassatæ conuulsæque Babylo-
 ni, quæ est velut scelerum quædam officina, resinam adhiben-
 dam conclamat, si forte sanetur. Sed cum salutaria monita res-
 puat atque auerferur, cum ad Dei verbum, eiusque monita &
 vellicationes obsurdescat, vt insanabilem ac morbo deplora-
 to implicitum omnes certatim deserunt, atque aliud se conse-
 runt. Qua metaphora indicat Hieremias Concionatores sa-
 cro ad Dei ministros nulla non remedia adhibuisse sanandis
 eius vulneribus, medendis animi vitiis, atque extremam im-
 pendisse operam eximendis mentis erroribus: sed non succes-
 sisse curationem, omnemque medendi operam frustra insum-
 ptam. Quocirca visum est illam relinquere suæ cæcitati, &
 subiicere Dei iudicio, à quo illi miseranda clades & acerba ca-
 lamitas, concitatis in illam hostibus ferocissimis, imminet,
 quod Christus etiam Iudæis euenturum denunciat, qui tot
 prouocati beneficiis, in Prophetas ac Seruatorem, eiusque asse-
 ctatores immaniter sæuierunt. Hier. 50. Matt. 19.

*De vite, seu vinea, cuius partes atque appendices, sarmenta,
 palmites, malleoli, pampini, clauiculi, vel capreoli, vna,
 racemus, botrus, acinus vinaceus, seu acinorum granum:
 & quàm appositè horum pleraque Concionibus ac vati-
 ciniis adhibentur.*

CAPVT XXV.

CVM multæ passim in sacris Bibliis ad stabiliendam veri-
 tatem, ac rei dubiæ vel obscuræ faciendam fidem Para-
 bolæ, hoc est rerum notissimarum similitudines narrationibus
 adhibentur, cum nullæ magis vel vaticinæ, vel conciones illu-
 strant

Gen. 49.

Prophe-
tia de
Christo.

Cap. 11.

Simile
vexillo
erecto,

Psal. 137.

Eccle. 24.

Psal. 140.

strant, quàm quæ ex vite eiusque sobole defumuntur. Pri-
mum enim se offert insigne illud vaticinium Iacob Patriar-
chæ de Messia, qui ex Iudæ semine oriundus salutem & re-
conciliationem, reditumque in Dei favorem & gratiam mor-
talibus attulit. *Non auferetur sceptrum de Iuda, nec dux de femore
eius*, hoc est, non desinet nec abolebitur imperium, *donec ve-
niant qui mittendus est*, nempe. Solpirator ac salutis auctor
Iesus Christus, *Et ipse erit expectatio gentium*, hoc est, ad
illum gentes se conferent, illius doctrinam amplectentur, illi
sident atque inuitentur, illius imitabuntur vitam, mores, &
studia, *Ligans ad vineam pallum suum, & ad palmitem vitis asi-
nam suam. Lauabit in vino stolam seu indumentum suum, & in
sanguine vna pallium suum.* Quo crucis & effusi sanguinis my-
sterium exprimitur, cuius virtute expiati sumus, atque à dia-
boli mortisque tyrannide per resurrectionis efficaciam in li-
bertatem asserti. Tale quid designat Elaias, cum inquit, *Erit in
illa die radix Iesse, qui stat in signum populorum, ipsum gentes con-
quirent & deprecabuntur.* Alludit ad erectum vexillum aut signum
aliquod, quod eminus cõspici possit, quale nautæ Baken vocat,
id quod velificantes interdum continenter oculos designant, ut
noctu in Cynosuram aut polum arcticum, quo cursum inof-
fense dirigant, nec vspiam impingant, aut diuersi rapiantur.
Cæterum cum vitis aspectu sit amœna, pampinorum ac folio-
rum pompa, clauiculorum amplexu, vuarum turgescenrium
vberrate, in statu connubiali vxor numerosa prole sæcun-
da huic stirpi comparatur, cum David inquit, *Vxor tua sicut
vitis abundans, quæ longè latèque palmites diffundit, in la-
teribus domus tua.* Sapientia verò sui commendatrix, Ego, in-
quit, *quasi vitis fructifera, gratissimum undique odorem diffundo,*
hoc est, suauissima eloquia & salutarem doctrinam omnibus
profero, quo refici possint, tanquam succulenta ac sapida vna.
Quisquis enim huius sermones amplectitur, prosperos suc-
cessus est habiturus, magnaque in virtute progressus & in-
crementa. Quam felicitatem Deus per Oseam præclaris ali-
quot metaphoris Israël & quisquis in gratiam cum Deo redie-
rit, pollicetur: *Sanabo*, inquit, *constrictiones eorum, & diligam
illos spontaneè*, quo indicat libertatem, & spontaneam gratui-
tamque peccatorum veniam, *Quia auersus est furor meus ab
eu.* *Ero quasi ros Israël, & germinabit quasi lilium aut rosa,*
*& erumpet radix eius ut arbores. Libani, & propagabunt se ra-
mi eius, & erit quasi oliua gloria & decor eius, & odor ut Libani.*
Et germinabunt quasi vinea, & augebunt ut triticum, quo etiam
affluenter fruuntur. Horum commemoratione omnium rerum

affluen

affluentiam ac prosperitatem indicat, ac florentiam fore Reipublicæ statum, nec quidquam etiam defuturum eorum, quæ ad internum animi decus, mentisque ornamentum spectat, iis verò qui munificentie diuinæ immemores, & deliciis ac voluptatibus dediti sunt, ac luxuria dissuunt, contraria omnia euentura Esaias denunciat, nempe vineas extirpandas, nullam fore vindemiam, defuturum vinum iis qui se inter pocula can-tilenis, ac Musicis instrumentis oblectare solent, ac plus nimio lasciuire atque inolescere, illam denique subsequituram cladem & vastitatem, ut populus quo ciuitates maximè illustrari solent, ad nihilum ferè redigendus, sic ut pauci futuri sint residui. Nam tale quid illi euenturum prædicat, quale decussis oliuis affolet ex olea, & racemis peracta vindemia: Ut enim in huiusmodi stirpibus non ita omnia decerpuntur, quin aliquid restet: ita ex ingenti clade quam perpeffi sunt, exiguus aliquis numerus erit reliquus. In eodem argumento versatur per Hieremiam Dominus qui improbos non solum vastandos pronunciat, sed etiam fame ac rerum omnium inopia opprimendos adeo, ut desint vix vitibus, & non sint ficus in ficulnea, sic, ut decidentibus foliis nihil ex his sperari possit. Quo designat nulla fore sedandæ famis solatia, quibus corpus possit subsistere, nulla afflictæ mentis fomenta quibus possit fulciri: denique illos ad vnum omaes, sicut ficus, & vvas & colligendos vix nullæ restent reliqui: quemadmodum si finita messe aut peracta vindemia nihil super sit spicilegij, nulla racematio. Ut autem maturescen-tes vix sapidæ sunt & succulentæ, palatùmque & fauces sapore grato reficiunt: sic doctrina sana & salubris, sermo gratiosus & suavis mœurs hominum fouet ac refocillat. Quocirca Moses doctrinam perniciosam & noxiam improborum hominum commercia eorumque vitam, mores & studia vix venenatis comparat quæ animos hominum noxio ac prauo succo imbuunt, mentesque bene instruitas à Dei cultu & religione auerunt: *De vite*, inquit, *Sodomorum vinea eorum, & suburbanis Gomorrha: vna eorū vna fellis, & botrus amarissimus, Fel & virus draconum vinum eorum, & venenum Hæpidium insanabile*: hoc est, sermo illorum tam pestilens & venenatus est, ut confestim inficiat & perimat. Quod spectat illa apud Oseam sublatio, in hos supersticiosa doctrina imbuti, ac cultu pernicioso dementati, respectant ad Deos alienos, ut ebriosi ad vini pocula & lagenas, *ipsi*, inquit, *respiciunt ad Deos extraneos, & diligunt vinea vnam*. Comparat enim illorum vesaniam qua rapiuntur ad idololatriam, remulentorum conditioni, quia semper ad calices & pateras vinique nidorem

Cap. 24.

Hier. 8.
Cap. 48.Hieremias
locus ex-
plicatus.

Deut. 32.

Mosi lo-
cus expli-
catus.

Cap. 3.

Osee lo-
cus expli-
catus.

Esaï. 17.

Cap. 49.

Hier. lo-
cus expli-
catus.Isaïe 7.
Esaïe me-
taphora
expl.

nidorem oculos ac nares habent intentas, ac conspectis poculis, vel remulentorum sodalicio exultant ac gestunt. Cætorum cum in vineæ mentionem incidimus, illud obiter indicandum, Prophas vitis vuarumque & aliarum stirpium nomine nunc rerum abundantiam ac fertilitatem, nunc inopiam & penuriam, nonnunquam populi raritatem vel interitum, aliquando frequentiam, & qui ex paucis in numerosam stirpem sunt propagandi. Sic Deus apud Hieremiam eleganti Metaphora Idumæos ita spoliandos pronunciat, ut nihil ex illis sit reliqui, adeò, ut hostes futuri sint illis paulò clementiores, quàm ipse: *Si te, inquit, vindemiares aggressi fuissent, reliquissent forte racemum*, hoc est, non prorsus te expoliassent, aut omnibus tuis bonis exuissent. *Et si fures*, nocturnique oppressores, *ades tuas invassissent, rapuissent quod visum illis fuisset sacrum*, non tamen omnia fortè conuastassent, sed passi fuissent aliquid superesse. *At ego*, ait Dominus, *ita spoliaui Esau*, ita abdita quæque detexi, *ut excussis omnibus angulis, nihil celari potuerit*, nec vlla supellex sit relicta. Cùm autem prorsus otiosa sit & detestabilis Deo superbia & fastus ex rerum affluentia ac prosperitate ortus, qua dulci forruna ebrii insolescunt ac ferociunt, illam tamen acriter contundit ac reprimat, & tales quamlibet multos prosternendos pronunciat, ut segetes quas messores pleni vltis exporrectisque brachiis vellunt, atque in manipulos compléant, sic ut etiam ij qui ex paucis futuri sunt reliqui, colligendi sint, ut spicæ finita messe. interim plerisque superfuturos pollicetur, allata alia similitudine, ut vix in viribus, & oliuæ in olea. Quemadmodum enim nusquam tam exactè perficitur vindemia, quin aliqua supersit racematio, nec tam diligens oliuarum excussio, quin vel sub foliis aliquid delitescat, vel in cacumine aliquid se proferat: à clade & vastitate aliqui superfuturi sunt qui in spem misericordix sunt reservandi, *In die illa*, inquit, *attenuabitur gloria Iacob, & pinguedo carnis eius emarcescat. Et erit sicut congregans in messe quod restiterit*, (ut in spicilegio assolet omnibus manipulis sublatis) *& brachium eius spicas leget*, interim, *relinquetur in eo velut racematio, & sicut excussio olea, vel duarum, vel trium oliuarum in summitate rami, & sicut quatuor aut quinque in cacumine arboris*. Quo indicat opulentos atque optimates fastu & arrogantia turgidos deiciendos: ex tenui verò plebecula nonnullos superfuturos, quemadmodum exacta vindemia aliquot botri aut acini, quibus tenuiores se fouent ac recreant.

De Hyssopo.

CAPVT XXVI.

HYSSOPUS hortensis herba eodem etiam nomine Belgis cognita condimenti vice iuri innatat, quod eximij sit odoris, ac sapore non ingrato, sicut elixa quæque non minus salubria efficiat, quàm sapida, nam pectus & pulmonem expurgat, capitisque pituitam extergit, quocirca in expugnando pleuresi ac morbo quouis laterali singularem effectum obtinet. Quæ ratione visum est Deo herbam hanc solemnî sacrificio adhibere, cum vel leprosi lustrandi sunt, aut scelus aliquod piaculare expiandum intincto Hyssopi fasciculo in sanguine passerulorum vel virulorum. Quocirca David adulterij atque homicidij scelere contraminatus, aspergi expiatique Hyssopo cupit, quò absterfa omni macula animi mētisque puritate nrescat, respexit is ad veteris testamenti ritus & sacrificia, quæcunque enim purificabantur iuxta præscriptum legis Mosaicæ, sanguine cum lana coccina & Hyssopo aspersa, puritatem suam consequuta. Quæ omnia umbram quandam & figuram exhibebant, vt Paulus ad Hebræos testatur, Christi cuius sanguine omnia nostra scelera expiata sunt. Cæterum cum Hyssopi mentio incidat in libris Regum, ac Salomon differuisse memoretur de arboribus à Cedro Libani vsque ad Hyssopum quæ erumpit à pariete, non videtur mihi nostra designari quæ non est exilis & minuta herba, sed aliquando spicato purpureoque flosculo in sesquipedalem magnitudinem assurgit. Quocirca Adiantum siue capillum veneris illum intellexisse interpreter, cirratis crispisque foliis, quæ nisi murorum aspergines persequitur, & quoniam rutæ foliis affinis est, hanc Belgæ *Steenruyte* vocant, hoc est, murariam rutam. Hunc *Trichomanes* affinis iisdem semper locis proveniens quæ recto stylo eoque iuncea assurgit medij digiti longitudine, foliis minutis, utroque latere distincta serie, concinnoque ordine digestis, virore perenne, vtraque herba eisdem habet effectus, atque vt Hyssopus tussiculosis & anhelantibus, pulmonisque vitis medetur. Vocantur autem nunc polyrrichi nomine, nunc callitrichi, ab effectu quo capillum confirmant, & nigredine imbuunt, illumque crispum & densum perficiunt. Quoniam itaque exiguus est humilisque fruticulus, vix palmari altitudine, atque è parietinis erumpit, hunc pro Hyssopo designari arbitror. Nam hic illius dicti sensus. A cellissima quauis

Hyssopi effectus.

Leuit. 14.
Num. 19.

Psal. 50.

Exod. 24.

Cap. 9.

3. Reg. 4.

quavis arbore ad minutissimam herbam quæ parietinis innascitur, omnia illum exactissimè habuisse explorata.

De arundine qua Græcis Calamus, Belgicè Riet vocatur, eiusque differentiis, de lino, stipula, quisquiliis & plerisque aliis, ex quibus similitudines desumuntur.

C A P V T XXVII.

Matt. 17.
Typha
palustris
quid.

Canna
palustris.

Arundinis
radix es-
culenta.

Luc. 7.
Christi de
Ioanne
praconiū.

Arundinis plures sunt differentiæ, vna species est leuore perpolita, enodis, nullisque distincta geniculis aut internodiis, quæ Typha palustris vocatur, qualis Christo pro sceptro regali in manum tradita, in affectati regni ludibrium. Est huic stirpi sceptri regalis aut imperatorij forma, cuius cacumen duarum ferè palmarum altitudine, ac crassitudine pollicari, densa compactaque lanugine stipatur, quam si manu aut digitis demulceas, holosericum aut villosam quædam congeriem contrectare te credas, quæ tamen post dies aliquot dissoluuntur in pappos, atque in diffusam lanuginem enatescit. Alia in locis humidis atque irriguis passim conspicitur, quæ Canna palustris aut Donax vocatur, culmo geniculato, terete, fistuloso, lanuginosa in cacumine congerie, eaque diffusa non compacta. Scateant hæc passim vrbana fossæ quæ mœnia ambitu muniunt, & in pomœriis paludosa loca ac stagnantia. Plebecula apud nos æstiuus mensibus radicem huius stirpis certatim etruit, quòd habeat esculenti quiddam non sine nauseosa quadam dulcedine, quæ qualitas efficit vt apostemata ad suppurationem perducant, ac spicula spinaeque atque aculeos corpori infixos extrahant. Quoniam autem atundo nutanti est cacumine, auræque leuissima hinc inde impellitur, ob id illi assimulantur inconstantes, mobiles, lubrici, vacillantes, volubiles, & qui in dictis factique, atque in omni vitæ actione non satis sibi constant, aut in sententia firmiter persistunt, nempe arundine magis volubiles. A quo vitio cum Ioannes Baptista esset alienissimus, Christus in laudem eius constantiæ, & quòd illius doctrina ac de Messia testimonium veritati forent consentanea, prolixam concionem habuit, qua persuasum esse voluit promiscuæ multitudini, illum atundini vento agitatæ prorsus dissimilem, vt qui nusquam vacillet, aut aliud stans, aliud sedens loquatur, vel leui momento à paulò ante probata sententia dimoveatur, sed constantem esse stabilem, veracem, & cuius verbis nulla subsit vel leuitatis vel inconstantie suspicio,

suspicio, quocirca æquum esse, ut quiuis magnificè de tanto
 præcone sentiat ac loquatur, illudque non ex vulgata ho-
 minum opinione, sed ex rei veritate æstimet. Cæterum ut
 reliqua persequar, ex Arundinis conditione desumitur Prouer-
 bium, *Scipioni vel baculo arundineo inniti*, de eo qui spem suam
 ac fiduciam collocat in illo qui non solum non fulcit aut præ-
 sidio est, sed etiam nocet, ac detrimenta infert. Eadem vtitur
 Metaphora Esaia teste Rapsaces in obsidione Hierosolymæ,
 qua inuictum Deoque fidenter Ezechia regis animum labe-
 factare nititur, omnibusque machinis ac minis ad dedicationem
 sollicitare. Apud Ezechielem quoque Dominus eadem vsus si-
 militudine insultat regi Ægypti, illique interuersionem mina-
 tur. Cum enim Israëlitas illius præsidio innixos fulcire stu-
 duit, *ipse velut baculus arundineus confractus*, & sibi vulnus in-
 fixit, & illos sæde lacerauit, lateribus humerisque vndique
 dissolutis ac perforatis. Quo indicat omnes illorum vires at-
 ritas & collapsas esse, omnèque belli robur conuulsum & d. f.
 sipatum. Sic enim Deus, ut David testatur, inerepat feras arun-
 dines, hoc est, hastatos ac lanceis armatos milites conuellit, la-
 befactat, prosternt ac deiicit, Metaphora desumpta à longis
 firmisque arundinibus, quales etiam brachij crassitudine spe-
 ctamus, quas in acie vibrari solent, atque eminus cuspidem
 hosti obicere: quod nunc Turcas in Palæstina factitare audio
 ab iis quæ loca religionis ergo frequentant. Similem cladem
 Deus stirpi Hieroboam intulit, atque Israëlitas idolorum cul-
 tui deditos conculsit more nutantis in aqua arundinis, còsque
 euulsit de terra vberè & fecunda quam a progenitoribus Dei
 munere erant consequuti. Quo designant illos ad nihilum re-
 ductos, atque opibus, potentia, honore, dignitate spoliatos.
 Ut autem Deus desumpta ab arundine similitudine, inani fi-
 ducia inflatos, & qui rebus caducis momentaneis innitun-
 tur, nonnuquam conuellit & deiicit: sic è diuerso fragiles, im-
 becilles, pusillanimos, vacillantes, mæstos erigit, consolatur,
 fulcit, animumque ægrotum ac labantem salubri doctrina
 fouet, instaurat, reficit. Quo referri debet insigne illud vaticini-
 um apud Esaia de Christi lenitate & mansuetudine, quæ
 amittas quasque mætes in spem salutis erigit. *Ecco seruus meus*
quem elegi, dilectus meus in quo sibi complacuit anima mea. Ponã
spiritum meum super illum, & iudicium gentibus annuntiabit, nõ cõ-
tendens neque clamabit, neque audiet quisquam in plateis vocẽ eius,
arundinẽ comminutã nõ confringet, & linum fumigans non extin-
guet, nõ erit tristis nec turbulẽtus, & in nomina illius gẽtes sperabũr.
 Duabus hisce metaphoris, nempe arundinis conuulsatæ seu
 confracti

Cap. 34.
 4. Reg. 18.

Cap. 29.

Psal. 67.

3. Reg. 14.

Esa. 42.
 Luc. 4.
 Cap. 42.
 Matth. 21

Esa. 61.

Esaie loc-
cus ex-
plicatus. 2

contracti calami, & lini fumigantis declarat, quanta Christus erga contritas afflictaeque mentes mansuetudine & clementia, quam salubri doctrina in ruinam inclinatos erigat, labentes fulciat, morientes soletur, imbecilles & vacillantes in fide instauret, & si quid aliunde accesserit damni atque incommodi, refarciat, adeo ut plagas menti illatas leniter tractet & placide, nihil agat vi, minis, terrore, sæuitia, ut nonnulli feroci & turbulento ingenio, qui lapsos sublata omni resipiscentiæ spe, sæuius tractant, quam mansuetudo Christiana exigat. Similiter nec linum fumigans exstinguet.

Doctrina
Christi
quid menti
praestet.

Quæ similitudo desumitur è lychno pensili, siue ellychnio, vel stupa. vulgo *Lement* quod oleo imbutum, flammam alit nonnunquam subobscuram & fumidam minuscule luminosam, ubi vel pinguedo desit, vel parcius illa fovetur: itaque hac comparatione designat fidem modicam, debilem, vacillantem, inclinatam, quæ tamen non prorsus extincta soporataque est, licet aliquando sit extinctioni proxima, quam Christus, & quisquis eius ministerio fungitur, nec exstinguit, nec opprimit, sed tantisper dum aliqua pietatis scintilla emicet, & subsit menti vel exigens igniculus, nutrit, fouet, exsuscitat, atque animum Spiritus sancti flabello accendit & illustrat, ut discussa omni caligine lumen fidei & pietatis perspicue luceat, ac longe lateque in usum proximi se diffundat: Ita autem Deus doctrinam suam quæ est velut fomētum animæ, mentisque pabulum, temperat & moderatur, ne quis nimia severitate possit ab instituta professione resilire, atque ab Ecclesia alienari, nec etiam lenitate & mansuetudine nimia, tanquam molli educatione corrumpi, ac severitate quadam oscitante ac supina ad omnem virtutem obtorpescere. Siquidem iudicii severitate in officio continentur impij, imbecilles lenitate & mansuetudine: Sic in Evangelio quo cuique salus denunciatur.

Quisquiliæ
quid designet.Psal. 1.
Cap. 21.
Esa. 17.
Iob 21.

Dulcia permixta amaris, hoc est, consolationes minis & amara dulcibus, hoc est, minæ consolatione mitigatæ. Per fumum, & vaporem nebulas, per fœnum festucas, paleas, stipulas, fauillas, pulveres, quisquilias aliæque reiectamēta designatur, in Bibliis cum homines, tum res viles, leues, inanes, fviles minutæ, nihili, nauci, nulliusque momenti vel pretij, & quæ plus detrimenti, quam commodi adferunt. Ex his variae & multiplices similitudines à sacris scriptoribus sumuntur; quibus narrationes suas exornant. Sic Deus impios ut paleas dissipandos pronunciat, exurendos ut stipulas, ut puluerulentas quæque discutiendos, ut quisquilias aliæque venti ludibria dispellēdos. Quò spectat illa apud Iob sententia. *Lucerna impiorum*

rum *extinguetur*, hoc est splendor eorum gloria, honor, decus, magnificentia obscurabitur & exolecet. *Et erunt improbi velut palea ante faciem venti; & sicut fauilla quam turbo dispergit*, hoc est, repentino funditus comminuentur. Sic Isaias trituros pronunciant Moabitas, & quicumque Dei verbo obstitunt, ut teri solent paleæ in palustro, & non minore negotio absumuntur, quam ignis deurit stipulam aridam. Non minus atrocitas minatur iis quibus consuetudo peccandi in naturam abiit, & vitiis suis iam domesticis atque assuetis occaluerunt. *Si mutare potest Æthiops pellem suam, & pardus varietates suas*, hoc est, regmen maculosum illi nativum, & vos poteritis benefacere cum malis estis assueti. *Quocirca ego vos dissipabo tanquam stipulā quæ vento rapitur in deserto*, Similiclude perituros denunciat apud Esaiam illos qui cultus adulterinos stabiliunt, & omne præsidium ac fiduciam in idolis constituunt: *Eritis*, inquit, *sicut quercus defluentibus folijs, & sicut hortus absque aqua*. Et erit fortitudo vestra, hoc est, Deus ille ficulneus, cum innixi estis, *ut fauilla stupea, & opus vestrum quasi scintilla & succendatur utrumque simul*, nec erit qui extinguat, hoc est, Omnis illa pompa ac spectaculum fidei religionis abolebitur incendio, ut purgamenta lini & stupea congeries accensa face deflagrant. Cæterum ut reliqua persequar, Amos propheta acriter insectatur negotiatores fumentarios, quod cum granaria habent onusta frugibus, in anno æ penuria famelicam turbam deglubunt, ac præter stateras delolus, trutinamque accisam ac parum æquā qua populares defraudant, tenui plebeculæ pro sincero tritico quidquiliās, paleas, glumam, æus, hoc est, peripemata seu purgamenta furfuribus deteriora obtrudunt, ac carius diuendunt ac fallaci astu, inopia reddunt sibi obæratos atque obnoxios, ut non diuerteretiam si merces vilis prostant. Quoniam nemo debitorum Græca fide, hoc est, prompta numerataque pecunia emptionem cum creditoribus transigit. Quod si cui libeat hanc prophetæ Satyrā excutere, quam contra hos instruit, qui plus nimio quæstui inhiant, magnoque inopum detrimento pretia rerum intendunt, dilucidè perspexitur est, quàm graphicè atque ad viuum nostræ ætatis homines suis coloribus depingat, & quid Deus illis minetur, qui pauperes absorbent, atque egestate oppressis victum vitæque subsidia subtrahunt. Verum iis missis, sermonem referamus ad Metaphoras, quæ ex inutiles ac volatili hac congerie desumuntur ad illustrandas res veras ac solidas. Deus cū apud Hieremiam verbum ac doctrinam suam cum primis salutarem, efficacissimam in erigendis pascēdisque famelicis mentibus prædicens tritico

M m

illam

Cap. 6

illam comparat, quod solidum alimentum corpori præstat, ut illa animæ, doctrinam verò inanem, supersticiosam, adulterinam, fucatam, instabilem, fallacem, noxiam, infrugiferam somno ac paleis, *Quid tritico*, inquit, cum sacramentis & paleis, hoc est, quid vanitati cum veritate? quid somno inani ac fallaci cum re vera, certa & indubitata? quid densissimis tenebris cum clarissima Evangelij luce? Paleæ etiam metaphora Ioannes Christi præco vitur cum acriter instigat socordes ad amplectendam salutem: adesse enim Messiam qui accepto in manu ventilabro, *expurgabis arcam suam, & congregabis triticum suum in horreum: paleas verò exuret igni extinguibili.* Quibus verbis indicat pios recipiendos in æterna tabernacula post exactos huius ævi labores: impros verò æternis incendiis destinandos.

Mat. 3.
Simile
tritico &
paleis.

Mat. 7

Ut autem Ioannes magna severitate commonefacit populum officij sui, & hortatur ad respicientiam adhibitis parabolis de securi arbori admota mox excindendæ, de secernendo tritico à paleis: ita Christus cui semper fuit odiosa ac detestabilis hypocrisis, hoc est simulata sanctimonix species, fictaque pietatis umbra, adducta trabis & festuæ similitudine, acriter castigat illos qui plus nimio sunt oculati in alienis vitiis ac minutissimos errores curiosus observant, eosque exaggerant in immensum, cum vitiis suis maximè blandiantur, eaque ita extenuent, ut in nihilum recidere patiantur. Quod autem huiusmodi vitiosi affectus & complures alij, nempe philautia, hoc est cæcus amor, sui que fiducia & fastus, atrogantia animi elatio, proximi despectus, odium, ira, vindictæ cupiditas hominum animis eximantur, sacri vates ac sapientix professores mentes, illorum ad modestiam sui que cognitionem ac naturæ notitiam revocant, ut observare condiscant ævi huius brevitatem, & quam sit inanis, fugax, fragilis, caduca, evanida vita mortaliæ: & cum innumeris malis exposita, tum angustis artibusque sinibus terminata, brevissimis spatiis circumscripta, sic ut ab iis appositè spiritus ipsaque vira qua homo subsistit, somnium censeatur, fumus, vapor, halitus qui confestim evanescit, atque in æræ diffunditur, umbra, bulla, fœnum & herba cito arescens, flos & folium mox deciduum & ut Iob ait, ventus qui per æræ voluitur. Quibus metaphoris designant sacri vates gloriam, decus, magnificentiam, & quidquid est humanæ sapientix, quidquid fortitudinis & prudentix, vanum esse, fluxum, caducum, ruinosum, nisi stabili atque æterno Dei verbo fulciatur, nisi cælesti virtute sustentetur. Hæc omnia scripturæ testimoniis abunde stabiliri possent, sed opus in immensum cresceret. Quocirca quædam in margine designasse

Iacob. 4.

Psal. 36.

67. 101.

103.

Iob 8. 14.

13. 7.

Esa 9. 45.

Osee 13.

Esa 40.

Iacob. 1.

1. Pet. 1.

Eccl. 14.

gnasse sufficiat, quæ studioſo avidoque lectori, ſi perquirere velit, omnium ſpecimen ſunt exhibitura.

De Cucumere, & plerisque aliis herbis, quarum in Bibliis fit mentio.

CAPUT XXVIII.

Cucumis vel cucumer notior eſt quàm ut deſcribi debeat. Exod. 11;
 Hunc autem & pleraſque alias herbas Hebræis atque Ægyptiis fuiſſe uſui Bibliorum hiſtoria commonſtrat. Cum enim Moſes vexaretur à populo Iſraëlitico, vulgus promiſcuum flagraret deſiderio carnum: *Quis, inquit, dabit nobis carnes ad edendum?* recordamur piſcium quos in Ægypto comedimus. In mentem venerunt cucumeres, pepones, porri, cepæ, & allia. Iſtis autem non ſolùm plebei jruntur, ſed etiam patritij partim in obſoniis & condimentis, partim in acetariis cum oleo, aceto & pipere ad acuendam cibi aviditatem. Ererunt olim in vinetis & cucumerariis caſas & ruguriola, quod etiam hodie Galli & Belgæ faciunt, in quibus cuſtodes excubabant, ne quis alienos proventus inuaderet, peracta autem vindemia, ac ſublatis cucumerum aceruis, ſubducebant ſe excubitores, ac gurguſtia deſeruerunt, nullaque amplius conſpecta hominum frequentia. Ab hac ſolitudine deſumit ſimilitudinem Eſaias contra Ieruſalem, quam pronuntiât deſolandam ac redigendam in vaſtitatem, ut vix tene veſtigium ſuperſit, futura ſit velut in deſerto vineto & cucumerario rugurium. *Et erit, inquit, filia Sion, ut umbraculum in vinea, & ſicut* Cap. 1;
tugurium in cucumerario & ſicut ciuitas obſeſſa qua vaſtatur. Baruch autē ſtatuas, delubra & ſimulacra idolorum non plus terroris incutere ait, quàm tugurium in cucumerario. *Nam quale eſt, inquit, formido aut terriculamentum in cucumerario nihil cuſtodiens. Tales ſunt iſtorum Dij lignei, aures & argentei, aut qualis eſt in horto Rhamus aut ſpina alba cui auicula inſident.* Alludit ad Priapi ſtatuum quæ in hortis collocari ſolet ad abigendos torrendosque nocturnos fures. Quod huiuſmodi verſibus indicat Horatius qui Baruch verbis proſus conſonat, ac pari irriſione vulgi ſuperſtitionem exagitat.

*Olim truncus eram ficulnus, inutile lignum,
 Cum faber incertus, ſcamnum faceret, ne Priapum
 Maluit eſſe Deum: Deus inde ego ſurum auiumque
 Maxima formido, nam fures dextra coërcet,
 Obſcænâque rubes porrectus ab inguine palas,*

M m 2

Aſt

*Ast importunas volucres in vertice arundo
Terret fixa, vetatque nouis considere in hortis.*

De Iunipero.

CAPVT XXIX.

Cap. 4.
3. Reg. 19.

Helias
profagus.

Cap. 30.

VT Cucurbita vmbraculum & velut opus topiarium Ionæ præbuit, atque à Solis æstu liberauit : sic iunperus Helix ex itinere lassio ac defatigato vmbram exhibuit. Cum enim vates hic profugus cessisset furori Iesabelis, ac loca deserta peragraret, sub quadam Iunipero resedit. Hoc siquidem arbustum cum densius frutificetur, ad arcendum Solis calorem non est incommodum. Quocirca mœsto & delassato fuit is secessus molesti itineris solatium, cum autem is paululum respirat inædia tædiōque confectus, finem vitæ sibi imponi cupit. Cæterum cum somnus (vt sic constitutis affolet) obreperet, ac ille paululum obdormisceret, ecce aderat genius, & illum ad cibum capiendum inuitauit, oblato pane cinerico, & aquæ poculo, quo refocillatus rursus iter ingressus prouenit ad montem Oreb, in cuius spelunca noctem illam securè peregit tutus ab insidiis illorum qui furibundæ mulieris mandato Dei prophetas ad mortem rapiebant. Quæ documento cuique esse debent, Deum in vitæ huius stadio miris modis suos exercere, verum non prorsus destituere, quos tamen calamitatibus premi patiatur, nonnunquam tamen illos opprimi sustinet. Iob cū ex tanto opulentix & felicitatis gradu in extremas calamitates esset deiectus, deplorat se irrideri ac subfannari à sordidis infimæque sortis homuncionibus, qui præ egestate atque alimentum inopia victum in syluis venabantur, ac Iuniperi rubique baccis, atque herbarum radicibus famem sedabant, vt conspiciamus hodie validos vagosque nebulones quos nostri à liguriendis ollis (nam encenia festaque Genialia passim consectantur) *Pot boenen* vocant radices Iringiorum, dauci, pastinacæ sylvestris eruere, atque acinos rubique mora ex sentibus & virgultis decerpere.

De Labrusca.

CAPVT XXX.

Labrusca vitis est sylvestris, vnam proferens gustatu peracerbam, quæ non maturefcit. Hunc fructum quoniam

niam nihil gratum palato proferat, Deus moribus & naturæ hominum deprauatæ apud Esaiam accommodat. Cum enim Cap. 51 formandis colendisque Iudæorum mentibus nihil non operæ, nihil non laboris impendisset, omnis labor & industria frustra insumpta est. Quantumuis enim studiosè atque accuratè vineam suam excoluerit, nihil effectum est, nec uvas ullas sapi-
das produxit, sed labruscas, hoc est, acerbæ & immaturas uvas, expectant ex tam diligenti cultura iudicium, æquitatem, mo-
res inculpatos, vitæ integritatem, gratitudinem erga tam se-
dulum atque industrium cultorem: sed vice versa, prolata sunt Esa. 17 acerbissima quæque, iniquitas, iniustitia, virtutum neglectus, odium, ira, indignatio, ingratitude erga tam munificum animi mentisque cultorem. Eandem vocem accommodat impiis qui-
bus Deus in obliuionem & contemptum deuenit. quorum ir-
ritum fore conatum iudicat, ac frustra illos laborem insum-
pturos excolendis vineis. Sic in die, inquit, plantationis tuæ la-
brusca proueniet. plantabis plantationem amœnam, sed germē
alienum conferes, hoc est, tamen amœna plantaria humo cō-
miserit ex generosa vite desumpta, sic ut omnia tibi spem op-
timam polliceantur optimæ vindemiæ; ubi aduentare incipiet
maturitatis tempus, pro suauissimo fructu labruscas percipies.
Similiter in segetesque maturius ad messem deuenisse tibi vi-
debitur, peribit tibi speratæ annonæ prouentus eo siquidem die
quo demetendæ erunt fruges, ac messi insistendum, alieni su-
bito irruent ac depopulabuntur segetem, nec quidquam in
horrea conuehes eorum quibus tam sedulam curam impende-
tis. De his paulò fufius superius quædam enarrata sunt.

*De Mentha, Ruta, Anetho, Cumino, qua Christus pa-
rabolis adhibet in insectanda Phariseorum auaritia;
& fucata Religionis sanctimoniam.*

CAPVT XXXI.

Herbæ istæ in crebrò vsu sunt apud omnes cum ple-
beios cum patricios, ac passim in compitis & triuiis pro-
stant venales. Quoniam aurem olitores visi sunt aliquem Matt. 23.
Luc. 11. quæstum ex iis consequi, Pharisei decimarum exactionibus
etiam hæc grauare cœperunt, atque aliquid lucri ex iis corra-
dere. Quocirca cum CHRISTO inuisa esset simulata Reli-
gionis

gionis species, atque auaritia Scribarum detestabilis & odiosa, & insectatur illos acriter & seuerè qui omnia ad compendium suum rapiunt, ac minutissima quæquæ consecantur, cum illa quæ multum habent momèti ad summam pietatem & in quibus consistit columen Religionis, negligant, nec ad ea magnopere sint intenti. Sic in extorquendis decimis adeo sunt supersticiosi, vt è vulgaribus oleribus mentha & anetho quæ *Belgæ* *Du* vocatur, decimas exigant, cum pro nihilo dicant iudicium, misericordiam, fidem, quæ virtutes illos commouefaciant ne quem afficiant iniuria, vt egenis subueniant, ne quem fallant periurio, sed cuique fidem seruent. Itaque iis neglectis quæ sunt in Religione præcipua, suum negotium agunt, suumque quæstum ac commodum plus satis spectant in maximis excutientes, in minimis mirè oculati.

*De Sinapis vi & natura, cui fides ac Dei verbum
comparantur.*

C A P V T XXXII.

QVo omnibus innotescat ac persuasum sit, quàm salutaris sit doctrina Evangelica, quæ mentes hominum in Deum eiusque notitiam erigit, ac fide solida, imbuat Christus multis variisque parabolis ex rebus passim obuiis desumptis, nulli nõ mortalium ad hanc amplectendam autor est & instigator. Comparat autem regnum cælorum, hoc est doctrinam Evangelicam quæ fidem alit ac fouet semini, margaritis, fermento, saxeæ siue ferriculo, grano Sinapis minuro quidem illi & exili, sed quod vi efficaci & adurente torpètem linguam vellicet ac palato languescenti saporem gratum excitet. Sic omnes nationes huius semine comminuto, attritoque mauaria vel trusatili mola affuso acero vel omphacio condimèti vice vtùtur. Quæ admodum autem Sinapis minutissimum semen solo commissum vbi adoleuit, in stupendam proceritatem assurgit, ac longè lateque ramos diffundit adeò vt alitibus & vmbra culum & nidulandi commoditatem præbeat: ita verbum Dei & fides minime otiosa, tametsi in speciem humilis videtur & exilis, se tamen sensim propagat, atque vt fructifera frondosaque arbor, vires, incrementa suscipit. Rursus vt Sinapis mus, hoc est, caraplasma ex cõruso sinapis semine, membris stupidis vel letargo, vertigine, apoplexia, paralyti, epilepsia oppressis motum sensûque excitat, atque inulceraram nonnihil cute, sanitati restituit. Quocirca ardor & acrimonia Sinapis, saporque feruidus & ignitus,

Matt. 13.
Luc. 13.
& 17.
Marc. 4.

Par effe-
ctus ver-
bi Dei &
sinapi.

Ignitus, qui non sine narium vellicatione lachrymas elicit, ac caput sternutamento à pueris expurgat, appositè verbo Dei assimilatur, quod etiam mentes concutit,urit & inflammat, atque animos languidos & oscitantes ad pietatis studia incitat atque accendit, & nonnunquam pœnitentiæ lachrymas extundit. Cum sollicitudinem ac curam rerum terrenarum, qua ferè discruciarì solent anxie mentes, Christus animis hominum eximit, lilia nos contemplati vult non hortensia, quibus cultus adhiberi solet, sed agrestia ad sponte nata. Iraque horum exemplo in munifici patris fiduciam nos excitat, qui vobis de pabulo & commeatu affluenter prospicit ut alitibus: de victu, de nitore cultuque vestium, ut liliis agri, quæ tam nixidè tamque opotosè exulta sunt, ut ne Salomon quidem Regum amplissimus conspici pœtuerit vel cultior vel ornatior, etiam cum in summo splendore esset constitutus. Quàmòbrem Christus summo studio inhiare nos vult doctrinæ Evangelicæ, ac rerum cœlestium contemplationi insistere, adeo ut nihil nobis defuturum polliceatur earum rerum quæ in hac fragili vita & caduca necessariæ sunt, ut etiam vltro ac spontanea Dèi liberalitatè sint accessuræ.

Math. 6.

*De hedera que arboribus ac parietibus tenaci
amplexa adhaeret.*

CAPUT XXXIII.

Hedera quæ Ionæ Prophetæ aduersus Solis æstum vmbra- culum præbuit (quamquam alij Cucurbitam satis appositè verterunt) ab hærendo nomen sortita est, quòd natura sit sequaci, omnibusque se affigat. Hinc Persius,

Cap. 4.

*Heliconidasque & pallidam Pirenden
Illis relinquo, quorum imagines lambunt
Hedera sequaces.*

In præmio.

Cum autem hæc arbor Baccho poëtarum præsidii sit consecrata ut olea Mineræ, ob id poëtæ hac coronati solent, quemadmodum lauro victores.

Hedera
Baccho
sacra.

Sic Virgilius.

Pastores hedera crescentem ornate poëtam.

Et cum Augustum orbis domitorem suo poëmate celebraret, allegoricos petiit, suo quoque carmini locum esse inter eius triumphos, ac patiatur hedera qua poëtæ exornari solent,

Eclog. 7.
Laurus
victoriæ
sacra.

solent, inter lauros Imperatoribus victoriosis dicatas, nonnullum locum obtinere.

Eclog. 8.

*A te principium, tibi desinet. accipe iussis
Carmina cepta tua, atque hanc sine tempora circum
Inter villicres hederam tibi serpere lauros.*

Lib. 3.

Cap. 9.

Hedera
cor Bac-
cho sacra.

De re
rustica.

Hedera
vino obfi-
sit.

Cucurbi-
ta.

Cum autem superstitiosa gentilitas Bacchi orgia, hoc est, sacra Liberi patris tertio quoque anno (vnde *Trieterica* dicta) solenni ritu celebraret, ex hac virente fronde fecta & coronas confecit. Sic in libris Machabæorum Antiochus Iudæos coëgisile legitur, vt detestatis patris legibus, contempnisque diuinis institutis bacchantium more hedera rediuncti orgia celebrarent, & qui id facere recusaret, morte plecteretur. Quod autem hæc arbor quæ perpetuo fronder, nec vnquam folis destituta est, Baccho sacra sit, hinc ortum puro, quod ebrietati obstat, ac discutiendis capitis doloribus ex temulentia contractis sit accommoda, foliis etiam aur ramusculis foris capiti admotis, sic, vt videri possit huius arboris umbra lonæ vati non incommoda, vt quæ capitis grauedinem ex æstu & lassitudine contractam discutiat. Mira autem describitur à Catone vis & natura Hederae. Si enim poculum ex ligno eius conficiatur & vino impleatur, si id dilutum sit atque aquæ mistum, continuo vinum effluit, atque internè per lignum diffunditur. Tanta est enim inter hæc *antipathia*, hoc est, discordia, vt alterum alteri admisceri non sustineat, sed vasculum hederaceum vinum respuat. Cæterum an hedera fuerit quæ lonam ab ardore Solis tutata sit, & quam indignanter tulit exarescere, radice à verine crosa nonnulli interpretes, tum etiam Augustinus ambigit: cum Cucurbita in eum usum sit accommodatior, quam vox Hebræa designare videtur, quod amplissima folia proferat, atque clauiculorum amplexu in sublime nrat, opusque topiarij cum circissimè perficiat, sub quo caprate opacum frigus atque æstum, solisque ardorem propulsare liceat. cum enim infrigidantis sit naturæ, feruido cœli statu foris corpus à calore tuerur: intus etiam atque in corpus admissa intemperiem ex æstu contractam mitigat, vt acetaria ex cucumere, melone, pepone, citrullo, lactucis, atriplice, portulaca confecta, quæ primis mensis inferri solent, atque etiam eorum nonnulla naribus admoueri, quo spiritus collapsus recrecentur.

De Moro arbore, & fructu eius.

C A P V T X X X I V.

Morus arbor Belgicæ nationi notissima æstiujs mensibus in vium refrigerandi expetita caudice est vel trunco valido, cortice vbi adoleuit, scabro, nec vilo læuore perpolito, ligno intus colore buxco & subflauo, foliis in expansæ manus modum dissectis, ficui non absimilibus, fructu oblongo, ouali granoso, primum candido, cum pubescit, rubro, maturitate nigricante arborum omnium postremò florer, nec in folia floresque se expandit nisi ver stabile sit, quasi nollet vllam hyemis iniuriam aut æris inclementiam perpeti, at quæ omnium primò fructum maturum & esculentum edat. lufcit Morum manus sanguinolento colore vbi maturit: eluit extergitque maculas ac nzuos immaturum, hoc est, album ac nondum rubicundo colore perfusum, sic vt nihil necesse sit aquam aut quid aliud extergendis manibus adhibere, sed succum tantùm mororum quæ adhuc virefcunt. Fructus huius arboris salubriter expetitur in refrigerandi vsum, æstiujs præsertim mensibus, quibus potissimum viger, idque in prima mensa atque ante cibum assumptus, nam peracto prandio aut cæna in corpus admissus putrescit, ac morbis ex corruptione excitatis seminaria ministrat, vt Cerasia, pruna, corna, persica, vux recentes, &c. quæ ante cibum refrigerant, siuinque sedant, ac calidam hepatis intemperiem mitigant ac reprimunt: nec verò grauatiè postcibum admittere soleo, modò horum fructuum succus deglutiatur non admisso in corpus cartilagineo illo stamine quod à pediculo cui fructus adhærescit per morum se porrigit: sic enim vino exhilaratis fumos reprimat, vt poma succulenta, punica, arengia, limones, & mala citrea quæ absolutò prandio hoc efficiunt, vt quis minus ebrietati succumbat, & mens illi minus fumo ac vapore vini obnubiletur. Sic enim naturali ratione non videri possit alienum, nec valetudini contrarium quod Horatius cecinit,

• Mora
quando
edenda.

— Ille salubres

*Ætates peragit, qui nigris prandia moris
Finit.*

Alioqui si affluentius deuorantur mora, vt à lasciujs ac petulcis puellis assolent, substituendum est, *Incipies*. Conficitur ex mori arboris fructu, tum ex eo qui ex Rubo colligitur

M m 5 medi

- medicamentum aut *καλυσμα* quod *Diamoron* vocatur, reprimendis vulnū ac consillarum fanciūmq̃ue tumoribus aptum. Adimi autem aliquando hæc solatia ac naturæ formenra improbis qui vel Dei munificentiam non agnoscunt, aut eius donis abutuntur, David passim testatur, inter hæc alias quoque vitæ delicias complexus. *Consumpsit*, inquit, *bruchus & locusta fruges illorum, grando vites, & pruina moros eorum*. Sæpius enim contingit aëris inclementia atque intempestiuo gelicidio florescentes vineas, moros, segetem, oleas ita confici, vt nullus prouentus ex illis percipiarur. Cæterum cū in Mori mentionem incidimus, obiter enarrandum quod in Machabæorum historia scriptum est. Cū enim Antiochus Syriæ rex Iudæis esset infestus, atque omni armorum genere illos oppugnaret, duos & triginta Elephantos, in illorum dorso turribus ligneis erectis, armatoque milite instructis, in aciem produxit, & quod bellū efferatū in pugna essent ferociiores, obiecerūt illis rubicunda velamina motorum atque uarum tubentium succo perfusa, nam sanguinolento colore exasperatū elephantes, atque in hostem sunt atrociores maiorque impetu feruntur.
- Plalm. 79.**
- 2. Mach. 6.**
Historia
ex libro
Machab.
- Elephanti**
rubro co-
lore effe-
tantur.

De Sycomoro, & Caprifisco.

CAPVT XXXV.

- S**ycomorus vtriusque partis nomen exprimit adscito à Sycu & moro nomine, cuius fructus est Sycamnos. Arbor adscribitur à Dioscoride & Plinio amplissima, ficus similitudine, foliis moro proximis, quæ fructus edit ignavi gustus, inspidos & immaturos, quos non ramis vt ficus, sed caudice ipse gerit, caprifiscis similes, & qui non maturescunt, dulciores ramen præmaturis ficibus quas *Crossules*, vocant, nulla intus granorum congerie præbuit hæc arbor Zachæo qui Christi viuendi erat audus, suggestum. cū enim statura pusillus esset, in Sycomorum se subduxit, velut procul à sordidis ac caducis rebus, vt illi Iesus esse conspicuus, sic, vt in Zachæo typus sit expressus gentium, quibus factus est aditus in cœtum concessumque fidelium per fidem in Christum, cuius quanta sit vis & efficacia, ficus arefactæ portentosum ostentum declarat, cuius exemplo Christus exstimulat Apostolos, vt illam in mentibus suis foueant, eaque polliceretur tantū accessurum roboris & potentiz, vt si Sycomoro im-
- Sycomori**
descri-
ptio.
- Luc. 19.**
- Math. 21.**
- Luc. 17.**
- perent

perent vt eradicetur, & in marc se transferat, illorum iussis obsequaturam, tum etiam, si visum sit, montem loco dimouere, atque id exigit profectus Euangelij, confestim atque absque mora perficiet quod facere iussus est, modo adsit in Deum fides minimè vacillans, camque vim habeat quam granum Sinapis: quod tamen minutum sit, tamen attritum exierit acrimoniam suam, ac nares vellicat, totumque corpus excitato sternamento concutit: itaque apposite fides & doctrina Euangelica huic grano comparatur, quod mentem hominis inflammet, atque in Dei amorem ac venerationem rapiat, qua de re superius. Cæterum vt ad Sicomorum oratio recurat, Esaias acriter insurgit in populum Ephraim & Samariæ incolas, quod superbo atque elato animo Deo insultarent atque illuderent. Cum enim illos cladibus ac calamitatibus afficeret quod ad resipiscentiam reuocaret, contempnui illis fuit Dei manus, & pro ludibrio habita: sic vt nihilo facti sint emendatiore, vt pueri insolentiores qui à parente flagris cæsi, obstinatè persistunt, ac se deteriora facturos pollicentur. Cum autem plagæ illos ad sanio rem mentem reuocare deberet, facti sunt obstinatiores, magisque præfracti, calcitrosi, refractarij. Sic enim allegoricòs ac figurata locutione ludibrio habent illatas clades, incēdia, ruinas ædibus suis immisissas: *Læteres ceciderūt & collapsi sunt quadrato lapide eoque expolito adificabimus. Sycomori succisa sunt. Cedros substituemus*, quasi diccret. Exiguum est, nullusque momenti damnum ac detrimentum quod perpeffi sumus minimo negotio paruisque sumptibus refarciatur, imo omnia magnificentius instaurabuntur ac spectabilius, pro lateritiis marmoreas ædes erigemus, pro Sycomoro, hoc est, vulgari passimque obuiò ligno, Cedrina laquearia erigemus, omniaque opetiosius perfici curabimus. Quamobrè cum obsurdesceret ad Dei vellicationem ac monita, omniaque illis essent non sine irrisione despiciata, Deus irritatus scelerum continuatione, extenta manu atrociora illis inferre meditatur, quod moniti atque acerbè castigati non referrent pedem atque ad percussorē confugerent. Huius arboris mentio etiā fit apud prophetā Amos qui cum neque propheta esset nec ex propheta oriundus, nullisque artibus liberalibus institutus, sed rusticanis negotiis ac pastoralis vitæ assuetus, adscitus est à Deo in prophetici muneris functionem, illique mandatū est vt contra Hieroboam Regem & Amasiam Sacerdotem horrendum vaticinium fulminaret, cuius conatibus cum obsisteret Amasias, Amos primū excusatione se purgat, quod cogatur hanc functionem obire, tamen nec propheta sit, nec propheticis institutis ab incunabulis imbutus. Quocirca cum hoc onus illi à

Matth. 17.
Marc. 11.

Cap. 6.

Esaiæ locus explicatus.

Cap. 7.

Amos locus explicatus.

Pfal. 77.

Deo sit impositum, illi potius quam Regi & Sacerdoti obsequendum. Amasias instat & suadet, ne pergat vaticinium in Regem proferre, sed in Iudæam se subducatur extra Israëliticis limites, suæque vitæ fuga consulat, ne illum ad vincula, mox ad supplicium rapi contingat. Amos exercitæ ac palam vocationem suam ruerit, nec in animo sibi esse testatur, ut eam deferat, aut ab imperata legatione sit discessurus. Itaque Amos ingenuè fatetur se non esse Prophetam, nec Prophetæ filium, sed armentarium, sed bubulcum, aut pecuarium qui Sycomoros vellicet, hoc est, Caprificos decerpit & colligit. *Verum adduxit me (inquit) Dominus Deus, quemadmodum etiam David de postferante ad regni solium euectus cum sequeretur gregem, & dixit ad me: Vade Propheta ad populum meum Israëliticum.* Itaque neglecto Regis & Amasias Sacerdotis mandato vaticinium tuum liberè exequitur, atque utrique internecionem denuunciat. Qua fiducia etiam vsi sunt Apostoli, cum interdictum illis esset à Pharisæis, additis minis ne omnino loquerentur, neque docerent de nomine Iesus. Petrus enim & Ioannes confidenter, sed citra contumeliam responderunt. An iustum sit in conspectu Dei vestris potius iussis obtemperare, quam Dei, vos qui legis præcepta tenetis, iudicate, non enim possumus quæ vidimus & audiimus, non loqui.

De Malo Punico, vulgo Granaet appelen.

C A P V T XXXVI.

Arboris
mali puni-
ci de-
scriptio.

Malum Punicum à Punica Carthaginensi regione, & à corticis colore nomen obtinet *Granata*, quod mala rubentibus granis scatant. In illa Hispaniæ parte quæ *Betica* dicitur, nunc *Granata*, à Mauritanis aorum nostrorum memoria occupata, (nam illos Ferdinandus Arragonum rex expulit) frequentissima. Arbor est non admodum procera, folio angusto, nitidi, leuioris, expolitique viroris. flore qui Cirinus puniceo, siluestri qui Balautium dicitur, rubicundo, pomo quod dato cortice seu tegmine aut putamine coriáceo integitur, *Sydion*, Græci *malicorum*, Latini vocant, perficiendis coctis idonea attrictionis ratione, & quod atro colore illa inficiat, granis intus exuberantissimi ruboris, succulentis, & angulosis numerosa congerie arctissime in se compactis, aut velut septis aut loculis, tenuique ac flavescenti intus membrana distin-

distinctis, sapore aliquando dulci, mitigandæ sibi idoneo, aliquando acido ac vinoso hepatis refrigerando accommodo, & cum astrictiōis sit particeps, cohibendis, eruentis ac dysentericis fluxionibus. Sistent enim acida poma omnium profuua, ac partem affectam corroborant Mali Punici in sacris Bibliis frequens mentio, eoque designatur decus & ornamentum virtutis, vitæque integritas, tum etiam dulcia, puraque ac casta eloquia. Sic Sponsus conuocans sponsam suam ac blandimentis verborumque lenociniis alliæns, *Dabo tibi, inquit, poculum ex vino condito*, hoc est, aromatibus cōfecto, quale nostrū *Hypocraticum mustum*, hoc est, succum suauem mali Punici recenter expressum quo nihil palato gratius, hoc est, refocillabo te suauissimo meo colloquio, reficiam te salubri doctrina, & spiritali comparatione te ex hilarabo. Rursus alio capite. Cum Sponsus incredibili amore sponsam amplectatur, hoc est, mirè afficiatur erga Ecclesiam suam Christus, cui sponsæ aspectus, oculi, genæ, palpebræ sint visu gratissimæ, *Ut fragmen, inquit, mali punici, ita & genæ tuæ*, hoc est, Sicut dimidiatus cortex mali granati contracti aut disiecti, qui fragrantissimi ruboris grana spectanda exhibet, sic malæ tuæ quæ non enormiter extumescunt, aut sunt inflatæ aut indecoræ prouerberant, sed decenter constitutæ, amabili ac gratioso rubore perfusæ. Quo castitas designatur, modestia, pudor, probitas, quibus rubicundus color attribuitur. Deinde paulò inferius, *Emissiones tuas, siue propagines, aut plantaria tua, paradisi malarum Puniceorum, cum pomorum fructibus*, aliisque fragrantissimis herbis quæ quod proximè assistant, omnia efficiunt suauiora, magisque odorata. Quibus designat gratissima quæque, omniaque mentis solatia, ac fomenta quæ nunquam satiant, & quibus animus maximè reficitur. Cum autem in hoc Cantico Sponsus & Sponsa singulis ferè momentis vltimo citroque suauissimo colloquio se reficiant, quo languorem qui amoris inesse solet, excutiant, alter alteram idem idem ad iuuendos hortos inuitat, quod spectent an vineæ florescant, an mala Punica germinare incipiant, an aliqua ex floribus oblectamenta possint concipere, non enim pariter alter ab alterius amplexu se diuelli, sed indiuisè sibi mutuo adhærere cupiunt, atque alter alterius suauissimo colloquio ac consuetudine frui. Quoniam autem mala Punica seu *granata*, miris modis oculis blandiuntur, ac gustum saporemque suauissimum salubris succi exhibent, ideo Deus præcipit ad horum similitudinem confici orbiculata poma, ac tintinabula foraminosa in formam mali Punici, in quibus se spectandum exhibet rubicundum

Granata
acida dysentericæ
apta.

Cant. 8.

Cap. 4.

Cap. 6. 7.

Exod. 18.

39.

3. Reg. 7.

4. Reg. 25.

2. Par. 3.

Hier. 52.

Agg. 2.

locus 1.

dum illud granorum blandimentum, quò in mentem reuocaret obliuioſis Iudæis durum legis corticem, ſed poſtmodum coruſcante Euangelij luce ſubſequenturum ſuauiſſimum Euangelicæ doctri-næ luccum.

De Citro, ac Malo Medico, Limonibus & Aurangis, vulgo, Araçin appellan.

C A P V T XXXVII.

Malum
Medicum.

Citrea
mala.

Citrus li-
gnum Se-
chim.
Exod 35.

Non deſuit etiam genti Hebrææ cùm in oblectamen-
tum, tum condimenti uſum malum Medicum, ſeu po-
mum citreum, cuius generis ſunt vocati, *limones & auran-*
gia, aureo croceòque colore, quorum pleraque orbiculata
ſunt, nonnulla oblonga atque ovali forma, præſertim citrea,
& quæ *limonis* nomine paſſim innoſcunt, eximij odoris, &
quæ cor mirè recreant ex horum corticibus in laminas,
aut etiam ſaccharo ineruſtatis conſciuntur tragemata ac bel-
laria, quæ non ſolum palato grata ſunt, ſed cor etiam reſi-
ciunt ac vires inſtauant. in quem uſum etiam huius arboris
flores melle condiuntur, antequam prorsus dehiſcant, aut ſe
in folliculos expandunt. Spiritus enim extenuaros erigunt, ac
tabidis aridiſque corporibus ſomenta miniſtrant. Eſt alia ab
hac arbore *Citrus*, etiam vocata, ſed quæ huiusmodi mala au-
rea non proferat, ſilueſtri Cupreſſo aut Cedro non abſimilis,
ſic vt nonnulli exiſtiment ipſiſſimam eſſe arborem quam li-
gnum *Sethim* Biblia vocant, ex quo conſci præcipit Deus tra-
bes, menſas, cõtignationes, tabulata, laquearia, tigna. Eſt enim
lignum à carie ac teredine vermiculiſque alienum, nec vllò
zuo corruptioni obnoxium. Vbi autem aſcia perpolitur eſt
ac dedolatum, criſpanti venarum diſcurſu picturatum conſpi-
citur, vt apud nos veſtes polianthicæ ac variegatæ, ſiue poli-
miticæ, hoc eſt, vario & verſicolore filo contextæ, quod in
vulgari cameloto, atque etiam in byſſina, ſericæque textura
perſpicimus, quæ *Damaſcena* vulgo appellantur. Spectantur
apud nos ex hoc ligno elaboratæ menſæ ductiles ac verſati-
les, tum vt nunc paſſim conſciuntur in hoſpitem inopina-
rum aduentû emiſſitiæ & extractabiles, quo plures accumbant,
ſpectabili ac peramœna colorum varietate, læuore perpoli-
tæ, quorum nihil non natium eſt & genuinum, nec vllò pi-
ctoris

floris pigmento fucatum. Quocirca existimo Deum ex hoc Exod. 35.
37. & 38.
splendido aque incorruptibili ligno voluisse constitui ea quæ
vsi erant Sacerdotibus in templo, sic vt arca fœderis & quid-
quid in sacris Hebræorum spectabile erat, ex Cedro & Citreo
ligno confectum fuerit. Cùm enim rebus externis afficerentur
Iudæi, omnia in illorum sacris splendida esse voluit, sumptuo-
sa, magnifica, atque operosius elaborata, quod omnia essent
angustiora, maiórque religionis cultûsque diuini veneratio,
ac populus meliùs in officio contineretur.

De Croco.

CAPUT XXXVIII.

CROCUS radice bubosa ac cepicea in capillamenti exi-
litate spargit folia iuncis multò tenuiora, è quibus flo-
sculus emergit, tamen si is aliquando anre folia conspiciatur,
cerulei coloris, in cuius medio velut crocea stamina ac fila-
menta se proferunt fragrantissimi odoris, adeoque intensi, vt
cerebro vi soporosa officiat. Cor verò Crocus ita recreat, vt di-
gitto annulari sinistrae manus astrictus confestim ad Cor per-
netret. tanta est illi cum corde societas, vt vel foris vel intus
adhibitis absque mora per arterias illuc perferatur, quo fit vt
corporis venustatem adferat, & colorem floridum conciliet,
modò ne sit immodicus eius vsus. nam immoderatus risum
perpetuum homini excitat, & (vt tradunt medici) nimio gaudio
hominem conficit, si trium diachmarum pondere exhibeatur. Dioscor. lib. 1.
Cant. 4.
Cùm itaque tantopere Croco hominis cor afficiatur, non sine
ratione Sponsæ hortulo ac viridariis Crocus odoratissimis aliis
herbis interseritur, vt sic fragrantiam suam tanquam in vnum
fasciculum coactæ inter se conferant Cyprus, nardus, crudus,
calamus, & cynamonum cum præstantissimis Libani arboribus
herbisque cum primis odoratis. Quibus designatur decus at-
que omnium virtutum ornatus oratio quoque Ecclesiæ & pio-
rum hominum, qui suauissimum odorem Dei auribus effun-
dunt, sic vt oratio ad Deum feratur, iuxta Dauidem, *Tanquam* Psal. 40.
Eccl. 45.
incensum & sacrificium in odorem suauitatis. Cæterum cùm Cro-
cus succos, liquores, lintea, vestes, lanam, colore vel luteo vel
flauo vel fuluo imbuat, aut si exuberantius affusus est, rutilan-
ti, rubentique ac rubicundo, fit vt isti colores rebus in quibus
apparent, atque se proferunt, ex Croco nomen sortiantur. Sic
Medici in æstuosis febribus & feruida hepatis interperie lorium
obseruant croceum, vel luteum, vel flauum, vel crocatum: quod
festucas

Ex Cro-
ceo colorū
nomina.

Caltha
flos lu-
teus.

Thren. 4.

festucas & filamenta Croci referant quæ ad rubedinem deue-
gunt, ac rubenti colore perfusa sunt, ita intensior est color
crocatuſ & croceus qui crocum ipſum æmulatur, quān flauus
aut luteus, aut quem à Citreo pomo Citreum vocant, nam
iſti colores dilutiores ſunt. Sic Caltha vulgo *Calendula*, ab auri
fulgore luteo & ſubcroceo colore ſpectatur, ſic viola lutea &
muraria quæ Mauris *Chieri*, dicitur. Sic vnguentum quod Croci
colorem æmulatur & eum recipit, Crocomagina vocatur &
Crocinum. Sic Oxyroceum à croco & aceto nomen obtinet.
Quod veid ad veſtes attinet croceo colore, tum coccineo ac
purpureo imbutas, multa eius generis in ſacris litteris obuia
ſunt, quemadmodum etiam apud alios Scriptores paludamen-
tum Imperatorum coccineum legitur, Hyathinum & veſtis
Crocata croci coloris, Belgæ *Rouvaens*, vocant à Rotho-
mago Gallix ciuitate, vbi lana eo colore inficitur. Sic etiam
Ieremias lamentatur redactam eſſe in nihilum Ieruſalem, om-
ne decus & ornamentum ciuitatis ſublaturum, nec in ea quid-
quam eſſe ſpectabile, aut viſenda ſpecie, ſed omnia deforma-
ta: inductam extremam calamitatem, ſordes, miſeriam, ino-
piam. *Qui*, inquit, *delirant ac voluptuoſe neſcebantur, atque*
deliciis affluebant, in via conculcanti ſunt. Qui nutriebantur in cro-
ceis, hoc eſt, croci coloris velamentis, vel rubenti coccino,
amplexati ſunt ſtercora.

*De Myrto qua apud omnes nationes nomen retinet,
& de Myrto ſylueſtri.*

C A P V T XXXIX.

Myrtil de-
ſcriptio.

Cap. 2.
Eſther
oleo myr-
tino viſa.

3. Eſdr. 4.
2. Mach.
10.

MYRTUS arbuſcula, aut potius apud nōs frutex, & vir-
gultum perpetuū virens, Veneri dicata eſt, ac ſacrata
coniugio in quo exigitur caſtitas & concordia. folia proſert
oleæ aut liguſtro anguſtiora ſaturati viroſi, baccas nigras
Iunipero affines ſapore vinoſo, ex quibus etiam ex molliſſimis
eius foliis oleum exprimitur: quo Eſther delibuta Regi Aſ-
ſuero in matrimonium aſſumpta eſt. Conſcitur etiam ex
baccis vinum myrtites quod pollet vi aſtrictoria, ac ſtōma-
chum diſſolutorum confortat. id etiam ruptis atque ex alto de-
lapſis commode exhibetur. Huius arbuſti ramis Hebræos
adornare ædes ſuas ac veſtibula in Enceniis, hoc eſt. ſolenni-
tate feſtorum quæ celebrari ſolent ob templum poſt Perſa-
rum exilium inſtauratum: in *Scenopegia*, hoc eſt tabernaculo-
rum

rum festo à fingēdis tabernaculis nomen sortito Scriptura passim testatur. Sic Neemias urbis ac templi legisque instaurator præcepit populo reduci ex captiuitate atque exilio in Hierusalem, ut velut in publica lætitia ac triumpho conferant se in montes ac sylvas, atque ex nemoribus adferant Oliuæ, Cupressi, Citri, palmarum ac Myrti ramos, quo conficerent ex viuenti fronde umbracula, passimque inter se exilarescerent atque essent Geniales. Hic mos etiam Belgis vulgatus est, si quando solennis aliqua annuæque pompa exhibetur, aut Regem vel Principem inaugurati cōtingit, aut parva ex hostibus victoria, longæque obsidione liberata Ciuitate triumphus per vicus ac compita agitur. Id etiam Troianos factitalse absolutæ longæ urbis obsidione, pulsisque (ut iis persuasum erat) Græcis Virgilius testatur.

*Nos delubra Deum miseri, quibus ultimus esset
Ille dies, festa velamus fronde per urbem.*

Aenci, 1.

Cæterum Esaias (quem aliàs testati sumus in illustrandis variciniis stirpes, herbæque tuis narrationibus accomodasse) illos pronunciat felices fore, omniæque illis ad prosperitatem ac successum optabilem futura adiumento, qui Deo fidunt, cuiusque bonitati & clementiæ inuituntur, ita ut nihil incommodi sit accessurum, adeo ut quæ nocitura videbantur, rebus mutatis, fructum non exiguum sint allatura, quod sic indicat, *Pro* Cap. 55.
saluinea assurgat abies à proceritate dicta, & quod in sublime abeat. pro urtica mordaci & cōtempta herba, vulgo Netel, Myrtus, suavis, speciosus & odoratus frutex Quo designat pro noxiis infestisque fruticibus fœcundos, amabiles, salutares, frugiferos substituendos, hoc est, pro vitiis virtutes, pro seruitute libertatem, pro exilio reditum regressumque in cœlestem patriam. Rursus cum ostendit se non defuturum afflictis ac desperationi proximis, sed in extrema calamitate, clade, angustiiis subuēturum, *Irrigabo, inquit, scaturigines aquarum terram aridam ac siticulosam, ponam in deserto abietem, ulmum, cedrum, myrtum, eupressum ponam in locis incultis ac squalidis pinum & buxum, arbores quæ petenni sunt vitore, & quibus folia non defluunt.* Quo Deus indicat, se præter naturæ ordinem, præter spem atque hominum opinionem, rebusque deploratis adfuturum populo suo, sic ut in regione deserta speciosissimæ arbores se proferant, hoc est, hominum mentes iciunæ ac siticulosæ florētissima virtutum germina sint allaturæ. Paulò inferiùs idem argumentum prosequitur, ac pollicetur consolationem ac mentis tranquillitatem, futurum enim esse ut instaretur Ecclesia, ac cætus di spersus sit colligendus, ac pristino cultu ac

Esai. 41.

Esai. 60.

N a nitore

nitore postliminio illustrandos, quod hoc tropo confirmat: *Gloria Libani ad te veniet, abies, pinus, buxus simul ad decus & ornatum sanctificationis tuae.* Quibus verbis indicat non solum Ecclesiam ædificandam eximiis arboribus, quas sylva Libani suppedirat, sed quidquid in hominum societate excellens, magnificum, heroicum est, huc allatum iri, non solum plebeios atque infimæ sortis homines, quos minus despiciit Christus, quàm sublimes, sed Reges & principes, satrapas atque heros in hanc societatem conuocandos. Cæterum cum myrteri apud Zachariam Prophetam mentio incidat oblataque inter hæc Prophetæ visio, de illo pauca disseram: nam omnia ad amulsum exequi nimis quam operosum, & ingenij nostri caput superat. Sortiuntur ab herbis atque arboribus nomina sylvarum ac nemora quod huiusmodi stipibus consita sint, ab arundine Arundinetum. Vnde in libro Sapientiæ, *Fulgebunt iusti, & tanquam scintilla in arundinete discurrent*: hoc est, Sanctorum fulgor & claritas impios, ut stipulas crepitantibus flammis deuret. Palmera quæ palmis scætant, Myrtera loca myrto & vibano & siluestri fecundissima. In hoc autem viroto exhibita est Zachariæ visio quam populo indicat, quod prophetia visioni coniuncta maioris apud illos sit auctoritatis ac ponderis, atque acrius oscitantes recordesque mentes stimulet. *Vidi, inquit, noctu, & ecce vir insidens equo rufo, hoc est, spadiceo colore, vulgo (Castaenne bryn) & ipse stabat inter myrteta in profundo & post eum equi rubri, varij, & albi: & dixi: Qui sunt hi? & respondit vir qui stabat inter myrteta (quo Christum designari puto, qui Ecclesiam obscuratam ac deformatam vitiis emendatam cupit) isti sunt quos misit Dominus ut perambularent terram.* Quibus verbis commouet in valle huius mundi umbrorsa atque opaca, in qua mali bonis permixti sunt Deum singulari sua prouidentia curare res humanas, atque hominum commodis consulere ac prospicere, ipsamque Ecclesiam per Christum & Apostolos aliisque verbi Dei ministros, qui in tanta ac tam confusa hominum multitudine ac diuersitate, suis quique officij funguntur, ut illis partitus est Deus, erigere, demandata illis prouincia ut tacite explorent quid rerum geratur in terris, in quo statu consistat res mortalium, sic ut ea cura pastoribus incumbat, ac munus delegatum sit ut salubri exhortatione, (quod Paulus Timotheo præcipit) additis minis extiment homines quò respiciant atque ad Deum vnde profugerunt, se conferant, quod ipsum si obtineri possit desituras afflictiones, nec futuras diuturnas nec perpetuas, itaque Prophetæ obiecta populo sua hac visione ad resipiscenciam ipsum prouocat

Cap. 1.
Myrterum
& ex eo
Allegoria.

Cap. 3.

Zachariæ
visio quid
designet.

prouocat, sic enim futurum ut Deus illi factus placatior, pœnas atque vindictas remittat, omniâque in pristinum statum restituar. Hæc de myrto amabili atque odorato arbusto sufficiant. Est huic affinis myrtus nemoralis, cuius baccis turdi, *linsters* Myrt. vulgo, & merulæ *meerlen* impensè delectantur, ita ut earum ca- syluestris; ro saporem baccarum referat odoratum, sit ficedulæ unde no- men adeptæ vulgo *Sneppe* ficibus saginantur. Huic syluestri myrto affinis est frutex aut virgultum Pseudomyrtus odore Pseudo- non sine grauitate iucundo, cuius folia, & frutices exiecatos myrtus. vesti bus interferunt, quo grato odore perfundantur. Refertur etiam inter syluestres myrtos. Ruscus foliis quidem myrti, sed Ruscus, latioribus mucronata cuspide munitis, sic ut incautiùs attrecta- ta digiris aculeum infigat, ut vespæ inhærent foliis nullo pe- tioli appendice baccæ pisi magnitudine, myrticis minores, cor- rallino rubentique colore perfusæ, cuius radice utimur in- ciendo locio, & atterendis calculis.

De Pino.

CAPVT XL.

PINUS arbor etiam Belgico solo assuescit, sed non assur- git in vllam procritaem, folio existit tenui, rotundo, aculearo. Fructum seu nucem nihil necesse est describere, cum passim obuia sit, ac nucleûs in alimenti & medicamenti vsum omni nationi veniat, *Pomum* Belgæ vocât, cum nux sit, sed quæ Li. Satur. in hostem emissa ac capiti illis illum prosteruat. Vnde extat Cap. 6. apud Macrobiûm iocus virbanus Casellij Iurisciultij, Lapidatus à populo Romano Vatinius cum gladiatorium munus ederet, obtrînuît ut Ediles edicerent ac proclamari per præconem iuberent, ne quis in arenam nisi pomum mitteret: forte iis diebus Casellius consultus à quodam an nux pinea pomum esset, respondit, si in *Vatinium missurus es, pomum est* Tanto ac tam acerbo odio flagrabat populus in perniciosum ciuem, ut illum extinctum potius quàm saluum cuperet. Cæterum Pro- phetas pinum atque aliàs memorabiles herbas cõcionibus ac- commodare, aliàs demonstrauit. Esaias enim in detestandis sta- Esa. 44. tuis Ethicorum atque idolorû simulachris miro artificio ple- rasque arbores narrationi accommodat, ac cõmonstrat quanta cura ac solitudine ea studeant effingere atque elaborare, fa- brique nulli vsui sunt, nec vllam salutem conferunt, adeo in- tenti illi rei, ut lima, malleo, caleenti foco iis efformandis

ad lassitudinem se exerceant, ac siticulosi efficiantur antequam opus perficiant. Artifices verò lignatios (vt concionem prosequitur,) normam & perpêdiculam, amussim adhibere, securim, ferram seu runcinam, circinum & si qua alia sunt instrumenta tornandis policendisque lignis idonea, sic vt pars eorum succidat Cedros, ilicem, quereum, pinum, ex quarum assulis segmentisque ac scandalis ferra dissectis ignem exciter coquēdis panibus arque eduliis, aut vt iis incaleseat: ex reliqua arboris parte sculpsit Deum, & incuruatus adorat illum. Hæc Propheta Esaias toto hoc capite prolixè enarrat, ac semel atque iterum repetit, quo homines meminerint, vnde petenda auxilia, cui incuruanda genua, ad quem manus, oculi, corda erigenda, nempe ad Deum, cui soli honor & gloria, & qui per Christum Seruatorem nostrum Spiritu suo abundè nos imbuir, & contra omnia aduersa reddit inuictos.

De Buxo, errore vulgari Palma dicta.

CAPVT XLI.

Matt. 23.

Abietis
descri-
prio.

Miris modis hallucinari contingit plerosque in herbarum & arborum cognitione. Si sunt qui Anethum vulgo *Dille*, quam Christus concioni adhibet, *Anis* credant, eum *Anisum* sui generis sit, & Belgis nomen retineat, semperque proferat discutiendis faribus aptissimum, sic vt Anethi foliis vtamur in condimentis, in oleraceis, in carniū elixarum liquamine, verum non illius semine: at Anisi semen & forniculi in condiendo instaurandoque liquore Cernisario, in placentis, in bellariis, in pomis assis salubrem vsum obtinet. Sic Abies arbor celsa ac procera, ita vt hinc nomen sorriatur, quod abeat atque assurgat in immensum, non est populus alba vulgo *Abest* dicta, vt nigra populus *popeliet*, sed arbor Prophetis sapius in concionibus ad populum erudiendum adhibita. si quando fastum deprimunt, ac superbiam elatosque ac sublimes deprimendos prædicant, ac etiam deiectos erigendos. Abies perpetuò virescit, foliis pinnatis pectinum modo resectis, flore croceo, specioso atque amabili. Huic picea, vt larix, pino, prorsus assimilis, ex qua mali nauium & antennæ eriguntur. Conspicitur huius generis arbor in immensum fastigata in Cænobio Anachoretarū quos *Carthusianos* vocant, Ziricæ contermino quæ

quæ fructum profert pino non abſimilem turbinata ſpecie ſed qui nucleum exhibeat non eſculentum. Cæterum vt ad Buxū deueniam, in magno errore verſantur qui buxum palmarum eſſe exiſtunt, cum ab hæc per omnia diſſideat, niſi quod vtraque perpetuò virer, nec foliis ſpoliatur. Hunc errorem ex eo exortum opinor quòd noſtrates hac fronde vtantur die ante Paſchæ ſolemnitatem octauo, qui Dominica Palmarum dicitur: nam eo tempore apud Belgas reliquæ frondofæ arbores deſiderantur. Spectatur hæc arbor in ſingulis ferè apud nos hortis folio myrti exiguo, concæuo, ſubrotundo, læuore perpolito, perenni virore, flore herbaceo, odore graui, & quem non ſolum animantes, ſed etiam homines auertentur, ligno autem duro ac ponderoſo, ita vt in aqua demergatur, colore pallido ad flauum inclinato, ſic vt ij qui colore muſtellino ſunt ac giluo, minùſque amabili, buxæo vultu eſſe dicantur. Non deſunt qui huius arboris ſcobem ramenta lima attrita morbidis corporibus exhibcant, & luem veneream, ſeu morbum Gallicum iis expugnare tentent, eaque pari effectu cenſcant cum ebena, ſeu Guaiaco ac ligno Indico, qui mihi roto cælo errare videntur. Lignum enim Indicum odoratum eſt, ſucco oleoſo ac reſinato imbutum, ſapore non ingrato: at Buxus arida eſt, exſucca, tetro viroſoque odore, ſapore inſuaui, & qui venenofæ qualitatis ſit particeps, ſi modo guſtare libeat. Conſciuntur autem ex tornarili hoc ligno ac raſti materia pectines, pugillares, manubria, foratiles fiſtulæ, capuli, pyxides, trochiri: in quem vſum quâ in medicamenti accommodatior. Noui enim ſacrificium quendam apud nos, ſed non admodum firmi cerebri, aut mētis ſanæ, qui cineres buxi deuſtæ atque in palmarum conſecrare: quem ritu Romana Eccleſia dominica Palmarum obſeruat, cuidam adoleſcentulo ebibendos propinaret aqua luſtrali immerſos adhibito inani ac ridiculo quodam exorcismo, ad diſpellendas, vt aſtantiſibus perſuaſit febres, & vermes exigendos non multò poſt febris quidem depulſa, ſed adoleſcens morte ſopitus eſt, ſic vt autor fuerim meis ciuibz, ne quis tale quiddam iterum attentaret. cum buxæ frondes deleteriz ſint & exitiales corporique humano noxiæ ac pernicioſæ quod odor grauis etiam & viroſus indicat, & ſapor abominabilis atque amarulentus, quem palatum reſpuit atque auerſatur.

Color buxi.

Buxina: tura.

Rei geſtæ narratio.

Iam verò vt ſuſceptum argumentum proſequar, hoc eſt, deſumpſas à Prophetis ſimilitudines explicem, conimonſtrabo obiter Buxum etiam adhibiram concionibz, eamque arborem ſcièrè atque appoſitè ſuis narrationibus Propheta accommodaſſe. Cum enim huius arboris lignū cornea ſit ferreæque duritiæ,

N a 3 ſc

Cap. 3.

sc vt si quid illi insculpatur, non facile obliteretur aut exole-
 scat. Dominus præcipit Esaïæ vt peccatum Iudæorum qui
 Ægyptiis fidebant, amplificet atque exaggeret in immensum,
 omnibusque palam faciat, quam fœde à Deo descuerint, &
 aliunde potius, quàm ab ipso salutem sint venati: obiter hoc
 illi dar in mandatis vt ita describantur eorū scelera atque as-
 seruentur in monumentis publicis, vt ne vnquam in obliuio-
 nem possint decedere. Sic enim velut irritatus sceleris indi-
 gnatione, *Nunc ergo, inquit, vade & scribe hanc Prophetiam super*
buxum, vel in tabula aut pugillati buxæo diligenter & accuratè
exaratam, vt sit in diem vsque nouissimum in testimoniū & vsque
in æternum, hoc est, istud effice vt tam accuratè hoc scelus obli-
gnetur, vt sit indelebile nec vlla vetustate contingat obliterari
aut exolescere, sic vt illorum oculis possit continenter obici,

Esaïæ lo-
cus expli-
catus.

Cap. 17.

Hier. lo-
cus expli-
catus.

& aliis in memoriam reuocari clapsis iam aliquot seculis, om-
 nibusque restatum esse illos derestabiles esse ob patrarum sce-
 lus, edito exemplo atque exhibito specimine, ne alios quoque
 eo impietatis deuolui contingat. Ieremias quoque simili vti-
 tur Metaphora, & proclamat: *Peccatum Iuda scriptum esse stylo*
ferreo, ungue adamantino, exaratam in tabula cordis eorū, & in cor-
nibus ararum seu altarium eorum, quibus continenter astant, & in
quibus ipsi & filij eorū sacrificia peragunt. Stylo ferreo & cuspide
 adamantina scribitur, (nihil enim adamante durius, sic vt
 acutissima instrumenta exigat, quo perpoliri possit) quod inde-
 lebile esse vult; nec annorum decursu interire, sed perpetuò
 subsistere, nec vllò æuo obscurari. In Cornibus ararum, tan-
 quam in vestibulo primòque aditu & ingressu templi, vt sem-
 per habeant in recenti memoria, vt continenter versetur ob o-
 culos. Sic Dauid: *Et peccatum meum cōtra me est semper.* hoc est,
 oculis iugiter observatur, mentique assiduè incumbit, sic vt
 nunquam has furias & æumnas, has animi carnificinas exco-
 tere possim, nisi scelus pœnitentia expiatum sit, ac Dei mise-
 ricordia expunctum ac deletum. Iob etiā tot calamitatibus
 pressus, tantæque mole ærumnarum obrutus, concepta emer-
 gendi fiducia, ab huiusmodi rebus desumpta similitudine,
 capit id quod dicturus est in omne æuum perdurare, esse enim
 indubitarum certumque ac fixum, nec si quidquam ambigere
 aut desperare, quin felicem atque opatum successum res sit
 habitura. *Quis, inquit, mihi tribuit, vt scribantur sermones mei?*
Quis mihi det, vt exarentur in libro stylo ferreo, & plumbi lamina,
vel certe sculpantur in saxo vel silice: quo perpetuò extent,
omniumque animis possint infigi, omniumque oculis obici.
Scio enim quod Redemptor meus viuit, certoque persuasum ha-
 beo

beo me in nouissimo die de terra surrecturum, & in carne mea visurum Deum Seruatorem meum, quem visurum sum ego ipse, & non alius, reposita est hac Spes & fiducia in sinu meo.

Quibus verbis præter vetam corporis resurrectionem (quæ Iobi locus ut in Christo peracta, ita in nobis, hoc est, eius membris explicanda est) hoc agit apud amicos qui illi plus attulerunt molestiæ quàm solatiij, ut omnibus testatum sit se aliquando ex iis malis ac miseriis emerfurum, tamen enim à Deo afflictus sit atque in nihilum redactus, tamen certam se habere spem, eam concipere fiduciam, ut vindex & instaurator suus Deus hanc cladem ac calamitatem in quam deiectus est, à se auferat, & erecturus sit ex sterquilinio in quo voluit in pristinam dignitatem, sic ut res ex luctuoso ac funesto initio lætam Catastrophem seu exitum sit habitura non sine numeroſe prolis accessu, ac rei familiaris amplissimo prouentu. Quæ res indicat Iobi historiam non esse commentitiam aut fabulosam, sed veracem & cui fides derogari non debeat, sic ut ex re gesta proponatur nobis patientia ac malorum tolerantia, ut testatur Iacobus Apostolus & illo prior Ezechiel.

De Nuce.

CAPVT XLII.

CVM Sponsa (quo nomine Ecclesia & pij cuiusque anima quæ Christo insita est, designatur) omnes confectetur & capter odorum suauitates quæ è speciosissimis fructibus emanant, hoc est, nulla non requirat oblectamenta virtutum quibus reficiat: descendit in hortum nucum, ut longè latèque prospeller atque inspiciat, an vineæ florescant; an mala Punica germinent, an se poma proferant in conuallibus. quibus Metaphoris indicatur, omnium virtutum chorus. Intelligi autem hic debet non nux auellana vulgo hæcæ note, ex Corylo, sed iuglans, quæ est arbor procera & ramosa, folijs non sine grauitate quadam odoratis latis & oblongis, fructu multis inuolucris ac tegumentis munito, calloso foris atque herbaceo cortice ut Plinius eleganter describit, intus cōpactilicarū loculo. Sunt enim huic nuci bifidæ putanyni carinæ, nucleis verò quadripartita distinctio: lignea interuireſcente membrana. Nux autè hæc Basilica vocatur, hoc est, regalis, quod à Regibus è Perside in Europam traèſtata sit, cōmuni nomine Iuglans, quasi Iouis glande dixeris, quod eam primus hominibus Iupiter commonstrarit.

Nucis arboris, descriptio.

Virtus
aquæ nu-
cum.

Nux ad-
uerſitatis
& proſpe-
ritatis
ſymbo-
lum.

Gurgul.

Eduntur hæ nuces ſalubrius, minoriſque incommodo recentes & ſucculentæ, quam aridæ. Nam tanceſcunt vetuſtate, & capiti grauedinem inferunt, vnde Græcis nux *negios* dicitur, quod capiti noxam inferat. Ex hac Medicamen Diacaryon Medicis in uſu eſt, quod è nucibus confectum faucium vitiis adminiſtratur reprimendis ratione. Virides autem decerpuntur antequam putamina obdureſcant, melle & ſaccharo coniuntur, diùque aſſuetuari poſſunt, roborando ſtomacho vtilis, atque ori palatòque non ingrata, ſic vt mentis inferri poſſint, etiam inter bellaria vt cortices Citri aliæque tragemata, hoc eſt, delicata quæque edulia quæ ſecundis menſis atque alio cibo ſaturatis apponi ſolent. Elicitur etiam ex nucibus virentibus necdum interno cortice induratis in turbine ac mera diſtillatoria aqua ad multos uſus efficax, nempe ad peſtis contagia, ad faucium ac palati vlcera ac puſtularum eruptiones ad eluendas maculas, næuos lentigines in facie: quod etiam præſtat aqua quæ ex vitis ſarmentis verno menſe inciſis profluat, qua de re nullum veterum mentionem feciſſe memini. Cæterum cum nux Regis foris ligneo ſit duròque cortice, atque intus ſuauem ſapidumque nucleum contineat, appoſitè nec incommodè illi accõmodari vita humana, vel potius Chriſtiana poteſt, atque Eccleſiæ decurſus. In hac enim nubila ſerenis, dura mollibus, aſpera lenibus, acerbis mitibus, dulcia amaris, ſolatia caſtigatõibus immiſta ſunt. Durum aliquando eſt & operoſum. Nucem frangere quod ipſum ſi dentibus tentes, periculum imminet ne ſi imbecilles ſint illos frangas. Quod ſpectat illud Plauti, *Qui è nuce nucleum eſſe vult, frangat nucem.* Quo denotat, illi qui dulcia deguſtare velit, amara deguſtanda, qui aliquid commodi ſeſtetur aut aliquod malorum ſalamen conquirit, ne laborem fugiat, nihil non faciat ac patiat, non ſalubria aſſequi poſſet.

De Pomis in genere, quibus Sacri vates ſimilitudines deſumunt.

Præcocia
pomæ
quæ.
Serotina
pomæ
quæ.

C A P V T XLIII.

Pomorum differentiæ & ſpecies apud Belgas innumeratæ ſunt, ſic vt ſuperiorem noſtra ætas vincat. nam inſitio & inoculario

inoculatio plurima genera peperit. Inter hæc sunt præcocia quæ præmaturè matureſcunt, ſed fugacia, vt omnes fructus verni & æſtius qui aſſeruati nequeunt. Hiberna verò & Autumnalia in multam hyemem, imo in ver inſequens illæſa intactaque ſeruantur. Horum alia dulcia, alia acida, acerba, auſtera, vinoſa, mitia, diluta, aquoſa, alia varij miſtique ſaporis. Præbent autem hi fructus amabiles nulli non hominum oblectamenta, atque oculis, palato, naribus blandiuntur, vt etiam pyrorum infinitæ differentię, ſic vt ſi quis vllius generis mala conſpiciat, contrectet, odoretur, deguſtet, mirè hoc blandimento afficiatur, ſic vt etiam eo conſpecto in mentem veniat Dei munificentia, qui tanta rerum varietate nos cumulatiſſimè inſtruxit. Inter poma referuntur quæ orbiculata ſunt, nam pyra ſetè oblonga ſunt & turbinata forma. Horum differentias enumerare non eſt huius inſtituti, cùm omiſſis Coroneis, meſpilis, citriis, aurangis, perſicis, & volemis, ſic dictis quòd manus volam impleant, Punicis, Armeniis, &c. Hoc tantum admonere viſum eſt, Deum his deliciis homini indulgere partim in alimentum uſum, partim in ſanitatiſ conſeruandæ tutelam, cumque nonnunquam adimeie hæc vitæ ſolatia, ſi quando erga illius munificentiam ſunt ingrati. Deſumitur

Cap. 8.

apud Amos prophetam elegans Metaphora ex pomis æſtius quæ citò quidem matureſcunt, & vt res nouæ, homines afficiunt, ſed quæ conſeſtim putreſcunt, nec aſſeruati poſſunt. Amos loc. explicatus.

Oſtendit, inquit, mihi Dominus Deus vicinū, hoc eſt, corbem leu caniſtrum, pomorum æſtiorum, & dixit, Quid tu viſes Amos, & dixit, caniſtrum pomorum, (quibus designat fructus præcoces & primitiuos.) Et dixit Dominus ad me, Finis ſuper populum meum. Metaphora pomorum quæ non poſſunt diu ſubſiſtere, indicat imminere populum interitum, inſtare corruptionem vt pomis maturis, quæ ſi diu aſſeruantur, putreſcunt, vt ſunt pruna, ceraſa, perſica, corna quæ perennare non poſſunt, aut in hyemem perdurare, ſic vt appoſitiſſima ſimilitudine pronunciet, maturos eſſe vt conſumantur, atque intereant, aut proximos eſſe internecioni: ed enim perueniſſe illorum nequitiam, atque vt æſtios fructus maturuiſſe, vel deſituri ſint, nec amplius poſſint ſubſiſtere. Idipſum vrget Apocalypſis, ac Babyloniz hoc eſt, qui Eccleſiam contemnant, extrema minatur, atque auferendas pronunciat omnes eius delicias, decus, magnificentiā, ſplendorem. Inter alia autem, Receſſerunt, inquit, animo tuo deſiderata poma, & præclara quæque & omnia pinguis perierunt à te, nec amplius illa inuenies. Quo indicat omnia quibus oblectare ſe ſolet, & palatum reſicere, ablata eſſe, pom-

Cap. 8.

Apocal. locus explicatus,

N n 5 pam,

pam, strepitum, ferculorum apparatus, bellaria, ac mellita repotia, in quibus suauissimi fructus mensis inferri solent, ut poma sapida ac succulenta, pruna, Persica, aliaque secundæ mensæ deliciæ.

De Quercu, & aliis Glandiferis arboribus.

C A P V T XLIV.

Multa sunt in sacro Codice stirpium genera quæ seriatiim recensere immensum esset operis atque infiniti laboris. Quocirca boni consulat æquus lector, si non omnia ad amissum sum exequutus. Cum autem Prophetæ arbores concionibus adhibent, non modò satias quibus hortus excolitur, sed etiam syluestres quæ ferè urbanis sunt proceriores, earum nonnullas obiter attingam. Sunt etiam nostris regionibus cognitæ fagus vulgus vlmus. Quercus, Robur, Ilex, Acer, Suber, cuius cortice suffulta sandalia & calceamenta frigus & aquam arcent, aliaque glandiferæ arbores quæ olim ante inuentas fruges alimentum hominibus suppeditabant.

1. Par. 4. Vnde prouerbium, *Stultum est inuentis fru gibus gande vefci.* Prophetæ per has arbores, validos & robustos designant, qui inopes opprimunt, ac tenuioribus sunt infesti, quos tamen

Pfal. 103. Deus minimo negotio conuellit ac deiecit. *Ipsè enim tangit montes, & fumigant, ipse Cedros, in immensum fastigiatas, prostermit, & cõfringit, sic ut vix tenue vestigium tanti fastus appareat.* Sic Deus apud Amos, *Ego exterminauì à facie eorum Amorrbæum, cuius altitudo ut altitudo ac sublimitas Cedrorũ.* Quod designat & denotat fastum, superbiam, arrogantiam ac Dei contèptum. Similiter Zacharias mentem eripit fastuosis, & tanquam rebus desperatis ad lamenta, eiulatus ac fletus prouocans, *Plu-late, inquit, quercus Basan, quia succisus est saltus munitus, ac magnificèntia vastata est, hoc est, ablatum est omne robur, omnis vis & potèptia, omnis munitio qua substiterunt, appositè illis quernis arboribus comparat. Ut enim maxima duritia robori & quercui est, ita ut eorum nonnulla vix findi queant, vel cuneis vel securi, vel ferra dissectari: ita ut isti muniti ac vallati opibus ac numerosa clientela, ad eas opes ac dignitates honoresque, ut sublimes arbõres, euecti sunt, ut nunquam deprimi potuissè viderentur, verum Dei potèntiæ nihil obstat. Superius fufius de iis tractauimus.*

De Rosa, & ex illa desumptis Metaphoribus.

C A P U T XLV.

Rosa apud omnes nationes flos spectantissimus, miræque odoratus Cor, Cerebrum odoris suauitate recreat. Intus verò adhibita, affectuum partium dolores mitigat, & confortat astrictionis ratione. Succus tamen aut earum delutum elemententer ac placidè aluum proluat, flauam bilem expurgat, iecoris obstructioni auxiliatur, in quem vsus conficitur apud nos *Rhodopharmacum*, hoc est, Syrupus rosaceus solutius quo citra noxam aluum deicit, & biliosa excrementa quæ febres tertianas excitant, expurgat. Huius amabilis floris multæ spectantur differentia. Vulgatissimæ sunt quæ albescunt, quibus succedunt rubentes & muricatae, hoc est, quæ purpureo colore collucet, inter quas flagrantissimi ruboris, *Milesia*. Sunt etiam, vulgo *Prouinciales*, colore qui Belgis, *incarnas*, dicitur, quoddam carnis colorem referant, ac subfloridum aut rutilantem. Sunt etiam *Damascenæ*, sunt musculatae minutiore flosculo candido, odoris eximij, vt *Cynorhodus urbanus* & satius vulgò *Negeltenter*, quæ Plinio videtur Rosa Græca & *Lychmus*, alia à Coronaria, flore roseo vel subrutilo, minuto, odorato, quæ dos etiam folijs aculeatis inest, secus quàm vulgaribus rosis, quarum folia inodorata sunt. Cum autem Rosa nihil sit fugacius, nec quod citius marcescat, aptissimè huic vita humana fragilis, caduca, & momentanea comparari potest, cum omnis splendor eius, gloria, decus, magnificentia, fastus, superbia, quæ omnia vt flosculi citissimè euanescent. Notantur autem in scriptura sacra qui lusum fouent & odoratis rebus abutuntur. Sic enim compellant se lasciuia homines ac deliciosi, qui à morte nihil hominis superesse sibi persuadent. Cùm autem nostra imbecilla sit aut brevis, & vt fumus & umbra euanescat, agite, fruamur bonis presentibus, & utamur rebus natura: dum iuuentus adest. Vino pretioso & unguentis nos impleamur, & non sinamus elabi florem temporis, hoc est, non frustra patiamur præterire amœnissimam æui partem, nempe adolescentiam, quæ Genialiter nulloque nubilo est transigenda. Coronemur rosis antequam marcescant, nullum prorsum aut viridarium sit quod non pertranscat luxuria nostra, ubique relinquamus signa lætitiæ, nemo vestrum exors sit insolentiæ nostræ, quoniam hac est pars, hac est sors & conditio nostra,

Hæc,

Rosæ vires.

Rhodopharmacum.
Rosarum differentia.

Lib. 2.
Cap. 4.
Cynorhodus odoratus.

Sap. 2.

Sapientia
locus explicatus.

Hæc, inquit Sapiens, cogitauerunt & errauerunt, excacauit enim illos malitia sua, nec Dei arcana cognouerunt, itaque illorum conceptum improbat, quod non vsum rei spectent, sed luxum & prodigaliter rerum naturæ, nulla habita Opificis ratione.

Ecclesiast.
locus explicatio.

Ecclesi. 29.

Ecclesi. 39.

Ecclesi. 30.

In ar.
Poet.

Horat. lib.
1. Epistol.
rosa cur
mense affi-
gatur.

Prouerbiis
in futiles.

Cæterum apud Ecclesiasticum comparatur animæ puritas, candor, integritas, decus, & virtutis præstantia Rosæ aliisque odoratis stirpibus. Sic Sapientia æterni patris sui commendatrix, Ego, inquit, *quasi Cedrus exaltata sum, quasi palma in Cades. & quasi plantatio Rosa in Hiericho.* In iis enim locis erant præstantissimæ. Rursum cum ad amplexandam Sapientiam exhortatur, *Audite me diuini fructus,* hoc est, Pij filij, *& quasi rosa plantata super riuos aquarum fructificare, fructificate, ut lilium flores emittite.* Paulò inferiùs cum Simeonis Pontificis laudes prosequitur, easque amplificat in immensum comparatione desumpta à naturæ rebus, *Ipse est, inquit, quasi stella matutina in medio nebula, quasi Luna plena cum suis diebus luces,* hoc est, vel tota, vel media sui parte à Sole illustrata: *quasi ros rosarum vernis diebus, & quasi lilia apud aqua riuos, &c.* Ex iis conuictio studiosè lector, quàm illi frigeant Metaphoræ, aut collationes qui ignorat herbæ aur fruticis naturam, ex qua similitudo desumitur, atque ad ornandam concionem adhibetur. Cæterum cum inter scribendum id Horatii in mentem mihi venisset,

Omne tulit punctum, qui miscuit utile dulci.

Lectorem delectando, pariterque docendo, visum est vulgare quiddam de rosa adicere, quò iucunda seriis mista minus satient. Inoleuit apud Belgas ac plerasque alias nationes consuetudo, ut si quando lepidi sodales inter se conuiuia agitant ascitis inter hæc præstantioris formæ aliquot puellis stipulentur petactio symposio silentij fidem, *ne fidos inter amicos sit qui dicta foras eliminat,* eaque de causa, ut id ratum habeatur, *sub rosa hæc peracta,* dictitant. Vnde passim in cœnaculis rosa lacunaribus supra mensæ verticem affixa conspicitur, quo quisque sit secreti tenax, ne quid remerè effutiat, sed omnia reticenda meminerit. Ita si quid licentiùs, parumque verrecundè aut reuerenter dictum vel actum sit, aut si in Geniali accubitu inter se cātillent, luscent ac figant oscula, lasciuient, titillent, insoleseant, ante digressum, *omnia sub rosa transacta,* contestantur interposita stipulatione silentij ac pactione reticentiæ impetrata, ne quis disseminare audeat vel minimum eorum quæ in hoc sodalicio peracta. Quò spectat Prouerbiū, *Odi memorem compotorem,* in eos qui liberiùs dicta postridiè in mentem reuocant atque affutiunt, cum vino sūx inscribenda, atque

atque obliuioni danda quæ in conuiujs incautiùs exciderunt. Ita Lacedæmonij ex Lycurgi præscripto in foribus primòque aditu atque ædium vestibulo inscripserunt, *HAC NON EGR EDITVR S E R M O*. Vnde autem hic mos receptus sit, vt Rosa in cœnaculis erecta silenda imperaret, quæ inibi agitari solent, Carmen istud graphicè exprimit.

Est rosa flos Veneris, cuius quo furia laterens,

Harpocrati matris dona dicitur Amor.

Inda rosam mensis hospes suspendit amicis,

Coniunia vt sub ea dicta tacenda sciant.

Est autem myrtus & rosa Veneri dicata, his enim herbis odoratis exornari debet. Coniugium ac totus Genialis, in quo, excluso tumultu ac dissidio, omnia decet esse placida, quieta, sedata, & si quid inciderit, silentio, inuoluendum. ob id Cupido Venetis filius Rosam Harpocrati silentij Deo qui digito labellum compescit, consecratam esse voluit, eoque muerere illum decorauit. quo exhiberetur hominibus loquacibus Rosa velut silentij symbolum. Vt autem Harpocrates apud Græcos ita Angerona Deo apud Romanos silentio præfecta est.

Rosæ silentij symbolum.

De Zizania, & Lolio, aliisque herbis frugibus inimicis.

CAPUT XLVI.

Zizaniarum nomine designatur omnis inutilis, vitiosa, noxia fructificatio, quæ sementi ac frugum incremento officit quæque sata strangulat ac necat, succumque quo nutriuntur depopulatur, sic vt segetes aliæque herbæ salutare aut malignæ emergant, aut prorsus suffocentur. Cùm autem lolium tritico infestum sit, ac noxâ inferat inter Zizania, hoc est, ea quæ extirpanda sunt, principatum obrinet Conspicitur autem in segetibus folio angusto. pingui, oleoso, hispido, semine in spica exili, strobulo purpurascēte vt phoenix cuius meminit Dioscorides, huic protius affinis, quæ lolium syluestre vel murinum vocatur, quod à muribus erodatur, est autem spuria atque adulterina tritici species, quæ aliquando à puro discerni nequit. Huic ferè sociari solet inter segetes Githago vel pseudomelanthium, siue nigellastrum, foliis porri prælongo culmo, flore purpureo, semine in loculo papaueraceo, nigro, subrotundo, inodoro, farina intus candida si dentibus attratur. Lolium autem Theophrastus prouenire testatur ex tritici ac hordei correptis yligine seminibus, aut iis gelido imbre

Quid Zizaniarum nomine designetur.

Lolium frugibus noxium.

Phoenix herba. Lib 4. Melanthium adulterinum.

Lolio vi-
ditare.
Plaut.
In Mili-
te.

bre dilutis. Semen eius panibus admistum, capiti dolorem, oculis caliginem adfert quod vaporosos humores in cerebrum deferat. Vnde manauit Prouerbiū in cæcutientes, quique sunt caligantibus oculis; *Lolio vicitare*. Sic Plautus

Misrum est lolio te vicitare tam vils tritico.

Quidnam? quia lusciosus. Verbero Edipol, tu quidem cæcus, non lusciosus.

Cæterum cum zizaniorum nomine nullæ peculiæres herbæ designentur, sed omnes illæ frugum & herbarum pestes quæ excirpandæ sunt, ne frugiferas herbas opprimant, Belgæ comuni nomine habere inutilium herbarum congeriem *vuiet*, vocant, & *vuien*, eruncare atque eruere, fundumque à noxiis fruticibus purgatum reddere. Quocirca ineunte vere antequam fata adolescant, maturè ac tempestiuè euellenda curant omnia frugum detrimenta. Virgilius autem obiter complectitur quæcumque Zizaniorum nomine comprehensa sint & faris noceant.

Geor.
li. 1.

Prima Ceres ferro mortales vertere terram

Instituit, cum iam glandes atque arbusta sacra

Deficerent sylua, & viltum Dodona negaret.

Mox & frumentis labor additus, ut mala culmos

Effet rubigo, signisque horreret in aruis

Carduus, intereunt segetes, subit aspera sylua,

Lappæque, tribulique, interque nientia culta.

Infelix lolium, & steriles dominantur auena.

Ouidius quoque agros & noualia culta præstari vult.

Li. 1. Fast.

Vi careant lolius oculos vitiandibus, agri,

Nec sterili cultu fugat auena solo.

Matth. 13.

Hinc appositè Christus per Zizania, id est, agrorum pestes & vitia, doctrinam noxiam, perniciosam, in sinceram designat, denique improbos & perniciosos doctores qui hæresi pestifera mentes hominum imbuunt, ac peruersa subdolaque interpretatione, instigante diabolo, cœlestem ad salutarem Evangelij doctrinam deprimunt, ac falsa vetis, vitiosa sinceris, dubia certis immiscentes Verbum Dei ac pabulum animæ inficere student & contaminare, quos tolerari quidem vult Deus in spem emendationis, & quò moniti respiscant, non tamen prohiberi, ut Chrysostomus ait, hæreticorum conciliabula dissipare, ora obstruere loquendi, audaciam concidere. Quò spectat illud Pauli ad Titum, *Hæreticum hominem*, hoc est, qui pertinaciter inhæret præuæ opinioni ac destinata malitia pergit tueri falsa, post unam aut alteram monitionem, velut insanabilem deplorato, fugito, sciens quod euersus est, quoniam ipse suo iudicio

Cap. 1.
in Matth.

Cap. 3.

iudicio damnatus est suaque culpa perit, quod minus in errore persistat. Et quamquam Zaniam exiripanda nolit Christus, factiosos tamen & qui Reipublicæ tranquillitatem excitationis tumultibus perturbant, Magistratus imperio subiicit. Rom. 13.

De Libanotide Coronaria, qua vulgo Rosmarinus dicitur.

CAPUT XLVII.

Cum Bibliorum interpretes non semper exacta herbarum cognitione aut imbuti, viri alioqui linguarum peritia ad miraculum instructi, sit nonnunquam ut stirpium aliam pro alia substituant, ambiguitate vocis Hebrææ decepti. Sic non desunt (inter quos est Franciscus Georgius Venetus reconditæ eruditionis vir) qui Libanotida, hoc est, nostratem Rosmarinum Coronariam pro Hysso pro vertendam censeant, quæ vox à thuris odore nomen sortita est, quem fructicum aut virgulum Iudæi in fasciculos manuales coactum ac complicatum, scoparum more, conspergendis lustrandisque hostiis immolaticiiis accommodabant. Nominis autem vicinitate decepti (nam Latinam vocem refert Elos) Hyslopum transtulerunt, cum ut isti censent, Rosmarinum fuerit interpretandum. Cum etiam Iudæi nostra hac ætate (ut audio) fructici huius fasciculo utuntur, ubi sacrificia sua peragunt, ac cæsi hostiis peccata expianda sunt, imbuto intinctoque hoc fructiculo animantium sanguini, quo adstantes conspergunt. Quod ipsum olim Erhnici faciebant (mutuato à Iudæis expiandi ritu) ut Iuven. Persius, Horatius passim testantur ramusculo Oliuæ, cuius rei exstat luculentissimum exemplum apud Virgilium qui pompam funebrem describit, qua Misenus Aolides, generosi hominis more effertur. Sic enim rem prosequitur.

*Postquam collapsi cineres, & flamma quieuit,
Reliquias vino, & bibulam lavare suavillam,
Ossaque lecta cado, texit Chorinaus aheno.
Idem ter socios pura circumtulit unda,
Spargens rore leui, dixitque novissima verba.*

Æneid. 6.

Hoc est manibus eius optimaquæ que precatus est, quo officio etiam nostrates mortuos prosequuntur, ubi sepulchro inferri contingit. Nostri autem sacrifici ex veteri iustituto in hunc usum manipulo utuntur eo ceteris confecto, atque aqua sacrata adstantes conspergunt. Cæterum ut ad Rosmarinum referatur oratio, sciant passim omnium horti viuaci hac fronde, folio tenui

Aquæ cō-
secratæ
aut lu-
stralis
origo.
Aquæ
Rosmari-
ni vis.

Morbi
Regij re-
medium.

tenui, crebro, oblongo, crassiusculo, colore intus candido, superne viridi, suauiter odorato flore ceruleo, oleoso ita ut si in vasculo distillatorio ex hoc aqua eliciatur, oleum inpatere videas. Quod ego paralyticis & apoplecticis salubriter admo-
uere soleo, ceruice ac nuca illo inuncto. Odor fructicis animum reficit: presentaneam autem vim obtinet in expurgando morbo Regio, qui vulgo Icterus appellatur, perfusa extima cute flauo felleoque colore, sic ut hæc vis etiam ad animum transferatur vitiorum natus ac maculis deformatum. Rursum morbum comitalem qui menti vim infert, impugnat, sic omnibus auctor sum ut in elixarum carminum liquamine cerebro eius vsum admittant. Odor accensi fructicis pestis contagia fugat, atque ædes suavis odoris fumigio à vitioso halitu tutas præstat. Conficitur ex eius floribus medicamentum, quod quoniam diu subsistit, *Conseruam*, triuiales Pharmacopolæ vocant, cuius vis cerebrum mirè confortat, si nimio humore oppressum est, memoriam collapsam erigit, & ne quis morbo caduco, apoplexia, paralyti, spasmo corripian-
tur, aut caligantibus oculis efficiatur, singulari vi ac efficacia instructa est. Cum autem thuris odor ac suffimentum Deo offerri solet, eoque homines illi litare, non alienum à ratione est Iudæos thurificis fructicum odoribus esse vfos, ac Rosmarini ministerio (quæ singulari vi pollet in expugnandis cerebri morbis, vbi mentis sedes est, & herba grato odore imbuta est) sua sacra peregrisse.

De Amygdalo arbore, cuius passim in sacris Bibiliis fit mentio, & de qua desumitur insignis Metaphora, seu collatio à Salomone Eccles. Cap. 12.

C A P V T XLVIII.

A mygdala
Zelandis
nō de-
negata.

A Mygdalus arbor caudice procero assurgit multis ramis quaquaversum, ut nostras persica, brachiata, foliis salici proximis aut lugustro, aut ut ea quæ Belgis *Persica*, & volemata profert, flosculo candido, foliis distincto, quæ tamen mense Ianuario aut paulò serius statu cæli adhuc frigido florescat, apud Zirizzos tamen fructus qui nobis *Amandel*, dicitur, præcoci patu maturescit. Vidi enim ante sesquiannum in nuptiali pompa generosi viti *Brunonis vxiingards*, in quem
Socer

Socer Hieronymus à Seroskerka Zelandiæ Orientalis eis Scaldem Quæstoriæ dignitatem transtulit, Amygdala ex arbore recens decerpta ea maturitate vt cum Italicis, vel Hispanicis certare possent, sic vt effracto lignoso putamine, nucleum intus exhiberent candidissimum, denique succulentum, mireque sapidum, adeo vt Procures aliquot Bataui qui illuc acciti erant, obstupescerent atque incredibili admiratione afficerentur, cum spectarent in tã despiciata maritimi tractus regione tam speciosos fructus enasci. Muniti autem erant fructus amygdalini gemini tegumento atque inuolucro puluinari, primum cabycis, mox lignei putaminis, cui suberat nucleus membrana obductus, qui in aqua egelida aut tepescenti maceratus, membranam totam exuit, & se edendum saccharo insperso exhibuit. Amygdalus non prorsus nostrati Persicæ absimilis, nisi quod huic folia maiuscula sunt & flos puniceus, illi candidus, fructus Persicæ orbiculatus, carnosus, succulentus, sapidus, vinosus, foris lanuginosus, dura intus ac scabra nuce, amygdalis prorsus affinis, nisi quod maiori læuore sit nux amygdalina, nec ita foraminosa: fructus amygdalini cortex nihil habet quod edi possit, sed tantum nucem ambit membranofum tegmen puluini forma, intus verò exhibet nucleum nunc amarum, nunc dulcem, quorum prior ebrietatem arceat præsumpta, exsiccandi ratione, nam humiditatem vini ac vaporem consumit, eumque prohibet ad cerebrum efferri. cæterum amaritudinis ratione, & quod incidendi extenuandique vi pollet, viscerum internorum obstructions amolitur, hoc est, hepar, lienem, renes à crassis humoribus expurgat, urinam prouocat, calculum atterit, vt etiam nuclei Persicorum, næuos, lentigines, maculas in facie cuteque extrema eruit abstergendi efficacia. Cum autem vulpes calidis & siccis tabescant, vsu amygdalorum amarorum emoriuntur, nisi aquam confestim lambant, atque amaritudinem quæ vitalem succum illis depopulatur, mitigent ac diluât. Dulcia amygdala (quo commeatu Iacob patriarcha filio instruxit, cum famis tempore in Ægypto illos amandaret.) corpus alunt ac saginant, pectus expurgant, tabidis conferunt, somnum placidum conciliant, delatis ad cerebrum suauibus ac soporiferis vaporibus: gummi verò eaque resinosa concretio, quam sisso per æstatem, hiantque cortice arbor exodat, astringit atque inspissat humores tenues, ac sanguinolentas excretiones cohibet. Ex hac speciosa atque fructifera arbore quæ præmaturè floret, atque albescente flosculo spectabilis est, desumit Salomon insignem Metaphoram in Ecclesiaste capite ultimo, adiectis aliis quibusdam verbis translatis tam ob-

Amara
Amygdala
quid
præstent.

Amara
amygdala
vulpi no-
xia.

Gen. 42.

Gummi
amygdali-
num.

Cap. 12.

obscuris & intricatis, vt non cuius sint explicabilia, & quæ Oe-
dipo opus habeant coniectore, quibus tamen pro virili atque
ingenij nostri tenuitate aliquid lucis adferre conabor. Toto
autē hoc capite delumpta ex rebus nouissimis passimque obuiis
collatione commouefacit hominem officij sui, vtque in ætate
iuuenili salutis suæ inuigilet, cohortatur, antequam ætas in-
grauescat, & corpus senectutis incōmodis opprimatur. Itaque
Deus ante oculos constitui vult atque in eum mentem con-
tinenter defixam, nec vllō modo committendum, vt in vire-
scēte illa in obliuionē deueniat, sed dū viger ætas atque adhuc
in flore æui consistit omniaque mēbra suis officiis funguntur,
Cum vitæ integritate ac moribus inculpatis demereri stu-
deat. Eleganti autem periphrasi indicat, quo modo homo in
ætate florida constitutus sensim deflorescat, atque vt Iob testa-
tur, conteratur, & velut ymbra aut fumus euanescat, sic vt sin-
gulis momentis detrimenta concipiat, atque in deterius rapia-
tur, omniumque membrorū vsu & functione priuerur. Accessu
enim annorum (nam singula membra Salomō persequitur) ca-
ligant oculi, aures obsurdescunt, lingua titubat & efficitur im-
pedita, nares odorandi facultate destituuntur, tremunt manus,
labascūt pedes, deorsum incuruescit, totaque corporis compa-
ges pedetentim dissoluitur. In hunc autem modum (vt auctoris
verba ennairem) concionem suam prosequitur. *Memēto Crea-
toris tui in diebus iuuentutis suæ, antequam veniat tempus afflictionis,*
hoc est, antequam te circumuallēt senij incommoda & morbi,
de quibus dices, *non mihi placent, antequam tenebrescant Sol &
lumen & stella, & reuertantur nubes post pluuiam,* hoc est, cali-
go & nebecula oculorum cum lachrymosa lippitudine, quan-
do commorabuntur custodes domus, hoc est, costarum propugna-
culum quod interna viscera munit ac tuetur, & nutabunt,
seu vacillabunt, *uirī fortissimi,* hoc est, pedes qui corpus li-
brant ac fulciunt, & otiosi erunt, *molentes in minuto numero,* hoc
est, cū edentulus eris, cibumque ægrè conficies mandibula:
& *tenebrescent videntes,* hoc est, oculi, & *clauduntur ostia in pla-
tea,* hoc est, via & meatus quo cibus in stomachum deferretur
in humilitate vocis molentes, & *consurgent ad vocem volucris.*
Et obsurdescent omnes filia carminis, hoc est, aures quæ sonorū mo-
dulatione affici solent. *Excelsa quoque timebunt & formidabunt.*
hoc est, cū pedes labant editiora loca non conscendent, vel
aliquid ex alto delapsurum metuant. *In via florebit Amygdalus
& impinguabitur locusta,* hoc est, pedes intumescent ob debi-
lem concoctionem: nam locustæ ex porrectis pedibus saliuunt,
quod senibus est denegatum. *Et dissipabitur Capparis, antequam
rumpatur*

Cap. 14.

Locus Sa-
lomonis
Allego-
ricus.

rumpatur stemiculus argenteus, & vita antea recurrat, & conteratur hydria super fontem, & confringatur rota super cisternam & reuertetur pulvis in terrā unde venit, & Spiritus redeat ad Deum qui dedit illum. Hæc partim Allegoria qua Salomon aliud dicit, aliud intelligit, partim Metaphora qua verba commoditatis gratia transfert per similitudinem à propria significatione ad aliena extimulat hominem oscitantem suæque salutis negligentem, ut Opificis ac Creatoris sui memor sit, illumque identidem ob oculos constituat, nec unquam in obliuionem deuenire patiatur: atque id præcipuè in adolescentia atque ætate iuuenili quæ minùs prouida, segniter salutis propriæ inuigilat, suisque cõmodis prospicit, quod ipsum eò magis amplificat, quod successura sint deteriora, quibus id perfici non possit. Quocirca acriter stimulat mētes ignauas & socordes, ut ab inueniente ætate in Deum mentem habeant erectam, antequam senium ingrauescat, & accelerari contingat dies malos ac tempora, annosque plenos incommoditatis, molestiæ, afflictionis. Nam scilicet nio ac capulari seni omnia sordescunt vitæ oblætamenta, voluptates, deliciæ, tripudia, cantilenæ, risus, ioci, lepores, omniaque fastidiuntur edulia, cupediæ, condimenta, bellaria, nec ullis rebus quamlibet suauibus afficiuntur, quibus fere iuuentus occupari ac detineri solet. Hanc autem occasionem redimendæ salutis eò magis arripiendum prædicat, quod in ætate decrepita & inclinata animus vnà cum corpore flaccescat, mens obnubiletur, memoria, ratio, intellectus omnesque animæ facultates extinguantur extincta luce, in istoque naturæ lumine sopito. Etenim (ut ordine ac continuata serie Salomonis caput illustrem) senio confectis oculi cæcutiunt ac præter caliginem lippitudine vitiantur, ut Sol & Luna illis vix conspici possint. Tunc manus quarum in perficiendo opere utimur agilitate ac ministerio tremulæ efficiuntur, atque ad opera manuaria inutiles. Tunc pectus anhelosum est, ac spiritus propter costas subsidentes ægrè ducitur. Tam pedes qui corpus ut basis ac colūnx fulciunt, labāt ac incuruescunt sic ut in ingressu scipionis adminiculo indigeant. Tunc dentes qui cibum molunt ac conficiunt, opæque mādibularum alimenta conterunt, imminutè officio suo perfunguntur, ut edentulis assolet. Tunc visus imminuitur, atque oculi qui velut ex cauernulis atque animi fenestris prospectant, deficiunt & obscurātur, aut conniuentibus ac collapsis palpebris earūque musculis minutim ac vultus per nebulam vident, ut ij qui vix in platea obuium discernunt. Tunc fauces ægrè cibum deglutiunt occluso ob scitatem gulæ meatu ac tramite, per quem alimenta in sto-

Caput
Ecclesiæ
12.
explica-
tur.

machum deferuntur, dentibus etiam inualidis, excisis, infirmis qui cibo elaborando atterendoque non gnauiter insistit. Tunc somnus tenuis est & exilis ob cerebri siccitatem, ut senex ad alicuius sonitum expersiscatur. Tunc offuscatur vox, & stridet ariditate exasperante vocalem arteriam, prorsusque ad cantillandum est inidonea. Tunc ad leuissimum strepitum expauescit, totusque meticulosus ac pavidus semper aliquid sibi imminere, ac è sublimi delapsurum metuit, sic ut non temere per compita, & plateas ingrediatur, nisi subinde respectet. Tum florescit *AMYGDALVS*, hoc est, Caput albescit canicie sic, ut eminus conspici queat, quemadmodum Amygdalus arbor quæ candidos in summitate flores producit, ut longissime se spectandam exhibet. Tunc vox exilis erit, imminuta, ac stridula. Tunc leuissima, quæque illi erunt oneri, ita, ut ne muscam quidem perferat. Tunc peribit appetitus qui ferè Caparis condimento irritari solet, totumque rerum carnalium desiderium abolebitur. Hæc aliaque incommoda homini obuentura commemorat Salomon, ingrauescente ætate ac deuentura, antequam mutua animi concordia ac confederatio, qua hæc conglutinata sunt, dissoluetur, & priusquam ex hoc corpore animus emigrare contingat in sedes illi destinatas. Quocirca homini has ærumnas in mentem reuocat, quod in ætate florida ac virenti in Deum defixos habeat oculos, illique suam vitam, mores, ac studia approbare studeat. *Antequam* (ut concionem prosequitur) *rumpitur funiculus argenteus*: quod designat spinalis dorsæ medullam, quæ ex Cerebri substantia argenteo splendidoque colore producta (ut etiam in brutis animantibus conspicitur) à basi occipitis, hoc est, capitis parte postica vno producta per quatuor & triginta vertebrae (qui & spondyli dicuntur) ad os caudæ quod ad anum desinit, porrigitur. Cum autem istæ spinæ seu dorsæ contextus cui costæ velut curuatæ trabes adhærescunt, atque affixæ sunt, sic velut Carina. (nauis *hiesel* vocant) cui totius nauigij moles incumbit, rota vis, robur, fortitudo, munimentum humani opificij ac structuræ in spina eiusque medulla consistit, sic ut scire Salomon homini imminere interitum pronunciet, quando illam confelli, vel rumpi, vel dissolui contingat, sub contracti argentei funiculi Metaphora, quod instante morte euenit. Cæterum quod sequitur, *Frangitur aut quassatur fons aureus*, ea figurata loquutione Cor vitæ fontem designat, à quo artieriarum riuus (ut ab hepate venarum propagines) producuntur, qui & spiritus vitales, & rubicundum sanguinem secum devehunt, membraque fount & irrigant. Per Hydriam autem vel quæ conteritur iuxta fontem

Amygdali
Metapho-
ra.

Spinæ
dorsæ ca-
rinæ
nauis affi-
milis.

vel scaturiginem Renes intelligit & vesicâ meatusque vrinarios, qui ferè in senibus collapsi & in angustum contracti non præstant officium suum, sic vt accelerati interitus causam præbeant. Sequitur, *Et confringatur rota super Cisternam, vel conquassatur, & corruet currus fractis rotis in foueam.* Quibus verbis denotat Caput quod ferè moribundis inclinari solet, & in humeros deuolui. Est autem caput rotundum & globosum, quod vt rota versatilis quaquauersum moueretur dextrorsum, sinistrorsum, nunc in pronam, nunc in supinam partem, cui mouendi & sentiendi facultas attributa, ex eoque spiritus animales orti per corpus diffunduntur, ac motum sensumque nervis impertiunt: imminente autem morte caput primum ferè labescit ac corruit (vt in oculis perspicui potest, qui omnium primò moriuntur, aut mortis indicia proferunt) ac totum corpus in præceps rapit, fractisque omnibus membris, vt axecurrus aut vehiculi, omnem corporis structuram in foueam deiciit. Hunc itaque subesse sensum Salomonis verbis, testantur subsequencia. *Nam tunc, inquit, pulvis in terram ex qua desumptus est, & Spiritus ad Deum qui dedit illum, reuertetur.* Cæterum Gen. 30. vt ad Amygdalum regrediat, Jacob Patriarcha, cui post à videndo Deo Israeli nomen inditum est, à socero Laban parum ciuilitate aut pro æquitate rei tractatus, miro vsus est astu ac stratagemate, subdolo quidem ac fraudulentum, nisi industriam interpreteris atque ingenij dexteritatem, qua mercedem auaritiæ prætextu denegatam, atque hæreditatem fraude retentam ad se deriuaret, ratione Physica ad id perficiendū vsus: accepit enim virgas ex Amygdalo, Corylo, populo, castanea, easque decorticatas in alueo ac canali posuit ante ouium oculos, vt cum potum venissent, in earum conspectu conciperent, cum autem omnibus animantibus atque etiam fœminis formæ ac species rerum imaginatarum concipiuntur ex rebus obiectis, illæque fœtibus imprimuntur, factum est vt pedes fœtus ederent versicolores ac variegatos, maculisque distinctos, sic vt Iacobus non pœnitendam sortem sit consequutus. Cæterum extat in Bibliis insigne miraculum de virga Aatonis Amygdali in morem spectabili florū ac fructuum amœnitate germine, qua Deus perfracto populo voluntatem suam testatam esse voluit, palam facere omnibus, quem præfici vellet diuinis ministeriis ac sacerdotis munere fungi. Absorptis itaque terræ hiatu, soloque dehiscite Dathan & Abiron vna cum primariis aliquot conspirationi contra Moysen & Aarone consociatis, qui se diuinis rebus ingerere tentabant nullo Dei mandato aut vocatione, cæsis interim ex promiscua ple-

Imaginatio cœcèptū fugit. Num. 16. & 17.

be ac gregaria multitudine quatuordecim millibus & septingentis, demandauit Deus Mosi vt acciperet duodecim virgas inscriptis singulis virgis Principum nominibus inter quas erat Aaronis Leuiticæ tribus. Et posuit singulas Moses in tabernaculo testimonij: postridie ingressus Moses tabernaculum oraculi, vnde à Deo responsa peti solebant, inuenit germinasse fruticis in morem virgæ Aaronis Leuiticæ familiæ, ac turgētibz gemmis flores emeruisse, qui folijs dilataris Amygdala præculerunt, proferens autem Moses virgas omnes de conspectu Domini, spectandas illas exhibuit vniuersis filiis Israël, qua re visa, acceperunt suam quisque virgam, Aaronis autem in signum rebellionis in tabernaculum relata est: quo sedato sopitoque murmure ac fremitu inconditæ multitudinis, ea virga exemplo sit, ne amplius contra Deum eiusque ministros insurgant. Historia hæc illustre documentum omnibus exhibet, nempe vt nemo sibi vsurpet atq; vendicat vllam functionem, aut vltro se illi ingerat, nisi Dei iussu & vocatione accitus vel etiam communi consensu & suffragio eorum quibus ea res per Dei Spiritum demandata est. quemadmodum Paulus ad Hebræos testatur Christum non sibi arrogasse cum honorem ac dignitatē, vt constitueretur Pontifex qui peccata aboleret effuso suo sanguine, sed hac perfunctum legatione iussu Patris qui illum constituit perpetuum Sacerdotem secundum ordinem Melchisedech. Cui itaque virga, hoc est. regendi docendique munus commissum est, ac delegata functio propagandi Euangelij, ille se acriter operi destinato accingat, suæque vocationi grauitè insistat. Atqui vt Aaronis virga prius arida, virtute diuina virefcere incepit, ac præterea fructū salubrem proferre: ita quoque par est vt ministri verbi Dei germina virtutum proferant, ac salutari doctrina illos, quorum cura iis demandata est, imbuant, vt fructus bonorum operum per fidem in ipsis conspiciantur. Quod Christus sedulò inculcauit Petro ter ab illo stipulatus amoris confessionem, & pascendi gregis diligentiam. Videtur autem mihi admodum appositè ac conuenienter Nux amygdalina posse statui vitæ Christianæ symbolum, in qua vt superius de Iuglande diximus, aspera mitibus, amara dulcibus, dura mollibus ac suauibus mista sunt, nam per ligneum durumque putamen aduersitates, labores, ærumnæ, incommoda designantur, per nucleum dulcedine imbutum suauitas & solatium, dolorumque fomentum & mitigatio.

Documē-
tū ex hi-
storia Aa-
ronis.

Cap. 5.

Amydali-
na nux vi-
tæ Chri-
stianæ
symbolum.

De Platano eiusque natura, à qua similitudinem desumunt sacri scriptores.

CAPUT XLIX.

Platanus arbor est externa atque aduentitia, vmbra-
rum gratia ex Asia in Europam aduecta, sic vt Plinius testatur Li. 12. c. 2.
ad Morinos vsque Belgarum olim extremos Romani im-
perij tributarios esse delaram. Diffundit hæc arbor amplif-
simè ramos, cortice crasso, folio viris aut Ricimi, hoc est, Palma
eius stirpis quæ vulgò *Palma Christi* dicitur, ob folia in ex- Christi si-
panfæ manus effigiem articulata. Catapotiz maioris etiam ue Ricci-
nomine cognita, quòd semen cui inest; vis purgarrix, pillulis mus hæc
quæ Græcis *Catapotia* dicuntur, ab orbiculari forma, fir inclusu. ba.
verùm Platano, quàm huic frutici folia paulò minora sunt,
longo pendicolo, hoc est, petioso quo folium aut fructus de-
pendet, rubicundo, flosculo paruo ac pallido, baccis rotundis
atque orbiculatis, scabris ac lanuginosis. Præbet hæc arbor,
quòd patulis sit diffusa ramis, ac quaquaersam exporrectis,
scenas & vmbraeula, vt apud Belgas fagus, vulgo *Buecken*, la- Fragua
xatis ac deflexis expansisque in omnem partem cultoris indu-
stria ramis, eaque elegantius Tilia seu Philyra Belgis *Linden*, Tilia
cuius apud Brabantos ramosa illa arboris propago, & natura
& arte exculpta vmbra exhibet, & exclusio Solis æstu opacum
frigus adferr, sic vt subdentes mirè afficiat frondosa cōcama-
ratio, ac lassos languidosque suauiter reficiat. Non desunt qui
cum Tiliam hæc præbere commoda videant, ac salubri vmbra
astantes recreare, Platanum existiment. Alij fagum, quòd Vir-
gilius cecinerit,

Tytire tu patula recubens sub tegmine fagi

Syluestrem tenui Musam meditaris auena.

Eclog. 2.

Verùm magno errori inuoluti sunt, cum illis nulla in folijs cū
Platano sit affinitas. Arcet quidem illæ arbores, vt Platanus; So-
lis ardorem, ac caput ob densam foliorum pompam ab æstu
tuentur, sed non conspicitur ea species & forma foliorum in
nostratibus, arboribus, non emanat ex frōde ea suauitas & ex- Platan
piratio quæ salubri halitu proximos afficiat. Est enim Platanus vis & na-
ea vi imbuta, vt venenata quæque arceat, ac Serpentes longè tura.
abigat, adeo vt vespertilionibus hæc arbor aduersetur, nec fa-
cile sub ea nidulentur, eiusque vmbra ferte sustineant.

- Quocirca sacri scriptores hanc etiam narrationibus suis accommodant, ex eaque similitudines desumunt. Sic Sapientia sui commendatrix, atque in enarrandis propriis encomiis occupata, commemoratione excellentium arborum, indicat se omni virtutum genere exornatum, ita, ut sibi adsit decus, honor, dignitas, amplitudo, sublimitas, fauor, gratia, venustas, quibus dotibus suos sectatores etiam illustrat, fatetur se frondescere ac fructicare, ut Platanum arborem speciosam, quæ irrigata
- Ecl. 1. 14.** aquarum affluentia augefcit, atque incrementa suscipit. Arbor enim hæc impensè humore delectatur, ac sitibunda est adeò, ut vini irrigationem non respuat, quod ipsum facturasse Hortensium Macrobius refert, quò viuacior esset ac magis spectabilis. Ut autem Platanus ramos ac propagines longè lateque diffundit, ac tam gratam umbram exhibet, ut Xerxes Persarum rex totos dies illa se oblectaret: ita sapientia quæ ab Altissimo promanat, omnes qui eò conflunt, ac sub eius umbra se recodunt, suavissimo Diuinitatis afflari fouet ac recreat, illorum curâ ac tutelâ suscipit, illosque ab omni iniuria atque incòmodo defendit. Sic orat David, *Sub umbra alarũ tuarum protege me.*
- Li. Sat. 13.** Et Hieremias plorabundus queritur se hoc solatio destitutum populi Iudaici personâ sustinens. *Spiritus orũ nostri Christus Dominus captus est in peccatis nostris, qui diximus, In umbra tua uiuimus in gentibus,* hoc est, illius præsidio fulci, subsistemus & tuti erimus ab omni insultu. Cæterum cum sint in Palæstina ac Syria totoque illo fœlicis Arabiæ tractu amœnissimæ summæque proceritatis arbores ob soli ubertatem atque aëris temperiem, Propheta ex rebus obuiis ducta similitudine, Regum atque Imperatorum magnatumque splendorem, magnificentiam, sublimitatem, potentiam, maiestatem celsissimis arboribus ut Cedris comparant. Et si qui aliis sunt paulò inferioris notæ Principes vel Satrapæ, quorum non tanta est potentia, ut cum summis certare possint, aut cum illis paria facere: sed tamen aliquo numero censi possint, & quibus obrigit non prænitenda dominatio, non Cedro sublimi, atque immensæ altitudinis arbori, sed Abieti vel Platanq̃ aliisque minus proceris aut speciosis arboribus comparantur. Itaque Deus apud Ezechielem amœnissima utitur Metaphora in describenda amplitudine ac sublimitate Pharaonis quantoque utatur successu ac prosperitate quid incrementi florentissimo Regno accesserit, quos progressus acceperit, sic ut pronunciet nullum Regem illi parem, nec quemquam illius magnificentiæ adæquare: illum tamen ex tanto fastigio ac gloria minimo negotio detestum iri, quemadmodum celsissimæ arbores securi deijci solent
- Xerxes platani umbra delectatus.**
- Psal. 6.**
- Thren. 4.**
- Magnates celsis arboribus comparantur.**

lent ac conuelli. Sic enim Propheta narrationem prosequitur, qua Deus superbo elatoque Regi, cui ut nunquam Deus in mentem venit, ita eius populo fuit infestus, exitium minatur: *Factum est*, inquit Ezechiel, *verbum Domini ad me. Fili hominis, dic Pharaoni Aegyptiorum Regi & populo eius. Cui nam assimilatus es in magnificentia tua? Ecce Assyrius Cedro similis est in Libano, pulcher ramis, frondibus umbrosus*, tanta proceritate & altitudine ut inter condensas frondes sit cacumen eius, *aqua nutritur eam*. Abyssus seu terræ profunditas qua radices aluntur, in altum illam eueherunt, quumque extendisset ramos suos, hoc est, vires & potentiam assequutus esset Pharaonis dominatus, in ramis eius fecerunt nidos omnia volatilia cæli & sub frondibus eius genuerunt, omnes bestię saluum, & sub umbraculo illius habitabant plurimarum gentium cætus. Qua Metaphora indicat Pharaonis imperio multas nationes esse subditas, illique tributarias ac vectigales. Eratque pulcherrimus in magnitudine sua in dilatione arborum suorum, hoc est, propagando imperio, ac dilatandis profetendisque finibus. Erat autem eius radix iuxta aquas multas, quæ affluenter illam irrigabant. Quibus verbis designat opes illi accreuisse in immensum ob negotiatorum frequentiam, atque vltro citroque comitantium turbam. Cedri non fuerunt altiores in paradiso Dei, Abietes non adæquauerunt summities eius, & Platani non sunt æquatæ illius frondibus. Qui indicat nullam prouinciam ei patem, nec Iudæam quæ sanctissima religione exornata est, nec vllas alias nationes quæ Dei cultum amplectuntur, illi conferti posse. Ob tantam autem, inquit, pulchritudinem, & eminentiam æmulata sunt eam omnia ligna voluptatis quæ sunt in paradiso Dei, hoc est, inuidia quadam, & æmulatione moti sunt finitimi qui Deum colunt & venerantur. Vrit enim aliquando pios felicitas & successus impiorum, ita ut improborum prosperitas illos propemodum vacillare faciat, atque à studio recti dimoueri. Quod ipsum testatur David, cum inquit, *Mei autem penè moti sunt pedes, penè effusi sunt gressus mei, qui zelavi super iniquos, pacem peccatorum videns*. Huius quoque rei indignatione motus Hieremias cum Deo disceptat, & quodammodo cum illo expostulat, quid via impiorum prosperetur, & benè sit omnibus qui prauaricantur & iniquè agunt. In eodè argumèto versatur Abacuc, & cum Deo propemodum rixatur, *Quare respicias contemptores & taces, conculcante impius iustiores se?* quæsi diceret, Cur conniues? cur dissimulas, & quodammodo multas ad scelera & iniquitates improborum?

Ezech. 12

Locus Ezechielis explicatur.

Seccessu impiorum pius aliquando vrit. Cap. 12.

Cap. 1.

Cap. 32. Iob quoque indignatur impios in tãtam felicitatem euectos, vt reliquos habeant contemptui. *Quare*, inquit, *vinunt impij, subleuati sunt & confortati diuitiis? Domus eorũ secunda & pacata, & non est virga Dei super illos*, &c. Hæc autem tamen in speciem inter felicitates referenda videntur adeo vt piorum animos fatigent, & velut in lubrico constitutos ad ruinam propemodum impellant, exitus ramen declarat, quàm sine fallacia, incerta, momentanea, caduca, fluxa, temporaria, quibus illi fruuntur, cum Deus subito & repente omnia euertat, ac in nihilum redigat, vt ne vestigium quidem tanti fastus & potentiz appareat, quod etiam alio loco indicat David, *Adhuc pusillum, & non erit peccator, & quare locum eius, & non inuenies*. Et paulò inferius, *Vidi impium superexaltatum & eleuatum sicut Cedros Libani, & transiui, & ecce non erat, quasiui & nõ est inuentus*. Quo denotat improbos in maximam sublimitatem attolli, sed ex florenti rerum statu, ex quieta possessione deturbari, illorumque pompam ac strepitum euanescere vt fumum, sic, vt ne posteritas quidem in vllam regni partem aut hæreditariam possessionem admittatur, sed euertatur florentissima familia & aboleantur ædes & palatia splendida, à quibus ferè Reges & magnates nomen sortiuntur. Exempla quotidie suppeditant Belgarum aliquot proceres gestamine Regio decorati, quorum opes, decus, magnificentia defluerunt, & nominis celebritas extincta est, quòd in tanto splendore in quo erant constituti, nulla habita sit Dei ratio, nec suam felicitatem Supremo numini acceptam referre studuerint. Quò spectat hæc Ezechielis Metaphora, qua Deus Regi amplissimo interitum minatur, eò quòd cor eius elatum esset contra Deum sic vt aliis prædæ sit futurus, atque ad internecionem delendus, ipsis etiam confederatis in eandem calamitatis sortem deiectis, quibus accedunt multa alia detrimenta quæ Ezechiel hoc capite multis Metaphoris amplificat. Huic prorsus affinis est illa apud Isaiam Dei comminatio contra fastum, superbiam, tyrannidem, crudelitatem, scruitiã Regis Babylonis, super cuius interitu etiam lætata sunt Abietes & Cedri Libani, vt propheta differit. Quæ Metaphora indicat Duces ac Satrapas, omnesque illius iugo oppressos exulrare atque exilarescere ruina atque interitu Tyranni scruissimi. Comparatur ille ob magnificentiam ac splendorem Regni, Lucifero sideri argentei ac clarissimi splendoris, qui Planeta nocturnis horis atque inclinata iam die, Solem subsequutus, Vesperugo & Hesperus dicitur, Belgis, *Auont sierre*, de quo Virg. *Ita domum satura, venit Hesperus, ita capella*. Matutinis autem atque antelucanis horis, primoque dilu-

culo Solem præcedens Lucifer vocatur Phosphorus, denique ab amabili venustate ac splendore, lucidoque colore. Venus, à qua & dies nomen sortitur. Cui rei hæc subest ratio, quòd Veneris stella ratione. epicycli moram ac retardationem faciat in signorum spatiis, quo fit vt tardius progressa, post occasum Solis appareat, velut itineris eius comes, mox tamen maturans iter, ocyore ambitu vritur, ac transiliendo se eripit à necessitate moræ, iustumque cursum perficit, ac Solem matutino tempore præcedens radiant splendore cælum illustrat. Huic syderi cum Rex Babylonius memoratur assimilis, successu rerum magnatum elatus, suæque fragilitatis oblitus diuinos honores sibi deferri passus est, oppressaque Dei religione, ac profligatis eius cultoribus pro numine coli voluit, cuius insolentiam ac superbiam, læsæque Maiestatis crimen indignè ferens Deus, illum ex sublimi imperij folio deturbauit, omni que gloria ac decore spoliavit (quemadmodum Angelum Satanæ qui Diuinitatem affectabat, Deoque primas sedes ambiebat) & ea ignominia affecit, vt etiam sepulturæ honor illi sit denegatus, illata etiam nū memorabili clade regno Babylonico, eiusque incolis, atque indigenis vndique prostratis, quæ ruina ac tam magnifici Regis interitus passim prouocauit populares & finitimos, qui eius pompam ac strepitum vel inuiti spectare ac venerari soliti sint, ad dicacitates, scommata, diſteria sic, vt mortuo cadaueri insultarent, quòd opulentissimus Rex qui solo nutu omnes territabat, ex tanta sublimitate ac fastu in tam aserbam ac feruilem conditionem sit præcipitatus adeò, vt non sit inferendus sepulchro more Regio, sed (vt Hieremias Ioachimo Regi Iudaico minatur) sepultura asini sit humandus. Quo indicat corpus, vt asini & equi, feris & alitibus palam obiciendum.

Quò spectat illa Esaiæ Ironia & insultatio. *Omnes principes nationum dicent, Detracta est ad inferos superbia tua*, hoc est, fastus, strepitus, magnificentia, voluptates, deliciæ desierunt: *concidit cadaver tuum. Subter te sternetur tinea, & operimentum tuum erunt vermes*, hoc est, corpus demortui nullo erit oblitum vnguento aut aromate, vt Regibus assolet, quò à putredine corpus conseruetur: sed à lumbricis ac vermiculis arrodetur, vt infimo cuique cerdonum contingit. *Quomodo de cælo cecidisti Lucifer qui oriebaris manè ante coruscantem Auroram? Corruisti in terram qui vulnerabas gentes, qui dicebas in corde tuo: In cælum conscendam, supra astra Dei exaltabo sedem meam, & sededo in monte testimonij in lateribus Aquilonis. Tu verò in sepulchrum detractus es in profundum lacus.*

Cap. 22.
Eſai. 19.
Eſaiæ locus explicatus.

Ambitio
ruinæ obnoxia.

Quo denotat cum vita, opibus, potentia exutum, & morte absor

2. Theff. 2.

absorptum, qui humanæ conditionis oblitus se efferre supra humanam conditionem studuit, Deique honorem sibi vindicare. Quæ rerum vices documento sunt Regibus ac mortalium cuique, vt se contineant intra limites, ac meminerint eas esse vices rerum humanarum, vt minimo momento summa in imum aliquando deuoluantur, eoque magis si homo fastu ac superbia intumescat contra homines, & cristas erigat aduersus Deum. Sic Paulus infelicem ac funestum exitum denunciat homini illi sceleroso ac perditio qui effertur supra solum Dei, & se extollit supra omne quod dicitur Deus, aut numen religiosè colendum, & à quo cuiusque salus & incolumitas dependet, adeo vt in templo Dei sedeat ostentans se ipsum pro Deo, & exercens palam sæuitiam ac tyrannidem in Christo Iesu: quem Deus suo tempore conficiet potenti spiritu oris sui, atque e mentita falsaque diuinitatis specie latentem abolebit claritate aduentus sui, quo detegetur omnis impostura, & euanescet (multis obstupescens, qui eius fraudulentis prodigiis & portentis dementati erant) vt fumus eius doctrina, & fucata fictaque religionis ac pietatis species.

*Ex frutice, virgulto, surculo, termite, malleolo, palmitē, germine, gemma qui & oculus in arboribus ac ple-
risque aliis, desumpta similitudines, quibus Propheta
vaticinia illustant.*

C A P V T . L.

Frutex.

Virgultū.

Surculus.

FRutex appellatur quidquid ab radice multiplici caudice ac ramoso se profert, sed quod ad iustam arboris proceritatem non assurgit. Virgultum est è terra emergens fructicosa virgularum cōgeries, quæ compluribus ramulis ac limosis surculis constat, nec vt herba emoritur. Hæc aliquando excollitur vt arboreseat. Surculus est germen quod ex ramis simplex & indiuiduum oritur, qualis nobis in ramusculorum summitate ad insitionis vsum accommodatur, *Inte Belgæ* vocant, quo efficitur, vt

Aliena ex arbore germen

Includas: vdoque doces inolescere libro.

Virgil.

Georg. 2.

Est autem Surculus in arbore, velut succrescens soboles & propago, vt in familia nepotum & agnatorum successio.

Vnde

Vade, *Surculare*, hoc est, adnascentes arboribus surculos ad-
 mere. Malleoli & palmites à sarmentis, hoc est, prælongis
 vitis virgulis porriguntur, nouellæ sunt vineæ germinatio-
 nes, inter quas sunt pampinarij, qui nihil aliud quàm pam-
 pinis ac foliorum pompis luxuriat. quibus nihil speres quàm
 ostentamenta stirpis: vt ficus Evangelica Christo detestata. Ioan. 8.
 Sunt enim stolones & inutilis fructificatio rescanda ferreo,
 ignique destinanda. Qua Metaphora Christus impios atque
 improbos designat. Alij palmites fructuarij sunt, à quibus
 insequente æstate fructus speratur, nam ineunte vere palmi-
 res concepto humore, velut animati, protuberare incipiunt,
 ac velut parituri extumescere, sic vt gemmæ in iis se proferre
 incipiant. Quod Cicero indicat. In vitibus primo vere existit
 tanquam ad articulos sarmentorum ea quæ gemma dicitur, Gēma in
 vite quid.
 vel oculos, quod extumescat. Vnde *Gemmare* vites dicun-
 tur ac turgescere in spem futuri fructus. Indicauit id etiam
 Virgilius,

— Iam venit aklas

Ælog. 7.

Torrida, iam lato turgent in palmitē gemma.

Germen est id quod ex ipsis arborum surculis primo vere exit,
 ex quo mox folium producitur. Sic vere nouo germinare di-
 cuntur arbores & pubescere. Ex qua re post ver aduentare
 æstatem coniiicimus: vt etiam indicat Christus sumpta simi-
 litudine à ficu germinante ac proferente grossos suos, quæ
 Metaphora superiùs explicata est de ficu. Termes auulsus
 est ex arbore, ramus foliis vestitus & fructibus onustus, præ-
 fertim ex Palma & Olea, de qua Paulus Apostolus similitu-
 dinem desumit contra illos qui fastu tumidi ac sanctimonix
 specie inflari alios despiciunt, ac concipiunt de se opinio-
 nem quàm pro humana fragilitate maiorem. Hæc præfari vi-
 sum est Lector candide, quò plus lucis adferret plantarum co-
 gnitio, ex quibus concinnæ similitudines & Metaphoræ desu-
 muntur, neque enim solum ex arboribus, herbis & fruticibus
 sacra historia similitudines mutuatur, sed etiam ex earum par-
 tibus & appendicibus, radice qua alimentum alliciunt, trunco
 per quem diffundunt, cortice quo muniuntur, ramis, fronde,
 foliis, flore quibus exornantur: fructu, semine quibus propa-
 gantur. Sic Esaias, vt rem aggrediar, cum de Christo, eiusque
 ministerio varicinatur, atque illum oculis hominum spectan-
 dum exhibet, describit tam salutarem summi patris legatum
 nulla specie, nulla formæ dignitate fuisse, sed abiectum, despi-
 catum. ita, vt nullus propemodum illo afficiatur, aut illum vt
 gratiosum hominem ac fauorabilem complectatur. Similem
 dicit

Germen.

Matt. 24.
Termes.
Rom. 11.

Cap. 53.
Ioan. 16.
Rom. 10.

Esaiæ lo-
cus expli-
catus.

dicat Christum virgulto aut surculo qui emergit ex terra arida, uirgula, squallentique ac sticulosa sic, ut nullam spem pollicere posse videatur hominibus (nam coram Deo nihil illo sublimius) ut in ullam sublimitatem possit euehi, suamque propagare doctrinam, aut vlla ratione efficere ut aliquam spem de eo quisquam concipiat instaurandæ salutis, vel aliquid magni ab illo sperare, adeo ut cum multi abiecti hominis specie offenderentur cõres deuentura videatur, ut vix decimus quisque fidem sit habiturus tam magnificis promissis eorum qui illum prædicant, ac testatum orbi volunt Christum esse Scruatorem, salutisque humanæ vindicem, & assertorem. Cùm enim in eo nihil fuerit spectabile aut visenda specie (nisi deuicta morte, adhibito resurrectionis triumpho, ac consummato salutis humanæ mysterio) profecto non mirum cuiquam aut absurdum videbitur tam paucos amplecti eius professionē eiusque doctrinam arripere, cum vix dignum deputent in quem defigant oculos, ac spectare sustineant, & abiectior sit quàm ut eius consuetudine ac familiaritate uti cupiant. Longum autem esset omnia persequi quæ in hoc capite Esaias commemorat de propagatione regni Christi, propterea lectorum ad huius Prophetæ interpretes relego Hieronymum, Rupertum Tuiticensem, Adamum Salsboudum recentiorum, & si qui alij in illustrandis Esaiæ vaticiniis fuerunt occupati. Omnium autem Christianorum interest locum eius Prophetæ accuratè eruere, in eoque identidem immorari, ac singula meditando excutere: quoniam in eo nobis proponuntur quibus maximè illustratur Christi & humilitas & gloria, & quid nobis contulerit, quantaque passus sit, ut excussa seruitute ac tyrannide diaboli, in libertatem damnatos assereret. Reuocat nos ad Christi exemplum Paulus Apostolus rigidus Christianæ religionis assertor & propugnator, atque hortatur, ut ita simus affecti, sic animati, ut Christus Iesus, *qui cum esset in forma Dei, non se rapinam arbitratus est, ut esset aequalis Deo, sed se ipsum exinanivit, ut assumpta serui forma, factus sit homini similis, & in forma repperitus ut homo, factus obediens usque ad mortem Crucis, ignominiosam, quapropter Deus illum extulit in summam sublimitatem, & donauit illi nomen quod est supra omne nomen, ut in nomine Iesu se flectat omne genus, cœlestium, terrestrium, & infernorum,* hoc est, nulla vis, nulla potestas tanta sit quæ non submittat se illius imperio. Sic Paulus ut etiam Esaias duplicem Christi naturam complexus est, humanam qua obnoxius fuit & expositus calamitatibus & miseriis hominum, & diuinam ob consequentum imperium, quo deuicta morte & diaboli tyrannide,

Philip. 2.

Pauli locus illustratus.

Matth. vii.

nide, extinctoque peccato, mortales omnes in libertatem asseruit, sic ut nemo non illi assurgat, nemo non caput inclinet, nemo non genua incuruet, ubi tam sacrosanctum Iesu nomen vel proferri vel inelamari audit. Cæterum ut in argumento suscepto progrediar, cum Esaias nusquam non Christi gloriam illustret, atque illius regnum, hoc est, Evangelicam professionem propagandam prædicet. Consolatur afflictos & mœrentes qui se destitutos omni præsidio existimant, ut concepta spe & fiducia in Deum mentem erigant. Futurum enim indicat (assumpta Metaphora surculi vel fruticis) instauratum iri spiritale Davidis regnum per Christum, omnesque pios qui se desertos credunt, propugnatores habituros & vindicem, excussoque tyranni iugo, libertatem assequuturos, quod hoc vaticinio confirmat: *Egredietur, inquit, virga, seu virgultum vel surculus, ex radice Iesse & flos subsequente fructu ex caudice eius. Et requiescet super eum Spiritus Domini, Spiritus sapientia & pietatis, & replebit eum spiritus timoris Domini.* Quo indicat Christum omnibus donis cumulatissimum, quibus suos instruit ac locupletat. Eandem similitudinem paulò post repetit. *In die illa radix Iesse*, quæ inclinatis rebus Iudaicis propemodum extincta videatur, ut aridus truncus; *instaurabitur & erigetur*, ita ut omnes nationes tamquam in scopum oculos habituræ sint defixos in Christum, qui stat erectusque est in signum ac velut vexillum populi, atque illum requirunt, eò se conferent, illum certatim gentes deprecabuntur. Cæterum ex radice quæ humorem è terra elicit, ac vitalem succum per ramos undique diffundit, sumuntur in Bibliis similitudines per-elegantes, quas partim rebus prosperis ac secundis prophetæ accommodant, atque ubi successum pollicetur Deus, vel etiam incrementa virtutum, partim rebus deploratis applicant, cum scilicet improbis extinctionem atque interitum denunciant. Sic Iob cum floreret opibus & potentia, ac frueretur rerum omnium affluentia, omnesque procures illum passim honore prosequerentur, *Radix mea*, inquit, *erat humore perfusa.* Metaphora sumpta ab arboribus aqua salubri irrigatis, quæ non arescunt, sed florum & frondium pompa spectabiles sunt. *Et ros morabitur in messe mea.* Quo denotat omnia felicissimè successisse, nec quid detrimenti aut iacturæ accessisse rebus suis. Cum autem radix fundamentum sit quo arbores fulciuntur & alimentum percipiunt, Deus aquæ Oseam pollicetur resipiscen-
tibus, atque iis qui illi fi-
dunt, vberissima quæque; opesque stabiles & diuturnas,

Cap. 11.

Esaiæ lo-
cus illu-
stratus.Ex radice
stirpium
desumptæ
similitu-
dines.
Cap. 29.

Cap. 14.

Ergo,

Ero, inquit, quasi ros Israël, & germinabis sicut rosa aut lilium, & rumpet, hoc est, dilatabit, diffundetque se radix eius, & propagabunt se rami illius. Quo designat non facile morituram illorum felicitatem, sed ut validas arbores, stabilem fore & diuturnam. Salomon autem cum inanem atque euanidam impiorum spem indicat, qua frustrandi sunt votis suis, nec sunt

Prou. 12. consequuti ea quæ animo conceperunt, D: siderium, inquit, impij, nocumentum est pessimorum, hoc est, ea cogitant ac meditantur, quæ interitum adferunt: Radix autem iustorum proficiet,

Eccle. 24. hoc est, pullulabit fructumque salutarem proferet. Vnde Sapientia radicatam se dicit, seu firmas defixisse radices, ac propagatam in populo honorifico, sic ut assurgat in immensum, ut Cedrus & Cupressus, hoc est, longè latèque diffundat virtutes suas, quibus sui studios obumbrat, ac saluberrimo halitu fouet ac recreat. E diuerso cum Deus interitum minatur improbis, ac confirmat, non fore stabilem aut diuturnam illorum potentiam, quantumuis illa vallata sit & munita, Radicem illorum eruendam pronunciat. Quò spectat illud Iobi,

Cap. 5. Iob 15. Ego vidi stultum firma radice, & maledixi ac detestatus sum pulchritudinem eius. Cui & illud consonat, Cunctis diebus suis superbit impius, & numerus annorum & tyrannidu illius incertus est. Non ditabitur nec perseverabit substantia eius, nec mittet in terram radicem suam, hoc est, non erit diuturnus: ramos eius arefaciet flamma, & auferetur spiritus oris eius ab eo. Hæc omnia indicant omnem fastum, strepitum, superbiam ad nihilum redigenda. Non mitiora denunciat Dauid homini scelerato ac nefario qui rebus fluxis ac caducis fîsus, innocentes opprimit.

Psal. 51. Destruet te, inquit, Deus in æternum, & euellet de tabernaculo, & radicem de terra viventium. Quo indicat illum radicibus extirpandum, ac funditus eruendum, sublata omni spe propagandæ familiæ, nam extincta radice nulla amplius est posteritatis spes. Eadem Metaphora Christus vsus est, cum os obtur-

Matth. 15. rat Phariseis, & discipulos libertate discendi offensos placat,

Ioan. 15. Omnis plantatio quam non plātauit pater meus cœlestis, eradicabitur. Quo indicat, omnē doctrinā aut institutionem vitæ quæ innituntur Christi solido fundamento, & quæ plus habet su-

1. Cor. 3. perstitutionis, quàm veræ pietatis, extirpandam. Solent ferè in nihilum redigi & aboleri quæ humanis consiliis, nec adhibito Deo statuuntur, omniaque dissipari atque obolescere, quæ non Scripturæ immobili auctoritate fulciuntur, vel ad ostentationem & quæstum exogirata sunt. De Germine, hoc est, rudimento virentis plantulæ ineunte vere, par est ratio. nam ex eo desumuntur similitudines vel in bonam, vel in deterio-

re partem. *Sic vinea Domini exercituum Israël est, ut Esaias testatur, Et viri Iuda germen eius delectabile.* Rursus eodem capite in deteriore partem, *Radix impiorum sicut favilla eris, & germen eorum ut pulvis ascendet*, hoc est, improbi perdentur, nec in ullam magnitudinem assurgent. Rursus cum idem Propheta consolatur populum & pollicetur gratiam Senatoris non defuturam, *In illa die, inquit, eris germen Domini magnificentia & gloria, & fructus terra sublimis seu honorificus.* Quo ostendit plurimum ornatu ac dignitatis accessurum iis qui in fide persistunt, ac salutem Christi favore & munificentia consequuturos. Quò spectat illa exultatio qua sibi tacite ac velut in sinu plaudit ac gratulatur homo pius, quod tot tantisque donis sit cumulatus. Sic enim omnia sua dona ac munera quibus affarim ornatus est, ad Deum cum gratiarum actione referens, *Gaudens, inquit, gaudebo in Domino, & exultabit anima mea in Deo meo, quia induit me vestimentis salutis, & indumento iustitiæ circumdedit me, quasi sponsam ornata monilibus suis.* Sicut enim terra profert germen suum, & sicut ortus semen suum germinat: sic Dominus Deus germinare facit iustitiam & laudem coram uniuersis gentibus. Quibus verbis iudicat se omni virtutum genere exultum, atque id Dei beneficio, cui uni debetur laus & gloria. Ut enim terra fertilis & fecunda virentibus herbis exornata testatur Dei erga inferiora hæc magnificentiam: ita iustitia, pax, tranquillitas, ac cæteræ virtutes quibus mentes humanæ exornatæ sunt, declarant summam Dei erga homines beneficentiam & amorem, sic ut merito hæc Dei munera nos ad gratitudinem prouocare debeant.

Palmites vitis qui se longè lateque diffundunt, explicant, dilatant, atque umbracula contra Solis æstum præbent, fecunditatem, honorem, dignitatem, magnificentiā, decus, amplitudinem, successum in Scriptura designant. Sic Danid eleganti allegoria vitis & palmitis, Hebræorum res secundas commemorat, quas calamitates postmodum sunt subsecutæ. Sic enim cum Deo sermocinatur, *Vineam de Ægypto transtulisti, quo designat populum Iudaicum, eiecisti gentes, & plantasti eam, hoc est, curam adhibuisti illis excolendis & instituendis. Quia vitis exiit palmites usque ad mare, usque ad flumina propagines suas, hoc est, exporrexit imperij terminos. Vt quid deripuisti sepem eius, & vindemiant eam omnes qui hac iter faciunt* hoc est, diripiunt, conuellunt, lacerant, dilaniant potētia

Cap. 5.

Cap. 17.

ac. 1.

Cap. 19.

Ezech. 17.

Prouerb.
in impro-
bos.Tranni
descri-
ptio.

populi Iudaici, quod destituti sint protectione tua, tuoque præsidio orbari. Idem argumentum tractat Esaias, à vinea ac palmitibus desumpta similitudine. Extat autem insignis locus apud Ezechielem exhibita parabola Ænigmatica, qua declarat Deus producta in concionem Aquila prægrandi ac rapaci, qua Regem Babylonix regno Israhelico inhiantem designat, cui talia insignia attribui solent, ac vinea frondosa, multisque palmitibus exporrecta, nihil stabile esse aut diuturnum, nec temere hominum potentix fidendum, esse enim Regum ac Principum fœdera, amicitias, pacta, societates infidas, florentissima regna ruinæ obnoxia, illa enim Deum dissipare & exscindere, ut vineam foliorum ac frondium pompa luxurientem; exigere autem humilia, abiecta, despiciata. Quod ipsum in postrema capitis parte his verbis indicat, *Et scient omnia ligna vel arbores regionis, hoc est, superbi, elati, sublimes Reges, quia ego Dominus humilio lignum sublime, & ex alto lignum humile, & siccaui fecique exarescere lignum viride & succulentum, ac frondere ut viridem arborem, lignum aridum. Ego Dominus loquutus sum & faciã.* Quo indicat erigere se humiles & despiciabiles, atque è sublimi deturbare arrogantem. Quod ipsum agnouit Diua Virgo, & cantico illustri testatum voluit omnibus, Deam clementia uti erga illos qui eum reuerentur: deicere autem illos & profigare qui animi fastu contra Deum & homines insolent, diuites famelicos pati, esurientes autem affatim saturare & implere bonis. Paulò post idem argumentum profequitur Ezechiel vaticinio fulminato cõtra Ioatham, Eliachim, & Sedechiam periurium & fœdifragum. Sic enim primò illos suis depingit coloribus, & indolem illorum exprimit, *malis scilicet, corni, ut habet prouerbiũ, malum ouum. Quare mater tua leana inter leones cubauit: in medio leunculorum nutrit catulos suos, & eduxit unum de leunculis, leo factus est, didicit pradam capere, homines deuorare, eo capto è gentibus non absque vulneribus, nec sine sanguine, ita ut victoria non fuerit incrementa. Mater frustrata sua expectatione & spe sumpsit alterum de leunculis suis, Ioachim scilicet, & leonem, hoc est tyrannum, constituit eum, qui incedebat inter leones, & factus est leo, ac didicit pradam capere, atque homines deuorare, didicit viduas facere, ciuitates depopulari, atque in desertum redigere, qui etiam vinculus catenis abductus est ad Regem Babylonis.* Quò autem magis exaggetet rei atrocitatem, atque amplificet Regis crudelitatem, quæ etiam illi ab vtero materno adfuit, repetit capitis initium, vsus Metaphora Physica in hunc modum, *Mater tua quasi vinea in sanguine*

guine tuo super aquas plantata est. Quam Metaphoram & quæ subsequuntur, nemo nisi Physicus & qui in re Medica sit exercitatus rectè interpretari poterit. Alludit enim ad infantis gestationem in utero. nam rubicundo ac sanguinolento sanguine fœtus alitur, ac sensim incrementa capellit, itaque indicat matrem à qua credulitatem suxit, mirè fœcundam esse, & sanguine in quo fœtus voluitur, redundantem, ut vineam fertilem in locis irriguis: eoque evenit ut materno sanguine affluenter pascus & laginatus vires validas & robustas conceperit. Quod indicat, cum inquit: *Fructus eius & frondes eius creverunt in aquis multis*, hoc est, humorū in utero abundantia. *Et facta sunt illi virga solida in sceptro dominantium*. Quo designat imperatoriam dignitatem regalem pompam ac strepitū. *Et vidit altitudinem suam in multitudine palmitū suorum*. Quo indicat illius potentiam ac magnitudinem longè exporrectam & exaltatam staturam eius inter comantes frondes. Quo designat illum longè superasse magnificētia sua vicinos reges & Satrapas, ac latius propagasse ditionis terminos. *Cum autem in tanto regni fastu ac strepitu constitutus coepisset alienari à Domino Deo suo, ipse ut speciosa ac diffusa vitis, amulsus est, & emaruerunt atque arefactæ sunt virgæ arboris illius, eaque vinea transplantata est in desertum loco arido & sicculoso*. Quo designat exilium & captiuitatem, in quam abductus est, ac priuatus honore, dignitate, dominatione, magnificētia Regia. Quod iis verbis indicat, *Non est in ea* (nam persistit in vineæ Metaphora) *virga fortis, nec sceptrum dominantium*, hoc est, nulla est imperij maiestas, nulla magnificētia, nulla autoritas quæ illum extra contemptum possint vindicare. Hactenus de palmitibus ac vitis propagine, à quibus Christus etiam similitudinem desumit atque homines qui illi per fidem inscri sunt, ac bonorum operum fructum proferunt fructuosos palmitibus assimilant. Improbos verò omni ornatu destitutos, nulloque fidei ac Charitatis succo imbutos, aridis & infrugiferis, qui ut inutiles frutices & sarmenta igni destinantur. Quæ de re vberius in capite de Vineæ, ubi Ioannis Evangelistæ locus explicatur. Cæterum Rami qui multiplices ex caudice atque arboris trunco, velut erectis brachiis se diffundunt, simili Metaphora ut palmitibus concionibus adhibentur. Designantur autem hac voce robur, potentia, firmitas, incolumitas, decor, & ornatus familiæ, totiusque posteritatis propagatio, ac soboles, denique consanguineorum affinium cognatorum, nepotumque series. Sic sapiens cum illi feli citatem ac florentes annos

Locus
Ezechielis
Physicus.

4. Reg. 23.
Hier. 51.
& 59.

Sedecias
in Baby-
lonem ab-
ductus.

Cap. 14
Ex Ramis
Metapho-
ra.

Ecl. 11

- Rom. 11. pollicetur qui Sapienciam amplectitur, *Radix sapientia*, inquit, *timere Deum*, & *rami eius longam*, hoc est, in multos annos illi vita prorogabitur, & longū habiturus est æui decursum. Extat autem insignis apud Paulum Concio Metaphorica de ramis aaulsis ex olea, & in illozum locum aliis insitis in qua solidis
- Pauli locus ex-
cussus.
Rom 4.
Gal. 3.
Iacob. 2. argumentis ac demonstrationibus ludæos non ita excisos ac distractos ostendit ac conuincit, vt sublata sit omnis recuperandæ salutis spes: sed illos denuò inferendos, si fidem amplectantur. *Si enim primitia*, inquit, *sancta, & consp. rso facta est*. *Si fermentum sanctum*, oportet & totam messem statui sanctam, undique imbuta est & radix sancta, & rami sancti erunt. Si Abraham primus credentium pater fidem amplexus est, & illi imputatum est ad iusticiam: quid vetat & nepotes ac posteros stirpis suæ authorem exprimere, ac fidem eandem amplecti, vt superius fufius à nobis explicatum? Cæterum, vt comantes ac longiùs expoſiecti rami aliquando felicitatem denotant, ac rebus lætis ac secundis adhiberi solent: ita nonnunquam illos rebus aduersis sacri Scriptores accommodant, eoque nomine calamitates obuenturas denunciant, nec improbos diuturna prosperitate vlturos, quod huiusmodi verbis indicatur apud Iob, *Cunctis diebus suis superbit impius, sed nec ditabitur, nec perseverabit substantia eius, nec mittet in terra radicem suam, ramos eius arfaciet flamma*, hoc est, omnia eedent in deterius, & abolebuntur, etsi videantur ad tempus florere impij, suosque ramos diffundere, omnia tamen sublapſa co n- festim dilabentur. Idipsum Sapiens obuenturum pronunciat generationi peruersæ, cum inquit, *Adulterina plantationes non dabunt radices auras, nec stabile fundamentum collocabūt*. Et si rami tempestiuè subque tempore germinauerint infirmiter positi, à vento concutientur, suisque sedibus commouebuntur. *Confringētur enim rami inconsummati*, hoc est, imperfecti & qui nondum iustum robur ac firmitatem sunt consequuti, & fructus illorum inutiles, acerbi ad manducandum, nec ad vllum vsum idonei. Quo indicat, vt ex orationis serie intelligi potest, nec progenitores, nec filios, nec nepotes vſui esse Reipublicæ, nec aliquid cōmoditatis aut subsidij adferre rebus humanis: quandoquidem vt concionem prosequitur, *Ex iniquis, & nefariis, progenitoribus prognati filij, testes sunt nequitia aduersus parentes*. In Ecclesiastico seu concionatore prorsus idem argumentum tractatur, quod instituitur contra adulteram quæ alteri quàm viro legitimo corporis sui vſu concessit, seseque moercho subiecit, ac præbuit (vt Plautus ait) vſurariam. Quod crimen ita exaggerat vt primū declarēt illam publicitūs infamia notandam, & proles quas putat hæredes posse constitui, patri pu-
- Cap. 15.
- Cap. 4.
- Ecclef. 15.
- Ex adul-
terio pro-
gnati in-
fausti.

tatio, nullo honore, nullâque dignitate habēdas, quibus etiam hoc incommodi arque infelicitatis accessurum pronunciat, ut huiusmodi proles non figant radices, nec rami earum fructum proferant, hoc est, non propagabitur vlla posteritas, nec erit illis vlla sobolis spes. Cui sententiæ ista eius authoris cōsonet, *Nepotes impiorum non multiplicabunt ramos, & radices immunda super cacumen petra, siue in summa rupe, se extendent.* Quibus verbis indicat (ut Christus de semine concionatur quod iucidit in loca aspera ac petricosa) illos impuros non posse radices figere nec in vllam spem posteritatis emergere, sed mox vbi quid ex eorū stirpe exortum sit, emarcescere atque in nihilum redigi. Tale quiddam etiam Elaias exprimit, cum inquit, *Ante messē totus effloruit, & immatura perfectio germinauit. Et præsinduntur ramusculi eius falcibus, & qua relicta fuerint, abscinduntur.* Qua Metaphora declarat impiis omnia prosperè succedere ad tempus aliquod, accelerari iis auronam, messē præmaturè adesse, fructus properè maturescere: verū cum iam omnia maturuisse visa sunt, ac fructu fruituri videntur, segetes, rami, sarmenta, palmites, propagines excinduntur, hoc est, tota felicitas, successus, prosperitas corrui, ac vana spe illusi sperata vindemia, messisque desiderio, atque auidè expectatam flauescēte segete frustrantur. Flores ex quo fructus speratur, gaudium est & amœnitas seu blandimentum arborum, quod vernis mensibus oculos hominum & oblectat, ac suauis odore nares reficit. Herbarum autem aliarum aliis temporibus florēscunt, nunc vere, nunc æstate, nunc autūno: nonnullæ etiam hyeme, vbi cœlum clementius est, nec omnia gelu rigescunt. Indicatur nō solum in sacris literis, sed etiā apud alios scriptores floris nomine quidquid præstanti excellētiq; specie est. Sic prima indoles, adolescentia, iuuentus ætas florida & pubescens, floris nomine designatur, cum etiam decus, & species, venustas, pulchritudo, blandities, ac pleraque alia fugacia in homine, & quæ cito enefcunt, nec stabilia sunt aut diuturna, licet ad tempus spectatu grata ac peramœna. In eodē significatu adhibentur cōcionibus foliū, herba, omnisque nitor & herbescēs viriditas cum forum, stipula, ac pleraque alia quæ citò languescunt, nec diu subsistunt. Sic Paulus doctrinam inanem, fucatam, adulterinam, in frugiferam, supersticiosam, noxiam, damnosam, liguo, fœno & stipulis comparat. Qui enim huiusmodi doctrina minus salutaribus ingruente tentationum procella labascunt, corrumpunt, nec progressus in aduersitate subsistunt, ut nec arida nutrimēta ac fomites contra ignis vim. Cæterū floris nitor spectabilis in Scripturis vltimū accōmmodat. . . . bus caducis, fragilibus momenta-

Eccle. 40.
Matth. 13.
Matth. 5.

Cap. 8.

Metapho-
ra ex flo-
re.

1. Cor. 9.
Pauli lo-
cus expli-
catus.

- neis, ruinosis. Sic Iob, *Homo natus de muliere repletur multis miseriis qui quasi flos egreditur*, hoc est, se expandit, se dilatat, sed conteritur, & fugit velut umbra. Cui illud dauidis affine est, *Homo sicut fœnū, dies eius sicut flos agri sic efflorescit*. Quibus verbis indicat rem mox perituram quamlibet speciosa sit aspectūque amabili & gratiosa. Quo autē sua cuique fragilitas identidem ob oculos versetur, atque ex aduerso verbi Dei vis & efficacia Eſaiæ elata voce exclamandū præcipitur. *Omnis caro fœnum, & omnis gloria eius quasi flos agri. Exsiccatur fœnum, & cecidit flos, quia Spiritus Dei sufflauit in eo*. Verē fœnum est populus, exsiccatur fœnum, & cecidit flos, *Verbum Domini manet in æternum*. Quo palam facit omnem pompam, fastum, stēpitū, splendorem, magnificentiam, denique quidquid in homine excellens est, & magnificum, seu externa seu interna spectes, scilicet, prudentiam, ac scientiæ coniunctam sapiētiā, & si quid aliud humanæ menti insitum est, flatu Dei euāescere. Quapropter nemo rebus tam caducis & mōenrancis inniti debet, aut illis fidere, sibi que inaniter harum rerum possessione blandiri, sed fulcire se verbo Dei quod stabile est, firmum, diuturnum, & mentes hominum solidā ac salutarī doctrinā imbuīt. Reuocant nos ad æternas has opes Petrus & Iacobus Apostoli, ac sēctanda præcipiunt non fluxa, non temporaria, non euāida quæ tanquam flosculi ad Aquilonis flatum, aut Solis ardorem memoriuntur, sed cœlestia, ad quæ, Christo duce, eiusque verbo perducī nos cōtingit. Plures sunt eius generis aquē Prophetas Metaphoræ, arque ex foliis floribusque desumptæ similitudines. quarum commemoratione ob oculos ponit mortalium res fragiles & caducas, prorsusque instabiles, quibus tantopere intumescunt homines. Sic Eſaias fastum ac superbiā Ephraim, quorum nomine designat omnes iisdem vitiis obnoxios, foliis ac floribus mox euāescentibus, ac defluis cōparat. Sic enim illis interitum minatur. *Va corona superbia, ebriis Ephraim & flori decidēti. Pedibus cōculcatur corona superbia ebriorū Ephraim, & eris flos deciduus exultationis eius, & sicut fructus temporaneus & præcox*. Vt enim nec fructus nec præcocia poma diu subsistunt, ita nec illorum fœlicitas diurnam prosperitatem est habitura. Nahū quoque propheta declarat eadem similitudine nihil tam speciosum ac spectabile, nihil tam blandum & amabile, quod Deus non coneuat ac conerāt, vbi exarserit in nefarios atque improbos ira illius, sic vt flores & germinē elatorum hominum discutiantur. hoc est, omnis illorum pompa. & splendor ad nihilum redigatur, quod iis verbis indicatur, *Infirmatus est Basan & Carmelus, & flos Libani elanguit*, hoc est

virtus,

virtus, robur, potentia ruïnosa est, omnis nitor, decor, species, venustas deflorescit ac deformata est. Floribus succedunt fructus, & semina, de quibus quoniam similitudines desumuntur, hoc obiter indicandum. Semen duobus modis vř & fructũ, vi deo vřsurpatũ in sacris literis, pro tribu atq; illustri familia vel prosapia, pro sobole ac totius posteritatis propagine, pro successione hereditaria, pro stirpe, genere, cognatione, quæ omnia pollicetur Deus in humanæ vitæ decursu operatum felicemque successum habitura, vbi qui mandatis eius obsequitur atque morum integritati insistit. Quod indicat David in Psalmis, cũ inquit, *Imor sus, etenim sensi, & non vidi iustum derelictum, nec semen eius quarens panem. Semen illius in benedictione erit, & iusti hereditabunt terram.* Semen verò seu generatio impiorum peribit, Sic Elephas, vnus disceptantium cum Iob, commendat Dei castigationem, eaque sic eruditi hominem pronunciat, vt totũ se cõmittat eius arbitrio, eiusque volũtati se subiciat, quod sciat se castigari vel ad emendationẽ, vel vt exploretur illius cõstãtia qua ratione cõtequitur homo, vt omnia illi prosperè succedãt, & accedat opima benedictio, *Spectabis*, inquit *multiplex semẽ tuũ & progeniem tuam*, hoc est, proles, nepotes, & posteros, *& herbam terra numerosam.* Ingressus in abundantia sepulchrum, sicut infertur aceruus tritici in tempore suo, hoc est, generosi hominis more & magnificẽ te effecti coninget comitante magna procerum multitudine. Rursus quoniam semen herbis ac arboribus inest, atque id similem speciem producit, seseque ex alia in aliam stirpem propagat, Prophetæ quoque isto in concionibus illustrandis vtuntur. Designat autem semen successum, vberem prouentum, annonam fructiferam (benedictionem, beneficentiam, vberimos fructus. Ita cũ Deus apud Esaïam pollicetur felicitatem ac rerum omnium affluentiam qui illi fidunt, illiusque mandatis insistunt, *Dabitur*, inquit, *pluuia semine tuo ubicunque seminaueris in terra, & pãnu frugũ terra erit vberrimus & pinguis. Pascetur in possessione tua agnus spatiosẽ, & tauri tui & pulli asinorum qui operantur vel colunt terram, commistum smigma*, hoc est, hordeum purumque pabulum comedent, *sicut in area ventilatum est.* hoc est, ventilabro vanoque accuratè expurgatum à paleis. Quibus verbis designat rem familiarẽ amplissimè augendam, omniaque ex voto atque animi sententiã successura. De fructu par est ratio. nam & herbarum arborumque fructus in Bibliis designat vbertatem rerum, abundantiam, fertilitatem, beatitudinem, prosperum successum, opera bona & mala, inopiam, annonæ charitatem & penuriã, iustitiam, vitæque integritatem, impietatem, nequitia,

Semen in Bibliis quid designet.

Psalm. 36.

Cap. 5.

Semẽ stirpium.

Cap. 30. Esaj. 10. eus excussus.

- Cap. 10. mores improbos: quæ etiam frumenti ac frugum nomine designantur. Sic Oseas cum ad optimam frugem, ad decus, probitatem, iustitiâ exhortetur homines suæ salutis obliros, qui rebus improbis assuescere cœperunt. *Seminate verbum*, inquit, *iustitiâ, & metite, in ore misericordiæ*; hoc est, Misericordia, clementia, bonitas vobis cordi sit, & in ore versetur, *innouate vobis nouale, dum tempus inquirendi Dominum*. Quo suadet immutandû vitæ institutum, quo possint vitam, mores, studium approbare Domino Deo. *Etenim hæcenus*, vt Propheta inquit, *arastis, impietatem, iniquitatem messuistis, comediistis frugem mendacij*. Qua Metaphora indicat nihil illos aliud quàm fraudes, sycophantias, perfidiam, imposturas, dolos machinati, quibus innocētes opprimunt. Quocirca monet vt excussis atque extirpatis vitiosis fruticibus ac zizaniis in exculco nouali puræ mentis, probitatē, māsuetudinē, iustitiâ, humanitatē inserât. Quod etiam apud Hieremiâ accuratè Dominus præcepit. *Nouate vobis nouale, & nolite serere super spinas*, hoc est, reddite corda vestra exulta optima semēte integritatis iustitiæ, innocentie, bonitatis, extirpatis spinis ac scētibz nequitie. Hac enim ratione omnia prosperrimè homini succedunt. Quod Deus apud Esaiâ palâ testatur insigni cōsolatione, qua pij hominis mentē in spē ac fiduciam erigit consequēdæ salutis. Sic enim securitatem rebus & afflictis ac desperatis denunciat. *Dicite iusto, quoniâ bene illi erit, quoniam fructum adinventionum seu manuum suarum comedet*. Quo illū cōmonefacit vt securo sit animo, bene speret, optimâ spē cōcipiat: quoniam ingruētē calamitate & afflictione famis aut belli, fruetur securè rebus quas sua manu, suoque labore à Deo optimo maximo sit consequutus. *Impio verò, vt idē ait, male erit, quoniâ secundum opera manuum eius rependitur illi*. Cæterum fructus pro sobole etiam & posteritate sumitur ac liberorū propagine. Quod munus David Deo acceptū refert, cum inquit, *Ecce hæreditas Domini filij merces fructus ventris*. Quo indicat populū propagationē Dei donū esse. Rursus cum Deus sub Davidis nomine Christi regnū fore sempiternū pollicetur, *lucravit Dominus David veritatē, & nō frustrabitur eū, de fructu vetric tui ponā super sedem tuam. Illuc producā & germinare faciam cornu David: parauit lucernam Christo meo. Inimicos eius induam confusione. Super ipsum autem effloreat sanctificatio mea, vel diadema meum*. Quibus verbis amplificat fortitudinem, decus, magnificentiam imperij, quod longè latēque sit propagandum, & sub Davidis typo Christi Seruatoris regnum spirituale, eiūsq; Ecclesiam, hoc est cœtum fidelium, nunquam extinctum aut oppressum iri, nec vlla vnquam vetustate,
- vlla

Fruſtus
pro hære-
de.

Pſal. 126.

Pſal. 131.

vlla temporum iniuria abolendum : quamlibet sæuiant ini-
mici , quantumuis doctrinæ Euangelicæ insultent , illamque
lucem extinctam cupiant , atque omnes machinas ad illam
opprimendam admoueant. Quò spectat illud ; Christi de in-
concussa fide , & inexpugnabili solidaque professione nominis
eius, *Et porta inferi non praualebunt aduersus eam.*

Quisquis enim tam immobili ac tam firmo fundamento ni-
tetur , non est quòd meruat se ab illo posse dimoueri aut diuel-
li. Quòd Christus etiam aliàs testatus est , similitudine addu-
cta ex viro prudente ac sagaci , qui ædificium suum construit
non in fluida arena aut fundo palustri & vliginoso , sed in soli-
do saxo , aut firma rupe , ne ingruentes tempestates , fulmina ,
tonitrua , imbres , venti , flumina & concursus aquarum totam
molem conuulsam dissipent ac discutiant. Qua similitudine
designat illum qui fidem solidam ac viuam , non vmbra-
talem amplexus est , eamque factis exprimit , in concusso infra-
ctoque animo subsistere aduersus imminentes tempestates que
nullis non momentis homini Christiano impendent. Quam
securitatem David etiam illi pollicetur qui Deo confidit , il-
liusque præsidio totum se committit , atque omnem suam spem
ac fiduciam in Dei misericordia per fidem collocat. Hac enim
ratione fit vt ab omni quantumuis exitiosa peste & periculis
tutus sit , & securè subsistat , seu illa noctu , hoc est , tacitè & la-
tenter ingruant , vel interdium , hoc est , palam & aperto Marte
grassentur. Quòd Altissimus , cui fides , vmbra alarum suarum
illum muniat , suaque protectione tutum præster.


Mat. 16.

Matth. 27.

Fiducia
in Deum.

Psal. 91.

F I N I S.



Ordo Capitulorum.

- CAP. I.** **A**mplissimos reges ac sacratissimos vates
herbarum cognitione exactè fuisse imbu-
tos, desumpta ab iis tot Metaphora ac parabola de-
clarant, quæ hic spectanda exhibentur. fol 1
- 2 De conditione & natura mandragora, quam à Lya so-
rore eblandita est Rachel. 4
 - 3 De Manna cœlitus delapsa, tum ea qua Medicis in
usu est. 9
 - 4 De lactuca sylvestri. 12
 - 5 De olea, Oleastro, Olina. oleo. 14
 - 6 De Rhamno, aculeato frutice. 17
 - 7 De Cucurbita sylvestri vulgo Colloquintida. 19
 - 8 De Salice. 20
 - 9 De Saliunca. 21
 - 10 De herba Borith, qua Medicis veteribus Stru-
thior vocatur, Mauritanis, Arabibusque scripto-
ribus cognita, cui affinis recentioribus vocata Sa-
ponaria, & herba fullonia, quod ut sinigma eluen-
dis maculis adhiberi soleat. 23
 - 11 De Cocco vermiculo Conchylio, Murice, Ostro, ac
colore purpureo. 25
 - 12 De Paliuro aculeata stirpe, cui sanguinarij compa-
rantur atque insidiosi, quique ad inferenda damna
prompti sunt. 27
 - 13 De Gith qua Gracè Melanthion, vulgo à nigrore
Nigella dicitur, Nardus ob odoris suavitatem, tum
aliis stirpibus desumpta comparatio. 29
 - 14 De Lentisco, qua Gracè Schinos dicitur, & Illice. 33
 - 15 De Hyacintho, vestèque hyacinthina, vel à viola
colore

Ordo Caputum.

colore Ianthina.

- 16 De Carice, scirpo, iunco, palustri, papyro. 35
- 17 De Absynthio. 37
- 18 De Carduis, Spinis, Vepribus, Tribulis, Rubis,
Lappis, Sentibus, & quibus hæ stirpes in Scri-
ptura accommodari solent, & quid designent. 40
- 19 De Ficu, Carica, Grosso. 42
- 20 De palma arbore eiusque fructu, & quid in scriptura
sacra illis designetur. 44
- 21 De Hebeno & aliis quibusdam exoticis quorum in
scriptura fit mentio. 46
- 22 De Terebintko. 47
- 23 De Myrica siue Tamarice, & Erice, qua vulgo à
solitudine & loco arido Heyde vocatur, ex qua
Belga extergendis pavimentis scopas confi-
ciunt. 49
- 24 De Resina. 53
- 25 De vite seu vinea, cuius partes atque appendices, sar-
menta, palmites, malleoli, pampini, claviculi, vel
capreoli, vna, racemus, botrus, acinus vinaceus,
seu acinorum granum. Et quàm appositè horum ple-
raque Concionibus ac vaticiniis adhibentur. 55
- 26 De Hyssopo. 59
- 27 De Arundine, qua Græcis Calamus, eiusque differen-
tiis: de lino, stipula, quisquiliis, & plerisque aliis,
ex quibus similitudines desumuntur. 60
- 28 De Cucumere & plerisque aliis herbis, quarum in
Bibliis fit mentio. 65
- 29 De Iunipero. 66
- 30 De Labrusca. ibid.
- 31 De Mentha, Ruta, Anetho, Cuminio, qua Christus
parabolis adhibet in insectanda Phariseorum auaritia,
& fucata religionis sanctimonia. 67

32 De

Ordo Capitum.

- 32 De Sinapis vi & natura, cui fides & Dei verbum comparantur. 68
- 33 De hedera, quæ arboribus ac parietibus tenaci amplexu adheret. 69
- 34 De More arbore & fructu eius. 71
- 35 De Sycomoro & caprificu. 72
- 36 De malo punico. 74
- 37 De citreo ac malo medico, limonibus & Aurangis. 76
- 38 De Croco. 77
- 39 De Myrrho quæ apud omnes nationes nomen retinet, & de Mylto sylvestri. 78
- 40 De Pino. 81
- 41 De Buxo errore vulgari Palma dicta. 82
- 42 De Nuce. 85
- 43 De Pomis in genere, è quibus sacri vates similitudines desumunt. 86
- 44 De Quercu, & aliis glandiferis arboribus. 88
- 45 De rosa & ex illa desumptis Metaphoris. 89
- 46 De zizania & Lolio, aliisque herbis frugibus inimicis. 91
- 47 De Libanotide Coronaria, quæ vulgo Rosmarinus dicitur. 97
- 48 De Amygdalo arbore, cuius passim in sacris Bibliis fit mentio, & de qua desumitur insignis Metaphora seu collatio à Salomone Eccles. cap. 12. 93
- 49 De Platano eiusque natura, à qua similitudinem desumunt sacri scriptores. 101
- 50 Ex frutice, virgulto, surculo, termite, malleolo, palmitate, germine, gemma, qui & oculus in arboribus, ac plerisque aliis desumptæ similitudines, quibus Propheta vaticinia illustrant. 106



INDEX RERVM ET MATERIARVM.

A

ex **A**RONIS Historia documentum. 100.
Abietis descriptio. 81
ex Absynthio simile. 40
Acrifolium. 33
Adulterio comparatur idololatria. 26
ex Adulterio prognati infauti. 14
Allegoria ex Myrthete. 80
Aloc. 48
Aloc lignum. ibid.
Amarorem pulmentis quatione farina eximat. 19
Ambitio ruinæ obnoxia. 105
Amygdala amara vulpinoxia & quare. 95
Amygdala amara quid præstent. ibid.
Amygdala zelandis non denegata. 94
Amygdali Metaphora. 98
Amygdalina nux vitæ Christianæ symbolum. 100
Amygdalinum gummi. 95
Amos locus, Verum abduxit me Dominus Deus, &c. explicatus. 73
Amos locus, Ostendit mihi Dominus Deus vnicū pomorum æstruorum, &c. explicatus. 87

Apocalypseos locus, Recesserunt animo tuo desiderata poma, &c. explicatus. ibid.
Apostemata maturat arundinis radix. 60
Aqua nucum qua virtute. 86
Aquæ Lustralis origo. 91
Aquæ rosmarini vis. ibid.
Arboris mali Punici descriptio. 74
A rebus odoratis simile. 17
Arundine mobilior, prouerbium. 60
Arundines radix esculenta. 60
Asylum homicidarum Galad. 54

B

BACCHO hedera sacra, & cur. 69
Baptismi effectus. 12
in Belgas vuidos prouerbium. 19
Buxus color. 83
Buxi natura. ibid.
de Buxo rei gestæ narratio. ibidem.

C

CALHA flos luteus. 78
Canna palustris. 60
Carex graminosa fruticatio. 37

Carice

I N D E X.

Carice.	44
Cerebrum vitiatæ imaginationis causa.	43
Christi doctrina quid menti præster.	62
Christi de Ioanne præconium.	60
de Christo prophetia.	56
Cichorium hepatis <u>salubre</u> .	13
Citriis lignum Serchim.	79
Cynorhodus odoratus.	89
Color Buxus.	83
Colorum nomina ex Croco.	78
Conceptum fingit imaginatio.	99
ex Croco colorum nomina.	78
Cucurbita.	70
Cumini vires & natura.	29

D

D avidis locus, Adhuc pusillum & nō erit peccator, &c. explicatus.	104
Davidis selectissimæ similitudines de salutari hominum pabulo.	2
Davidis locus, Deus repulisti nos, &c. illustratus.	41
Davidis locus, antequam spinæ vestræ, &c. explicatus.	18
Dæmon se in monstra transformat.	44
Descriptio arboris mali <u>punicini</u> .	74
Discrimen inter verbum Dei, & nugas hominum.	64
Dissentientiæ granata acida apta.	75
Doctrina Christi quid menti præster.	62

E

E Boris natura & ex eo simile.	48
<u>Ecclesiastici</u> capit. 12. explicatum.	97
Ecclesiastici locus, Ego quasi Cedrus exaltata sum, &c. explicatus.	90
Effectus par verbo Dei & signapi.	68
Effectus Baptismi.	120
Effectus herbarum varij.	2
Elephantum rubro colore efferrantur.	72
Eryca, heyde.	52
Esaie locus, Arescent aquæ à mari, &c. explicatus.	39
Esaie locus, Ecce seruus meus quem elegi, explicatus.	61
Esaie locus, Nobiles eius erunt absque regno, &c. explicatus.	45
Esaie locus, Lateres ceciderunt, & collapsi sunt, &c. explicatus.	73
Esaie & Osee locus, <u>Ostenq-</u> dam vobis quid facturus sim vineæ meæ, &c. explicatus.	42
Esaie Metaphora, Lætabitur deserta & inuia, explicata.	39
Esaie locus, Nunc ergo vade, scribe hanc prophetiam super Buxū, &c. explicatus.	84
Esaie locus Egredietur virga de radice Iesse, &c. explicatus.	108
Esaie Metaphora de regis Babylonis sæuitia, explicata.	104
Esaie locus, Omnes principes nationum dicent, explicatus.	

I N D E X.

plicatus. 105
 Eſaiæ Metaphora de Meſſe,
 explicata. 58
 Eſaiæ locus, Multiplicabitur
 quæ dereliſta erat, &c. ex-
 plicatus. 50
 Eſaiæ locus, de Virgulto aut
 ſurculo explicatus. 108
 Ezechielis caput 1. 6. paraphra-
 ſticè enarratum. 36
 Ezechielis locus, Factum eſt
 verbum Domini ad me, &c.
 explicatus. 103
 Ezechielis locus, Mater tua
 quaſi vinea, &c. phyſicus.

113

F .

Ficus fructus duplices pro-
 fert. 44
 Ficus inuſitatæ magnitudinis
 oblaræ Carolo quinto, Cæ-
 ſari in Zelandia. ibid.
 Fiducia in Deū quo designe-
 tur. 17
 ex Flore Metaphora. 116
 Fructus pro hærede ſumitur.
 118.
 Fructus ſtirpium quid defi-
 gnet. 112
 Frutex quid. 106
 in Fufiles prouerbium. 90

G

Galaad Leuitarum ſta-
 tio & homicidarum
 Aſylum. 54
 Gemma in vite quid. 107
 Gemmare quid. ibid.
 Germen quid. ibid.
 Groſſi. 44
 Gummi Amygdalinum. 95

Gutta. 48

H

Harpocrates ſilētij Deus.
 142. 21
 Hebenus. 48
 Hedera vino abſiſtit. 70
 Hedera Baccho ſacra & cur.
 69
 Hederæ natura. 68
 Heide, erica. 52
 Helias profugus. 66
 Herbarum effectus varij. 2
 Herbarum cultores olim fue-
 runt etiam reges, & qui. 1
 Heſter oleo Myrtino uſa.

78

Hyacinthus gemma. 35
 Hyacinthus herba. ibid.
 Hieremiæ locus, Peccatū ſu-
 dæ ſcriptum, &c. explicatus.

84

Hieremiæ locus, Maledictus
 qui confidit in homine, &c.
 explicatus. 16. 52

Heremiæ locus, Nunquid ſo-
 litudo factus ſum Iſraeli,
 &c. explicatus. 54

Hieremiæ locus, Nunquid
 Dominus non eſt in Sion,
 explicatus. 53

Hieremiæ locus, & ſi fures æ-
 des tuas inuaſiſſent, expli-
 catus. 58

Hieremiæ loca diuerſa expli-
 cantur. 40

Hieremiæ cap. 8. & 48. expli-
 catum. 58

Hieremiæ caput ſecundum
 explicatum. 23

Hyſſopi effectus. 59

Hordei natura & vires. 29

Hortatio vt quiſque ſuū mi-
 niſterium exequatur. 66

Idolola

I N D E X.

I

Idololatria adulterio comparatur. 26
 Imaginatio Conceptum fugit. 92
 Impiorum successus pios aliquando vrit. 105
 in Improbos prouerbum. 12
 Iobi locus capite octauo de humanæ vitæ cursu, &c. explicatur. 38
 Iobi locus, Scio enim quod redemptor, &c. explicatur. 85

Iunci maritimi. 37
 Iunco scirpus affinis. ibid.

L

Lacedæmoniorum institutum de silentio. 91
 Lachryma ex vitis sarmentis. 82
 Lactuca Hebræis in vsu & quæ. 13
 Lactuca siluestris vera quæ. ibid.
 Laurus Victoriz sacra. 69
 Leuitarum statio Galaad. 45
 Lignum Aloes. 48
 Loca diuersa Esaiæ explicata. 32
 Locus sapientiæ, Cùm ætas nostra, &c. explicatur. 89
 Locus Pauli de fœno & stipulis explicatur. 115
 Locus Ezechielis, Factum est verbum Domini ad me, &c. explicatur. 103
 Locus Pauli, Si enim primitiæ, &c. explicatur. 114
 Locus Salomonis, Memento Creatoris tui, &c. allegoricus explicatur. 96

Locus Mosi de vite Sodomorum, &c. explicatur. 57
 Locus Pauli, de oleastri in Oleam insitione explicatur. 32. & 114
 Locus Pauli, Quæ cum esset in forma Dei, &c. explicatur. 102.
 Lolio visitare prouerbum. 92
 Lolium frugibus noxium 91

M

Machabæorum libris Historia. 72
 Magnates celsis arboribus comparantur. 101
 Mala Citrea. 76
 Malleoli & palmites quid. 107
 Malum medicum. 76
 Mandragoræ duæ species, & quæ. 40
 de Mandragoræ pomo Historia. 7
 Mandragoræ pomum blandimentum amoris. 1
 Manna adulterina quæ. 11
 à Matura ficu simile. 45
 Melanthiû adulterinum. 41
 Meraphora ex ramis. 113
 Metaphoræ ex flore. 115
 Milij natura & vires. 30
 Myrrha 48
 de Myrtheto Zachariæ visio quid designet. 80
 Myrthetû & ex eo allegoria. ibid.
 Myrthi descriptio. 28
 Myrthus syluestris. 81
 Mora quando edenda. 71
 Morbi regij remedium. 94

N

Natura & vires Cumini, Hordei, tritici, milij &

I N D E X.

& vicioſum. 29.30.
 Natura Terebinthi. 49
 Nuces viridæ conditæ. 86
 Nucis etymologia. 85
 Nutis arboris deſcriptio. ibid.
 Nucum aqua qua virtute. 86
 Nuſquam tuta fides. 28
 Nux amygdalina quæ Chri-
 ſtianæ ſymbolum. 100
 Nux aduerſitatis & proſperi-
 tatis ſymbolum. 86

O

ex **O**lea ſimilitudines. 15
 Oliuarum uſus. ibid.
 Oratio ſacrificium Chriſtia-
 num. 113
 Origo aquæ conſecratæ. 93
 Oleæ locus, ipſi reſpiciunt ad
 deos extraneos, & c. expli-
 catus 57
 Oleæ locus, Tâquam uas in
 deſerto, & c. explicatus. 45

P

Palma elata quid. 46
 Palma victoriæ index. ibid.
 Palma Chriſti herba. 101
 Palmites & malleoli quid. 107
 Palmites quid deſignent. 112
 ex Papyro ſcipiones. 38
 Papyrus frutex. 38
 Phaſe quære inſtitutum. 11
 Phœnix herba. 21
 Platani vis & natura. 101
Platani vmbra delectatus Xe-
 xæ. 102
 Poma præcocia quæ. 86
 Poma ſerotina quæ. ibid.
 Potio conſolidans ruina op-
 ſos. 15

Prophetæ omnium rerum co-
 gnitione fuerunt inſtructi. 3
 Prouerbiū in impioſ. 112
 Prouerbiū Plauti de Nuce.
86
 Prouerbiū in ſcirpo nodum
 quæſere. 37
 Pſedomyrus. 81

Q

Quiſquilæ & alia reiecta
 menta quid ſignificent.
62

R

ex **R**adice ſtirpiū deſum-
 ptæ ſimilitudines. 119
 ex Ramis Metaphora. 113
 Reges olim fuerunt herbarū
 cultores, & qui. 1
 Refina quid. 33
 Refina terebinthina. 41
 Reſinæ multæ ſpecies. 53
 Ricinus herba. 101
 Rodopharmacum. 89
 Roſa cur menſæ affigatur. 90
 Roſa ſilentij ſymbolum. 21
 Roſarum differentia. 89
 Roſæ vires. ibid.
 Ruina oppreſſi quomodo tra-
 ſtandi. 15
 Ruſcus. 81

S

Sacramenta in quem uſum
 exhibita. 12
 Sacra prophanis potiora. 3
 Semen ſtirpium quid deſignat.
117.

Qq

Semen 1

I N D E X

Semen in Bibliis quid defini- gnet.	ibid.	Thus.	<u>48</u>
Sycomori descriptio.	<u>72</u>	Tritici natura & vires.	<u>30</u>
Simile à vexillo erecto.	<u>56</u>	Tyranni descriptio.	<u>118</u>
Simile à fructuantibus arboribus.	20	V	
Simile à sinapis cataplasma- te.	<u>67</u>	V Erbo Dei; & sinapi par effectus.	<u>68</u>
Simile à sinapis vi ignita.	<u>68</u>	Viciorum natura & vires.	<u>30</u>
Simile à tritico & paleis.	<u>64</u>	Victoria Laurus sacra.	<u>69</u>
Solida spectanda.	<u>116</u>	Virgultum quid.	<u>106</u>
Solomon Herbarum fuit stu- diosus.	2	X	
Spectra qui sibi obseruari sin- gunt.	<u>42</u>	X Erxes delectatus umbra Platani.	102
Spina dorsa carinæ navis affi- milis.	98	Z	
Spruyte.	110	Z Achariæ visio quid defi- gnet.	80
Stacte.	<u>48</u>	Zedechias in Babylonem ab- ductus.	9
Styrax.	ibid.	Zizaniorum nomine quid de- signetur.	<u>91</u>
Sarculare quid.	<u>106</u>		
Sarculus quid.	ibid.		
T			
T Ermes quid.	107		
Typha palustris quid.	60		

F I N I S.

DE GEMMIS

ALIQVOT, IIS PRÆSERTIM,
quarum D. Ioannes Apostolus in sua
Apocalypsi meminit. De aliis quo-
que, quarum vsus hoc æui apud om-
nes percrebuit, Libri duo: Theologis
non minùs vtilis, quàm Philosophis,
& omnino felicioribus ingeniis per-
iucundi, è non vulgaribus vtriusque
philosophiæ adytis deprompti.

Authore FRANCISCO RVEO,
Doctore Medico Insulano.

*AVTHORES IN HIS
libri citati.*

Aërius.	Ioannes Menardus.
Albertus Magnus.	Marbodeus poeta Gallus.
Antonius Ludoicus.	Marfilius Ficinus.
Apuleius.	Nicolaus Florentinus.
Aristoteles.	Numenius.
Arnoldus à Villa noua.	Paulus Ægineta.
Auerrois.	Petrus Aponensis.
D. Augustinus.	Petrus Crinitus.
Aulus Gellius.	Plato.
Carolus Bouillus.	Plotinus.
C. Plinius.	Rafes.
Dioscorides.	Solinus.
Gaienus.	Theodorus Cyrensis
Gregorius Pictorius Vil-	Episcopus.
lingensis.	Theophrastus.
Hallyabbas.	Thomas Aquinas.
Hermolaus.	Vincentius in Speculo
Hieronymus Hungestus.	naturalis historiæ..
Iamblichus.	

LIBRI

LIBRI PRIMI CAPITA.

- | | |
|---|---|
| 1. <i>Lapidum & Gemmarum generationis caussa.</i> | <i>Gemmarum proprietates occulta.</i> |
| 2. <i>Quid sint & unde vim sortiantur.</i> | 3. <i>De ratione & causis vivium in Gemmis.</i> |

LIBRI SECUNDI PARS

prima de Gemmis XII. in D. Ioan.

Apocalypsi memoratis.

- | | |
|---|----------------------------|
| 1. <i>De Iaspidis differentiis & viribus.</i> | 7. <i>De Chrysolytho.</i> |
| 2. <i>De Sapphiro.</i> | 8. <i>De Beryllo.</i> |
| 3. <i>De Carchedonio.</i> | 9. <i>De Topazio.</i> |
| 4. <i>De Smaragdo.</i> | 10. <i>De Chrysopraso.</i> |
| 5. <i>De Sardonyche.</i> | 11. <i>De Amethysto.</i> |
| 6. <i>De Sordio.</i> | 12. <i>De Hyacintho.</i> |
| | 13. <i>De Margaritis.</i> |

PARS II. DE CÆTERIS

aliquot Gemmis & lapidibus.

- | | |
|----------------------------|---|
| 14. <i>De Carbunculis.</i> | 21. <i>De Chelidonio.</i> |
| 15. <i>De Adamantio.</i> | 23. <i>De Ætice.</i> |
| 16. <i>De Achate.</i> | 24. <i>De Magnete.</i> |
| 17. <i>De Alastrio.</i> | 25. <i>De Hamatite.</i> |
| 18. <i>De Torcoide.</i> | 26. <i>De Succino.</i> |
| 19. <i>De Corallio.</i> | 27. <i>De fictitiarum à veris Gemmis differentia.</i> |
| 20. <i>De Cracolo.</i> | |
| 21. <i>De Cyaneo.</i> | |

His subiicitur

Paschasij Balduini Canonici Phalempinensis ac Franc. Rucum Epistolæ erudita, quæ super his duobus Ruci libri iudicium continentur primum: deinde de Hebraica Gemmarum nominibus, deque earum admiratione, usu, abusu & viribus tractatur.



D E GEMMARVM ORTV, LIBER PRIMVS.

*De lapidum & Gemmarum generationis
causis diuersis.*

CAPVT I.

Non per-
spicuoꝝ
lapilloꝝ
causæ.
Pelluci-
darum
Gemma-
rum cau-
sæ.

VNumquene lapidem ex altero maximè duorum ele-
mentorum, terra scilicet vel aqua, constari omnes re-
rum naturalium peritos, tam in confesso est atque na-
turali rationi peruium, vt nullus, ni vel Leberide cæcior,
addubitauit. Porro qui lapides non perspicui sunt, ex terra
crassioréque quadam substantia, humido tenaci perfusa, ge-
nerationis materiam mutuari sunt. Qui verò pellucidi visun-
tur, ex aqua præsertim consistunt, cui subtilis quædam terrea
nec obscura materies immixta est, vt & in crystallo ac beryl-
lo glaciæ speciem planè referentibus videre est. Quanquam &
hæc intelligi velim, non quòd dno reliqua rerum principia,
ignem dico ac aërem, ab illorum mixtura separem. Apud
principes namque philosophos complures conuenit, omne
mixtum ex quatuor elementis constare. Verùm enimuersò ita
quæ diximus accipienda sunt, vt alterum illorum, terra nimi-
rùm vel aqua, in quouis lapide præcellere intelligas, etiam si ali-
ter Plotinus sentire videri possit, de quo alibi fusiùs egimus.

Lapilloꝝ
causa effi-
ciens du-
plex.

Quod autem ad effectricem vocatâ causam attinet, duplicem
eam vtriusque philosophiæ principes numerarunt: altera nam-
que suprema, altera verò inferior. Princeps causa est Deus ipse
Optimus Maximus, rerum omniû creator & seruator, in quo,
cum quo, & per quem sunt omnia, & sine quo (diuo Ioanne
Apostolo teste) nihil factum est. Quem & Aristoteles Ens en-
tium, supremâque vocabat intelligentiam, asserens omne opus
naturæ opus esse intelligentiæ. Illum itaque Deum vt omnium
rerû creatorem ita singulorum primariam & simpliciter neces-
sariâ causam, vt etiam lapilloꝝ gemmarumque, Christiani
omnes

omnes norunt. Quandoquidē sapientis est oraculum: *Qui vivit in æternum, creavit omnia simul*: quod æquidem bifariam interpretarum inuenio. Quibusdam quòd dicitur simul, non ad instās referentibus, verū ad instans propositi diuini, vt scilicet sit sēsus, quòd Dominus Deus decreuit ab æterno omnia creare. Ita enim librū D. Augustino relarum, qui de mirābilibus sacre scripturæ inscribitur, habere reperio. Simul itaq̃ Deus vniuersos lapides singulasque Gemmas creauit, dum videlicet vnica solāque sua voluntate multiformem quarūmuis specierum ac indiuiduorum diuersitatem fieri voluit: in quā voluntate vnica simplicissimāque singula simul fecit, quæ ab eōrum ortus principio per tempus dispensare non desistit. Quamuis & hīc accedere possit getmanior forsan intellectus, cui philosophi complures & non obscuri, ipsa quoque ratio subscribunt: scilicet quòd Deus omnia simul creauit, dum omnium formarum ac rerum futurarum rudimentum, principium ac seminarium quoddam materiæ primæ, ante generum, specierū arque indiuiduorum discretionem, infundit. Illa siquidem materies, diuisionis adhuc & productionis experta moles erat quædam informis, omnium tamen formarum seminio ab ipso creatore perfusa: vnde tandem aliquando, & iis mediis quibus supremus opifex ab æterno præscit & vult, perfecta rerum productio & fortura extrimularetur. Ideoque & hi admittunt omnia quidem simul esse creata, non autem simul esse facta. Confirmar & id sententiæ diuus ille Augustinus super Genesim, adferens, quod quæ à natura generantur, secundum rationes seminales in materia consistentes, producantur: quod & multo copiosius disseruit tercio de Trinitate capir. 9. vt scilicet inaudias materiam in se habere, & quasi fouere cunctarum formarum rationes seminales sibi à primæua constitutione ingenitas insitasse: ex quibus tandem, agentis actionem, pro modo, expertis, educantur extrimulentiūque formæ naturales, elementorum commixtionem essentialiter consequentes, vt & hinc quæ in potentia materiæ tantūmudo inerant verè, & (vt dicunt) in actum ab agentis actione producantur. Verū de his alibi fusius. Nunc verò hæc de principe illa causa & Gemmarum plasmatore sufficiant. Quæ tamersi cunctis sat esse queant: quia tamen pulchrum, decorum atque vtile est homini haud vsquequaque indocto, nosse quibus secundis mediisque causis, vnde cuncta de quibus discepatur, originem capeſſunt, non pigebit hoc loci aliarum quoque inferiorum causarum conimeminisse. hoc namque pacto fiet vt absolutior de his nostra sit traditio. Quamquam enim

Simul
creata
omnia,
quomodo.

Causæ inferiores
secundæ,
vel mediæ.

Deus omnium sit causa immediata, quædam tamē solus, & citra alicuius coagentis admissionem, efficit, ideoque (ut aiunt Theologi) eorum causa est tota. Nonnunquam, sua liberalissima bonitate, cooperantes alias secum adsciscit affouetque causas, & hoc propter connexionem vniuersi : tamen ut nulla alteri aduerferetur. Proinde (ut inquit Bonaventura libro secundo, quæstione secunda, circa finem) *quia diuina voluntas non cognoscitur, nec ipsa ab actione excludit operationem causæ creatæ : nec etiam ab earum cognitione humanam capacitatem arceat. Ideoque bonum & perutile est, sese exercere in cognitione causarum creaturarum.* Ante hunc item multis seculis Pindarus asseruit, quod quicquid intra se terra occultat, & ultra cælum positum est, homo contempletur. Nec id infructuosum putes : quoniam, diuo Paulo autore, invisibilia Dei à creatura mundi per ea quæ facta sunt, intellecta conspiciuntur, sempiterna quoque eius virtus & diuinitas. Verum vnde digressi sumus, pedē referre libet. Prætermisiss itaque nunc superioribus causis, in sequentium duorum capitum gratiam, non vulgarium philosophorum placita narraturi dicimus, quod à primario illo omnium principio, inferior humiliorque Gemmarum causa dici potest, facultas cælestis orbis moti, ab ipso Deo transfusa, pro ipsius orbis diuersarum partium varia positione, quam astrorum periti aspectum appellant. Porro quid sit cæli orbium, planetarum, syderumve aspectus, situs siue configuratio, non est huius instituti : quamobrem Mathematices peritis relinquo. Hoc vnum præfatus quodd pro variorum aspectuum ratione & materie multilingua præparatione diuersas in subiecta hæc corpora cælum creditur transfundere virtutes. Quæ de re philosophi illi propinquiores sensibilesque causas scrutati, cælo ipsi extenso vim illam mineralem lapidificam tribuendam censuerunt, mediata vel immediata, ut dicunt. hoc est intercurrente alia causa, vel non. Mediata quidem quod tamen corpora cælica loca non raro mutant, apparet tamen sedes eas lapidificas facultatem illam, semel ac efficacissimo cæli conatu concepram tam contumaciter retinere, ut lapides per multum æuum gignendo, iam dictæ potentie fidem propalam testentur.

Adamantes
tibi si-
miles pa-
reret

Hinc fieri arbitror quiddam mirabile & silentio minime premendum. Relatum mihi iam pridem est à domina quadam fide digna, quod Domina Heuerensis è Luxemburgorum illustri genere oriunda, duos habeat seruetque hæreditarios Adamantes, qui alios crebro, tanto naturæ miraculo producant, ut eos quicumque statis temporibus intendant,

avlsj

infusum, id est congenerem sibi prolem eniti, palam iudicent, cuius causam, si quidem in naturæ tam raro opere nobis philosophari licebit, putauerim esse, quod vis illa cœlestis parentibus tenaciter insinuata (quam adamantificam quis nominauerit) aërem circumfusus in aquam primum congruamque substantiam, demum in Adamantem gemmam durauerit transformaueritque. Quod ne iusto plus admireretur quispiam; auctor est Teophrastus esse lapides qui pariant: nimirum quod virtus illa cœlestis tenaci materiæ, ut præstruximus, semel transfusa subiectæ contumaciùs coheret substantiæ: quæ videlicet quò vehementiorem cœli actionem experta est, eò pertinacius hanc retinere intelligitur.

Vicina autem & coniuncta seu instrumentalis lapidum causa duplex annumeratur. Vel enim calidum quoddam est, (si elementis corpora substantialiter fieri statuamus:) aut caliditas, (si solas in mixtis qualitates asseruari sentiamus) in materia terrea persistens, & humidum tenax per terreæ molis tenuissimas quasque partes diducens, digerensque: hac ratione singulorum elementorum, terre præsertim & aquæ portiones tam aptæ & ad amissim confundens atque conglutians, sed & ab omni excrementosa fæce despumans, ut pro lapidis Gemmæve forma producenda materiam ipsam rectè præparet. Aut demum ea causa frigidum quoddam est, siue frigiditas, in aquea substantia terrestris & siccæ materiæ actionem perpeffa consistens, sua constrictione (frigidi namque est constringere) omnem superabundantem humorem adeo exprimens, ut etiam impendiò induret, adeoque tantum eius relinquat, quantum ad decentem partium connexionem sit necessarium, ut & hinc immutandæ formæ materia disponatur excolaturque. Qua de re non differunt philosophi illi, quod quamuis lapilli hi à frigido coaluerint, à calido tamen, citra alterius humoris appulsu, liquari contumaciter recusant: quod videlicet tanta in illis humidi sicciq; naturalis commixtio, germanitas & necessitudo ut suo omni ex parte cōtrario affici renuant: nec non nisi familiaris qualitatis illo affectu, ad externæ qualitatis actionem conuiueant. Quamquam non deesse compertum habeamus qui duo tantum elementa recipiant, ac frigidum ut à natura, ita ab omni actione secludant, qui debile calidum Gemmarum causam constituunt, de quibus aliâ s:

Instrumentalis
causa Gē.
marum
causa.

Quid sint, & unde vim sortiantur, Gemmarum proprietates occulta.

C A P V T I I.

Cui vir-
tus occul-
ta dicitur.

Dux pro-
prietatis
causa.

AVtor est Galenus in simplicium pharmacorum li-
bro. quod Gemmæ vires habeant partim secundum sub-
stantiæ totius proprietatem, partim secundum qualitates effe-
ctrices, hoc est manifestas: quas cum potentiis hic emananti-
bus ea medicinæ pars, quam Græci, *φάρμακον ὁκρυνόν*, Latini
medicatinam appellant, in primis contemplatur: cuius con-
siderationem præsens institutum non amplectitur. Porro sub-
stantiæ totius proprietatem philosophi vocant occultam, quod
substantia virium, quibus stupenda illa munia absoluntur,
humanæ rationis fugiat captum; ut ne summis quidem viris
illarum aliquam penitus assequi contigerit aliter quàm mul-
to usu. Nimirum quod omnis proprietatis vera ex methodo
cognitio colligenda sit, ab eius causis proximis evidentibus-
que, quæ bifariam discriminatur: vel enim ex mixtionis mo-
do, vel ab ipsius formæ specificæ ratione. Porro commixtionis
modus miscibilium, mixtura & conglutinatione perficitur,
quæ exactè peruestigari humana diligentia nequeat, vel eo
maximè nomine quod infinita sit illorum commiscendorum
proportio. Eius verò quæ speciem adferre formæ rationem, vel
ideo imperscrutabilem intelligere est, quod ipsam prodire au-
temant, partim quidem (ut præstruximus) ex potentia mate-
riæ, formarum rudimentis seu seminibus à primæva constitu-
tione perfusæ. Partim autè (ut magnæ philosophorū illustrium
turba placet) ab ideis in mēte diuina cōsistentibus (quas diuus
Augustinus primordiales vocat) id est, ab ipso Deo, hinc ab
anima mundi (si Platonici cōsentimus) & aliis inferioris ordi-
nis cælicis corporibus, in elementa primum influētibus: dein-
de & per ea media ad formam iam pridem, in seminatam & cœu
inchoatam (tamquam scilicet mentis alicuius & voluntatis
diuinæ ministris) disponentibus: cuius præparationis absolu-
tam considerationem, humana etiam quatumvis diligens aut
sublimis sagacitas non assequatur. Cùm itaque reconditarum
illarum facultatum causæ humano sensu nequeant prehendi,
nemini dubium esse suspicor, quin omnibus peruium, quod
nulla illarum proprietatum rationabili hoc est, per rationem
humanam deducto inuentoque experimento, sed casuali dun-
taxat

taxat euentu comperta exploratâque dici possit : vel omnino aliquo reuelationis modo , vti per somnia nonnunquam legimus contigisse. Quo modo scitum est sylvestris roſæ radicem aduersus canis rabidi morſum , aquæ pauorem omniſque potus metum & graue fastidium adferentem , præſtare. matre ſcilicet , cuius filius in Lacerania Hispaniæ finitima belligerans , morſus periclitabatur , per ſomnũ (viſa in fruteto illius radice ſibi ſuauiter applaudente) præmonita : quam & deinde qua potuit diligentia filio miſit , ex lacte potandam , filium obſecrans vt religioni parens matri obſecundaret biberetque. Quo vnico ſimplicique remedio , miles ille præter omnem expectationem ſeruatus , occasionem præbuit cognoscendæ eius radice occultæ contra illum affectum facultatis. Est igitur mixti latens occultæve proprietas , facultas quædam per ea , vnde ipſum eſſentialiter conſiſtit , inſita : perque priuatas operationes , multo vſu periculôſe ſolo , vel aliqua reuelatione , citra rationem cognita. Quoddæmum mixtionis ac conglutinationis meminumus , illud obiter lucidioris doctrinæ gratia his quoque connectere libet (forſitan enim tantæ diuerſitatis occaſionẽ ſeſciteris ac libenter audias) quoddam diſcrepantis mixturæ & coaptationis cauſam philoſophi ſunt arbitrati eſſe quandam cœleſtem ſubiectæ materiæ partes , varias licet pro ſua virtute permilcentem : adeoque vel vario huius permixtionis tenore , eam materiam ad nouam formam decenter appatentem , in quam tandem ad amuſſim diſpoſitam & exultantam mirificæ illæ trãſfunduntur virtutes , formas cōſequentes ſpecificas. Porro hac dicendi conſequutione eodẽ tandem deuenimus , vnde earum quæ in Gemmis ſunt proprietatum facultatumque reconditarum cauſæ , quas antè præſtruximus , nobis ſeſe vltro ac præter expectationem diligentius perſcrutandæ , ac in conſpectu reuocandæ , inſinuent. Celebris eſt itaque philoſophorum ſententia , quoddam omnis cauſarum turba ab vna eademque principe pendet , ducitur atque conſeruatur , ad quam & propter quam , cœu ad communem omnium finem , cauſæ omnes ſua munia tanquam comuni quodam & inſito conſenſu dirigunt : deinde & omnia fieri deſuper à ſummo hono , hoc eſt , Deo ipſo : eademque & optima & ordinatiſſima. Proinde non irent inſicias , Gemmas & earum virtutes à Domino Deo eſſe , eumque etiam ſolũ cunctorum cauſam dici poſſe veram , alias autem cauſas improprie & cœu per analogiam nominari non diſſiterentur. Veruntamen quamquam philoſophis illis cognitum id & optime perſpectum eſſet , nihilo tamen magis cōquieuit mira infatigabiliſque illorum au-
ditas

Quid mixti recondita proprietates.

Omnium cauſarum vnica princeps.

ditas discendi, & in suis operibus creatorem admirandi contemplandique desiderium. Quinimò iusto quodam celesti ardore vigoreque ad propinquiores rerum causas seu videlicet primæ illi ac veræ utcumque instrumentarias animorum suorum penè divinam atque perspicacissimam sublimitatem intenderunt. Hinc itaque, cum bono, mentem, hoc est, primam sapientiam, quam & boni verbum illorum quidam nominant, & cum mente, intellectum, totum verumque mundum (intelligibilem dico & sensibilem) statuere sibi opinati. Quum verò bonum ipsum, mentem & intellectum unum quid esse, ac unica simplicissimaque substantia persistere adstruunt, unicum esse rerum omnium & singularum principium profitentur, semper omnibus adstans, cuncta fouens, viuificans, excitans, compleus & roborans, de quo facer ille Orpheus ita cecinit:

Cuncta fouens atque ipso ferens super omnia sese.

Hinc & diuinus ipse Plato diuino Sole collustratus ita in Sophista ait: *Animalia cuncta mortalia plantasque & quacunque terra ex seminibus radicibusue nascuntur, & quacunque inanimata in terra consistunt, siue liquefieri possint, siue non, nunquid ab alio quodā opifice fabricata quàm à Deo facta esse, cum prius non fuissent, dicimus? An multorum doctrinam sermonesque sectabimur dicentium ista, natura ipsa gigni à causa quadam fortuita siue mēte hoc agente: vel cum ratione potius scientiaque diuina, que ab ipso Deo sit orta?* Nos eodem Christiana fide ac veritate edocti, primum hoc rerum omnium principium, singulari substantia, & tribus personis, conformi, simplicissimaque voluntate, unitate, maiestate æqualitate, ac omnipotentia comprehendimus & veneramur, Patremque vocamus, quem illi bonum simpliciter, Filium & verbum patris nos, mentem, primamque sapientiam, illi Spiritum quoque sanctum nos appellamus, quem illorum iuniores boni intellectum & amorem nuncupant, vel animam cuncta viuificantem & animantem alij. De quo Plotinus libro de intellectu cap. 2. ita inquit: *Quisnam est potissimum qui tradit animi sapientiam? hic profectò necessario est intellectus (inquam) qui non alias quidem intellectus sit, alias verò expertus intelligentia: sed vtrius potius intellectus, qui hanc ob causam seipso sit pulcher. Sed nunquid hoc velut primo, nobis est quiescendum, an potius super mentem quoque progrediendum? nempe mens ipsa nobis in altum progredientibus prior occurrit quàm principium omnium primum, quasi in ipsius boni vestibulo constituta, omnia in seipso nuncians & significans, velut quadam ipsius boni figura.* Deinde & eiusdem libri cap. 3. *Eadem quoque (inquit) transferens ad*

Egregia
de Deo
Plotini
sententia.

*uniusersum, in ea similiter peruenies ad intellectionem, cognoscens eum
 effectorem reuera totiusque artificem.* Haec Plotinus. Porro in
 intellectu mundum quendam intelligibilem haberi voluerunt,
 hoc est omnium rerum, idearum pleitudinem, sed & in men-
 te omnium iuxta & singularum creandarum, gignendarum ac
 producendarum, id est, futurarum rerum ideas, æterna simplici
 congeneraque substantia, solis relatiuis rationibus ab inuicem
 dispescitas, persistere, intellexerunt. Eademque ideas principes
 esse rerum omnium causas arbitrati sunt, ab eisque eeu quos-
 dam actus pendere & esse animas omnes intellectuales, intel-
 ligentias, corpora, ecclestia, & quicquid in inferiori hoc mun-
 do est vsquam. Proinde proximam creati mundi causam, item
 & cunctarum proprietatum, menti & intellectui, hoc est ver-
 bo Dei & Spiritui sancto detulerunt: quamquam ne ipsum qui-
 dem bonum ab hac creatione separarint, ut ex locis iamiam
 citatis & aliis non raris philosophorum autoritatibus patere
 liquidò potest: quemadmodum sacras etiam literas legere est
 Deo Patri per verbum & in Spiritu sancto, tanquam vni prin-
 cipio mundi creationem tribuere, *Qui fecisti* (inquit Sapientia)
omnia verbo tuo: & Psaltes, Verbo Domini caeli firmati sunt, & spi-
ritu oris eius omnis virtus eorum. Verum enimvero omnibus ex-
 ploratum velim, Ideas illas in mente diuina nihil esse ab ipsa
 Dei substantia & præscientia, id est, omnium præcognitione &
 voluntate æterna discretum. Quem, inquam, Deum certum est
 non tantum singulorum generum, verum etiam specierum ac
 indiuiduorum omnium exactissimam propriissimamque & con-
 stituere & ab æterno præscire, substantiam, compositionem,
 formam ac vires tum proprias tum communes, & si quid præ-
 terea illis insit. Ut & hinc accipias diuinas illas Ideas cuiusvis
 speciei ac indiuidui principes esse causas: non modò quod sine,
 verum etiam cuiusque earum potestatis tam communis quam
 propriæ. Cui & id mihi pulchrè arridere videtur quod pleris-
 que philosophis placere inuenio: nempe quod virtutibus cer-
 tis, id est, certam stabilemque rationem habentibus, non for-
 tuitis, sed efficacibus, potentibus, indeficientibus nihil frustra
 in vanumque ex sese mouentibus, moueantur vires in rerum
 omnium natura consistentes, sed de his in alio nostro opere
 fusius ac syncerius diis fauentibus disseremus. Potrò à mente
 ipsa & intellectu illorum plurimi volunt effusam creatamve
 animam vnam intellectualem, vniuerso orbi communem,
 quam idcirco mundi animam vocant. Eandemque sub mente
 illa mundi regina reetrice, toti mundo præesse, atque per
 eum, totum diffundi: ut scilicet tanquam primæ illæ causæ mi-
 nistrans,

Idex quid
 fiat.

Diuine
 Idex, id
 est, Deus
 ipse om-
 nium re-
 rum causa
 princeps.

De anima
 mundi se-
 cundum
 philoso-
 phos ple-
 rosque.

ministrans,

Spiritus
mundi
philoso-
phis.

Cuncta &
à Deo &
ad Deum
ex ordine
constituta
sunt.
* Sapien-
tissimum,
* Clemē-
tia pluri-
ma.

niltrans, cuncta per eam & sub eius imperio moueret, cogeret, foueret, moderaret, efficeret, primariæ illius causæ, Dei videlicet, ipsius præcepto parens obsecūdānsque. Quapropter & in animam illam mentem impressisse senserunt rerum omnium primarias principesque rationes seminales tantum ab Ideis diuinis nobilitate distitas, quantum ignobiliori subiecto ad obsequium infusæ hærent. Quas forsitan intellexerit quispiam rationem esse omnium producendarum rerum, ac mediorum, quibus Deus ipse eas producere ac proferre voluerit constitueritque cum facultate qua media illa promouere ipsa possit anima: si tamen similis quædam anima pro aliquo Christiano admitti debeat. Verum Philosophorum quorundam placita narramus, non approbamus. Illam præterea animam sentiunt per omnia in omnibus diffundi, & omnia menti obedientem, eique ministrantem promouere ac vegetare, vt & hinc non abs re dici possit instrumentum primum eorum quæ Deus ordinato communique euentu, hoc est, secundum naturam efficit: qua de re hanc animam à mente & intellectu primam vitam nuncuparunt. Cui quoque mentem, substantiam, ac rationem; intellectum verò vt esset intellectualis, impertiuisse in litteris fecerunt. Eam denique per omnia flatum spirare vitalem spiritaalemque prodiderunt, dum suo scilicet spiritu per omnia penetrans omnia videt, tangit sentitque, & id quidem modo quodam suo, nostris sensibus longè impari, incognito & multis nominibus discriminato, quo denique vnico flatu spiritali actu lucido, vi calido & omnis generationis fomite; ceu scilicet interioris vitæ quædam propagine, atque veriùs tanquā diuinæ virtutis vehiculo semper vbique pullulare animam illam vniuersalem mundi existimarunt: cum & forsitan intellexerunt sub Deo ipso, principium esse intrinsecum, quo formarum in materia rationes seminales ad sui scaturiginem promotionemque moueantur ac emergant. Sed hæc missa sînt. Discauo namque longiùs me fortassis euagatam vela ventis præmaturo cōcedere. Iam itaque quæ diximus paucis perstringentes addamus, Deum Opt. * Max. * Omnipotentem, summum denique bonum, ac liberalissima sua bonitate; rebus cunctis pro sola sua voluntate, harmoniam, concentum ordinemque, & à se & ad sese præstituisse: quem stabilem ac inconcussum catenus esse vult, quatenus aliter non disponere deceuit. Harmonico præterea illo consensu, sibi omnium creatori ministrare voluit: primum quidem (quod ad hunc materialem inferioremque mundum spectat,) secundum philosophos illos, ipsam mundi animam ac eius spiritum: deinde cœ-
lum

lum ipsum extensum orbibus, figuris, astris maximis, planetis, stellis & luminibus consistens. Illam itaque animam, hoc quoque cælum, principij causæque sub cælo formatarum generatarumque rerum & transfusarum proprietatum rationem quandam iniisse ideo philosophi illi putarunt, quòd ad mundi dispensationem, tametsi non ex necessitate, vberissima tamen Dei bonitate, quadantenus admittuntur. Quod & Avicenna ipse in suis Metaphysicis sensisse videtur: *Quaecumque stellarum & orbium. Ab iis enim ipsa etiam elementa, nonnunquam & artes quadam, similiter & res artificiosa accidentalium saltem vel externa causa quadam sibi denominationem vendicant.* Placet itaque philosophis illis formam & ex ea vim occultam omnis mixtis esse, primum quidem ab Ideis illis diuinis, id est, à Deo ipso omnium creatore & plasmatore, ministrantibus ei anima mundi (si Platonice consentimus adferimusve,) deinde & ipsis orbibus cœlicisque corporibus, planetis, syderibus, figuris, luminibus, & si quid præterea cælo extenso simili rationis insit: post hæc & elementorum temperaturis cœlicis influxibus affectis, causis inquâ præparantibus, & materiam ad nouam formam coaptantibus. Habent itaque (iuxta philosophorum illorum sensum) virtutes illæ reconditæ suam originē ab expressis specificis determinatisque formis, à cælo tamen materiali per vires præparatorias, in archetypo per Ideas ac formas exemplares. quæ omnes causæ ad cuiusvis rei generationem absolutam (quod ad communem ordinatamque Dei constitutionem pertinet) conuenire illis videntur. Vnde tandem id esse verum commonstretur, quòd iamiam dicebamus, quod Deus scilicet rebus omnibus pro libera sua voluntate, altissima ac præstabilissima bonitate, harmoniam, concentum & ordinem à se & ad sese quandam instituit, indeque rerum omnium cum prima causa, Deo ipso, sympathia, connexio, correspondentia consensuue. Diuinum de singulis decretum natura sequens, non inepte statuatur: hoc est, vt omnes vires creaturis rebusque artificiosis insitas, à Deo ipso (qui omnium est actus primus, & actionis omnis principium creaturis impermiscibile) ministrantibus eis iam dictis causis, quæ ideo secundæ vocantur, pendere ac esse intelligas. Quo tamen pro libera & omnipotenti sua voluntate (omissis quâdoque iis quorum meminimus mediis ac ministris) immediatè ex seipso ea facit, quæ vult, quibus quoque miraculis nomen est. Cæterùm ex his luce meridiana clarius parere mihi persuasi, diuersos in rebus effectus pendere non solum à materiæ varia alteratione seu præparatione,

Proprietatum occultarum causæ vnde sint.

Effectuum varietas est partim ex materiæ præparatione, partim à cælo.

tione, sed à diuerso cœli afflatu, maximè autem à discriminatis formis: discrimine, inquam, non solum speciem consequente, sed & cuius individuo proprio, tamen materiæ apparatus rebus gignendis ac perficiendis ac non obscuri esse momenti certum sit. Qua ratione videre est individua eiusdem etiam speciei, alia aliis etiam esse clariora, vel viribus ignobiliora pro videlicet symmetria, puritate vel confusione eorum substantiæ. Nemini namque rerum naturalium gnato dubium esse suspicor, exliccos influxus impediri posse vel omnino minui propter ineptitudinem materialium, in quas suas excrescerent potentias. Cui & illud subseribit Virgilianum:

*Ignæus est ollis vigor & cœlestis origo,
Seminibus quantum non noxia corpora tardant.*

Democri-
ti egregia
sententia.

Cui etiam pulchrè & id Platonium astipulatur, secundum merita materiæ infunduntur vires cœlestes Proinde ex cunctis his diuiniorebus meditatis, multis nominibus elaret Democriti illius extollenda multum sententia, qua diis, id est, diuinis virtutibus omnia esse plena, constanter asseuerabat. Is quidem cœlestium vires cum inferioris huius mundi generum, specierum ac individuorum nataris ac proprietatibus conferens, sed & eorum cum superioribus, maximè verò cum bono ipso connexionem perpendens, à summo ipso bono singula & esse, & propriorum munitiorum exerceandorum potestatem adipisci doctus, in iis ipsis Dei vires adeoque Deum ipsum clarere cernebat. Quas virtutes nonnulli diuinas illices vel idcirco appellarunt, quod contemplantium animos ad Deum alliciant, tum insignem opificem, vel quod potentiæ illæ diuinæ omnem in omnibus promoueant functionem, quod & Ouid. præsensisse videtur hoc carmine.

*Est Deus in nobis agitante calescimus illo,
Imperius hic sacra semina mentis habet.*

Porro, nescio quo tandem suggerente Mercurio, à proposito scopo dilapsus quodammodo forsitan videbor: præstat itaque eò recurrere vnde discessi. Inchoaram tamen iam dudum hanc disputationem in medium communèque theatrum adducam prius libet absoluerè. Quædam enim digitulo tantum tetigimus, quæ dilucidiori enodatione egere fortassis videbuntur, quam sic accipiat velim. Vulgata multum est Aristotelis sententia quod necesse sit mundum hunc contiguum esse superiori

perioribus lationibus, hoc est cælo extenso, ut inde vis omnis illius gubernetur, ut & hinc plurimis creditum conspiciā quòd cælum omnium gignendorum sit causa effectiua. Quapropter ut pro philosophorum celeberrimorū tanrum non diuinis medietatis rem hanc omnem explicemus, operæ pretium facturus videbor, si his quoque adiciam duplex philosophis sublimioribus esse cælum, primum videlicet & princeps, cælum cælorum, quod & spirituale à quibusdam nuncupatur: idemque illis esse intelligitur atque anima illa mundi, quæ ascita sibi quadam simplici plurimum, sed congenea consentaneave substantia, spiritus euadit per omnia diffusibilis, omniū post Deum ipsum & ab eo functionum primum ministerium. Neque desunt qui syncerius existimant cælum illud esse in mente diuina ceu omnium rerum prototypum: quanquam & intelligentias quasdam esse creatas cælo extenso mouendo atque dirigendo non inficiuntur. Quod & diuus ille Augustinus sentire viderur super Genesim, dicens, quòd Deus sic mundum ordinauit, ut spiritum omni creaturæ præficeret.

Cælum duplex.

Cui etiam subscribere videtur Bonauentura lib. 2. Sent. distinct. 141. Art. 3. his verbis: *Sicut congruum est Angelos deputari ad ministerium hominum, sic etiam congruum est ipsos deputari ad motum & regimē calorum, cum in hoc ministrent homini viatori, & diuina subserviant maiestati. Et hac positio est magistrorum tam in theologia quàm in philosophia: quia concors pietati & fidei rationi plurimum esse videtur.* Hæc ille. Alterū cælum velur prioris umbram quandam & instrumentum statuunt, & in eo sphaeras situ disponi pro earū excellentia, naturis & viribus senserunt. Quas omnes & vicissim singulas ad primam communemque mundi illam animam, verius autem ad spiritualem illam intelligentiam, & hinc ad Deum ipsum, ineffabili quodam ac obsequentiissimo consensu conspirare sunt arbitrati. Item signa, planetas, sydera, & quicquid præterea in cælo hoc extenso constitutum est, uti superioribus seruire, ita inferioribus & submissis potentias suas transfundere, ut & hinc sub terta quadam quasi cælica gigni cernere sit: dum videlicet corpora illa cælestia propriis lumine radiis ac viribus, id est, affatibus, materiam formarum audissimam dispumant contemperantque, in ea seminariam introducendæ formæ rationem ad sui propagationem extimulant, atque ad formæ susceptionem plasmati ritè præparant. Sicuti namque hæc illa, virtute præcellunt, nobilitate ac situ: ita & in inferiora vires suas, ipsa transfundere superiora præstabiliórque vniuersi ordo poscere videtur, & benignitas creatoris voluisse perspicitur. Nimirum ut qua ra-

Cælum alterum.

R r

tione

tione est mouens aliquod non mobile, similiter & alterans fit quoddam non alterabile, iisdem dico qualitatibus. Neque enim quoddam varios afflant influxus, est (ut plerique putarunt) quod qualitatis diuersæ participes sint, sed quoddam illa viribus à creatore donata sint multiugis. Cum namque instituta sint incorruptibilia illa cœlestia ut vigerent, regant & sub creatore tueantur, adferantque infima hæc multimodæ transmutationi obnoxia, æquum fuit ut multiformes eis impartirentur virtutes, quibus scilicet iuuent extimulentque subiectæ naturæ vim: non profectò ut sibi simile quicquam producant, sed ut Deo pareant atque subministrent. Quod reuera præstare cœlica corpora Philosophi putarunt cum vi luminis, tum virtutibus propriis speciem totam consequentibus, per radios lumenque in inferiora hæc demissis. Dum scilicet cœlicorum corporum radii ad terram (quæ seu punctum ac centrum ad cœli ambitum & capacitatem existimatur) transmissi assumpta etiamnum forsitan quadam tenuiori & sibi cōsentanea elementorum, per quæ penetrant, substantia, arctantur: proindeque densiores effecti & potentiores, materiam ritè & ad portionem æquant coaptantque, & præinfusa in eam seminales rationes ad actum inuitant, donec ad formam tandem materia illa ad amissim, hoc est, pro diuinæ ideæ ratione disponatur, ut & hinc non paucis sensuabilibus philosophis (viri præscriptimus) visum sit atque receptum cœlam illud extensum cœlestiorum quæ hoc in inferiori mundo generantur, causam esse effectricem: quod tam rationi profectò alienum est, quàm si instrumentum, non autem artificis intelligentiam, operis alicuius formam artificialem efficere putarent. Quamobrem ut cœlica illa corpora ministratoriarum, vel si maius instrumentariarum causæ speciem quandam à Deo iniisse eorum quæ stata naturæ consuetudine producuntur, primoribus illis & ferè diuinis Philosophis iudicentur, nunquam tamen veræ, hoc est, creatricis aut plasmaticis causæ rationem illis concesserint.

Cæterùm pro Christiana nostra veraque philosophia hoc loci non pigebit subnectere verba diui illius Augustini, summi profectò & diuini philosophi & Doctoris nomen meriti, quibus Deum formatum omnium specificatum & proprietatum singularum autorem esse & causam veram principemque pro palam testatur. *Inuisibiliū (inquit) seminum creator, ipse creator est omnium rerum, quoniam quacunque nascendo ad oculos nostros exeunt ex occultis seminibus accipiunt progrediendi primordia, & incrementa debita magnitudinis, distinctionemque formarū ab originalibus tāquā regulā sumūt.* Et mox subdit: itaque Apostolus Paulus discer-

nens interitus Deum creantem atque formantē, ab operibus creatura qua admoventur extrinsecus, & de agricultura similitudinē assumens ait: Ego plantavi, Apollo rigavit, sed Deus incrementū dedit.

Hactenus Augustinus. Atqui pro huius capituli suprema manu subnectendū duximus, quod proprietatis effectus bifariā discriminatur: aut namque utilis est, aut nocuus. Utilis censetur quo homini quidpiam inuitatur adfertur ve emolumentum, ut (verbi gratia) eius functiones aut vites conservet, vegetet, robotet, reparet, absoluat, & ab internecione vindicet. Vel etiam ad meliorem facilioremque vitam quicquam adferat utilitatis. Nocuus autem huic ex diametro contrariis iudicatur. Deinde utilis inutilisve dicitur proprietas vel toti corpori, vel priuatim cuidam parti. Toti siquidem corpori venenato, singulis item sigillatim eius particulis, theriaca ex usu est, speciatim verò Hyacinthus, Granatus, Margaritæ, Aurum, cor sedesque virtutum. Corallium autē & Achates stomachum & ventrem solantur, & à noxiis causis asserunt. Simili modo Napelli vis deleteria toti iuxta ac singulis quibusque partibus inimica cognoscitur. Cæterum proprietatum quæ ab aduersis defendunt, quædam hoc moliantur noxium, ad se primum quidem conuellendo, deinde immutando. Qua ratione Amerhythus umbilico admotus vini vaporem cum primis allicit, & Scammonium bilem reuellit. Alia verò quod flagitiosum est deturbant, ac tandem propellunt, veluti iam dictæ theriacæ cum aliis medicamentis aduersus venena valentissimis contingit. quod & Smaragdo, lapidi Cyaneo & aliis nonnullis familiare esse perpetuo euentu conspicitur. Alia denique præsentē esse vel imminere causam aduersam certo indicio commonstrant, uti Electro atque Adamanti coram toxico madere contingit & Torcois vel findi vel omnino ruinam aut maculam quandā efferre dicitur appetente periculo. Eorū rursus quæ viribus oculis nituntur, quædam ad actionē corporis extimulatione egent, quemadmodum pleraque pharmaca in actum (ut physicis vulgatum sermonem vsurpemus) reduci necessum est, priusquam ad opus proprium emergant. Alia verò citra omnem à corpore immutationem propria munia exercent, quibus exercendis sola debita applicatione opus est, quod scilicet vires suas actu, vel habitu saltem solam accidentalem potentiam constituyente nacta sunt: ideoque sola egent convenienti ad obiectum admotione. Væque impediens nullum adsit. Qua de causa Corallium etiamsi stomacho diutius adhæreat, nihil à corpore detrimenti admittit: pariter nec Sapphirus anthracem sanando vires vel tantillo perdit, quanquam & id ei quidam falsò adscribant.

Proprietatis utilis effectus.

De ratione & causis virium in Gemmis.

CAP V T III.

Cognitionem certè non obscuram ea quæ huic capiti inferenda sunt, cum iis quæ nouissimè disseruimus, habere videntur, vtriusque enim capitis idem ferè obiectum, eadem penè ratio, idem propemodum argumentum, vt & hic quoque bonæ eorum quæ præstroximus partem abiectam intelligi velim: quam & adiectionem profectò nisi proximitatis nimix *περιτολογίας*, id est, repetitionis accersi metus fuisset. Institutum itaque adgressi dicimus præclaras multum in Gemmis excellentes virtutes. Idcircoque & in magna illas antiquitus fuisse maiestare tam conspicuum est, vt eum nihilo consultius facturum existimè, qui illarum dignitatem multis encomiis commendare niteretur, quàm qui Solis lumè leuicula quopià fulgore clarius efficere, aut luxuriantibus aliquot (longè tamè imparibus) pictorum more coloribus illud assequi conetur. Sed enim tantarum virtutum tamque verè stupendorū minorum causas persequi non omnibus ex æquo facile fuerit. Quæ de re, paucis libet de illarū potentiarum ratione quædam recensere, non floccipendenda fuerunt enim qui Gēmas viuere, & à sua anima speciales adeoque ferè diuinas functiones exercere crediderunt, quorum iudiciū receptū hactenus non est. Aliter Alexander ille Græcus sensit, namque quod illarum proprietates elementis vnde constituuntur referuntur accepit, nimirum quoddam hæc in mixta edant opera quàm extra ipsam, in quo qualitatem elementalem, id est, innatum temperamentum, tanquam instrumentū ad opus moueri rarus est. Cuius sententia, etiam si plerisque placeat, multis tamen non mediocribus philosophis vel idcirco absurditatis expostulatur, quod instrumentariæ tantum causæ recordatis, effectricem, quæ princeps est, prætermisisse videri potest, quæ peruestigare præsentis est negotij. Hermes autem illi Trismegistus Cælum Gemmis occultas proprietates transfundere perhibet, è quo gignendorum seu producendorum omnium facultates tam singulares, quam vulgares in hæc inferiora transmitti non dubitauit asseuerare, duplici (vt inquit) modo. Aut videlicet nobiliter & ex amissi, quoties materia in quam cælum vim suam exercet, eius orbis ac luminis quandam speciem seu cognitionem refert, ad quam scilicet quo propius accesserit gignendus lapillus, in hunc felicius ac abundantiùs pro-

Alexandri
Græci
opinio.

Hermetis
de Gem-
marum
viribus
sensus.

pter materiæ, symmetriam, connexiorem, atque consensum, cælum fuisse operatum intelligatur. Sed & ideo multa admiratione dignas Gemmis esse proprietates inditas asserit, quòd lumine & perspicuitate cælo quadantenus parentiores demonstratæ, eius actionem perfectiùs admiserunt conceperuntque. Vnde scilicet tandem hominis spiritus effecti specificis pateant Gématum proprietatibus, qua ratione Topazium, Carliculū, Adamantem, occultis gratiarum proprietatibus præditas esse cōfirmant viri non pauci nec incelebres, ut non deuotatis tantū, sed & etiā gestatis suas exetere liceat cælicas potèntias, primum quidem in hominis spiritus, demū in humores & solidiores eius partes, quibus à peste ac venenis defendatur. Sed enim à cælo hoc ipsum, quicquid recondita vi possunt, Gemmas accepisse, vel hoc argumento cōfirmant, quòd magnos parua mole mirificosque promant effectus. Nulli namque elemento concessum volunt paruo corpore plurimum subito præstare, uti nec igne pusillum magnam vnico impetu lignorum cōgèriem urere, vel aquæ paucillum terræ plurimum perfundere. Quæ verò cælica vi nituntur, ex haud multa materia (seu scilicet viam eam in non magnoperè reluctantiâ obiecta, facili opera, diffundant) admiratione etiamnum dignas suas functiones absoluunt. Nimirum quòd cōtrariis aduersantibusve causis nõ agunt & à validissima cælesti potentia in actionem extimulantur. Quo modo (ut physiologis quibusdā non vulgaribus placeat) Corallium, Carchedonius, Chrysolichusque Gemmæ, ab Ioue præsertim ac Venere id sunt adeptæ virtutis quo ab atræ bilis melancholiæve symptomatis vel ferentem adferere valeant. Deinde & Mercurio Achaten sacram perhibent, idèoque & facundiam inuitate, & homini contra venena amuletum esse testantur. Aduersus quæ etiam è Creta collectam distantium à Phœbo (qui Pythonem transfixisse fingitur) id est, à Sole omnis vitæ & propaginis fomire muruaram esse profitentur facultatem. Sed & herba Pentaphyllon cælica vi palam prædita creditur non venenatis modo auxiliari potens, sed vnico folio diariam febrem si bis in dies singulos sumatur: ternis, tertio quoque recurrentem: quatuor autem foliis quartanam febrem pellere atque conficere posse laudata. Nec iniuria profectò, cū nempe febres hæ variis pugnent tum naturis tum intemperantiis, haud facile fuerit (si me non omnia fallant) explicare quâ ob causam naturalem, vnico simplicissimòque hoc remedio, Pentaphyllo scilicet, tā dissimilis rationis effectus abigi queat, si non virtutem hanc cælum ipsum illi impendisse causeris. Quid præterea Phœbo sacre Pæoniæ, à comitali morbo vel

Remedia
in febribus,

portantem vindicare posse præter cælum, concesserit naturalis sensualisque philosophus? Neque enim pauca reperias medicamenta quæ similis caliditatis, siccitatis ac modicæ adstrictionis conformes promant qualitates, quatum ratione tamen germanas edant operationes manifestas, aduersus tamen illum affectû tam præstabilia esse minimè experiaris. Sed hæc quorsum? nempe vt mirum non sit, quodd philosophi illi arbitrati sint, cælum Gemmis occultas profundere potentias: cùm præsertim similes potestates in obscurioris substantiæ herbas palam sit illud insinuare creditum. Quid præterea? Nonne à veteribus obseruatum est quarundam arborum, Oleæ inquam, Populi albæ, & Salicis folia solstitiali tempore conuerti: fieri etiam vt ipso brumali die frondes quædam reuirescant? Vt & hæc Marcus Varro stupenda discrimina nominarit, quibus videlicet anni tempus discernatur, & ex foliorum versura solstitium, ex recens autem erumpente quarundam herbarum virore brumalis dies internoscatur. Quæ ne iustè quis miteretur, non pigebit & hîc quoque contexere quæ M. Cicero ex Stoicorum placitis refert. *Probatum est (inquit) à Stoico in ipsa bruma musculorum iecuscula augeri, pulegium aridum florere brumali die, item inflatas rumpi vesiculas, & semina malorû quæ in iis mediis inclusa sunt, in contrarias partes se vertere. Osireis & cõchiliu contingere vt cum Luna pariter crescās & decrescant.* Vnde manifestum esse putō (vti etiam præstruximus) quod & philosophis diligenter probatum receptumque inuenio, quodd rebus supernis vis quædam infra est vehemens, quæ maxima ex parte cum inferioribus conuenit: indèque sympathya quædam & ceu consensus emergit, quo animantium motus tacitèque concentus cœlicis corporibus (in rebus quæ stata natura fiunt) concordare videntur. Quo nomine hæc quoque inferiora cœlicis suis numinibus adscripta reperio, Apollini namque Aries, Leo, Gallus, Cræcodilus, Cantharus, à Chæremone Porphyrioque tribuuntur. Ex arboribus verò Palma, Lotus, Laurus Soli feruntur acceptæ. Nimirum quodd coram intuearis. Loti folia prius quàm Sol emergat contrahi, & eo exorto sensim explicari. Mitto quæ de Heliotropio, & aliis non raris herbis, vt literis proditum est, ita re ipsa quiuis non negligens explorator proprio obutu cernere potest.

Lotus hæc herba Nili est, non arbor.

Porro de lapidibus multa, nec tamen dissimilia à Philosophis Egyptiis ac Magis perhibentur, qui quosdam lapillos cyderum imagines planè representare adstruunt, quos & ided ab iis virtutes in sese concepisse crediderunt, & experimento comprobasse testati sunt. Quid namque philosopho naturali mirû exi-

Simare

stimare similitudinem Gemmarumque cum cœlo cognationem maiorem, efficere ut eius viribus obnoxius pareant, arque hinc valentiores emergant, cum maximè similitudo & extimulata tandem germanitas materiei aptam præparationem, & cœlo obnoxium consensum non obscurè subindiget. A cunctis siquidem physiologis receptum est quod agenrium actus sunt in patiente disposito (libet enim eorum vulgatam multum sententiam ad verbum referre) quodque singulæ similitudines sese nativo quodam affectu appetunt. Verùm ne hæc quidem absurdà iudicauerit, qui monumentorum magicorū astrologicorumque non inuitus meminerit, hi quippe in rebus similitudinem non mediocre ad effectus naturales habere robur certa veluti hypothefi statuere. Sed ut magica omittamus, quibus vel solo nomine multi terretur, astrologicum aliquod adferemus exemplum. Inter omnes astorum peritiores conuenit (quibus etiam Medicorum non vulgariū bona pars facto periculo subscribit) Leonis imaginem aduersus calculum amuletum esse : si tamen statò tempore, hoc est, Sole Leonis primum gradum occupante in auro sculpta, à collo portetur. Cuius rationem nemo, crediderim, aliam facilè attulerit saltem naturalem, quàm consensum appetitumque quendam rerum cœlestium cum congenæ figuratione, in conuenienti materia à ista saltem harmonia mutuatum procuratūque. Propter què virtus illa cœli, quæ constituto illius configurationis tempore pollebat, à iam dicta, parilitate, & materiæ, id est, auri, ad mensuram præparatione, in aurum iam dicta imagine figuratū allicitur, transfunditur, commear : quæ proximum, gestantis scilicet, corpus sua vi afficit, quæ à calculo ipsum tueantur. Veruntamen nolim intelligas, philosophos illos, vel etiā me sentire virtutem hæc esse imagini, sed auro tali effigie figurato & efformato transfusam, ut scilicet subaudias illos existimare quòd præparatio, quæ per sculpruram dictæ imagini fabricandæ necessariam, aurum cœlicis radiis & influxibus concipiendis abundè disponitur, efficit ut materia hæc patentior reddatur cœlicis affatibus admittendis, & (ut ait M. Virruius lib. 1. de Architect. cap. 6.) de latentibus cœli rationibus, artificiosis rerū inuentionibus, diuinitatis exprimere veritatem rerum peritus vix posse credatur, de quibus fufius supra differuimus. Sed enim ne philosophorum illorum placita absurdiora putes, quàm ut humanam apparentemque saltem aliquam non habeant rationem. Maximè autem quo feliciora, sublimioraque ingenia oblectemus (non vero quod ira esse statuamus) annotanda in primis & hic nobis videtur Platonis illius celeberrimi,

re, vnde rationis eius seminalis virtus ad opus, pridem à creatore infeminatum exsuscitetur. Præstat Chimericam illam animam, Christianis incognitam, philosophis in hanc persuasionem ductis relinquere, & attendere iis quæ ratio diuinis oraculis subnixa suader, & quotidiana naturæ consuetudo commonstrat. Naturam autem sic operari videmus, vt cæli lumen non desit, & rationum seminalium elementis, id est, in ipsa materia, latentium per id exciterur fecunditas. Quemadmodum quippe prudens agricola terram sementemque, sic sua arte ac diligentia præparat quod speciem rei cuius in semine rudimentum aliquod à natura delitescere scit, cælum omnibus numeris feliciter absoluat: ita & solertissimam prouidissimamque naturam, vel hominem artificiosum aurum lapillumve sic aptare posse putant, vt quæ in iis per creationem cœpta est virtus, vel insita, per naturam, vel artem eius quam proximè æmulam, ad perfectionem tandem extimuletur. Proindèque nulli iam mirum sit, quod philosophi illi senserunt, cælum & artem sese inuicem non rarò iuuare cœlicis concipiendis viribus, & materiis decenter apparandis, cœlestium motiones & situs obseruare docuerint, vel ideo saltem, quod hæc ad materiam pertineant, aliter vel aliter aptandâ. Nempe quod elemēta pro illorū motu, positione, propinquitate aut distantia qualitates euariant, quas non pauci rerum naturalium proximas effectricēque causas existimant, vel saltem in hoc superioribus ministrare quod pro eorum mixtura & temperamento formam quamdam edant quæ ad specificam quamplurimum disponat. Vt & id sit euident quod superiore capite prætexuimus, Deum ordinem quemdam constituisse omnium rerum, & à se ad se. Quem Deū credi nō abs re potest, supra ea quæ ab vniuersali rerum naturalium confluxu quæque species & quoduis indiuiduum recepit, proprietatē quamdam humano captui, non ratione, sed solo experimento peruiam, ad hominis vsum, liberalissima sua pietate infudisse atque impartiuisse. Vt & vtilitatem inde homo capesseret, & tanti tamque reconditi operis admiratione illectus, ad Dei & Domini sui omnium creatoris contemplationem amoremque raperetur conuolaretque. Hic namque ordo vniuersi, & hæc rerum proprietatumque admiranda varietas, dum ab intellectu diligentius auidiusque introspicitur, illuminatis tandem mentis oculis, principium suum, quod est bonum ipsum, id est, Deum, refert, incomprehensam sublimitatem, ac maiestatem simplicissimam, sapientissimam, potentissimam, benignissimamque virtutem atque bonitatem esse. Sed institutum

Cur proprietates occultæ rebus à Deo inditæ sunt.

tandem absoluamus, forsitan enim longius palati discessimus. Itaque tametsi Trismegistus ille non absurdè videri possit sensisse, quòd cœlum lapillis vires abditas impertiatur, proximæ tamen earum causæ non meminit, quam inter Philosophos conuenit in materia consistere, & inde suas promere functiones. Qua ratione pater, cœlum ipsum materiale, ac extensum non esse principem proximamque, vel si mauis, coniunctam causam earum, quæ in Gemmis latent potentiarum. Quamobrem cum superius ostenderimus, reconditarum virium causas à nulla fieri complexionali qualitate: sed nec ab aliquo elemento, aut forma elementorum temperiem primariè atque essentialiter consequente, voluit Albertus ille Magnus cum numerosa non mediocri literaturæ ac iudicij virorum turba, quòd species, seu substantialis Gemmarum forma sit delitescens, quæ ex iis experimur, facultatum causa effectrix, atque immediata. Quamquam nec illi fortè negarint substantiali illi formæ vim aliquam adiacere celestem, quæ vel seipsa, nonnunquam autem Gemmarum adiuta temperaturis elementaribus præcipuè illi causæ suffragetur. His autem non de nihilo subtexendam videtur, quòd quæ gemmæ natura purissimæ nascuntur, & ab omni sordè defecaræ, nullum artis præparationem ambiunt, nisi vt ritè corpori admoventur & nihil obstat. Quæ verò terra aut crusta obductæ, pretiosum intro condunt thesaurum & gratam pulchritudinem, mangonum officio, abiecta crusta, & virtutibus & illecebris diffundendis idoneæ redduntur. Neque etiam tibi persuasum velim Gemmas æqualiter suis functionibus corpora quæuis etiam humana efficere. Quandoquidem pro corporum cum cœlicis orbibus & afflatibus, vnde vim lapilli mutuati sunt non modicam, maiori vel minori consensu, aut eorum corporum conueniente, vel aduersante temperamento & innata proprietate, efficacius, aut segnius Gemmas operari contingit.

Alberti
Magni de
propri-
etatum es-
sentiali
causa sen-
sus.

Non in
quæuis
corpora
Gemmas
æqualiter
operari.

DE GEMMIS XIII. QVARVM

D. Ioannes in Apocalysi meminist.

LIBER SECVNDVS.

A R G V M E N T V M.

I A C T I S instituti nostri fundamentis, ab ipso secundi huius libri limine prætexendum videtur, quòd D. ille Ioannes Apostolus *Apocalypses*, id est, Reuelationis libri cap. penult. dum ciuitatis sanctæ Hierusalem de cælo descendens, ac Dei claritate illustris structuram describeret, tredecim Gemmarum non sine magno sacramento (quod ne in aliena messe metamus, in præsentiarum prætermittimus) commemorat. Quas non pigebit, ex ordine eo loci seruato, hæc quoque recensere. Neque enim video qua meliori ratione Dominus omnium Deus nobis monstrauerit, diuinas quasdam Gemmis inesse naturas & proprietates, quàm iis ipsis cæli muros, hoc est, eius virtutes, vel (si mauis) Christi Iesu cum duodecim eius Apostolis, Ecclesiæ videlicet capitis & columnarum amplitudinem, maiestatem, cumulatam denique nobilitatem & inuincibilem virtutem per Gemmas designando. Sunt itaque omnes hæ: Iaspis, Sapphirus, Carchedonius, Smaragdus, Sardonyx, Sardius, Chrysolithus, Berillus, Topazius, Chrysoprasus, Hyacinthus, Amethystus: nouissimas verò fecit Margaritas. De singulis autem his hoc libro primum ex ordine differere consilij est.

De Iaspidis speciebus & viribus.

C A P V T I.

I Aspides plura ab auctoribus enumerantur fastigia. Ea tamen quæ apud Indos nata Grammatias, aliis Polygrammos vocata est; quæque virens, Smaragdo quadantenus similis pellucet (ut & hinc sola substantiæ crassitie ab hoc desciscere ferè videri possit) supremam obtinuit maiestatem. Ab hac verò diuersa multum Cypria visitur, colore glauco, substantia pingui, Gallis Iaspis alba dicta. Persica æri similis, Ærizusa nominata, conspicitur. Thermadoutiaca autem Iaspis, cærulearum optima est. Cappadox ex purpureo cæruleum refert in materia opaca, ideoque non fulget Phrygia ruboris nonnihil.

nihil admisit, Thraica Indicæ æmula, Chalcidica turbulenta ac variæ multum substantiæ, omnium minimè iucunda. Guntharum vulgò præstantissima est, quæ purpuræ quippiam complectitur. Secundum habet locum quæ roseum quiddam nata est. Tertiam obtinet dignitatem, quæ Smaragdum: quartam, quæ Autumnale maturinum serenumque cælum imitatur. Est & quædam Iaspiachates seu Iaspidem & Achaten quoque complexa, vires utrarumque perstringere credita. Sunt & aliæ (auctore Vincentio) peregrinæ Iaspidis species ex Thetel enumeratæ. *Nam inuenitur (ait) in Iaspide scutam habens in collo, & cuspidem in manu, & sub pedibus serpentem, qui habeat contra omnes inimicos virtutem. Item & alius in quo sit homo habens fasciculum herba in collo, cuius virum sit omnes discernendi morbos ac sanguinem restringendi: quem Galenum in digito gestasse referunt. Deinde & cruce signatū viridē reperire est, ne quis submergatur, efficacem.* Hactenus ille. Hic itaque ferè indigitauimus optimam principemque Iaspidem, virentem illam & Indam, quæ (quod præ cæteris amuletum esse credatur) Polygrammos nuncupata existimatur, quæ tamen celeberrima asseritur, si ex viridi purpureum quiddam complexa, alba præcingatur linea. Vncius undecim magnam vidisse Plinius testatur, indeque arte conscriptam Neronis thoracatam effigiem. Porro quod ad viros attinet, omnes pro singulari aduersus perniciosissima quæque venena amuleto toto Oriente deferri, idem Plinius in scriptis reliquit. Verumenimvero eam quæ Grammatias dicitur, alba insignem linea præferunt, quæ si geminata candidam efferat crucem, à nonnullis firmiter prædicatur ferentem adeo contra aquæ iniurias adserere, ut & hunc à submersione vindicare, Gal. medicinæ vsui illas esse confirmat, quod suo adhæsu stomachum firment, quem ventriculi os esse idem auctor dixit, illiusque rei se periculum fecisse profiteatur, torque videlicet ex Iaspide à collo ita suspensio ut stomacho è directo responderet. Affirmatque sibi coram exploratum esse sculpturæ expertes nihilominus prodesse, quàm si dracone radiato figuratæ fuissent: quales Nehepsus rex insculpi instituit, ut idem Gal. refert. Adde quod Iaspis mulieribus menses cohibet, drachmæ pondere deuoratus sanguinem sudoremque compescit, hydropem & febres arceat, oculorum aciem suo vitore reficit, Venereorū petulantem appetentiam retundit: partum proprietate quadam occultiori moderari creditur. Sunt qui ab aduersis casibus gestantem liberare, phantasma pellere, conceptioni aduersari, & oculos ab omni sorde purgare Iaspidem dicant.

Thetel.

Iaspis quæ
optima.Iaspidis
vires.

De Sapphiro.

CAP II.

IOui Phœboque antiquitus sacram sapphirum in duo par-
 tiuntur præcipua discrimina. Sunt namque quæ Orientales
 seu Indæ, sunt & quæ Podiæ, à loco scilicet suæ generatio-
 nis, appellantur. Inuenio quoque illam & Syrtitem, ab inuen-
 tionis loco vocari. Quamquam non eam putauerim esse,
 cuius Plinius meminit libro 37. hist. natural. cap. 10 his verbis:
Syrtita (inquit) *in littore Syrtium, iam quide & in Lucania inue-*
niuntur, è melleo colore resurgentes, intus autem stellæ con'inent lan-
guidas. Tamen si namque nomine & originis loco convenire
 videantur, color tamen huius Syrtitis, è melleo croco resul-
 gens, manifestius reclamationem quam ut à quoquam suspicari de-
 ceat hanc Syrtitem esse sapphirum. Sapphiri namque cœlesti
 colore conspicui sunt. Porro earum quæ apud Medos repe-
 riuntur, supremam sibi maiestatem vendicant, quæ serenissi-
 mi vetricque cœli colorem efferentes, cæruleæ conspiciuntur,
 & cœta transfusas nubeculas (immixta etiamnum leui quadam
 purpura) repræsentant: ut videlicet sulphuris primum accensi
 colorem referant, aureis insuper punctis colluceant scintillæ. Ten-
 que, ita tamen ut visus aciem materiæ crassitie retundant, ut &
 admotarum rerum imaginem speculi instar minimè reddant.
 Sunt itaque hæ optimæ sapphiri. Multæ tamen aliæ visuntur
 quæ quo magis ab his vel substantia vel colore desciverint, eo
 viliores celesbuntur. Inter quas itaquam subcandicantes quas-
 dam nubeculas ostentant, præferuntur, ut ab optimis primum
 sibi locum occupauerint. Supremam olim Sapphirum aucto-
 ritatem habuisse, ut apud duos gratiam ipsa perhibet anti-
 quitas. Tam quippe Diis, Phœbo maximè gratam hanc Gem-
 mam causantur, ut tum præcipuè sua huic sacra placuisse cre-
 ditum sit, cum inter hæc Sapphirum (tamquam videlicet con-
 cordiæ signaculum) etiam si non citra fastum superstitionem-
 que, ostentarent. Qua de causa Pontificibus in primis, deinde
 etiam regibus, summis denique viris, præ cæteris dignam; ob
 propemodum diuinas illius facultates philosophi iudicant.
 Venercos compefcere affectus creditur, ideoque castis præci-
 puo vsui esse perhibetur; deinde, animi in Deum propensio-
 nem, deuotionem, pietatem, constantiam, pacis ambitionem,
 deorum munera opimæque (quod ad hanc vitam spectat) be-
 neficia inuitare conciliareque fertur; ut vel hinc ecclesiasticis
 præsulibus omnium maximè dignam rude etiam vulgus pro-
 fiteatur. Addunt & contra iracundiam, & inuidiam, fraudes

Sapphiri
differunt
& nomi-
na.

Sapphiri
deteri-
puo.

Sapphiri
vires.
Supersti-
tiosè cre-
dita.

& tristitiam pellere. - Aded scilicet contra effrenes animi mores efficax est credita. Verum hæc ad animam pertinent.

Corporis præterea incrementum molliiri, solidas principisque fouere & asseruare partes, cordis oculorumque vires reficere, horum excreſcenſias & puſtulas inhibere, ruptas quoque membranas cogere Galeus & Dioſcoridés auctores ſunt. Addunt & aduerſus ſcorpionum iſtus & inteſtinas exulcerationes bibi, venenis etiam peſtiferis reſiſtere & contra veneficia omnia, adde etiam & incanramenta præſidio eſſe, febrientes cordis venis pulſantibus admota iuuare, ſudorem arcere, ſanguinem continere, carbunculis abſceſſibusque calidis, peſtiferis præſertim, mirum in modum aduerſari tradunt. Commenſitium puto quod à pleiſique dicitur Sapphirum Carbunculo extrinſeco viribus deſtitui. Sunt & qui falſo iactent ſenſiſſe Dioſcoriodem quòd Sapphirus araneam in pyxide repoſitam occidat, ſi diuſius ſupra animantem pendula admoſueatur.

Mirto præterea quæ de hoc lapillo ſuperſtitioſorum Magorum præſtigioſa vanitas nugatur.

De Carchedonio.

C A P V T . III.

CArchedonium è Carbuncolorum eſſe generibus Plinius cinrer Latinos Philoſophos locupletiffimus teſtatur. Quàmquam & hic præmonitum te velim, fere omnia tam Græca quàm Latina Apocalypſis exemplaria Calcedonium habere: cum tamen de hoc nomine vocato lapide nihil apud auctores clafficos inuenerim: de Carchedonio autem multa. Vt & hinc non ab re patem ſcriptorum incuria vtraque exemplaria iam olim vitiaſa eſſe, quæ præſtruere viſum eſt ne ſacri textus veritatem ac dignitatem neglexiſſe videretur. Porro Carchedonios putant imbre diuino generari. Luna plèna maximè reperitur. In Naſamoniis montibus naſcitur, deinde & apud Thebas in Ægypto: verum quàm prædicti obſcuriores ac magis fragiles, venenofi & morientis carbonis haud abſimiles. Neque etiam deſunt viri non incelebres qui iuxta Baſileam Argentinamque claras multum & inſignes Germaniæ ciuitates quofdam Carchedonios reperiri adſtruant. Præterea auctor eſt Symphorianus Campegius in Lotharingia quoque Carchedonios oriri miræ magnitudinis, & ſi ferro percutiantur ſonoros, quos & vi præditos; ſcribit aduerſus raucedinem, vocemque clarificare. Ego verò abſolutiſſimo Carchedonio cum

Lotharin

Carche-
donij ge-
neratio.

Carche-
donij de-
ſcriptio.

Lotharingo collato, hunc non putauerim (tanti viri pace dictum sit) esse verum Carchedonium. Quandoquidem optimus colore conspicitur medio inter Berryllum & Hyacinthum. accedente etiam leuicula quadam & subardente purpura, ut & proinde facilis sit suspicio coisse Berillum cum Hyacintho. Ideoque Carbunculis pallidior & subobscurior visitur, quamquam & Sole vel igne acrior exciteretur. Dicunt etiam Carchedonios umbra purpureos ostendere, sub dio verò flammeos videri & soli expositos scintillare. Qui autem à Lotharingis passim circumferuntur, rubri semper æqualiter conspiciuntur, tantum abest ut prædictos gratia & proprietatibus assequantur. Quamobrem spurium potius Lotharingum Carchedonium esse iudicauerim, vel omnino ignobiliorum eius quamdam speciem. Præterea cōmune omnibus Carchedoniis inuenio, quod ceram signandam suo contactu ita quidem liquefaciant, ut eius adhaerentem partem conuellant Carchedonij. (ut in omni Gemmarum genere) Masculi acrius, feminae tan-
 guidius fulgent. Sculpturæ contumaces esse Carchedonios inuenio. Cæterum facultates eis tribuunt non obscuras contra Cacodæmones, & atræ bilis sympromata, hoc est tristitiam timoremque. Neque desunt qui victoriam ei promittere audeant qui illum secum gestauerit. Fertur & festucas cunctas trahere. Præcipuæ autem dignitatis sunt mares qui stellas in-
 tus ardentes ostendant, vel cœlesti hoc schemate diuinas ferè eius vires attestante.

Mas &
femina.
Carche-
donij vi-
res.

De Smaragdo.

C. A. P. V. T. I. V.

Vitidum Gemmarum incundissima primaque habita Smaragdus. Nullus namque color oculis æquè placuit, quòd horum acies virore maximè demulceatur, ut & ea propter viridaria visus & animi recreandorum gratia petantur. Ideoque sit ventillis lumina nostra lapillis quàm Smaragdis plus oblectamenti cōsequantur. Nihil quippe cum herbis de viriditate meliori ratione certauerit, cum etiam quarundam virorem non raro Smaragdus superet. Porro optima apud Scythas in altissimis montibus ac in metallis aureis nascitur, unde non sine magno discrimine ac negotio solet adipisci. Gryphis alitibus ferocissimis in iis auro, nidificantibus, in illas tutantibus ab Ari-
 maspis vnico in fronte, media oculo insignitis, viris armatis ed-
 auri & Smaragdorū cupiditate nimia consuevis occidere. Cæterum quantum reliquas virentes Gemmas Smaragdi superant, Scythicæ

Smaragdi
genesis.

Arimaspi.

Scythicæ cum substantiæ puritate, tum viriditatis illecebra reli-
 quas sui genetis species antecellunt. Secundâ verò sibi dignitatē
 Bactrianæ vendicant, ab his autem Ægyptiæ. Quamquam
 & in Britannia maiore (quam nunc Angliam vocant) reperiri
 non ignobiles, auctor est Albertus Magnus. Post generosissi-
 mas itaque quæque pro sui puritate & virotis constanti per-
 tinentia, superior aut inferior æstimanda fuerit. Porro præcla-
 rissima Smaragdus virenti iucunditate amœnissima prata pro-
 ximè repræsentat, solaque præ omnibus aliis intuitum yber-
 tim explet, & multo labore hebetatam oculorum aciem refi-
 cit: ut vel hinc apud sculptores maximam inicit gratiam.
 Quinetiam è longinquo sese efferunt Smaragdi, quod vicinum
 circumfusumve ætrem suo inficiant tinctu. Tametsi vero duo-
 decim eius enumerantur omnia fastigia, principis tamen &
 absolutissimæ descriptionem hinc adnotasse sat nobis fuerit: ea
 siquidem cognita reliquas pro suis meritis meriti ac æstimare
 haud difficile fuerit. Selectissima itaque Smaragdus ea est quæ
 viridissima, lucidissima ac purissima existens, suo quidem viro-
 re oculos constanter explet, satiatve: ita vicinum ætrem pro-
 prio tinctu inficiens, ut neque Soli neque vmbreis seu lucetnis
 cedat: quin potius perpetuo contumacique virenti fulgore
 semper irradiat, sui semper præbet conspectum, substantia
 pertinaci ac durissima. Porro Smaragdorum quæ planæ ac
 læves sunt, speculi speciem referunt, & imagines rerum ad-
 motarum supinæ repræsentant. Ideoque in scriptis est, Nero-
 nem gladiatorum certamina Smaragdo conspexisse. Vires huic
 adscribunt præstantissimas aduersus venena omnia: ut & hinc
 octo granorum hordei pondere in polline deuorata, venena-
 tos à morte vindicare potens iampridem explorata sit. Affir-
 mans etiam serpentis oculos diffuere, si optimam Smaragdum
 diutius intueantur. Comitiali præterea morbo vel à collo pen-
 dulam vel annulo gestatam, ceu amuletum generosum pro-
 desse, Hemittitæumque sanare confirmant. Iam verò apud
 omnes conuenit lapidem hunc rerum venetearum impatien-
 tem esse. Ut etiam Albertus ille Magnus adseuerare non du-
 bitarit, Regi Hungariæ cum vxore rem habenti, Smaragdum
 quam annulo portabat, in tres diuulsum fuisse partes. Proinde
 palàm esse creditum comperio, ad castitatem non mediocrem
 hunc lapillum habere proprietatem. Addunt denique & ipsum
 memoriam fouere, visum recreare, opes augere. Mitto quæ de
 lapillo hoc superstitiosorum magorum nugacissima impostura
 mentitur. Porro qui non vsque admodum virent, vino & oleo abluti
 (auctore Plinio) emendantur.

De Sardonyche.

CAPUT V.

Sardonychas olim Romanis in magno fuisse pretio autor est Demoftratus. Porro numerosa specie vifuntur, quarum India parens est, celeberrimæ habentur. Post has Arabicis laudem detulerunt, circuli præclaro candore, nec tamen nimis gracili, verum in imbonibus nitido. Optimæ autem indicantur, quæ colore constant veluti carnibus humanis vngue interfuso (qualem audio vulgus incarnatum vocare) utroque secius colore utcumque pellucido atque languido, ceu scilicet quis rubricam visu transmittere intelligat affuso etiamnum colore utcumque glauco. Itaque Indicæ præstât. Colorum quoque varietate suâ ostendunt dignitatem, ut vix in aliâ Gemma depingenda naturæ diuinæ sagacitas magis reluceat. Ex his namque generosiores, radice ranquam à basi quadam nigri-rante (quam quis non iniuria, è nigro ad cœruleam desciscere crediderit) Onychas primum quadantenus repræsentant: hinc imitante Sardium subrubente zona præcinguntur, à qua deinde linea alba in gyri modum ambiuntur. Tandem verò lata atque diuersa intercapedine in ampliorem, nec minus artificiosum, ac candidum circulum meant. Postrema omnibus iis zonis, veluti basis quædam altera substernitur, quæ ut Arabibus nigerrima est, ita Indis ceræa, vel cornea conspicitur, quasi videlicet in candido pingui vnguis humanus transfundi, accedente etiam subobscura quadam nubecula, existimetur. Ideoque nemini mirum esse debeat, si quis Sardonychas ex Sardij, Sarde & Onychis coitu fieri suspicetur, cum Sardonychas palmam sit trium illarum Gemmarum referre colores ac substantias. Præferuntur quibus candidæ, vel purpureæ zonæ sese ex ordine, citra alterius rei intermixtionem, recipiant, & albicantes circuli, immixta leui purpura, cœlestis arcus anhelationem quandam referunt. Melleæ verò & fœculentæ reiiciuntur, cum iis etiam quibus circulus aliquis sese quidem diffundit, non autem recipit. Aduersus venerea pollere, & animi fœsum, item nocuos effectus arcere creditur.

Onychæ
delinea-
tio.

Probatio.

Potentiæ
Onychû.

De Sardio. CAPUT VI.

Sardium à Plinio Sardam vocari inuenio, tametsi non desint viri non incelebres qui ab hac Sardium multum
S f discriminari

Sardijæ de-
lineatio.

Probatio.

Virtutes.

Onychiū.

discriminari iudicent, quòd videlicet hic ruber, illa verò alba
visitur. Forſitan vocum vicinitas Plinio impoſuit, fuit autem
Sardius apud antiquos non infimi nominis; nunc autem nullus
aut minimus eius uſus. Porro colore conſpicitur rubro, verum
ſubobſcuro, ut ſi quis imaginetur tetram rubicam pellucere
quidem, ſed ſubobſcura offundi nubecula. Adeoque is ſui ge-
neris optimus cenſetur, & quò latiùs ab hæc perfectione reli-
qui abibunt, hoc minus nobiles iudicabuntur. Timorem pel-
lere, audaciam præſtare, à veneficiis maleficiisque geſtatem
adſerere, ſanguinem è naribus fluentem compellere, animo
lætitiam, ingenio quoque acumen inuitare, perhibetur. præ-
terea tetundere iniurias creditur: ut vel hinc Sardonychæ in-
nocuas eſſe confirment, quòd Sardium complectuntur. Sardij
item mares acius fulgent, ideoque præſtantiores habentur,
quod & aliis ferè Gemmis commune eſt.

De Chryſolitho.

C A P V T VII.

Chryſoli-
thi ſpe-
cies & ge-
neſis.

Optimæ
deſcri-
ptio.

Faculta-
tes.

Chryſolithos multiplici diſcrimine partiuntur, quarum
ſignobilioreſ Arabicæ dicuntur, quòd vario colore ac tur-
bulento còſpectu ſunt. Reperio etiam & Chryſolithos in Ger-
mania naſci, in iugis ſcilicet Myſinacis & locis conterminis,
ſplendore tamen ad candidum languido, quàm aliæ magis
fragiles. Selectiſſimarum India nutritrix quæ quadantenus cœ-
ruleæ ſunt, marinæ aquæ virorem ita præ ſe ferentes, ut au-
rum in collarione quadam veluti argenti facie cogant albica-
re. Primò patribus reſpirationis adeoque aſmaticis Chryſoli-
thum conferre tradunt. Aduerſus puſillanimitatem, & contra
melancholicos metus ſtultitiæque pro amuleto deſert. Dæ-
monas præſtos pellere, ſapientiam, animi quoque conſtantiam
promouere creditur. Nocturnis item pauoribus, & moleſtiis
interſomniis aduerſari crebrò ſum expertus. Addit & Theſel
Iuſtens Philoſophus Chryſolithos reperiri inſignitas fœmina,
vna manu autem, altera vero piſcem continente: mercatoribus
vtilis quòd ſtultitiæ pellant, inuitent autem ſolertiæ, qua
illi ſuis negotiis bene abſoluendis maximè egent. Quanquam
& id ſuam abundè redoleat vanitatem.

De

De Beryllo.

CAPUT VIII.

Beryllorum India parens est, ita ut tarò alibi oriantur. Est Berylli
autem Beryllus una ex virentibus, lucidisque Gemmis. Pro- probatio,
batissimæ sunt quæ limpidi matris virotem proximè referunt.
Ab his Chrysoberylli paulò languidiores, fulgore in autum ver-
gente, laudantur. Sculptuntur singulæ forma sexangula, quo co-
lor alioqui hebes & languidus angulorum excitetur repercus-
su, vix namque aliter politæ fulgent. Potrò quamvis decem
eius faciant genera, sat tamen nobis esse putamus principem
indicasse, vel hoc præsertim nomine quòd hac cognita, facile
cuius fuerit reliquas species ad iam indigitatæ Berylli faciem
metiri. Oculis humentibus, ructibus, suspiriis, iecinoris quo- Vires:
que malis, illius ex aqua dilutum (infusionem nostri Seplassia-
rij vocant) non mediocriter auxiliatur. Inuenio & hanc Gem-
mam aduersus hostium iniurias, & contra segnitiam polle-
re, ingenio prodesse & coniugatos.

De Topazio.

CAPUT IX.

Quæ de Topazij intentione varia adferuntur, tanquam à
nostro instituto aliena (quòd & in singulis ferè capitibus
obscuare adnitimur) omittimus. Potrò Topazium Gemma-
rum amplissimum tradit Plinius, ut etiam Arsinoæ Philadelphi
uxori statuat præbuerit quatuor cubitorum in delubro aureo
sacram. Duplex eius differentia est, priorem Ptaloiden, id est, Duplex
porraceam, alteram autem Chrysopteron: rectius autem Topazij
Chrysopterin (hoc est ad filicis herbæ virotem inclinan-
tem) nuncupant. Neque enim à voce Græca Πτερόν Lati-
nis alam significantem aut pennam, verum à voce Πτερίς fili-
cem herbam indicante, Chrysopterin deriuari putauerim: est
namque filicis viror quàm porti dilutior. Ut sit Chrysopteros,
vel si mauis Chrysopteris Topazius aureo colote, transfusa
insuper blanda quadâ viriditate ad glaucum accedente. Qua-
lem Topazium mihi ætate superiore commostratam fuisse

Faculta-
tes,

reminiscor, substantia quidem non mediocriter tenui, multum autem pellucida, colore tamen ex flauo in pallidum languido, immixto etiamnum aqueo quodam virore, adeoque filicis foliorum viriditatem repræsentare. Solæ autem hæ præcellentium Gemmarum limam admittunt vsuque atteruntur Topazij laus non vulgaris profectò, quandoquidem vires ei aduersus sanguinis eruptiones tribuuntur, ideoque vulneri admota sanguinem è vestigio compescere, iracundiam præterea ac venerea cohibere creditur. Nec desunt qui facto periculo audeant affirmare, quòd manus Topazium habens, ab aqua bulliente citra iacturam eripi possit, vt quæ aquæ feruorem vsque adedò temperet, vt ab ea omnem bullam mox pellat & calorem nocuum. Mirum verò quòd vires pro Lunæ augmento, aut decremente euariet, vt & hinc lunaticos iuuare perhibearur. Sunt qui hunc lapillum stultitiam pellere, delirium auerrere à momentanea morte ferentem vindicare, & phrenitidi obnoxiiis amuletum esse prodant,

De Chrysopraso.

CAPVT X.

Chrysoprasum & Chrysoprasium Plinius scribere videtur. Cnam lib. 17. c. 8. Topazij genera discriminatim narraturus in hunc modum scribit: *Duo eius genera faciunt. Prasoidem atque Chrysopteron similem Chrysopraso.* Nec ita multò post subdit: *Vilioris turba est Prasius, cuius alterum genus sanguineis punctis abhorret. Tertium virgulis tribus distinctum est candidum.* Præfertur his Chrysoprasius porri succum & ipsa referente, sed hæc paululum declinans à Topasio in aurum. Eiusdem verò lib. c. 5. Beryllorù discrimina descripturus, *Picinum* (inquit) *genus huius est pallidius, & à quibusdam proprii generis existimatur, vocaturque Chrysoprasius.* Item & eius lib. c. 11. *Colos* (inquit) *appellauit Chrysolitum aureum, Chrysoprasum herbaceum.* Puto tamen vel scriptorù, vel typographorù oscitantia Chrysopraso, & prasium pro prasio substitutum esse, vel hac ratione quòd vtranque asserit porri succum deferre, cui Chrysoprasii & prasii voces longè melius respondent: sicuti & ibidem his pro is, & Chrysopterin pro Chrysopteron reponendum censeo, vt scilicet in hunc modum Pliniana lectio castigaretur. Er duo eius genera faciunt Prasoidem atque Chrysopterin similem Chrysa

Chrysopraso, & demum vilioris turbæ est Prasus (nisi tamen prasius vocem adiectiuum quoddam esse censeas) cuius alterum genus sanguineis punctis abhorret. Tertium virgulis tribus distinctum est candidum. Præfertur his Chrysoprasus porri succum & ipsa referente. Palam enim est Plinimum eo loci Chrysoprasum tribus Prasii generibus conferre, eundemque præstantiorem haberi velle. Sed hæc missa.

Chrysoprasus itaque lapis porri viriditate ad autum inclinante conspicitur: ideoque herbaceum colore imitatur. Optimus itaque est qui aureis guttis conspergitur. Mirum quod lumini tam impotunum scribunt quidam, ut genuinum decorem per solas tenebras ostenter. Vires ei tribuunt contra facram auri sitim. Cordis vires reficere, & oëulorum imbecillitatem finire creditur.

Emendatur Pliniana le-
gio II. 37.
c. 8.

Descri-
ptio.

Virtutes;

De Amethysto.

C A P V T X I.

PRæcipua inter violaceas Gemmas Amethysto laus & autoritas: eius autem plura enumerantur fastigia. Porro Indicæ supremam sibi vendicant maiestatem: post has verò Arabicæ, Armeniæ, Ægyptiæ & quæ in Galatia reperiuntur. Infimæ omnium quæ in Thaso aut Cypro gignuntur. Singulæ tamen violas vteunque referunt, fulgent quoque, sculpturæ, ut si quæ aliæ faciles. Absolutissimam purpuram Indicæ repræsentant, inter quas eæ quidem præcellunt quæ veluti ex carbunculo irradiantis in murice rosei, eiusdem nitoris iueundam anhelationem effundunt. Quarum, quæ blando quodam aspectu tanquam ignitam eiaculantur scintillam, generosissimæ atque efficacissimæ putantur. Neque etiam hîc adnotare pigebit quoddam accedunt quidem Amethysti omnes ad vini ruborem, verum eo non adepto in violaceum finiuntur, ut purpuræ videlicet fulgor usque ad id igneus non sit: sed ut vini colorem euariet. Quamquam inueniam & Amethystos quosdam ad Hiacynthos deficere, alios verò ad vinum magis: nullæ tamen vinosi coloris experies omnino laudantur. Quæ verò ad crystallum ceu subalbida quadam ac leui purpura desciscunt, cunctis ignobiliores habentur. Veneris gemmam coloris luxus & illecebra vocari fecit. Aristoteles autor est amethystum umbilico admotum

Delinea-
tio.

Probatio;

vinī vaporem primum ad se trahere, deinde eum discutere; proindeque à crapula & ebrietate ferentem vindicare. homini præterea contra topica amuletum esse comperio. Addunt & alij malas illum arcere cogitationes, & præcox fœlixque ingenium efficere. Ad hæc vigilantem & principibus gratum reddere eum à quo portetur. Sunt qui grandinem auertere & omnia prospera inuitare illum tradant. Mitto hîc quæ de hoc lapillo superstitiosi impostores credulis nimium auribus insuſurrant, tanquam videlicet Christiano instituto indigna, qualia ferè sunt etiam quædam ex iis, quæ partim paulò ante, partim etiam & in aliis huius libri capitibus, è certis tamen autoribus, retulimus, cuius te vel ideo monitum cupimus, ne qua egregio illi cenſori, aut alij similis farraginis homini calumniandi anſa relicta videatur. quæ ea venia à nobis prodi eſſe iudicauimus, qua ab aliis prodita fuiſſe vidimus, quanquam omnino prætergreſſi ſimus quæ præſtigioſam illam Magiam plus redolere cernebantur, quàm Chriſtianam eruditionem deceret admittere.

De Hyacintho.

CAPVT XII.

Delineatio.

Genera.

Probatio.

HYACINTHUS à ſui nominis flore nomen habet: eius namque colorem quàm proximè repræſentat Eſt itaque Hyacinthus colore quidem fuluo, ab Amethyſto (Plinio teſte) differens quòd quæ in hoc emicat viola, in illo dilucior conſpicitur, vt quîs ſcilicet ab Amethyſto ad aurum immixta etiam leui quadam, ſed ſubobſcura purpura, deciſcere dixerit Hyacinthum. Triplicem eius inuenio differentiam. eſt enim qui ad rubrum plus inclinat, ignique purpuræſcit magis, cui nonnulli primam adiudicarunt authoritatem. Eſt & alius, è fuluo croceum repræſentans, quique igne obſcurior redditur. Tertium è fuluo ad cœruleum non ingrati præ ſe fert anhelationem, inde ſapphirini nomen habet, cum alij ſupremam maiestatem adiudicant, vel hoc nomine quod Hyacinthi Sapphirique naturas complecti, ex vtriuſque tinctura videatur. Hic præ omnibus aliis aëra ſentire perhibetur, ſereno ſcilicet cœlo ceu gratulabundus, impenſiùs ſupetbiens, nubilo autem aut omnino obſcuro iniucundior, humiliorque apparens. Probantur qui nec obſcuriores nec clariores ſunt,

Sunt, quique igni admoti utcumque purpurascunt. Mirum quod temporum constitutionibus quique affici videantur ut cœlo placido pelluceant : ingraro verò tanquam eius iniurias ægrè ferentes, tristi aspectu compareant, ut vel hinc cœlestis illum esse naturæ, non abs re quis asseueret. Probatissimus quisque frigidissimus ordo sentitur, & sculpturæ contumax <sup>Prop-
tas.</sup> vix tandem cedit. Porro quod ad facultates spectat, perrinaci frigiditare corpora densare atque tescicere, somnum conciliare, virtutes, cordis præsertim tueri, à populatim sæuiente peste, cum manifesta sua qualitate, tum recondita quadam proprietate gestantem adserere, creditur. Ideoque pro amulcto collo suspenditur è regione cordis, ut cutem contingat. Nec desunt qui Hyacinthi cōfirment diuitias augere, & animi alacritatē efficere; præterea & à fulguribus portantem defendere.

De Margaritis.

CAPUT XIII.

Omibus certè notiores sunt Margaritæ, quàm ut earum delineatione opus esse suspicer. Porro quod ad earum originem atinet, varia est autorum sententia, cuius tamen diuersitatem dissimili earum genesi acceptum tulerim, non autem illorum, aut ignauitæ aut oscitantæ, nec enim video cur cuiquam mirum videri debeat, si pro diuersa cœli constitutione illarum generatio variet. Quid namque prohibet aliter nasci eas quæ ab Erythræo mari, quæve à Taprobane & Toidis, vel etiam ab Arabiæ petuntur litoribus? secus autem quæ è Paria vicinisque Austrinis vel etiã Occiduis Septentrionalibusque Oceanis ab edoctis vrinariis solerrissima petuntur arte. Proinde Plinium rerum naturalium peritissimū nullus infirmitæ aut negligentæ insimulandum censeo, quod de Margaritarum natalitiis aliter scripserit quam Austrinarum, Occiduarumque nuper inuentarum regionum lustratores literis prodidere, quorum monumenta prætereo ne prolixior siam. Satis namque nobis in præsentiarum fuerit apud omnes conuenire, Conchas pro sua ætate ac magnitudine maiores, pro roris verò (appetente generali tēpore) cōcepti puritate vel obscuritate generosiores vel ignobiliores eniti. Qua ratione vberiorum has cum cœlica natura, quàm cum æquorea cōsensum & cognatione obtinuissē manifestum puto. Flauescere deinde has vel igne, vel omnino senecta, atque etiam crassescere, læ-

uoremque sensim deponere omnibus in confesso est. Inuenio præterea & concham prænisa manu apprehensura, sese continuo comprimere, utpotè suas operituram diuitias, gnaram scilicet quòd harum causa impetatur, inimicam quoque manum si forte cõprehenderit, amputare: iustissima (vel Plinio autore) tantæ temeritatis, luxus & avaritiæ poena. Est & præterea apud Vogesum in Lotharingia montem amnis Margaritarum ferax: verum non vsque adeò splendidæ sunt. Mirum tamè quòd quæ per genesim gratia in eis desideratur per columbas refarcitur: quæ scilicet deuoratas puriores tandem eas cum fæcibus reddunt restituuntque. Præferuntur quæ cãdidissimæ, lucidissimæ, rotundissimæ, leuissimæ & minimi ponderis sunt, maximè autem si natura perforatæ sint. Porro præcipua margaritis laus est, quòd siccitate innata corporis redundantias absumunt: ut vel hinc vires, spiritus, cor & principes corporis partes recreet. Ideoque contra cardiacos & melâcholicos affectus plurimum celebrantur, magnoque vsu commendantur. Adde quòd à vulgaribus pestiferisque morbis defendunt, & diarrhœis magnopere conferunt, hac tamen ratione, ut vel in polline vel alio quouis modio insumantur. Oculorum præterea abundantem humorem finire, ideoque & visui prodesse, oculis scilicet quàm tenuissimo earum puluere immisso, traduntur. Neque enim solo gestatu quidpiam illis posse reperio, quàm inexplebili humano luxui arridere.

De Carbunculis.

C A P V T X I V.

POSTEAquam de tredecim illis, quarum sacra Apocalypsis meminit, Gemmis, sermoni coronidem imposuimus, pro nostri absolutione instituti, de aliis qui nunc passim in vsu sunt lapillis operæ pretium fuerit disserere, à preciosissimisque Carbunculis ordiri. Carbunculos itaque (ab igniti carbonis colore ita vocatos) inter ardentes igneasque Gemmas supremam sibi vindicasse maiestatem, apud omnes conuenit. Porro in numerosas diuariantur species: sunt namque Garamantici, Indici, Æthiopici, Alabaudici nominantur, singuli scilicet à suæ generationis loco. Persuasum autem habeo præsentī huic nostro argumento abundè facturum me satis, si Carbunculorum quatuor genera explicauero. Itaque verissimo generosissimoque, imò & Imperatoribus dignissimo propriè

propriè vocato Carbunculo, Balagium, Rubinum, ac Granatum Gemmas vulgarissimas annumerabimus: hæc siquidem inter arduentes ignem à certissimo Carbunculo propriùs representant. Porro selectissimorum carbuncolorum multiplicem inuenio differentiam. Quidam enim colore vehementer igneo in modum arduentis prunæ translucent, ita tamen ut extremus earum igniculus in Amethysti violam desinere videatur, sed & per tenebras lumen diffundunt non iniucundum: sunt & alij qui pinnato fulgore pellucunt. Alij alba præcincti venula, qui coloris præstantia atque illecebra nullis aliis cedant, quibus etiam familiare esse perhibent inter ignitas prunas seu mortuos languidosque comparere: supereffusa autem aqua, carbonibus extinctis, è vestigio priori gratia seu rediuvio colore gloriabundos resplendere: tanto naturæ miraculo, ut hinc Carbunculi genus hoc præcipuum nonnulli reputent. Hunc Carbunculum Apyrotum nuncupari comperio, quod ignem non videatur sentire. Deum & hunc sequitur qui Sandraftos quibusdam, aliis Garamantites vocatus est. Hic ex India vel Arabia, qua, meridiem spectat, petitus superiorum splendore atque igneo colore nobilis, aureas insuper guttas continent velut stellantes: intrò quidem semper, numquam tamen in facie conspectas, hoc etiam ordine disseminatas, ut Hyades cum guttarum numero rum serie iudicari valeant. Ideoque & hoc Carbunculi genus viri quidam non incelebres cæteros albis (quod aiunt) equis præire confirmant quòd præ aliis longè vberius cælestes complectatur virtutes, syderumque concepisse similitudinem videatur. Qua de re & Chaldæis sacrum quibusdam æstimatum est. Gemmarum omnium charissimæ sunt Carbunculi, ut eadem sit earum cum reliquis comparatio quæ auri ad metalla quævis analogia. Iucundiores tamen existimantur quæ Amethystizontes dicuntur: quarum scilicet extremus igniculus in violam desinit ac purpuræ quamdam effert anhelationem. Porro in omni Carbuncolorum genere, mares fœminis excitatius fulgent, fœminæ autem seu pinguioribus crassius nitent. Quòd autem ad vires attingit, Carbunculi singulis quibus Gemmæ omnes aliæ præditæ sunt virtutibus commendantur, ut vel hinc omnium nobilissimi sint habiti. Soli siquidem ei aculato igne fulgoremve rutilo solem imitari vel hoc schemate palam conspiciuntur. Ut & hinc præ cæteris Phœbo dicati creditum sit, quem cunctis syderibus tamquam regem præesse adstruunt Philosophi. Ideoque & solum hunc lapillum suam in reliquos posse figuram imprimere, cum tamen

Apyrotus.

Carbunculi vires.

alius nullus in idem præstando sit, Aristoteles autor est.

Balagij
delinea-
tio.

Rubini
descri-
ptio.
Granati
delinea-
tio.

Probatio.

Rubini
vis.
Granati
vis.

Cæterum Carbunculis proximam sibi gratiam dignitatemque Balagius coloris iucunditate & illecebra fecit. Lapis quidem colore rubro & prælucido, sed qui superaffuso sublinguido quodam fulgore cramesinum vulgò dictum colorem quadantenus referat. Sequitur deinde Rubinus lapis ita vocatus, laudatus maximè si per renebras in speciem blandæ cuiusdam scintillæ micare videatur & simplicissima consistat substantia. Illis denique Granati succedunt longè obscuriore ac minus grato colore, tamquam videlicet opaca quadam umbra vel nubecula Rubinum offundi iudices. Lapis cerè non rarus, proinde & hoc æui in minimo pretio habitus. Porro harum Gemmarum ut quæque magis minusve ad verum Carbunculum accedit, commendatior aut ignobilior & clarioribus aut obscurioribus proprietatibus donata censetur. Balagio itaque similes ac Carbunculo facultates, sed imbecilliores tribuunt. Rubinum aduersus pestilentem aërem pro insigni amuleto portant & contra terrentia somnia. Granatum præterea melancholiæ aduersari & cor reficere credunt. Adulterantur autem omnes vitæ rubore infecto: sed & elanguidos foliis bracteisque quibusdam rubicundissimis substratis excitatores reddunt, ut non sit facilè à spuriis veras fecernere. Scalpturæ verissimæ conrumaces sunt. Adulteratæ cote deprehenduntur, quòd fragiliore ac molliore sint compareantque materia, sed & centrosa scobe dignoscunt, ut nonnunquam etiam pustulis argenteis intrus nitentibus.

De Adamante.

C A P V T X V.

Adamantis
descri-
ptio &
genera.

Maximam in rebus humanis sibi gloriam asciuit Adamas, multo quidem æuo solis Regibus & iis paucis agnitus. Nunc autem tum creber, ut omnibus benè in deliciis sit, & luxu. Est autem generosissimus Adamas colore ferro candenti haud absimilis. Fatiscit hircino sanguine, maximè si aliquot ante dies hircus petroselino, filere montano & vino sit educatus: plumbo item dissolui reperio.

Porro in sex Adamantem partiuntur genera. Indicus non in auro nascitur, sed quadam cum Crystallo cognatione, candore placido translucet. Huic proximus est Arabicus, minor tantum, nec alibi quàm in syncerissimo auro generatus. Incudibus

Incidibus & ferreis malleis vterque deprehenditur : ita nam- Probatio.
 que iis vterque resistit, vt indomitus citra omnem iacturam,
 à ferro & incude sese explicet. Quinimò pusilla tamen mole,
 ignibus etiam vastissimis iniectus medius pertinax atque il-
 læsus ita permanet, vt nullam prorsus ignis actionem admi-
 sisse (etiam si multos dies ibi perseveret) palam ostendat, vnde
 & indomitam antiquis vocari Gemmam inuenire est. Est &
 alius Adamas Centros nominatus, milio magnitudine respon-
 dens. Alius deinde Macedonicus cucumeris semen æquans.
 Hunc sequitur Cyprius in sulphureum desciscens, qui licet à
 prioribus fulgoris languore deficiat, præcipui tamen in me-
 dicina vsus est Plinio. Postremus verò Siderites ferreo fulget
 nitore. Hunc ab antiqua peritum minera passim dici audi-
 to, atque idè ab inerti vulgò reliquis præferri. Sic vulgus
 ignauum suo ducitur sensu, vt crebrò vtilissima quæque pro
 optimis reponat. Hic namque siderites ictibus cedit & malleis,
 adè videlicet ab Adamantis natura palam degenerans, vt vel
 hunc solam apud eos nominis gratiam vsurpasse credatur qui
 rebus externis contenti ad omnem veritatem oscitare con-
 suevere. Neque pigebit etiam secundo recensere, non sine ma-
 gno naturæ miraculo fieri, vt vis illa Adamantis indomita, qua
 scilicet suarum partium integram contra ferri ignisque iniurias
 connexionem pertinaciter tuetur, ab hirci sanguine calido qui-
 dem & recenti ita afficiatur, vt tandem conuiueat & atteri pa-
 tiatur. Indèque seposito omni superbo, quo antea gloriaba-
 tur, fastu, malleis & incidibus cedat, vt sese in minimas
 etiam partes frangi, mangonum vsui, permittat, qui iis po-
 stea fragmentis nullam duritiem non superant. Porro maxima
 Adamantis quantitas auellanae nucis magnitudinem & formā
 æquare perhibetur. Generosissimus itaque & selectissimus iudi-
 cabitur Adamas, qui iam narrata descriptaque inuicta natura
 præditus, crystallo paulo obscurior, ferrum candens nitore re-
 fert, cœruleoque quodam interfuso splendore, ita quidem re-
 fulget, vt flammeum solaremque quemdam radium transmit-
 tere videatur : quasi scilicet vario translucentique suo fulgore
 quandam cœlestis arcus anhelationem repræsentet. Porro vi- Probatio.
 res Adamanti ferè diuinas tribuunt Philosophi, efficaciores ta-
 men in auro, quamquam quibusdam placere inueniam ferreā
 quandam tenuissimam bracteam susterni debere. Contra ve-
 nena & incantamenta amuletum esse præsentaneum testantur,
 qui Adamantum præsentem toxico madere confirmant. Ideoque
 pestiferis causis resistere creditur : negantque ferentem fasci-
 nari posse, adè scilicet cacodæmonib. inuisus esse perhibetur.

Insaniam

Mira Ada-
 mantis ad
 hircini
 sanguinis
 vim dis-
 sensio.

Proprie-
 tates.

Infaniam, metus quoque vanos, ac terrentia inter somnia accere fertur. Gemma reconciliationis prædicatur quòd hostilem demulceat furorem, & viri cum vxore necessitudinem foueat. Ab incubis & succubis cum adferunt qui adamantem portat. Vanum omnino & præstigiij quamdam præ se ferens imaginem eorum nugamentum puto, qui adamantem dicunt vxoris insciæ ac dormientis capiti suppositum statim prodere sit padica, necne. Vel hac ratione quòd ipsa à mariti consortio quasi fugibunda statim excidat, si quidem fideli toro iniuriam impudica fecerit. Adamante scilicet marito castoque toto indignam muliereulam hoc schemate palam ostendente.

Dissidium. Huic lapillo natura rerum omnium parens tale cum Magnete dissidium ingenuit, vt illo præsentem omnem vim tractricem à Magnete direptam planè conspicias. Quin magis tractum ab hoc ferrum feroci quadam vi ab admoto Adamante reuelli cernere est. Vt & hinc multis visum esse suspicer Adamantem aliis Gemmis iunctum ipsarum ad se virtutem omnem trahere, quod non crediderim. Cæterum nunc reconditas illas verèque admirandas proprietates ad dæmonum imposturas demondabimus quòd earum causam naturalem nemo (vt puto) adferat exactam, vt censori nostro ac similibus viris parum circumspectis, nihilque suæ ignorantie condere volentibus forsitan videtur? Absit non ab hoc tantum vno, sed & à quouis alio verè docto & piè Christiano. Quinimò ea propter in Dei & Domini nostri omnium creatoris propensiolem admirationem feramur, eiusque magnificentiam ardentiori studio ac necessitudine cfferamus.

De Achate.

CAP. XVI.

Maximum tempus auctoritatem ademit Achatæ, non quòd viribus minùs quàm antiquitùs polleat, sed quòd copiosior sit: qua enim occasione solet in rebus humanis elationem fastumque caritas adferre: eadem etiam multitudo, & crebrior familiaritas contemptum parere consuevit. Plinius auctor Pyrrhum Epirotarum regem Achatem habuisse, nouem Musis cum Apolline cichatam manu tenente insignem: nulla arte, sed sola naturæ solertia ac virtute, sponte maculis ita discurrentibus, vt Musis quoque singulis sua redderentur insignia.

Porro tam est vulgaris Achates vt delineationem eius & genera scribere omninò superuacaneum arbitrer. Probatissimæ verò sunt perspicuæ, quæque leoninæ pelli similes sunt, vel
etiam

etiam nigrae albis intersectae lineis. Mercurio sacrae Achaten Probatio.
 rudis nimirum antiquitas credidit, eam praesertim quae apud In-
 dos nata est, ubi vario colore, guttis etiam phoeniceis conspersa
 visitur. Ceterum omnem Achatem venenis, pestiferis, araneo- Virtutes.
 rum atque scorpionum ictibus, aduersari, prudentiam ac facun-
 diam praestare, ab aduersa fortuna tutari, visum fouere, cor re-
 creare, sitim ore contentam arcere adstruunt. Nec desunt qui
 tum maximè efficacem scribunt, cum setis leoninis inuoluta
 defertur, quod quàm à vanitate quoque absit, iudex esto.

De Alektorio.

CAPVT XVII.

Alektorius lapis in ventriculo capi reperitur, obscuri cry- Genesis
& deli-
neatio.
 stalli similis & colore & substantia, nisi quòd paulò cras-
 sior apparet, non excedens fabae magnitudinem. Probatur quæ
 intus velut stagnantem ingesti cibi micam modicam nec vs- Probatio.
 que adeò obscuram ostentat. Sunt quoque qui audeant affir-
 mare caponem in quo Alektorius sit absolutus, bibere num-
 quam: ideòque strenuis militibus ex usu esse creditur. Proinde Virtutes.
 Milonem Crotoniensem eius Gemmae in ore contentae prae-
 sidio, nullo vnquam certamine superatum praedicant. Porro
 alektorio vires tribuunt non incelebres contra pericula quæ-
 uis. Praeterea Venerem ciere, homini constantiam, mulieribus
 virorum gratiam conciliare, ferenti quoque facundiam prae-
 stare, potens creditur. Sed & sitim ac cordis aestum arcere ore
 inclusa experimento non rarò constat.

De Torcoide.

CAPVT XVIII.

Torcoidem tam in magno pretio esse ferè apud omnes Genera &
delinea-
tio.
 conspicuum est, ut multi suo tunc demum luxui aliqua ex
 parte satisfactum putent, cum praeclaram quandam nacti fuerint.

Duo itaque sunt eius fastigia, à suae scilicet propagationis
 loco nuncupata. Inferior siquidem Hispanica: altera Indica
 seu Orientalis nuncupatur. Vtrique tamen consimili, crassa
 & minimè perspicua substantia. Porro Hispanica colore vtrū-
 que virente, subobscurò adeòque ingrato conspicitur: ideò-
 que respicitur ceu vilissima. Indica autem ex herbaceo, cya-
 neo quodam lactescente nitore gratiam gignit non vulgarem.
 Colorem igitur praebet ceu in caeruleum ex viridi, lacteum
 quiddam perfusum imageris. Rarò citra rimam venulamve
 reperta.

Probatio. reperta. Probarissima tamen est quæ simplicissima, & persimili substantia, purissimoque & citra omnem labem colore suam commendat iucunditatem. Mirum quòd de diuinis eius virtutibus caussantur. Noui reuera virum quemdam Insulanum, mihi quidem multa necessitudine deuinctum, qui dum viveret Torcoidem in deliciis habebat, annuloque aureo perpetuò gestabat. Is cum fortè, ex sæua ægritudine in fata concederet eundem quoque retinuerat. Tumque naturæ quodam veluti miraculo contigit, vt Torcois illa, quæ superstitè etiamnum suo domino cum numerosis sui generis myriadibus de pulchritudine ac integra puritate certare potuisset, tamquam heri sui necem lugens, longè tum obscurior adpateret, adeoque continuò rimam per medium portaceam efferret, vt & hinc tum maximam suæ maiestatis partem deposuisse videretur. Proinde de ea mihi aliquando comparanda auiditatem abegi. Ego namque cum ob periucundas lapilli illecebras, tum ob ingentes vires quibus idem vir, factò periculo, Gemmam eam pollere constanter asseuerare solebat: eam si quando liceret, quauis etiam rarione comparare constitueram. Sed enim meus me fefellerit error, nam dum in auctione ventri expositam, eandem illam litura & vitiis conspersam contemno, hanc alter cuius vili coemptam è vestigio mihi ostendit. At cum illam ego pristina, ceu postliminio rediuiua sinceritate & maiestate (renouato domino) perspicio, occæpi mecum vehementer mirati, inopinatum naturæ ac admiratione dignissimum portentum, deinde & è re nata, meam damnare infelicitatem. Vel hoc euentu coram edoctus diuina quadam lapillum illum facultate donatum esse. Porro ostendendis prodigiis illustris plurimum est Torcois, vt & vix credibili virtute ferentem ad imminente periculo (tanquam videlicet innato contra aduersa quæque quodam amuleto medicamentoque) fortiter vindicare celebretur. Adde quòd cor & oculos recreare, & hilaritatem prosperitatemque adsciscere creditur.

Vires.

De Corallio.

CAPVT XIX.

Genesis.

Corallium & Lithodendrum appellari inuenio, quòd arboræus lapis appareat. In mari mollius primum crescit, inde verò duratur. Cumque sub aqua quidem vireat, statim atque hanc superarit, rubescit. Adstruunt candidas illud intra aquam proferre

proferre baccas, quæ extra eam in sanguineas degenerent: cas-
que & forma & magnitudine ad hæc, & colore corna sativa te-
præsentare. Mirum quòd tactum lapidescit si viuit, proinde re-
stibus primum reuellunt, aut ferramento acri præcidunt: qua
de re Curalliû Theophrastus, à radendo, Græcæ voci alludens,
illud appellauit. Porro arboreum esse Corallium vel ipsius rami
palam ostenderint. Diuersam præterea à ferro ignito naturam Probatio.
Corallium exhibet: illud namque vt aqua, ita & hoc mollior e
aëre illico duratur. Commendatissimum est quod rubicundissi-
mum, vel albißimum, æquabili vsquequaque concremêto, for-
ma fruticis, ac tereni facillè cedens. Quòd autè in lapidis exa-
ctam duriciem coit, scrupulosum, inane, lacunosumque est,
damnatur. In magna antiquità, apud Indos præsertim, fuisse
auctoritate Corallium in literis comperio. Hi namque pro eo
suos olim consueuisse vniones permutare traduntur. Nunc au- Vires.
tem quòd crebrius est, in magno adeò non est pretio. Dæmo-
nas insensos arcere perhibetur. Vt & hinc suspicandum sit pru-
dentem vetustatem. Corallio per diuersas formas (non sine li-
cet fastu quodam aut illecebra nunc vsurpetur) effigiato, & ex
ordine infilato, preces Maritanas docuisse numerare. Magnus
illius in medicina vsus percrebuit. Quandoquidem refrigerat
siccarque mediocriter. Idèoque sanguinis reiectionibus pro-
dest. Album verò Corallium à collo suspensum vt stomachum
vel pectus contingat, è naribus consuetum fluere sanguinem
rarò compescuisse vidimus. Cor præterea & ventriculum, vel
ingestum, vel extra, vt adhæreat admotum, roborat. Surculus
eius pro amuletis infantulorum collis appendunt: fulminibus
& marinis æstibus tempestaribusque resistere æstimatur. Pro-
inde Ioui Phæbòque sacrum puratum est. Religiosum præte-
rea gestamen esse amoliendis periculis comperio, vt decore ac
religione gaudear. Adhæc & contra vesicæ tormina & calculi
mala, in puluere vstos surculos & ex aqua potos auxiliari fer-
tur: item & lienem absumi, si id medicamentum sæpius pote-
tur. Oculis deinde prodesse, vlcera caua explere, cicatrices
tenuare, denique & surculos ex vino potos vel ex aqua (si fe-
bris vrgeat) somnum conciliare Plinius auctor est. Nec desunt
qui affirmant illius pollinem erosis dentibus infartum, ægros
dentes radicibus eruere demum & gingiuas firmare. Commen-
titium omninò puro quòd Coralli puluere fruges euadant vbe-
riores. Quamquam & Coralli puluerem inueniam amaras
aquas dulces efficere.

De Corneolo.

CAPVT XX.

Delinea-
tio.
Probatio.
Vires.

Corneolus Gemma est vulgaris minij colore, sublanguido tamen, seu videlicet in humanam carnem perspicuitas perfusa sit. Rheno frequentissima est. Probatur, quæ purissima iuxta ac nitidissima consistit substantia, colore carneo translu- cido. Sanguinem propalam cohibet, liuentes dentes suo polline emendat, omnem ab eis detergens sordem. Iracundum animum placare creditur.

*De Cyaneo Græcis, Cæruleo Latinis, vulgaribus
autem Lazuli vocato lapide.*

CAPVT XXI.

Magnam profecto auctoribus peperit obscuritatē, legen- tibus verò perplexionē, cærulei seu Cyanei nominis di- uersa significatio: aliis scilicet sub hac voce cæruleam arenam cum Cyanea Gemma confundentibus: aliis autem solam eadē dictione metallicam arenam complectentibus. Plinius namque naturalis Historiæ lib. 33. cap. ult. ita infit: *Cæruleum arena est, huius tria genera fuere antiquitus: Ægyptium quod maxime pro- batur: Scythicum, hoc diluitur facile, cumque teritur in quatuor colores mutatur, candidiorem, nigriorem, crassiorem, tenuioremve. Prasertur huic etiamnam Cyprium. Accessit huic Puteolanum & Hispaniense, arena ibi confici capta.* Dioscorides item lib. 5. cap. 97. sic habet ad verbum, *Cærulei origo ex arariis metallis est. In Cypro copiosus ex arena literali, secundum quosdam sub cauatos specus maris inuenitur, quod & magis probatur.* Gale- nus verò simplicium pharmacorum lib. 9. inter metalla Cæ- ruleum reponit. Deinde Paulus Ægineta de Cæruleo, Dio- scoridis sententiam penè ad verbum refert: quam etiam Plin- ius, eo quo diximus capite, imitatus palam ostendit non de Gemma sermonem se facere, sed de metallico Cæruleo: quod ærosa quadam substantia, non tamen lapidea, consistere ad oculum videre est: ut vel hinc in confesso esse debeat, iis locis auctores illos Dioscoridem, Galenum Paulumque (dico) non de Cæruleo, lapide Cyaneæve Gemma disseruisse, verum de metallico illo Cæruleo quo ad generosas imagines picto- res vti consueuere, Galli azurum vocant. Sed enim Plinius idem ille lib. 37. quæ Gemmis dicauit, ita habet. *Reddetur & per se Cyanos accommodato paulo antè lassidius nomine colore Cæruleo.*
Optima

Optima Scythica, dein Cypria postremo Ægyptia. Adulteratur maxime tinctura, idque in gloria regis Ægypti adscribitur, qui primus eam tinxit. Diuiditur autē hac in mare sœmināque. Inest aliquādo & aureus puluis, non qualis in Sapphirinis; Sapphirus enim & aureis maculis & punctis collucet, Cœrulea & Sapphiri raroque cum purpura. Optima apud Medos, nusquā tamē pellucida. Quibus verbis statim ab ipso limine videtur Plinius verumque confondere. Cœruleū scilicet metalli cum Gemma cœrulea. Primū quidem vel hoc maxime, quod Scythica, Cypria & Ægyptia rationem habuerit, quemadmodum etiam superiore lib. 33. de arenoso Cyaneo singulariter agens Cyanei Ægyptij, Scythici & Cyprij meminit. Hinc reuera non mediocrē hos locos video imposuisse difficultatē viris etiā doctissimis; aliis videlicet de vtriusque confusē Plinium intelligentibus, aliis de solo arenoso cœruleo hos torquentibus sermones, autorum insimulantibus damnantibusque tanquam hanc inter Gemmas arenam malē collocarit. Inter quos Hermolaus ille Barbarus, vir alioqui peritissimus ac de re medica & Plinio optimē meritis (pace tanti viri pro veritate tamen, dixerim) nescio qua iudicij adumbratione perculsus, non vetetur Plinium negligentia calumniari. Mihi verō (absit omnis arrogantia) Pliniana lectio rectius consultiusque hoc loco, idest, lib. 37. cap. 9. castiganda videtur, & in hunc modum ab auctori reponenda. Redderetur & per se Cyanos nomine, accommodato paulō ante Iaspidi colore cœruleo. Vt his scilicet verbis & Iaspidi & Cyanæ Gemmæ substantias convenire quidem, sed colore alterum ab altero discriminari declaret ostendatque, ut & quis ex Iaspide Cyanum lapillum ementiri posse intelligat si illi colorem cœruleum addat. Cui & id optimē adstipulatur quod mox subtexuit: *Adulteratur*. (inquit) *maximē tinctura*. Quod demum hoc loci Plinius non de cœrulea arena differat manifestant hæc eius subiecta verba: *Inest aliquādo & aureus pulvis, cum iis quæ sequuntur quæque supra retulimus*. Nam & ea non atrox illi arenæ, sed Cyanæ (vulgato nomine Lazuli vocatæ) Gemmæ ita ad amissim consentanea esse constat, ut nemini dubium (meo tamen iudicio) esse debeat, Plinium hoc loci de sola Cyanea Gēma agere, neque etiam facilē credendum fuerit tam celebrem autorem, ac rerum naturalium tam indefessum, acrem ac peritum indagatorem scriptoremque, vulgarissimam hanc Gemmam latuisse. Neque etiam vel leuiter suspicandum puto quod agnitæ nusquam meminerit, cum præsertim diligentissimum sese naturæ mirabilium perscrutorem, præconem, promulgatoremque semper exhibuerit. Sed neque huic nostræ opinioni refragat

Castigatur Pliniana lectio lib. 37. cap. 9.

gatur quoddam iam citatis locis Ægyptij, Scythici, Cypriique Cœrulei meminerit. Quid namque impedit utramque, cœruleam arenam dico ac Gemmam Cyaneam, tribus iam indigeratis locis oriri? Sed enim lib. 33. cap. vlr. Ægyptium maximè probari scribit secundo loco Cyprium, nouissimo verò Scythicum reponit: quibus accessisse adnotauit & Puteolanum & Hispaniense. Vbi verò de Cyanea Gemma (quæ ei Cyanos per se vocatur) hoc est lib. 37. cap. 9. scribit, omnibus Scythicam præferri dicit. Dein Cypriam commendat, nouissimam autem Ægyptiam æstimat. Ecce quàm hîc vltimam facit, illic primam effert, ut & hinc non de iisdem Plinium diuersis his locis scribentem intelligere debeas. Quinimò Sapphiram hunc capite cum Cyaneo lapillo postea complexus, ita inquit: *Cœrulea & Sapphiri rard* (vbi etiam coniunctionem quo semouendam puto) *cum purpura, &c.* His ergo certè rationibus eò sum adductus, ut Pliniû illis locis non de arena Cyanea aut Gemma tantum, sed lib. 33. de arenoso Cœruleo, lib. autem 37. de Cyanea Gemma capiendum existimem. Quis enim (obsecro) tantum inerti, aut in Pliniû, aliqui grauißimum autorem, tam infenso ingenio fuerit, ut ea quæ Cyaneæ Gemmæ (emendata licet lectione) Plinius propagam tribuit, arroßæ illi arenæ quadrare inaudiat: quam nemo lapidea substantia vel puluere aureo gloriari rectè quidem dixerit? Potius itaque Lazuli vulgò nuncupatæ Gemmæ consentite hæc profectò videbuntur: cum ea substantia sit lapidea, laspidi scilicet germana, aureumque puluerem coram ostendet. Qua de re subinde vehementer mirari subiit, hoc loco Plinii sensum tot, tamque celeberrimos authores Plinianæ lectionis etiam studiosissimos hætenus (quod legerim) ita fuisse, ut utrūque confuderint, magno humanæ conditionis detrimento: dum nempe apud omnes fere seplasiarios arena pro Gemma in medicandis corporibus quàm ineptissimè vsurpatur. Sed hæc quorsum? eò nempe ut melioris doctrinæ gratia omnem de medio tolleremus implicationem, & aliquam Pliniano sensui adferremus restitueremusne lucem. Est itaque Cyanos Cœruleæve Gemma lapillus substantia quidem Iaspidi haud absimilis, colore Cœruleo. Probatur aureo puluere conspersa. Vnde & stellatum lapidem dici inuenio, quod stellis similiter lumini expositus aureo puluere scintillet. Præfertur quæ Cœruleum sui nominis præstantissimum (quem nostri Azurum vocant) colorem assequitur, consimili vndeque substantia & concremento. Lapis est sculpturæ non vsque ad eò contumax. Vidi ego ex eo Cantharidem tam affabrem tamque graphice conflata, ut eminus veram iudicaret: puluere pimum aureo tam appo-

Descrip-
tio.
Probatio.

fitè, quod in animante fuluum natura fecit, imitante, vt cum lapillum ad id muneris procreatum quiuus sanæ mentis non immeritò iudicasset.

Porro quod ad vires attinet. Aduersus melancholicos affectus eius pollen toties ablutus dum eius dilutum peregrinum nulum præ se ferat saporem efficacissimè ingeri, literis & experientia confirmatur. Melancholicum enim humorem per inferna deponit; non lotus verò, cum infernis superiora, non citra magnum laborem, commouet. Nec desunt qui pueris à collo gestatum nocturnos arcere pavores testentur. Oculorum aciem reficit atque demulcet. Collo appensus prægnantes ab abortu adferere perhibetur. Volunt autem appetente partu semoueri.

Proprietates.

De Chelidonio.

C A P V T XXII.

Chelidonium, vel Chelidonia (vtroque enim genere dicitur) lapillus est paruus, perspicuus minimè, è iuuenclaiū Hirundinum ventre exsectus. Mense Augusto, Luna crescente, reperiantur optimi, magnæque ex parte bini, aliquando autem singuli, in earum scilicet ventriculis aut iecusculis. Dicuntur namque (autore Plinio) matres exclusis pullis hunc dare lapillum deuorandum. Inuenio & hic quoque solertissimæ naturæ non suppressendum miraculum, neimpe quòd illarum pulli per coniuncta rostra in sese reconditas has Gemmas prodant. Dicunt etiam & has debere erui priusquam primigenius pullus terram contingat. Quanquam ne hoc quidem sua vanitate carere putem. Hanc bifariam discriminari tradit Plinius, aut enim est rufa, aut nigra, vel potius ex pullo nigricans, hirundinū vel pæuonum colore, minimèque pellucet, sed aspectu ingrata visitur. Sunt & earum aliquæ, parte quidem vna nigricantes, altera verò purpurascens nigris intercurrentibus maculis. Probatissimas esse comperio quæ substantia purissima ac simplicissima, & aureis guttis insigniuntur. Porro singulæ tametsi incultæ sint & pusillæ, magnis tamen virtutibus præditæ adstruuntur, vt & de ipsis rectè id occini possit:

Generationis locus.

Differenz. Probatio.

Vires.

Regnat in exiguo præcellens corpore virtus.

Rufam siquidem sub ala sinistra gestatam lunaticos, hoc est, comitiales, insanos, & languidos sanare perhibent. Præterea & facundiam, & apud homines gratiam, promouere confirmant. Nigricantem verò similiter portatam testantur reges & principes conciliare, & cœpta negotia pro animi senten-

tia absoluere, omniumque gratiam inuitare. Eius verò ex aqua dilutum, oculorum aciem reficere dicunt. Neque superstitione vacare putem quòd rufam in panno lineo mundo, nigram autem in croceo tantum inuolutas suis præstare potestibus nugantur, cui & id accedit quòd parentibus præsentibus erutis vires effluant

Contra
Amstelredamum

Hic magna mihi profectò incescit admiratio de viri cuiusdam de litetis aliqui bene meriti, non leni oscitantia, qui in scholiis suis in Marbodæum vbi agit de Chelidonia autorem citaturus quòd Chelidonium Gemmam oculis ostenderet proficere, Plinium adduxit lib. 8. c. 27. & lib. 25. c. 8. 11. quibus in locis non de Gemma, sed de eius nominis herba palam est Pliniū disseruisse. Siquidē, vt rem per capita ex ordine recenseamus, ita habet dicti iam c. 27. titulus: *Quæ animantia quas herbas ostendant cerui, lacerti, &c.* Demū in contextu dē Chelidonia agens ita inquit: *Chelidonium visui saluberrimā hirundines monstrauere, vexant pullorum oculis illa medentes.* Deinde lib. 25. vbi constat Plinium de herbarum viribus disceptationem ex professo instituisse, cap. 8. sic habet: *Animalia quoque inuenere herbas, in primis Chelidonium: hæc enim hirundines oculis pullorum in nido restitunt visum, vt quidam volunt erutis etiam oculis.* Capite denique eiusdem lib. 2. posteaquam Centaurium veranque, maiorem scilicet & minorem oculos iuuare tradidit, ita subnectit: *Iam Chelidonia supradictis omnibus mirè prodest.* Ex quibus luce meridiana clarius esse constat Plinij locos hos ab Amstelredamo nostro citatos non posse ad Chelidonium Gemmam torqueri, verum de similis nomenclaturæ herba tantum debere intelligi. Quæ idē annotauimus ne quis eius autoritate falsus, in similem errorem impingat.

De Ætite.

C A P V T XXIII.

Genera.

Probatio.

Delineatio.

Virtutes.

ÆTITÆ quatuor genera refert Plinius, vulgato tamen nomine singuli, Aquilæ lapides vocantur. Vidi ego cinereo colore Ætiten, alterum albo, tertium pullo. Sonitu dignoscuntur si quantantur: tum enim in sese conceptum lapillum manifestè produnt. Lapis est cortice duro, scabro & minimè laui. Sunt qui aquilam in nido matrem & fœminam habere asserunt, negantque illam sine eis oua parere: idēque solis iis quæ ē nidis eius alitis erutæ fuerint vim medicā concedunt, Nihil

Nihil igne hic lapis deperdere creditur. Porro *Ætites* gravidis, quæ ob vteri imbecillitatem sætum ægrè continent, brachio sinistro alligatur magno earum vsui, parturientibus autè brachio dextero admoueri debet: foeminis item alligata citra dolorem (notatu dignum) sætum dicitur extrahere. Nec desunt qui hanc velint statim à partu auferri, ne vterus sequax partum vitiet. Mirum quòd furem prodere fertur si quis in pane conditum offerat, neque enim mansum, vel etiam cur ea decoctum quicquam, furem deuorare posse consulant. Tritum & cerato exceptum comitiales strenuè iuuare comperio. Mitte quæ de hoc lapide præstigijs illi ac toto cælo aberrantes magis nugantur: neque enim vxorum furtà deprehendere, vel futura præagere hunc citra incantamenta posse crediderim. Quò ego quæ de furis prodicione prænotauì, referrem, si non autorum ridicula & non digna fide grauitas & fides reclamaret.

De Magnete.

CAPVT XXIV.

Natura, vt saxis vocem hominis obloquentem, immò & Echo resonantem dedisse videri potest: ita & Magneti sensum manusque tribuisse quodammodo non ineptè existimetur. Ferti namque indomita propemodum pugnacissimaque natura trahenti illi exemplo cedit, vtque propius accessit ab eo continetur & quodam veluri còplexa cohæret. Sunt qui ab inuentore, ita vocato in India pastore nomenclaturæ illius rationem adferant: quibusdam autem Siderites, alijs Hercules nominatur. Hic tametsi in Ida primùm repertus sit, passim tamen apud Hispanos & in alijs quoque locis nascitur. Qui vtrò à Troade petitur, qui & albus pumici haud absimilis comparet, foemineus est, & non vsque adèd efficacis potentiae, idèoque respuitur. Æthiopicis laus & præcipua commendatio, iis præsertim qui ad cœruleum magis inclinant, quales maximè in Æthiopia Zimiri regione arenosa reperiunt inuenio. Æthiopici argumentum est, quòd Magnetem quoque alium trahit. In metallis ferreis oritur. Hunc Germani atque Itali habent, fertugineo tamen seu pullo magis colore: qui qua parte cœruleum propinquius refert, acrius trahit. Autor est tamen Diogenianus, probatissimum Magnetem argenti adèd similem esse, vt incautos facillè fallat, quem & ad maleficia præstantiorem esse testatur. Porro omnibus præfertur qui maximè trahit, & qui vsus Hæmatiten ferè repræsentat. Quod autem ad vites, qui

Nominat.

Genesis.

Probatio.

Virtutes.

attinet. Pptus triobolorum pondere ex succo sceniculi hydro-
pici aquam detrahit: ferro item intoxicato vulneratis præsent
remedio subuenit, oculorum medicamentis imponitur præterea
& ad epiphoras: adusta verò crematus tritusque sanat. Cõmen-
titium putò quod de Magnete quidam nugantur. Nempe quòd
in somnis ignorantis sceminæ capiti subditus, adulteram lecto
deturbat, fidelem verò probamque vxorem ad mariti amplexus
etiam dormientem, proleçtet. Vanum insuper nec è republica
esse iudico, quod quidam Magnetem furibus suo fumo atque
uidore vsui esse narrant: quasi scilicet ad furta lapis natus sit.
Hic subit vehementer mirari, admiratione non vulgari dignã
huius lapidis tractricem virtutem, qua videlicet ferrum non so-
lum quòd contingit coram, trahere, verum etiã & suo contactu
similes in id transferre vires trahentes, vnde & aliud quodeun-
que congeneum ferrum conuellere possit, vt viderim non rarò
plures acus hac ratione sese suspendere, tanquã scilicet mutuis
sese manibus inuicem cõprehendissent. Quinimò non desunt
qui facto periculo affirmare audeant ferrum à Magnete in libra
posito tractũ nihil Magneti ponderis adicere, ceu nempe ferri
grauitas vi lapidis absorbeatur. Porro tractricẽ hanc virtutẽ ab
vrsa cœlesti Magnetem mutuarum esse conieçtant, argumento
quòd acus hoc afficta libere in solaribus horologiis pendens
ad vrsam saltem minorem ferè moueatur, Magnetis potentiis
acum sequacẽ trahentibus: vrsa verò vtrumque acum & lapilli
in ea virtutem, ceu sibi affinem congeneamve, conuellente at-
que alliciente, eademque vi sidus hoc appetẽte. Quod si ita est,
facultas illa Magneti cum ab initio pẽrfulsa est, tum perpetuo
vrsa radiis & influxu vegetatur. Proinde si quis eorum quæ de
lapilli huius trahente potestate diximus, rationem expetat, nõ
in scitẽ responderi possit virtutis eius causam esse cum lapilli
specificam formã, tum eius germanitatem cum ferri natura, &
eorum quidem vtriusque consensum cum vrsa illa cœlesti, cui
& obnoxior sit lapillus ipso ferro. Quibus & id ad stipulari vi-
deo, quòd solum ferrum Magnetis viribus parere palam con-
spiciatur, easque cõtymaciũs retinere perpẽdatur. Ad hæc, quòd
(autore Plinio) vulnera asperiora sunt ferro, Magnete cõtactõ.
Porro huic lapidi contrariam inuenio Theamedẽ Gemmã, om-
ne à se ferrũ respuentem profigantemque. Est & Plinio genus
aliquod Magnetis, vitri liquorem alliciens. Lapillo item illi
cum alio discordia est non obscura: is siquidem alio illitus tra-
ctricem omnem facultatem perdere fertur. Dissidet etiam cum
Adamante, qui & iuxta positus illum trahere non sinit, quini-
mò conuulsum iam ferrum ad morsus illico reuellit. An autem
vires

Theame-
des lapis.
Discordia.

vites hæ occultæ mirificæque Cacodæmonum imposturis adscribi debeant: an potius inde auidius admirandus atque laudandus Dominus omnium creator Deus, ac per ea quæ in hoc lapide facta sunt, sempiterna eius virtus & diuinitas magis cognoscenda, & in mirabilibus suis operibus benedicenda; tuum esto iudicium Lector.

De Hamatite.

C A P V T XXV.

Quando superiore capite Hæmatitis meminimus, non abs re quædam & hæc de eo recensere operæpretium videtur. Duo itaque Hæmatitis genera Plinius facit: alterum à Magnete cognominatum, sanguineo exterius colore, ideòque tritus is sanguinem refert, ferrum tamen Magnetis modo minimè trahit. Hunc pro vero Magnete à non paucis pharmacopolis damnofo errore venūdari vidimus. Alterum autem Hæmariten dicit idem Plinius venis rudentibus discerni, hoc est, ab optimo descivisse iudicari: ita enim Plinium intelligo. Hic siquidè Dioscoridi probatissimus est, non qui intermixtas habet venas rubentes, sed qui puro colore (ut eius verbis utar) niger est, durus, in se æqualis, & nulla infectus sorde, nullòque zonarum excursu. Itaque duæ nobis præcipuæ hæmatitis species relinquuntur: altera exterius rubens, interius autem nigricans; ut Magnetis colorem quadamtenus imitari videatur: altera verò omni ex parte nigra. Quamquam nec me fugiit alia etiam à Plinio numerari illius fastigia, verùm duo hæc nostro instituto suffecerint. Neque enim de singulis Gemmis, sed de selectissimis vulgatissimisque disserendum suscepimus. Porro quod ad vires attinet, oculis cruore suffulis mirè prodest, muliebri profluviū sistit, & cum mali punici succo iis qui sanguinem reiciunt confert. Vesicæ præterea utilis est & serpentium ictibus. Ex lacte oculos à lachrymis vindicat. Imò & ipsos procidentes ingenira vi continet cohibetque. Calfactoriæ & extenuatoriæ est facultatis.

Genera.

Probatio.

Virtutes.

De Succino.

C A P V T XXVI.

Variæ multùm de Succini ortu autorum sententiæ sunt. Prætermisissis tamen de eius origine & natura opinio-

nibus diuersis, sed & de eo ridiculis Poëtarum fabulis, in India atque Germania Plinius tradit nasci defluente medulla arboris è pinearum genere: quem admodum è Cetao, gummi, & ex Picea, resina redditur. Erumpere namque humoris abundantia, succosumque primum esse, dein verò vel rigore vel tempore autumnii densari atque durari confirmant, & intumescere tandem marinis ætibus rapi, ac in litora nonnunquam transportati aduersa. Indeque succino nomen, quod pini arboris succus esse credatur, argumento quod attritum pineum refert odorem, accensumque tedæ modo nidore stragret. At liquidum primo stillare indicio quidem sunt quædam intus translucientia. Porro succinorum tria esse præcipua genera litteris proditum est. Primum, quod melleo colore conspicitur: secundum, quod Phalerum vinum: tertium quod candidum refert, quod & odore præstantissimum est. Præferunt quidam Phalerum, fuluum scilicet ac translucens consimili vndeque substantia & concremento, ea tamen lege vt non nimio ardore flagret, sed leuem tantum ignis ostentet anhelationem, non autem igneum fulgorem adsequatur. Apud multos autem alium odoris illecebræ commendat. Rude quidem primum & austerrum legitur, tandem verò adipe lactentis suis incoquitur, deinde expolitur. Porro quod ad succini virtutes spectat, infantibus pro amuleto ligari, lymphationibus prodesse, ac lotij difficulcatibus, inuenio. Præterea in poline exhibitum albos menses, stomachi fluxiones, ventrisque profluvia sistere, cerebro didicimus experimento. Cor & cerebrum vel odoris præstantia propalam recreat. Ex melle teritur ad oculorum finiendas humiditates. Attritum & calfactum festucas, quisquilias & leuissima quæque allicit & trahit, præter Oxi tamen surculos, quos auctore Plutarcho, reicit repellique, vna etiam cum iis quæcunque oleo perfusa fuerint. Succinum seplasiariorum officinis *charabi* barbaræ Arabum voce dicitur. Hoc genere & Lyngarium vel (vt aliis placet) Lyncurium contineri. coloris, substantiæ & proprietatum congenæ germanitas, multis persuasit: forsitan enim fuerit secundi generis, hoc est, Phaleri roborem referentis, species quædam ardentior. Fabulosum omnino esse suspicio est, quod plerisque Gemmarum persecutoribus videtur, Lyncurium ex Lyncis animalis vrina arena mox à deiectu contexta, Solis deinde ardore concreta ac durata consistere.

Genera.

Probatio.

Vires.

Lyngarium.

De fictitiarum à veris Gemmis differentia & dignoscendi ratione. CAP. XXVII. & ultimum.

NON mediocrem fidei ac maiestatis partem Gemmis ademit de republica pessimè meritorum hominum pertinax avaritia & luxus. Quandoquidem inde factum est, ut tam subtili dolo ferè omnis generis Gemmæ adulterentur, ut à fictis veras dignoscere vix sit aliquis modus. Sunt quippe quæ ex veris, ac vilioribus, alterius generis lapillos ementiuntur: ut iam vsus percrebuit multo contumacique igne Sapphiro Adamantem fingere, & tanta arte imitari, ut multis hic fucus non ratiò imposturam faciat: vocantque album Sapphirum. Quibus longè perniciosiores sunt, qui nitro, vitro, ac aliis vilissimis materiis, adiecto coloris mendacio, optimas ita æmulantur, ut sua nequitia naturæ opus, sagacissimamque & inuincibilem artem, tantum non assequantur, qui utinam à republica amandarentur: suis namque id genus fallaciis tam huic quàm auctoribus, qui solerti studio & diligenzia de verarum Gemmarum natura & viribus doctissimè disseruerunt, ita quidem imponunt, ut dum qui ementitas decepti, pro Germanis emerunt, easque iis non esse præditas facultatibus deprehendunt, quibus philosophi naturales donatas esse confirmarunt, & Gemmas, & de ipsis definientes auctores, vel vilitatis vel mendacij atque temeritatis damnent, vel etiam plerumque malè audiant qui certissimas absolutissimasque commédant. Ut itaque impostorum vitari queant scelestissimi fuci, paucis Gemmarum probandarum rationem persequi libet, ubi primum te monuerimus & has multo xuo senescere, proindeque & gratiam & vires sensim multis seculis deponere. Pelluentes igitur lapilli sereno ac matutino cælo: omnino autem in horam quartam probari debent. Re namque compertum est iis hótis ac aëris constitutione penitus longè introspecti posse quicquid vitij habeant. Porro & pondere internosci comperio, quamquam & hîc diuersas multum auctorum esse sententias animaduertam, nonnullis enim placet generosas grauiiores esse: aliis contrà sentientibus, eas scilicet leuissimas minimique ponderis esse, quod & facto periculo deprehendi, nec id citra rationem fuerit: vel hoc præsertim nomine, quod ficticias cum ab ignobiliiori adeoque & minùs efficaci gente, tum ex longè obscuriori ac magis terrestri substantia fieri palàm sit, quibus etiam Plinius adstipulatur lib. 37. cap. ult. *Experimenta* (inquit) *pluribus modis constant. Primum pondere grauiiores sentiuntur.*

Gemmas
tandè se-
nescere.

Hora
probâdis
Gemmis
opportu-
na.

Pondus.
Generosæ
minoris
ponderis.

Post hæc corpore: scilicet pustula in profundo apparent, scabritia in cute & capillamento, fulgoris inconstancia, &c. Quibus coram ostendere videntur, quod à falsis intelligat veras pondere superari. Cui & id suffragatur, quoque Margaritas præferri, quæ minùs graues sunt. Examinantur denique & corpore. Eminentis quippe bullæ in profundo comparent, quas & scabra cute & capillamenti, staminum renuissimorum instar intercutantibus, conspicias: fulgore item inconstante atque iniuncto, nlore videlicet priusquam aciem complectatur elarguido. Certissimarum siquidem splendor colorve non in facie tantum (vt in adulterinis) & per omne corpus, quibusuis etiam forma & situ gratissimæ iucundissimæque visuntur, ceu scilicet ad sui decoris spectaculum blanda quadam oculos alliciant comitate: quod namque diutius inspiciuntur, hoc magis delectant, ac gratia non inefficaci obtutus explent. Laudatæ item limam non capiunt: vt vel hoc solo veras à falsis discescere mangonum magna pars norit. Sunt tamè qui Smaragdum & Topazium excipiant. Deinde & ignibus propinquæ non spurix, illææ euadunt: excepto tamen Chrysolestro ignium rapacissimo. Adhæc duriores maxime commendantur, nimirum quod lapidi propria sit durities. Quod autem ad optimatum delectum pertinet, æqualibus cauas vel extuberantes postponunt. Oblongas quadratis prætulit antiquitas: verum nunc anteponunt quadratas, vt quibus angulosis minima olim fuerit auctoritas, nunc versa vice clarior sit gratia. Illas sequuntur quæ lenticulæ forma, deinde quæ triangulæ. Omnium verò nouissimæ æstimantur rotundæ, quamuis forsitan omnibus præferri deberent, si figuræ rationem spectes.

Epilogus.

Nostreis verò his Incubrationculis ad vmbilicum tandem perductis, postremò te quoque beneuole lector admonere visum est, nil tibi mirum esse debere, quod Gemmas quandoque masculino, aliquando autem fœminino genere scripserim, nimirum cum vtroque genere, ac promiscuè illas collocari apud classicos auctores crebrò legere sit. Cuius quidem rei vel vnicus mihi testis & auctor est idoneus Galenus ille Medicorum ab Hippocrate abundè princeps libro 9. simplicium pharmacorum.

F I N I S.

Clarissimo, ac eruditissimo viro Francisco Rueo Medico, Insulis artem Apollineam profitenti, frater Paschasius Balduinus, Canonicus Phalempinensis S. P. D.

Hac Epistola super his duobus Ruaei libris iudicium continetur primum: deinde de Hebraicis Gemmarum nominibus, deque earum admiratione, usu, abusu, & viribus tractatur.

Perlecto libello, quem de viribus ac natura Gemmarum nuper elaborasti, non potui tibi non gratulari, oprime Francisce, hoc à re argumenti genus esse tractatum, ac illustratum, tum quod tuam professionem non dedeceret eiusmodi studiorum inquisitio, tum quod nos quibus potissimum sacris operam nauare opus est, permolesta animi anxietudine atque labore leuaueris. Ea enim non nihil ad sacra pertinere nullus, reor, inficias ibit, cum tam sedulò ac seriò illis interferantur, ac ordine disponantur. Atque penitus ista exquirere, quia per varia prophanorum scripta disperguntur, atque ea mente ab eis explanantur vt ad temporale commodum proficiant, per otium nobis non conceditur. Sed & Pontificiis decretis plus nimio eisdem incumbere veramur, cogimur quoque præscriptis diuinis sacras euoluere litteras. *Scrutamini scripturas*, inquit ipse sacrosanctorum oraculorum conditor, *quia vos putatis in ipsis vitam aeternam habere, &c.* Quod verò Ioannis *Apocalypses*, locum tibi potissimum delegeris, ibique traditum ordinem tenueris, ac deinceps æreterarum Gemmarum quæ celebriores habentur, non omiseris elucidationem, maximè probo. Certissimum enim ac solidissimum locum qui in diuinis literis habetur, & qui tuo congrueret instituto, selegisti, vt pote cuius interpretes & auctores idem esset de quo ambigere nefarium sit. Illa autem nomenclatio, quæ in Exodi libro digeritur cap. 28. incertior ob variam interpretum translationem, & diuersas scriptorum opiniones habetur. Si voces Hebraicæ perinde compertæ essent atque Græcæ, nulla eligendi ratio, nisi forrè quia hæ ad sacerdotium ornamentorum splendorem, illæ autem ad ciuitatis diuinæ cultum & ornatum pertinent. Nunc quia Hebraicus sermo paucissimis fuit agnitus qui externarum linguarum habuere peritiam, tum ob vetustatem, tum ob solitariam Hebræorum vitam qui ab aliis gentibus segregati, earum commerciis rarius vterentur. Græcus autem tam nobis familiaris, vt in quotidianum vsum nostrum

hebraica
nomina
Gemmarum.

Sapphi-
rus.
Iaspis.

nostrum tranſierit, meritò quod ſic uſitatũ habetur, præ altero
tibi in explanationis materiam ſumpſiſti, ne ambiguis funda-
mentis iactis totum quod ſuperſtrueretur vacillaret. Hebræi
ſiquidem maximè huius ætatis, tãta caligine in horum notitia
excitant, ut pluſquam talpas exoculatos credere fas ſit: niſi
fortè quorundam lapillorum Hebraica vox in externam lin-
guã detinuta antiqua veritatis veſtigia etiam cæteris nationi-
bus reliquerit, ac inde à primis auis ad nos uſque permanarit
illorum incolumis nomenclatura. Quotum præter Sapphirum
qui ipſis uniuocè quoque dicitur, & Iaspidem Iasphe nomina-
tum, nullum crediderim hac ratione cognitam: tamen etiam
in Iaspide aliud interpretes nonnulli ſentiant, eundem in Be-
ryllum vertentes, cæterorum nomina ad linguam noſtram
traſſata variant, aliis alia ſuſpiciantibus. Vnde non ſatis com-
pertum habetur an idem Diuus Ioannes factis illis Gemis
antiquitus per Moſen proditis alludere, vel conuenire volue-
rit, quandoquidem in nominum deſcriptione cum interpreti-
bus antiquis non plurimum diſſentit, hoc eſt, tantum in Car-
bunculo, Achate, Ligurio & Onychino, quarũ vice Chalcedo-
nium ſive Carchedonium, Sardonychen, Hyacinthum & Chry-
ſopraſum, conſtituit, ut non ſatis liquidum ſit de interpreterum
fide, cum iam omnis illorũ verſio in dubium à nonnullis vo-
cata ſit. Arbitror tamen illum non eoſdem lapidos adiicere
voluiffe cum onychis, qui apud Moſen inter duodecim Gẽmas
memoratur nullam mentionem fecerit, quem plerique omnes
in eo nomine ab Hebraica voce ſcholam traſſatum vocitant:
niſi fortè Sardonychen idem Ioannes pro illo ſtatuerit quod
Ioſephus facere videtur. Cuius onychini lapilli in tuo opuſcu-
lo vix recordatus es, cum tamen præ cæteris in veteri inſtru-
mento eius mentio frequentius repetatur. Arbitror id conſul-
tò tibi accidiſſe, quod malignioris ſit naturæ, nec inter ce-
lebriores Gemmas ſupputetur, neque tantæ ſit dignitatis & uſus
ut curæ tibi fuerit illum enucleatius explicare. Quod idem in
Lyncurio, quem noſtrates Theologi aut Phyſiologi Ligurium
appellat, efficerè viſus es niſi quòd ſuccini naturam demon-
ſtrans eius aliquantulum memineris. Porro cæterorum qui ſa-
cris libris continentur, quos tamen Apocalypſis non habet, gau-
deo te non fuiſſe oblitũ, quatenus non minus è re Theologica
fuerit hos noſcere quàm illos. Carbunculum & Achaten Exo-
dus liber cap. 28. atque Ezechiel nobis exhibent, Adamas quo-
que ab eodẽ Ezechiele cap. 1. & Zacharia uſurpatur, quamuis
hoc potius interpreti Latino quàm veritati tribuerim. Neque
enim Hebraicus ſermo permittit Gemmam omnium nobi-
ſſimam

Probatio.

lissimam intelligi: cum durities indicem tantum, qđ prę signis
 eminencia petatur, ut etiam sit ę filice illic memorato. Intelle- Virtutis.
 xerim itaque pro illo aliquod saxi genus: quod etiamnum
 Gręcus interpret ostendit, in petram eam vocę vertendo. Sunt
 qui in Exodo ac Ezechiele loco lapidis Adamantę collocent,
 tanta est Hebręorũ oculis offusa caligo. Nec non sunt alij qui
 pro vitro, quod Iob c. 28. ab interprete positum est, vocem He-
 braicam Zecucith, in adamantem vertendam aurument. Idip-
 sum pene in omnibus Gemmis reliquis vsuuenit Hebręis ut
 subinde nouā vel aliam pro alia excogitent: sic sunt cęci erro-
 rũ magistri, quibus illę dirę ę sacro Psalte profusę imputar-
 tur. *Obscurentur*, inquit, *oculi eorum ne videant*. Est quoque eodę
 cap Iob vocabulum, quod in corallium trahunt cum nusquam
 in sacris habeatur: id autę est pro quo, excelsa, traduxit inter-
 pres Latinus, minus consideratę vocem Hebraicam pro altera
 sumens. Inuenimus quoque alteram vocem, in eminentia, in
 eodem cap. versam, quam etiam volunt esse cuiusdam Gemmę
 symbolũ, Gabis ea dictio scribitur. Hęc autę dixerim ut tuam Gabis.
 consiliũ approbem, qui diui Ioannis Gemmis explanandis, re-
 liquas etiā vsu & dignitate celebriores non omittędas censue-
 ris, in quę eas quę sparsim in diuinis literis leguntur, tametĩ
 clarũ non sit quę sint, verisimile fuerit contineri. Non obue-
 rim tamen illud primum seculum, quo sacre conditę sunt scri-
 pturę, hoc est, Moysis ætate, non vsque aded fuisse edoctum ut
 omnium Gemmarum pernouerit naturas & vires, cum inficiari
 nō queamus illud tunc primũ omnem ruditatę exuisse, & per-
 spicuum sit ab ætate Plinij non parum immutatam esse earum
 Gemmarum æstimationē. & quibusdam non parum precij ac-
 cessisse, cum eo tempore primũ vel secũdum dignitatis locum
 obrinerent vniones, nunc autem vix quartum sortiantur H-S.
 idest, festeritiũ centies vna Cleopatę Ægypti reginę Margari-
 ta, quę summa non minus æstimatur ducentis & triginta qua-
 tuor millibus trecētis quoque & septuaginta quinque ducatis.
 Potuerunt itaque eo rudi seculo Adamantes & nonnulli alij la-
 pilli primę nunc indicaturę fuisse ignoti: & qui maximę tunc
 dignitatis fuisse, temporis accessione, nobilioribus cedere cę-
 perunt. Ecce quđ me protraxit tuus de Gemmis lapillis ope-
 rosus labor. Cernis quis tandem Epistolę finis erit, si cuncta
 examussatim pergam edicere quę fecundũ hoc tuũ argumen-
 tum parere possit, si mysticas ę singulis Gemmis significaciones
 eruere parem: si duodecim fundamenta his lapillis ornata, por-
 tasque singulis Margaritas extructas, Theologorum more, ad
 morum fabricę & sacramentorum expressionē trahere velim. Gemmaũ
admira-
tio.
Gemmaũ
pretium.
 Quem

Cōtra lu-
xum in
Gemmis
gestan-
dis.

Admira-
tio earum
rursus, &
gestatio
licita
quæ.

Quem hæc contemplatio, atque tam decori habitaculi adum-
bratio, ad vitæ purioris splendorem nō pertrahat? quis prauos
mores ad rectitudinis lineam huius ciuitatis tam speciosæ de-
siderio, non cortigat? quis tam obesæ mentis & hebetis ingenij,
qui non ex iis perpendat, quanta munditiæ præpollere debeant
ciuitatem tantis ornatam miraculis ingredi cupientes, cū
nihil coinquinatū, vt palam diuus ipse Ioannes asserit, in illam
recipiendum sit? tam paulisper non pigebit anīmū attendere in
eos qui horum lapillorum gestaminibus gaudent onerari, vel
vt se ad exercitia spiritalia inde promoueant, quod in illis mi-
rificis vestibis quas sacerdoti magno apparatus legimus, factū
credimus: vel vt eorum fulgoribus sese venditent apud vulgus
ignobile gloriolam quampiani ex his caprantes, & quiddam
diuinum sibi arrogantes, quod Tyrio regi impingit propheta
Ezechiel, quem in medio ignitorū lapidum ambulasse sugillat:
de quo paulō ante dixerat, *Ed quod eleuatum cor tuum quasi cor
Dei.* Et pōst, *Omnia lapides pretiosus operimentū tuum.* Eiusmodi ho-
mines quis nō fateatur degeneris esse animi, qui propriis orna-
tibus priuati, hoc est, virrutibus denudati, exoticos & externos
cultus asciscunt, tiaras, digitalia, cingulos, & quid non frequen-
tissimis lapillis infarciunt? perinde ac si illos vertendi essent,
animi natia ornamenta fastidientes. His hominibus si vel men-
tis mica inesset, cura diuersa, ea nimirū quæ omne factitium &
cōmentitium aspernatur, in primis appeteretur, quas honestos
mores illis ipsis lapillis designatos induere satagerunt. Excel-
lens quidē naturæ opus & non exiguum miraculum est Gem-
marum natura & vis, si spectetur materiæ temperamentum &
quædā lucis cum elemētari crassitie copulatio, & eo præcellen-
tius quo durabilius: & tam est mirabile, vt ipsa natura suam
totam vim in earum opificium collegisse ac effudisse videatur.
Quamobrē has gestatoris, quia summopere inuentium ocu-
los alliciunt, expedit, vt cuiusdā insignioris operis symbolum
aut signum adsumant, quod mens haud in paucis naturæ gradi-
bus illas antecellē vegetior, & ad suæ operationis promptitu-
dinem accommodatior reddatur: & ad æternam beatitatem, ad
quā benignus cōditor illā destinauit, compendiosius perueniat.
Hoc præcipuū horū lapillorū munus crediderim, quod si de-
fuerit, indignam prorsus celsitudini humanæ gestamē poterit
indicari, nec vnde corpus quod corrumpitur ornatū aucupatur,
inde maius dispendiū animus celestibus natus incurrat, ne
nimio lapillorum fulgetris addictus, lapideus etiā ipse animus
eualet, ac proinde à suā conditione decidat: nec ab iis honoris
subidiū quærat, quibus ipse opinionem honoris elargitur. Hac
ratione

ratione agnoscant Reges & Pōtīfices, & quicunque horum ge-
 stunt adiacenti luce gloriores apparere eorundē vires, illas-
 que ad animi vegetationē transferāt, vt in Sapphiro sit castitas
 & cœlestiū amor, in Carbunculo ardens charitas, in Adamante
 iustitiæ cōstantia, in Smaradgo facilis humanitas, & in cæteris
 simile aliquid quod menti virtutē tribuat, nec quid dā similitu-
 cum referant hoc est, ne sicut simia in purpura fastum quēdam
 ostendent & se ridendos præbeant. Nolim tamē salubres Gem- Vires na-
turales.
 matū vires attenuare, corporibus humanis oppidō quā pro-
 futuras, si cōmoda illis applicentur. Qvas vires & proprietates
 vt reliquatū rerum, corpori humano cōducibiles, fuerit phy-
 sicorum vestigare: illa verō signa quæ mētē moueant, Theo-
 logorum: vt in eadē re tractent medica physici, & diuina Theo-
 logi, atque sic vnumquodque membrum in mystico Christi
 corpore, suo munere dignē perfungatur. Vides optime Franci-
 sce, tui libelli lectione me nō parum fuisse delectatum, quī tot
 verbis gaudium testatū reliquerim, & affectus hos velut ostro
 percitus vel potius numine afflatus ediderim, ne prorsus per-
 ditum laborem tuum autumes. Nam si eiusmodi fructus neuti-
 quam sequantur, frustra fuerat à sacris tuum argumentum pe-
 tisse: quandoquidem luce clatius est in his Gemmas esse me-
 moratas non vt corpori decorando seruirent, sed animi virtu-
 tibus vel conquirendis vel conseruandis proficerent: sed neque
 alioqui plurimum decessisset eundem libellum cuius *ieherouy-
gounton*, dicare, quibus sacra tractate semper incumbit: sed ne-
 que me censorē statui oportuisset, cuius vires tantæ rei expe-
 diendæ impares sunt. Non pauca etenim è philosophorū ady-
 tis, nonnulla è Theologorum placitis in medium deduxisti, de
 quibus certum ferre iudiciū difficile fuerit, quādo nec sum-
 mus Philosophus possit omnibus his sufficere, & Theologus
 interdum connuebit, nonnunquā dissimulabit, modò nihil sit
 oraculis cœlestibus ac ecclesiasticis dogmatibus repugnans.
 Eiusmodi sentimentorum nonnunquam narratorem, non as-
 sertorem suspicio, quodd habear non infimos auctores quibus
 acceptum feras quod exptomis, & quibus te tucaris, cū libe-
 rum sit in plerisque vtramque partem fouere. De quibus nunc
 esset longius quicquam dissetere, præsertim cū probè calleas
 quid intus habeam. Relinquo sua Astrologis apotelesmata,
 Theologorum turbam non modò refragentem, sed manibus
 pedibusque illò adrepentem interim dissimulo, de quibus nihil
 mihi libet nunc scribere, quando prolixior ipse fuerim quā
 putaueram, præsertim tibi occupatissimo, cuius seria interpel-
 lare, piculi quiddam refert. Vale.

F I N I S.




Alardus Rueus etiamnum puer , Patris
obseruantissimi libellum Lectori
commendat hoc Elegiaco.

*Qui legis inuisti conuiuia cruda Thyesta,
Discerptumque vagis curribus Hippolytum.
O Edipodémque oculis captum : structámque venenís
Medeam, regum belláque ficta legis :
Qui legis Harpyias, Centauros, Gorgonas, Hydram,
Quid nisi monstra, precor, prodigiosa vides ?
Talia quæ cruciant animum malè sana faceffant,
Quæque virum sapiant perlege scripta Patris :
Hic vim gemmarum tractat quæ cognita longè
Illarum vincit commoditate decus.*

Eiusdem ad patrem integerrimum
Epigramma.

*Ecce pater, volitant totum tua scripta per orbem,
Docta per æternos scripta legenda dies :
Nempe tuo exemplo me nostrum nomen in auras
Spargere vis : tutum nunc pandis iter.*





1-7-3-4

